




L. 5.139

4 D. 5

XXII

RVP



HISTORIA
UNIVER-
SALIS.

Sublimis ac perennis
FAMA

Sub

LEOPOLDO,

Summo velut Magistro,

Augustas vexillationes, tubâ directâ,

ad notum Aquilæ nutum,

superiùs regens

silèt, admiratione suspensâ;

dum grata inferiùs colloctioni

aures per auras præbet.

HISTORIA & BELLONA & EUTERPE,

inter tot rudia lapidum rudera,

non lapides loquuntur;

nec lapidi dicunt, quod dicunt:

Bellona bella memorat, Euterpe monet,

Historia ut artes inserat volumini.

En, hasta fortes denotat, doctos chelys!

A tergo Illarum

canus, incurvus, tremulus Temporis senex

(nam quid decrepito cum Venerum triga?)

in falcem pariter ac numos pronus,


promusq, tibi, nec sibi, prodest,

LECTOR!



C.A. Fugerti.
HISTORIA
UNIVERSALIS,
ex
antiquitate Añalium,
Fastorum,
Lapidum Numorumq;
eruta;
et
Lucem prolata
a
Arnoldo.

G.
Strauchm.
P. Truchol. f.



CHRIST. ADAMI RUPERTI,
*Wcrtheimensis Franci, in incluta Altdor-
phina quondam Hist. Prof. cele-
berrimi*

OBSERVATIONES

AD
HISTORIÆ UNIVERSALIS
*Synopsin Besoldianam
minorem.*

Quas
CHRISTOPHORUS ARNOLDUS,
in Æde Mariana V.D. M. & Eloq.
Poës. ac Græcæ Ling. P.P.
recensuit;

*Et ad hæc usq. tempora scripsit
Supplementum.*

His accesserunt.

Tabulæ Chronologicæ,
unà cum necessario
Indice.



NORIBERGÆ

Typis & Sumptibus MICHAELIS ENDTERI,
A. C. cl. l. c. LIX.

CHURCH OF THE HOLY TRINITY

NEW YORK

1850

1850

1850

1850

1850

1850

1850

1850

1850

1850

1850

1850

1850

1850

NOBILISSIMO, STRENUIS-
SIMO, PRUDENTISSI-
MOQUE VIRO,

DN. JODOCO CHRISTO-
PHORO KRESS A KRESSEN-
STEIN, &c. JOD. CHR. F.

FLORENTISSIMÆ REL-
PUB. NORIBERGENSIS
SENATORI DIGNISSIMO,

FAVTORI OPTIMO,

Christophorus Arnoldus
S. P. D.



NOBILISSIME AC STRE-
NUISSIME DOMINE!



*St, ut dixit (1) Joh.
Saresberiensis, in
quavis professione
invenire militem glo-
riosum, qui obsequiis
& muneribus suam Thaidem, id
est, nomen celebre, & quasi famæ
gratiam captat. Sed & ei nec Gna-
tho, qui decipiat; nec Phædria, qui
laudem præripiat; nec, qui dona cor-
rumpat, adolescens; aut servus Par-
meno, qui desipientem irrideat, deest.
Isti nempe dant operam, ut cum ra-*

(1) lib. IV. de Nug. Curial. c. 3.

tione

DEDICATIO.

tionē infaniant ; dum illustrium virorum *nomina* rapere, & *ludificando* clepere haud erubescunt: neque enim in verecundia habent, quod inquent.

Tantum verò abest, NOBILIS-
SIME DOMINE, ut hæc eadem
meæ rationis regio sit & via; ut il-
lorum potiùs hominum sectam at-
que instituta persequar, qui alienæ
usuram gloriæ turpem & indignam
putant. Lucubrationes hæ meæ
non sunt (nam meas scriptiuncu-
las, quarum me pretium non latet,
conspectu Tuo indignas judico)
sed Illius, cui pleraq; omnia vete-
rum literarum quæsitæ evigilataq;
(5 erant:

DEDICATIO.

erant : Nulli tamen malui hunc
RUPERTI P. M. laborẽ, quàm
Amplissimo Nomini Tuo dedica-
tum. Quod meum factum ut in
meliorem partem accipias, ea, qua
par est, reverentia & humilitate o-
ro atq; obsecro.

Sed quæres fortè, quid sit, quam-
obrem felici Præstrenuæ Nobi-
litis Tuæ nomine illas insignie-
rim? Cui potiùs, quæso, dicarem,
quàm celeberrimi Auctoris Con-
tubernali olim dilectissimo, audi-
tori affectatorique diligentissimo?
Laudarem hîc exquisitissimis, si o-
pus esset, verbis mutuam fidem at-
que amicitiam Vestram; quam in-
ter

DEDICATIO.

ter vosmet ipsos coluistis, eamque
benè firmam habuistis. Nec illud
silentio transmittendum, Te amo-
re literarũ MSS^{tis} quibusdam Ru-
pertianis nos mirum in modum ju-
visse; quibus aliàs haud sine gravi
carendum esset jactura. Cæterum
quoties mihi in mentem venit (ve-
nit autem quotidie) amicitias nos
ac studia *Lugduni Batavorum* con-
glutinasse, familiaritatem Tuam
penitùs me intraſſe; animo non
mediocrem capio voluptatem.
Adhæc das mihi jucundas recor-
dationes conscientiae ac salutis
meae, cum apud me repeto, quod
ſæpè facio, quantum Tibi in primis,
ME-

DEDICATIO.

MECOENAS OPTIME, Tuisq;
propter magna officia debeam;
quantum propter ea, quæ mihi ho-
dieque præstatis, infantiam meam
statim sentio; qui nullam possum
inire rationem declarandi KRES-
SIIS, sicut optarem, quantis me
ILLIS agnoscam esse devinctum
beneficiis. Capitolina certè Ta-
bula tot ingentibus benefactis pa-
lâm exhibendis haud sufficeret.
Hoc ego ut agnosco sincerè, ita li-
benter pro eo ac debeo, & ingenuè
apud omnes profiteor; neq; recu-
so, qui tot tantisq; in me beneficiis
sum devinctus, & usu & mancipio
esse KRESSIORUM.

Eccui

DEDICATIO.

Eccui potiùs Historiam nuncuparem, quàm inter Patres lecto; qui simul consilio ac sapientia regit ac gubernat Rempublicam? Historia enim nonne *lux veritatis* (2) & *magistra vite* est? Dicat pro me princeps (3) Philosophorum: *Utiles πρὸς τὰς πολιτικὰς συμβελάς, ad publicas deliberationes, rerum gestarum historia.* Nec temerè Polybius *verissimam* (Livii verbis) *disciplinam exercitationemq;* πρὸς τὰς πολιτικὰς πράξεις, *ad res civiles, historiã esse* dixit. Hanc ipsam, VIR PRUDENTISSIME, summo studio curaq; didicisti; hanc ab adolescentia pulcherrimè à sapientissi-

(2) Cic. lib. II, de Orat. c. 9.

(3) Arist. lib. I, Rhet. c. 5.

DEDICATIO.

mis viris traditam memoria & scientia comprehendisti; & huic tamen exquisitiùs adhuc studes, ut infinita KRESSIORUM in Remp. merita adæques, augeas, superes. Ut, inquam, beatissimi Soceri Tui, DN. CHRISTOPHORI FURERI (quam ipsam familiam vel nominasse, sit causam vicisse!) *Duum viri & Castellani quondam Eminentissimi*, recentia virtutum laudumq; vestigia pede fausto persequaris: ILLIUS enim imaginem cives non in tabella, sed in pectore adhuc gestant. Salvo FURERO nil metuebant, quàm cœli ruinam! Quid, quod MAGNIFICI

DEDICATIO.

FICI DOMINI PARENTIS
(quem Deus servasset semper!) in
gravissimis admirandæ hujus Rei-
pub. negotiis pariter ac comitiis
difficillimis compluries LEGATI
felicissimi, hoc tempore circum-
spectissimi & prudentissimi SE-
PTENVIRI, summa laus & glo-
ria, magnis periculis, magnis labo-
ribus parta, animum filii, patre di-
gnissimi, sensim ac leniter accen-
dit? Vir enim consummatissimus,
perfectæ eruditionis, cumulataq;
prudentiæ, res gestas legere non-
dum adspernatur; sed veteres cre-
brò regustare historias, novas cu-
riosè atq; contentè lectitare ultrà
digna-

DEDICATIO.

dignatur. Hinc magnus honos ac favor ille Principum, Regum, Induperatorum!

Quapropter Tibi gratulor, NOBILISSIME AC STRENUISSIME DOMINE, velut patri felicissimo de filiis; avo dignissimo de nepotibus; utrique de posteris; toti denique patriæ de æterna posteritate Vestra. Sic erunt (ceu spes est) quibus & posteri mei, majorum suorum nomine, beneficia laudare, & gratias agere porrò pergant. Nonne fato (cujus arcana quædam vis est) & forte nascendi, sub LEOPOLDO, PIO, FELICI, AUGUSTO, liberis

DEDICATIO.

liberos tollere libet, immò expedit? Magnum hoc est educandi incitamentum, tollere filios in spem libertatis, in spem nobilitatis, ac præmiorum; Sic neminem (opinor) posterorum, neminem sui parentumvè poenitebit!

Est apud Persas (4) singularis quædam & optimi ominis avis, *Huma*; quod AQUILÆ genus in aëre degere dicitur, & in eo ova, pullosq; suos excludere: Omnium verò avium (5) censetur *præstantissima*, quoniam vescitur ossibus; cæteraque *animantia non dilaniat*. Dein hæc illi virtus tribuitur, *ut ille, quem*

(4) Gentius in not. ad Rosar. Polus Sado ad pag. 47. fol. 912.

(5) Idem ad pag. 81. fol. 554.

DEDICATIO.

le, quem volans **UMBRA** sua contigerit, aut ad regium, aut ad summa opulentia fastigium evehatur: Quemadmodum noctua è contrario omnia sinistra, & præcipites rerum humanarum casus, portendere solet. Unde sapientissimus Persarum (6) *Musladinus Sadus*:

*Nemo mortaliū sub noctuæ patrociniū concesserit,
Etsi Aquila in orbe terrarum non exstiterit!*

Exstat autem **AQUILA** in orbe Romano, exstat in urbe Noriberga; Cujus *umbram* Sacrosancti Imperii cives sibi suisque vel solo *nutu* auspiciatissimam venerantur, admi-

(6) *Musl. Sadus in Res. Pol. cap. I. fol. 47.*

DEDICATIO.

admiranturq; Verbo dicam Ara-
 bum: *Rex umbra* (7) *DEI* est; Vel
 etiam Persarum: *Umbra summi*
Numinis in terra! sub qua labor o-
 mnis Historicorum nunc requie-
 scit, velut robur animis calamisque
 in hoc fumentium; ut in scribendo
 pleni virium, & virtute cæteris
 prævalentes, tractu æquali & uno
 tenore cum **AQUILA VO-**
LANTE alacrius procedant; vel
 si posteriores fuerint (ceui facile
 conjicimus) *priscae AUSTRIA-*
CORUM *virtutis σπουδαφίαν*
 saltim, sed undiq; aptam atq; per-
 fectam præstent: Haud enim exi-
 guæ molis est, quasi formam **AU-**

(7) *Gent. l. c. ad pag. 11. fol. 540.*

DEDICATIO.

GUSTISSIMÆ AUSTRIA-
CORUM DOMUS verbis ex-
primere, aut oratione res gestas de-
inceps includere ; cū non falsò
putarit FRIDERICUS IV. CÆ-
SAR, juxta *vocales quinque* symbo-
licas: AUSTRIACI ERUNT IM-
PERATORES ORBIS ULTIMI!

De *prisca virtute* quid dicam?
Obstupui, cū Majores legenti
mihi demonstravit Vir summus (&
cujus laus major est, quàm ut ma-
nu mea attentari debeat) *D. Jo. Guilelmus Mannagetta*, Archiater
Imperatoris Gravisimus, in Ora-
tione sua ad FERDINAN-
DUM

DEDICATIO.

DUM IV. Augustum Romano-
rum Regem, Viennæ Austriæ A.
C. clb. Ib. c. LIV. dicta ; quam
Corona duodecim Caesarum ex Au-
gustissima Domo Austriaca præmi-
sit. Ibi inter alia : Plinius libri se-
ptimi cap. 41. de summa felicitate
inscripsit, in quo velut miraculum
quoddam : Vna, inquit, familia Fa-
biorum, in qua III. continui Prin-
cipes Senatus. Quid hodiè diceret, si
videret, non jam tres ex una familia
Austriadum ; sed quatuordecim
Augustos Orbis Monarchas , &
continua serie undenos ? Dedit mi-
raculorum perpetratrix Austria, ab
anno nati Redemptoris sexcentesimo

decimo tertio, per Sigebertum Hab-
spurgica Domus conditorem, orbis
bono, Tue glorie Heroas ducentos
nonaginta octo: Heroinas centum
septuaginta tres. Ex his Augustos
XIV. Imò si tres adnumeremus,
ex Habsburgico sanguine ante Ru-
dolphum primum creatos, & reli-
quos decem, Eidem affinitate ac
sanguine junctos; jam gloriabitur
Romanis Regibus viginti septem.
Dedit Austria Thaumaturga præter
Cæsares orbi Reges XII. Reginas
XXXVIII. Regum & Regina-
rum Genetrices XXVI. Verbo
dicam, supra ducentas quadragin-
ta Coronas dominatrici Majesta-
tis

DEDICATIO.

tis Tuae Domui vindicavit. Et post nonnulla ibidem: Omnes miraculosè superat felicissima Archiducum Austriae propago, in hac Augustissima Majestate familias omnes, quæ à condito Imperio ejus gubernacula tractarunt, longè antecellens. Siquidem ultra ducentos & sexaginta annos, atq; ex iis ducentos & sedecim continuos, Orbi Christiano divinitus præest. Ita ut omnibus omnium gentium ac ætatum clarissimis familiis, magnitudine sui splendoris, caliginem induxerit.

Hæc dum confidero, non possum non toto pectore Familiæ cœ-

DEDICATIO.

litùs orbi datæ auspicatissima quæ-
que ominari; satis habens, & hoc
contentus uno, quod Universalem
Historiam usque ad LEOPOLD-
DUM (cui mens gratabunda: FE-
LICITER, QUOD AGIS!)
licet dispari filo, deduxi. Quod si
unus & item alter de hac scriptio-
ne mea secus censeat, succenseatve;
sciat velim, met alium favorem ne
ter uncio quidem redimere; quia
semel amissus semper est redimen-
dus: *At foro isto* (Saresberienſi ite-
rum iudice) *nihil iniquius est, quo*
rem semel emisse non pròderit; nisi
semper ematur: Et ubi quisq; rem
ab alio venditam vendicat, nisi Et
ipsi

DEDICATIO.

ipsi de pretio satisfiat. Hos igitur
nil moror: Tua æquitas, PRU-
DENTISSIME DOMINE,
mihi patrociniabitur; quam judi-
cio istorum antepono, haud im-
memor illius: *Se 'l Sol mi splende,*
non curo la Luna! Accipe à me non
meum quidem munus, verùm a-
moris in Te maximi testimonium
fidelissimum: Tibi enim, secun-
dum Deum, salus à me mea acce-
pta fertur. Benè vale, & me,
ut soles, ama!

Noribergæ, in ante d. 3. m. Marti.
(quo Rupertus fuit sepultus) A. C.
clō. lō. c. LIX.

PRÆFATIO
AD
LECTOREM.



Accipe laborem RUPERTI ultimum, Erudite Lector, secunda cura retractatum d. 17. Jul. A. C. 1645. quem absolvit feliciter d. 25. Febr. A. C. 1646. Maxime hunc librum laudibus celebrare, quid attinet? circumspectus Lector de me falsam opinionem fortasse acciperet, ac si eundem in cæcorum numero putarem; quibus graphicè id plerumq; depingitur, quod non vident; nec visuri sunt unquam. Nunc enim in memoriam redit suavis quædam historiola, quam Arabes tradunt: Patrem quendam filiam habuisse valdè deformem, adeò ut eam
cæco

cæco cuiquam in matrimonium dare co-
 actus fuerit. Hæc aliquando marito suo
 inquit : Mi vir, ô, si tu nunc usum o-
 culorum haberes, ut me vel semel
 contemplari posses ! tum demum
 conspiceres vultum meum plenilunii
 instar splendidissimum, collum me-
 um argenti instar nitidum, genas me-
 as ut aurum coruscantes, mentum ut
 rosam, labia uti rubinum, dentes ut
 uniones, linguam uti corallium. *Ad
 hæc maritus :* Quamvis ego, ô mulier,
 non oculorum quidem, sed recti ta-
 men iudicii usum habeo ; quod equi-
 dem hoc mihi persuasum est, si tu ea
 pulchritudine fuisses, qua te nunc
 mihi non videnti jactas, non te mihi
 cæco nuptum dedisset pater. *Ocula-
 tos igitur & perspicaces volo, ut facilius
 de illo existimare possint.*

*Nonnulli de vera Auctoris eruditione
 frustrà*

PRÆFATIO

frustrà (ceusolent) solliciti, nimis profecto pueriliter ac petulanter de ea affirmare, hauderubescunt, Rupertum syllogismo, ritu Sophorum, uti non sciuisse. Sciant itaque isti (qui omnia se simulant scire, ait Plautinus ille Megaronides, nec quicquam sciunt) non paucas hujuscemodi ratiocinationes in hoc ipso opere historico-chronologico legentibus hinc inde succurrere; quas saniorum ingeniiis committo, & ad horum judicia refero; non vebementer de eo laborans, quid stultus alieni artificii existimator præfractè judicet.


De cætero si quod σφάλμα vides, quod turpe sit, ne, quæso, auctori adsciscas errorem istum; qui longè perfectiorem hunc librum suo nomine divulgasset, si quidem vita suppetiisset. Sed fati necessitate, & febris malignitate subito correptus d. 27. Febr. A. C. 1647. anno ætatis

AD LECTOREM.

tatis XXXV. professionis IX. (haud si-
ne magna lugentium ægritudine, omni-
umq; lamentatione) in Academia finem
vitæ, non ita creditus, implevit. Hujus
equidem operis difficillimi editionem re-
cusavi tamdiu; dum amici precibus suis
me vincerent, mihiq; persuaderent, ut
reip. literariæ commodarem. Quod si
quibusdam minus fortè arriserit alia at-
que alia nominum priorum scriptio,
veniam dandam putem & veteribus &
novis Scriptoribus; quos difficilius inter
se conciliaris, quàm disjunctissima Pa-
risiis, Romæ, Amstelodami, Madriti,
Londini ac Noribergæ horologia. Variæ
interim scriptiois exempla si desideras,
hæc habet: Masanissa, Massanisa, Massa-
nissa, Masinissa; Ricimer, Ricymmer;
Ricomer, Richomer, Richomer9; Sti-
lico, Stilicho, Stillico; Plinta, Plenta,
Plentha; Athanaricus, Athalaricus,
Athal-

Athalricus; Theodatus, Theodahatus,
 Theodahadus, Theodahaldus; Odoacer,
 Odouacer; Mascizel; Mascezel;
 Gizerichus, Geizerichus; Artavastes,
 Artabastus, Artabasdu; Siffridus, Seifridus;
 Azumitæ, Axumitæ; Alaman-
 ni, Alamanni, Alemanni; Goti, Gothi,
 Gotti, Gotthi; Visigothi, Vuisegothi,
 Vesegothi, Vesegothæ; Amalasuenta,
 Amalasuentha, Amalasventa, Matha-
 suentha, &c.

*Ad ultimum de Synopsi minore Besoldi
 admonendus est Lector humanus, eam secundum
 editionem Argentinensem A. C. 1626. fu-
 isse recusam. Tabulas verò Chronologicas
 (ne furtum fecisse videamur) Dn. Christo-
 phoro Schradero, ex eloquentia, variaq; do-
 ctrina nobili & claro in Iulia Viro grati debe-
 mus; quarum cum summa apud nos penuria es-
 set, commodiore hac forma pralo subicere vi-
 sum fuit. His frui, Lector,
 amice, boniq; consule.*



Si juvat Historiã pernoscere totius orbis,
& celebratorũ res pēntrate Virũm:
adlis; atque peregrinare per huncce libel-
lum:

non ullum tibi iter tutius esse potest.
Hic mores hominum, bona pravaq; facta
tueri,

& quæ vitanda, aut sint imitanda, licet.
Uttere RUPERTO doctore. Fideliter ille,
à motu, ad metam ducet honorificam,

*Memoria Viri praeclaris-
simi P.*

JOHANNES MICHAEL
DILHERRUS, P. & P.P.

Maximus Tyrius: Nihil est jucundius,
quàm in Historia versari; quàm sine
labore ullo passim divagari; omnes simul
locos intueri; omnibus bellis sine periculo inter-
esse; infinitum temporis spatium contrahere;
infinitas res gestas simul cognoscere; quæ ab As-
syriis, quæ ab Ægyptiis, quæ à Persis, quæ à Me-
dis, quæ à Græcis facta sunt: bello nunc terre-
stri, nunc marino, nunc concionis mediæ consiliis
interesse: cum Themistocle in mari, cum Leo-
nide

nide in terra pugnare, cum Agesilao trajicere, cum Xenophonte incolumem redire, amare cum Panthea, venari cum Cyro, regnare cum Cyaxari. Quod si sapiens ea de causa Ulysses dicitur, quod

Multorum mores hominum lustrasset, & urbes:

multò sapientior est, qui, extra periculum, Historiæ lectione se explet. Charybdin videbit; sed sine naufragio: Syrenas audiet; sed sine vinculis: cum Cyclope aget; sed miti & pacato. Et si eo nomine felix fuisse Perseus judicatur, quod passim alarum vagaretur beneficio, totam terræ naturam, omnia intueretur loca: multò & levior certè & sublimior, his Persei alis, habenda est Historia; qua passim animum circumfert nostrum. Dis-


fertatione XII.




CHRIST. BESOLDI JC.

SYNOPSIS MINOR

Rerum ab orbe condito
gestarum.





INTRODUCTIO IN HISTORIAM.

CAP. I.

De Statu rerum humanarum ante Monarchias.

Historia, temporum testis:
Dum totius humanæ vitæ perio-
dum ob oculos ponit, Mundi
vanitatē, Deiꝑ, providentiam
& Judicia justā docet.

Tractat res gestas ante & sub quatuor
Monarchiis.

Adam primus homo, ad imaginem &
similitudinem Dei conditus (de terræ nem-
pè limo ab ipso Deo formatus, vitæꝑ; spira-
culo animatus) in Paradisum voluptatis col-
locatus: Eiꝑ, solatii & propagationis gra-
tiâ, Eva, ex costa ipsius formata, conjuncta
fuit. Verùm in tanta felicitate & perfe-
ctione non diu perstiterunt. Etenim pau-
lò post ob inobedientiam ejecti inde sunt
ambo.

Synopsis minor

Filii eorundem recitantur Cain, Abel, Seth. Quorum Cain, primus parricida, pi-um Abelem ex odio & invidia interfecit.

Adam noningentos & triginta annos natus, mortuus est. Cujus filius Seth, postquam Enos genuisset, noningentos & duodecim annos natus, naturæ concessit.

Enos attigit annum noningentesimum & quintum. Reliquit filium Kenan, qui noningentesimo & decimo ætatis anno vitam cum morte mutavit.

Hujus progenies Mahalaleel vixit octingentos & nonaginta quinque annos.

Filius ejus Jared superavit noningentesimum & sexagesimum secundum annum.

Cujus filius Henoch, postquam Methusalah procreâssset, piè & sanctè vitam egit; ideò vivus in cœlum translatus est.

Methusalah, omnium hominum ætates excedens, obiit anno ætatis suæ noningentesimo sexagesimo nono.

Filius hujus Lamech anno septingentesimo sexagesimo septimo è vita excessit.

Noah ejus proles genuit Sem, Cham, Japhet.

Quo tempore Deus ad scelestum hominum

Historiarum.

minum genus vindicandum diluvium im-
misit, Anno 1657.

Ne autem imago Dei penitus corruer-
et, Deus Noah cum sua familia in arca (in
qua anni spacium fuit) observavit. Atq; hæc
ante diluvium contigerunt.

Post diluvium Noah filiis suis terram
colendam distribuit: Ab hisq; dissemina-
tum est omne genus hominum in universo
Mundo.

Cham verò immemor pœnarum divi-
narum, non erubuit parentem irridendum
fratribus suis propinare. Quare maledi-
ctionis notâ insignitus fuit. Primi autem
Mundi antiquitates Lambertus Danæus
exequetus est, quatuor integris libris, ju-
cundâ varietate refertis.

CAPUT II.

*Initia prime, seu Babylonice Mo-
narchiæ: Quæ etiam Assyriorum
& Chaldaeorum vocatur.*

ANte Diluvium, Imperii cujusdam po-
testate, homines fuisse gubernatos, ex
Chaldæo paraphraste liquet: Qui Filios
Dei, quorum Genes. cap. 6. v. 2. mentio fit,

Synopsis minor

Princeps interpretatur; eosq; postea Gigantes, id est, Tyrannos procreasse refert.

Post diluvium verò, novorum Gigantum auctor fuit Nimrod, Nohæ pronepos: Ab aliis etiam Saturnus dictus (potens venator coram Domino) in terra Chaldæorum unà cum suis confidens, Babel urbem, perpetuum nominis sui monumentum, ædificare cœpit.

Offensus autem Deus, irritos fecit illorum conatus, linguarum conturbatione immisâ.

Posthæc Assur, Medum, Magogum & Moscum, Principes Coloniarum huc illuc misit, qui Regna sui nominis conderent; Assyrium, Medum, Magogum, Moscum.

Assur, teste Scripturâ Sacrà, Nineven urbem ædificavit.

Nimrodo successit filius Jupiter Belus, qui omnem agrum in Sarmatiam usq; Europæam occupasse traditur. Reliquit Ninum.

CAPUT III.

Continuatio ejusdem primæ Monarchiæ.

NInus productis longè lateq; finibus, Monarchiam primus omnium incepit.
Ab

Historiarum.

Ab hocq; teste Orofio, *lib. 2. cap. 2.* omnes hiftoriæ incipiunt: De eoq; Justinus *lib. 1.* tradit, eum veterem & quali avitum gentium morem novâ Imperiorum cupiditate mutâffe.

Tandem ictu fagittæ interiit, relicto filio impubere Zamei: Quem alii Ninyam vocant.

Ejus igitur uxor Semiramis, ne Regna vi capta defciscerent, sexum virilem mentita, divitiis, victoriis & triumphis nulli mortalium ceflit.

Æthiopiam devicit: Et in India quoq; bellum gellit.

Zameis nihil memorabile fecit. Proximus ab eo Arius, Bactrianos & Gapsios imperio fuo conjunxit.

Aralius huic fuccedens ingenio & ftudio militari clarus fuiſſe traditur.

Baleus alter ab eo plurimas gentes perdomuit, fuos fines ad Judæam uſque produxit: Ideoq; Xerxes, hoc eſt, bellator & Triumphator fuit cognominatus.

Armarrites, qui hunc excepit, voluptatibus & otio planè addiſtus fuit.

Belochus auſpicia & divinationes curâſſe traditur.

Synopsis minor

Baleus hunc sequutus, alteram à Semiramide virtutis & industriæ militaris laudem habet, atque doctorum hominum scriptis valdè celebratus fuisse dicitur.

Altadas stultum esse duxit, multis defatigari laboribus & variis implicari curis, amplificandi regni causâ, quia ad nullam hominum utilitatem, sed ad detrimentum potius pertineret.

Monitus belli curam atq; laborem in suis iterum excitavit: ejusq; potentia Syriis & Ægyptiis suspecta fuit.

In Mancaleo narrandi argumentum deficit. Sphæri magna fuisse virtus atque prudentia dicitur. Mamelii nullum facinus commemoratur. Sub Spareto, proditum est, passim accidisse miranda.

Ascarades omnem Syriam suæ ditionis fecit.

Ab hoc deinde viginti Reges ab aliis numerantur ad Sardanapalum trigesimum octavum Assyriorum Regem. Eumq; Vellejus tradit, à Nino & Semiramide, loco tertio & tricesimo (levi numerorum ab aliis, quos sequimur, variatione) natum: sic ut semper successor Regni paterni, filius esset.

Fuit

Historiarum.

Fuit hic omnium longè effœminatissimus, inter mulierculas perpetuò desidens, colum & lanam tractabat, nemini sui conspectum præbens.

Ejus autem præfecti, Belochus Babylonix, Arbaces Medorum his rebus abalienati, factâ conjuratione bellum ipsi intulerunt, & eum fugârunt.

Sardanapalus igitur re malè gestâ, & pyrâ constructâ, se divitiasq; omnes in ignem abjecit, hoc unico facto virum (ut quidam ait) imitatus Anno à condito Mundo 3148.

Porro hi duo præfecti Monarchiam post inter se patiuntur : Et Belochus quidem Babylonix, Arbaces verò Medorum atq; Persarum Rex factus est.

Belochus post hanc mutationem, primus Assyriorum Rex, Manahen Regem Israël, vectigalem sibi fecit.

Ei successit Phul Assur, qui urbes aliquot Judææ cepit, & populum in Assyrios captivum abduxit. Hunc ipsum Achaz, Rex Judæ, sub quo vixit Esaias, de auxiliis interpellavit adversus Regem Syriæ, eique dona misit.

Synopsis minor

Salmanassar Samariam urbem post tri-
um annorum obsidionem cepit : Hoseam
Regem Israëlis, unaq; populum abduxit, &
per suam ditionem illis domicilium attri-
buit, anno Mundi 3232.

Sennacherib Ezechiam Regem Judæ
multavit : Deinde cum ingenti exercitu
Hierosolymam obsedit, missis legatis po-
pulum ad defectionem hortabatur: Regem
à Deo auxilium sperantem irridebat. Qua-
re, Angelo Dei percutiente, desideravit
una nocte ad centum octoginta quinq; mil-
lia hominum. Tandem interfectus est à fi-
liis suis Adramelech & Sarasar, qui, licet
fugerent, tamen arma in fratrem Assarad-
donem parârunt.

Assaraddo post parentis necem regni
occupans, cum fratribus conflictatur.

Merodach autem Babylonix præfe-
ctus hisce turbis descivit, vicinas gentes par-
tim vi paulatim ad se transfert, indicit bel-
lum, & duodecimo Regni sui anno Assa-
raddone devicto, totum Assyriorum Impe-
rium Babyloniiis adjunxit. Successit ei filius
Benmerodachus, qui Regem Judæ Manaf-
sem cepit, sed post humaniter dimisit.

Se-

Historiarum.

Sequitur Nabuchodonosor I. qui Ægyptiis filium cognominem opponit.

Nabuchodonosor II. (cognominatus Magnus) à primis annis bellum intulit Ægyptiis, & regionem omnem, quæ est inde ab Euphrate usq; ad Pelusium, illis ademit. Jojachim Regem Judæ vestigalem sibi fecit. Cujus filium Jechoniam octavo Regni sui anno unà cum præcipuis suis viris & artificibus totius regionis, Babylonem captivos abduxit.

Decimo octavo Regni sui anno Hierosolymam per biennium obsessum cepit, paulò post diripuit, incendit, muros diruit, potissimam populi partem captivam abduxit: Regem Zedekiam exoculavit, filios illius atque proceres interfecit. Anno Mundi 3365.

Ad annum Regni sui circiter vigesimum quartum, Ammonitarum & Moabitarum Regibus devictis, exercitum duxit in Ægyptum: Quâ regione totâ occupatâ, Monarchiam verè obtinuit.

Altero Monarchiæ anno somnium de statua, cujus Daniel meminit, vidisse creditur.

Ma-

Synopsis minor

Magnitudo ipsius Imperii inde patet, quòd comparatur arbori ad cœlum usque pertingenti, totum terrarum orbem obumbranti, & omne genus volucrum atq; animalium recreanti.

Est igitur hæc primæ Monarchiæ summa Majestas : Quæ sicut hoc Rege vehementer aucta, & ad summum fastigium educta fuit, ita quoque in ipsius nepotibus defuit & deleta fuit.

CAPUT IV.

De primæ Monarchiæ ruina & interitu.

EVilmerodach Nabuchodonosoris filius regnavit annis triginta.

Assur (aliis Regassar) tribus annis præfuit.

Labassardach septem annorum Rex fuit.

Balthasar Imperii summam obtinuit annis quinq;. Huic Deus calamitatem imminentem denunciavit. Cùm enlm genio indulgens, vasa sancta in conviviorum usum adhiberet; manus quædam parieti verba inco-

Historiarum.

incognita, quæ à nemine præter Daniele
intelligi poterant, inscripfit.

Paulò pòst Imperii summa, Rege inter-
fecto, ad Darium Medum est translata.

Hic Darius vocatur à Scriptoribus Cy-
axares, fuitq; filius Astyagis.

Qui cùm sobolem masculam non ha-
beret, filiam suam in matrimonium dedit
Cyro Persæ sororis filio.

Res autem hujus Monarchiæ, vel ob
antiquitatem, vel ob Chronologiæ Incerti-
tudinem, in obscuro pleræq; latent. Res
verò Ecclesiæ, & populi Hebræi, præcl-
puum momentum obtinent in Monarchia
hac prima.

CAPUT V.

De secundæ, seu Persicæ Monar- chiæ initiiis.

A morte Darii, summa rerum ad Cyrum
generum delata fuit. Et hoc quidem
est alterius Monarchiæ initium. Anno
Mundi 3435. Jam enim Assyriam, Mediam
& Persiam solus Cyrus obtinebat, ad Joni-
cum usque mare. Prælio cepit Cræsum Ly-
diæ Regem potentissimum: Initio sui Re-
gni

Synopsis minor

gni post captam Babylonem, populo Judai-
co permisit, ut ex captivitate domum re-
versi templum ac urbem Hierosolymam
reædificarent: Ad eamq; rem sumptum li-
beralissimè subministrari jussit. Devictis Ba-
byloniis, bellum gessit cum Scythis: Eoq;
profectus ipse cum exercitu tandem per
insidias, princeps laudatissimus fuit circum-
ventus & interfectus. In eo peccavit, quòd
molliter filios inter fœminas educavit.
Grandiores enim facti, & ab assentatoribus
corrupti, cùm ipsorum auribus pleriq; ser-
virent, mortuo parente, vitæ periculum al-
ter alteri creârunt.

CAPUT VI.

De secunda Monarchiæ conti- nuatione.

CAmbyfes Darii filius, absente & occu-
pato patre, cepit Ægyptum. Bello qui-
dem fuit egregius, sed alioqui vitiosus, &
patris virtutem minimè repræsentans. In-
ter alia turpiter immaniterq; facta, fratrem
suum Smerdem insidiosè necari jussit. Post
mortem verò patris non diu fuit superstes.
Darius filius Hystaspis successit, qui statim
ab

Historiarum.

ab initio principatus arma sumpsit, & Imperio suo rursus illos adjunxit, qui defece-
rant: Capta quoq; Babylone, post longam
obsidionem, operâ Zopyri.

Bellum deinde suscepit in Athenien-
ses, qui subitò collectis copiis ingentem il-
lius exercitum ad Marathonem, duce Mil-
tiade, fuderunt.

Xerxes hujus filius, anno decimo post
prælium illud, ad Marathonem innumera-
bili cum exercitu venit, ut Græciam o-
mnem sibi subjugaret.

Athenienses verò, Themistoclis con-
silio, hostem ad Salaminem Insulam vin-
cunt prælio.

Xerxes turpi & infelici fugâ domum
reversus, re malè gestâ, cùm in magnū con-
temptum venisset, à suis est interfectus.

Artaxerxes Longimanus ejus filius
successit. Ad hunc Themistocles exul pro-
fugit, ibiq; vitam finivit. Hunc item multi
Assuerum, Estheræ maritum fuisse putant.

Ochus, cognomento Darius Nothus,
à Longimano regnavit, qui sororem illius
in matrimonio habuit.

Artaxerxes Mnemon & Cyrus, Darii
filii

Synopsis minor

filius erat : Quorum ille mortuo parenti
successit. Cyrus verò Joniam Lydiamq; te-
nebat; sed sorte suâ non contentus, fratri
Regi intulit bellum (à Xenophonte singu-
lari prudentiâ descriptum) in eoq; fuit vi-
ctus & occisus. Ochus ex tribus natu mi-
nimus filius à Mnemone regnavit.

CAPUT VII.

De secunda Monarchia exitio.

DArius (quem Justinus Cōdomanum
vocat) postremus Persiæ Imperator
hunc excepit: De cujus splendore, delitiis
& luxu mira narrant Scriptores. Nam o-
mnis generis coquos, cupedinarios, farto-
res, artifices, magistrosq; gulæ & unguen-
tarios habebat in castris, ne quid ad corpo-
ris voluptatem omninò deesset. Ei bellum
intulit Alexander Philippi Macedonum
Regis filius. Qui, Thebis everfis, & pacatâ
Græciâ, in Asiam contendit, & tribus præ-
liis Darium superavit: Captâ illius & matre,
& uxore, & filiabus.

Ingentes quidem conditiones, & Re-
gni partem ad Euphratem usq; Alexandro
defe-

Historiarum.

deferrebat: Sed respuit, neq; antè destitit, quàm illum expugnâisset.

Tertium itaque bellum Darius instaurat, & educto validissimo exercitu, rursus profligatur.

In fuga, cùm aquam turbidam bibisset, negabât unquam se bibisse jucundiùs. Nec enim sitiens unquam biberat. Trucidatur in fuga à suis. Anno Mundi 3642.

CAPUT VIII.

De tertia Monarchia, Græcorum scilicet.

Alexander his tantis victoriis in suam ditionem perduxit, quicquid est ferè terrarum ad orientem Solem: In Europam ex Asia transportavit Imperii summam; & *tertiam Monarchiam* constituit. Post etiã in India belligeravit. Nec præter rem, de eo Justinus scribit: Incertum esse, utrum admirabilius sit, Alexandrum vicisse orbẽ, quàm vincere aggressum esse. Sed singularis providentia Dei Alexandrum duxit; indeque, reverenter summo Pontifici Judæorum simplex factus, Hierosolyman ingressus est.

Erat autem Alexander bonarum ar-

b

tium

Synopsis minor

tium in primis amans, & in homines doctos
fuit principio liberalissimus.

Homeri poemata sibi familiarissimum
habebat: Aristoteli præceptori negotium
dedit animalium describendi naturas: Ad
eamq; rem aliquot hominum millia per
Græciâ Asiâq; constituit pecuarios, venato-
res, piscatores, cetarios, aucupes, & id ge-
nus alios, qui de singulis illum docerent.

Sed, quæ hominum est infirmitas, tan-
tam fortunæ benignitatem & indulgentiam
moderatè ferre non potuit: Et cum inso-
lenter multa faceret, seq; pro Numine vel-
let propemodum adorari; Babylonem ubi
venisset, feбри, vel, ut nonnulli tradunt, ve-
neno fuit extinctus, cum annorum esset tri-
ginta trium, & annos regnâisset duodecim.

Memoriâ autem dignum est, quod Ar-
rianus refert, Alexandrum, cum devictis
Cossæis, exercitum Babylonem reduceret;
in itinere ei obviam processisse Chaldaeos
vates, nunciantes, se nosse ex Divinatione
astrorum, Babylone ei periculum mortis
imminere. Philosophos autem (qui ferè
Athei & Epicuræi) Alexandro persuasisse,
ut illas non curaret præfagitiones,

Historiarum.

CAPUT IX.

De tertiæ Monarchiæ divisione.

Dispars Monarchiæ tertiæ, à superioribus duabus facies cognoscitur. Et si enim initium sumpsit à capite uno; ea tamen avulso, diffilit in diversa membra.

A morte namq; Alexandri divisa fuit Imperii moles in proceres: Ptolomæum, Laomedontē, Antigonum, Cassandrum, Leonatum, Eumenem, Pythonem, Lysimachum, Antipatrum, Meleagrum, Seleucum. Lysimachus ille est, quem Alexander iratus aliquando concluderat cum Leone: cum autem interfectam belluam ab eo audisset, magno habuit in honore. Inter eos successores, eorumq; filios atq; nepotes gravissima bella fuerunt, quibus vehementer afflictæ regiones, in populi Romani ditionem paulatim venerunt.

In his autem præcipui fuerunt Seleucus Syriæ, Ptolomæus Ægypti, Antigonus Asiæ minoris, Cassander Macedonum, Græciæq; deinde Rex factus, oppressis omnibus Alexandri propinquis. Quod & prædixerat Daniel cap. 8. vers. 22. apud quem ideo quatuor cornua tribuuntur.

Synopsis minor

C A P. X.

De Syria Regibus.

Seleuci virtus clara & admirabilis fuit: Babyloniam namq; cepit. Inde, auctis ex victoria viribus, Bactrianos expugnavit. Transitum in Indiam fecit. Demetrium ad deditionem coëgit.

Antiochus Soter, hujus filius, in Imperio successit.

Antiochus Theos, hunc excipiens, habuit filios Seleucum, Callinicum & Antiochum, cui cognomen fuit Hierax.

Seleucus Callinicus auspicia regni à patricidio cepit: ipse, de equo lapsus, mortuus est.

Seleucus Ceraunus in expeditione contra Ptolomæum (qui Philopator cognominatur) diem obiit. Antiochus Magnus, hujus frater, in Europam transgressus, invadit Ptolomæum Epiphānem. Sed cū, admodum adolescentulus, per ætatem Ægyptios defendere non poterat, ut Régis pueri tutelam Senatus susciperet, Legati Romam sunt missi. Eo facto, Antiocho denunciat Senatus, ut ab Ægypto abstineat. Offensus in Græciam cum classe trajecit, sed à Romanis

Historiarum.

nis devictus est. Post acceptam cladem dicere est solitus, benignè sibi à populo Romano esse factum, quòd, nimis magnâ procuratione liberatus, modicis Regni terminis uteretur.

Seleucus Philopator nihil Principe dignum perfecit.

Antiochus Epiphanes, cùm patrem Antiochum Magnum obiiſſe intelligeret, clàm ex urbe Roma fugiens, Regnum Syriæ, filio Seleuci pulſo, occupavit. Hierosolymis crudelitatem exercuit.

Libros Moysiſ & Prophetarum, undiq; conſiſſitos, igne conſumpſit. Ægyptum tutelæ ſpecie tentavit. Sed Cajus Popilius, Romanorum nomine, ipſum virgulâ circumſcribens, clarè juſſit antè reſpondere, quàm excederet. Ita per terre factus, pacem promiſit: curru tandem prolapſus, magnis cruciatibus mortuus eſt.

Antiochus Eupater, hujus filius, à Demetrio patruo ſuo eſt interfectus.

Alexander, ſortis extremæ Juvenis, nomen & originem (Antiochi enim ſe filium eſt profeſſus) mentiens, à Demetrio interficitur.

Synopsis minor

Demetrius igitur verus heres erat. Initio enim belli Demetrius Soter duos filios apud Gnidiū hospitē cōmendaverat; ut belli periculis eximerentur, & si ita fors tulisset, paternæ ultioni servarentur. Ex his major Demetrius Regnū occupat: in segnitie labitur; à fratre, Antiocho Sedete, Regno ejicitur.

Antiochus Sedetes, Tryphonis cujusdam ope, Imperio præest.

Trypho interim in Syria tutor Antiocho, Demetrii privigno, substitutus, occiso pupillo, Regnum Syriæ invadit: Postea expulsus à suis occiditur.

Demetrius, Antiocho Sedete fratre deletō, obsidione Parthorum liberatus, & in Regnum restitutus, ob intolerabilem crudelitatem rursus Regno privatur, ab Alexandro oppugnatur. Relictus tandem cum paucis servulis, cū Tyrum, religione templi se defensurus, petiisset, navi egrediens, Præfecti jussu, interficitur.

Alexander Potarcla, negociatoris Ægyptii cujusdam filius, effictâ Regis Antiochi adoptione, Demetrium in summas angustias redegit. Vincitur à Grypo.

Antiochiam profugit. Ibi, inops pecuniæ, sacrilegium in Jovis templo patrat.

Historiarum.

In sacrilegio deprehensus, & ad Grypum perductus, necatur.

Grypus, Imperio recuperato, insidiis matris appetitur, quam veneno, quod paraverat ipsi, extinguit. Fratrem Cyziceum sibi hostem excitat, à quo deniq; superatur.

Hi duo bella inter se diu gesserunt, quibus cùm Syriæ Regnum esset consumptum, populus externa auxiliâ imploravit: Donec Cajus Pompejus Romano Imperio eam subjiceret.

CAPUT XI.

De Ægypti Regibus.

Ptolomæus, Lagi filius, Ægyptum retinuit. Justitiâ & Liberalitate excelluit.

Ptolomæus Philadelphus, admodum laudatus Princeps, pacem coluit, artes liberales excitavit, bibliothecam effecit luculentissimam, & Moyfis libros atq; Prophetarum in Græcam linguam jussit converti.

Ptolomæus Evergetes bello claruit. Ptolomæus Philopator (cui ex facinoris crimine cognomen fuit) parentibus interfectis, Ægyptum occupavit.

Ptolomæus Epiphanes nullo admodum insigni facinore est notus. Pto-

Synopsis minor

Ptolomæus Philometor segnis, quotidianâ luxuriâ marcescens, Regno pulsus, ad fratrem confugit. Eodem ferè tempore bello Achæos Romani, propter Legatos violatos, adorti sunt. Ptolomæus Evergetes incestis libidinibus, stupris, & cædibus fuit infamis.

Ptolomæus Soter crudelissimus, Judæam ingressus, quicquid mulierum ac infantium offendit, mactari, & militibus in cibum coqui iussit.

Ptolomæus Alexander, matris crudelitate territus, eam reliquit, periculoso Regno securam vitam anteponens.

Ptolomæus Auletes cùm regnaret, fructus Ægypti annuos, duodecim millia quingenta talenta fuisse, auctores tradunt.

Hic Regno pulsus à Pompejo Consule, per Aulum Gabinium est reductus.

Ptolomæus Dionysius, hujus filius, successit. Cleopatra, ultima Ægypti Regina, luxu diffluens, cœnæ splendore, unione mixto, Antonium superavit. Octavius Cleopatram & Antonium ad mortem sibi ipsis inferendam coëgit: Et Ægyptum (quæ tùm sola ex Græca Monarchia restabat) populi Romani provinciam fecit.

CA-

Historiarum.

CAPUT XII.

De Asia minoris Regibus.

ANtigonus, primus Asiæ Rex, quatuor gessit bella. Primum cōtra Eumenem, auxilio Antipatri & Ptolomæi. Secundum contra Cassandrum. Tertium adversus Ptolomæum & Seleucum. Quartum contra Ptolomæum, Seleucum, Cassandrum & Lysimachum: In quo cæsus est.

Demetrius, Antigoni successor, à Seleuco in fugam vertitur: Tandem cū posset honestè mori, turpiter se dedere Seleuco maluit.

CAPUT XIII.

De Macedonum Regibus.

Cassander, Macedoniae & Græciæ Rex, multa bella cum finitimis gessit Philippus, ejus filius, paucis diebus post interiit. Antigonus, seu Antipater, & Alexander, Philippi fratres, bella inter se gesturi, à Lysimacho de concordia monentur. Causa belli erat, quòd Antipater matrem ob suspicionem è medio sustulerat.

Alexander igitur necem matris ultu-
b s rus,

Synopsis minor

rus, bellum movet, & Demetrium in Macedoniam vocat.

Demetrius Alexandrum per insidias interfecit, occupatoq; Macedoniae Regno, cædem apud exercitum excusat.

Pyrrhus, Rex Epiri, Demetrii exercitu corrupto, eum in fugam agit, Regnumq; occupat. Pyrrhus in Italiam veniens bella gessit cum Romanis.

Cajus Fabricius Luscinus, ad defectionem à Pyrrho sollicitatus, amplissima illius munera contempsit, & captivum per fugam, qui veneno se Regem posse tollere confirmarat, remisit. Omnium primus Pyrrhus elephantos in Lucaniam adduxit.

Lyfimachus, pulso Pyrrho, Macedoniam occupat. Ptolomæus Ceraunus, Lyfimacho à Seleuco devicto, Seleucum Orco tradit, Macedoniam invadit, favorem sibi conciliare studet. Meleagrus exiguo tempore Imperio præfuit. Antipater diebus paucis Regnum tenuit. Sostrhenes Gallos, victoriâ exultantes, compescuit, & Macedoniam ab hostili populatione defendit. Antigonus Sonatas Gallos, divitias & elephantos suos ipsis monstrans, ad prædam insti-

Historiarum.

instigat. Demetrius, puer admodum, absente patre, Regnum amissum recipit, & Epiri Regno Alexandrum spoliatur.

Antigonus, tutor datus, acceptâ in matrimonium pupilli matre, arte fit Rex.

Philippus succedit, quem Dardani, cæteriq; omnes finitimi populi contemptu ætatis assidue laceſcebant. Ille verò & hostes submovit, & aliis bellum intulit. Postremò Romani ipsum superârunt; qui, ne Senatus injussu belligeraret extra Macedoniæ fines, præscripserunt.

Perſeus, hujus filius, succedit patri; bellum cum Romanis suscepit. Sed Lucius Æmilius Paulus II. Consul, prælio tandem illum vincit, & unâ cum uxore, matre, liberisq; capit, inq; triumpho ducit, undè vocatus est Macedonicus. Ab eo tempore Macedonia facta est populi Romani provincia.

CAPUT XIV.

De quarta Monarchia sub Imperatoribus Romanis.

QUatuor his Regnis Romanæ potestati subiectis, *Cajus Julius Caesar* rerum potitus, bello clarus, doctrinâ insignis, in urbem

Synopsis minor

hem redit anno quinto post inceptum bellum civile. Cùm de Hispania triumphasset, Dictatoris nomen, sibi delatum, perpetuò sumpsit: Senatum suo arbitratu constituit, reliquos honores ac publica munera propè solus elargitus est. *Quartam Romanorum Monarchiam* inchoavit, in odia plurimorum incurrens, quinto post mense, quàm Romam venisset, in curia Pompej fuit idibus Martiis interfectus ab iis, quos recenti beneficio sibi devinxerat. Anno Mundi 3928.

Ciceronem quoq; Marcus Antonius Consul Collega Cæsaris, ut conscium cædis ad Senatum coarguit, quòd, interfecto Cæsare, statim cruentum altè extollens Marcus Brutus pugionem, ipsum nominatim exclamasset, atque ei recuperatam libertatem esset gratulatus.

Interfecto Julio Cæsare, Triumviri, Antonius, Octavius, & Lepidus Mutius bellis se exercuerunt: donec tandem Marcus Lepidus Triumviratu motus & relegatus, atque Antonius devictus fuerit.

II. Octavius igitur, Antonio sublato, secundus Romanorum Imperator leges civiles,

Historiarum.

viles, & pacem toti terrarum orbi restituit, ideoq; Jani templum clausit. Imperii hujus anno trigesimo nono, Anno Mundi 3970. natus est Salvator noster JESUS CHRISTUS, cùm ante septem annos Herodes, cognomento Magnus, templum Hierosolymæ dirutum, reedificasset magnificentissimè.

III. Claudius Tiberius Nero, Liviæ filius, Octavii Augusti privignus, gener, & filius adoptivus, admodum invitus, ut præ se ferebat, & vix tandem exoratus à Senatu, principatûm suscepit. Anno Christi 15. Initiò nihil solus agebat, sed paulò post totum se voluptatibus tradidit. Sub ejus Regno, Christus Salvator noster crucifixus fuit.

IV. Cajus Cæsar Caligula, parentis optimi Germanici filius pessimus (Anno Christi 38.) infinitam auri vim primo Imperii anno profudit. Regni ipsius anno secundo Herodes Antipa in exilium fuit missus.

V. Claudius Tiberius Drusus, ejus patruus, Caligulâ necato, surrogatus est (Anno Christi 43.) Britanniam in deditionem recipit. Maxima eo regnante fuit inedia, quam ab Agabo prænunciatam Lucas Evangelista commemorat.

VI. Do-

Synopsis minor

VI. Domitius Nero (Anno Christi 55.) immanis & efferata bellua, multas provincias defectione amisit. Hostis à Senatu judicatus, seipsum interfecit. Eo imperitante, Petrus & Paulus, Romæ, martyrio coronati fuerunt.

VII. Sergius Galba doctrinæ adminiculis ad summam dignitatem pervenit.

VIII. Silvius Otho splendidis majoribus ortus, sed omni vitâ turpis fuit.

IX. Aurelius Vitellius Scenicus & Epicuræus Princeps.

X. Flavius Vespasianus (Anno Christi 70.) multas provincias Romani populi fecit. Hierosolymam funditùs delevit, administrante bellum Tito filio. Refertq; Josephus, fame & gladio periisse, undecies centena millia hominum, & centum millia vendita fuisse. Ac scribit Tacitus, intra urbem tunc conclusa fuisse sexcenta millia hominum: Quot scilicet exierant ex Ægypto.

XI. Titus Vespasianus (Anno Christi 80.) laudatissimus Princeps, deliciæ & amor humani generis, quodam die recordatus, se nihil alicui præstitisse, dixit: *Amici, diem perdidimus,*

XII. Fla-

Historiarum.

XII. Flavius Domitianus (Anno Christi 86.) crudelis & avarus : Sub eoq; fuit secunda persecutio Christianorum.

XIII. Nerva Coccejus (Anno Christi 97.) primus ex advenis Imperator : Princeps lenis, clemens, liberalitate & magnificentia claruit.

XIV. Ulpianus Trajanus, à Nerva Coccejo adoptatus, ac deindè Cæsar factus, Anno Christi 99. multos populos Romano Imperio adjunxit, qui tamen pleriq; omnes tandem rebellârunt. Sub hoc tertia fuit persecutio Christianorum.

XV. Ælius Adrianus, Anno Christi 118. Judæam rebellantem domuit. Sub hoc Irenæus & Tettullianus vixerunt. In Christianorû usum, templa sive simulachra poni jussit: sed prohibitus ab aliquibus fuit, qui dixerunt, si id faceret, omnes Deorum templa deserturos, & Christianam Religionem amplexuros. Lãpridius in *Alexandro Severo*.

XVI. Antoninus Pius ab Adriano convocato Senatui commendabatur, qui post eum factus Cæsar, Anno Christi 141. pacem coluit, & externos Reges atque populos tum humanitate, tum literis in officio continuit.

Eique

Synopsis minor

Eique Justinus Philosophus librum tradidit, pro Christiana Religione conscriptum, qui adhuc extat.

XVII. Marcus Antoninus, Philosophus, filius, successit, Anno Christi 162. Lucium Aurelium Verum socium Imperii sibi sumpsit, & feliciter imperavit. Eub eo tamen persecutionis quartæ procella, Polycarpum (qui nonnullos Apostolorum Magistros habuerat) Justinum, aliosque Christianos complures, absorpsit.

XVIII. Commodus Antoninus, filius, Anno Chr. 182. flagitiosissimus in omni genere turpitudinis & crudelitatis vitam degit.

XIX. Ælius Pertinax, mitis & placidus, Anno Christi 197. ad Imperium pervenit; primumq; Grammaticus Professor fuit.

XX. Didius Julianus malis artibus ad Imperium pervenit: Uterq; paucis diebus imperitavit.

XXI. Septimius Severus civile bellum gessit cum Nigro & Albino. De eoq; Senatus ita judicavit: Illum aut nasci non debuisse, aut non mori. Quod & nimis crudelis, & nimis utilis Reipublicæ videretur. Fuit sub hoc quinta persecutio commota in Christianos.

XXII.

Historiarum.

XXII. Antoninus Bassianus, Caracallæ filius, Anno Christi 213. fratrem Getam interfecit: Papinianum Jureconsultū, nolentem defendere partiticiū, trucidari jussit.

XXIII. Popilius Macrinus Anno Chr. 218. parū feliciter pugnavit; non ultrā annum & menses duos regnavit.

XXIV. Heliogabalus, Bassiani filius, turpissimus & flagitiosissimus fuit omnium.

XXV. Alexander Severus, Anno Christi 223. vir Itrenuus, Mesopotamiā recuperavit. Huic erat familiaris Ulpianus Jurecōsultus. A suis est interfectus (Anno eodem) tumq; Origenes Alexandria vivebat.

XXVI. Julius Maximinus Thrax, A. Chr. 236. Germaniam invadens, militem reduxit opulentū, à suis militibus, unā cum filio quiescens in tabernaculo, fuit interfectus. Excitata sub eo est persecutio sexta Christianorum.

XXVII. Duo Gordiani, Pater & filius, Anno Christi 238. vix per unum mensem Imperium tueri potuerunt. Post eos Gordianus adolescens (majoris illius ex filia nepos) ab exercitu præfectus est: Quam rem Senatus habuit ratam, & Pupieno atq; Balbino

Synopsis minor

bino occisis, ad eum rerum summam detulit: A Philippo est interfectus.

XXVIII. Philippus, primus ex Imperatoribus Christianus factus perhibetur, Anno Christi 245. Idem ejus exitus fuit, qui Gordiani.

XXIX. Decius à legionibus Illyricis factus Cæsar, assentiente postea Senatu, A. Chr. 250. in armis promptissimus, Christianorum hostis acerrimus, & septimam persecutionem contra Christianos commovit: Mox verò à Gothis, ex insidiis, unà cum filio est interfectus.

Deinde Gallus A. Chr. 252. à legione una, & militum reliquiis Cæsar factus, pacem cum Scythis fecit, populo Romano turpem & ignominiosam. Hinc Scythæ, ferociiores facti, aliis multis Romanorum hostibus magna perfecturi videbantur, nisi Æmilianus illos fudisset. Hac de causa Cæsar fuit salutatus à milite. Gallus, eo cognito, profectus, ut obisteret, unà cum filio Volusiano, Imperii socio, fuit interfectus. Æmilianus, datis ad Senatum literis, quum Imperator factus esset, promiserat, se multa recuperaturum. Interim exercitus alter, qui in Alpibus erat, Valerianum, nobili genere

Historiarum.

nere natum, Cæsarem creat, quod milites Æmiliani audientes, ne turbis implicentur, suum Cæsarem interficiunt, & ad Valeriani partes transeunt, Anno Christi 254.

XXX. Valerianus Cæsar, in bellum Persicum profectus, culpâ cujusdam sui Ducis, fuit captus. Sub eo fuit octava persecutio Christianorum, quæ beatum Cyprianum, Episcopum Chartaginensem (in cujus scriptis singula propè verba martyrium spirant) absumpsit.

XXXI. Gallienus, filius, successit: qui se totum voluptatibus dabat, neglectâ Republicâ contemptus, igitur tam domi, quàm foris interfectus est.

XXXII. Flavius Claudius, Anno Chr. 271. omnes, qui sub Gallieno desciverant, rursus debellavit.

XXXIII. Valerius Aurelianus, A. Chr. 271. in Syria provincias, quas Zenobia, fortis & animosa scemina, obtinebat, recuperavit. Palmyram civitatem, deficientem postea, evertit. Ægyptum & Gallias recepit, post Romæ triumphavit. Persis bellum illaturus, in itinere à suis familiaribus est interceptus. Cùm nonam persecutionem Christianorum indixisset; quæ morte ejus inter-

Synopsis minor

rupta fuit. Ab ejus interitu fuit interregnum aliquandiu: Tandem successit.

XXXIV. Tacitus Anno Christi 277. paucorum mensium Imperator. Ab hoc Senatus oraverat, ne moriens filios, sed spectatæ virtutis virum, successorem faceret.

XXXV. Valerius Probus, à Tacito electus, à Senatu confirmatus, Galliam recepit, & Francones Germanos multis præliis devicit. Multos populos terruit, & subegit. Pacatâ longè lateq; , & florente Republicâ, dixisse fertur, brevi futurum, ut legionibus atq; præsidiis nihil esset opus, quo dicto milites offensi, è medio ipsum tollendum judicabant.

XXXVI. Carus Anno Christi 280. Sarmatas fregit, inq; Persas proficiscens, Mesopotamiâ cepit, longiusq; profecturus interiit.

XXXVII. Diocletianus A. Chr. 284. Carinum, Cari filium, debellavit. Collegam assumpsit Maximinianum, Ægyptum & Britanniam pacavit: Et ne motus novi, propter successionem, excitarentur, Galerium adoptavit. Maximinianus autem Galliam commotam pacavit, & Africam: Constantium Chlorum adoptavit. Postea uterq; , abdicato magistratu, suos consortes Imperio præficiunt.

Historiarum.

ciunt. Hoc tempore Romæ fuit Episcopus Marcellus, cujus extat decretum: Episcopis non licere convocare Synodum, absq; Romanæ sedis auctoritate: Non licere item damnare ullum Episcopum, qui Romam provocârit. Constantio mortuo, Galerius (qui à Diocletiano missus, Persarû Regem Narsen superavit, & totam Assyriam domuit) adoptavit Severum & Maximianum. Inter ea milites prætoriani Maxentium Romæ salutant Cæsarem. Interfecto Severo, Maximianus Imperii Collegam assumpsit Licinium. Inter hos magni fuerunt motus, ideoq; nobiles Romani Constantinum, Constantii filium, in Galliis agentem, evocant, ut urbem à Tyrannide Maxentii liberet. Fuit autem decima Christianorum persecutio à Diocletiano A. C. 303. concitata; quæ superioribus omnibus diuturnior atq; immanior fuit. Ea-que de re ita Sulpitius scribit: Hac tempestate omnis ferè sacro Martyrum cruore orbis infectus est; quippe certatim in gloriosa certamina ruebatur, multoque avidius tunc Martyria gloriosis mortibus quærebat, quàm nunc Episcopatus pravis ambitionibus appetuntur. Nullis unquam bellis mundus magis exhaustus est, neq; majore

Synopsis minor

unquam triumpho vicimus, quàm cùm decem annorũ stragibus vinci non potuimus.

CAPUT XV.

*De Imperatoribus Constantinopolitanis,
ante avulsum Occidentem.*

I. **C**ONSTANTINUS Magnus cum parte copiarum in Italiam profectus, commisso prælio vincit, A. C. 312. cùm paulò antè Christus, per somnum ei adparens, jussisset, ut Crucis signo pro vexillo in prælio uteretur. Porro etiam Rerum potitus, & veram amplexus religionẽ, Christianis portus atq; refugium extitit. Liberalitatis illius immensæ (quam huic tribuunt) causa & occasio falsi redargui potest ex Historiis. Hujus mandato Niceæ Concilium est habitum longè frequentissimum, in eoq; dogma damnatũ Arrii, qui Christum negabat ejusdem esse substantiæ cum Patre. Byzantium, Thraciæ urbem, suo de nomine vocavit, eò translata sede Regiâ, A. C. 331. Salutatus amplissimè à Senatu populoq; Romano, propter restitutam Reip. pacem, ad externa bella totum se convertit. In Asiam cùm venisset cum exercitu, sumpto pharmaco, vitam finiit, nõ absq; veneni suspicione. Anno Chr. 337.

II. Con-

Historiarum.

II. Constantinus, patris divisione non contentus, bellum intulit fratri Constanti: sed, amisso exercitu, confoditur. Constans biennio ditionem omnem mortui fratris obtinuit: Postea fraude Magnentii (quem milites, præmiis allekti, Imperatorem salutaraverant) fuit interfectus. A. C. 350.

III. Constantius, hac re cognitâ, magnis cum copiis in Italiam, ac indè in Galliam accedens, hostem ingenti prælio vincit: Julianum, patruelem suum, adoptat, & Galliæ tutelam committit. Qui, feliciter administratâ re, ab exercitu non modò Cæsar, verû etiam Augustus salutatus, & diademate, licet invitus, uti præ se ferebat, est ornatus. Eâ re Constantius plurimùm offensus, iter ingressus est, ut Julianum ad officium reduceret: Sed in itinere febris correptus, vitam finivit. Juliano priùs constituto successore. A. Chr. 361.

Misera hoc tempore Ecclesiæ facies, ita depingitur ab Hilario Episcopo Pictavensi. Pòst Nicænam Synodum, nihil aliud, quàm fidem scribimus: Dum in verbis pugna est: dum de novitatibus quæstio est: dum de ambiguis, dum de auctoribus querela est: dum de studiis certamen est: dum in consensu

Synopsis minor

difficultas est; dumq; alter alteri anathema esse cœpit, propè jam nemo est Christi, &c.

IV. Julianus Apostata, accepto, cùm esset medius inter suos milites, vulnere, excessit è vita, Christiani nominis hostis. Anno Christi 363.

Hac de re ita Nazianzenus: Julianum à Persis vulneratum dicunt, cùm inconsideratè excursiones faceret, & nunc huc, nunc illuc imperterritus rueret. Vulnus itaq; accepit tempestivum, totiq; Mundo salutare. Et cùm stolidus ille omnia se ex visceribus cognoscere putaret; unum hoc vulnus propriis visceribus infligendum ignoravit.

Sub hujus Imperio Judæi Templū Hierosolymis restauraturi fulmine extinguuntur,

V. Jovinianus à militibus Cæsar constituitur. Hoste imminente, pacem fecit Reipublicæ ignominiosam. Progressus cum exercitu, ut domum rediret, in finibus Bithyniæ mortuus est. A.C. 364. De eo Beatus Hieronymus In Epitaphio Nepotiani: Jovinianus, gustatis tantum Imperialibus bonis, foetore prunarū suffocatus interiit: Ostendens omnibus, quid sit potentia humana.

VI. Valentinianus, ab exercitu Cæsar electus, postquam Constantinopolim venit,

Historiarum.

nit, Collegam sumpsit fratrem Valentem. Profectus in Germaniam, Saxones, Oceano vicinos, domuit. Irâ concitatus periisse fertur. Interim frater ipsius Valens in Europa prælio victus, in fuga vulneratus, inq; tugurium quoddam delatus, immisso ab hostibus igne, conflagravit.

VII. Gratianus à Patre Valentiniano A. Chr. 369. coopatus à quodam suo belli Duce Maximo, affectante Imperium, per insidias fuit in Galliis interfectus. Eodem ferè fato filius Valentinianus occubuit, etiam fraude sui familiaris Arbogasti.

Sed percussores, postmodum pœnas dederunt, hic sibi mortem ipse concivit, alter Aquileiæ fuit interfectus.

VIII. Theodosius pietate clarus, ab Ambrosio Episcopo Mediolanensi aditu templi prohibitus, patienter tulit. Rerum potitus A.C. 379. Imperii socios constituit Honorium & Arcadium: Quibus ætate adhuc minoribus attribuit, huic Ruffinum, illi Stiliconem.

Ipso jubente, Constantinopoli fuit habitata Synodus, damnatumq; in ea Macedonii dogma, Divinitatem Sp. S. derogantis.

IX. Post Theodosii obitum, A.C. 395.

Synopsis minor

Arcadius ad Orientem Solem Constanti-
nopoly præerat : Honorius autem Romæ.
Sed Ruffinus perfidè Gothorum Regem, ut
Arcadio bellum faceret, hortans, à militi-
bus trucidatus est. Arcadium Cæsarem In-
nocentius, ejus nominis primus, Pontifex
Romanus, excommunicavit.

X. Theodosius Secundus, hujus filius,
qui A. C. 423. Imperium solus obtinuit, Sy-
nodum Ephesinam, in qua Nestorius, qui
Christum natum esse Deum ex Maria Vir-
gine negabat, damnatus est, instituit: eiq;
interfuit Cyrillus, cujus adhuc Divina ex-
tant scripta.

Stilico, infidias huic Cæsari struens, ca-
ptus & interfectus fuit.

Theodosius hic vetustissimam Bononi-
ensem Academiam fundavit, eamq; amplis-
simis privilegiis donavit. Sub hoc item Im-
peratore Eutyches, Abbas Constantinopo-
litanus, hæresin condidit de confusione du-
arum naturarum in Christo: contra quam
Leo, ejus nominis primus, Pontifex Roma-
nus, insignem, planeq; Orthodoxam epi-
stolam scripsit.

XI. Martianus successit A. C. 451. Circi-
ter hoc tempus Attila Rex Hunnorum,
Daciâ

Historiarum.

Daciâ & Pannoniâ occupatâ , vicinas regiones crudelissimè vastabat, Imperii partem ad Occidentem Solem occupare studuit. Quo tempore Venetorū urbs condita fuit. Pleriq; enim potentiores ex vicinis locis, in illa maris æstuaria, velut in portum aliquē, sese receperunt. Martiniano jubente, Chalcedonense fuit coactum Concilium amplissimum, & damnatus Eutyches.

XII. Leo Primus à Patriarcha coronatus, A. C. 457. nihil memorabile fecit. Hujus tempore Odoacer cum ingenti manu Herulorum Italiam vastavit.

XIII. Zno Isauricus successit, A. C. 464. qui Theodoricum Ostrogothorum Regem misit, ad Odoacrum extinguendum: Quæ res feliciter successit.

XIV. Anastasius A. C. 491. dogma Eutychianū probans, Orthodoxis gravamini fuit. Hoc ferè tempore, Anno salutis quinquagesimo, Rex Francorum Clodoveus Christi religionē primus fuit amplexus. Anastasius fulmine est extinctus; cū biennio antè Hormisdæ, Pontifici Romano, de hæresi Eutychis relinquenda, submonitus rescripsisset: Nos imperare volumus, nobis imperari nolumus.

XV. Ju-

Synopsis minor

XV. Justinus, obscuro genere natus, & è subulco factus miles, successit A.C. 518.

XVI. Justinianus, sororis Justini filius, Italiam & Africam recuperavit, & leges collegit, quæ adhuc hodie in Scholis & foro usurpantur. Fuitq; ob res præclarè tam domi, quam foris gestas, Magnus cognominatus.

XVII. Justinus, hujus ex filia nepos, concordis ingenii Princeps, A.C. 565. per Italiã Magistratum Exarchũ instituit: is erat tanquam Cæsaris Vicarius atq; Legatus: Ravennæ potissimum habitabat, neglectâ Româ; singulisq; civitatibus & oppidis (quæ non occupaverunt Longobardi) unum aliquem præficiebat.

XVIII. Tiberius, jam antè occupatus, & Imperii factus Collega, A.C. 576. beneficus in pauperes fuisse, dicitur.

XIX. Mauritius, illius gener, factus Cæsar, A. C. 583. propter avaritiam exorsus militi, coactus est profugere Chalcedonẽ. Hoc regnante, Cometa senis mensibus apparuisse, tunc etiam Mahometus natus esse, traditur. Sub eoq; vixit inter Gregorium Magnum, Pontificem Romanum, & Johannem, Episcopum Constantinopolitanum, contentio de primatu.

XX.

Historiarum.

XX. Phocas, Centurio, Mauritium cum uxore, liberis, omniq; stirpe neci dedit: qui per seditionē deīnde salutatus Imperator, A. C. 602. sed propter crudelitatem, & neglectam Rempublicam, occisus est.

XXI. Heraclius A. C. 615. multis bellis fuit occupatus. Ab hoc Saraceni militantes, cū stipendiis fraudarentur, maximā multitudine deficiunt, & Mahometo Duce, per Syriam grassati, Damascum occupant, Ægyptum vastant, Arabiam subigunt, & in Persas quoq; feliciter præliantur.

XXII. Constantinus, filius, paucos menses imperat.

XXIII. Constans, Heraclii nepos, A. C. 642. infelicissimè mari pugnavit. Romam placidè ingressus, omnibus ornamentis eam spoliatur. In Sicilia in balneo fuit interfectus. Cū de successione essent dissidia, Saraceni occasionem nacti, Imperio magnum damnum inferunt.

XXIV. Constantinus Barbatus A. C. 669. Saracenos fudit, inducias annorū triginta, & annuū vectigal ipsis imposuit. Sub hoc Imperatore, Monotheletæ, ponentes unam in Christo voluntatem ac operationem, damnantur in tertia Synodo Constantinopolitana.

XXV.

Synopsis minor

XXV. Justinianus, filius, A. C. 686. per ætatem & imperitiam malè Remp. gerebat. Ob crudelitatem à Leontio, naribus præcis, fuit relegatus, quem Tiberius, à militibus Imperator electus, rursus naribus truncat, in catenas conjicit. Tandem Justinianus, Trebellii, Bulgaria Regis, auxilio (in quem tamen postea ingratus fuit) utrumq; cepit, & interfecit. In hocq; deficit Heraclii progenies, elapsis ab Heraclii principio annis centum. Soli certè Heraclio inter Romanos Principes contigit, ut in una stirpe sextus Augustus legeretur.

XXVI. Philippicus Bardanes A. C. 712. ad quem exercitus defecerat, à Constantino Pontifice Schismaticus pronunciatus, tandem à suis est exoculatus. Anastasius interim successurus, à militibus recusatur, & factus est Imperator quidam obscuri generis Theodosius, qui Anastasium, prælio victum, sacris addicit: Sed non multò post ipse ejectus est, à Leone copiarum Præfecto.

XXVII. Leo successit: Quo regnante Saraceni Constantinopolim per triennium obsident. Hic Cæsar statuas omnes, & Divorum imagines è templo ejecit, malè audiens à Pontifice Romano: Et inde Iconomachus dictus fuit.

XXVIII.

Historiarum.

XXVIII. Constantinus Copronymus A. C. 741. Leonis filius, Artabastum, novū Imperatorem electū, Constantinopoli exoculat. Excommunicatus quoq; fuit à Papa, & legati ipsius in vincula sunt conjecti.

XXIX. Leo, A. C. 775. hujus filius, ejusdem cum patre fuit Religionis.

XXX. ● Constantinus filius, cū per ætatem regere nequiret, mater ejus benè Remp. gerebat. Ille autem grandior factus, dejectā matre, insolenter cœpit regnare A. C. 790. Tandem verò rerum summa ad matrem Irenē rediit, quæ, quarto demū Anno sui Imperii, inq; in exilium est relegata.

CAPUT XVI.

De Imperatoribus Orientis post avulsum Occidentem.

INterea, dum ita Constantinopoli tumultuosè res aguntur, celebris erat Caroli, Regis Francorum, fama. Aquitanico enim bello confecto, ab Adriano Pontifice Romano rogatus, cum exercitu venit in Italiam: Et Desiderium gravem Italiæ, post longam obsidionem, cepit, ejusq; filium Adalgisum regno dejecit, & omni expulit Italiâ. Cæterum Imperatores Orientis, continuis ferè

Synopsis minor

ferè bellis agitati, vel non potuerunt, vel noluerunt difficultates, & varios tumultus sedare.

Ab Irene autem ad Palæologum postremum, circiter quinquaginta numerantur Imperatores Græci, & in his aliquot fœminæ: Ex ipsis tamen pleriq; ignavi.

Constantio Monomacho regnante, Turcæ ab humiliori origine paulatim progressi longiùs, Asia vastari cœpta, vires quotidie auxerunt. Princeps illorum fuit Ottomanus, ad Annum Christi circiter millesimum trecentesium.

Mahometus deinde, ejus nominis secundus, Solymani proavus, captâ Constantinopoli, & Constantino Palæologo, Cæsare, interfecto, cum omni familia, nomen & successionem Imperatorum nostræ Religionis, iis in locis, funditus delevit.

CAP. XVII.

De Imperatoribus Francicis.

I. **C**AROLUS ergò, Rex Francorum, vocatus & rogatus Italiam, & reliquas oras pacavit, tandem Romam profectus à Leone, & ab omni populo Romano, salutatus est Imperator Augustus, cum jam annos regnasset triginta tres: Parisinam Academiam instituisse,

Historiarum.

stituisse, & mensibus nomina Germanica dedisse traditur. Mortuus est annos septuaginta natus, cum per annos ferè quatuordecim Cæsar fuisset: A. C. 814. Germanorum omnium primus ad eam evectus dignitatem.

II. Ludovicus, cognomine Pius, Caroli filius, alter Imperator Germanicus, cum Cæsare Græco Leone Armenio renovavit amicitiam. A filiis ad monasticam vitam fuit detrusus.

III. Lotharius Imperium nactus est A. C. 840. cæteri fratres Carolus Aquitanæ, Ludovicus Baviaræ sunt præfecti. Verùm, contentionibus inter fratres exortis, nova est facta distributio: ut Ludovico Germania, Galliæq; pars; Carolo Gallia ab Oceano Britannico & Pyrenæo saltu, usque ad Mosam cederet. Lotharius præterquam quod Cæsar esset, Italiam & Narbonensem quoq; provinciam obtinuit: eamq; Franciæ partem, quæ adhuc hodiè ab eo Lotharingia adpellatur.

IV. Ludovicus Secundus, hujus filius, A. C. 855. Saracenos, in Italiam irruentes, repressit. Hujus Legatis neglectis, Adrianus II. Papa fuit electus.

Synopsis minor

V. Carolus Secundus, cognomine Calvus (filius Ludovici Pii) Galliæ Rex, A. C. 875. magnâ celeritate proficiscitur in Italiam, resistente licet altero fratre, natu majore, Ludovico, Germaniæ Rege, & à Johanne Octavo, Romano Pontifice, consecratur.

VI. Ludovicus Tertius, hujus filius, cognomine Balbus, A. C. 877. biennium præfuit.

VII. Carolus Tertius Crassus, Ludovici, Germaniæ Regis, filius, omnem Germaniam, Italiam & Galliam obtinuit, Sarcenos profligavit. A Proceribus tandem Imperio exutus, ad eam egestatem redactus fuit, ut etiam necessariis alimentis destitueretur.

VIII. Arnolphus, fratris filius, A. C. 887. Romam capit. Quo imperante, Hungari, ex Scythia pulsi, in Pannoniam irrunt.

IX. Ludovicus IV. hujus filius, successit, A. C. 895. cui Hungari magnum damnum intulerunt. A Berengario, Italiâ devictâ, exoculatus dicitur: in eoque defecit stirps Caroli Magni. Germani, Saxones præsertim, & Francones, hoc mortuo, Cæsare salutabant *Othonem*, Saxonum & Thuringo-

Historiarum.

ringorum Principem. Sed is, ætate gravis, auctor ipsis fuit, ut *Conradum*, Franconix Ducem, eligerent, A. C. 912.

CAP. XVIII.

De Imperatoribus Germanicis.

I. **H**enricus Auceps, Othonis filius, à Conrado Imperator proponebatur, A. C. 920. Hi duo Cæsares à Pontifice Romano non fuerunt consecrati. Henricus quidem oblatam à Papa consecrandi Cere-
moniam neglexisse fertur; quòd bonorum virorum iudiciis atq; suffragiis contentum se diceret. Arnolphus Malus Bavarix, & postea Burchardus Suevix Dux, rebelles, rei summam ad se traducere cogitabant: sed ille colloquio, hic potentiâ Cæsaris ter-
ritus est. Multis peractis bellis, Romam venit: concilium habet, eiq; præfuit; & Jo-
hannem XII. propter crimina loco remo-
vens, Leónem, ejus nominis Octavum, in-
stituit. Hungaros ad Mersburgum incre-
dibili cæde fudit: exercitu ejus vociferan-
te: Kyrie eleison, Kyrie eleison.

II. Otho Primus, Henrici filius, à patre Imperii Collega designatus, propter rerum gestarum amplitudinem, & præstantem virtutem Magnus vocatur: solus imperare

Synopsis minor

cœpit A. C. 936. & Christianismum in Sclavos propagavit.

III. Otho Secundus, A. C. 973. Henricum, Bavarix Ducem rebellantem, armis ad officium adduxit.

IV. Otho Tertius, hujus filius, A. C. 984. Papam constituit Brunonem, hominem Germanum, nominatum postea Gregorium Quintum. Adscribitur ei vulgò institutio Imperii Electorum: sub eoq; Hugo Capetus, primus apud Gallos Gallus, regnare cœpit.

V. Henricus Secundus, Bavarix Dux, Othonis Magni, Saxonum Ducis, atq; Cæsaris propinquus, A. C. 1001. Ecclesiis admodum gratus fuit Cæsar: ac propter pietatem obtinuit, ut Sanctis accenseretur. Eo mortuo, cùm inter Principes Electores non conveniret, interregnum fuit aliquandiu.

VI. Conradus demum Secundus, A. C. 1025. Franconix Dux, & inde Salicus dictus, successit: Romam profectus, & à Johanne XVIII. consecratus, acclamante populo, salutatur Augustus.

VII. Henricus Tertius, Conradi filius, de Principum voluntate successor, A. C. 1044, Bohemos domuit: Hungariæ Regem aliquo-

Historiarum.

aliquoties restituit. Romam, tumultu exorto, profectus, urbe per obsidionem captâ, conventus agit, & per Bambergensem Episcopum Suitgerum constituit Papam; qui postea dictus est Clemens II.

VIII. Henricus IV. hujus filius, adolescentulus, succedit A. C. 1056. administratio autem penes matrem erat. Quod Germaniæ Principes molestè ferentes, filium à matre distrahunt. Cæsar verò, naturâ proclivis in vitia, lascivire cœpit. Saxones igitur, ad vindicandam libertatem, arma sumunt. Ille verò postulatis ipsorum satisfaciens, nocturnâ fugâ vix elabitur. Excommunicato (quòd Præfecturas Ecclesiasticas divenderet) à Papa Cæsari, Principes Germaniæ parere nolunt: cogitur itaque deprecari. Post multam actionem hæc ei conditio proponitur: judicio se sistat, & cognitioni subjiciat Papæ, quem Augustam sint evocaturi: absolutionem impetret excommunicationis, copias dimittat, Spiræ privatus vivat parva cum familia: publicam rem nullam gerat, neque fasces, vel Imperii signa sibi sumat: donec legitime sit decisa controversia. Recipit conditionem: Papæ obviam iturus Italiam in-

Synopsis minor

greditur : ab Episcopis honorificè (opinantur enim animo irato illum eò venisse) excipitur : à Papa. per Legatos. absolutionem rogat. Cæsar totum triduum permanfit in arcis area & vestibulo (ubi Pontifex erat) tenui cultu, depositis regijs insignibus, nudis pedibus, & ad vesperam usq; jejunos. Quarto demum die admissus omnes Pontificis leges probat & admittit. Quâ se cognitâ, Proceres Italiæ, vehementer offensi, de filioso Cæsaris eligendo, Romanque traducendo, & deiciendo Pontifice cogitant. Cæsar, eo cognito, à pactione discedit, Pontificis consilia turbat. Principes igitur Germaniæ, hisce de rebus à Papa certiores facti, Rudolphum, Sueviæ Ducem, creant Cæsarem, qui ab Henrico oppugnatus, tertio conflictu graviter vulneratus non multò post è vita excessit. Cæsar profecturus in Italiam, filium sibi successorē designat. Sub hoc Imperatore Hierosolyma capta, & Saracenis erepta : in ibique Godofridus Bullionæus creatus Rex fuit.

IX. Henricus V. hujus filius, ab aliis exstimulatus, in summas angustias parentem conjecit, & abdicare se Magistratu cōegit, A.C. 1106. Aliquot post annis in Italiam vadit,

Historiarum.

dit, & ferro patēfactâ sibi viâ, Romam demum venit. Reversum in Germaniam Cæsarem, Pontifex à pacto discedens, excommunicat. Ea res multos Germaniæ Principes ad rebellionē commovit. Sub hoc Imperatore Otho, Episcopus Bambergensis, Deo placitam obiit peregrinationem, ad gentem Sclavorum, qui dicuntur Pomerali: prædicavitq; illis verbum Dei; Deo cooperante, & sermonem conformante subsequentibus signis: omnemq; gentē illam, cum Principe eorum, ad Dominum convertit. Cranzius in Saxon. & Vandal.

X. Lotharius è Saxoniz Ducum familia succedit, A. C. 1126. Qui Sueviz Ducem, rebellantem, pacem petere coëgit. A Carolo Magno vix alius majora per Italiam egisse fertur. Restituit Innocentium II. Pontificem. Hoc Imperatore jubente, Irnerius Leges Romanas revocavit.

XI. Conradus III. Sueviz Dux, A. C. 1138. Henrici V. ex sorore nepos, Henricum Superbum, Bavariz Ducem, proscripsit. Sub hoc Imperatore, Gratianus, Monachus, composuit Decretorū opus: quod Eugenius Pontifex adprobavit, & in Academicis publicè proponi mandavit.

Synopsis minor

XII. Fridericus Ænobarbus, Suevia Dux, Conradi fratris filius, Heroici vir ingenii, A. C. 1152. multisq; rebus laudabiliter gestis clarus. Eo imperitante, duo de Principatu contendebant Pontifices, Victor & Alexander. In Victorē quidem magis Cæsar inclinabat: sed Alexander competitorē, post etiam, aucto dissidio, Cæsarem excommunicabat. Licet autem bello superior esset: periculis tamen ingruentibus, ab amicis exoratus, supplex Pontifici Venetiis in gratiam rediit. In Asiam profectus, adversus Christianæ Religionis hostes; & oppressus impetu fluminis, in quod lavandi causâ se dimiserat, periit. Sub hoc Imperatore, Petrus Lombardus, Episcopus Parisiensis, celebre illud Sententiarum scripsit opus.

XIII. Henricus VI. hujus filius, A. C. 1191. Apuliâ & Calabriâ devictis, Neapoli quoq; captâ, Siciliam domat. Deinde filium suum Fridericum, adhuc infantem, successorem, de voluntate Germaniæ Principum, designat.

XIV. Philippus, A. C. 1199. licet alii Othonem, Saxonie Ducem, undè magnus motus fuit exortus, crearent, partim armis, partim huminitate adversarios ad officium deduc-

Historiarum.

deduxit. In cubiculo est occisus. Sub hoc Imperatore, Innocentius, Pontifex Maximus, quinque Libros Decretalium legi in Scholis, & in iudiciis ubiq; servari, præcepit. Constantinopolis item à Balduino, Flandriæ Comite, capta fuit.

XV. Otho, Saxonæ Dux, A. C. 1209. succedens, ab Innocentio IV. est excommunicatus. Principes ergo Electores à Pontifice sollicitati, ut alium crearent, Henrici VI. filium, cui fidem dederant adhuc infanti, sed propter infantilem ætatem nondum admitterant, evocant è Sicilia.

XVI. Fridericus igitur II. A. C. 1228. Othonem, cum exercitu occurrentem, expugnat. Rebelles per Italiam domat. Excommunicatur à Pontifice: quare deprecatus, seseq; purgans, cum nihil proficeret, Romam petit, & Pontificem dejicit. Rursum excommunicatus, per Legatos agit de pace. Verum nihil impetrans, & denuò excommunicatus, fremens & iratus in Italiam redit, atq; Romam obsidet.

XVII. Conradus IV. à patre designatus, A. C. 1252. patri succedens, ab Innocentio excommunicatus, & ab Henrico, Thuringiæ Landgravio (cui S. Elisabet ha fuit nupta) oppugnatus fuit.

Synopsis minor

XVIII. Guilielmus, Holandiæ Comes, ab Electoribus Imperator creatus, A. C. 1255. Dum in Frisios, res novas molientes, cum exercitu proficiscitur, ab insidiis circumventus, & hastis confossus est. Ab hoc per annos septemdecim fuit interregnum: cum subindè variè fluctuaret Respublica.

XIX. Rodolphus Habsburgius, ex castris vocatus, & Cæsar factus, A. C. 1273. motus per Germaniam componit, fuitq; Princeps prudens, strenuus armis & bello, ac qualem turbata Respublica deposcebat. Acceptâ pecuniâ, Italiæ Civitates multas, quæ erant Imperii, liberas & immunes fecit: Bononienfes, Florentinos, Genuates, Lucenses & alios.

XX. Adolphus, familiæ Nassovicæ, A. C. 1292. inimicitias exercuit cum Alberto, Austriæ Duce. Cum suis moribus Germaniæ Principes admodum offenderet, loco est remotus.

XXI. Albertus, Austriæ Dux, Rudolphi filius, electus, A. C. 1300. in agro Spirensi Adolphum gravissimè fauciavit. Sed demum à suis est interfectus.

XXII. Henricus VII. è familia Luceburgica, A. C. 1308. filio suo Johanne, per matrimonio-

Historiarum.

trimonium factō Rege Bohemiæ, in Italiam proficiscitur: Romæ ab aliquot Cardinalibus coronatus, Jusjurandum præscriptum pronunciare recusat. Mortuo Henrico, non absq; gravissima veneni suspicione, acerrimæ contentiones ortæ sunt in Germania super electione.

XXIII. Ludovicus tandem, Baviaræ Dux, rerum potit⁹, A. C. 1314. Romam profectus est, & magna cum gratulatione exceptus (invito Pontifice) coronatus est, ab uno & altero Cardinali. Cùm Pontifex ingeminaret excommunicationem, ille, de Consilio Procerum, Papam alium creat. In Germaniam revertente Cæsare, Papa moritur: successor ejus Benedictus XII. Cæsarem & ipse excommunicat, & dignitate privat. Cæsar ideò Principibus exponit Pontificum injurias, & ostendit: sufficere in electione Cæsaris Principum voluntatem. Mortuo Benedicto, succedit Clemens VI. omniū violentissimus. Fluctuante ad hunc modum Republicâ, Ludovicus mortem obiit. Fridericum cognomine Pulchrum, Austriæ Ducem, à quibusdam Imperatorem creatum; atroci prælio commissō vicit, cepitque. Ludovicum autem hunc, ex
quo

Synopsis minor

quo descendunt moderni Serenissimi Bavaræ Duces, operose contra Bzovium defendit Magnus Herwartus.

XXIV. Carolus IV. Bohemiæ Rex, eligitur A.C. 1347. Italiâ egressus, Decretum illud Imperii facit, quod Bullam Auream vocant. Sub hoc tempore Johañes Wiclef, Anglus, multa scripsit, contra receptas opiniones; ideoq; inter Hæresiarchas nominatus fuit.

XXV. Wenceslaus, Caroli filius, magnis largitionibus vix tandem factus Imperator, A. C. 1379. naturâ, educatione, & vitæ genere admodum vitiosus fuit. Principes ei Magistratum abrogant. Eo regnante, moritur Argentiniæ Johannes Taulerus Coloniensis, Sacrosanctæ Theologiæ Doctor.

XXVI. Jodocus Barbatus nihil memorabile, toto vitæ tempore, edidit.

XXVII. Robertus Palatinus, à Principibus electus, A.C. 1400. ad emendandum ea, quæ Wenceslaus peccâisset, animû adjecit.

XXVIII. Sigismundus, Hungariæ, ac deinde Bohemiæ Rex electus, A. C. 1411. Interfuit Concilio Constantiensi, in quo Johannes Hussus, & Hieronymus Pragensis, combusti fuerunt.

XXIX. Al-

Historiarum.

XXIX. Albertus II. Austriæ Dux, A.C. 1438. Hungariæ, Bohemiæq; Rex, civilibus & Turcicis bellis impeditus, in Italiam non venit.

XXX. Fridericus III. Austriæ Dux, successit A.C. 1440. Regni ipsius Anno quarto Uladislaus, Poloniæ simul & Ungariæ Rex, ab Amurathe Secundo ejus nominis, Turcarum Imperatore, prælio victus, ad Varnam occubuit. Nono post Anno Constantinopolim vi cepit Mahometus, Amurathis filius.

XXXI. Maximilianus I. A.C. 1494. filius Friderici, inter alia multa, cum Venetis quoq; bella gessit. Instituit supremum Cameræ Imperialis Judicium Spirense: & Eberhardum Comitem Würtembergiæ Ducem creavit.

XXXII. Carolus hujus nominis V. è filio Philippo nepos Maximiliani, Cæsar longè potentissimus, Princeps nunquam satis laudatus, successit A.C. 1519. Hoc imperante, varii tumultus in Religione sunt exorti, qui etiamnum durant. Et si enlm pax quædam certis limitibus sit definita: tamè, glisciente odio, omnibus ex partibus vulnus illud subindè tefricatur.

XXXIII.

Synopsis minor Historiarum.

XXXIII. Ferdinandus I. frater Caroli V. successit, A. C. 1558. in cuius tempora factio Grumbachiana incidit.

XXXIV. Maximilianus II. huius filius, hunc excepit, A. C. 1564. Rex postea Ungariæ coronatur, Viennæ decessit, relinquens sapientiæ, & pietatis, memoriam dignissimam Imperatore.

XXXV. Rudolphus II. Maximiliani filius, Imperator post eum factus, A. C. 1576. Bella Turcica, per Legatos, summa cum prudentia gessit. Obiit Pragæ.

XXXVI. Matthias, frater Rudolphi, successit, Anno Christi 1612. cuius tempore oppidum Rhæticum Plüers, dictum à monte vicino, horribiliter oppressum est (suppressionem præfagiens Rhæticiæ, nimis licenter usurpatæ libertatis) suntque in Bohemia periculosi excitati motus, quibus nondum sedatis, Imperator Viennæ rebus humanis exemptus est.

XXXVII. Ferdinandus II. Ferdinandi Primi Nepos: Francofurti, Anno Christi 1619. post hunc in Imperatorem electus & coronatus, etiam nunc rerum potitur, Princeps verè pius & felix. Hæc ex Sleidani Libello, de Quatuor Monarchiis, magnam partem desumpta; jugi lectione augeri, & forsan instar Locorum Communium, secundum temporis series institutorum, usurpari possunt.

Veni Domine Jesu!


C. A. RUPERTI

OBSERVA-
TIONES

AD

Synopsin minorem

C. Besoldi.



CHRISTOPHORI ADAMI
RUPERTI

OBSERVA- TIONES

AD

HISTORIÆ UNIVERSALIS

*Synopsin Befoldianam
minorem.*

CAP. I.

*Historiæ divisio. Universalis Scriptores quidam
veteres. Ejusdem difficultas & laus, sed
pragmatica. Divisio Ionsloni & Befoldi pa-
rum commoda. Quam Historia antedilu-
viana notitiam habuerint gentilium sapi-
entiores? Fabulosa Poëtarum narrationes
de Adam, Eva, Paradiso, Lapsu primorum
Parentum, Caino, Thubalcaino, Naamâ,
Lamechi filiâ; & aliis. Diluvium, & pro-
vinciarum distributio in Iaphetum, Semum,*

A

Cha-

Chamum. Fabula alia de Noacho & ejus filiis.

Qui nuper artem historicam professi sunt (quorum agmen ducere mihi videtur *Gerhardus Johannes Vossius*) id ante omnia faciendum putârunt, ut historiam divinatorum munerum longè pulcherrimum utilissimumq; quàm accuratè distinguerent. Est quidem ita (ut scribit illustris *Salmasius in Funere* linguæ Hellinisticæ p. 6.) *rudes & indigestas auri moles & massas in acervum fortuito conjectu accumulatas magis aestimari ab intelligentibus, quàm plumbi lamellas, multo artificio bellè compositas, vel dispositas.* Quo dicto perstringite eos, qui *magnas nugæ aptè dividunt ac disponunt*; sed id nihil huc pertinet: Nam in historiarum studiis (quibus juvenus, Reip. nata, initianda est) cùm memoriæ studendum sit, ἔδὲν ἕτως ἔτ' εὐχεσθον, ἔπε καλὸν, ὡς ἡ τιξίς: Nihil utilius pulchriusve quàm ordo, ut in *Oeconomico* loquitur *Xenophon* p. 841. edit. Leunclay. Nec quicquam tam cavendum, quàm ne omnia sint Bacchi κέρνυς (vas fictile) in quo teste *Athenao lib. XI. Dipnosoph.* p. 476. simul fuerunt *papaver, album triticum, hordeum, pisum, ervum, cicer, lens, faba, ζέα, avena, carica, mel, oleum, vinum, lac*; quin etiam *illota ovina lana.* Cujusmodi mixturam, ut *hilaria Bacchantium* fortasse non aspernantur; ita hic omnia diligenter separanda esse censentes eruditissimi viri, *Historiam* diviserunt in *Divinam, Naturalem & Humanam.* Hanc postremam secuerunt in *veram, mythicam & quasi*

quasi mythicam. Veram rursus triplicem fecerunt, vel occupatam in descriptione *Personarum* vel *Locorum*, vel *Temporum*. Historiam *Personarum* vel perpetuam vel sejunctam: *Perpetua* dividenda videbatur in *Universalem*, *Particularem*, *Singularem*. *Universalem* nuncupârunt, quæ vel *omniem*, vel *præcipuarum* saltem *gentium res gestas* continet, & hanc quoque fecerunt *irium generum*: ut quæ vel ab *orbe condito*, vel ab *ævo* (quod *antiquissimum* putatur) inciperet; vel *aliquam tantum temporis portionem* complecteretur. *Particularem* definierunt, *gentis* alicujus, aut *ciuitatis* res gestas, vel ab *origine* referentem; vel *partem* duntaxat illius. *Singularem* interpretati sunt *vitæ* illas, quas scripsere *Plutarchus*, *Corn. Nepos*, alii.

Universalem à mundi creatione ad Salvatoris adventum *libris XIV*, & res à Christo nato usque ad *Macrini Imp.* tempora, licet succinctè, scripsit *Jul. Africanus*, quem legit *Photius*; ut attestatur ipse *Cod. XXXIV*. Ita quoq; *Cephaleon* à *Nino* & *Semiramide* ad *Alexandri M.* tempora, ut est apud *Eund. Cod. L. XLIX*. Et *Hesychius Illustrius* à *Belo*, *Assyriorum Rege*, ad excessum *Anastasio Romanorum Imperatoris*; quem addat *Idem Cod. L. XLIX*. *Diallus Atheniensis* de *Rebus* ubiq; *terrarum gestis*, ut nos docet *Diod. Sic. lib. XXI. c. 5*. Ipse *Diodorus Siculus*, qui in unum volumen totius ferè habilis Orbis historias congeffit, congestasq; accuratè & diligenter digessit; inter *Scriptores* *ἱστορίας οἰκουμενικῆς*, sive *καθολικῆς* locum habet, iudice *Heimr. Stephano*. Sed & *Nicolaus Damascenus*, *Vir illustis*, *Augusti* & *Herodis M.* quondam amicus,

incredibili studio omnem undiq; historiam collegit, & inter laborem sæpe dicere solitus est: *Eurysthenis, si Herculi tale quid imperasset, maximè illum vexaturum fuisse.* Hoc propriis experimentis edoctus pronuntiavit *Nicolaus* ipse in *Excerptis Peirescianis* p. 420. Sagacitate quadam mentis singulari affectus est *Julianus Justinus*, cum *Tropum Pompejum* (quem seculo ad ignaviam vergenti, an auctori jam ob magnitudinem suam neglecto? gratificare volens, in Epitome redegit) in præfatione §. 3. Herculeâ quædam audaciâ orbem terrarum aggressum diceret; cujus libris omnium seculorum, Regum, Nationum, Populorumq; res gestæ contineantur. Nec minora sunt, quæ apud *Diod. Siculum* lib. l. c. 1. & 3. *Polybium* lib. l. c. 4. & 5. legimus; licet de historiâ pragmaticâ (h. e. interprete *Salmasio ad Capitolinum* p. 259.) ea, quæ omnia copiosè & diligenter exequitur, potissimum capienda: qualem quidem (ut superioribus adhuc unicum adjiciam) *Polybius* scripsit ferè inimitabilem, & à summis ingeniis commendatam; sed nunquam commendatam satis. Certè judicium *Lipsii in Notis ad Politicam* neminem latet; sed consulenda maximè *Casauboni* epistola, quâ *Henrico IV. Galliarum Regi* Scriptorem illum dedicat; & simul nobilissimorum Autorum censorem agens, tandem in *Polybio*, & universalis historiæ laudes sic erumpit: *Est hoc historia Polybiana grande atq; insigne decus, quod non de una tantum aut altera natione fuerit instituta; verum de omnibus, quæ toto orbe illis temporibus noscebantur: Cujus generis historia cum reliquis ejus formas tantum dignitate*

gnitate superet, quantum parte aliqua sui reum est præstantius; us cum difficultatibus est conjuncta, ut post hominum memoriam perquam pauci fuerint reperti, qui oneri tanto subire auderent; quorum autem humeris opus illud bene sederet, paucissimi. Planè inulitatem animi magnitudinem, & parùm vulgò consuetum ingenii modum, præ se fert; qui universalis historię (qualem *Alfonsus X. Castella Rex* solitus optare) scriptionem *περαγματικὴν* aggreditur. Proprias verò laudes ejusmodi historię si commemorare velim, nimis longum faciam. Et præclare noster hūc cā super re nonnulla operis sui initio: *Vel illud quantum est, quā admirabile? Possē aliquem mortalium illam Dei Ter Opt. Max. πλουτὶκὸν & inenarrabilem sapientiam* (qua non unam aliquam aut alteram regionem, sed verò mundum universum regit ac temperat) quasi vestigiis persequi, mente capere, & stylo enarrare? *Quid de populis Orientis, quid eodem tempore de Occidentis Divina statuatur providentia? quid vel sublevandis, vel premendis ad Aquilonem, Austrumve gentibus eadem decernat? Tot res, tam variæ, vel animo posse capere magnum sit: quid componere inter se, in ordinem digerere, & in unius historia faciem concinnare? Hoc demum illud verò est, ministrum providentia Divina in terris agere.* Quem locum utut prolixiorē idcō asserre placuit, quòd prima Besoldi verba de historia universali (nam istam præcipuè laudare voluisse, tūm è Synopsi ejusdem auctiore, tūm è sequentibus cognoscimus) pulcherrimè firmet, illustret, animisq; lectorum insinuet.

Et quanquam, ut dixi, historiae pragmaticae laus ea propria est, & ad ejus potius lectionem nos castigaret, quàm ad compendia (in quibus nihil ferè quàm nomina legimus; quæq; apud eruditissimos Viros, & ipsum Calaubonum in dicta epistola malè audiunt) tamen nec improbare possum illud *Quintiliani* consilium præmio lib. VIII. Institutionum: *Inscientibus brevius ac simplicius tradi magis convenit; aut enim difficultate institutionis tantum numerosa atq; perplexa deterreri solent, aut eò tempore, quò præcipuè alenda ingenia, atque indulgentiâ quadam enutrienda sunt; asperiarum tractatur rerum atteruntur.* Igitur nec altius Epitomatoribus pretium suum detraho, nec nostro; dum ex antiquitatis Græcæ, Romanæ, aliarumq; nationum genuinis monumentis, non ex imperitorum, vel impostorum graveolentibus lacunis sua propinant. Tunc in Ægyptiacum mihi palatum est; quod quale sit, explicat Plutarchus in libro de Iside & Osiride p. 378. edit. Xylandrinx: *Unde vigesima die primi mensis, diem Mercurio festum celebrantes, mel & ficos edunt, simul dicentes: γλυκὺ ἢ ἀλόθεα, dulce est veritas!* Quòd si nonnemini generosâ quâdam aviditate plura expectanti sterilior noster videbitur, licet huic satisfacere videatur in Synopsi locupletiore, quam Ingolstadienses post mortem ejus publicârunt; id quidem Observationibus hisce (quantum in me erit) efficiam, ne desideria tam æqua insuper habuisse videam. Nunc propius ad Auctorem nostrum. *Historia universalis, inquit, tractat res ante & sub quatuor Monarchiis gestas.* Nec abiit in Synopsi majore. Jons-
tonius

stonius pleraque secans, non in partes, sed in frustra: *Historia Universalis continet res vel ante Monarchias, vel monarchicas; illa, vel antediluviana vel postdiluviana: Et dein monarchicas a Nabuchodonosore.* Mihi commodissima videtur divisio in *antediluvianam & postdiluvianam*; omittam illam primam, in antemonarchicam & monarchicam: Nam licet *Besoldi & Jonstoni* mentem satis capiam, ad magna illa *IV. Imperia, Assyriorum, Persarum, Græcorum & Romanorum* respicere; tamen quid opus potentissimas Monarchias, quæ fuerunt etiam ante diluvium, nihili facere? Tanta sanè Babyloniorum fuit, ut nec seræ memoriæ posteritatis exciderit; sed hodieque sciamus, Monarcharum illorum antediluvianorum continuam successionem. Quemadmodum mox ostendam ad illa capitis secundi: *Antediluvium Imperii cujusdam potestate homines fuisse gubernatos, ex Chaldeo paraphraste liquet.* Ut illa divisio, de qua diximus, non haberi non possit incommoda.

Cæterum historiam antediluvianam ignorare ejus est, qui sacras literas nunquam legit; sed ad has ipsas commentari neque nostrum est: Neque si esset, Theologiæ & Philologiæ sacræ doctores eximii quicquam reliquum nobis fecissent; quorum hic Rhodus, hic saltus fuit. At quando profanis Scriptoribus explicandis præfati sumus, fortasse non alienum erit, quam historiæ antediluvianæ notiam postdiluviani gentiles habuerint, Commentarii loco adducere. Creatum esse mundum à Deo Opt. Max. (cujus ab æterno sit majestas) agnoverunt, & in lite-

tas miserunt Orpheus, Archelaus, Sophocles, Plato, Aristophanes, Menander, Zeno, Cleanthes, Chrysippus, Archidemus, Posidonius; & è Latinis Ovidius, Servius, & alii; quorum loca jam observârunt Paulus Merula *Cosmographia* part. I. lib. I. c. 2. Vossius lib. I. de Origine & Progressu Idololatriæ c. 1. Lips. lib. II. *Physiologia Stoic.* dissert. 8. & Hugo Grotius in notis ad lib. I. de Veritate Christi. Rel. p. 232. & seqq. edit. Paris. vel p. 18. & seqq. edit. Lugd. Ubi multis testimoniis probat, vetustissimam apud omnes gentes famam ita habuisse, ut Moysis scripta prædicent. Sed ut hodiè rerum arcanarum disquisitionem libenter, quamvis cū periculo, ingredimur; sic olim ad eruendum latens istud delapsi sunt, & in varias partes se versârunt: Quid ante creationem suprema illa mens agitarit? Quibus respondisse mihi videtur Seneca: *Jovem, cessante natura, acquievissse sibi, cogitationibus suis traditum.* Epist. 9. Hoc explicat Lipsius è Claudio Victore:

*Regnabatq̃, potens in majestate creandi,
Et facienda videns gignendaq̃, mente capaci
Secula dispiciens; & quicquid tempora volvunt,
Præsens semper habens: immensum mole beatâ
Regnum erat ipse suum.*

Nimirum Deo (in quo tempora disparanda non sunt,) nunquam defuisse occupationem, hæc, quæ fuerunt, & quæ instant, contemplandi. Jam hominem ipsum creatum è terra, Varro asserit apud Nonium in voce, *blitum*. Zeno Eleates apud Diog. *Lærtium* lib. IX. p. 647. edit. Casaub. Nec aliunde fluxit convenientissimum sacris literis loquendi genus, ter-

ram omnium matrem esse; quod est reperire tùm apud alios, tùm Columellam lib. II. de Re Rustica, c. 1. Facit hûc, quod refert Livius lib. I. c. 5, 6. cùm Lucius Brutus Titi & Aruntis Tarquiniorum Delphos misforum comes ex infimo specu Apollinis Delphici vocem redditam accepisset, imperium è præsentibus juvenibus summum Romæ habiturum; qui primus osculum matri tulisset. Tarquiniis Oraculum secus capitibus, illum terram osculo contigisse, quò dea communis mæter omnium mortalium esset. Adde Dionysium Halicarnass. lib. IV. c. 75. Quamvis etiam, quòd omnia nutriet, hoc nomine adfectum esse, nullus dissimulem; quæ ex Homero, Hesiodo & Callimacho Grotius observavit, huc pertinentia, videri apud illum possunt in dictis notis p. 273. 274. 275. edit. Paris. vel p. 58. 60. edit. Lugdunens. Vult ibidem memoriam operis intra septem dies peracti, servatum non apud Græcos tantùm & Italos; sed Celtas & Indos. Sed cum iis conferre te velim observationes Casauboni ad Tiberium Suetonii c. 32. Hæc & alia, verbi gratiâ: Verbo Dei facta esse omnia: Tenebras luce priores: Unum esse summum Deum rerum omnium causam: Vitam primorum hominum simplicissimam, ipsos nudos extitisse: Legem à Deo datam, ne edulibus arborum (ex quibus notitia boni maliq, animis eorum obreperet) vescerentur; serpentem autem primitias generis humani malis suasionibus illaqueasse; quæ ibidem notavit Grotius. Item: Aquam fuisse ante creationem rerum (quod censuisse Thalætem Milesium scribit Cicero de Nat. Deorum lib. I. c. 10.) & antiquissimos illos vitam in

A v

multa

multa secula produxisse; qua de re egimus ad *Valerij Max. lib. VIII. c. 13.* Item, *Gigantes fuisse stupendi roboris*; de quibus & ipse non pauca notavi ad *Vellej lib. I. c. 5.* & addi potest *Lipsius lib. III. Physiolog. Stoic. dissert. 5. Grotius d. I. p. 242. 283. 284.* edit. Paris. vel p. 68. 69. 70. edit. Lugdun. Hæc, inquam, uti per humanos animos minùs turbidè profluxerunt, sic aliæ historiæ primævæ pluribus per eosdem meandris errarunt impuriùs & decoloratione scædiori ex admisso fabularum luto.

Solitum Diabolo (connivente æterno Numine, quòd historiam Sacram & illibatam novit indicem dejectionis suæ, misericordiæ divinæ, cultus verè & illiciti, quantum in se est) multis corruptelis & falsis traditionibus eandem inquinare, ac simplicitatem mortalium eò deducere, ut poëticè quàm historicè de antiquissimis rebus censeant differantq; ; accedente præsertim eorum, quos circumvenire fatagit, ignaviæ & securitate, dum *ultra memoriam suam sita parùm ad se pertinere putant.* Legi apud *Guilhelmu Postellum in Cosmograph. c. 20. p. 152. 153.* in Oriente ultimo quamplurimos Christi nomen ignorare, quantumvis baptizati sint; paucos Nazaran à Nazareno sese vocare posse. Qui ex iis verissimè locuti sint, commemorasse ante mille quingentos annos Regem ex matre (quam pater nunquam contigisset) natum, in omni vita miraculosum & potentissimum extitisse; qui jussu, ut virtus & sanctitas toto in mundo coleretur, idola frangerentur; qui curaverit adorari unum Deum, sed tres facies habentem. Adjicit ibidem Postellus: *In tota insula Giapan*
statuas

statuas *maximè* tricipites, & *alias mulierum* in
 ulnis *gestantis* imagines adhuc *avo suo extitisse*. En, hoc
 fabularum scelestissimus architectus poruit in recen-
 tioribus; quid factum putamus antiquissimis? Igitur,
 quæ de *Adamo* sacræ literæ nos docent, mutata sunt
 in fabulas de *Saturno*: Quod vel ipsum nomen indi-
 cat. Nam cum *לָטֵן*, *latere* Hebræis sit *latere*; quis
 non inde deprehendit historię veræ reliquias? cum
 enim *Adamus* ab uxore in peccati consortiū pestra-
 hi se passus esset, ac se videret tegumento destitui, pu-
 dore nuditatis angulum in paradiso quæsit: Hinc il-
 læ *Saturni latebra* per Poëtarum libros celeberrimæ.
 Ut hoc magis pateat, confer utriusq; natales: *Ada-*
mus Dei filius, Evangelistæ; *Saturnus cæli*. *Adamus*
è terra; *Saturnus tellurem matrem* habet. Cogita re-
 liqua: *Imperium primum* habuit *Saturnus*; habuit &
Adamus: sed *Adami* fuit tale, ut *ignotæ* essent appella-
 tiones *servitutis & domini*, idem *Saturni regnum* apud
Justinum lib. XLIII. c. 1. §. 3. hinc & *Saturnalia*, qui-
 bus servi, *veste herili sumtâ*, sedebant ad dominicam
 mensam, Dominis præministrantibus. *Adamus pa-*
radiso & immortalitate privatus est; *Saturnus regno*,
 & simul *aurea ætas* finem habuit. Consulendus *Vos-*
sius lib. I. de Idololatria c. 18. p. 139. 140. Nec aliter apud
 Gallos veteres historia creati primi hominis latebat
 sub obscura fabula: Referebant ex ore Druidum, à
Dite Patre prognatos se esse, ut scribit *Cæsar lib. VI.*
de Bello Gallico c. 18. At *Dīs*, sive *Pluto*, tellus est,
 ubi verbis *Varronis lib. II. de Ling. Lat. omnia oriun-*
tur & oboriuntur. Videndus idem *Vossius lib. I. c. 35.*

p. 262. qui & c. 38. p. 277. rudera doctrinæ Veteris agnoscit in illa majorum nostrorum cantilena de *Tuistone* Deo, terrâ edito; & filio *Manno*.

Ipse nunquam hætenus accedere, potui Scripto-ribus nostris, qui *Tuistonem* eundem faciunt cum *Asfenez*, primogenito Japheti. Hoc quidam tantò confidentiùs affirmare sustinuerunt, quò nihil tam extra omnem dubitationis aleam positum judicârunt, quàm *Asfenezem*, sive *Ascenam*, sive *Aschanazem* Germanorum patrem ac conditorem esse. Confirmabantur, quòd recentiores Judæi *Germaniam* אֲשְׁנַזִּים, *Ascenas*, nec non *Germanos* אֲשְׁנַזִּימִים, *Ascenazim* appellant: Et hoc volebant tradidisse ipsum *Josephum* lib. 1. *Antiq. c. 7.* nam ubi vulgò legitur: Ἀσχανάζης Ἀσχανάζης ὠκῆσεν, οἱ νῦν Ῥηγίνες ἀπὸ τῶν ἑλλήνων καλεῖνται. Id est: *Aschanazes* condidit *Aschanazas*, qui nunc *Rhegines* à *Gracis* appellantur; pro *Rhegines* reponebant modò Γερμανοί, modò Ῥηνογενεῖς, hoc est, *Rhenenses*, vel *Rhenigenæ*. Quod quidem sensisse observavimus magnum illum antiquitatum Germanicarum Vindicem, *Marquardum Freherum* in notis ad *Petrum de Andlo* ad præfationem. Cæterùm hoc maximè invalidum erat: *Aschenazim* sunt gentes minoris *Asiæ*, quæ *Trojada*, *Phrygiam*, *Bithyniam*, *Æolidem*, & tractus vicinos habitârunt: Horum pater & conditor *Aschanazes*. Legendi *Paulus Merula* *Cosmogr. part. 1. lib. III. c. 14.* *Vossius d. l. Abrahamus Ortelius* in thesauro *Cosmographico*, in *Aschanaxi*. Ex quibus cognosces, nimis infirmam esse sententiam, quæ, velut certissima, Scriptorum nostrorum animos

incessit de Alchanaze in terram, quam *Germaniam* dicimus, profectò, longissimè aberrant;

Et Ganimedeo confundunt omnia Regio:

Troica Teutonicis, & Rheni gurgite Xanton.

De vera origine nostra dicam aliàs: Jam enim aliud agendum est, & ab *Adamo* deveniendum ad reliqua; & ipsius *ævi lapsusq;* atrocissimi nimis involutam *memoriam*. Olim ad *Valerium Max.* notavimus, in Sacris Bacchicis exclamatum *εὐα*, simulq; monstratum *serpentem*, quod non ab alio fonte manabit, quàm a lapsus historia. Sed & refert *Strabo lib. XV. c. 715.* Onescritum, cùm ab Alexandro M. missus esset, ut Sophistarum, qui sunt in India, sapientiam perciperet; hæc accepisse à Calano: *Olim omnia plena erant triticea & hordeacea farina, ut nunc pulvis; fontes alii lacte, alii aquâ fuebant; nonnulli melle, alii vino, quidam oleo. Homines autem ob satietatem ac luxuriam Jovem contumeliâ quadam affecerunt: is præsentem statum exosus, omnia abolevit, & vitam per laborem degendam instituit.* Hæc profectò sunt ex iis, quæ nos sacra pagina docet, de statu primi hominis in paradiso, de lapsu ipso, de privatione summæ felicitatis. Et hos maximè translucet ex istis verbis: *Et vitam per laborem degendam instituit*, quod est illud irati Dei apud Moysen: *In sudore frontis tue panem tuum comedes.* Huc etiam refert *Casaubonus*, boves *Hyperionis Solis*, de quibus *Homerus Odys. lib. XII. p. 360. & seqq. edit. Giphani.*

Canum non ignorabant Phœniciæ, & colebant sub nomine, quod Græci reddunt, *αἰνέορ*, ἢ *αἰνέορ*, id est, agricolam, sive rusticum. *Vulcanum* esse

Thubal-

Thubalcainum, Lamechi ex Salla filium, non tam ipsius nominis similitudo nos docet, quam quod de Vulcano scribit *Diod. Sicul. lib. V. c. 47*. Invenisse fabricationem ferri, æris, auri, argenti, & cæterorum omnium, quæ ignis operationem recipiunt: Hoc enim ipsam de Thubalcaino Moyfes commemorat. Eodem modo si comparamus, quæ Poëtæ de *Minerva* scribunt, & quæ de *Naama*, filia Lamechi, *Genebrardus in Chronicis* & alibi, *lanificium* & *texturam* ei deberi; non hæc diversa videbitur ab illa. Legendus suprâ laudatus *Vossius lib. I. de Idololat. c. 17. p. 129*. utta-
ceam *Jubalem*, Thubalcaini fratrem, cundem haberi posse cum *Apolline*, *Musices repertore*; & alia, quorum vestigia obscuriora sunt.

Illud, quod ex sacris literis de *universali diluvio* & interitu generis humani edocti sumus, nimis longum foret, si omnes gentilium historicos producere velim; qui loquuntur: Nimirum, cum vindex Deus orbis primi scelera elemento aquæ sepeliisset, non tam facilè gravissimæ pœnæ memoriam, quamvis ætas longissima, delere poterat: Durantibus præterea contra mortalium oblivionem multis & manifestis signis. Legimus apud *Camdenum in Britannia p. 592*. in descriptione agri, qui nominatur *Richmondshire*, in rupibus & montosa collum eminentia lapides reperiri, & cochleas marinas & alia aquatilia; refusi in omnem terram diluvii certa signa. Confirmandæq; sententiæ mox adducit verba *Orosii lib. I. c. 3*. Refuso in omnem terram mari, immissoq; diluvio (cum, toto orbe connecto, unum spatium cœli esset ac pelagi)
deletum

deletum fuisse universum genus humanum; paucis in
 arca, fidei suæ merito, ad substituendam originem re-
 servatis, evidentissimè veracissimi Scriptores docent.
 Fuisse tamen, etiam illi contestati sunt, qui præterita
 quidem tempora, ipsūq; Auctorem temporum ne-
 scientes, tamen *ex indicio & conjectura lapidum in re-*
motis montibus, quos conchis & est reis scabros, sape
etiam cavatos aquis visere solemus, conjiciendo didice-
runt. Quin ad annum Christi 640. extabant arcæ
liquæ in Gordiseo monte, quas (si credimus Elmacino A-
rabi) Heraclius Imperator propriis oculis lustravit,
 cū Persas in Armenia vicina prælio vicisset: Et
 Omar, qui Caliphatum adeptus est, anno Christi 643.
 de monte translatis, pro tabulato templi, à sese ex-
 tructi, adhibuit; ut scribit *Benjamin Itinerarij* p. 61.
 Qui & ipse non tantum Europam & Africam pera-
 gravit; sed ad intimas, imò etiam extimas Asiæ re-
 giones, se penetrasse profitetur. Obiit anno Christi
 1073, ut è *Chronico Abrahami Zacynthi* docet *Con-*
stantinus L' Empereur. Ut proinde erroris manife-
 stus sit *Haythou Cilix* (alii *Armenum* crediderunt)
 qui suo tempore, id est, anno Christi 1300. in montis
 vertice spectatas fuisse tradit. Accedam ego *Guilhel-*
mo Schickardo in Tarich, p. 28. seductum fuisse à plebis
 credulitate, quæ *nigellum apicem* inveteratæ nivis (quæ
 inaccessus mons à multis seculis vestitur) pro *putre-*
sciente ligno habuit. Nihilominus ab anno mundi 1657,
 quo Noah cum novi mundi seminario arcæ egressus
 est, ad ætatem *Omaris* sunt anni 2935. Ac per tantum
 temporis illud divinæ potentæ monumentum in
 oculis

oculis mortalium fuit; ut non mirer, per diversarum nationum Scriptores diluvium celebrari. Sed quinam illi? jam indicavit *Besoldus in Synopsi majore*; cui velim adjiciatur *Hugo Grotius in notis ad lib. I. de Veritate Relig. Christ. p. 287. & seqq.* edit. Paris. sive, p. 73. & seqq. edit. Lugdun. Videbis cum admiratione columba quoque à Noacho emissæ, Assyriorum Scriptorem *Abydenum* & *Plutarchum* mentionem fecisse. Atque hæc notitia adjuvit improbum illud veterum gentilium acumen, dum ad usum caveæ navim ædificarunt grandem, quæ solutilis esset; ac subitò laxata emitteret omne genus ferarum, pro arbitrio magistri temperantis, ut notavit *Lipsius in lib. de Amphitheatro c. 10.* ex illis *Dionis in Severo*: *Receptaculum autem omnium ferarum in amphitheatro extructum erat, instar navis; quæ capere simul & emittere posset ad feras quadringentas. Eâ autem desubitò occultè solutâ exsiliabant ursi, lea, panthera, leones, struthiones, onagri, bisontes; ita ut septingentæ ferae aut pecudes simul & currere viderentur, & occidi.*

Tamen & Noachi historiam *Cacodæmon* non minùs obnubilavit, quàm res Adami, ejusq; posterorum; de quibus suprâ diximus. Consulendus *Goropius*, qui fabulam *Promethei* & *Apollinis Didymei* doctissimè explanat; omniaq; ad *Noam*, arcæ fabricatorem, refert apud *Freinshemium ad Curtii lib. VII. c. 3. §. 22. & c. 5. §. 28.* Hoc ipsum agit *Vossius* in laboriosissimis libris de Idololat. gentilium. Nam *lib. I. c. 18. p. 141.* pulchrè respondit, quomodo *Noachus* adumbratus sit in *Prometheo*, & *c. 19. p. 144. c. 25. p. 183.* quomodo

modo in *Baccho*, sive *Libero*, & rursus c. 18. p. 140. quomodo in *Saturno*. Et hic alter est *Saturnus*, cuius tamen res gestas cum rebus *primi* licentia Poetarum miscuit. Habituri quoque sumus *Saturnum tertium*; quemadmodum *plures* fuerunt, qui *Jovis* & *Herculis* nomen tulerunt; sed quorum omnium omnia facta sunt unius. Porro & *Chamus*, Noachi filius, mutatus in *Ammonem* & *Plutonem*; *Japetus* in *Neptunum*. Adcundus idem *Vossius* d. l. c. 18. p. 141. & c. 19. p. 144. c. 25. p. 183. c. 26. p. 186. De *Japeto* verò c. 14. p. 118.

Post diluvium (inquit *Besoldus* noster) *Noah* filiis suis terram colendam distribuit. *Japetus* natu maximus (ita vult *Paulus Merula* part. 1. lib. III. c. 14. *Cosmograph.* p. 142.) insulas maris mediterranei, & totam Europam cum Asiæ parte obtinuit: *Gomer* ejus filius reliquit *Ascenam*, *Riphatem* & *Togorman*. Pri- mus ubi confederit, jam suprà dixi. *Riphaes* *Ripha- tæorum*, hoc est, *Paphlagonum* pater est, ut *Moyſis* interpretem agens scribit *Joseph.* lib. I. *Antiq.* c. 7. *Togorman* cum posteritate sua habitasse ad *Aquilonem*, constat ex *Ezechielis* c. XXXVIII. v. 6. ubi *Togormæi* latera *Aquilonis* describuntur inter eos, quos *Gogus*, *Syrarum* gentium Dux, secum adversus *Israëlitæ* tra- hit ad bellum: Sed *Gomer* relictis istis in *Asia*, ulteriùs progressus est; & ex aliis filiis, ut apparet, maximas gentes *Gallorum*, *Scytharum* & *Germanorum* condi- dit; suiq; nominis vestigium passim inter eas reliquit. De *Gallis* apertè *Josephus* d. l. quæ nunc *Græci Gallæ- as* vocant; *Gomarenſes* olim dictos: *Scythas* verò eum eodem cum *Cimmeriis* faciant (vide præter alios

Nicephorum Gregoram lib. II. Hist. Roman. p. 15.)
 & Cimmericorum nomen à Gomerò profluxisse,
Camdenus, Merula & alii agnoscant; patet eundem
Gomerum ex Asia ad Meotidem paludem, Bosphorum
Cimmerium, & alia loca Scythiis habitata, venisse. At-
 que ex hac Scythia, officina gentium, effusa nationum
 agmina, quæ patriam nostram impleverint, semper
 existimavi; neque rationem nunc habeo, cur eam sen-
 tentiam rejiciam. Cùm enim *Alanos, Almanos, Sue-*
bos, Suobenos, Sasones, Chatas &c. apud *Ptolomæum*
lib. VI. Geograph. c. 14. & 15. reperiamus in descrip-
 tione Scythiæ; nonne antiquam patriam simul intelli-
 gimus? Ita suprà laudatus *Nicephorus Greg.* Cimbro
 & Teuthonas revera Germanos pro Scythiis habet.
 Sed hanc opinionem maximè confirmat, quòd scribit
Busbequius Ep. IV. Legat. Turc. p. 257. & seqq. Se
 (cùm sæpius accepisset, *Scythas*; qui *Tauricam Cher-*
sonesum incolunt, sermone, moribus, ore deniq; ipso,
 & corporis habitu, Germanos referre) duos ex illis
 ad prandium invitasse; alterum prociorem, toto
 ore ingenium quandam simplicitatem præ se tulisse;
 alterum brevioris, & compactioris corpore, de lin-
 gua gentis interrogatum, multa Germanica reddidis-
 se, ex quibus hæc ascribit *Busbequius*: *Broë*, panis.
Plut, sanguis. *Stul*, sedes. *Hus*, domus. *VVingaert*,
 vitis. *Reghen*, pluvia. *Bruder*, frater. *Schvvester*, so-
 ror. *Alt*, senex. *VVenth*, ventus. *Silvir*, argentum.
Golz, aurum. *Kor*, triticum. *Salt*, sal. *Fist*, piscis.
Hoef, caput. *Thurn*, porta. *Stern*, stella. *Sunc*, Sol.
Mine, Luna. *Tag*, dies. *Oeghene*, oculi. *Bars*, barba.
Handa,

Handa, manus. *Boga*, arcus. *Miera*, formica. *Rinck*, annulus. *Brunna*, fons. *VVaghen*, currus. *Apel*, pomum. *Schieren*, mittere sagittam. *Schlipen*, dormire. *Kommen*, venire. *Singhen*, canere. *Lachen*, ridere. *Criten*, flere. *Geen*, ire, &c. Hariolatur quidam Busbequius, ex *Germania* venisse in *Tauricam Bersensum*; sed qui cogitat *Scythiam* & *Tauricam Chersensum* viciniorem *Armenia*, unde in omnes terras coloniz deductæ sunt; & conferat, quæ Ptolomæus habet; in contrariam sententiam iturus est, & *Germanos* originis *Scythica*, non *Scythas* originis *Germanica* putabit. Tamen & magna pars Germanorum *Gomarensis*, id est, Gallos patres habet; verbi gratiâ, *Helvetii*, *Boi*, *Volsca*, *Tectosages*, ut ex Cæsare & Tacito satis manifestum est. Sed prævalentibus Germanorum armis, sæpe factum est, ut in Galliam rursus transirent; qui primam sedem vel in Gallis, vel in Scythis habuerant. Ab iisdem Gallis sunt *Britanni*, quod non modò dicit Tacitus in *Agric. c. 11*, sed etiam illud arguit, quod ipsi se *Kumero* & *Kumeri*, mulierem Britannicam *Kumeres*, & linguam *Kumerac* appellant; quæ reliquæ profatorem Gomerum arguunt. Vellem jam de reliquis Noachi posteris ex Japeto, Semo & Chamo, eorumq; sedibus disserere; sed jam præter destinationem exerevit caput: Et præterea de iisdem dicendi nunquam in Observationibus istis deerit occasio. Interim ne destitutus videâre, commendo præter alios de hoc argumento Merulam *Cosmogr. part. I. lib. III. cap. 14*.

CAPUT II.

Paraphraſtes Chaldaus quis? Filii Dei qui Genes. VI. v. 2? Potentes dicuntur excellentes doctrinâ & eloquentiâ. Idem & Reges. A paraphraſte & Beſoldo ſimul abſentimus, plerorumq; Theologorum ſententiam amplexi. Sethi poſteritas cur & ipſa diluvio perierit? Chaldaeorum Monarchæ & Tyranni ante diluvium. Beroſus verus & ſuppoſitiuus. Nimrodus cur potens Venator? Idem & Orion. Neq; pater, neq; avus Nini. Ananii Viterbiensis nuga, quas Beſoldus ſequitur, exploduntur. Diverſi conditores Babyloniorum & Aſſyriorum, id eſt, ex diverſis familiis. Utriuſq; familia inimicitia. Cetera textus Beſoldiani de Medo, Magogo, Moſcho &c. breviter explicantur.

A*n te diluvium (inquit Beſoldus) imperii cujuſdam poteſtate homines fuiſſe gubernatos, ex Chaldaeo paraphraſte liquet; qui filios Dei Gen. VI. v. 2. Principes interpretatur, eoſq; poſtea Gigantes, id eſt, Tyrannos procreâſſe refert. Paraphraſtes hic Onkelos appellatur, natus ſore Titi Imperatoris, ut ex Hebræis & Latinis Scriptoribus ſeſe didiciſſe Paulus Fagius atteſtatur, præfat. in dictum paraphr. quod quia ratione ſolidâ refellere non poſſum, neque inficiari volo. Fuiſſe Tito & Domitiano nepotes è ſore, conſtat è *Quintiliani lib. IV. Inſtit. Orat. proæ-*
*mio,**

mio, ubi scribit eosdem *cura sua demandatos*. Ex his unus fuerit Paraphrastes, si verum est; quod aliorum secutus auctoritatem, asserit Fagius. Quod ad rem, ipsam veritatem nos docere videretur Paraphrastes, contra quam *Josephus*, *Sulpitius Severus*, & alii; qui *angelos* propriè sic dictos intellexerunt per *filios Dei*; si quidem cum *Symmacho* per *Potentes & Magnates* intelligeret *posteros è sanctis*, veræ doctrinæ potentiâ jure meritò æstimandis. Ita paraphrastis mentem explicare conatus est *Andreas Rivetus* in *Genes. Exerc. L.* quo ferè significatu *δυναστείαν* Oratoribus tribuit *Longinus*, & *potentiam* Latini passim. Inscriptio statuæ, cujus meminit *Vopiscus* in *Numeriano* p. 251. NUMERIANO. ORATORI. TEMPORIBUS. SUI. POTENTISSIMO. *Messalam* Oratorem *potentissimum* laudat *Capitolinus* in *Maximino* p. 149. Elegantiâ pari *βασιλῆς* Græci dicunt, doctrinâ præstantissimos. Inscriptio Statuæ apud *Eunapium* in vitâ *Proæresii* p. 123. Η ΒΑΣΙΛΕΥΟΥΣΑ ΡΩΜΗ ΤΟΝ ΒΑΣΙΛΕΥΟΝΤΑ ΛΟΓΩΝ. *Regina Rerum Roma Regi eloquentia*. Dedicatio statuæ *Regillæ*, conjugis *Herodis Attici*, ad urbem *Romam* effossa, sed cum jam *Gruterus* æternum opus edidisset: ΕΛΛΑΔΙΑ ΟΥΤΕ ΙΕΝΟΣ ΒΑΣΙΛΕΥΤΕΡΟΣ ΟΥΤΕΤΙ ΦΩΝΗΝ. Quem versum ita verto: *Nemo ore, aut ortu regatior Hellade totâ*. Eodem modo, si *Potentes*, sive *Principes Dei filios* figuratè dixisset Paraphrastes, audirem illum; sed noluisse hoc, indicant sequentia. Quos enim opponit *Magnatum filiis*? non *Caini progeniem*, sed *uxores ex omnibus*, quæ placue-

B iij runt,

runt, id est, cujusvis conditionis fœminas, *vulgares, plebejas*. Igitur propriè ac civiliter accepit vocabula, non figuratè. Nos minimè dubitamus, quin textum biblicum explicârint verissimè, qui *Dei filios* interpretantur *Sanctos*, id est, *posteritatem Sethi*. Ea cum primum stirpis Cainicæ matrimoniis contaminari nollet, postea illaqueari sese passa est, & earum nuptias ambiit; quæ mores idololatricos, ceu dotem, secum afferunt. Nimirum occurrit Mœyses pòst futurorum cæriosis quæstionibus; quibus ex causis, excepto uno Noacho, etiam tam latè per orbem terrarum diffusa Sethi, tam sancti Viri posteritas, diluvio absorpta fuerit? & docet, quòd & ipsa nefarius affinitatibus sese polluerit. Ab hâc sententiâ cum recedat Chaldaeus, qui per *filios Dei* non *Sethi posteritatem*, sed *Magnates*; (sive illi sint è Sethi sive Caini posteritate) neque per *filias hominum uxores* è Caini stirpe, sed quasvis intelligit; & verò paraphrastæ mentem admittere videatur Befoldus, hic quidem dexterarum jungere non possumus. Quod à nobis dictum est, asseruerunt, non tam recentiorum temporum eximii Theosophi, quàm nonnulli Scriptores Veteres; è quibus est ille apud *Suidam* in ΣΗ Θ, *Seth*, Adami filius; de hoc illud dictum est: Ingressi sunt filii Dei ad filios hominum & Cainicæ stirpis. *Deum* enim *Sethum* illius ætatis homines appellabant, tum ob rerum cœlestium siderumq; cognitionem & scientiam, tum summam pietatem, & iustitiam & sanctitatem. Meritò igitur *Sethi*, *Enochi*, *Enos* liberi, *filii Dei dicti*; qui capti amore filiarum Caini, incestas cum illis nuptias copulârunt;

ex quibus nati etiam *Gigantes*. Quamvis (ne quid his dissimulem) non tam Dei nomen ad Sethum referre malim, quàm ipsum Deum, quod & *boni* & *iusti* aliàs in sacris literis *filii Dei* nominentur; quæ magnorum Theologorum sententiâ quoq; fuit. Auctori *Chronici Alexandrini* pag. 49: *Hi ergo filii Seth damnati Casus filiabus adhaerunt; Numinisq; iram in se provocarunt.* &c. Sanctus *Methodius*, quem *Raderus* laudat in *Animadversionibus* ad dict. *Chronicum* p. 21: *Distincta erant generationes ab invicem, & Seth posteritatem suam transtulit in quendam montem; qui proximus erat paradiso. Sed Cain, & ejus domus, habitavit in campo; in quo nefandum fratris homicidium perpetravit.* Et mox: *Malignus & infestus Diabolus bellum fornicationis adjunxit filius Seth, ut concupiscerent filias Cain; & profusi Gigantes apparuerunt.* Et quis omnes commemoret? Miror sanè tam à clarâ, multorumq; Theologorum sententiâ *Besoldum* abire voluisse ad testam illam paraphrastæ! At in sequentibus non dissentio, ubi *Gigantes* interpretatur *Tyrannos*: Non enim Moyses tam ad corporis proceritatem, quàm *savitiâ, injustitiâ, impietatem, & grassandi libidinem* respicit. Vult dicere: Cùm *Caini domus* eam monstrâ primùm dedisset, dabat jam & *Sethi domus*; postquam *Caini filiabus juncta*, propinquitatis venenum imbibit.

Sed quoniam suprà *Tyrannorum & Monarcharum* potentissimorum apud *Chaldaeos* ante diluvium universale continuam successionem promissi, ecce jam illam ex *Apollodoro*, vel *Beroso* potiùs, quem *A-*

pollodorus exscripsit. Primus fuit *Alorus*, secundus *Alasparus*, tertius *Amilon*, quartus *Alemon*, quintus *Meialarus*, sextus *Daorus*, septimus *Aedorachus*, octavus *Amphis*, nonus *Odioites*, decimus *Xixurthrus*. Hi ob potentiam celeberrimi fuerunt. *Fragmentum* hoc Apollodori, sive Berosi *Eusebio* Græco inferuit *Joseph. Scaliger*, quem videbis p. 5. Ubi & al-
terum de iisdem ex *Abideno* promit.

Berosum verò cum in Antiquitatibus laudamus, intelliges antiquum illum *Sacerdotem Beli*; qui sub Antiocho & Seleuci Nicanoris nepote, scripsit de rebus *Chaldaeorum* & *Regibus* libros III. Sub ejus nomine circumfertur vulgò libellus, quem olim secutus est etiam *Besoldus* noster, ut mox dicam; sed in eo vana sunt pleraq; omnia putidaq;, & in ipso Commentatore mendaciorum plaustra meræq; Viterbiensium nugæ. Præter *Chaldaeos* Monarchas, etiam *Arabes*, & *Aegyptios* multi recensent: & auctor est *Benjamin Itinerari* p. 124. Sc, cum *Alexandriam* venisset, non procul inde conspexisse *marmoreum sepulchrum*, cui omnia avium, aliorumq; animalium genera insculpta erant, cum inscriptione veteri; quam legere nemo poterat: Fuisse conjecturam, *Regem* quendam *antediluvianum* ibi sepultum; sed huic narrationi parum aut nihiltribuendum est. Credam ego facilius, pyramidem esse postdiluviani Regis, inscriptam hieroglyphicis.

Nunc cætera exequemur in *Besoldo* nostro: *Post diluvium*, inquit, *novorum Gigantum* auctor *Nimrod*, *Noa* pronepos, ab aliis etiam *Saturnus* dictus
(potens

(*potens Venator coram Domino*) Babel adificare cepit. Hic est *Iertius Saturnus*; & quod Besoldus ait, idem confirmat *Eupolemus* apud *Eusebium lib. VI. Prep. Evangel. c. 4.* Quod *potens venator* dicitur, inde est, quod ut homines feras, sic ille venatus sit homines. Unde etiam (quemadmodum in *Chronico Alexandrino* legimus) in sidera à Persis relatus, & *Orion* dictus est. *Belum* quoq; fuisse appellatum, ita probat *Fossius, lib. I. de Idol. c. 24. p. 180.* quod conditorem *Babylonis* Gentiles vocant *Behum*; At *Babylonem* condidisse. *Nimrodum*, constare è sacris literis. Hinc *Idem d. l. c. 16. p. 125.* *Ninum* facit *Nimrodi* filium, quòd & ipse *Beli* filius describatur. *Tertulliano de Pallio c. 2.* *Eusebio initio Chron. Hieronymo in Osee c. II.* possum addere *Augustinum lib. XIII. de Civ. Dei, c. 2. lib. XVI. c. 3.* Besoldus scribit, *Nimrodo* successisse filium *Belum*, qui omnem agrum in *Sarmatiam* usq; *Europæam* occupârit; ac reliquisse *Ninum*, quæ sunt ipsissimæ nugæ *Viterbianæ*; quarum nos piget pudetq;. Sed prævit Besoldo *Sleidanus, & Fabritius ad Orofium lib. I. c. 4.* cum aliis quàm plurimis. Videtur tamen in *Synopsi* maiore corrigere sese voluisse, cum ait *Assuram*, qui *Ninivem* condidit, eundem cum *Nino*. Quòd si *Ninus* idem cum *Assura*, *Semi* filius, & *Noachi* nepos est; at *Nimrodus Chami* ex *Chuso* nepos, *Noachi* pronepos. Sanè *Scripturæ* vestigiis hîc insistendum est; quæ cum diversa faciat regna *Babyloniorum* & *Assyriorum*, diversosq; conditores, huius *Assuram*, illius *Nimrodum*; ne misceamus diversas domos. Quid? quòd alii *Scriptores*, dum dissidium &

simultates illis temporibus memorant inter Assyrios & Babylonios, simul Ninum à Nimrodo Babyloniorum Rege descendisse negare videntur. *Diodorus Siculus lib. II. Bibl. c. 1*: Ninus Assyriorum Monarcha, Arabum subsidio instructus, numerofo cum exercitu finitimos sibi Babylonios invafit, Regem eorum debellavit, cum liberis captivum abduxit, & interemit. Adde *Africanum* apud *Calvifum*, anno mundi 1878. Id est, quod fcribit *Auguftinus*, viciffe Semi pofteritatem, regnum Gigantis illius obtiniffe.

Ut manifestius fiat, quod diximus, Ninum Assyriorum Monarcham primum, nihil ad Nimrodi domum pertinere; adire te volo *Julii Africani* fragmentum in *Eusebii Chronico Græco* p. 14. Reperies *Evechoo* (quem eundem cum *Nimrodo* facit) fuccefforem fuiffe non Ninum, fed *Chomusbolon*: Tertium Babylonis Regem *Poron*: Quartum *Nechuben*: Quintum *Abion*: Sextum *Oniballon*: Septimum *Zinziron*. Hunc fufitulerunt Arabes, nec quicquam ultra in Babylone regnavit, ufque ad *Nabonafarem*. Magno profectò veritatis & literarum bono fragmenta hæc confervata funt; fed nihilominus repertus eft *Dionyfius Petavius*, qui *Ratiocinarii Temporum part. I. lib. I. c. 2.* fabulæ, quàm vero, propiora diceret: Nos validius aliquid fufpicionem ac præiudicio requirimus. Cur inter fabulas referret, nullam caufam reperire potuit *Ioſephus Scaliger*; qui eo fuit ingenio, ut fucum fibi fieri, à quocunq; tandem verfuiffimo veteratore & mangone non facilè pateretur: Recenſet ille *lib. II. Canon. Ifagogic. c. 2. p. 131.* hos ipſos Reges & agnoſcit pro

pro Nimrodi successoribus. At merito; nam in exa-
 minando hoc genere, oportet esse suspicionum quam
 continentissimos, dispicere *περὶ τῶν κατὰ ἀνθρώπων*, & ratiun-
 culis ad forcillandam antiquorum fidem non nimi-
 um tribuere; quamvis inaudita nobis, nec visa lecta-
 ve alibi contineant. Cum primis, *Julium Africanum*,
 auctorem præstantissimum (è quo Eusebius de-
 promiserat, quicquid luculentum, vetustum, excellens
 hodieq; in illo superest) ipse *Diodorus Siculus* juvat
 verbis moto citatis. Dum enim Babylonicum Re-
 gem occisum scribit à Nino, quem Arabes adjuve-
 rint; eluceat illud, non posse Ninum, dici Nimrodi è
 Belo nepotem, vel tertium Regem Babylonis: Hoc
 enim stante, quem occidisset? an Belum patrem? an
 Nimrodum avum? atque ita domum suam impiè pes-
 fundedisset Ninus. Cui, quæso, hæc non videntur ab-
 sone, inepta, stulta? si quidem ratiocinari & conje-
 cturas eruditas à commentis futilibus discernere novit.
 Idcirco hoc etiam manifestum sit, alios Reges in Ba-
 bylone regnasse post Nimrodum, quam quos hodiè
 nobis obtrudere conantur; & valdè opportuna do-
 cere Africanum, referendo illos ipsos. Ergo nec il-
 lud in obscuro, uti adversas, sic diversas, fuisse Nim-
 rodi & Nini domos. Dico autem, *Ninum* videri è
Semi posteris: Nam cum *Assuras*, Semi filius, *Assyrio-
 rum* sit pater, Nini urbis conditor (ut sacræ literæ vo-
 lunt) an ex aliâ gente sit Ninus, qui iisdem Assyriis
 orbis terrarum imperium peperit? Cyrus Persa Per-
 sis, Alexander Macedo Macedonibus, Julius Cæsar,
 vel Augustus, Romani, Romanis eandem potentiam,
 idem

idem decus asseruerunt, at hic unus è Chami posteritate, eâdemq; maledictâ in tantum extollit Assyrios, ortos aliunde i.e. posteritatem Semi? Nonne hic quoque intelligamus absurditatem novam? at, quod dixi, non ex hâc tantum ratione dixi; sed id ipsum confirmavi ex Augustino, qui ait: *Vicisse posteritatem Semi, & obtinuisse Regnum Gigantis illius.* Respicit ad bellum Nini cum Babylonis. Si hæc minimè satisfaciunt, suadeo, simul consulatur *Auctor Chronici Alexandrini p. 84.* ubi ex familia Semi profatum scribit *Cronum*, Nini Patrem, *Belum Croni*, è *Pico Jove* nepotem; & ipsum Regem Assyriorum, antecessorem Nini. Adeò Sol veritatis in Scriptoribus, si non toto vultu & corpore, saltem per partes & velut radios emicat. Et quamvis de *Auctore Chronici Alexandrini* verè judicârit *Keinesius II. variarum. 17.* fuisse hominem plebejæ & illiteratæ; tamen bonos Auctores excerpsit & compilavit: Et inter ea (quæ Scriptori non malo suffuratus est) numeramus illud, quod adduximus.

Hæc cum ita sint, simul à *Vossio*, qui Ninum fecit Nimrodi filium; & aliis, qui statuerunt idem (ut *Dionysius Petavius d. l. & Andreas Rivetus in Genesie Exercit. LXV.*) secessionem facimus. Argumentum profectò nimis fragile: quia Belus idem cum Nimrodo, & Ninus Beli filii; ergo Ninus Nimrodi filius. Postquam enim voculâ *Baal* & *Bel* (quâ primùm summum omnium rerum Creatorem, unum & verum Deum appellârunt) ad consecratorum Regum nomina abuti cœperunt, quàm plures exorti sunt *Beli*, ut apud

apud Romanos *Diri*; ut cujus Beli filius, primine alterius Ninus existimandus sit, certò constituere nequeas. Nec majoris momenti, quod cum aliis putavit *Lipsius, lib. II. Monit. & Exempl. polit. c. 1. monit. 1. Ninum* eundem esse cum *Nimrodo*, scilicet quia alludit *primâ syllabâ*. Nam præter allusiunculam aliæ quoque rationes debebant accedere; quas nunc habemus aut nullas, aut infirmas. Cætera quæ de Nini ætate ac rebus gestis dicenda sunt, afferam *ad caput sequens*.

Quæ sequuntur in *Besoldo*: *Posthæc* (scil. *Nimrodus*) *Affurem, Medum, Magogum & Moscum* Principes coloniarum huc illuc misit, qui regna suis nominis conderent; *Assyrium, Medum, Magogum, Moscum*. Hæc, inquam, pleraque sunt nihili nata è cerebro *Anni Vuerbigis*; qui præscribendo *Berosi* nomen nugis suis antiquitatis famam parare cogitabat illaudabili artificio, & plebejis tantum animis illusuro. Quod ipsum tandem agnovit *Besoldus*; & ut alia, sic hanc ipsam imposturam averfatus est in *Synopsi* majore. Quis credat, aut quis illi narravit, *Nimrodum* *Noachi* pronepote à *Chamo* natu minimo, *Affurem*, *Noachi* nepotem, è *Semo* misisse; ut regnum sui nominis conderet? Quis idem credat de *Madai & Magog*, *Japeti* filiis; & *Mescheke*, *Japeti* è *Javano* nepote; quos ille *Medum, Magogum & Moschum* appellat.

Magogus nominis sui memoriam reliquit in *Cœlesyria*, *Plinius lib. V. c. 23*. Quæ alio nomine *Hieropolis*, *Syris Magog* dicitur. Vide plura huc pertinentia apud *Paulum Merulam Cosmogr. part. I. lib. III.*

c. 14. p. 144. Idem *Scythicas* quasdam gentes condidit; ut *Gomerus*, de quo modò diximus. Hujus sententiæ fuit *Josephus*; quod secuti sunt *Hieronymus in Genes. cap. X. & Theodoretus*. Ab his ipsis *Ungri*, sive *Ungari*; qui propterea se *Magyar* indigitant, quamvis alii nomen deduxisse scribant à *Magore*, sive *Moa-gore*; qui *Iustiniano* imperante Princeps *Unnorum*, *Bosphoro* vicinorum, in *Chazariâ* fuit; & *Gordam* fratrem (quod *Christianam* religionem amplexus, *Unnorum* simulacra comminuta conflâisset) regno spoliatum occidit; quod *Cedrenus* commemorat. Sed prioris sententiæ fuit *Johannes Antonius Maginus Geogr. part. II. in descriptione Transylvania num. 26.* cùm ait: *Hungari in maternâ linguâ se Magyar vocitant, quasi dicant Magog; qui filius erat Japhet. Huic sententiæ B. Augustinus adstipulari videtur.* Hæc *Maginus*. Ipse tamen *Hunnorum* Rex *Attila*, perniciēs orbis *Romani*, aliarumq; multarum gentium, à *Nimrodo* genus suum deducebat. Notus ille feralis titulus: *Attila Mundizici filius* (alii habent, *filius Bendegucz*) magni *Nimrodi* nepos, nutritus in *Engaddi*, Dei gratiâ Rex *Hunnorum*, *Medorum*, *Gothorum* atq; *Dacorum*, pavor orbis, & flagellum Dei. Legi Scriptores, qui *Hunnorum* Ducum seriem à *Noacho* ad *Attilam*, & ejus successorem hoc modo recitârunt: 1. *Noah*. 2. *Cham*. 3. *Chus*. 4. *Nimrod*. 5. *Hunnus*, vel *Hunnor*. 6. *Bor*. 7. *Dama*. 8. *Keleed*. 9. *Keve*. 10. *Kear*. 11. *Beller*. 12. *Kadar*. 13. *Othmar*. 14. *Farkas*. 15. *Bondofard*. 16. *Buken*. 17. *Czanad*. 18. *Rudli*. 19. *Bezturn*. 20. *Mike*.

20. *Mike*. 21. *Miske*. 22. *Ompud*. 23. *Kulcze*.
 24. *Levente*. 25. *Lehel*. 26. *Zamur*. 27. *Zam-*
bur. 28. *Bolug*. 29. *Bocz*. 30. *Zoltan*. 31. *Be-*
rend. 32. *Kadicza*. 33. *Opos*. 34. *Ether*. 35. *Szemen*.
 36. *Turda*. 37. *Bendegucz*. 28. *Attila*. 39. *Chaba*. 40.
 Ed. 41. *Ugek*. 42. *Eleud*. 43. *Almos*. 44. *Arpad*. 45.
Zoltan. 46. *Toxus*. 47. *Geyza*. 48. *Stephanus Rex*.
 Hæc nec rejicere mihi animus, quod tradita videri
 possint per illud annalium genus; quod majorum no-
 strorum fuisse narrat *Tacitus de Germ. c. 2. §. 3.* & æ-
 stimat *Berneggerus disput. de Hungar. th. 125.* nec pro
 genuinis ostentare, cum adulantium Scriptorum *com-*
munis morbus sit, in gratiam suarum nationum pri-
 morum Ducum origines, non tantum ab ipso Noa-
 cho (in quo nihil absurdum facerent, dum reliquias
 generis humani ex Noacho Patre Gordixo monti ad-
 hæsisse tempore diluvii, ex Sacra Scriptura certum
 sit) sed & continuam seriem contexere; & omnes la-
 cunas religiose explere nominibus, quæ non nisi per so-
 mnium viderunt. Quod si tamen Attilam & Hunga-
 ricarum rerum Scriptores vanitatis suspectos habere
 prohibemur, dicendum erit, mixtos fuisse *sapientis &*
Chami posteris; & plerosq; fuisse ab illo, quosdam
 Principum ab isto.

Porro eadem *Turcarum* origo, & hodierno-
 rum Imperatorum *Turcicorum* perpetuam à *sapere*
 seriem videre est apud *Leunclavium lib. II. Hist. Mu-*
sulman. p. 90. & in *Pandettis Turcicis p. 99.* Sed pru-
 denter ibidem adjicit: Cum ab *Ertogrule, Osmanis*
patre, continuam majorum seriem commemorant ad
Japetum

Japetum usque, haud dubiè se temeritatis arguunt, parumq; pudentis arrogantia; qui à barbaris & literarum prorsus ignavis oriundi, animis suis audeant Regibus gloriam continuæ successionis inde usque à primitivis illis seculis affingere; quam solis exceptis Hebraeis, nulla cateroqui mortalium natio, licet antiquius locorum & historiae beneficio nobilitata, vindicare sibi unquam potuit.

De *Madai*, Medorum patre; & *Meschek*, Moschorum, adeundus *Merula*, toties citato loco. Sed in istorum annalibus miras etiam fabulas reperire licet: Nam qui superiore seculo rerum Moscoviæ potiti sunt, generis sui primordia ad Romanos, & Augustum retulerunt. Hunc ajunt fratres aliquot habuisse, & ex hisce *Brussum* ad mare Balthicum condisse; & ab hoc non interrupta serie monstrant majores suos, quæ nemo tam compositæ mentis est, quin videat.

CAPUT III.

Ninus quo tempore regnare cæperit? Ejus res gesta. Antiquior Vexore, & in eâ re Iustini error. Vexores idem cum Sesostride Taciti, sive Sacerdotis Ægyptii, narratio contra Lipsium defenditur. Sesostridis atas. Semiramidis res gesta. Multa fabula de Venere ad illius historiam reducta. Assyriorum Regum successio à legitimis Scriptoribus. Annianæ nugæ, quas Besoldus sequitur, rejiciuntur. Assyrii & Babylonici regni status aliquot seculis post

post Sardanapalum. *Utriusq; Regni Reges recensentur.*

DE Nino verba facturis ante omnia sciendum est, quo tempore Monarchiam exorsus sit? tum & certi erimus, num sit ille, quem Scriptura vocat *Assurem*? Illud autem ut cruatur, de annis, quibus Assyriorum imperium stetit; & ultimo, quo Sardanapalus interiit, inquirendum est. *Scaliger lib. II. Canon. Isagog. p. 132.* Assyriorum Reges fuisse scribit unum & quadraginta. Regnasse annos 1484. & lib. III. p. 314. ubi de mendis Orosianis disputat, Sardanapalum occidisse vult annis 67. ante Romam conditam. At *Romæ natalis* incidit in annum mundi 3198. Hoc modo regnum Assyriorum ccepisset anno mundi 1647, decem annis ante diluvium universale; quod dictu absurdum est. Nos ex parte *Calvisii* calculum sequimur, juxta cujus sententiam regnum Assyriorum in Sardanapalo finitum est anno mundi 3077. At hoc stetit 1300. annis; auctor est *Justinus lib. I. c. 2. §. 13.* à quo non multum abeunt alii; quamvis modò plus, modò minus dicant. Ergo primus Assyriorum Rex ferè ccepisset 120. annis post diluvium; quæ opinio si locum habet, vel ipse *Ninus Assur* erit, Noachi è Semo nepos; vel *Assuris filius*: In quam sententiam magis inclino. Atque ita *Assur idem cum Belo* illo, quem *Nini patrem* multi asserunt Scriptores.

Nini res gestas fusè describit *Diodorus Siculus lib. II. Biblioth. c. 1. & seqq.* cum Ariæo Rege Arabum societate initâ Babylonios debellasse, Barzanem Armeniorum Regem in ordinem coëgisse: Pharnum

C

Medo-

Medorum Regem vicisse, Ægyptum, Phœnicem; Cœlesyriam cum Ciliciâ, Pamphylia, Lycia; & præter has Cariam, Phrygiam, Mysiam & Lydiam; Trœadem quoque ad Hellespontum, cum Propontide, Bithynia, Cappadocia & barbaris ad Pontum gentibus, usque ad Tanaim; Caduliorum etiam terrâ & Tapyrorum; nec non Hyrcanis, Dacis, Derbicibus, Carmaniis, Choramnæis, Borcaniis & Parthis: Adhæc Persiam & Susianam subjugasse: Ultimum opus fuisse expeditionem contra Bactrianos. Adjicit ibidem, in ejus exercitu fuisse decies septies centena peditum, ac ducenta & decem equitum; eoq; curruum falcatorum millia. Sed hoc ibidem docet è *Ctesia*, scriptore nugacissimo; quem *Plutarchus* alicubi benè depectit, ac destringit. Quis credat, sub initium renati mundi, tot millibus circumdatum fuisse unum Regem? Profectò fecundior fuit *Ctesia* calamus, quàm ipse mundus, utut fecundissimus.

Ait etiam *Justinus* lib. I. c. 1. §. 6. fuisse temporibus antiquiores *Vexorem* Ægypti, & *Scythiæ* Regem *Danaum*; quorum alter in *Pontum*, alter usque Ægyptum excesserit. Quod quamvis non solus dicat (nam hoc ipsum etiam reperire licet apud *Agathiam* lib. II. p. 48.) fidem tamen non meretur. *Vexores* ille non alius à *Sesoftri*: Nam de hoc solo Ægyptiorum Rege certum est, quod *Justinus* ait, in *Pontum* usq; excessisse. *Diod. Sic. lib. I. Bibl. c. 55.* *Sesoonim*, *Herodotus* in *Euterpe* *Sesoftrim*; *Manethon* apud *Josephum* lib. I. contra *Apionem* *Sesothin*. Et ex ejusdem *Manethonis* mente, Græci Ægyptum, ejusq;

ejusq; fratrem Danaum; Tacitus lib. II. Ann. c. 6.
Ramsen, alii Ramessen appellant.

Lipsius fabulosa credidit, quæ Tacitus narrat de
Ramse, Lybiâ, Æthiopiâ, Medisq; & Persis, & Pa-
ctriano, & Scythiâ potitum; quasque terras Suri, Ar-
meniiq; , & contigui Cappadoces colunt, inde Bithy-
num, hinc Lycinum ad mare imperium. *Quod ver-
bum nunquam illi excidisset, si tam diligens fuisset in
Ægyptiaca historia, quam fuit in Romana.* Est enim
omnino Ramses ille Taciti idem cum Sesostris, quod ex
Eusebio & Manethone clarius apparet, dum scribunt,
tria nomina tulisse Regem illum; vocatumq; Sesostrin
(sive Sesostris) Ægyptum, & Ramesem: At quo-
niam Veteres nemo reprehendere, vel mendacii ar-
guere ausus est, eandem potentiam adscribentibus
Sesostris, neque Taciti vel Sacerdotis Ægyptiaci fia-
dem hinc in dubium vocare fas est.

Nec hic offendere nos debet, quod Græci ple-
riq; Sesostris semper felicem, semper triumphantem fa-
ciunt. Justinus lib. II. cap. 3. §. 13. Vexorem suam
fugientem è Scythia, exercitu suo cum omni appa-
ratu bellico relicto: Nam hoc ipsum de Sesostris canit
Valerius Flaccus lib. V.

- - - - cunabula gentis
Colchidos hic ortusq; tuens, ut prima Sesostris
Intulerit Rex bella Getis; ut clade suorum
Territus, hos Thebas, patriumq; reducat ad amnem
Phasidis; hos imponat agris, Colchosq; vocari
Imperet.

Cum igitur Vexorem Justinus eundem esse sciamus cum

Sesoftride ; statim & illud translucet , *Nino* illo antiquissimo longè *posteriores* esse : Quamvis quo tempore *Sesoftris* vixerit, certò definiri nequeat. Quod si de eo nobis constaret, *Sesoftrim* *Ægyptum* esse, *Danai* fratrem (& sunt profectò, quæ *Manethonis* & *Eusebii* assertionem hâc in parte confirmant, v. g. cum, quæ de inimicitiis *Ægypti* & *Danai* fratrum tradunt *Poëta Græci* ; de *Sesothios* & *Armais* ex *Ægyptiorum* libris *Manethon*, eadem ferè de *Sesoftri* narret *Diodorus lib. I. Bibl. c. 57.* & *Herodotus in Enterpe*) per accuratam supputationem generationum, collatam cum annis (quibus *Danai* posterii *Argivorum* regno præfuerunt) colligeremus incidisse *Sesoftris* hujus ætatem in annum mundi 2475. Certè & *Eusebius*, quæ *Aëria* prius Græcis diceretur, circa hæc tempora *Ægyptum*, ab *Ægypto* tunc regnante, appellatam esse, auctor est : Atque ita non diu vixisset post exitum *Israëlis* ex *Ægypto*, *Moyse* adhuc superstiti. Tamen *Josephus* in lib. *Antiquitatum*, *Sesacum*, qui anno mundi 2974. templum *Hierosolymitanum* spoliavit, eundem facit cum *Sesoftri*, cujus sententiæ quoque fuisse videtur *Tremellius cum Junio*, cum *Sisak* in libb. *Regum* & *Paralipom* scriberent *Sasothim* *Diodoro Siculo*, & *Susakin* *Iustino* dici ; respicientes ad *Iustini* locum suprâ citatum de *Vexore*, & *Diodori Siculi* de *Sesoozi* ; adeoq; ad arbitrium suum nomina detorquentes. *Vossius lib. I. de Idololat. c. 29. p. 223.* *Sesoftrim* vixisse credit *Judicum temporibus*, 800. amplius annis, ante *Evergetam*. Quicquid horum sit, illud in confesso, *Nino* longè *posteriores* esse ; falsumq;

sumq; Justinum & alios, qui antiquiorem statuunt. Danaïm, cujus ibidem Justinus meminit: *Taumasius* vocat *Jornandes in Geticis*, aitq; mortuum à suis populis inter numina relatum: *sandum* verò *Arrianus apud Photium Cod. LVIII.* ubi Photius ait: *Arrianum in Parthicis narrare, Parthos, Sesostridis Aegyptiorum Regis tempore, & sandusi Scytharum, ex Scythia in eum, quem sequentibus seculis tenuerint, locum demigrasse.* At de his plus satis.

Nunc de *Semiramide* dicendum est. Hujus primum opus fuisse dicitur *Babylon*; quod si verum est (ut Scripturam Sacram conciliemus cum Scriptori-
bus profanis) ex suprà dictis statuendum est, prioribus bellis inter Assyrios & Babylonios gestis excisam, nunc instauratam esse. Aliàs ne profana quidem litera unum Babylonis conditorem faciunt. Adeundus *Freinsheimius ad Curtii lib. V. c. 1. §. 24. Salmasius in Solinum p. 1227. Ludovicus Vives in August. lib. XIII. de Civ. Dei c. 2.* At *Hugo Grotius* in totum rejicit, quæ de *Semiramide*, *Babylonis conditricem*, profani Scriptores referunt. Vide illum in *notis ad lib. I. de Veritate Christiana Religionis p. 312.* edit. Paris. vel *p. 99.* edit. Lugdun. Nobis observatum est, *confusas* esse res *duarum, vel trium, reginarum*; quæ omnes *Semiramidis nomine* appellatæ sunt. Tres observavit *Vossius lib. I. de Idololat. c. 23.* duas *Scaliger ad Euseb. num. 583.* Sic *Babylonis instauracionem vetustissimæ Semiramidi tribuerunt*, cujus quædam insigniora, ut hortus ille pensilis, secundum *Berosum*, apud *Josephum* debebant posteriori, *Nabuchodonosoris* conjugi.

Cæterum antiquissimæ genus variè traditur. *Grammatici Græci*, quorum verba citat *Casaubonus ad Suetonii Cæsarem c. 22.* asserunt, *Caystrum* filium esse *Penthesilæa* Amazonis; qui in *Ascalone* ex conjugē *Derceto* Semiramidi filiam genuerit. Verum dicunt in eo, Semiramini conceptam in *Ascalone*; & consentit *Diodorus Siculus lib. II. Bibl. c. 4.* Sed & Semiramini Dercetus esse filiam dixerunt multi. Consulendus *Vossius lib. I. de Idol. c. 23.* At iisdem *Derceto* eadem, quæ *Atergatis*, sive *Athara*, ut *Justino* dicitur *lib. XXXVI. c. 2. §. 2.* Nam ex *Atergate*, literâ recisâ, & levicula immutatione, vocata est *Derceto*; quâ in sententiâ quoque fuit *Freinshemius ad Curtii lib. VI. c. 4. §. 25.* Hallucinatur *Casaubonus* adolescens ad *Strabonis lib. XVI. Geogr. p. 265.* eandem faciens *Atergatem* cum *Astarte*. Nec ab hâc sententiâ recessit ævi maturior, cum animadversionibus ad *Athenai lib. VIII. c. 8. Strabonem d. lib. XVI. p. 785.* sic corrigit: *αταργάτην δὲ Ἀστέγον* (scil. ἐκάλειον) *Δερκετὸν αὐτὴν Κτησίας καλεῖ.* Id est: *Atergaten Astaran* (id est, *Astarien*, sive, *Astaroth*) dixerunt; quam *Ctesias* *Derceto* vocavit. Rectissimè *Vossius*: alia est *Astarte* ab *Atergati*; hac mater, illa filia. Et hoc magis apparebit ex iis, quæ dicemus infra: Nunc certi sumus, matrem *Semiramidis* esse *Derceto* vel *Atergatin*.

At de Patre & aviâ *Penthesilæa* Amazone, quis accedat Criticis illis Græcis, cum *Penthesilæa* *Semiramide* aliquot seculis sit posterior; ut quæ *Trojano bello* inter fortissimos Viros documenta virtutis edidit? Præter alios innumeros vide *Justinum lib. II.*

c. 4. §. 31. & simul cognosces, juvanda Græcorum fidei non aliam Pentheisleam Amazonem fingi posse. Idem *Iustinus lib. XXXVI. c. 2. §. 2. Athares*, quæ eadem, ut diximus cum Atergati, *maritum facit Damascus*: Hic igitur *Semiramidis pater*. At tùm ex Orientalium quorundam assertione dicendum erit, *Semiramidem* esse ex *Chami* stirpe; nam / ut nos docent *Gabriel Sionita & Johan. Hesronita, Maronita & Libano de urbibus & moribus Orientalium, cap. 4.*) *Damasum* Damasci conditorem faciunt Canaani filium, Chami nepotem. Nos alteram aliorum Orientalium opinionem sequimur; qui *Damasum* Arabibus *Scian* dictum à *Semo* opinantur. Ipsius *Semiramidis* nomen inde derivat *Vossius*, aitq; credibile esse, posteros tanti Patriarchæ nomen suis subinde filiis imposuisse. Ita Ninus, Semi progenies (ut jam demonstravimus) in suâ domo, non illâ maledicta Chami, matrimonium quæsit.

Eò verò me jam deducunt ea, quæ de Perce-to & Semiramide tùm Diodorus Siculus, tùm alii scribunt; ut ipsam *Semiramidem* sub appellatione Deæ (quæ *Venus* Latinis dicitur) consecratam & cultam putent; adeoq; non unam de Venere fabulam cum historia Semiramidis vel unius vel mixtæ conferam Venerem (quæ *Astarte* vocatur, seu *Astoreth*, seu *Astaroth*) Syriâ Tyroq; conceptam fuisse, scribit *Cicero lib. III. de Nat. Deor. c. 23.* Nec nisi in Syriâ natales Semiramidis reperies, si Diodorum Siculum sequi voles; quamvis in eo non nihil offensionis, quod *Cicero* Veneris patriam magis definitam velit *Tyrum*,
C iiij Diodo-

Diodorus Semiramidis *Ascalonem*. Sed omittamus hoc. Quorsum tu mihi famam illam referes, Venerem è *spuma maris*, & Cœli prolibus, à *Saturno* abscissis, evaluisse? Quorsum illud tum ab aliis, tum ab *Apulejo lib. VI. Metamorph.* traditum: *Columbas Veneri* sacras, currum ejus gemmeum subire; & susceptâ Dominâ, lætas subvolare? Vel illud à Nigidio: *Columbam* ovo insidentem post aliquot dies exclusisse *Deam Syriam*, quæ Venus dicitur. Quorsum istud à *Varrone de Re Rusticâ*, & *Plinio lib. XIX. Natur. Histor. c. 4.* Veneri datam *hortorum tutelam*; & ejus honori sacra *Vinalia rustica*, ante diem 12. *Calendas Septembr.* instituta? Quorsum notum illud *Veneris* cum *Marte adulterium*, libidines, & libidinosa sacra; quæ me dicere pudor prohibet? Quorsum *barbam* apud *Petronium* in *Satyrico*, & *idolum* in *Cypro barbatum* corpore, sed *veste muliebri*, cum *sceptro* ac *staturâ viri*, apud *Macrobius lib. III. Saturn. cap. 8.* Et ritum in *Sacris Veneris Syriacæ*, *viriles*, aut *muliebres vestes* induendi à *Cl. Seldeno Syntagmate de Diis Syris c. 4. p. 280.* nobis ostensum?

Dico de his omnibus sententiam meam: Quod (ut scribit Diodorus) *Semiramis ad lacum*, in quem illius mater *Derceto se abiecit*, nata & exposita; inde primum de *Venere fluctibus* edita suam originem habet. Quod *columbae infantem Semiramidem alis fovisse*, ac coagulato lacte, ex *pastorum mapaliis* surrepto, nutrisse creditum est: Sed & ipsas *columbas Semiramidi* post mortem consecratas legimus; inde *secundum* de *Venere*, ac *columbâ Veneri sacrâ*. Quod
Semi-

Semiramis maximum in adornandis hortis curam habuisse, & illos septem mundi miraculis annumeratos pensiles hortos condidisse, traditum est ab iis, qui duarum Semiramidum opera confuderunt; inde tertium de Venere hortorum tutelari Dea. Quod Semiramis non contenta, militum suorum amores exigere, etiam ab equo, Marti sacro animali, se adhinniri passa est (ut scribit Plinius lib. VIII. c. 42.) inde quartum de Marte subflore ac Venere, lasciviarum præsiede. Quod Semiramis (ut auctor est Justinus lib. I. c. 2.) ne imperii majestas pueri manibus inniteretur, vel orbis terrarum pro pila daretur immaturo Ninyæ, velut in oblectamentum ludi; neque proceres ad supercilii muliebris reverentiam effceminari se crederent; se se pro uxore filium, pro fceminâ puerum simulavit; inde quintum de mutatione sexus in Venere. Cætera Semiramidis, ut in Mediam & Persiam profecta, multa monumenta struxerit, montibus ac rupibus divisissis, itinera magnis impendiis directa & plena fecerit; Æthiopiam subegerit, Indiam (sed fortunâ parum prosperâ) invalcrit; hæc, inquam, omnia fufius exsequitur Diodorus Siculus. Tandem ob libidinem insidiis filii petita & interfecta est; ut scribunt Justinus lib. I. c. 2. §. 10. & Agathias lib. II. p. 54. Diodorus lib. II. c. 20. regno cessisse scribit. De hac ipsâ reginâ è recentioribus ambitiosè scripsit Loënsis tom. V. Critic. lib. VI. c. 22.

Successit NINYAS, Nini & Semiramidis filius. Ninyas, ut dicitur Africano apud Scaligerum in Excerptis Veterum Græcorum, sub finem operis Eusebiani

sebiani p. 360. Ipsi *Eusebio*, sive interpreti Hieronymo, *Ninyas Zameis*. *Justinus lib. I. c. 2. §. 11. & Diodor. Sicul. lib. II. c. 21.* scribunt, bellandi studio & periculorum audaciâ matrem nequaquam imitatum, in regiâ omne vitæ tempus exegisse; sic ut à nemine, præterquam concubinis & eunuchis, conspiceretur.

Ab hoc proximus **ARIUS**, inquit *Besoldus*. "Αγεωv vocat *Africanus* suprâ citato loco: Ab hoc Græcorum ἄρης, sive *Mars*. In quo nos confirmat non tam nomen, quàm auctor *Chronici Alexandrini* p. 88. 89: Post *Ninum*, inquit, *Assyriis* imperavit Rex, nomine *Thurra*; cui pater *Zames*, idemq; ex *Rhæa* frater: *Martus* nomen indidit à planeta ejus nominis. En, *Mars* ille belliger Deus & ipse ex *Assyria* prodiit; & inter successores *Nini* fuit! Sed quod ait, successisse *Nino*, *Nini* urbis conditori; videtur confudisse *Nini* & *Ninyæ* regnum. Totus locus (p. 86. 87.) sic habet: *Ninus regni Assyriorum potens factus, urbem Niniven condit; primusq; in eadem regnat cum conjugē, ducta Semiramide matre in uxorem; quam & Rhæam nuncupabant. Nino successit in Assyriorum regno Thurra, cui Zames pater.* Manifestum (quod dixi) confusos esse *Ninum* & *Ninyam*; nam *Ninus* senior *Ninum* condidit, & *Ninyas* matrem *Semiramidem* habuit; eandemq; conjugem, quod *Apollodorus* scriptum reliquit apud *Photium* Cod. CLXXXVI. narrat. 9. Quamvis alii diversum referant, *Semiramidem* cum concubitum ejus peteret, occisam. Separemus igitur separanda; & cum postrema de *Ninya* vera sint, ne successionem *Assyriæ* Regum aliter constituamus, quàm

ut à quamplurimis Scriptoribus traditur. Unde nec illud probamus, quod *Zame* diversum facit ab eo, qui Semiramidem matrem loco conjugis habuit. *Zames* idem qui *Ninyas*, Rex Assyriorum, Nini filius; quod ex Africano & Eusebio docuimus: Ergò idem, cui mater & conjux Semiramis. Non assentior *Possio* lib. I. de Idololat. c. XVI. p. 126; qui apud auctorem Chronici Alexandrini legit *Zains*, sive *Zar*; quæ sit antiqua *Jovis* appellatio. Ut illud facile concesserim, *Thurra* patrem *Jovis* fuisse dictum, sicut ipse Mars fuit; ita propter Africani & Eusebii descriptionem locum Chronici Alexandrini, cum iisdem comparatum mutare non licet. *Aris* (qui idem cum *Thurra*, sive *Marte*) pater & antecessor *Zameis*, aut *Zames*. Unde illud potius suspicer, Græcos posteriores à vetustissimo Assyriorum *Zameis*, vel *Zame* habuisse, appellationem *Jovis Zar*: Literas enim μ & ν sæpe mutant pro arbitrio suo. Sed quæ tandem res gelta *Aris*, sive *Thurra*, sive *Martis*? Addit Chronicon, fuisse acerrimum bellatorem, qui expeditione contra *Splagas Arctas* susceptâ *Caucasum* quendam, è stirpe *Japeti*, filii *Noæ*, bello aggressus interfecerit; ejusque regnum invaserit: Atque in *Thraciam* progressus ibidem extinctus sit. Strabonius ait: *Bactrianos* & omnes *Caspios* sibi subjecisse, quod figmentum Besoldus utriq; Synopsi inseruit. Id igitur vos expungere & inter narrationes transmarinas referre velim.

Arium excepit ARALIIUS, ut scribit Africanus & Eusebius; Besoldus ingenio & studio clarum fuisse tradit, sed rursus ex *Aniano Beroso*; quem toties nominare piget pudetq;.

Aralio

Aralio successit XERXES, quem *Balaum* cognominatum, auctor est Eusebius; sed nihil tale Africanus, quem ille ubique ferè compilavit. Hic rursus *Besoldus* fabulas Annianas vendit, Balæum plurimas gentes perdomuisse, & suas fines ad Judæam usque produxisse. Ideoque *Xerxem*, id est, bellatorem & triumphatorem fuisse cognominatum. Has laureas ut *Viterbiensis Monachus* comportaret, occasionem illi præbuit, cognomen Xerxis apud Eusebium lectum. Inter Reges, quos *Schickardus in Tarich. p. 37.* recenset ex Orientalium scriptis, & in Assyria rerum potitos existimat, fuisse *Tahmuraths*; qui à victoriis & strenuitate sua *Diuband*, id est, *Demonis lictor* cognominatus sit: At quis affirmare sustineat, eundem esse cum Xerxe nostro?

Post Xerxem Assyriorum Rex fuit ARMAMITHRES, juxta Africanum & Eusebium. *Nugarum architectus*, *Annius*, ut aliquid de hoc loqueretur (quem ne nominare quidem potuit; vocat enim *Armatriten*, secutus, ut arbitror, vitiosam lectionem Codicis Eusebiani) magis ad voluptates & delicias conversum scribit; & ea, quæ ad libidinem spectant, invenisse, vel inventa ampliâsse. In hac palude piscatus est *Besoldus*, ut apparet.

Armamithris successor, BELOCHUS, quid gesserit, me quidem latet; quamvis antiquitatem diligenter consulero. *Besoldo* hic quoque *Anni* protervitas illudit, ut diceret, maximè circa auspicia & divinationes fuisse occupatum. Miseret me literarum, quæ illi ad hæc figmenta (quibus historiæ majestas traducitur) subserviêre.

Belocho

Belochos successorem dant BALEUM, de quo *Besoldus* ex *pseudo-Beroso* nugari pergit, alteram à Semiramide virtutis & industriæ militaris laudem habuisse; atque doctorum hominum scriptis valdè celebratum fuisse. Nos ne unum quidem elogium ex omni antiquitate de hoc Rege citare possumus.

Post Baleum SETHUS, Africano, ALTADAS Eusebio. Sed & hic Anniani commentii laciniam Synopsi suæ assuit *Besoldus*, dicere solitum Altadam: *Stultum esse, multis defatigari laboribus; & variis implicari curis, amplificandi regni gratiâ &c.* Nos æquè stultum arbitramur, amplificandi nominis causa scandere in alienos fines, & historiam veterem scribere historiæ veteris rudem.

Post hunc apud Eusebium & Africanum, repetio MAMYTHUM; *Besoldus* antiquum obtinens, belli curam ab hoc Rege rursus excitatam scribit; ejusque potentiam Syris & Ægyptiis suspectam fuisse. Verum & hæc sunt è Vitebiensi tripode.

In ASCHALIO, ut Africanus vocat, sive MANCHALEO, ut Eusebius; *narrandi argumentum deficere*, conqueritur *Besoldus*: Scilicet; quia *Berosus* hypobolinæus (à quo *auxiliares copias habentius in promptu habuit*) præter expectationem hinc conticescit.

At in SPHÆRO (qui post *Manchaleum* Rex Assyriorum fuit) rursus poetica tibiâ canit Annius, canit & *Besoldus*; virum illum fuisse magnâ virtute ac prudentiâ.

MAMYLI, ut legitur apud Africanum, sive
MAMI-

MAMITI, ut apud Eusebium, eadem fortuna, quæ Manchalei modò fuit: Hujus, inquit *Besoldus*, nullum facinus commemoratur; nam & hîc *Iudionem præful-*
tor Annius destituit.

SPARTHEUM post hunc Regem nominat Africanus, SPARETUM Eusebius, quem secutus est Annius; sed ex ingenii sui promptuario adjicit, *sub hoc cœpisse miranda in orbe.* Dignâ hæc sunt Anniano seculo, quo *miranda in omni historiâ Monachali* utramq; paginam faciebant. Nostro, quo densa illa nox papalium temporum discussa est, & veritas longè lateq; explicavit jubar suum; aliter loqui decebat. At nihilominus hoc etiam emblemate *Besoldus* utramq; Synopsin vermiculatam esse voluit.

ASCATADES ultimus est, quem nominat pseudo-Berosus; & sanè nos magnâ molestiâ liberat; quod impostorem calamum, manumq; à tabulâ hîc submovit. Ipse namque *Besoldus* ex *Anniana culcitra*, cui tam suaviter hucusq; indormivit, *sustulit caput*; & postquam fabularum hamaxarius sese exoneravit, *ivit ad aliòs, hant paullò melioris fidei.* Verba sunt: *Ab hoc (Ascatade) viginti Reges à quibusdam numerantur ad Sardanapalum, tricesimum octavum Assyriorum Regem.* Eumque Vellejus tradit, à Nino & Semiramide loco *trigesimo tertio (levi numerorum ab aliis, quos sequimur, variatione) natum.* Sic, ut semper successor regni paterni filius esset. Eusebium hîc sequitur, qui à Nino ad Sardanapalum Reges XXXVI: numerat. His *Besoldus* adjicit *Nimrodum & Belum*; sed *Africanus*, quem Eusebio præferunt eruditissimi Viri;

Viri, *Sardanapalum*, quadagesimum primum facit à Belo, Nini patre. Idem ab Ascatade numerat Reges XXIV. quorum nomina sunt hæc: AMYNTAS, BELOCHUS, BALATORES, LAMPRIDES, SOSARES, LAMPARES, PANNIAS, SOSAR-MUS, MITHREUS, TAUTAMUS (qui & TEU-TANES) TEUTÆUS, ARABELUS, CHA-LAUS, ANABUS, BABIUS, THINEUS, DER-CYLUS, EUPACMES, LAOSTENES, PYRI-TIADES, OPHRATEUS, EPHACHERES, ACRA-CARNES, TONOSCONCOLEROS, qui & SARDANAPALUS. Quod *Vellejus* ait, semper successorem Regni paterni fuisse filium, nescio unde hauserit. *Agathias lib. II. p. 55.* auctor est, in duabus familiis stetit Assyriorum regnum: Nim & Semiramidis posteris, inquit, ad Belum usque Derce-tade filium regnarunt. Cum enim in hoc Belo Somira-mica stirpis successio desinere, Belitaras quidam nomi-ne, vir infur, & hortorum (qui in regia erant) cura-tor ac magister, imperium sibi mirâ ratione vindica-vit, suog, generi iniecit; quemadmodum Bion & Ale-xander Polyhistor memoria prodiderunt. Hæc *Agathias*. Qui per Belum intelligere videtur Belochum, Amyntæ successorem; & per Belitaram Balatorem Africani: Et si filius semper successit patri, secundum Africanum Acracarnes pater est Sardanapali; vel se-cundum Eusebium Ocrzapæ. At ipse in sepulchro suo se dixit Anacyndaraxis filium; alii Anabaxeris, vide *Athenæum lib. XII. p. 528. 529.* Nisi unum Re-gem de versis Scriptoris aliter atque aliter appella-tum

tum dicere volumus, vixerit; ut Vellejo, vel alii (unde Vellejus hausit) fidem commodemus. Sed sive unius, sive duarum familiarum imperium fuit, in *Sardanapalo finitum est*.

Sardanapallum scribi debere, ex *Scaligeri notis ad Eusebium num. 1178*, docet *Bernegg. ad Justin. lib. I. c. 3. §. 1.* Addi velim eundem *Scaligerum in Priapeja p. 211. Schickardus* hunc in Orientalium scriptis *Zabum Nodhare*m, ex fratre *Tahmasb* nepotem, describi putat, in *Tarich pag. 41. 43.* Vocatur enim in iisdem *gulosus, commessator, beluationi deditus*; in quo linea defecerat. De hoc eodem fragmentum istud extat apud *Nicolaum Damascenum in Excerptis Peiresc. p. 424*: *Sardanapalus Assyriorum Rex à Nino & Semiramide originem ducens; assidue intra palatium; in urbe Nino degebat; neque arma tractans unquam, neque venatum egrediens, more superiorum Regum; sed faciem liniens, atque oculos pingens; & cum pollicibus implicatione crinium contendens* (ita vertit illustris *Salmasius in epist. de Casarie virorum, & comâ mulierum p. 561.* perperam *Henricus Valesius, & comæ compositione contendens*) *prorsusq; muliebri diffuens molli- tie.* Scribit *Athenaus lib. XII. p. 529.* *cerussa oblitum, muliebriter vestitum, cum pellicibus carminantem purpuram, ac sedentem pedibus porrectis, in altumq; sublati; tinctis fuco superciliis, muliebri stolâ indutum; levigatâ pumicis attritu facie, colore quàm lactis candidiore conspectum ab Arbace; cum à Parameize eunucho videndi copia facta esset.* Igitur indignitate rei motus vir magnaminus, adscito in com-
militium

militium *Belesi*, Chaldaeorum nobilissimo, apertè deficit; & quamvis tervictus, ad ultimum totum exercitum Sardanapali internecione delet. Ipse Rex ferè per triennium obsessus, cum longam murorum partem inundatio fluvii deiecisset; spe retinendæ urbis & imperii deposita vitam per infames voluptates & omnis generis deliciis actam, spontaneo usvicomburio finit. Legendi *Diodorus lib. II. c. 24. 25. 26. 27. Nicolaus Damascenus in dictis Excerptis Agathias lib. II. p. 55. Athenæus d. I. Justinus lib. I. c. 3. & alii.*

Hic finis primæ Dynastiæ Assyriorum fuit, cum stetitset annis mille trecentis, & quod excurrit. *Straabo lib. XVI. p. 737. simul eversam scribit Ninum, at Scaliger ad Eusebii num. 1213. & 1398. Ninum excisam negat; saltem enim vult dominum mutasse, imperio ad Arbacem translato; & hoc ipsis contigisse, quod Jonæ comminatione ad Deum conversa jejuniū publicè indixerit: Jonam enim ipsum ad Ninivitas venisse, cum Sardanapalus regno potiretur, ibidem existimat.*

Quærere tamen hæc quisquam possit, quidni & Sardanapalus conservatus est, cum Nini regem etiam in cineribus poenitentiam egisse sacræ literæ doceant? ne quid dissimulem, vix mihi persuadeo, de Sardanapalo Scripturam explicari debere; nec tamen ad rationem temporum aliud statuere possum, quàm regnante apud Assyrios Sardanapalo, Jonam venisse Ninum. Dicam hæc de re sententiam meam, ut audiam, quid judicent peritiores: Vivo Sardanapalo, alius etiam Rex in urbe Nino regnabat. *Athenæus*

lib. XII. p. 529. Sardanapalus filios tres, filiasq; duas (res suas in pejus ruituras cum præsensisset) ad Ninum Nini Regem ante miserat, cum tribus millibus talentorum auri. Turbat quidem *Diodorus Siculus lib. II. c. 26.* qui Sardanapali liberos missos scribit ad *Cottam*, Paphlagoniæ præfectum; sed verum mihi dicere videtur *Athenæus*, & juvat ejus narrationem ipse *Diodorus*; cum è Ctesia Sardanapalum alibi quàm in urbe Nino periisse scribit. Unde suspicari libet, aliquando sedem Assyriaci Imperii fuisse in alia civitate, quàm Nino; & Ninum alterius potestati commissam, de quo interpretandam censeo Scripturam. At seponamus hoc; illud ex *Ammiani Marcellini lib. XXIII. p. 251. edit. Vales.* certissimum, *Ninum* adhuc integram fuisse *Juliani ævo*; sub quo Ammianus vixit.

Mortuo Sardanapalo, inquit Besoldus, monarchiam Arbazes & Belochus inter se partiuntur; & Belochus quidem Babylonia, Arbazes verò Medorum atq; Persarum Rex factus est. Belochus post hanc mutationem primus Assyriorum Rex, Manahem Regem Israëlis vectigalem sibi fecit. Hanc sententiam suam repetiit in Synopsi majore; sed hic rursus animadvertet, ducem ac doctorem habuisse non bonum pseudo-Megasthenem, eundem, qui Berosum fabricarat; sed cum inscitus opinaretur, perinde esse Metasthenem dicas an Megasthenem; spurio partui spurium nomen imposuit. Falsissimum est, quod ait, tempore Arbacis bipartitam fuisse Monarchiam; Unus Monarcha fuit Arbazes, cujus beneficio non partem Monarchiæ, sed Satrapiam Babylonia obtinuit Belesis. *Diodorus Siculus*

sulus lib. II. c. 24: *Arbaces, laudato Viri consilio, οὐ-
τεσπεία τις Βαβυλωνία, Babyloniz præfecturam (si
res felicem habitura esset eventum) ei desponder. Et
mox c. 28: Nec traditam initio in Babylonios præfectu-
ram homini ademist. Absurdum igitur est, e Satrapâ
& beneficiario facere Monarcham: Nec aliter fuisse
sub Arbacis successore, nos docet *Nicolaus Damasce-
nus in Excerptis Peiresciani* p. 427. ubi refert, *Par-
sondam*, virum robore & animi magnitudine singula-
ri, cum *Nanybrum* Babyloniz præfectum in aures ge-
stantem, ac propè rasum, prorsusq; effœminatum ac
imbellem videret; à Medorum Rege petisse, ut Re-
gnum Nanybro ademtum sibi concederet. Satis ma-
nifestum, Babyloniz sive præfecturam, sive regnum
tùm fuisse sub potestate Medi; Regemq; , vel Satra-
pam Babylonis nihil aliud, quàm clientem ac preca-
rium. Et similem fortasse Satrapam, extincto Sarda-
napalo, Nini creavit Arbaces. Ac quemadmodum ar-
bitratur ille rerum humanarum nil stabile aut firmum es-
se voluit, præter ipsum,*

- - - uni Deo

nunquam senectus, atra nec mors imminet;

Sed alia miscet dominitor ætas omnia:

Sic ingens illud *imperium*, quod *integrum* invasit, in-
tegrum administravit *solus Arbaces*; aliquantò post
in aliquot lacinias discerptum est. Nam & *Assyrii* &
Babylonii à *Medis* deficientes, novi & liberi regni
(quod non amplius dependeret ab arbitrio Regum
Mediæ) auctores fuerunt; ita uno tempore *unius*
Monarchiz tres partes reperire licet in historia sacrâ

& profanâ : *Affyriam*, *Babylonicam*, & *Medicam*. Tangit hos primæ Monarchiæ motus & dissidia *Orosius lib. I. c. 19.*

Ex Affyriis, qui à Medis defecerunt, de nomine primum novimus PHULLUM, è *II. Reg. 15.* & *Joseph. lib. IX. Antiq. c. 11.* Isque *Manahem*, Israël's Regem, armis eò redegit; ut pacis redimendæ, & confirmandi regni offerret *mille argenti talenta*, id est, *quindecies centena florenorum millia*. Cùm autem hujus regnum ab interitu Sardanapali distet integro seculo (vide præter alios *Calvisium in anno mundi 3180.*) cùmque; αὐτὸς ἑαυτοῦ ipse fuerit (bellum enim Israëlitis intulit, non facturum, si quidem Medorum imperio subjectus fuisset) vel hinc constat, quàm in historiâ Assyriorum nihil ferè sani, aut veri loquantur vel Besoldus, vel alii; qui *Belesin* Diodori, Arfacis αὐτοῦ, eundem faciunt cum *Phullo*.

Huic successit TEGLATH-PHAL-ESAR, ut Scaligero describitur *ad Eusebii num. 1178.* TEGLATH-PHALASSAR *Joseph. d. LIX. c. 11. & 13.* Hic est qui expugnatâ *Damasco*, & occiso *Rase*, *Damalcenos in superiorem Mediam* traduxit. Sed ante *Iraëlitæ* quoque aggressus *tribum Nephthalim*, in *Affyrios captivam* abduxerat.

Post hunc Reges Assyriorum fuerunt JAREB & SARGON; quos excepit SALMANASSAR; qui *Samariam* expugnavit, & excidit A. M. 3227. Populumque *Israeliticum* in *Medos*, *Colchos*, *Indos* atque *Ethiopes* miserabili ac perpetuâ servitute disperfit. Nunquam hæc tribus in patrium solum redierunt,

runt, aut conjunctæ Judæis sunt; sed inter barbararū gentium imperia, etiam hodie, improba defectiois graves pœnas ex solvunt, ut ex *Joseph lib. II. Antiq. Jud. c. 5.* docet *Cunæus lib. I. de Republ. Hebr. cap. 8.* Unde satis apparet, quantum illo tempore attenuatum fuerit *Medorum* imperium; cujus tantam partem obtinuit *Salmanasser*.

Eo mortuo, regno Assyriorum potitus est SENNACHERIB, clade divinitus immisâ, cū Ezechiam Regem pientissimum bello premeret, notissimus. Occiso successit ASARHADDON, quod solum ē sacris literis, & fragmento *genuini Berosi*, apud *Joseph. lib. X. c. 2.* novimus; cui ASARCHODAS dicitur. Quo fato perierit, quemq; successorem habuerit, non constat.

Besoldus fursure & quisquiliis *Pseudomegasthenis* nos pascit, cū ait: *Merodach autem, Babylonia praefectus, hisce turbis defecit, vicinas gentes, partim gratiâ, partim vi paulatim ad se transfert. Indicit bellum; & duodecimo sui Regni anno Asarhaddone de victo, totum Assyriorum Imperium Babylonis adjunxit.* Hæc *Besoldus*, à vero prorsus alienus; quia *Pseudomegasthenes* post *Asarhaddonem* Regem constituit MERODACHUM: Hinc illa somnia de everso per Merodachum Assyriorum regno. Nos scimus aliquot ætatibus post Merodachum cecidisse alteram illam Assyriorum Dynastiam: Nam A. M. 3312. hoc est, 78. à misâ legatione Merodachi ad Ezechiam, *Phraotes* Assyrios bello aggressus est; & anno 3345. integro seculo post Merodachum Cyaxares iisdem bellum

intulit, Ninum obsedit; & tandem expugnavit. Vīdendus *Calvisius* in iis annis, & conferendus *Herodotus* in *Clio*. *Joseph. l. X. c. 3.* scribit: Circa eadem tempora imperium *Assyriorum* per *Medos* destructum est. Meminit hujusdam excidii *Jeremias*, cap. *L. & Ezech. c. XXXI. & XXXII.* Everforibus licet haud nominatis. Igitur *bis* peccant cum *Besoldo*, qui *Assarhaddonem* ultimum faciunt, & qui regnum *Assyriorum* eversum volunt à *Merodacho* *Babylonio*; cum centum & amplius annis post eversum sit, ductu & auspiciis *Medorum*.

Accedit figmentum tertium de causâ defectio-
nis *Merodachi*: Cum fratres, *Sennacheribi* filii, bello ci-
vili sese attererent, interim *Merodachum* rebellasse.
Quasi verò *Merodachus* auctor Dynastiæ novæ *Ba-
byloniorum*, vel *Chaldaeorum* haberi debeat? Immo
sic res habet: Quemadmodum ab *Arbace* *Medi* suc-
cessoribus *Assyrii*, sive *Phullo*, sive alio duce defecerunt;
sic aliquando post in libertatem sese vindicâ-
runt *Babylonii*, non *Merodacho* duce, sed *Nabonaf-
fore* A. M. 3203. Regnabat tùm apud *Medos* *Articas*,
quartus ab *Arbaze*; apud *Assyrios*, ut opinor, *Teglath-
phal-esar*.

Hæc est altera Dynastia *Babyloniorum* post di-
luvium; cum prior à *Nimrodo* cepta in posteris ejus
defuisset, tùm ab *Assyriis*, tùm ab *Arabibus* extinctis.
Quot deinde *Nabonassari* successerint, eos recensabo
ex *Claudii Ptolemæi Canone*; quem beneficio Docto-
ris *Overalli Angli* omnium emendatissimum habuit
Calvisius; & publicavit in *Isagog. Chronolog. c. 11.* ex
quo

quo nemini non apparebit, *Besoldum* in primâ Monarchiâ *nihil scripsisse*; nihil etiam subsidiorum acquirere sibi voluisse, ut juventuti ea traderet, quæ ætatem ferre possent. *Nabonassare* igitur Chaldaeorum Rege mortuo, successit NASIUS A. M. 3218. Exin bini, CHINZIRUS & PORUS A. M. 3220. Pulsis à subditis, DILULÆUS [vel rectius JUGÆUS] sufficitur A. M. 3225. Post quem regnare cepit MARDOCEMPADUS A. M. 3229. Hic *Mero-dach* parte prioris nominis sui *Esaie* Prophetæ dictus (anno septimo imperii sui) legatos ad *Ezechiam* Regem milit. *Baladam* vocat *Berosus* apud *Ioseph. lib. X. c. 3.* Eum excepit ARCIANUS A. M. 3241. Quo post quinquennium mortuo *biennium interregnum* fuit, id est, ab A. M. 3246. usque ad annum 3248. quo regnum Babylonicum suscepit BELIBUS in optimo exemplari dictus; sed BELITHUS *Scaligero*. Belibum A. M. 3251. secutus est APRONADIUS, *Scaligero* *Aporonadorus*. Apronadium RIGEBELUS, *Scaligero* *Herigebalus* A. M. 3257. Rigebelum MESESSIMORDACUS A. M. 3258. *Scaligero* *Mesnoëmandacus*; quo defuncto A. M. 3262. rursus *interregnum* fuit annorum solidorum octo. Tum (anno scilicet M. 3270.) Babylonii Regem habuerunt ASSARADINUM, *Scaligero* *Jeraeden*. *Assaradonem*, Sennacheribi filium, existimasse videtur *Dionysius Petavius part. I. lib. II. Rationarii Temporum. c. 2.* sed nomini & rationi temporum his minus roboris inesse reor; quàm ut *Assyrium* & *Babylonicum* regnum hoc tempore *conjugam*, & sub uno

fuisse credam. *Diversos Reges* (ut dixi) simul habuit *Assyria, Chaldaea, Media*. Tum & *Assyrii* parum æquos habuisse videntur *Babylonios*, quod ex legatione honorificâ Mardocempadi ad Ezechiam Assyriorum hostem, tum ex *Joseph. lib. X. c. 6.* colligi potest; ubi observo, *Medos* in destruendo *Assyriorum* regno à *Babyloniis* adjuutos fuisse. Quæ nationum illarum dissidia cò me deducunt, ut *Assaradinum* istum *Babylonium* omninò distinguam ab *Assaradone Assyrio*.

Post *Assaradinum* *Babyloniis* imperavit A. M. 3283. SAOSDUCHEUS; & A. M. 3303. CHYNILADANUS, quorum alter *Saosducinus*, alter *Riniladachus*, Scaligero corruptè dicitur. Hinc A. M. 3325. regnum Babylonicum longè clarissimum indeptum esse NABOPOLASSAREM, patrem *Nabuchodonosoris*; qui per filium A. M. 3342. *Pharane* *Necho* ad Euphratem magno prælio devicit, & *Tyrum* obsidere cœpit. Moritur A. M. 3346. relicto successore NABUCHODONOSORE. De hoc jam credere possumus, quæ *Besoldus* scribit in utrâq; Synopsi; nec quisquam ignorat, qui sacræ lectioni deditus. Hic enim ipse, qui *Joakimum*, Regem Judæ, captivum abduxit *Babylonem* A. M. 3349. expugnavit *Hierosolyma* A. M. 3360. expugnavit *Hierosolyma* A. M. 3360. d. 4. *Julii*, destruxitq; templum, anno eodem d. 4. *Augusti*. De hujus successoribus ut dicam in cap. seq. facit *Besoldus*.

Jam & de successoribus *Arbace* dicendum est, quorum fuit *tertiæ partis* in monarchia primâ possessio. ARBACE, qui *Sardanapallum* evexerat, mortuo,

mortuo, A. M. 3105. successit MANDAUCES filius. *Diodorus Siculus lib. II. c. 32.* è Ctesia, quem ibidem eò lubentius secutum se profitetur, quod è Regiis Persarum membranis studiosè indagârit Symbola.

Mandaucis successorem reliquit A. M. 3155. SOSARMUM. *Diodorus* ibidem. Ab hoc defecisse mihi videntur Assyrii, indignati Orientalis Imperii sedem à sese in Mediam translatam.

Sosarmo A. M. 3185. succedit ARTICA. *Diodorus d. l.* Sub hoc Nabonassar Chaldaeos suos ad fastigium summæ majestatis evexit.

Post hunc regnare cœpit A. M. 3217. ARBIANES, & A. M. 3239. ARTÆUS, vel ARSÆUS, qui & Dejoces dicitur. Hujus tempore, cùm jam liberum regnum fuerit Babylonicum, non capio, quomodo *Nanybris* Babylonii regnum precarium sub Artæo *Nicol. Damascenus* referat? Locum jam suprà citavimus. Credebam ea, quæ *Damascenus* scribit, contigisse sub Mandaucis: Ait enim, *Parfondam* Babylonix præfecturam sibi petiisse à successore Arbacis; ut videatur successorem proximum intelligere. Sed impedit *Diodorus Siculus*, qui *Parfondam* vixisse scribit sub Artæo, quinto Medorum Rege. Explicabunt hoc mihi, qui sagacioris sunt nasi, & ingenio fiunt. Illorum erit *πνεῦμα*.

Artæi, sive Dajocis filius, ARTINES fuit, idemq; Phraortes dictus; ad quod regnum descendit A. M. 3293. Sub jugum misit Persas; & cùm armis Assyrios peteret, occiditur A. M. 3314. ASTIBARUS, qui & Cyaxares, parentis mortem ultu-

rus, bellum cum iisdem continuat; Ninoq; expugnata, secundam Assyriorum Dynastiam simul excidit. Idem cum *Halyatte*, Lydorum Rege, bellum gerit atrocissimum; quod Scythas transfugas recepisset, ac demum post quadragesimum regni annum, sive A. M. 3355. fato fungitur.

Succedit filius APANDAS, Græcis *Astyages*, qui filiam *Mandanem* in matrimonium dedit *Cambysi*, modicæ fortunæ viro; ut paterna humilitas nepotem, à magnarum rerum molitionibus revocaret. Somniârat enim *Astyages* ex naturalibus filix *vitem enatam*, cujus palmitē omnis Asia obumbraretur; hinc regni sui destructionem metuens, ut fatum averteret, filix partum opprimendum censuit. Frustrat *materiam & alimentum prabet fato, qui obnuitur*. Nam, ut inquit *Nicephor. Gregor. lib. VII.* hoc tale est, ac si quis ignem metuens adibus jam circumdatum, non extinguat eum; sed sarmentorum fascēs aggerat, & oleum affundat: Aut si quis, furente Boreâ & tempestate, exiguâ fragiliq; cymbâ contra fluctus per eos elulari conetur. Exempla infinita sunt, quæ confirmant; quò magis homines impedire progressus eorum nitebantur, quos cœlestis providentia magnis destinârat imperiis; eò faciliorem ipsis ad præfixam divinitus metam perveniendi viam stravisse, quæ sunt verba *Leunclavii l. 1. Hist. Muselm.* Sic *Astyages*, cùm nepotis cædem imperâisset *Harpago* (cui secretæ regix domus innitebantur) deceptus est. Veritus hic, ne pœnam obsequii lueret, si *Astyage* mortuo *Mandane* rerum potiretur, non necat; sed pastori regio exponen-

exponendum tradit. Quid multis? hæc omnia notissima sunt; *Justinus* l. I. c. 4. 5. *Herodot.* l. I. *Val. Max.* lib. I. c. 7. Sed qui oscitantæ manifestus est, cum scribit: *Astyages* nepotem suum *Cyrum* è *Mandane* filia (quod Asiæ dominatum fatis ei destinari per somnia cognovisset) exponi iussisse. Imò *iussit occidi, non exponi*; & quod *Harpagus* contra mandatum exponendum tradidisset, *filium* ei *epulandum* apposuit. Causa *errori Valerio* fuerunt illa *Herodoti* antecedentia, non bene expensa: *Hic itaq;* (*Mithridates*) *accersius properè, cum venisset, inquit ad eum Harpagus: Juber te Astyages hunc capere infantem, quem in desertissimo montium exponas, ut celerrimè pereat; & hæc, ut tibi dicerem, mihi injunxerat.* Hæc ita simulabat *Harpagus* se accepisse, non acceperat. Sed è recentioribus ad eadem offendisse deprehendo *Just. Lipsium*, & *Job. Cluverum*: Alter in *comment. ad Senecam* l. de ira c. 15. auctorem illum notat, quod *Harpagus* regiæ crudelitatis causam ignorarit, quæ fuerit; quod *Harpagus* iussus *Cyrum*, *Mandanes* filium, exponere in deserto monte, per alium id exsecutus, alium successum habuerit; atque ita rem narrari *Herod.* lib. I. Alter in *Epitome Historiarum* p. m. 63. eodem planè modo: *Cyrum*, inquit, *infantulum*, si *Herodoto* fides, *avus exponi jusserat.* Intolerandum in utroque, *Herodotum* tam negligenter & legere & citare.

Sed hæc è *magdù*. In *Astyage* Regnum *Medicum* finitum est, cum illi per XXXV. annos præfuisset, de quo casu dicam *cap. seq.* Mihi ferè accidit, quod figulo, qui urceolum instituerat; currente rotâ vidit
ampho,

amphoram exire: Vel quod aliis, quibus fictilem cur-
rum Tarquinius formandum locaverat; nam his
ita crevit inter flammās, ut ad eximendum necesse
fuerit, fornacis culmen dejici. Eodem modo, sub
scribentis manu insperatum incrementum cepit hoc
caput, & propositi nostri modulum egressum est.

CAPUT IV.

*Evilmerodachus successor Nabuchodonosori.
Neriglissar non Rex, sed tutor Regis. Igitur
verus Evilmerodachi successor Belzasar. Hic
fustibus occisus in convivio. Figmentum de
Babylonis obsidione, cum occideretur Belza-
sar. Darius Medus successor Belzasaris nec
Astyagis filius fuit, nec Rex Medorum. Iose-
phi auctoritas, quam Besoldus sequitur, reje-
cta. Berosi fides major in rebus Babylonis.
Belzasar idem cum Labore Sardacho: Astya-
ges ultimus Rex Medorum, non alius.*

NABUCHODONOSORO MAGNO suc-
cessit A. M. 3389. EVILMERODACHUS,
sive Evelmaradochus, filius; ut scribunt
Berosus apud Josephum lib. I. contra Appionem, & Me-
gasthenes apud Eusebium lib. IX. de Prepar. Evangel.
c. 4. Ptolem. in Canon. Ilvarodanus. Cum sceleratè
& lascivè præflet, post biennium insidiis Neriglissoro-
ri, sive Neriglissaris, sive Niricassolassari, sive Niglisa-
ris (is sororem Evilmerodachi in matrimonio habe-
bat) opprimitur.

Regnum

Regnum capeffit ipfe Regis interfectoꝝ, NE-
RIGLOSSORORUS, Besoldo Affur, velle pſeu-
do-Megaſthene Regaſſar; ſed cum non eſſet ſtir-
pis regiz, id ſaltem tutorio nomine adminiſtravit.
Hinc *Daniel* Evilmerodacho ſtatim ſupponit Belza-
ſarem, omiſſo Nerigliſſare.

Hujus igitur Nerigliſſaris filius, & Nabuchodo-
noſori nepos, eſt filia Nitocrade BELZASAR. verus
& legitimus imperii Babylonici hæres, poſt *Evilmero-*
dachum cenſeri debet. Et initium regni ejus conſti-
tuit A.M. 3391. Non multò plus quatuor annis impe-
ravit, ut computant eruditiores Chronologi. Occiſus
eſt ab amicis, ut auctores ſunt *Beroſus* & *Daniel*; quos
adhibuerat convivio, qui antea de eo interficiendo
conſilium inierant, conſpirationis Duce *Nabonido*
Medo.

Genus mortis exponitur à *Beroſo*: *ἔπε τῶν*
φίλων ἀπὲς τυμπανίδου, ab amicis tympanis interfectus
eſt. Id explicat *Scaliger* lib. III. *Can. Iſag.* p. 291. & ad
Enſebium num. 1431. p. 85. eſt Grammaticis Græcis, *tym-*
pantum eſſe lignum, quod etiam *ſcytalen* appellent.
Hinc qui *Siculus* & *Argivus* olim *σκυταλισμὸς* dictus
eſt, Romani *ſuſtinarium* vocant. Nimirum quod a-
mici illi in convivium veniſſent inermes τῷ *πυχρῷ*
ἔπαιῳ, id eſt, telo, quod fors objecit, ligno aut ſcam-
no, aut tale id genus, Regem adoleſcentem oppreſ-
ſerunt. At *Daniel* genus mortis non exprimit, ſed con-
vivii tantum nocturni mentionem facit.

Fabuloſum eſt, quod multi ſcripſerunt, DA-
RIUM Medum invaſiſſe regnum, & adjutore Cyro
Babylo.

Babylonem expugnâsse ; mox victorem regnum cum Cyro divisisse Immo *Darius* vel à populo, vel procerum factione creatus Rex fuit, quod apertè dicit Berosus. *Daniel* de successione ejus hoc modo post cædem Belzafari: Δάειος ὁ μὲν ἐκ τῆς ἀρχῆς. Id est: *Darius Medus accepit regnum.* Chaldaicè: *alio tradente accepit.* Quamobrem non feliciter *Besoldus*: *Hoc* (scil. Belzafare) *interfecto, Imperii summa ad Darium Medum est translata.* Sed in eo sententiam sequitur, quam insania plebejorum Chronologorum commenta est, cùm ait: *Hunc esse Cyaxarem filium Astyagis.* Darium Medum Astyagis filium facit *Joseph. d. l. X. c. 12.* Sed ex conjectura, & recedens à *Beroso*; quem etiam hîc sequi debebat. Ut de rebus Moscorum Molcis non inviti omnes credimus, Turcis de rebus Turcorum, Japonibus de rebus Japonum; neque ulla tam barbara gens est, aut fera, cui propriam suarum rerum historiam narranti, non plus fidei sumus habituri, quàm cuivis extero & alienigenæ: (verbis *Casaub. ep. 170.*) Sic quod de Babylonis refert Berosus Babylonis, pro vero accipimus; dum contrarium probetur, quod omittit, omittimus etiam nos. *Propheta c. IX.* est Οξυάγος ἐκ γένος μεδωνῶν, id est, *filius Xerxis de semine Medorum.* Hunc *Xerxem* Josephus hariolatus est eundem esse cum *Astyage*: At *Propheta* neque Darium Medorum Regem facit, neque patrem ejus; è quo saltem id collegimus, patrem vel avum Darii, è Media venisse Babylonem; adeoq; Darium, Medis oriundum, & Babylonis inquilinum fuisse. *Astyagem* eundem esse cum *Xerxe*, Darii patre,

re, quo argumento probabimus? Nullam virilis sexus sobolem habuisse satis patet. Credidit *Harpagus*, mortuo *Astyage*, Imperium ad *Mandanem* filiam futurum; quod quomodo potuisset, si filium habuit *Astyages*? quin hoc ipsum apertè negat *Orosius lib. I. c. 19. Justinus lib. I. c. 4. §. 7. Herod. lib. I.* Somniant alii, *Darium Medum* saltem adoptatum postea fuisse: Tot machinulæ movendæ sunt, ne destruat, vel pereat falsa thesis. Exin autem egregium istud argumentum malum est: Quia *Darius Medus* secundum *Josephum* est *Astyagis* filius, ergò idem cum *Cyaxare*; quem *Astyages* filium facit *Xenophon in Cyriped.* Sed scire debebant, imaginem quidem veri esse in illo *Xenophontis* opere; planeq; confictum esse *Cyaxarem* illum. Verissimè *Lipsius in not. ad lib. I. Politic.* suorum c. 9. scribit: *Laudatissimus ille Cyrus Xenophontis non habet locum, quem magis ad exemplum vite, quàm ad fidem rerum scripsit.* Adeundi de hac ipsâ controversia *Scaliger d. lib. III. Canon. Isagog. lib. VI. de Emend. Temporum. Calvisius in Isagog. Chron. c. 29. Dionysius Petavius Ration. Temp. part. I. lib. II. c. 9.*

Nunc in viam redeundum est. *BELZASAR* idem cum *Laborosardacho*, quod ex *Berofo* & *Megasthene* constat: Faciunt enim *Laborosardachum* nepotem *Nabuchodonosori* ex *Nitoride* filia; ejusq; successorem *Nabonidum*, qui idem cum *Dario Medo*. Nec nos offendere debet nominum varietas: Scire namq; debemus, plerumque duum nominum fuisse Reges Orientales; aliterq; appellatos, cum privati essent, aliter, cum ad imperium accesserunt. Diversum scribit

scribit *Iosephus*; sed qui jubetur hîc cedere Babylonîis & Persicis auctoribus.

Quamobrem hæc differentia est inter sententias nostras, & *Besoldi*, hoc capite: (1) *Evilmerodachum* regnâsse scribit annis 30. nos duobus. (2) *Labassardachum* diversum facit à *Balthasare*; nos unum eundemque. (3) *Darium* Medum *Cyaxarem* vocat, & *Astyagis filium*, opinatur; nos *Cyaxarem filitium* dicimus, deque *Astyage* statuimus; nullum reliquisse filium. Ex hoc illud etiam sequitur, non *Darium Medum*, sed *Astyagem* finiisse regnum Mediæ. Atque ita nihil offendimus veteres, quod adversæ sententiæ Scriptores facere necesse est. E veteribus *Herodotum* intelligo *lib. I. Just. lib. I. c. 6. Oros. lib. I. cap. 19. Diod. Sicul. lib. II. c. 34.* Quorum omnium una assertio est, *Astyagem* à *Cyro* devictum, & imperium Medicum simul finitum esse; factum id A. M. 3390.

Excursus de Regnis notioribus, cùm
Assyrii, Babylonii & Medi re-
rum Orientis potirentur.

TROJANUM.

*Trojanorum origo à Dodanim, Iavani filio, Iapeti nepote; & à Thracibus, & à Creten-
sibus. Ipse Dardanus à Dodanim. Scamandri
sedes in Phrygia. Samonis uxor, & ejus cala-
mitas. Trojanorum Regum successio. Palla-
dium cælo delapsum tempore Ilii. Troja capta*
sub

sub Laomedonte. Priami liberi. Trojam iterum captam sub Priamo, aliis tam non dubitatum, ut diem tradiderint; aliis contra. Troici belli scriptores Dares & Dictys; & quid de his judicandum sit? Populorum multorum vanitas in assectandâ Trojanâ origine. Illic fortuna sub Romanis & ruina proavorum memoriâ supersites.

Quis genus Aeneadam, quis Trojanesciat urbem? Virtutesq; Virosg; & tanti incendia belli? ait apud Virgilium Aeneid. v. 569. 570. Dido. Faciamus igitur, dum aliarum etiam nationum Reges commemorare libet, à tam nobilissimo per orbem terrarum regno, initium: Nam displicet, quod Goropius Becanus disputat de origine Trojanorum, lib. II. Hispan. Rerum: Cum Jonis, filii Japeti, nepotes maritima tenuerint, & hi quidem fuerint Elisas, Tarsus, Citim, & Dodanim; à Dodanim ortum videri Dardanum. Certè à Poëtis vetustis cognatio quædam inter Dardanum & Tarsum celebratur; quamvis Reinerius Reineccius tom. III. Familiarum à Thirâ, Japeti filio, Thracum patre, & Thracibus, originem Trojanorum repetat. Ipsum Dardanum è Samothraciâ venisse, communis consensus est.

Isacius in Lycophronis Cassandram pag. 44. Electra, Atlantis filia & Jovis, inquit, Jason & Dardanus filii fuerunt: Ex quibus Jason Cereris amore captus fulmine percussus est. Dardanus verò exundatione factâ, è Samothracia ad oppositum ex alterâ ripâ collem enatavit, urbem conditurus. At Oraculo,

E

neid

ne id faceret, monitus est, quod iste *collis Atæ*, seu *Noxæ*, facer esset; ideoq; ejus incolas infortunium maneret. Inde Dardanus ad alium *collem*, qui *Scamandrius* dicebatur, concessit, regnante tunc in Trojade Teucro, Scamandri & Ideæ Nymphæ filio; cujus Scamandri sororem *Batéam* nomine cum Dardanus in uxorem duxisset (quam Lycophron *Arisben* vocat) ex illa suscepit *Illum* & *Erichthonium*; quorum *Illus* sine liberis vitâ excessit: *Erichthonius* verò ex *Astyoche*, Simoëntis filia, *Troëm* suscepit; *Trois* porro & *Callirhoës*, Scamandri filia, *Illus* & alii filii fuerunt. Igitur Dardanus in Scamandro colle *Dardaniam* urbein extruxit.

Posterioribus deinde temporibus *Illus*, cum in certamine victoriam obtinuisset, assumtis juvenibus 50. & totidem puellis, *vaccam* quandam *vagam* secutus est; quæ cum pervenisset ad *collem Noxæ*, obsecutus Oraculo (quod jussit, ut ubi vacca procubisset, urbem conderet) *Illum* ibi condidit. Unde Dardanus abactus fuerat. Non exhibui in hoc Tzetzi loco versionem ad verbum, qualem *Berdrandus* dedit; sed alicubi recessi, secutus emendantem *Guilhelmum Canterum* lib. 1. *Növ-antq. Lect. cap. 1.* Conferendus autem *Diodorus Sic. lib. V. c. 48. 49.* Sed hæc nihil obstant conjecturæ Goropianæ. Ut sunt gentium migrationes, è continente (ubi habitavit Dodanim) posteri migrârunt in insulam Samothraciam; & inde rursus in Troadem, velut antiquam patriam; ut Dardanus adhuc unus è posteris Dodanim haberi possit. Etiam Cretenses ibi sedes fixere: Nam
ante

ante Dardanum Scamander Cretensis (cùm Creta frugum inopiâ laboraret) cum parte terciâ ad fides exteras quærendas profectus est; ab Oraculo monitus, ibi eum habiturum sedes, ubi à terrigenis esset oppugnatus. Delatus ergo ad Phrygiam, cùm castra ad Idam posuisset, *mures arcuum nervos, & scutorum lora* arroserunt; quos *Scamander* hostes terrigenas interpretatus, ibi urbem condidit, & cum finitimis bella gessit, ut ex *Trogo Pompejo* refert *vetus interpres Virg.* qui est apud *Petrum Danielem* in illud *III. lib. Aneid.*

Teucus Rhæteas primùm est advectus in oras.
 Adde *Eustath. in Iliad. I.* Bellum ejusdem *Scamandri*, & alia legimus apud *Nicolaum Damascenum* in *Excerptis Peiresc.* p. 443. Ibi, *Scamander*, qui primus *Trojanis* imperavit, *Samonis* (hic quoque *Cretensis* fuit) operâ usus, barbaros (qui *Troadem* incolebant) subegit: *Samone* autem in pugna interfecto, uxorem illius *Dadan* cum caduceatore misit, ut eo loci nuberet, cui vellet: Sed caduceator in itinere eam stuprat, statimq; mulier, impar tantæ calamitati, gladio mariti (quem secum habebat) seipsam transfixit. Quod ubi *Cretenses* comperere, caduceatorem eò ipsò in loco (qui vulgò *impudentiæ* appellatur) lapidibus obruerunt. Hæc *Damascenus*.

Porro à *Scamandri* filio, *Teucro*, *Tencri* appellati; qui & ipse ante Dardanum *Sminthium* extruxit. At *Dardanus* regnare cœpit A. M. 2471. ostingentis (& quod excurrit) annis post diluvium. Alii *Corin* filium asserunt; sed qui diligenter distinguendus est à

E ij

Corytho,

Corytho, cujus meminit *Diodorus lib. IV. Bibl. c. 33.* Nam hic longè recentior, & *Laomedontis* σύγχεο-
 ρ. Uxor, ut jam *Tzetzes* docuit, *Batea*, *Teucrifilia*;
 quam duxit post *Chrysem*, *Balaantis* filiam; è quâ ge-
 nuerat *Ideum* & *Timantem*, successores *Atlantis* proa-
 vi, in *Arcadico* regno; ut auctor est *Dionys. Halicar.*
lib. I. c. 61.

E *Batea* est *ERICHTHONIUS*, qui
Dardano patri successit A. M. 2536. Uxor *Callirrhoe*,
Scamandri filia; ut vult *Dionysius d. l. c. 62.* *Astyoche*,
Simoëntis filia, ut *Tzetzes*.

TROS, vel *TROUS*, *Erichthonii* filius, re-
 gnum suscepit A. M. 2582. *Trojam* condidit, & *Tro-*
jadi nomen dedit. *Enseb. num. 649*: Τῆς Δαρδανίας
 ἐβασίλευσεν ΤΡΩΣ καὶ ἸΛΙΟΝ, ἀφ' ἧς Τρώες καὶ Τρωαῖς, καὶ
 ἡ πόλις Ἰλιον. In *Dardaniâ* regnavit *Tros*, & *Ilus*; à
 quo *Troës* & *Troas*, & urbs *Ilium*. Ubi duos Reges
 miscet simul. *Trois* conjux secundum *Dionys. d. c. 62.*
 fuit *Acalis*, *Eumedis* filia: At secundum *Tzetzem* &
Cononem apud *Photium* narrat *CXII.*, *Callirrhoe*, *Scam-*
andri filia; quæcunq; tandem fuerit.

ILUM, *Trois* filium statuunt plerique omnes:
Is, secundum *Calvisium*, regere *Trojanos* cœpit A.
 M. 2631. Hujusdem fratres, *Ganymedes* & *Affara-*
cus, *Æneæ* proavus. *Conon. d. l.* Ab hoc conditum
Ilium; ut *ibidem* scribit, & in immensum auxit: Vi-
 dentur *Ilium*, *Troja* & *Dardania* tùm in unum coaluis-
 se. Hujusdem tempore *Palladium* cœlo delapsum
 crediderunt. *Ovid. VI. Fastorum*:

*Monia Dardanidis nuper nova fecerat Ilus;
Ilus adhuc Asia dives habebat agros.*

Creditur armifera signum cæleste Minervæ

Urbis in Iliacæ defuisse iuga.

Sepulchrum ejus nobilissimum erat in campis Simoëntis, quo de *Barthius lib. XV. Advers. c. 18.*

Ibi filius LAOMEDON, *Caryos* (qui avus *Aeneæ* fuit) patrueus, regnat A. M. 2671; cujus tempore *Hercules Thebanus* vel ob equos, quos Laomedon promiserat; vel ob mercedem *Hesiones*, à *Ceto* liberatæ, in Trojanos expeditionem suscepit; & expugnatam viduavit civibus urbem: Ipse Laomedon occisus est. Videndus *Eusebius num. 768.*

Ulimus Regum PRIAMUS Laomedontis filius, cum A. M. 2755. regnum stabilisset; præsidii ubique dispositis, *Antenorem* mittit in Græciam, ex postulatam de cæde Laomedontis patris sui; & cum nihil responderetur, *Alexandrum* filium classe instruit, qui per insidias *Helenam* capit, *Europa Asiæq.* sepulchrum. Nam ex hac causa bellum illud ortum (quod per decem annos, cum ingenti utriusq. partis clade gestum) numerosam illam Priami sobolem pænè universam sustulit. *Quinquaginta* filios Poëtæ numerant, & eorum nomina collegit *Guido de Columna in Hist. de Excidio Trojæ c. 8.* Sed vereor, ut bonâ fide; lego enim multa, quæ ne Trojana quidem videntur; & multa desidero, quæ in vetustissimis Scriptoribus passim occurrunt.

Non tantum otii mihi superest ad colligenda nomina; sed recensere tamen, quæ memoriæ meæ non-

dum elapsa sunt: Cætera (quæ perdidit, & amisit) scrutabuntur alii; qui temporis jacturam facere volent. 1. *Hector* ille, fortitudine sua nobilissimus. 2. *Paris*, sive *Alexander*; qui Helenam rapuisse dicitur. 3. *Deiphobus*. 4. *Helenus*. 5. *Polites*. 6. *Trois*. 7. *Polydorus*. 8. *Laocon*. (Horum tum alii quam plures, tum *Virg.* passim mentionem facit) 9. *Antiphum*, ab *Agamemnone* interfectum, novi ex *Homeri Iliad.* 29. 10. *Antiphanum*, ex *Iliad.* 23. 11. *Agathonem*, ex eadem. 12. *Hippotroum*, ex eadem. 13. *Agavum*, ex *Iliad.* 11. 14. *Pammonem*, ex *Iliad.* 23. 15. *Lycæonem*, nisi idem sit cum *Laoconte*, ex *Iliad.* 21. 16. *Arcum*. 17. *Echemonem*. 18. *Isūm*. 19. *Evandrum*. 20. *Arsecum*. 21. *Desopiten*. 22. *Archemachum*. 23. *Laudacum*. 24. *Philemonem*. 25. *Melum*. 26. *Astyochem*. 27. *Doriclum*. 28. *Hippodamanta*. 29. *Dryopem*. 30. *Biantem*. 31. *Corythum*, sive *Gorgidionem*. 32. *Thyestem*. 33. *Ilioneum*. 34. *Thetestem*. 35. *Glaucum*. 36. *Asteropæum*. 37. *Mestorem*. Hos omnes partim apud *Dictyn Cretensem*, partim apud *Apollodorum* reperire licet. 38. *Cebrionem* legi apud *Stephanum de Urbibus*. 39. *Menalippum*, & 40. *Ideum* in *Hephæstione*, apud *Photium*.

E filiabus notissima 1. *Creusa*, *Æneæ* conjux è *Virg. lib. II. Æn.* 2. *Laodice*, ex *Homeri Iliad.* 1. 3. *Polyxena*, ex eodem & *Dictii*, & aliis. 4. *Cassandra*, è *Virg.* 1. & *Plutarchi Agide*. 5. *Aristomache*, è *Pausaniæ Photicis*. 6. *Astyoche*, è *Dicty.* 7. *Ilione*, ex *Hygino*. 8. *Medesicaste*, ex ejusdem *Pausania Photicis*. In tot liberis, tot calamitates expertus est infelix *Priamus*;
& bel-

& bellum quidem funestissimum multis Veterum descriptum est.

De auctore *Ἰλιάδης* (quem *Leuius*, vetustissimus Poëta, Latinis versibus reddidit) consulendus *Scaliger in Catullum p. 128. De Callisthene Cicero lib. V. ep. fam. 12.* Sed & de muliere quâdam *Phantasia* legimus, scripsisse libros de bello Trojano; & in templo *Vulcani* deposuisse, oppido *Memphi*. Los libros *Homerum* in *Ægyptum* venientem reperisse, abstulisse, vindicasse. Quam tamen narrationem, ut vanissimam *phantasiam*, explodit *Lipsius ad Sen. lib. de Brevit. vite, c. 13.* At de Syagro *Ælianus lib. XIV. c. 21.* Post *Orpheum* & *Musaum* primus Trojanum bellum cecinit *Syagrus*, maximum argumentum carmine ausus tractare. De *Corinno* idem scribit *Suidas* in *Corinno*. De *Phemio* & *Demodoco Athenæus lib. I.* De aliis *Samuel Dresenius* in *Iscanum pag. 1.* Et quis omnes illos recenseat, quos hoc argumentum delegisse constat, Poëtas & Historicos? tanè in proverbium abiit, *Τροίαν ἐλέει*, id est, *Trojam deslere*. Versantur autem hodieque in manibus omnium *Dictys Cretensis*, & *Dares Phrygius*; quorum illum auctorem satis veterem esse, agnoverunt eruditissimi Viri. *Salmasius ad aram Dosiade pag. 243: Vetus auctor, qui sub nomine Dictys Cretensis libellum de bello Trojano scripsit.* Idem iudicium ejus est, qui edidit cum notis *Amstelodami A. C. 1631.* Idem *Barthii* non uno Adversariorum loco. Hunc etiam *Dictyn* de bello Trojano citat *Johan. Antiochenus* (quem temporibus *Heraclii* Imperatoris vixisse reor) in *Excerptis Peiresc.*

p. 784. Nisi quis illo tempore verum & antiquissimum illum Dictyn adhuc superfuisse velit; quod ægrè concesserim: Noster Latinus latuit sub magno nomine.

„ Ut jam suprà dixi, fuit *commune Scriptorum vi-*
 „ *tium, ut, quò pretium adderent scriptis suis, antiquio-*
 „ *ri potius quàm sibi, ea tribuerent.* Idq; non tam fre-
 quenter in profanis (è quibus *Pythagoras* talem frau-
 dem fraudus est, *Reinesius lib. 1. Variar. c. 22.*) quàm in
 Scriptoribus Sacris deprehendere est. Sic primis se-
 culis nascentis Christianismi supposuerunt *Mercuri-*
um Aegyptium, & *carmina Sibyllina*; & aliquanto
 pòst *Dionysium Ariopagitam*, *Epistolam ad Abgarum*,
Acta Pilati, *Ejusdemque epistola*; ut alios & *Ademys* exi-
 phæ innumeros taceam. Novissimè *Evangelia He-*
braica à Quinquarboreo, Münstero; & pòst ab ejus
 discipulo, *Schreckenfuchsis* edita, *Matthæo Apostolo*
adscripta, nobis obtrudere conati sunt: Sed hæc nihil
 ad *Andromacham* nostram. Hoc saltem de Dicty vo-
 luimus, quamvis antiquus ille non sit, tamen in rebus
 Trojanis illustrandis minimè rejici à doctissimis Viris.

At *Daretis Phrygiæ* (quem illi adjicere vulgò so-
 lent) non par auctoritas, ex *Antipatro Acanthio* re-
 fert *Hephæst.* apud *Phot.* *Cod. CXC.* *Daretem*, qui ante
 Homerum *Iliadem* conscripsit, *monitorem* fuisse *He-*
ctoris, auctoremq; ne *Achyllis* socium interimeret.
 Meminit hujusdam *Ælianus lib. XI. c. 2:* *Dares*
Phryx, inquit, *ante Homerum vixit, cujus Iliadem*
in hunc usque diem conservari scio. Ut præteream *Isi-*
dorum. Sed hæc, quæ nos quidem habemus, spuria
 sunt; ut præter *Scaligerum* judicavit *Possevinus Bibl.*

tom. II. sect. IV. lib. XVI. Andreas Schoetus (cujus epistolam iterum publicavit Cl. *Bœclerus* in Nepote suo) existimat, partum esse *Josephi Iscani*, sive *Exoniensis*; qui vixit sub *Johanne, Anglorum Rege*: Alii *Burdigalensem* faciunt; de qua sententia consulendus *Vossius lib. I. de Idolol. c. 36. p. 268.* Ejusdem *Josephi* poema de bello Trojano in *libros VI.* distributum sub *Cornelii Nepotis* nomine vulgârat superior ætas. Quisquis tandem sit historiæ auctor, non est ætatis aureæ; sed barbarus, & judicio planè destitutus: Ut, quod *Pseudoberoso* precium constituimus, ponamus huic quoque; & juventutem cavere jubeamus, ne in hâc literarum luce tenebras probet; & ad asserendam rerum memoriam stramineos testes advocet.

Quamvis & illorum fides, quos velut approbatos nominavimus, & è quorum mente hætenus locuti sumus, de rebus Trojanis & excidio Trojæ, in dubium vocari possit. Quid ais? tunc Priamum occisum, *Trojam à Græcis captam* & inflammatam, contra tantam Scriptorum multitudinem *negare* audes? Non nego, immensam multitudinem esse; immò scio ex illâ, quosdam tam confidentes fuisse, qui *diem excisa Troje* posteritati traderent. Vid. *Plut. in Camillo, & Dionys. Halic. lib. II. c. 63.* referentes, captam esse *die 23. Thargelionis, diebus 27. ante solstitium æstivum.* Unus repertus est *Dio Chrysostomus Coccejanus* (vel avus vel proavus maternus Dionis Cocceji historici, tantâ gratiâ pollens, ut *Trajanus* aureo & triumphali curru juxta se collocatum compellârit his verbis: AMO TE, UT ME IPSUM! *Philostratus*

in ejus vitâ p. 495.) qui tantæ multitudini se solum objecit; & quæ magno consensu recepta erant, multis rationibus refutavit. Ad firmandam enim sententiam suam adfert narrationem *Sacerdotis Egyptii* de bello Trojano, ex antiquis Ægyptiorum monumentis repetitam.

Quo primùm ostendit, *Helenam*, Tyndarei Regis Spartani filiam, à plurimis Asiæ Græciæq; proceribus expetitam, *Alexandro*, Priami filio, præ omnibus aliis, *legitimo conjugio nuptam*; & hinc domum ab eo ductam. Hinc quæ de raptu ejus, primâque Trojæ per *Herculem* expugnatione à Græcis referuntur, firmis rationibus refellit.

Posthæc subjungit, ut Græciæ Principes ab *Atridis* concitati ex merâ erga *Alexandrum* invidia, & crescentis Trojanorum potentiae metu, bellum Trojanis fecerint; & quàm infelicitè hoc à Græcis, quàm prosperè à Trojanis sit gestum; donec munitis Græcorum perfractis, & navibus plerisque incensis, ab *Hectore Achilles* etiam in defensione castrorum ab eodem confossus, armisq; spoliatus occubuerit: Ubi interim docet, quæ vera, & quæ falsa Homerus de hoc bello narrat; & quanta sit ejus in laudandis Græcis inopia & jejunitas, & vicissim in deprædicandis Trojanis quàm abundans copia. Commentum etiam de *Patroclo*, & de monomachia *Achillis cum Hectore*, ut falsissimum & ineptissimum utrunque, confutat & irridet.

Tertiò exponit, ut Græci per desperationem in *Chersonesum* transfretârint; & cùm nova utriusque
auxilia

auxilia advenissent, Trojanis quidem *Aethiopum* & *Amazonum* copiarum; Græcis verò *Neopolemi* & *Philoctetæ* manus acerrimum & luctuosum prælium intercessit coortum; in quò à parte Trojanorum *Memnon*, *Penthesilea*, & *Parus*; à parte Græcorum *Ajax* & *Antilochus* ceciderunt: Unde consecuta mox sit dialylis, & fœdus Græcorum cum Trojanis; quibus hi conditionibus vellent initum, dum & Græci viribus exhausti, & ad incitas redacti ultro pacem expetunt: Et Trojani tot laborum & casuum pertæsi, eam non denegant; præsertim cum & donarium *equi lignei* Minervæ Trojanæ consecrârunt; ut quasi trophæum victoriæ Trojanorum extaret.

Hinc addit quædam, de beatò gloriosoque Priami & Hectoris exitu. Et ad postremum multis absurditatibus ostensis, & misero Græcorum reditu, domesticisq; eorum calamitatibus: Tùm coloniis Trojanorum in Italiam, Galliam Cisalpinam, & ipsam Græciam feliciter ductis, & exulibus Græcorum à Trojanis in Italiâ & Asiâ receptis, confirmat *Trojanos*, non Græcos, hoc bello evasisse victores. Ita totam Orationem *Dionis Chrysostomi* in compendium contraxit *Laurentius Rhodomanus*.

Ut ingenuè fatear, ipsam veritatem loqui mihi videtur *Chrysostomus*; & qui scit, quantum Ægyptiorum monumenta Græcorum narrationes prægravent, vix aliter affectus erit. Ægyptiorum namque potissima cura fuit, ut omnium memoria quàm diligentissimè conservaretur: Contrà apud Græcos antiquitates vel sepultæ, vel miris fabulis involutæ. Hinc
apud

apud *Platonem* in *Timæo* senex ille sacerdos Ægyptius Solonem & Græcos accusat, ut semper pueros, nunquam senes esse affirmans; in quorum animo nulla erat ex vetustatis relatione vera opinio, nulla cana scientia. Sed ne contra fas audire velimus Ægyptium in suâ causa, en *Josephum* de hâc ipsâ re *lib. 1.* contra Appionem: *Omnia Græcorum nova, & heri nuperque nata cognovi, id est, fabricam civitatum & inventiones artium, conscriptionemq; legum; rebusq; cunctis recentior apud eos est historia conscribende ratio: Apud Ægyptios autem atque Chaldaeos & Phœnicas, sicut ipsi fatentur, res gesta antiquissimam & permanentem habent memoriam. Nam multum providerunt, ut nihil tacitum reliqueretur; sed omnia in annales à Viris sapientissimis referrentur. Hæc Josephus. Sed & cum nobis de eo constet, neminem è Scriptoribus Græcis fuisse, qui de bello Trojano non prodigiosum aliquod, & incredibile retulerit; vel hoc ipsum Ægyptiorum monumenta favorabiliora reddit. Est ea mentientium conditio, ut in mendacio deprehensi fidem non mereantur amplius: Sic, cum *Polybius*, aliiq; magni viri, *Pythiam Massiliensem*, qui *ἡμετέριον* notassent, falsa multa tradidisse etiam de iis, quæ Græcis hominibus nota erant, atque explorata; ita cœpit Pythæ fides esse suspecta, ut jam multi non alio loco ejus scripta, quàm fabulas habeant: Quia factum est, ut ne in iis quidem, quæ verè scripserat, ei ab iisdem fides haberetur. *Casaubonus ad Strabonis lib. 1. p. 42.* Sic, cum Tiberius ad vana & toties irrita revolveretur, vero quoque & honesto fidem demississe,*

scribit

scribit *Tacitus lib. IV. Annal. c. 9.* Multò minus non manifestâ in re sequi possumus Græcos, tot fabularum in rebus Troicis manifestos; & Ægyptiaca monumenta rejicere, gravissimis Scriptoribus commendata.

Nihil sanè, quoad Trojanum bellum, in his absonum & absurdum; immò in hâc narratione occurrunt quàm plurima, quæ nec ipsi Græci dissimulare potuerunt. Ut saltem hoc tangam, referebat Ægyptius ex pilis & columnis suis (in quib⁹ historia vetus descripta erat) Græcos demum *reversos* nullam non calamitatem excepsisse; quod ipsum fortissimum argumentum sit rerum malè gestarum: Cùm, si victores extitissent, insidiatores & rebelles ab omnibus molitionibus suâ claritudine & potentiâ facilè detertere, vel ausus retundere potuissent. Contra Trojanorum res potentiâ & gloriâ multò insigniores extitisse. *Triamum* vitam finivisse omnium *felicissimum*, nisi quantum ægritudinis attulerunt necesse plurimum filiorum. Ipsum *Hectorem*, postquam plurimos regnâvit annos, & multas Asiæ provincias imperio suo adjunxerit, in *maturâ senectâ* fatis concessisse; relicto successore *Scamandrio* filio. *Aeneam* ab *Hectore* missum cum classe & numerosâ manu, *Italiam*, beatissimam Europæ regionem, occupâsse. *Helenum* in mediam profectum Græciam, *Molossorum regnum* & *Epiri*, proximè Thessaliam obtinuisse. *Antenorem* & ipsum regnandi cupidine exarsisse, & in *Europam* trajecisse; & opimam circa *Hadriam* regionem sui juris fecisse. Hæc pleraque vel in Græcorum libris observare licet.

Scamand-

Scamandrium, HecTORis filium, potentiam quandam in Troade obtinuisse, satis indicat *Nicolaus Damasce- nus lib. IV. apud Stephanum de Urbibus*, in Ascania: *Scamandrius*, HecTORis & *Andromachæ* filius, ab *Ida* & *Dascyllo* & *Ascania* (quam condidit *Ascanius*, *Ænea* filius) contracta idonea hominum multitudine. Nescio tamen, an id fortasse in sequentibus dixerit, quod *Anaxicrates lib. II. Rerum Argivarum*, apud *Scholias- tem Euripidis in Andromacham*: *Scamandrium*, He- cTORis filium, collectâ ex agro Trojano multitudine in *Scythiam* venisse; & ad *Danaïm* confedis- se videtur.

Igitur alius testimoniis opus est. Conton apud *Photium Cod. CLXXXVI. narrat. 46*: *Reversi è Lydiâ Oxynius & Scamander*, HecTORis filia, omnia circum *Ilium* loca, ex paterna velut hereditate relicta, sibi vindicârunt. *Hellanicus apud Dionys. Halicar. lib. I. c. 47*: *Scamandrus cum aliis*, de familiâ He- cTORis è *Graciâ* à *Neoptolemo* dimissis, deducens eos in pa- ternum regnum, ad *Trojam* rediit. *Strabo lib. XIII. pag. 607*: *Palascepsis in eam partem*, que nunc *Scepsis*, translata est à *Scamandrio*, HecTORis, & *Ascanio*, *Æ- nea* filio; ac duæ hæc familiæ diu *Scepsis* regnasse tradun- tur. *Eusebius num. 863*: HecTORis filii *Ilium* recepe- runt, expulsis *Antenoris* filiis, *Heleno* sibi subsidium fe- rente. *Scaliger* satis mirari non potest, quomodo *Ilium* HecTORidæ repetierint jam deletum, & solo æ- quatum; & ignorat, quos HecTORidas hic intelligat; omnibus literis HecTORis, etiam puero *Astyonacte*, in- terfectis. Concluderet, accepisse hæc *Eusebium à Dicty & Darete Phrygio*; nisi succurreret *Dionys. Halicar.*

Halicar. d. l. I. c. 47. Quasi nemo Veterum, præter Dionysium, mentionem faciat filiorum Hectoris, post Priami mortem regnantium? Quasi certum sit, Daretum tam veterem, ut cum in manibus habuerit Eusebius? Quasi luce meridianâ clarius, Trojam excisam? Quasi in causâ veritatis locum habeat illud in discessionibus usurpatum: hæc pars major esse videtur! rectè *Seneca lib. I. de beatâ vitâ. c. 2:* ideo pejor est.

Immò vel ex *Eusebio* & *Dionysii* loco mihi liquet de inconstantia mendacii. *Deletum* & solo æquatum dicunt, & tamen rursus agnoscunt *Hectoridarum regnum* in eodem libro: Ita mendacium etiam si alius desit, qui conficiat, suâ semet manu jugulat. Similem inconstantiam deprehendit *Strabo d. l.* cum *Homerus* diceret, Priami stirpe abolita in bello Trojæ non successisse *Æneadas*: Alii tamen *Scamandrium* agnoscerent: *Homerus* *Æneadas* in Trojâ mansisse; alii, in *Italiam* profectos. Hæc discrepantia non aliam matrem habet, quàm ignorantiam; sed contenti libros domesticos consuluisse, *Ægyptiacam* historiam (in quâ veritas manifesta signa præsentis suæ dabat) alto supercilio despiciebant.

Nunc ad alia. Non inficias ire poterant idem Græci, *Æneam* in *Italiam* venisse, & ibi amplissimum condidisse regnum:

- - - genus unde *Latinum*.

Albanisq; Patres, atque alta moenia Romæ.

Tam potentem etiam, ut *Æneam* in *Thracia*, *Rhætem* & *Pergamiam* in *Gretâ*, *Aphrodisiadem* *Oeciamque*

tiamque ad *Cynethium* promontorium, & alias urbes alibi conderet; ac denique bellicosissimos *Rutulorum* & *Hetruscorum* Reges bello aggrediretur. Sed de *Ænadum* potentiâ dicam mox plura ex iis Græcis & Latinis Scriptoribus, qui eos secuti sunt.

Concedunt iidem Græci, *Antenorem* *Henetis*, *Paphlagonibus*, qui ad Trojam militârant, assumptis, *Euganios* debellâsse, *Patavium* extruxisse. Nec abnuunt, *Helenum*, *Priami* filium, in *Epiro*, ipsa *Æacidarum* sede, regnum obtinuisse. Viderendi de *Antenore*, quos citat *Philippus Cluverius* lib. I. de *Italiâ antiquâ*, c. 18. p. 142. De *Heleno* *Justinus* lib. XVII. c. 3. §. 6. & *Servius* ad illud *Virgillii* *Æneid.* III. v. 319.

Hectoris *Andromache* *Pyrrhin'* connubia servas.
Tot amplissima regna, tot urbes condidisse & obtinu-
isse, tanta bella gessisse;

Trojas, reliquias *Danæum*, atque immitis *Achilli*,
ut *Virgil.* loquitur I. *Æneid.* v. 34. sive:

Collectam exilio pubem miserabile vulgus
II. *Æneid.* v. 798. Quis credat? victos deletâ patriâ
per orbem terrarum plus potuisse, quàm victores?
Priami nepotem *Scamandrium* avita possidere? Græ-
corum deterrimam conditionem esse? Nam secun-
dum ipsos Græcos *Diomedes* aditu prohibetur: *A-*
gamemnon Rex Regum occiditur: *Tenecer* *Salaminae*
pellitur: *Neoptolemus* primùm exigitur; deinde uni-
versi ex *Pelopsis* stirpe regnum *Peloponnesi* amittunt:
Menelaus in *Ægypto* moritur: *Ulysses* inter *Italiam*,
Siciliam, & extra notum Græcis orbem diu multum-
que jactatus, tandem redux à filio necatur. Scio
colores

colores & circumstantias, quas Græci Scriptores afferunt; sed profectò incredibilibus incredibilia conterege conantur.

Possẽm hĩc enumerare multas alias florentissimas nationes, quæ Troja velut ex patria majestatis gloriæque omnis natali domo, origines suas accerlebant: Fuerunt ex istis *Ædii* & *Mamertini*, quos conjungit *Eumenius in paneg. VIII. c. 3.* & *Sardi*, de quibus *Pausaniās in Photicis p. 638*: *Trojanos Græcis permixtos in Sardiniam venisse; cum quibus ne barbari cõfugerent, belli apparatus, quo illi non cedebant, deterritos.* Quæ verba explicanda mihi videntur è monumentis Ægyptiis, permixtos Græcis Trojanos; sed ex illo fœdere, quod fusiùs exponit *Dio Chrysostomus*. Et *Segestani* in Sicilia, quo proinde (COGNATOS PÓPLI ROMANI) *Cognatos populi Romani* vocat *columna prostrata Dnslu*. Et denique *Franci nostri*, quos à Trojanis oriundos longè vetustissimam famam esse, & bonis Scriptoribus innixam, vult *Valesius ad Excerpta Peuresc. p. 73.* Et ipsos antiquissimos *Reges Francorum* assumsisse *Trojana nomina*, constat ex *Ammiani lib. XV.* Si quidem ibi locum habet commendatio *Lindenbrochii* & *Marci VVelferi*, è *Prospero in Chronicis*, & *Sigeberdo Gemblacensi*; qui temporibus *Gratiani*, Romanorum Imperatoris, Priamum in Franconiâ regnâsse scribunt. Sed hĩc malo credere, multum ista ex vano trahere; & plerosq; licere sibi credidisse, his artibus primordia majorum augustiora facere; ut loquitur *Livius in præfat.*

Ut concludam, impolita mihi Græcorum fa-

bula videtur, & ne veri quidem umbram habens. Quæ causa? Profluxerunt pleraque omnia ab *Homero*, *Pœta famelico*; & cui nihil erat cum fide. Unde *Dio Chrysostomus* fontem à capite fodiendum esse ratus, in hunc præcipuè calamum suum strinxit. Hem, inquis, hocce tu nobis: quibus antea recensuisti Scriptores belli Trojani, Homero antiquiores? Si fuerunt. nec & ipsi de Trojano excidio tradiderunt idem: Nam negantibus indubiè accessissent Græcorum alii, quos hodie scimus nullos.

Dicam tibi, quod sentio: scripsi ex Græcorum mente suprâ; sed alia mea est. Hæc videlicet, *nullum librum apud Græcos Homeri pœmate vetustiore esse*. Confirmat hoc *Josephus lib. I.* contra Appionem: *Constat autem, quòd apud Græcos nullum scriptum reperitur Homeri pœmate vetustius: Et ajunt, neque hunc literis suum pœma reliquisse*. *Josephum* quidem multis perstringit *Vossius lib. I. de Arte Grammaticâ c. 10.* & refutat ex *Herodoto*; qui tres inscriptiones vetustissimas vidisse se testatur: Primam *Amphitriouis*, alteram *Hippocoontis*, tertiam *Laodamantis*, *Eteocli filii*. Et sanè *Josephus* longiùs abiit, dum negat ullâ inscriptione sive in templis, sive anathematis comprobari posse, Græcos literis usos ante bellum Trojanum. De historiâ tamen non puto contrarium responderi posse; sed antiquissimos rerum auctores fuisse, quos ibidem nominat *Cadum Miletium* & *Acusilaum Argivum*; qui paulò ante expeditionem Persicam contra Græcos, vixere. Quan obrem ut multos nostrò, sic antiquo sæculo imponere voluisse credo, qui ultimam an-

tiquita-

tiquitatem adstructum iverunt Scriptoribus, de bello Trojano recentioribus, *Syagro, Corinno* & aliis.

Cæterum Homeri figmentum adjuvit communis ille *affectus in patriam*, cuius laudibus plus, quàm veritati studere mortales solent. *Romani* id solitum, ut triumphâsse suos scriberent, cùm victi essent; docui ex historiâ Alexandri Severi ad *Valerii Max. lib. VIII. c. 15. §. 3.* Nimirum cùm apud *Lampridium*, & in *Fastis recentiorum* Princeps ille hodieq; de Persis triumphet, scimus tamen ex Orientalium libris, cùm *Herodiano* collatis, tot stragibus affectum esse, ut Persis cederet, *Susianâ, Cælesyria, Chaldaea, parte Græciæ & Palestinâ ad Arabiam* usque. Idem factum temporibus *Neronianis*, adeoq; *Persius sat. III.* perstringit illos, qui cùm *Parthica* scriberent, *Nerone*, & res Romanas in majus extollebant. Vide *Casaub. ad Persium p. 363.* & adde de aliis historicis Romanis, discursum *Brunneri lib. I. rerum Boicarum p. 78. 79. & seqq.* Quid ergo miramur, si audaciores in remotioribus à memoria suâ Græcos deprehendimus: Græcos, quos ad fabulas scribendas æstus quidam abripuit.

Repertus est quidem nostro seculo *Alcidius*, qui pro *Græca fide* dissertationem scripsit, & *Patauii* publicavit. Ibi quamvis *Atticam fidem* commendet ex *Paterculo*, *Achaicam* ex *Polybio*; & phrasin illam, *Gracâ mercari fide*, contra interpretum communiorum sententiam interpretetur; tamen historiam illorum ab infamiâ publicâ non liberat. Possem illum alioqui juvare exemplis *Aristidis, Phocionis, Epaminondæ*, & aliorum; qui studiosi veritatis sic extiterunt,

ut ne joco quidem, ne propter maximam quidem utilitatem dicere mendacium vellent; sed juxta de *Græcis* in universum *obicere* possem ipsum *Polyb. lib. VI. c. 56.* Et *judicia* illa, quæ videre licet *apud Valesium ad Excerpta Peiresc. Polybii, p. 31.* Nos historiam præcipuè consideramus; de quâ quid judicârint veteres, constat ex illo *Juvenalis*:

- - & quicquid *Græcia* mendax
Audet in *historia.* - -

Josephus, Vir disertus, & temporum intelligens (ut eum laudat *Vossius d. l. I. de Arte Grammat. c. 10.*, hoc idem *Appioni* objicit: *Quod unusquisque opinatus est*, inquit, *hoc studuit depromere. Unde etiam libri se invicem arguunt, & valdè contraria de rebus iisdem non piget eos dicere.* Hæc ille; quæ vel una historia *Trojana* satis comprobârît, paradoxologiâ, contradictionibus, fabulis & affectibus refertissimâ; similis denique speculo, *Ἀλγερόφω, ἀδύρξεω καὶ ἐπιορξίμω*, id est, perverso, alienos colores, & alienas figuras exprimenti. Hoc est: Quæ res oppositas non refert, quales sunt, sed corruptâ formâ, vel colore non suo, vel figurâ alienâ.

Et cùm hujusmodi sit, meritò fides illius laborat, in quæstione principali: *An Troja capta sit?* Hoc enim illud ipsum est, ubi plerarumque nationum Scriptores, cum principis spectandam exhibent *τὴν Ἀλγεῖαν*, id est, affectum suum; ut in quo vel gloriam, vel infamiam patriæ sitam arbitrantur. Quid igitur restat, quàm ut aures præbeamus *monumentis Ægyptiis*; quæ & vetustiora sunt omnibus Scriptoribus Græcis, &

since-

sinceriora. Græci de suis rebus agi viderunt, cùm de Troja scriberent : At Ægyptiis nulli bono mendacium fuit. Si rectum est, ut est, quod scribit *Hieronymus epist. 9.* fidele esse testimonium, quod causas non habet mentiendi; causa *Dionis Chrysostomi*, vel *Sacerdotis Ægyptii* jam vicit. Quâ ex causâ Trojanis favet Ægyptius? quâ odisset Græcos? Quin' *Menelaum* nudum, naufragum, rerum omnium egenum, excepit *Ægyptus*. Unum est, quod objici possit, dissensus aliorum sacerdotum Ægyptiorum, apud *Herodotum* in *Euterpe* p. 144. At in mentem nunc est *Diodori Sic. lib. I. c. 68.* iudicium: *Herodotum* portentâ narrationum pro veritate sponte amplexum, & voluptatis gratiâ fabulas commentum deblaterasse. Sanè tot gravissima peccata in rebus Ægyptiorum satis arguunt, idoneos testes in Ægypto minimè consuluisse. Et quam, quæso, fidem meretur illud, quòd narrat, per tot annos ob *Helenæ* raptum bellatum fuisse ad Trojam; nec tamen expugnatâ Trojâ *Helenam* ibi reperitam? Sensit *Herodotus*, sibi impositum fuisse, ut è sequentibus patet. Nihil igitur sermunculi è trivio, vel imperitorum, convellere possunt narrationem Sacerdotis alterius, quam debuit pilis & columnæ; in quibus historia vetus quàm sincerè descripta fuit.

His ita satis, ut reor, expositis, tamen interrogari me sentio. Esto, Græcos, ut sibi dissimiles, ita fidei suspectos & affectibus erga patriam abreptos contraria veritati scripssisse: Esto, penes Ægyptios genuinam rerum antiquarum memoriam conservatam; atque adeò illos hâc in re audiendos esse: Quo

igitur fato Troja periit? ita namq; periisse constat, ut posteri quærerent, *eodemne in loco* situm fuerit *Ilion*, in quo *Troja* vetus? Et hoc negat *Strabo*, simul adjiciens istud: *Trojam veterem nunquam instauratam à posteris.*

Possẽm ad hanc quæstionem respondere, non esse necessarium, ut demonstrẽm hoc, quod nec adversa pars firmiter concludere posset: Quia fatum aliud nescimus, ergò bello decennali illo cecidit. Multò alia, longè recentiora, profunda altitudo temporis obruit; & ineluctabilis oblivio oppressit: Ac proinde monumentis *Ægyptiis* silentium scriptorum præjudicare nequit. Dico nihilominus *periisse* mihi videri *terra motu*, & *inundationibus*; quibus ora illa maximè obnoxia fuit. Neque frivola divinatio est, quòd dixi: *Demetrius Scepsius*, qui non procul *Trojâ* oriundus fuit, è *Democle* narrat apud *Strabonem lib. I. p. 58.* terræ motus ingentes fuisse in *Lydiâ* & *Joniâ*, usque ad *Troadem*; sed & *Trojam* fluctibus inundatam. Veilem, designâset tempus; nam illa præcedentia: regnante *Tantalo*, tantum referenda etiam ad *everfionem Sipyli*. Nec, si diluvio fuisset inundata tempore *Tantali*, id est, *Trois*, campestria delegisset *Ilus*, qui successit; de qua re *Strabo lib. XIII. p. 592.* Alio igitur tempore, & diu post, hæc calamitas *Trojam* oppressit. Memini & alibi legere.

Cæterum sequentibus temporibus *Troja* loco habitum *Ilum*, quamvis longiusculè ab illâ situm; & *Ilenses*, ut *Trojani*, culti. Favet iis multum *Alexander*, & cùm *Ilum* pagus esset, post pugnam ad *Grani-*

cum (Bithyniæ fluvium) urbis nomen accepit; & sub
structionibus fundata est. Strabo d. l. Causam fulius
exponit Casaubonus ad Strab. p. 224. Functio Alexan-
dro, *Lyfimachus* curam suscepit, templum condidit,
murum 40 stadiorum urbi circumdedit; jussis *Ilium*
commigrare earum civitatum incolis, quæ ruin. in tra-
xerant. Strabo d. l. Videntur tamen *Lyfimacho* co-
gitata vel nullum, vel exiguum successum habuisse;
secundum eundem Strabonem, cum ait: Romanus bello
Antiochico in *Asiam* venientibus, *Ilium* oppidum pa-
go simile fuisse. Sed & *Demetrius Scepsius* testatur: Se-
cum eo venisset, ita neglecta vidisse domicilia, ut ne tellus
quidem imbricibus coctis tegerentur. Et *Hecestianax*
auctor est, Gallos, cum in *Asiam* trajecissent, *Ilium* oc-
cupatum. statim deseruisse, quod muris careret.

Contrà Romani de bello *Antiochico* scribentes,
urbis meminere, ut templis ac Deorum simulacris
exornatæ. Justinus lib. XXXI. c. 8: Cum ingressi *A-*
siam Romani *Ilium* venissent, mutua gratulatio fuit, *Ili-*
ensibus *Aeneam*, ceterosq; cum eo Duces a se profectos,
Romanos se ab his procreatos referentibus. Tantaq; la-
titia omnium fuit, quanta esse post longum tempus in-
ter parentes & liberos solet. Jurabat *Ilienses*, nepotes
suos (occidente & *Africa* domita) *Asiam*, ut avitum re-
gnum, vindicare. &c. Livius lib. XXXVII. cap. 38:
Inde *Ilium* processit, castrisq; in campo positis, in urbem
arcentq; eum ascendisset, sacrificavit *Minerva*, presidii
arcis; & *Iliensibus* in omni rerum verborumq; honore
ab se oriundos Romanos referentibus, & Romanis latius
origine suâ. Ex eo tempore populi Romani benefi-

ciis magni incrementum cœpit; *Antiocho* namque ad durissimas pacis conditiones compulso, refert *Livius lib. XXXVIII. c. 39.* non tam immunitate, quàm *Rhateo & Gergitho* civitatibus *Ilenses* donatos esse. Nescio, de quo *Seleuco* loquatur *Suetonius in Claudio c. 25: Senatum populumq; Romanum Seleuco Regi amicitiam, & societatem ita demum pollicitum; si consanguineos suos Ilenses ab omni onere immunes prastitisset.* An è successoribus *Antiochi Magni* unus? at jam antè immunitas data; nec credibile, progeniem *Antiochi* tantarum virium fuisse, ut populi Romani beneficium subvertere, ac novis oneribus *Ilenses* premere sustinuerint.

Porro Reip. Rom. calamitas simul *Ilenses* involvit: Temporibus enim *Sullanis & Marianis* (cùm omnia licerent omnibus) *C. Flavius Fimbria*, homo sceleratissimus (cùm *Ilenses* legationem ad *Sullam* mississent) hoc eorum factum non displicere præ se tulit; *Nihil interesse*, dicens, *utri deditiorem facerent sibi an Sulla; utrumq; enim Romanum.* Sed mox receptus in urbem, obvium quemque nullo discrimine obtruncavit; urbemq; propè universam igni delevit, ut est apud *Dionem in Excerptis Peiresc. p. 653.* Addendi *Epitomator Livii lib. LXXXIII, & Strabo d. l. p. 594.* Paullò pòst *Lucius Cornelius Sulla* multis beneficiis urbem refecit, & consolatus est. At superavit hujus studium *C. Julius Caesar*, ab *Anchise & Venere* deducens genus; ut idem refert *Strabo*. Increbuerat de eodem fama, *migraturum Ilium*, translatis simul opibus imperii; exhaustâque Italiâ delectibus, & procura-
tione

tione urbis amicis permiffâ, teste *Suetonio in Cæſc. 79.* Qui refert inter *cauſas* maturatæ *conſpirationis à Caſſio & Bruto*. Videntur mihi Romani, tum ex aliis cauſis, tum ob hanc, translationem illam abominati; quod (ut ex *Horatii III. Carm. 3.* obſervat *Barthius lib. LX. Adverſariorum p. 2864.*) de *Troja* ſortes eſſent, illa reſurgente *Romam* periclitaturam. Eam verò conditio- nem, quam *Ilieſes* ſub *Cæſare* habuerunt, retinuiſſe ævo ſuo, addit *Strabo p. 595.* Attamen ſub *Auguſto* contigit, ut, cum *Julia*, *Cæſaris* *Auguſti* filia, conjux *M. Agrippæ*, noctu *Ilium* proficiſceretur, effuſis tor- rentibus, *Scamandro* ſupra modum aucto, *Julia* cum ſamulis (qui ad lecticam erant) in magnum vitæ diſcri- men adduceretur: *Ilieſibus* adventus illius prorsus ignarus. Quamobrem indignatus *Agrippa*, nullam o- pem latam ab *Ilieſibus*, drachmarum argenti milli- bus centum eos multavit. Qui cum in maxima diffi- cultate verſarentur, nec auderent obloqui; *Nicolaum Damaſcenum*, qui tum fortè *Ilii* erat, rogârunt, uti *Herodem* Regem ſibi ſuffragatorem, atque adiutorem conciliaret. Fecit hoc libenter, nec res ſucceſſu ca- ruit; ut ipſe *Nicolaus* refert in *Excerptis Peireſc. p. 49.* Eorundem *Ilieſium* privilegia nonnunquam mota fuiſſe improbitate publicanorum, conſtat ex iteratis Principum *Edictis de immunitate Ilieſium*: Iteravit enim *Claudius*. *Sueton. in ejus vitâ c. 25.* Item *Nero*, *Tac. lib. XII. Annal. c. 58.* Ut taceam obſervata cla- riſſimis Viris è *l. 17. §. Ilieſ. ff. de Excusat. & Leg. de geſtis ac municip.* Cujus *Ilii* rudera conſpexiſſe vide- tur *Suleiman Baſſa, Urchanis Padifchachi filius*; de quo

Leuclav. lib. IV. Histor. Muselmannicæ : Cùm in regione Carasina obequitaret, venit ad locum, quo Troja stetit creditur. Adspiciebat illic admirabundus amplissimorum parietinas edificiorum, & ingentem marmorum thesaurum; florentis olim, sed à Gracis destructa Troja reliquias. Hæc Leuclavius. Sed profectò vidit recentioris Ilii reliquias, non Trojæ veteris. Nam jam Strabonis ævo, εἰς δὲν ἔχοντο τὰ ἀρχαία πύλαις. Hoc est : Nullum antiqua Troja extabat vestigium ut ait p. 599.

REGNUM ALBANUM.

Albanorum Regum origo longiùs repetita ab Asaraco, Ænea proavo. Venere parente quantum gloriata sit gens Julia? Nummus, & binæ gemmæ explicantur. Cupidines duo, Eros & Anteros. Ænea discessus à Trojâ, & adventus in Italiam è veris Ægyptiorum monumentis exponitur; rejectis Romanorum narrationibus, quas à Gracis acceperunt. Æneæ res gestæ, à Gracis commemoratæ. Ejus liberi. Indiges pater. Indigentum appellatio unde? Julia gens à Julo, Ascanii nepote. Caterorum circa eam rem dissensus. Regum Albanorum catalogus ultimum usque. Sigonii conatus inanis. Romuli Silvii horrendus interitus.

A Troja

A Troja in Italiam tendo, secutus *Aeneam*, ejus-
 que filium *Ascanium*; qui regnum *Albanum*
 condidit. Ut altius repetam, *Assiracus* Trois,
 Trojanorum Regis, filius, Ili frater, unà cum patre
Dardaniæ imperavit; quæ erat *Troium* regia. *Conon*
 apud *Photium* narrat. 12. Dardanum Principem
 eum vocat *Diod. Sic. lib. IV. c. 77.* Uxorem habuit
 Hieromnemen, ut vult *Apollodorus lib. III. Bibl.*
 Clytodoram, ut *Dionys. Halicar. lib. I. c. 62.* Ex
 hoc conjugio natus Capys, *Diodor. Dionys. & Ap-*
pollodor. d. l. Ab eo denominata *Caphyia* Arcadiæ, se-
 cundùm *Stephanum*. Uxor Themis, secundùm
Apollodorum, Nais, secundùm *Dionysium*. Hinc
Anchises natus, quem omnes *Veneris maritum* faci-
 unt. *Reinerus Reineccius* id confictum putat idèd,
 quòd *Anchises* tam excellenti forma fuerit; at *Fran-*
ciscus Floridus Sabinus lib. II. c. 4. Lect. Subjicivarum,
 quòd ipse *Aneas* tam formosus fuerit.

Sic patrem alter meruisse vult, ut *Veneris mari-*
tus diceretur; alter filium, ut propitiâ Venere natus,
 ac *Veneris filius* appellaretur. Tam constanter autem
gens Julia, quæ (ut mox dicam) ab *Aneâ* descendit,
Veneris sese progeniem existimavit; ut in omnibus mo-
 numentis ejus memoriam extare voluerint. L. JU-
 LIUS. L. F. CÆSAR. in altera parte nummorum
 suorum expressit *Romæ caput*; in altera *Veneris simu-*
lacrum, insistsens currui, sceptrumq; manu tenens; Cu-
 pidinibus currum trahentibus; infra citharam. Vi-
 deatur *Fulvius Ursinus in Gente Julia p. 113.* Cupidi-
 nes

nes illi veteribus dicuntur Eros & Anteros, quos è calidis fonticulis *Gadarenorum* in Syria evocatos per carmen magicum à *Jamblichō*, scribit *Eunapius* in *ejus vitâ* p. 26. Tertium recenset Servius ad lib. IV. *Æneid.* quem vocat *Dyserota*. Cæterum illi duo notiores; & puto, intelligi ab Ovidio in illo tritissimo;

- - *geminorum mater amorum.*

Insignis est *annulus* aureus ex *onyche* gemmâ, apud *Gorlæum* in *Dactyliotheca*, n. 132, in quo conspiciuntur duo *Cupidines*, quorum alter alterum *retortis* post terga *brachiis* tollit *sublimem*; more puerorum ludentium; Incisa eidem *pila*, sive *orbis*. Quod quidem explicari potest (nî fallor) ex *Alis Simmiae Rhodii*, Poëtæ vetustissimi: In iis loquitur Amor, quis sit, & quando & unde natus? se omnibus Diis natu antiquiorem esse, & cœlo & terræ & mari imperare: Et illud imperium non vi, ac parendi necessitate; sed amicitia *ἡγεμονία* adjunctum retinere. Nil igitur aliud *pila*, sive *orbis*, significat in annulo, nisi Cupidinum imperium in Orbem terrarum. In *alia gemma*, excusa apud eundem *Gorlæum* num. 4. *gemi*ni *Cupidines* ex adverso manibus sese conjungunt, & componunt; velut ad saltationem: Hos ergò *Cupidines* geminos intelligit *Ovidius*, & *C. Caesar* in nummo suo. Longum foret recensere nummos *C. Caesaris Dictatoris*, auctoritates Poëtarum & Historicorum; quorum omnium eadem sententia fuit, *Æneam*, gentis *Julia* conditorem, ab *Anchise* & *Venere* procreatum.

Porro, confecto bello Trojano, id est, *fœdere* inter

inter *Trojanos* & *Græcos* iſto, magna hominum turba
Trojæ congregata fuit; cùm nec ſocii omnes (qui
Trojanis militaverant) abire vellent. Videbatur etiam
Æneas partem regni petiturus, quæ à *Priamo* hæc
 conditione illi promiſſa fuerat; ſi contra *Græcos* in
 bello ſtrenuam operam attuliſſet: Quod *Hector* vi-
 dens, ut urbs ſuperflua multitudine levaretur, nec à
 regni diſiſione varia incommoda orirentur; *Æneam*
 miſit cum magno colonorum numero, nullisq; pe-
 percit pecuniis, ut illi ſatiſfacerent: Adjecit, dignum
 quidem, eſſe *Æneam*, qui regnaret; ſed & illud *Æneâ*
 dignum, ſi novum imperium conderet: Præſertim,
 cùm nec deſint vires, ad invadendam *Europam*; idque
 glorioliſſimum regio generi futurum, ſi *Aſia* atque
Europa ſimul imperaret. Amplexus hæc eſt *Æneas*,
 & magnâ multitudine colonorum aſſumptâ, naviga-
 vit in *Italiam*, aſpirante fortunâ. Hæc veriffima nar-
 ratio & è pilis & columnis *Ægyptiorum* de *Ænea* ad-
 ventu in *Italiam*, ejusq; cauſis. At *Romani* Scripto-
 res omnes (cùm non haberent doctores alios, niſi
Græcos vicinos) ipſi proavorum & conditorum ſuo-
 rum memoriis deſtituti (vel ab iis oriundi, qui forti-
 ter facere, quàm res ſuas deſcribere ac de originibus
 judicare peritiores) injuriam veritati factam minùs fe-
 liciter propulſârunt: Etiam ipſi de *Ænea* ſuo fabulas
Græcicas loquuntur, & exulem faciunt imperii ſui
 nobiliſſimi conditorem; qui *Anchiſen* patrem, gra-
 vem ſenio, per media hoſtium agmina, & per cadentis
 circa ſe urbis ruinas tulerit. Ita loquitur *Seneca* lib. III.
 de Beneficiis c. 37; qui & *Conſolatione ad Helviam* c. 7:

Roma.

Romanum imperium, inquit, auctorem exulem respicit; quem profugum, captâ patriâ, exiguas reliquias trahentem necessitas & victoris metus, longinqua quarentem, in Italiam detulit. Quis non rideat ad hæc talia? cùm considerârit, tantum Æneam in Italia potuisse, bella cum bellicosissimis gessisse, regnum amplissimum fundâsse; venisse tamen in Italiam, viribus omnibus destitutum; & nil aliud adferentem, nisi patrem & exiguas Trojæ reliquias?

Ut de rebus Æneæ quædam dicam ex ipsis Scriptoribus Latinis Græcisq; : Cùm post longos errores, & (ô prodigos opum suarum exules!) multas civitates conditas (inter quas Ænum Thracia referunt, Conon in narrat. 46. Mela lib. II. c. 2. Auctor libri de Origine gentis Romanæ, & Ammianus Marcellinus lib. XXII. p. 211. edit. Vales. & quamvis obscurè, Virgilius lib. III. Æneid. dissentiente Servio, nec accedente Dionysio Halicar. lib. I. c. 49. qui scribit ad Thraciæ peninsulam Pallenem appulisse, habitatam à Crusaïs barbaris; ibiq; templum Veneris & oppidum non Ænum, sed Æneam extruxisse) tandem ad Italiæ Laurenum pervenisset; continuo oppidū ædificare, magnâ suorum alacritate aggressus est: Et (ô superbos & suæ fortis ignaros exules!) excurrere in viciniam iussit, qui ferrum, ligna instrumentumq; rusticum, agrestibus indignantibus, auferrent. Latinus tùm in eâ Italia parte regnabat, & adversus Rutulos bellum gerebat; fortunâ parùm prospera. Is dum terribilem nuntium accepisset de adventu peregrini exercitus, omnia circumcirca vastantis, intermisso præsentī bello,

bello, in Trojanos magnum eduxit exercitum : At cum videret Græcum in morem armatos, & servatis ordinibus Martis aleam impavidè expectantes (ô eximium in exulibus animorum robur, & repentinam inermium Trojanorum armaturam !) statim de pace cogitat : Fœdusq; factum his conditionibus, ut *Aborigines* darent *Trojanis* agri, quantum peterent ; ut *Trojani* *Aboriginibus* in præsentī bello socii essent ; utrique alteros pro viribus juvarent. Posthæc itum in Rutulos, & (ô inusitatum Italiæ spectaculum !) qui regni sui florentis viribus instructus bellum infelix gesserat, ope calamitosorum & exulum vincit. Trojani pleni gloriâ cum Latinis post victoriam ad semiperfectum oppidum redeunt, & alacritate pari muniunt ; templis & cæteris ornamentis satis instruunt ; appellantq; *Lavinium*, à *Lavinia*, Latini filia. Tum regnum *ÆNEAS* inter *Trojanos* exorsus est ; & , cum paulò post etiam *Latinus* bello contra *Turnum* periisset, ex ætinitatis jure (duxerat enim Latini filiam) universa hæreditas , cum Latinorum regno ad illum pervenit. Pugnavit posthæc non tantum contra *Rutulos*, sed etiam contra *Regem Tyrrhenorum, Mezentium* ; quod suspectam haberet nimiam Trojanorum potentiam : Sed in eo bello submersus in *Numicio flumine* interiit. Hæc omnia leguntur, sed fusiùs descripta, apud *Dionys. Halicar. lib. I. à cap. 45. usque ad c. 65.* Liberos reliquit è *Crensa*, Priami filia, *Ascanium* ; à *Lavinia*, Latini filiâ, *Silvium Posthumum*. Lavinia hujus præter alios multos meminerunt *Silius lib. XIII. & Varro lib. IV. de Lingua Latina.*

ASCA-

ASCANIUS, qui & *Eurylion*, anno mundi 2774 (sequor *Calvisium*) succedit parenti. Primum opus (nî fallor) consecratio parentis; nam, ut non unus scriptum reliquit, *Æneas Pater Indiges & Pater Deus Indiges* nominatus est. *Indigetes* autem vocabant propriè (si credimus Grammaticis) *Deos ex hominibus factos*: Cujus nominis & varias reddunt rationes, sed in plerisq; nugantur. *Deus Indiges* propriè, quem Græci Θεὸν ἐγχώριον, seu πατρώον, vocant. Quò facit illud Poëtæ:

Dii primi, Indigetes, quorum sub numine Roma est.

Ita dictus est ab *indu* & *ago*. Sic indigena, ὁ αὐτογενής, ut docet *Salmasius ad Solin. c. 2.* Posthæc, *Ascanius* bello petitus à *Mezentio*, & obsessus, eruptione nocturnâ *Lausum*, Mezentii filium, obtruncat: Inde obsidione solutâ, pax facta est. *Dionys. lib. I. c. 65.* Tricesimo anno post conditum *Lavinium*, *Ascanius* novæ urbis fundamenta jecit; opusq; absolvit A. M. 2799. Urbi nomen à situ *Longæ albæ* inditum. *Liv. lib. I. c. 33.* & alii quàm plurimis. Moritur *Ascanius* anno mundi 2812. anno regni 38. ut ait *Dionys. lib. I. cap. 70.*

SILVIUS POSTUMUS suscepit imperium *Albanum*, frater *Ascanii*; sed *Julio* (qui erat filius *Ascanii* natu major) ex populi scitu honor *Sacerdotii* pro regno datus est, regio imperio securior ac quietior. Ab hoc clarissima *Juliorum* gens originem suam trahit. *Dionys. d. l.* Alii plerique *Julum* eundem cum *Ascanio* faciunt, ut *Virgilius*, *Strabo*, *Livius*, & *Cato* in
Origi-

Originibus apud Servium : Alii, ut *Hermannus Contractus*, qui obiit anno Christi 1054) & *Reusnerus in Romanis Familiis*, & *Reineccius Tom. III. Famil. ajunt, Julum* filium esse *Silvii Alladii*, nepotem *Silvii Tiberini*, pronepotem *Silvii Capeti*, abnepotem *Silvii Capys*, &c. & proavum *Julii Proculi*; qui Romuli temporibus Romam commigrârit, & pater sit omnium *Juliorum* Romanorum. Hoc illi quidem acceperunt ab *Ensebio*, qui videndus num. 1141.

Sed qui *Julii Proculi* mentionem faciunt, è veteribus *Dionysius lib. II. c. 64. Liv. lib. I. c. 16. Ovid. lib. II. Fast. Florus lib. I. c. 1. §. 18. Plutarchus in Romul. p. 35. & in Parallelis p. 113* (ubi ex *Aristobuli lib. III. rerum Italicarum* vocat *Actium Proclum*) hoc non dicunt. Immo *Dionysius* (quo Romanos antiquitates nemo diligentius scrutatus est) ab *Ascanio* derivat genus: *Julius*, inquit, oriundus ab *Ascanio*, agricultura studiosus, vitæque inculpatus.

Hunc nos omnino sequimur, & nunc quidem ad *Silvium Postumum* revertimur: Eum *Postumum Taurinum* appellat *Goffridus Viterbiensis in Chronico*, moritur A. M. 2841. relicto filio *Ænea Sylvio*, cui succedit LATINUS SILVIUS, *Æneæ* filius. Regnat annis uno & quinquaginta, id est, usque ad A. M. 2923, qui fato functus, hæredem regni reliquit ALBAM SILVIUM. Is regnum tenet annis triginta, & A. M. 2962. successorem habet filium, CAPETUM SILVIUM. *Capetus* A. M. 2988. filium CAPYN. *Capys* A. M. 3016. filium CALPETUM SILVIUM. *Calperus* A. M. 3029. filium TIBERI-

NUM SILVIUM. Ita vocat *Dionysius Halicar. d. l. Eusebius n. 1039. Ovidius IV. Fastor. & Livius lib. l. c. 3.* At *Sigonius* Tiberium dictum putat, ex *Eustathio*, *Dionysii* interprete; sed quis non agnoscit Græculum nugantem? Tiberinus dicitur apud *Livium* in triga membranarum Palatarum, attestante *Grutero*. Ejus filius AGRIPPA SILVIUS post patrem regnum accipit A. M. 3037. Et post hunc A. M. 3078. filius ALLADES SILVIUS, qui, quod fulmen Jovis imitaretur, seu fulmine ictus; ut (præter *Diodor. Sic. in Excerpt. Peiresc. p. 223.*) *Livius* ait: *Setu hiatu terre* (ut *Dionysius*) cum totâ regiâ absorptus est A. M. 3096. Scribit *Dionysius*, suo etiamnum ævo, decrescente stagno, & aquis decedentibus. per tranquillitatem spectari diruta atria; & alia habitationis vestigia. Romulum dicunt *Livius*, *Appianus* apud *Photium*, *Diodorus* in dictis *Excerptis*; *Ovid. in IV. Fastor.* Aremulum *Eusebius n. 1142.* Amulium *Dio* apud *Isaacum Tzetzem* in *Lycophronis Cassandra*, & *Zonaras*, *Dionis* compilator, sed *Ἀλλὰδης* magno discrimine *Dionysius* appellat. AVENTINO regnum Albanorum traditum A. M. 3096. Monti *Aventino* nomen dedit; in quo etiam sepultus est. Fuit filius *Romuli Silvii*, ut è *Dione d. l.* apud *Tzetzem* & *Appiano* apud *Photium Cod. LVII.* manifestum est. Deinde PROCAS SILVIUS regnat, *Aventini* filius. initiumq; regni ponitur A. M. 3132. Is NUMITOREM SILVIUM, & AMULIUM SILVIUM procreat. *Junio* majori regnum extorquet A. M. 3155. Addit sceleri scelus, & Numitoris fratris filium Ægestum,

Ægestum, ut *Dionysius* nominat *lib. I. c. 77.* *Ænium*, ut *Plutarchus in Paral. p. 314.* *Laufum*, ut *Ovid. lib. IV. Fast.* per insidias interfecit. Ejus autem fratris filia *Rhea* (quæ *Σαβήνηα* vocabatur in tabulis *Cylini* templi, matri *Attali* & *Eumenis* dedicati, varias anaglyphas historias continentibus, ut observat *Salmasius ad Solini c. 2.* hoc alibi non legas) per spem honoris, cum Vestalem eam legisset, perpetuam virginitate, spem partus adimit: Sed vi compressa *Vestalis* A. M. 3172. *geminum partum* edidit. Quod cum *Amulius* cognovisset, sacerdotem in custodiam dari, pueros in profluentem aquam mitti jussit. Verum expositos in proximâ alluvie, ubi sequentibus seculis *ficus ruminalis* erat: Et lupam sitientem ex montibus, qui circa sunt, ad puerilem vagitum, cursu flexisse.

Nolo plura; nam hæc fabulosa sunt, & in vulgus notissima, quæ ad historicam veritatem reducere conatur *Vossius lib. I. de Idolol. c. 12. p. 92.* Nimirum per lupam illam non aliam intelligendam esse, nisi *Accam Laurentiam*, occisi pudoris scortum; cujus ubera *Romulus* & *Remus* suxerint. Porro ita geniti, ita educati, tandem ubi adolevit ætas, venando peragrabant saltus; nec tam in feras, quam latrones prædâ onustos, impetum faciebant. Sed capto *Remo*, tum aliis indiciis, tum *Fausstuli*, pastoris regii confessione deteguntur omnia; utrumque *Numitoris*, è filia, nepotem esse: Et paullo post *Amulius* eadem fraude occiditur, quâ fratrem regno dejecerat. Restitutus est NUMITOR A. M. 3196. Hic ultimus Rex *Albanorum* fuit, post cujus obitum, deficiente stirpe regiâ,

Albani annuos magistratus creârunt regiâ potestate; iique Dictatores appellati, *Dionys. lib. V. c. 83.* De Romanis Regibus agam alio loco.

REGNUM ATTICUM.

Ogyges primus Atticorum Rex ab Japeto oriundus. Cecrops secundus in mari rubro submersus. Regum Atticorum omnium Catalogus usque ad Codrum. Adscripta tempora, quibus quisq; regnârit; cum nominibus Patrum, Conjugum & Liberorum; quæ quidem sciri potuerunt.

EX Italiâ trajiciamus in Græciam, antiquissimum in eâ regnum Atticum; sed quæcunque de hoc dici possunt, jam præcepit singularis industria viri non doctioris (licet fuerit doctissimus) quàm melioris *Joh. Meursii*. Is adeundus est in tribus libris de Regno Attico, sive, de Regibus Atheniensium, eorumque rebus gestis: Ni fortassis jubeor in paucas lineas compingere, quæ cùm apud illum, tùm alios dicuntur, quod faciam.

Antiquissimus Regum omnium fuit OGYGES, Neptuni filius & Alistræ, ut vult *Tzetzes*, Bœoti & Corinnæ, ut *Scholias*tes Apollonii. Primùm Thebis regnârat. *Meursius lib. I. de Reg. Attico c. 1.* Mea sententia est, ut alii Græci ab Japeto Noachi filio genus trahunt, sic istum; & cùm *Japetus idem, qui Neptunus*, ut docet *Vossius lib. I. de Idol. c. 5.* Hinc Neptuni

ptuni filium fecerunt, qui esset è seris nepotibus. Confirmat hoc *Cedrenus*: ἐν δὲ τοῖς χρόνοις Μωσέως γέγονε ἡς ἀνὴρ μέγας ἐκ τῆς φυλῆς Ισραὴλ, ὄνομα τοῦ ἀνδρὸς Ὀγγύς: Id est: *Temporibus Moysis extitit vir quidam magnus ex Iapeti prosapia, nomen illi Ogygus*. Vixit temporibus *Isaaci & Jacobi Patriarcharum*, ut ex Græcis probant *Scaliger ad Eusebium*, n. 236. & *Petavius Ration. Temp. part. I. lib. I. c. 4.* Hoc est, A. M. 2169. regnante apud Assyrios *Belochus*; ut *Eusebium* secutus computat *Calvisius*. Alii, ut *Justinus Martyr*, *Orat. contra Gentiles*, *Africanus apud Eusebium de Preparat. Evangel. lib. X.* & *Cedrenus* modò adducto loco *Moysis οὐ γὰρ χρόνον*, id est, multò recentiorum faciunt.

Ortum est *Ogygis* temporibus magnum diluvium, quod totam Atticam afflixit; ipsumque Regem (ut nonnulli volunt) submersit. Ex eo tempore nullus Atticæ Rex fuit (licet à quibusdam ACTÆUS interponatur) usque ad CECROPEM; hunc, *Vulcani & Terræ* filium, plerique primum Atheniensem Regem faciunt. De eo consulendi *Ludovicus Vives in August. lib. XVIII. de Civ. Dei c. 8.* *Scaliger ad Eusebium* n. 461. *Meursius* lib. I. de Regno Attico, c. 6. 7. 8. 9. 10. & 12. Periit in mari rubro, cum *Pharaonem*, Ægypti Regem, adjuvans, Israëlitas persequeretur; ut *Honorius & Albertus in Chronicis* suis memoriæ prodiderunt. Nec valdè repugnat temporis ratio. *Mosis* coætaneum faciunt, quàm plures; & verosimile, Regem Ægyptiorum, adjuvisse *Cecropem*, & ipsum Ægyptium. At alii CRANAUM *Cecropi* successorem

G iij dant,

dant, aliquot annis ante exilium Israël, id est, A. M. 2440. cum hic incidat in A. M. 2543. Et hujus sententiae fuit *Scaliger*, quem secutus est *Calvisius*. *Cranai* nullo cognationis jure *Cecropi* conjunctus, secundum istos regnat ab A. M. 2440. ad A. M. 2449.

Uxor ejus *Pediade*, *Cranaen*, *Cranachmen*, & *Atibin* filias illi peperit. Et à postrema nomen habet *Attica* regis & dialektus. Ejusdem filius est *Rharus*, juxta *Apollonium*; & è *Rharo* nepos, *Triptolemus*, juxta *Charilum* apud *Pausaniam*. At, ut *Suidas* vult, *Rhari*, è *Celeo* filio nepos, *Triptolemus* fuit.

Sive *Cranaen*, sive *Cranachmen* duxit AMPHICTYON, *Dencalionis* ac *Pyrrha* filius, *Hellenes* frater; qui *socerum Cranaum* regno pellit A. M. 2449. integro quadriennio ante exitum Israël ex *Aegypto*, ut vult *Calvisius* ex *Africano*. At *Scaliger* lib. II. *Can. Isa.* p. 159. anno ejus primo *Moysem* eduxisse populum ex *Aegypto*. At *Eusebius* ejus initium ponit in anno 14. post exodum Israëliticam. E *Cranai* filiam suscepit *Itonum*, & filiam, è qua *Rharum* *Triptolemus*, *Cecropem* & *Leptumum* genuit, ut è *Pausania* constat.

Insus ab ERICHTHONIO, *Vulcani* & *Minervae* filio, A. M. 2459. si computationem *Calvisianam* sequimur. Alius *Erechtheus* dicitur, quem *Minerva* occultatum in cistâ cum geminis serpentibus, *Cecropis* filiabus commendârit. Unde mos ille, ut omnes ejus posterii alerentur in cunis, quæ auro ductos angues haberent appositos; quemadmodum scribit *Euripides*. Eidem *Erichthonio* templum fuit *Athenis* in arce positum, ubi & serpentes erant duo custodes ar-

cis;

cis; quibus mellita quotidie apponebantur placenta, ut ex *Herodoto* & *Hesychio* docet *Valesius ad Ammianum lib. XVI.* Minervam ejus matrem, alii *Brontes*, alii *Cranae* filiam faciunt, *Meurs.* lib. II. de Regno *Attico* c. 2. Hic est, qui *Athenis pecuniam primus* signavit. *Pollux* lib. IX. c. 6. Uxorem habuit *Pasitheam*, & ex ea *Pandionem* filium.

PANDION sextus Rex Atheniensium (si *Ogygem* annumeramus) vel quintus (si *Cecropem* primum constituimus) *Erichthonii* & *Pasitheæ* filius, succedit A.M. 2059. juxta *Calvisium*. Bella gessit contra *Labdacum*, auxiliis *Thracum* adjutus; & in præmium navatæ operæ *Prognen* filiam *Tereo*, *Thracum* Regi, despondit. Eam *Prognen*, ut & *Philomelam*, cum filiis *Erechtheo*, ac *Bute* Pandion è *Zeuxipse*, matertera sua, susceperat. Pandioni mortuo succedit A. M. 2549. ERECHTHEUS II, filius: Alii *Aegyptium* putant. Sub hoc vult *Justin.* lib. II. c. 6. frumenti sationem apud *Eleusim* à *Triptolemo* repertam; à quo stant aliqui, & rursus alii dissentiunt, vide *Meurs.* lib. II. de Regno *Attico* c. 3. & 7. Bellum gessit hic Rex cum *Chalcidensibus*, *Eubœæ*; & cum *Eleusiniis*, & cum *Eumolpo*, *Thracum* Rege: Ut vinceret, filias immolavit. Uxor ejus *Praxithea*, *Cepheis* filia, seu (ut alii volunt) *Cepheis* ex *Diogenea neptis*; è quâ geniti *Cecrops*, *Orneus*, *Pandorus*, *Metion*. Pandorus filios habuit *Alconem* & *Diantem*: *Metion* ex *Iphinoë* *Dadalum*; five, ut alii, ex *Alcippe* *Eupalimum*, *Dadali* patrem: Nominatur & *Thespiis* (cujus filia 50. *Herculis* innuptis nuptiis celebrantur) *Erech-*

thei filius: At filia *sex*, aut plures etiam; quarum *duæ* natu maximæ, *Protogenia* & *Pandora* immolatae sunt. *Procris* Cephalo, Dejonci filio, nupsit: *Creusa* Xutho collocata est, unde natus *Jon*: *Orithyiam* Boreas rapuit: *Chthonia* nomine saltem nota est. Addunt alii *Cleopatram*, Phinco nuptam; & *Meropem*.

Mortuo Erechtheo CECROPS II. ejus filius regnum auspicatus A. M. 2599 juxta *Calvisium*. Hic *Athenienses* in vicis habitantes in *duodecim* tribus distinxit. Et ex *Metiadusa* conjuge, ait, *Eupalami* filia, sustulit *Pandionem*; filias quoque habuit *Creusam*, *Orithyiam*, *Procrim* è nominibus amitarum appellatus. Regnavit annis 40, ut ait *Africanus apud Scalig. in Euseb. p. 28.* quem ubique sequitur *Calvisius*. Sed ex inadvertentia factum est, ut *Pandionem* *Cecropi* successisse scriberet A. M. 2649. Sic enim regnasset *Cecrops* annis 50. Omnino corrigendus hic error, qui multos alios secum trahit, in chronologia; et si rectè in prioribus computarit.

PANDION II. Rex constituendus A. M. 2639. *Pandion* hic *Cecropem* patrem habuit, non patruum; Ejectus à *Metionis* patruis liberis, *Megaræ* concessit: Et ex *Pelia*, filia *Pylæi* Regis *Megarenlium*, filios habuit *Ægeum*, *Pallantem*, *Nisum* & *Lycum*. Regnum ejus fuit annorum 25, ut præter *Africanum* scribunt *Euseb. Marianus*, & *Vincentius Bellovacensis*.

Ergò *ÆGEUS*, qui *Pandioni* secundo, patri successit, regnare cepit A. M. 2664. ut *Calvisius*; cum pro annis 40. *Cecropi* secundo, tribuisset 50. Necessario jam peccant iterum (pendet enim unus error ab altero)

altero) & decennio seriùs, id est, A. M. 2674. ponit initium Ægei. Uxores huic Regi fuerunt *Metis*, *Hololeus* & *Chalciope*, Rhexenoris filia; ex quibus nulli liberi: Postea, cum *Aethra*, Pitthei filia, consuevit: Inde natus ipsi *Theseus*. Ex *Medea* quoque suscepit *Medum*; sed rursus ex *alia* filium *Achamenem*. Moritur A. M. 2712. cum regnasset annos 48. Quod ipsum dicunt *Euseb.* *African.* *Marian.* & *Vincen. Bellovac.*

Hic satis mirari non possum, quomodo *Calvisius* post conturbatas rationes suas tam citò redeat in viam? Cum Ægeum scribat regnare cœpisse A. M. 2674. & tribuat illi 48. annos; tamen excessisse scribit A. M. 2712. Profectò casui & fortunæ hoc debet, quòd (licet sedens ad calculos obdormiisset) rectè tamen constituerit annum *excessus* Ægei, & *initium* Thesei: Nam Theseus post Ægeum patrem regnum possedit per annos 30, id est, ab A. M. 2712. ad annum 2742. *Thesei res* *Plutarchus* refert in *majoribus Parallelis*, & *libro singul.* pertractavit *Meursius*.

Eo pulso regnum occupavit MENESTHEUS, Petei filius, Ornei nepos, Erechthei pronepos. Hic peritiâ rei militaris præstitit, *aciemq;* primus ordinasse fertur; *Trojano bello interfuit*. Unde rediens in insula Melo diem obiit, cum regnum obtinuisset per annos 23. hoc est, A. M. 2742. ad A. M. 2765. Initium in *Calvisii Chronologia* perperam omissum est; dubium, typographi, an auctoris ipsius, negligentia?

Regnum cepisset DEMOPHON, Thesei filius & ipse cum Græcis in *Trojanos profectus*: Hujus de causa

causa *Phillis* suspendio finivit vitam, cum in Thraciam sese rediturum promitteret; nec rediret. Dicitur *Phillis novies* ad litus cucurrisse, unde urbi Thraciae nomen *Ἐννέα Ὀδοί*, *novem via*, ut refert *Hygnus fab. 59.* Regnavit hic *Demophon* per 33. annos (ut Græcus & Latin. *Eusebius, Marianus Scotus, & Vincent. Bellovac.* scribunt) hoc est, ad A.M. 2798. ΣΦάλλα typographicum tolles apud *Calvisium*, ubi legis, regnasse annis 38.

Successorem habuit OXYNTEM, qui ab A.M. 2798 regnat ad A.M. 2810. In Calvisio perperam *Aphidas Oxynia* succedit A.M. 2809. *Aphidem* istum & *Thymatem* filios reliquerat Oxyntes; sed regnum APHIDAS saltem unum annum tenuit, occisus à fratre *Thymate*, qui regnum summo scelere invasit A.M. 2811. cum non tantum *natus minor*, sed & *spurius* esset. Regnavit autem, ut quidam volunt, annos 8, ut alii 9. Atque ita A.M. 2819. vel seq. regnum Thesidarum & Erechthidarum apud Athenienses finitum est; nam THYMÆTES hujus stirpis postremus fuit. Duravit regnum Athenarum à Cecrope I. annis 429. ut volunt *Castor in fragmento* (quod Latine transtulit *Hieronimus*) & *Freculphus tom. I. lib. I. c. 19.* Nec *Africanus* abit, quem *Calvisius* sequitur. Etenim *Cecrops I.* regnavit annis 50. *Cranaus* 9. *Amphiclyon* 10. *Erichthonius*, seu *Erechtheus I.* 50. *Pantion I.* 40. *Erechtheus II.* 50. *Cecrops II.* 40. *Pandion II.* 25. *Agæus* 48. *Theseus* 30. *Menestheus* 23. *Demophon* 33. *Oxynthes* 12. *Aphidas* unum, *Thymates* 8. Sic ab initio *Cecropis I.* ad mortem *Thymatis* colligun-

colliguntur anni 429. At secundum *Calvisium* Thy-
mæti mors incidit in A. M. 2819. Proinde in eundem
Cecropis I. non rectè insertum est apud eundem A.
M. 2394. Debebat A. M. 2390: Nam ab annis 2819
detractis 429. remanent anni 2390. Ut, qui Calvi-
sium habent, secum ipso in gratiam cum redigant; pla-
cet ex *Africano*, & aliis, *chronologiam Regum Atticorum*
ita dispensare, & digerere, *Calvisianam* verò supputa-
tionem è regione ponere, ut diversitas statim sub
aspectum veniat.

JUXTA AFRICANUM,
ALIOSQ.

JUXTA CALVI-
SIUM.

<i>Cecrops</i> incipit A. M. 2390.	<i>Cecrops</i> incipit A. M. 2394.
Moritur A. M. 2440.	cui succedit
<i>Cranæus</i> incipit A. M. 2440.	<i>Cranæus</i> A. M. 2440.
Pellitur A. M. 2449.	Pellitur A. M. 2449.
<i>Amphictyon</i> incipit A. M. 2449.	<i>Amphictyon</i> incipit A. M. 2449.
Pellitur A. M. 2459.	Pellitur A. M. 2459.
<i>Erechthonius I.</i> inc. A. M. 2459.	<i>Erechthonius I.</i> A. M. 2459.
Moritur A. M. 2509.	Moritur A. M. 2509.
<i>Pandion I.</i> incipit A. M. 2509.	<i>Pandion I.</i> incipit A. M. 2509.
Moritur A. M. 2549.	Moritur A. M. 2549.
<i>Erechtheus II.</i> inc. A. M. 2549.	<i>Erechtheus II.</i> inc. A. M. 2549.
Moritur A. M. 2599.	Moritur A. M. 2599.
<i>Cecrops II.</i> incipit A. M. 2599.	<i>Cecrops II.</i> incipit A. M. 2599.
Moritur A. M. 2639.	Moritur A. M. 2649.
<i>Pandion II.</i> incipit A. M. 2639.	<i>Pandion II.</i> incipit A. M. 2649.
Moritur A. M. 2664.	Moritur A. M. 2674.
<i>Ægeus</i> incipit A. M. 2664.	<i>Ægeus</i> incipit A. M. 2674.
Moritur A. M. 2712.	Moritur A. M. 2712.
<i>Thesus</i> incipit A. M. 2712.	<i>Thesus</i> incipit A. M. 2712.
Definit A. M. 2742.	Definit A. M. 2742.
<i>Menestheus</i> incipit A. M. 2742.	<i>Menestheus</i> incipit A. M. 2742.
Moritur A. M. 2765.	Moritur A. M. 2765.

Demophem

<i>Demophon</i> incipit A. M. 2765.	<i>Demophon</i> incipit A. M. 2765.
Moritur A. M. 2798.	Moritur A. M. 2798.
<i>Oxyntes</i> incipit A. M. 2798.	<i>Oxyntes</i> incipit A. M. 2798.
Moritur A. M. 2810.	Moritur A. M. 2809.
<i>Aphidas</i> incipit A. M. 2810.	<i>Aphidas</i> incipit A. M. 2809.
Occiditur A. M. 2811.	Occiditur A. M. 2810.
<i>Thymetes</i> incipit A. M. 2811.	<i>Thymetes</i> incipit A. M. 2810.
Finit A. M. 2819.	Finit A. M. 2819.

Et ad hanc tabulam ipse *Calvisius* corrigendus erit: Contra enim ipsius mentem est, & *Africani*, quem sequitur; quod ab illâ nostrâ diversum est.

Finita *Thesidarum* domo A. M. 2819. successit **MELANTHUS**, *Andropompi* filius, *Bori* nepos, *Penthili* pronepos, *Periclymeni* abnepos, *Nelei* adnepos, *Neptuni* trinepos. *Heraclide* Messenæ regno expulerant: Hinc consulens Oraculum de habitationis loco, responsum tulit, sedem ejus futuram, *ubi caput atq; pedes pro muneribus hospitibus offerentur*. Quod & factum est *Eleusina*; nam cum fœminæ sacerdotes ibi festum quoddam patrium celebrarent, jamq; carnes universas absumsissent; caput & pedes (quæ supererant) adveniēti fortè *Melantho* miserunt. Donatus posthæc civitatis Atticæ jure, cum *Xanthum*, *Bæotia* Regem, duello superâisset, regno dignus visus est. Ajunt hæc fraude usum. Cum enim primum congregerentur, *Melanthus* ad *Xanthum*: *Iniquè & contra pactum facis, qui adversus solum cum altero processisti!* Cumque admiratus ille, quisnam comitaretur se, respexisset; *aversum uno ictu confecit*. *Front. l. II. Stratag. c. 5. Scholiast. Aristoph. ad Pacem, & ad Acharnenses*; & qui iisdem cum Scholiaste verbis utuntur: Sed (ut docet *Reines. lib. III. Variar. Lection.*

e. 7. p. 470.) ab *Emilio Porto* malè versus, *Suidas* in
ἀπατρία. In memoriam hujus victoriæ dolo repor-
 tata institutum festum *Apaturia*, quasi dicas *decepto-*
ria. Moritur A. M. 2856. regnavit enim annos 37. ut
 est apud *Euseb. Hieron. Marian. & Vincent. Bellov.*

Et CODRUS filius in ejus locum suffectus est,
 ob Remp., bello præclarissimè gesto servitute libe-
 ratam; ut ex *Aristotele* docet *Meursius lib. III. de Reg.*
Attic. c. 11. Vicit etiam *Heraclidas*, Atticam arma-
 rā manu invadentes. *Strabo lib. IX.* Sed nihil tam il-
 lustre, quàm finis generosissimus; ob quem Exem-
 plar Imperatoribus, Romani Sapientis patri di-
 citur. Videndi Scriptores, quos *Berneggerus* notat ad
Iust. lib. II. c. 6. §. 10. & Meursius, d. l. c. 11. 12. 13. Re-
 gnavit annos 21. ut *Suidas* tradunt *Eusebius, Hiero-*
nymus, Cedrenus, Marianus & Vincent. & c. Mors
 ejus incidit in A. M. 2875. florente adhuc primâ *Assy-*
riorum dynastiâ. Hujus honori datum, ut quem ge-
 nerosum vellent, dicerent generosorem Codro:
 Ut, quem formosum, formosorem Nirio; quem
 prudentem, prudentiorem Ulyssè. Sed & con-
 tra, nescio quâ lasciviâ pro insulso fatuoq; plures usi
 sunt, ut docet *Meursius d. l. c. 14.* Quo si referunt il-
 lud *Virgil. eclog. V. v. 11.*

Aut Alconis habes laudes, aut jurgia Codri.
 Rectè faciunt. Videtur enim insulsum quendam ru-
 sticum *Virgilius Codrum* dixisse, ex imitatione Græ-
 corum. Hoc ni fallor, sensit *Scaliger lib. III. Can. Isag.*
p. 330. Porro datum eidem Codro, ne quis postea A-
 theais regnaret: Hinc perpetui *Ἀρχοὺς* constituit;
 &, cùm

&, cum ille filios reliquisset, *Medontem* & *Nileum*, *Androclum*, *Cyarethum*, *Damasichthonem*, *Prometheum*, *Andremonem*, *Damasum*, *Naoclum*, & *Cleopum*; ex his *Nileus*, oraculi monitu, ad colonias deducendas abiit, & *Miletum* condidit.

MEDON ^{Ἀρχων} constitutus est A. M. 2877. Remp. tenet annis 20. Succedit AGASTUS filius A. M. 2897. cui tribuuntur anni 36. Moritur A. M. 2933. ARCHIPPUS, Agasti filius, tertius ex Archontibus *perpetuus* fuit. Præst 19. annos; & succedit A. M. 2952. filius THERSIPPUS. Hic per annos 41. Archon fuit, atque adeò mortuus est A. M. 2993. Succedit PHORBAS filius dicto anno; quod in *Calvisii* Chronologiâ præteritum est: Et decedit A. M. 3024. Fit Archon MEGACLES, Phorban- tis filius; & præst annos 30. Finis igitur incidit in A. M. 3054. quo succedit DIOGNETUS, ejus filius; cui assignantur anni 28. Mortuus est igitur A. M. 3082. Hinc illo anno administratio Reip. permiffa PHERECLI, Diogneti filio; qui anno 19. moritur, hoc est, A. M. 3101. Succedit ARIPHRON, Phereclis filius; & fato fungitur A. M. 3121. THESPIEUS Archon factus est in patris locum; &, cum præfuisset annos 27, successorem habet AGAMNESTOREM filium, A. M. 3148.

Hic rursus occurrit, quod corrigendum est apud *Calvisium*: Cum ipse fateatur, *Thespiem* præfuisse saltem annos 27, nec potest aliter propter auctoritatem *Eusebii*; tamen initium *Agamnestoris* ponit A. M. 3149. quasi remp. obtinisset per annos 28. Tamen

mox

mox redit ad supputationem rectam: Cum enim *Thesties* successor & filius *Agamnestor* Archon fuerit per annos 20, atque adeò secundum accuratam supputationem mors incidat in A.M. 3168, respondet hic nobis *Calvisianus* calculus.

ÆSCHYLUS post *Agamnestoris*, parentis mortem Archontis potestate fungitur per annos 23; decessit igitur A. M. 3191. *Ulmus* è *Medontidis* **ALCMÆON**, *Æschyli* filius, Archon *perpetuus*, principatum non nisi per *biennium* tenuit: *Calvisius* saltem *uno* anno præfuisse scribit, secutus *Scaligerum lib. I. Can. Isag. p. 160.* Sed quam rationem habuerit *Scaliger*, nondum exputare potui: Repugnat ipsius *Euseb. Grac. p. 39.* qui *Alcmæoni* tribuit $\epsilon\tau\iota\beta$. unà cum *Hieronymo* interprete; apud quem lego n. 1261: *Atheniensium tertius decimus Alcmæon annis duobus.* Ergo desit A.M. 3193.

Perpetuus successerunt *decennales*, quorum primus **CHAROPS**, *Æschyli* filius, *Alcmæonis* frater: Secundus **ÆSIMEDES**, & ipse *Æschyli* filius: Tertius **CLIDICUS**, *Æsimedis* filius: Quartus **HIPPOMENES**, de cuius immani sævitia *Diod. Sic. in Excerptis Peiresc. pag. 230:* Cum ejus filia a, nescio quo, vitata esset; ita excanduit, ut inclusam in stabulo unà cum equo victu per aliquot dies frustratus sit: Quo facto equus fame in furorem datus infelicem puellam mandere coactus est. Hanc ob causam magistratu pulsus est, ut ibidem scribit *Nicol. Damascenus p. 446.* Quintus **LEOCRATES**: Sextus **APSANDER**: Septimus **ERYXIAS**, *ultimus Medontidarum.* Inde

annui

annui creati, quorum nomina, quâ potuit diligentia, collegit *Meursius in IV. libb. de Archontibus Atheniensium.*

SICYONIUM, ARGIVUM, LACEDÆMONIUM, CORIN- THIUM.

Quatuor Græcorum regna breviter recensentur, quando cœperint & desierint. De Eurotæ atate suspicio. Helenæ genus. De Apollodori loco sententia viri docti publicè proposita, sed in privatis literis mutata.

Fuerunt & alia per Græciam celeberrima regna Sicyoniorum, Argivorum, Lacedæmoniorum, Corinthiorum: Ac Sicyoniorum quidem regnum A. M. 1861. duobus seculis post diluvium constitutum est. ÆGIALEUS primus fuit, ultimus ZEUXIPPUS, qui moritur A. M. 2813. Numerantur in universum XXVI. Nomina omnium recenset *Scaliger lib. II. Can. p. 158.* tùm ex *Africano*, cujus fragmentum exhibet in *Euseb. p. 861.* tùm ex *Pausania Corinthiacis p. 94. 95. & seq.* Successerunt VII. Sacerdotes *Apollinis Carnæi*, & regiâ potestate præfuerunt per annos XXX; quorum nomina debentur *Scriptori Latino-barbaro*, apud *Eundem. p. 61.*

Argivorum cœpit ab *Inacho*, cujus initium ponunt in A. M. 2093. Sed in his recensendis neque *Pausania* cum *Tatiano*, neque *Hyginorum* utroque convenit; vide *Scal. d. I. II. Can. p. 329.*

Lacedæmoniorum duplex Dynastiamemorat: *Antiquior* Rex *primus* EUROTAS, neque quo tempore cœperit, neque quamdiu regnârit, Chronologi nostri exprimunt. Videtur tamen *Cecropi* 1, Atheniensium Regi, cœvus; quemadmodum *Lacedæmon*, ejus successor, *Erichthonio* I. de quo *Sigonius* in temporibus *Lacedæmoniorum* p. 672. Quicquid sit, hoc apud me certum, antiquissimos *Lacedæmoniorum* Reges oriundos ex Oriente; & quidem è *Palestina*: Sic enim Rex *Lacedæmoniorum* scripsit ad *Oniam* Pontificem, apud *Josephum* lib. XII. *Antiquit.* cap. 5: *Incidimus in quandam scripturam antiquam, in quâ invenimus, cognationem inter nos esse; & nostrum quoque genus à posteris Abrahæ.* Confirmat hoc cognomen *Castoris & Pollucis*, *Avaxes*; quod, ut docet *Vossius* lib. I. de Idolol. c. 13, prorsus *Ebraicum* est; & *Principes* significat ab *Anac & Enac* oriundos. Illud interim *Scaligero* III. *Canon.* p. 332. facile largimur, perridiculos esse, qui *Oebalum*, *Castoris*, *Pollucis*, & *Helenæ* avum eum esse, vaticinantur; qui *Hebal* nominatur *Genes. X. § 28.* *Ultimum* hujus Dynastiæ faciunt *TISAMENUM*, *Orestæ* & *Hermiones* filium: Et ex horum Regum stirpe oriunda fuit celebris illa *Helena*, cujus causâ bellum inter Græcos & Trojanos conflatum est: Nam *Lacedæmon* (qui *Eurotæ* frater uterinus fuit) *Amyclam* genuit, *Amyclas* *Argalum*; *Argalus* *Cynortam*; *Cynortas* *Oebalum*; *Oebalus* *Hippocoontem* & *Tyndareum*; *Tyndareus* *Castorem*, *Pollucem*, & *Helenam*.

Altera Dynastia fuit *Heraclidarum*: *Aristo-*

H

demus

demus enim, Cleodei filius, nepos Hylli, pronepos Herculis, ex Argia gemellos suscepit Eurysthenem & Proclen, duarum Lacedæmone regiarum familiarum auctores: A quibus Eurysthenide & Proclida dictæ sunt. Regnârunt autem simul, ut præter alios docet Corn. Nepos in Agesil. c. 1. §. 2: Mos est, inquit, à majoribus Lacedæmonius traditus, ut duos haberent semper Reges, nomine magis, quàm imperio, ex duabus familiis Proclis & Eurysthenis; qui Principes ex progenie Herculis, Sparte Reges fuerunt. Initium horum Regum incidit in A. M. 2848. Successores ad ultimum CLEOMENEM (qui in Ægypto periit A. M. 3727.) recensent Scaliger lib. II. Can. p. 161. & Sigonius in tempor. Lacedæm.

Corinthiorum quinque Dynastiæ apud Scæligerum memorabiles. Primam Sisiphidarum appellare possumus à Sisipho, Æoli filio; de quo Homer. Iliad. 6. cujus nomen Schmidius putat Æolicum, pro, Theosophus; ut Sibylla, quasi Θεσβελία. Videtur, Sisiphus iste vixisse A. M. 2560: Nam ejus filius Glaucus A. M. 2590. ludos Isthmicos in honorem Melicertæ celebravit; ut ex Eusebio colligere est. Fuerunt ex hâc stirpe sex, vel septem Reges; quorum postremos DORIDAM & HYANTHIDAM, Propoda filios, Damophontis nepotes, Thoantis pronepotes, Ornyctionis abnepotes, Sisiphi adnepotes, Æoli trinepotes, ALETES pepulit, circa A. M. 2649. à quo Corinthio, Ἀλητίδας vocat Callimachus apud Plutarch. in V. Sympos. παῖδας Ἀλᾶτας Pindarus Olymp. Od. 13. anist. 1. Fuit hic Aletes, Hippotis filius, Phylantis nepos, Antiochi pronepos,

pronepos, *Herculis abnepos*. *Pausanias in Corinth.*
p. 92. Scholiastes Pindari; quem citat Scaliger ad Eu-
sebi num. 916. Apollodorus lib. II. Biblioth. de cuius
lectione primùm dubitavit Vir doctissimus lib. III.
Variar. Lectionum c. 2. p. 326. Nam cùm apud Apollo-
dorum legeretur: Τῶν βαλὼν ἀγόντιῳ Ἰππότῃς, ὁ
Φύλαντῳ τῷ Ἀντόχῳ τῷ Ἡρακλέους πυγῶν ἀπέκτει-
νε. Hoc est: Hunc Hippotes, Phylantus filius, Antio-
chi ex Hercule natus nepos, jaculo percussum interfe-
cit. Ipse legebat: Ἰππότῃς ὁ Φύλαντῳ τῷ Ἀντόχῳ
τῷ Ἡρακλέους. Hippotes Phylantis ejus, qui Asyoche
Herculis nupte pater, filius. Putabat enim Apollodo-
rum de Phylante vel Phylao Rege Dryopum, seu E-
phyre loqui, socero Herculis; alter autem, Phylas,
Herculis nepos, & Hippotis pater, non succurrebat.
 Sed postea mutavit sententiam in literis ad me scri-
 ptis fermè ante quinquennium, sinendumq; *Apollodo-*
rum censuit. Quod monendum hîc duxi, ne quis in “
Varias doctissimi Viri incidens, ex *Pausania & Schol-*
iaste (quos laudavimus) illi temerè insultet. Memi-
 nerunt porrò *Vellejus lib. 1. c. 3. Strabo lib. VIII. p. 389.*
Diodorus Siculus, cujus fragmentum debemus Georgio
monacho; Conon apud Photium Cod. CLXXXVI. nar-
rat. 26. ubi exponit rationem nominis, cur Aletes no-
minatus fuerit?

Aleti succedit ILION filius A. M. 2884; Ixi-
 oni filius AGELAUS, vel AGESILAUS A. M.
 2921; Agelao filius PRYMNIS, vel PRUMNES
 A. M. 2958. Hic Scaligero ultimus est in secunda
 Dynastia.

Tertiam auspicatus est BACCHIS & ipse ex *Heraclidis* (fuit enim *Prumnis* filius, ut è *Diodoro* constat) A.M. 2994. Ab hoc familia Bacchiadarum nomen accepit, *Plin. lib. XXXV. c. 12.* Battiadæ corruptè. Quod ipsum vitium adhæsit quibusdam editionibus Ovidianis, in quibus legitur:

*Et qua Battiadæ bimari gens orta Corinθο,
Inter inaequales posuerunt mœnia portus.*

Legendum ubique, *Bacchiada*; quorum ultimus in Dynastia tertia fuit TELESTES, *Aristomedis* filius, *Eudami* nepos, *Agelai* pronepos, *Bacchios* abnepos (*Diodorus*) qui occiso *Alexandro*, *Agemonis* filio, patruele suo, regnum invasit A. M. 3159. Sed qui rursus à gentibus interemptus est A. M. 3171.

Tum, ut vult *Scaliger*, cœpit quarta Dynastia *Prytanæon annuorum*; è quibus primus fuit AUTOMENES. Nihil *Prytanæ* differebant ab *Archontibus*, sive *Prætoribus* annuis Atheniensibus; nisi quòd *Archon* de populo sorte creabatur, *Πρύτανις* verò de *Bacchiadarum* gente: Alioquin tam *Corynthius* *Πρύτανις*, quàm *Atticus* *Ἀρχων* fastos assignabat.

Obtinuerunt hi *Πρύτανις* (quorum nomina interciderunt) potestatem in Rep. *Corynthiorum* per annos 124. Nam A. M. 3295. CYPsalus, *Petionis* filius, *Melanis* nepos, *Antasi* pronepos (*Bacchiadis* in ordinem redactis) tyrannidem invadit. Moritur A. M. 3325. & succedit filius PERIANDER, qui tyrannidem obtinet per annos 40. *Expiravit* enim cum ipsa tyrannide sua A. M. 3365. quo tempore *Nabuchodonosor Magnus* rerum in Oriente potiebatur.

hatur. Et hæc (ut ait Scaliger) *quinta* Dynastia
 Cypsalidarum fuit: Atego malim *sextam* dicere.
 Nam & antè *Sisiphidas*, Reges suos habuerunt *Ephy-*
res; qui iidem cum *Corinthis*, quos ex Eumelo Scho-
 liaſtes *Pindari*, & ex hoc *Erasmus Schmidius* com-
 mentario in *Pindar. Olymp. p. 314.* & *Tzetzes* in
Lycophronis Casandræ p. 89. & 90. referunt. Nimi-
 rum Sol filiis (quos ex *Persa*, *Oceani* filia genuerat)
 regnum diſiſit; *Arcadiam* quidem *Aloëo* dedit, *Co-*
rinthum verò *Ætæ*: Sed cum *Ætæ* *Corinthus* pa-
 rum placeret, in *Cochlidem* proficiſcitur, & regnum
 commendat *Buno*; donec vel ipſe, vel alius ſuæ do-
 mus, reverteretur: Ipſe in *Colchide* ductâ *Idyja*, *Me-*
deam & *Absyrium* ſuſcepit. Interim *Buno* mortuo
 ÆPOPEUS, Aloëi filius, *Ephyream*, hoc eſt, *Co-*
rinthum adjecit *Aſopia*; atque ita unum è duobus re-
 gnum fecit. Hujus filius & regni ſucceſſor MARA-
 THON filios habuit SICYONEM, à quo *Aſopia*
Sicyonia dicta eſt; & CORINTHUM, à quo *Ephy-*
rea *Corynthus*. Atque ita rurſum duo diſtincta ſue-
 runt regna. *Corinthus* ſine liberis mortuo, *Corinthis*
 vocârunt MEDEAM, *Ætæ* præſci ſui Regis filiam;
 ſed quæ *Corinthus* relicta, regnum SISIPHŌ tradit.

Fuerunt igitur prima Dynastiæ Reges: *Ætæ*,
 Solis filius; *Æpopeus*, Aloëi filius; Solis nepos; *Ma-*
rathon, *Æpopei* filius; *Corinthus*, *Marathonis* filius,
Medæ *Ætæ* filia. Negat quidem *Scaliger* ad Dyna-
 ſtias *Corinthiorum* pertinere; ſed cauſam tam ſuffi-
 cientem non video, cur expunxerit.

Eſſent & quædam de *Mycenarum* regno di-

cenda; sed remittimus harum rerum cupidum ad
Scalig. lib. II. Can. p. 159. & Petavium in Rat. Temp.
part. I. lib. I. c. 8.

LYDIÆ REGNUM.

Ennii error. Scaligeri sententia de Regibus Ly-
dia per totum rejicitur. Xanthus, fide di-
gnus scriptor in rebus Lydicis. Lydorum origo
& tres Dynastia. Prima cepit in Agrone,
Nini filio, Belinepote. Aciamus & Cumblit-
es Reges ex illâ. Camblitis mira voraci-
tas. Herodoti lapsus. Altera Dynastia pe-
nes Atyadas, Herculis posteros. Candaulis
& aliorum stultitia, in narrandis amoribus
suâ. Tertia Dynastia Mermnadarum, &
Cræsi ultimi casus. Regum omnium cata-
logus, secundum nostram & secundum Sca-
ligeri sententiam.

DE hoc regno quædam dicenda sunt propter *Sca-*
ligerum & Ubbonem Emmium. Ait Emmius
lib. V. Rerum Chronologicarum p. 136. primos,
 qui in Lydia regnârint, fuisse Heracidas; quod
 tam falsum est, quàm quod falsissimum: Nam ante
 Heracidas alii Reges Lydiæ regnum tenuerunt;
 quemadmodum è sequentibus patebit. *Scaliger lib.*
II. Canon. p. 158. & lib. III. p. 319. primos Reges
 Atyadas vocat ab *Aty*; cujus hanc originem vul-
 gò traditam refert *Dionys. Halicarn. lib. I. c. 27. ex*
 Jove

Jove & Tellure natum esse *Manem*, qui primus apud *Lydos* regnaret; tunc *Maonas* appellatus. *Manis* verò & *Calliorrhoe*, Oceani filia, *Cotym* filium fuisse; qui ex *Halia*, Tulli Indigenæ filia, *Asiam* & *Atym* suscepit: *Atym* ex *Callithea*, Choraï filia, *Lydum* & *Tyrrenum* sustulisse. Hanc sententiam (quam & apud *Herodotum* in *Clio* reperire licet) admisit *Scaliger lib. III. Can. p. 319.* & velut ipsius *Dionysii*, promit *Valesius ad Excerpta Perreſciana Nicol. Damasc. p. 68.* Sed *Dionys. deſt. lib. c. 28.* huic famæ præfert *Xanthi Lydi* narrationem; qui neque *Tyrrenum* usquam, in suis scriptis *Lydorum* Principem nominat, neque ullam scit *Mæonum* in *Italiam* deductam coloniam; aut *Tyrreniæ*, quasi *Lydorum* coloniæ meminit, cum tamen alia leviora memoret: *Atys* autem filios fuisse dicit *Lydum* & *Torrhebum*. Hos post divisum paternum imperium, ambos mansisse in *Asiâ*, ab iisque *Lydos* & *Torrhebos* denominatos. Et mox *cap. 30.* aliquot rationibus confutat eos, qui *Tyrrenos*, *Lydorum* colonos, arbitrantur. Atque ita viri summi ex *Dionysio* collegerunt id, quod pessimum erat.

Sed cur *Xanthum* sequimur? quia (ut inquit *Dionysius*) antiquitatum peritus, si quis alius, patriæ verò historiæ auctor, nemine inferior habitus. Justa profectò causa, siquidem *Casaubonum* audimus *ep. 170.* cujus locum suprà jam adduximus. Utinam verò è *Xantho Dionysius* prodidisset, quo tempore *Atys* & *Lydus* vixerint? non magnoperè nobis laborandum esset de nomine primæ Dynastiæ. *Atyadas*, ut dixi, nuncupant; & ex istis illustris *Scaliger*: Sed

H iij quod

quod & ipsum demonstratum est, nituntur autoritate nullius apud veteres pretii. Cui nec in his duobus confidere possumus, an *Manes* primus fuerit *Lydorum* Rex? item avus *Atyos*? atque ita *primum Regem* hactenus ignoramus.

Vellejus Paterculus lib. I. c. 1. Lydum & Tyrrhenum, Orestis, Agamemnonis filii, coëtaeos facit; & ex hac causâ Calvisius eos posuit in A. M. 2807. Et hoc modo concidit totum illud de Atyardarum regno ante Heraclidas; cum enim Herculem in Lydiam venisse credibile sit, circa A. M. 2740. vel aliquantò post; etiam penes Heraclidas per hæc tempora (quibus Tyrrhenum in Italiam venisse volunt) Lydorum regnum fuisse, longè verisimilius; quàm penes antiquiorum Regum familiam: Quæ jam adeò defecerat, ut Omphale scēmina rerum potita sit. Hinc confirmatur, & simul (quod à Vellejo dicitur) confirmat Strabo, qui Lydum Heraclidam facit, cuius verba sunt lib. V. cap. 219: Tyrrhenos Græci appellârunt à Tyrrheno, Atyis filio; qui eò coloniam ex Lydiâ duxerat. Fame enim & sterilitate coactus Atyis, unus ex Hercule & Omphale prognatus, de duobus filius, alterum Lydeum nomine, sortitò detinuit; alterum Tyrrhenum majori populi parte amandavit. Atque adeò (nisi Vellejus in calculo aberravit, nisi & Strabo vobis imposuit) inter Heraclidas Atym & Lydum referam, hoc est, in secunda Dynastiâ Lydorum.

De totâ re sic statuo: In origine Lydorum accedo *Josepho, Eusebio & Zonara*, progeniem esse *Lud, Sem; quartogeniti & Noachi* nepotis. Idem iudicavit

dicavit *Paulus Merula lib. III. part. I. c. 14. Cosmogr.*
 Ab hoc & Lydi denominati, & unus ex *Heraculis*,
 & fortasse plures. Sic enim *moris apud veteres, ut conditorum nomina per posteros longa serie decurrerent.*
 Quamobrem falluntur & fallunt, qui Lydum, Troico bello posteriorem, Lydis dedisse nomen autumant.
 Lydiæ prima mentio apud Scriptores gentiles in rebus *Nini*; qui eam cum aliis vicinis regionibus subegit. Videndus *Diod. Sicul. lib. II. c. 2.* Et cum *Herodotus* prodiderit (cujus verba mox producam) **AGRONEM**, Lydiæ regem, fuisse *Nini* filium, *Beli* nepotem; hunc primum in prima Dynastia constitutum. Alioquin Regem Lydorum nullum invenio, usque ad **TANTALI** tempora, hoc est, usque ad A. M. 2587. Tùm enim apud Lydos regnum tenuit **ACIAMUS**, De quo *Stephanus in' Ἀσκαλὼν*: *Ascalon urbs Syria est, juxta Judeam posita, condita ab Ascalo, ut refert Xanthus lib. IV. Antiquit. Lydiae.* Fuit autem *Ascalus* *Hymenai* filius, frater *Tantali*; qui cùm ab *Aciamo*, Rege Lydorum, Dux constitutus esset, exercitum in Syriam duxit: Ubi, virginis cujusdam amore captus, urbem condidit; quam *Ascalonem* ex suo nomine vocavit. Eadem scribit & *Nic. Damascenus lib. IV. Histor.* Fuit igitur hic Rex 180. annis, Troico bello, & 220. annis, Lydo antiquior; cujus tamen proavum primum Lydorum Regem quidem facere aucti sunt.

Aciamo 150. annis posterior **CAMBLITES** tanta voracitate, ut uxorem in frusta sectam comederit: Cujus rei fama, cùm ubique divulgata esset, ipse

H v

veneficiiis

veneficiis appetitum se credens, nudato gladio stans in confertissimo foro: *Jupiter*, inquit, *si quidem meâ sponte, meoque motu id facinus, suscepi; dem ipse sceleris mei pœnas: Sin veneficiis quorundam hominum, in furorem versus, tûm in maleficos, qui me malis artibus appetierunt; sceleris pœna recidat!* His dictis, semet in conspectu omnium interfecit, partim ridentibus (qui aderant) ut hominem lupini stomachi; partim, ut furiosum, nec mentis compotem, miserantibus. Hæc *Nic. Damasc. in Excerpt. Peires. p. 445.* Idem ex *Xanthi Lydiacis* (quem suprà laudavimus) scribit *Athenæus lib. X. p. 48.* cui *Κάμβλης* dicitur; scribit ibidem noctu id factum, cum vino sese nimis ingurgitasset; & statim sequenti manè repertâ conjugis manu (quæ ad ejus os hæserat) recognitâ, & in vulgus sparsâ, seipsum jugulasse. Meminit & *Ælianus lib. I. Variar. c. 27.* sed unâ literâ minùs *Κάμβης* dicitur. *Casaubonus Animadv. ad Athen. lib. X. c. 3.* vitiosum pronunciat *Ælianum*, & rectè; vitium enim non tam *Athenæus*, quàm *Nicolaus* arguunt. Adjicit verò hîc, *Jardanium* in suspitione fuisse, tanquam *Cambleten magicis artibus* in furorem dederit; ex quo de *Cambletis* ætate constat: Hic enim *Jardanus*, pater *Omphale* Reginæ; ex hujus *Jardani* ancillâ *Hercules Cleolaum* sustulit, ut est apud *Diod. Sic. lib. IV. c. 31.* *Alcæum* vocat *Herodotus lib. I.* Fortè igitur post *Cambletem* *JARDANUS* Lydorum Rex fuit; cujus filiam, *OMPHALEN*, ultimam primæ Dynastiæ constituo: Nam cum *Herculem Omphale* thori consortem fecisset, successisse videntur, qui ex hoc matrimonio nati fuerunt.

Et

Et hæc est secunda Dynastia Heraclidarum:
 Sed quis primus hujus Dynastiæ fuerit, mihi quidem
 incompertum est. Faciunt *Agronem* ex illis Hero-
 doti: *Heraclidarum primus Rex Agron, Nini filius,*
Beli nepos, Alcæi pronepos. Hunc autem *Alcaum*
 mox *Jardani* ancilla, & *Hercule* genitum asserit. Sed
 quis non animadvertit, *Herodotum* mirè delirantem?
Ninum, *Beli* filium, unum ex posteris *Herculis* fuisse;
 qui annis mille, ut minimum, *Nino*, *Beli* filio, poste-
 rior fuit? Error (ut ego quidem existimo) è confu-
 sione Regum, qui in duabus diversis Dynastiis fue-
 runt primi. Cum suprâ *Diodorus* nos docuerit, *Ly-*
diam subegisse *Ninum*; verosimile est, Regem illi pro-
 vincia dedisse unum è filiis suis: Ita, quod *Herodo-*
tus narrat, partim verum, partim falsum. Verum; *Ly-*
dis primum præfuisse *Agronem*, *Nini* filium, *Beli*
 nepotem: Falsum, *Agronem* *Herculis* fuisse abnepo-
 tem; quod ipsum etiam *Scäliger* vidit. Alium igitur
 quærere debemus; & cum *Hercules* ex *Omphale*
 reliquerit liberos, mirum nî unus existis fuit? Reliquit
 autem *Laomedonta*, ut scribit *Palaphatus*; qui *Διουδῶς*
Diodoro, & *Ἀγέλας* *Apollodoro*. Reliquit & *Atyon*,
 ut è *Strabone* docuimus. *Atyos* familiam, primum ad
 regnum pervenisse, indicant tum idem *Strabo*, tum
 omnes alii; qui *Lydum* *Atyos* filium *Lydiæ* Regem
 fatentur, *Herodotus* lib. I. & lib. VII. *Tacit.* lib. IV.
Ann. c. 56. *Xanthus* apud *Dionys.* d. I. *Servius* & *Fe-*
stus. Quamvis præter *Xanthum* & *Dionysium*, cæ-
 teri *Tyrrhenum* *Lydi* fratrem velint, quod hi duo re-
 gnant.

Quamo.

Quamobrem hæc mea sententia est, post antiquissimos Reges (sive à Nino fuerunt omnes, sive ab aliis quoque familiis oriundi) *Lydiæ* regnum *Heraclidas* tenuisse; eosq; in duas Dynastias distinguidebere, *Atyadas* & *Mermnadas*. *Atyadas* ab *Aty*, *Herculis* & *Omphales* filio propagatos regnâsse primum; *Mermnadas* ab *Agelao*, sive *Lamente*, sive *Laomedonte*. Ex *Atyadis* igitur est *ARDYSUS*, cujus initium collocatur in A. M. 3159. cui filius *ALYATTES* succedit A. M. 3195. qui non ultra 14. annos Rex fuit. Succedit A. M. 3209. *MELLES*, cujus meminerunt *Excerpta Græcorum* veterum apud *Scalig. in Opere Euseb. p. 371.* & *Eusebius Græcus apud Scaligerum p. 42.* Mele post duodennium mortuo *CANDAULES*, *Myrsi* filius, *Lydos* regit per 18. annos, hoc est, ab A. M. 3221, in A. M. 3239. Hic (ut nemo stultus amans in tacito sinu gaudere potest) formam elegantiamq; uxoris (quam *Tudum* & *Clytiam* alii, *Abro Abbas*, vetus Scriptor, *Nysiam* *Ptolomæus Hephaestion* appellat apud *Photium Cod. CXG.*) prædicabat omnibus, & nudam etiam ostendebat *Gygi*; quem sodalem *Candaule* vocat *Justinus lib. I. c. 7. §. 17.* Nos agnatum scimus. Hinc *Gygem* ad libidinem irritavit, sibi perniciem accersit; quale quidem infortunium (ut id obiter addam) jactantiâ suâ sibi peperit *Collatinus apud Livium lib. I. c. 57.* Nec in alium censum referre merentur *Otho apud Tacitum lib. XIII. c. 46.* *Osmanes* apud *Leuncius v. lib. II. Histor. Muselm.* Qui non didicerant,
duobus

duobus in locis mysteriorum religionem esse, in mens. & in thorô. Sed omnibus istis detestabilius monstrum C. Caesar Caligula, qui adulteria sua narravit illis ipsis, quorum uxoribus illuserat. Senec. lib. de Constantia cap. 18: Asiaticum Valerium in primis amicis habebat, ferocem virum; & viæ aquo animo alienas injurias contumeliasq; laturum. Huic in convivio, quantum minus quam in concione (sequor explicationem Lipsii) voce clarissima; qualis in concubitu esset uxor ejus, objecit. Dii boni, hoc virum audire, Principem scire, & usque eò licentiam per venisse; ut, non dico consulari, non dico amico, sed tantum marito Princeps & adulterium suum narret & fastidium?

Cæterum hæc extra rem: Igitur ad Lydiæ Reges. Candauli interfecto succedit GYGES, primus Mermnadarum; ex ipsis tamen Heraclidis. Nam & Mermnadas ab Hercule oriundus, scribit Apollodorus: 'Εξ 'Ομφάλης δὲ Ἀγέλας, ὅθεν καὶ τὸ Κροίσος γένετο. Hoc est: Ex Omphale natus Agelaus, unde & Cræsi genus. Scaliger eundem putat cum eo, qui Diodoro Cleolaus, Herodoto Alcæus; sed allusionem ad postremam nominis syllabam haud sufficit, ut Cleolaum, servæ filium, eundem statuam cum Agelao, Reginz filio; atque ita Diodorum & Apollodorum inter se committam. Jam Strabo nos docuit, plures Herculi fuisse ex Omphale; Atyn jam habuimus; alter Agelaus est, à quò Gyges.

Huic A. M. 3272. successit ARDYS, & regnavit annis 38. ut habet Eusebius Græcus, 37, ut Latinus 49, ut Scaliger lib. II. Canon. p. 154. 43, ut Calvisius in A. M.

A. M. 3272. Sed à typographo ibi peccatum est, ut arguit A. M. 3321. Quo initium constituit SADY-ATTIS, Ardyos filii, Gygis nepotis. Ergo secundum ejus mentem regnavit annis 49. De hoc Sadyatte fragmentum Nicol. Damasc. extat, in *Excerptis Peiresc.* pag. 453: Sadyattes Alyattis filius (legendum, Ardyos filius, ut Valesius opinatur ex Herodoto) Lydorum Rex, erat quidem in bello fortissimus; sed intemperans. Nam propriam sororem suam nuptam Mileto, Viro clarissimo, per speciem sacrificii accitam constuprâsse per vim dicitur; eamq; deinceps uxoris loco habuisse. Erat autem Mileus Melatis nepos ejus, qui Gygis gener fuerat; qui cum eam injuriam ferre non posset, fugit Dascylium: Unde post à Sadyatte expulsus Proconesum se recepit. At Sadyattes paulo post alias duas, & quidem sorores ambas matrimonio sibi sociavit; quarum ex altera Attalem, ex altera Adramyn nothos suscepit: Ex sorore autem sua filium legitimum sustulit Alyattem. Hæc Nicolaus. Alyattes CROESI pater est, regnumq; (quod A. M. 3333. auspiciatus est) reliquit filio A. M. 3388. ut vult Calvisius. At Eusebius Græcus & Latinus dicunt regnâsse annis 49. Scaliger lib. II. Can. 57. quod ipsum secutus est Calvisius; sed ejus calculus non respondet: Quod si enim Halyattes cœpit A. M. 3333. & regnavit per annos 57. utique desiit A. M. 3390. De Cræso consentiunt omnes, regnâsse saltem 15. annos. Ergo Calvisius ejus cladem & captivitatem rejicere debebat in A. M. 3405. Sed cum initium Cræsi perperam constituisset in A. M. 3388. necessariò nunc biennio minùs dicit, h. e. Cræsum captum scribit A. M. 3403. Croesi

Crcesi cladem quod attinet, proditus est ab *Eurybato Ephesio*, quem cum in Peloponesum cum ingenti pecuniâ misisset, ut milites conquereret; is ad *Cyrum* transtugit, & omnia Crcesi consilia detexit. Hinc factum, ut quem Græci *malitiosissimum* dicere volunt, *Eurybatum* dicant. *Diodorus Siculus in Excerpti. Peiresc. p. 240.* Capto *Creso* *Cyrus* fortunam ejus miserabatur: At Persæ extructâ pyrâ exultum volebant, & jam cum 14. Lydorum Principibus in rogo confederat; & Persæ tædas subjecerant, cum repente gravissimâ exortâ tempestate tantus imber affusus est, ut non modò pyram extinxerit; sed & spectatores valdè afflixerit. Rem fulcè narrat *Herodotus lib. I. Nicol. Damasc. in Excerpti. Peiresc. p. 454. & seqq. Diod. Sic. ibidem p. 240. Tangunt Boëtius lib. II. de Consolat. prof. 2. & Seneca de Tranquill. animi c. 11.* deque eadem rescriptit *Ptolemaus Hephæstion*, ut est apud *Photium* in Biblioth. Cod. CXc.

Jam quæ differentia sit inter *nostram* & *Scaligeri* sententiam, licet ex superioribus satis appareat; tamen hoc diagramma subijcimus, ut sic quoque alieni temporis rationem habere videamur.

Sententia Scaligeri.

Sententia nostra.

DYNASTIÆ REGUM
LYDIÆ.

DYNASTIÆ REGUM
LYDIÆ.

Dynastia prima
ATYDARUM, quo-
rum Princeps ATYS,
pater LYDI, à quo
LYDIA, priùs MÆO-
NIA.

Dynastia prima NINI-
DARUM, vel etiam alia-
rum familiarum. Illorum
princeps AGRON, NI-
NI F. BELI. N. ex He-
rodot.

AL-

-	-	-	-	-	ALCIAMUS Rex è
-	-	-	-	-	<i>Stephano.</i>
-	-	-	-	-	
-	-	-	-	-	CAMBLITES Rex
-	-	-	-	-	voracissimus è <i>Nicol.</i>
-	-	-	-	-	<i>Damasceno.</i>
-	-	-	-	-	JARDANUS.
-	-	-	-	-	OMPHALE.

Dynastia *secunda* HERACLIDARUM, quorum Princeps AGRON, ALCÆI filius, HERCULIS & ANCILLÆ nepos. Eidem *Alcaus*, qui Diodoro *Cleolaus*; idemque *Cleolaus*, qui Apollodoro *Agelaus*.

ARDYSUS.
ALYATTES.
MELES.
CANDAULES.

Dynastia *tertia* MERMNADARUM.

-	-	-	-	-
-	-	-	-	-
-	-	-	-	-
-	-	-	-	-

Dynastia *secunda* HERACLIDARUM, è quibus Princeps ATYS, Herculis ex Omphale Regina filius, è *Strabone*.

-	-	-	-	-
-	-	-	-	-
-	-	-	-	-
-	-	-	-	-
-	-	-	-	-

ARDYSUS.
ALYATTES.
MELES.
CANDAULES.

Dynastia *tertia* MERMNADARUM, oriunda ab AGELAO, secundum *Apollodorum*. AGELAUS Herculis Omphales F. secundum *eundem*;

-	-	-	-	-	<i>eundem; adeoque diver-</i>
-	-	-	-	-	<i>sus à Cleolao, live Alcao,</i>
-	-	-	-	-	<i>servæ filio.</i>
GYGES.					GYGES.
ARDYS.					ARDYS, Gygis filius.
SADYATTES.					SADYATTES, Ar-
					dyos F.
ALYATTES.					ALYATTES, Sady-
					attis F.
CROESUS.					CROESUS, Alyattis F.

REGNUM ÆGYPTI.

Misraim Ægyptiorum pater. Pro eodem habitu Cham. Regum Ægyptiorum multitudo apud Manethonem, quatenus locum habeat? de Rege illo, qui submersus in mari rubro, variantes sententia.

Ægyptios oriundos à Mizraim, Chami filio, Noachi nepote, inter plerosque constat; & tum aliis argumentis, è S. Scriptura petitis, nituntur; tum eò, quòd Arabes & Turcas Ægyptum hodieque Mizri & Mizra dicunt: Unde apud Stephanum in *Actibus*, ubi legitur, Ægyptum à Phœnicibus dici *μιααγε*. Viri doctissimi legendum censent *μιααγε*. At ipsi Ægyptii terram suam Cham dicunt, ut auctor est Isidorus, à Chamo scilicet, Misraimi parente. Imò & in Scriptura Pl. CV. legas: *Et Jacob peregrinus fuit in terra Cham*, hoc est, Ægypto: Denique Plutarchus de *Iside & Osiride* testis est, Ægyptum in Sacris

I Isidos

Isidos dictam esse *Χημία*, quod est ab eadem regione.

Reges Ægyptiorum, è quibus recensẽm, ferẽ ambigo: E Græcisne, quibus ludus fuit falsa immiscere veris? an ex *Manethone*, quem exscripsit *Julius Africanus*, compilatus & ipse ab *Eusebio*; quemadmodum *Eusebius* à *Georgio Syncello*. Quod si enim *Manethonem* sequar, erit fortasse, qui me ἀθεόμητορ καὶ ἀσεβείας accuset; quod & mihi jam olim, & *Scaligero* hãc in re factum est à *Dionysio Petavio*. Idem enim hic sensit, quod *Ubbo Emmius*, ea, quæ ex tabulis *Manethonis* adferantur, pura puta somnia esse, de rebus; quæ non solùm diluvium universale, sed etiam creationes mundi & hominum omnium primum antecedant.

Ut intelligas, quid velim, scire debes, *Manethonem* à primo Ægyptiorum Rege, *Mene Thinite* (qui *Herodoto* Μην, *Diodoro* Μῆναι, *Iosepho* Μηνῶ) ad *Amasyn* & imperiũ *Cambyſis Persæ*, numerare XXVI. Dynaltias; in quibus fuerint Reges 481. Horum anni si colliguntur, habebis 5159. Hinc, inquiunt, auctoritas *S. Scripturæ* corrui; quia sic ante diluvium in Ægypto regnum fuisset; immò multò ante illud tempus, quo *Moses* docet, mündum hunc creatum. Et enim à mundo condito ad *Cambyſis* expeditionem in Ægyptum, pii Scriptores non nisi 3426. annos numerant. Nihilominus à *Manethone* non recedimus, sed omninò *Vossium lib. II. de Idol. c. 28.* admittimus, Scriptorem illum, omnibus Græculis anteferendum (qui sua ex columnis *Seriadicis*, atque aliis monu-

menti;

mentis hieroglyphicis hausit) cum sacris literis egregiè conciliantem. Uno verbo: *Multa ex istis Dynastiis non sunt successiva, sed collaterales, hoc est, eodem tempore diversis fuerunt locis.* Verbi gratià, initio imperarunt simul Dynastia prima, & secunda Thimidarum, Memphidarum tertia & quarta; Elephantinorum quinta. Ita simul uno eodemq; ferè tempore regnare potuerunt Menes Thinites, Egerothès (aliis, Echerontes) è Memphitis; & Uferchebes ex Elephantinis. Similiter comparatum est in aliis. Nimirum ut aliæ provinciæ ab initio divisæ fuerunt in multos Regulos, donec in unum corpus coalescerent; sic Ægyptus quoque interdum pluribus Regibus, interdum uni paruit. Hoc non ignoravit divinus Scaliger, quod patet è lib. III. Can. p. 312. & ad Eusebium n. 1025. Igitur cum tot Reges Ægyptus habuerit, nimis tedious foret, eorum nomina describere; immò nec fructuosum.

Sed & Pharaones (quorum in historiâ sacrâ fit mentio) conferrem lubentissimo animo, cum Manethone & aliis. Cæterùm Chronologiâ veram Regum Ægyptiorum constituere (sine qua illud fieri nequit) res est, quæ excedit humanum ingenium. In uno illo Pharaone, qui submersus in mari rubro periit, quàm in diversa Scriptores abeunt? Acherrem decimùm Regem in Dynastiâ XXVIII. Scaliger cum esse scribit, cujus anno secundo Moyse eduxerit populum de finibus Ægypti. At non existimat eum submersum, quoniam annos regni tribuit 32. Calvisius in A. M. 2453. Orum, Acheris antecessorem, facit eum, qui

perierit in mari. *Tacitus lib. V. Histor. c. 3.* videtur Occhoris nomen reperisse: *Lyfimachus* apud *Josephum lib. I. extremo contra Appion.* Bocchorim; cujus scripturæ assertores quoque sunt, *Orosius & Plutarchus. Clemens Alexandrinus lib. I.* Omosim, vel Amasim appellat; sed apud *Manethonem* unum Bechorim.

Saitem invenio in Dynastia XIV. Sed Moyse aliquot seculis posteriorem. Sic ex Manethone & aliis; parùm sibi constantibus, nihil adferre possumus, quod historiam sacram illustrat.

CAPUT V.

Cyri genus maternum clarius habitum, quàm paternum; tamen & hujus origo antiquissima auditur. Salmasii judicium de loco Herodoti. Cyri nomen. Orientalium & aliorum mos affectandi Deorum nomina. Cyri institutio in exemplum proposita. Cyri res gesta & mors.

Recenfitis nobilioribus regnis, ad secundam Monarchiam Persarum, & rursus ad Besoldum progredimur. Agit autem toto cap. 5. de unico Cyro, qui tanti imperii auctor fuit. Genus illi antiquum magis, quàm apud Medos & Orientales clarum. Hinc *Astyages* somnio territus, ne paterna maternaq; nobilitas nepotem aliquando sibi nasciturum ex filia stimulare posset, ad res arduas suscipiendas; neque claro viro, neque civi filiam, sed *Cambysi*, mediocri viro,

viro, ex gente Perfarum obscurâ tùm temporis, in
 matrimonium tradidit; ut refert *Just. l. l. c. 4. §. 4.* Et
 hinc explicant responsum, quod Cræsus accepit:
Tùm sibi ac regno exitium imminere, cùm mulus in
Persia rerum potiretur. Ajunt enim, sic indicatum
 Cyrum; quodd, quemadmodum mulus nascitur pâtre
 ignobiliore asino, matre generosiore equa; contrâ quàm
 in hinno fit: Sic Cyrus habuerit matrem, regis *A-*
styagis filiam; patrem verò *Cambysem* obscuro loco na-
 tum. At nihilominus *Cambyses* iste natus est *Achame-*
ni, cujus meminit *Xerxes*, Perfarum rex, apud *Hero-*
dotum in Polym. sive lib. VII. Sed cùm locus vulgò cor-
 ruptus sit, nec vitium animadverterint interpretes, et-
 iam hanc versionem nobis dederunt: *Ego etiam sine*
te, quæ dixi, conficiam; neque enim fuerim Darii filius,
qui fuit Hystaspis, qui fuit Arsamnis, qui fuit Arsiara-
mnis, qui fuit Teispei, qui Cyri, qui fuit Cambysis, qui
fuit Achamenis filius; nisi Athenienses ultus fuero. At
 hoc repugnat omnibus Scriptoribus reliquis, è qui-
 bus constat, *Xerxi* maternum avum *Cyrum* fuisse; non
 tritavum: Et repugnat temporis intervallum. Nam
 si *Cyrus* esset *Xerxi* tritavus, utiq; à morte tritavi ad
Xerxis trinepotis imperium saltem intercederent 43.
 anni; quod omni rationi contrarium est. Præterea
Cyrus filios duos tantùm habuit, *Smerdin* & *Camby-*
sen: *Teispen*, sive *Teispeum*, scimus nullum.

Quamobrem accesserim *Salmasio*, qui in *Exer-*
citat. Pliniani p. 1380. locum *Herodoti* constituit re-
 petitâ negativâ, quæ exciderat: Μὴ γὰρ εἶναι ἐν Δαείσι
 τῷ Ἰσάπρῳ, τῷ Ἀρσάμει, τῷ Ἀρσάμνεω, τῷ Τεΐσπρι.

[μὴδὲ] τῷ Κῦρῳ, τῷ Καμβύσῳ, τῷ Ἀχαιμένει. Unde sic vertendus est: *Non fuerim natus ex Darii, Hytaspis filio, Arsamis nepote, Ariamnis pronepote, Teispis abnepote* [neque oriundus à] *Cyro, Cambyssis filio, Achamenis nepote.* Recenset igitur Xerxes tantum paternos majores, *Darium, Hytaspem, Arsamem, Ariamnem, Teispem*: & maternos, *Cyrum, Cambysem, Achamenem.* Sic Herodoto cum cæteris Scriptoribus benè convenit.

Hinc verò constat de *Cyri regis avo, Achamene.* Sed qui iste? ex illustribus fuit, ut quem Xerxes crepat. Patrem; & avos nescio usq; ad *Persem, Persei sive filium, sive nepotem*: Ab hoc enim oriundus est; quamvis longo temporis intervallo. Herodotus in *Clio*: *Sed horum Palargadæ sunt præstantissimi, in quibus & Achæmenidæ; unde reges Persidæ sunt oriundi.* Hoc innuit *Achamenem*, unde *Perfarum*, & tota tribus *Achæmenidæ, Persidas* esse, hoc est, à *Perside*, vel *Perse*, hujus nepote, an filio? (nam hîc Scriptores variant) oriundos. *Perseus*, *Persis* avus, vel pater, *Prætum Argolicum Jovem* patrem, & *Danaem* matrem habuit: avum paternum *Abantem*, maternum *Acrisum*, ejusdem *Abantis* fratrem (nam *Abas* ex *Oecalea*, *Mantinei* filia, *Acrisum* & *Prætum* genuit) proavum paternum *Linceum*; cui uxor *Hypermetra*, *Danai* filia. Atque ita *Perseus* abavum habuit *Danaum*, cui pater *Belus*: Avus *Neptunus* (sive Princeps quidam insuavis) avia *Lybia*.

Lybiæ hos majores referunt: *Inachus*, qui vixit A.M. 2093. temporibus *Isaac* Patriarchæ; reliquit ex *Melissâ*

Meliffa Occanina *Phoroneum*. Phoroneo *Apis* genitus cum *Niobe* sorore rem habuit: Ex *Niobes* & *Apis* concubitu natus est *Argus*, qui ex *Evadne* liberos habuit *Jasum*, *Piranthum*, *Epidaurum*, & *Criasum*. Ex *Jaso* fuit *Agenor*, ex *Agenore* *Argus* alter, ex *Argo* secundo *Jasus* alter, ex hoc *Io*; quæ cum in *Ægyptum* venisset, peperit *Epaphum*. Is ducta *Memphi*, *Ægyptii* regis filia, *Lybiam* genuit; quam *Danai aviam* diximus. Videndus præter alios *Voss. lib. I. de Idol. c. 13. p. 112. 113. 114.* Atque hæc est ultima illa antiquitas, quam allegare potuit *Cyrus*. Sed & *Perse* (qui *Persei* sive filius, sive nepos fuit, & vixit circa A. M. 2670) nullum memorabile nomen recensetur usque ad *Cyri avum Achamenem*; quem vixisse eor. circa A. M. 3310.

De *Cyri* nomine, inquit *Besoldus* in *Synopsi* majore, *Persicâ* linguâ *Solem* significare. Hoc, quod è *Plutarcho* haustum esse confitetur, reperire est in *Artaxerxe*; cui accedit *Ciesias*: Unde *Suida* vanitas manifesta est, qui exotici nominis etymon petit è *Græcia* sua. Illud autem hîc observatione dignum est, non aliam significationem habuisse nomen *avi*: Est enim *Achæmenes* ab *Achaman*, hoc est, *Sole*; quod eruditè demonstrat modò laudatus *Vossius lib. II. de Idol. c. 9. p. 353.* Nimirum boni ominis ergo nomen habebant ab eo, quòd honore afficerent divino. Legimus apud *Josephum lib. VII. Antiq. c. 6.* Adadum illum (qui *Damascum* & *Syriæ*, præter *Phœnicem* cætera regna tenuit, & cum *Davide* bellum gessit, sed infelix) posteris ob animi virtutem, & roboris excellen-

cellentiam in tanta veneratione fuisse ; ut nomen ejus magnâ ambitione adsciscerent.

Cæterum & ipsius nomen tale est, quale *Cyri & Achæmenis* : *Assyriis* enim *Adad* Sol est, ut scribit *Macrobius lib. I. Saturn. c. 23.* Eadem ambitio quoq; *Carthaginensium* fuit ; nam *Punicum* *Amilcar* à *Moloch*, sive *Sole*, derivandum eruditissimi viri judicârunt. De *Ægyptiis* testatur idem *Lucianus in Dialog. pro Imaginibus* : *Tametsi sint omnium religiosissimi, tamen Deorum nomina sibi imponere ; adeò, ut pleriq; apud eos nomen è cælo tractum habeant.* De Institutione *Cyri* extat hoc fragmentum *Diod. Siculi* valdè memorabile in *Exc. Peiresc. pag. 237. & 238* : *Cyrus, Cambysis & Manaana filius, Astyagis Medorum Regis nepos, fortitudine & prudentia & reliquis virtutibus eminentissimus seculi sui fuit ; quippe cum pater regiâ institutione formaverat, ad summa quæq; illum incendens. Jamq; etiam tùm adolescens satis audiebat, maximas res se aggressurum quandoq; esse ; cùm virtus illius supra ætatulam sic elucesceret.* Videtur igitur longè aliud censuisse de *Cyri* adolescentia, quàm quæ *Herodotus* scripta reliquit, fuisse patri ereptum, *Astyagis* imperio ; & clam educatum in bubulci domo : Mirâq; tandem fortunâ accidisse, ut agnosceretur. Hæc ut jucunda lectu, sic comcediæ quàm historiæ similiora sunt. Sed & *Ctesias* ab eodem in totum recedit, cujus de *Cyro* fragmentum legere est apud *Photium, Codic. LXXII.* Scio *Plutarchi* de hoc judicium ; sed neq; ignoro, quàm eam commendârit *Diod. Sic. lib. II. c. 32.* Idem *Herodotus* de *Cambyse* scribit, cùm ingenio submisso

submisso esset, gessisse se multò infra mediocris Medi
 alicujus conditionem. At Diodorus ejus generosita-
 tis mentionem facit, ut & filium regiis artibus imbui
 curârit; & ad summa quæq; incenderit. Quæ uti so-
 lidè conciliari debeant, non video; sciant fortasse,
 qui omnia conciliant:

Cimmerias noctes luci, quadrata rotundis.

Verò propiùs accedere videntur, quæ & *Ctesias* &
Diodorus narrant: Qui tantum imperium condidit, tot
 bellicosissimas nationes subegit, tam egregiis artibus
 subditos omnes sibi devinxit; ut *communem patrem*
 appellarent. Alibi, nî fallor, hoc est, in principali do-
 mo educatus est potiùs, quàm in casa. Sit naturæ qua-
 dam dexteritas, sed sine vertâ institutione, vix un-
 quam perficietur: Cui fortunam suam amplissimam
 unicè debent, quos antiquitas celebravit, laudibusq;
 ad cælum evexit, sive in Judaica gente, populoq;
 Christiano, sive inter Græcos & Romanos. Ut con-
 tra seq; suos graviter affligerunt, quibus illa defuit; et-
 iam si de naturæ bonitate nihil haberent, quod conse-
 querentur. Prudenter Nicias roganti eundem, *qui-
 bus artibus & quâ industriâ talis vir evasisset ac tan-
 tus?* *Natura*, inquit, *bonum industria ipse juvit!*
 C. Octavius (qui per adoptionem & dignitatem
 postea C. Julii Cæsaris, Octaviani Augusti nomen ac-
 cepit; ut scribit *Nic. Damasc. in Exc. Peir. p. 472.*)
 potentiâ cunctos mortales ac prudentiâ supergressus,
 amplissimum omnium (qui unquam fuisse memoran-
 tur) principatum obtinuit; finesq; imperii Romani
 latissimè propagavit: Græcorum ac Barbarorum res

ita composuit, ut etiam mentes, domuisse, ac subjugasse videri potuerit; gentes, quæ ne Romanis nomine quidem notæ erant, vel pacavit, vel in amicitiam pellexit. Tùm egregia facinora uti faceret, ab institutione solâ fuit; quam nemo Romanorum fusiùs, exactiùs & jucundiùs descripsit eodem *Damasceno*: *Quem proinde civilis doctrinæ studiosis, si quem alium, commendo.* Sed cùm fortassis paucorum manibus adhuc teratur, placet, quæ huc faciunt, latinitate (quæ quidem à festinante me donari potuerunt) apponere: *Patrem Octavianus habuit C. Octavium, Senatorii ordinis virum; majores benè opulentos, & (quod rarissimum) bonam mentem inter divitias non amiserant. Sic cùm modeste haberent fortunam suam, invidiâ non laborabant. Amisso parente tutores nactus est, de quibus dici poterat: Quis custodit custodem? potuisset contra rapinas, & bonorum dissipatores in judicio agere; sed (ut erat mansueti pectoris) contentus iis, quæ reliquerant, jus illis remisit. Novem annos natus Romanis, ob indolis præstantiam, universis admirationi fuit. Quo in loco exercitatissimis Oratorum titubabat lingua, concurrebant labra sine concursu oris; sine trepidatione, avia sua, sorori Cæsaris Dictatoris parentavit. Ac dein educatus est in domo Atiæ & L. Martii Philippi, qui nomine vitricus, reipsâ pater fuit. Ibi maximam speciem faciebat futura magnitudinis & virtutis: Cùm nobilissimi adolescentes communi omnium opinione, honoribus & Reip. negotiis destinati, officii causâ eum accederent; & siue campos extra urbem obequicaret, siue intra urbem propinquos & amicos viseret,*
magnâ

magnâ frequentiâ comitarentur. Animum studiis liberalibus imbuebat, corpus exercitiis militaribus durabat; celeritate discendi, doctores ipsos antevertens. Atia mater & vitricus in hoc unicè intenti, ut quàm in amplissimam fortunam institueretur, nec in solidas curvaturas declinaretur frondens etas; querere indies ex Preceptoribus, quò vivisset, equitasset; quid egisset rei, quibus studiis impendisset diem, quibuscum versatus esset? Annum agens etatis decimum quartum in forum deductus, posita prætectâ, togam virilem sumpsi, omnium oculis in illum defixis; aliisq; vetustam generis nobilitatem, aliis virilem in adolescente virtutem, suspicientibus. Ille Diis sacrificabat, & functo L. Domitio in collegium Pontificum cooptatus est; quâ fortuna indulgentiâ nihil insolentior factus, potestati suorum adhuc sese submitit. Nam mater in illum imperio priori uti, nullam evagandi licentiam dare: Non iter illi, non excursus liberior, non cultior vestitus, non cubiculum splendidius: Ut publicè tyro, privatim sub custodia matris esset. Infecerat illo tempore juventutem Romanam libido mutandi vestitus; sed Octavius patrum nunquam posuit, externum asservit. Cùm nobilitatem commendaret forma decus, licet eam sine cura haberet; multa femina in eximiam hanc pulchritudinem cum nobilitate sociatum, furiosius insaniebant: At in tanta lascivientium multitudine tot formosissimarum insidiis petitus, nullius corruptela sese præbuit; & cùm quarundam usque ad tentandum venisset improbitas, non tam illas repulit, quàm erubuit; quasi peccasset, qui placuerat. Hoc integra mentis munimentum, hanc impol-

luti

luti corporis curam, illi circumdedit vigilantia matris. Sed non minor accessit postea C. Caesaris cura, qui eum per adoptionem in domum suam induxit: Is cum sacra faceret, frequentaret templa, theatrum ingrederetur, convivium celebraret; Octavium semper assistere, vel adfidere sibi iussit. Erat animus Caesaris, editionibus ludorum juvenem assuefacere; ut populo spectationum cupienti sese commendaret. Cumq; essent duo theatra, Romanum alterum, alterum Gracum; illius curam ipse sumisit, hujus Octavio mandavit; qui, ut industria laudem, vel obsequii gloriam sibi pararet, nimis calidè & intentè hoc egit: Spectaculis enim non nisi finitis excedebat, nihil ab astu longissimorum dierum, nihil ab aliis molestiis remissior. Ex quo studio postea morbum gravissimum contraxit. Igitur Caesar valde anxius, ne tanta indoles velut in herbâ suffocaretur, nullo non die decumbentem visitabat, animum spemq; addebat; vel (cum per negotia præsens esse non posset) amicos mittebat, nec medicos discedere patiebatur. Fortè prandenti nunciabatur, adolescentem deliquium pati, & valde periclitari: Quo nimium quantum perculsus, & ut erat discalceatus, è lecto profiliit, & ad cubiculum egrotantis accurrit; medicos subinde sciscitatus. Locus est prolixior. Sed nos excerptimus ea, quæ curam Atiæ, Philippi, & Caesaris in educando Octavio nobis ostenderent; causasq; admirationis de incremento hujus hominis, & introductæ monarchiæ tollerent. Addit Suetonius in Octaviano cap. 8: premissum Apolloniam, ut studius vacaret. Augustum excepit Tiberius, qui Drusum, sanguinem suum, ex Hispania in Illyricum misit;

misit; ut bellorum muniis assuesceret, simulq; ad fa-
 vorem exercitus conciliandum occasiones captare
 posset. Existimabat præterea, adolescentis ad luxum
 proclivem animum in urbe corrumpi, in castris au-
 tem severiori vitæ assuefieri posse. Ut nos docet *Ta-*
citus lib. II. Ann. c. 44. §. 1. nec segnis hæc in parte *A-*
grippina *Neroni* suo rectores dedit *Afranium Burrum*
 & *Annaum Senecam*, prudentissimos viros: At contra
Britannicum, quem imperio exutum ibat, *ὡς καὶ τῶν*
τυχόντων ἡνὶα τρέφεσθαι ἐποίη, hoc est, ut quendam è
 plebeis educari jussit; ut est apud *Dion. in Exc. Peir.*
p. 677. Ac nisi aures præbuisset *Nero* susurris illis:
 Tunc hac pateris? tu hos times? non meministi te *Cæsa-*
rem esse? tibi jus in illos, non illis in te ipsum competere?
 quos refert idem *Dio dict. lib. p. 681.* Nisi *Poppææ*
 sceleratissimas illas facietas in animum demisisset, cum
 pupillum eum vocaret; qui jussis alienis obnoxius non
 modo imperii, sed etiam libertatis indigeret, ut scribit
Tac. lib. XIV. Ann. c. 1. §. 2. jam in laudatissimis Prin-
 cipibus recenseretur. Est enim nullum ad gloriam uti-
 lius instrumentum, quam rector idoneus; quem etiam
 ferus *Annibal* admisit, & cum obsequeretur ejus mo-
 nitis, tot *Coss. tantaq; legiones*, inferior numero ac viri-
 bus, interemit. *Vegetius lib. III. in Prologo.* Apage er-
 gò nationem illam aulicam, quæ apud *Tac. lib. XIV.*
Ann. c. 52. paratragædiat, finitam Principis pueri-
 tiam & robur juvenia adesse; exueret magistrum satis
 amplis doctoribus instructus majoribus suis. *Byssinæ*
 quidem hæc voces sunt, gratæ auribus; sed noxiæ ani-
 mis, & ipsi *Reip.*

Sed

Sed me prudentia *Cambyſis* in educando *Cyro* jam loſigiùs abduxit: Quamvis & *Befoldus* hoc capite, dum *Cyrum* laudatiſſimum aliàs principem nimis molliter filios educantem notavit, ad hunc ipſum excuſum nos ſtimulare videretur. Cæteras *res geſtas Cyri* quod attinet, notandum eſt, è Græcis & noſtris; primam ejus expeditionem fuiſſe contra *Aſtyagem*, alteram contra *Cræſum*, tertiam A. M. 3412. contra *Nabonidum Medum*. Et hinc incipit tempus *Monarchiæ ſecundæ Perſarum*.

Poſthæc inquit *Befoldus*: *Populo Judaico permiſit, ut ex captivitate domum reverſi, templum ac urbem Hieroſolymam inſtaurârint; ad eamq; rem ſumptum liberaliſſimè ſubminiſtrari juſſit.* De anno reditus videndus *Scaliger ad Euseb. n. 1456.* *Calviſius* rejicit in A. M. 3419. Sed aliter tùm conſtituta reſp. fuit: Nam cùm prius penes *Davidis* poſteros imperium fuiſſet, tunc *Levitæ* ſummam poteſtatem naçti ſunt, de quorum avaritia *Cunæus lib. I. de Rep. Hebr. c. 15.*

Ultimum bellum Cyro cum Scythiſ geſtum eſt; & cùm primùm magnam exercitus partem per inſidias occidiſſet, paulò poſt & ipſe circumventus, cum ducentis millibus *Perſarum* occubuit. Caput amputatum in utrem, humano ſanguine repletum, conjicitur, cum hac exprobratione crudelitatis: *Satiate ſanguine, quem ſitiſti; cujuſq; inſatiabilis ſemper fuiſti!* Ita ſuſè rem narrat *Herodotus lib. I.* breviter *Juſtinus lib. I. c. 8.* *Jornandes in Geticis c. 10.* *Ammianus lib. XXIII. p. 249.* *Lucianus in Chæronte. Diod. Sic. lib. II. c. 44.* Ubi tamen ſcribit, à *Scytharum*

tharum Regina *cruci affixum*; quod nescio an alibi legas. *Sepulchri ejus meminerunt Curtius lib. I. c. 1. §. 30. Strabo lib. XV. p. 730. & alii, quos citat Brissonius lib. I. de Regno Persarum p. 151. 152. 153.* Sed ut pleraque antiquorum regum apud Scriptores Græcos, ita quoque historia Cyri longè incertissima est. *Ctesias* quidem se prædicat omnia ab ipsis Persis accepisse: *Astyagem* (quem *Astyagam* vocat) habuisse filiam *Amymen*; cui vir *Spitamenes* fuerit, & ex eo filii, *Spitaces* & *Megabernes*. Ipsum verò *Astyagem* Cyro nullâ generis propinquitate junctum fuisse. *Astyage* victo, & in deditionem accepto, *Bactrios* accessisse Imperio *Cyri*; quod audivissent, *Astyagen* à Cyro patris loco habitum. Tum *Sacis* bellum illatum, & captum *Sacorum* regem, *Amorgen*; quem ut liberaret *Sparethra* uxor, collecto ingenti exercitu cum Cyro pugnâsse, vicisse; ac vivum cum aliis quàm plurimis cepisse: Dimissum postea *Cyrum* hac conditione, ut & ipse *Amorgen* in libertatem restitueret; quod factum: Cujus dein *Amorgæ* auxilio adjutum, *Cyrum*, *Craesum* ac *Sardes* debellâsse. *Astyagen* interea *Petisacæ*, eunuchi scelere, fame ac siti enecatam; sed deprehensâ perfidiâ, *Petisacam Amymis* filia *Astyagis*, ad supplicium à Cyro deditum. *Ultimam* expeditionem *Cyri* fuisse in *Derbices* (qui populus *Hircanis* vicinus est) sed equitatu *Persarum* in fugam conjecto, *Cyrum* ex equo decidisse; ac vulnere accepto, paulò post mortuum, & à suis in castra relatum. Hæc apud *Photium* pluribus exponit *Ctesias*; de cujus fide licet dubitet *Strabo lib. XI. p. 508.* cum ait: *Tutus esse Ho-*

mero & Hesiodo fidem adhibere, cum de Heroibus verba faciunt; quam Ctesia, Herodoto, Hellanico. Tamen nihil hîc quidem dicit à ratione alienum. At de Herodoto libenter illi subscribimus, & verbis Tac. lib. IV. Ann. c. 11. §. 6. petimus ab iis, qui historiæ student, ne Græcorum divulgata atque incredibilia avidè accepta, veris, neque in miraculum corruptis antehabeant. Profectò enim hujusmodi incredilibus & circumstantiis mirabilibus auxit Herodotus historiam Cyri.

CAPUT VI.

REGNUM CAMBYSIS.

De Cambyſis matre variantes ſententia. Provincias inter filios & privignos ut diviſerit Cyrus? Hic & Cambyſes quot annis regnârint? Expeditiones Cambyſis in Ægyptios, Ammonios, Macrobios. Clades ejusdem atrox. Crudelitas & parricidium immane. Impoſtura Magi. Valerii corruptela, & inde Ammiani error.

UT idem vult Cteſias, Cyro poſt Spitamam interfectum, Amytis, Aſtyagis filia nupſit; ut Cyrus Spitacen & Megabernen privignos haberet, & eſſet Aſtyagis gener; quem omnes Græci, eoſque ſecuti Latini nepotem fecerunt. Ex hoc conjugio natus Cambyſes, ut paulò poſt indicat Cteſias, cum ab Amyti matre admonitum ſcribit; ne calumniis Magi contra fratrem crederent. At Herodotus in Enterp.

Caffan-

Cassandanem, Pharnaspis filiam; Ægyptii Nite-
tin, Apriæ Regis filiam; ut est apud Eundem in *Tha-
lia & Athen. lib. III. Dipnos. p. 560. Diod. Sic. l. I. c. 33.*
Meroën nuncupat. *Strabo tamen lib. XVII. p. 790.*
fororne, an uxor, Meroë dicta fuerit, inter Scripto-
res non convenire dicit. Ut mores Persarum fuerunt,
qui incestis nuptiis gaudebant, utrumq; verum esse
potest.

Hunc autem CAMBYSEN Cyrus sub mor-
tis tempus Regem creavit, juniorem *Tanyoxarcen*
(quem Herodot. *Smerden*, Justinus *Mergim* nomi-
nat) *Choramnais*, *Parthis & Carmaniis*; *Spatacen* pri-
vignum *Derbicibus*, *Megabernem* *Barcanis* præfecit.
Datis quoque dextris (ut inter se; & cum Amorge,
pacem ac concordiam colerent) fidem accepit; Di-
risq; devovit illum, qui concordia vincula prima ru-
pisset. Ita loquutus, vivere desiit, tertio (ab accepto
vulnere) die, cum annos regnasset 30. Consen-
tiunt in numero hoc *Just. lib. I. c. 8. §. 14. Euseb. n. 1456.*
At *Excerpta Græca ex Scal. p. 321.* ponunt *ετηλα*, hoc
est, annos 31. At Cambyfi *Ctesias* annos tribuit 18. in
quo dissentiunt omnes alii; qui saltem 8. annos re-
gnasse volunt. Quos *Besoldus* sequitur, cum ait: *Cam-
bysen post mortem patris non diu superfuisse.* Initium
Cambyfis ponit *Calvisius* in A. M. 3421. finem in A.
M. 3428. vult enim regnasse annis non nisi 7. men-
sibus 5. Bellum Ægyptiacum, si *Ctesia* accedimus,
non tam virtute, quàm proditorum auxilio usus
confecit.

Regis Amasis cadaver ignominiosè habitum, at

PSAMENITUM, ejus successorem, in honore apud Cambysem fuisse, *Herodotus* commemorat; cum quo consentit *Diod. Sic. in Exc. Peir. p. 248.* Hic Ctesias *Amyrtæus* est. Posthæc exercitum in *Ammonium* missum arena, Austro mota, more nivis, incidens, tetexit; deinde obruit. *Herod. in Thal. Seneca lib. I. Nat. Quest. 30. Justinus lib. I. c. 9. §. 3.* Videtur hanc cladem tangere *Diod. Sic. lib. I. c. 30.* qui etiam suscepti belli mentionem facit in *Exc. Peir. p. 248.*

Par infortunium expertus est in *Æthiopice* bello: Nam cum *Æthiopes* *Macrobi* (qui habitant Africam ad Australe mare) non supinis manibus exceperint servitutem; missisq; legatis libera responsa dedissent, quæ contumeliosa Reges vocant; *Cambyse* adeò excanduit, ut non provisus com meatibus, non exploratis itineribus, per invia, per arenam traheret omnem bello utilem turbam. Sed statim intra primum iter deerant necessaria, nec quicquam subministrabat sterilis & inculta, humanoq; ignota vestigio terra. Sustinebant famem primò tenerriima frondium, & cacumina arborum; tum cordylla igne molita, & quicquid necessitas cibum fecerat: postquam inter arenas radices quoque & herbæ defecerant, apparuitq; inops etiam animalium solitudo; decimum quemq; sortiti, alimentum habuerunt, fame satius. Agebat adhuc ira Regem præcipitem, cum partem exercitus amisisset, partem comedisset. Donec timuit, ne & ipse vocaretur ad sortem; tunc demum signum receptui dedit, ut ex *Herodoti Thalia* eleganter refert *Seneca lib. III. de Ira c. 20.* Nec mirum, tot adversa fuisse tyranno,

tyranno, omnium crudelissimo; & ut *Diodor.* ap-
pellat, φύσις μανικῶ καὶ ἀνδρακεκίνητος πῆς λογισμοῖς;
hoc est, naturâ furioso & mente capio.

Qui à Prexaspe admonitus, ut parcius biberet,
vino gravis filium ejus procedere ultra limen jussit, &
allevatâ super caput sinistrâ manu stare; tùm intendens
arcum; cor adolescentis fixit; recisoq; pectore, hæ-
rens in ipso corde spiculum ostendit patri; an satis
certam haberet manum, cùm ebrius esset, interro-
gans. Ut est apud *Herodotum* & *Senecam d. l. c. 14.*
Qui fratrem immani scelere sustulit; quod quâ ratio-
ne factum sit, exponit *Ctesias*.

Tandem dignum etiam vitæ exitum sortitus,
cùm *Babylone* parvum lignum cultro poliens, quò
tempus falleret, femoris musculum percussisset; ut
scribit idem *Ctesias*: Alii aliter. Vide, quos citat *Ber-
neggerus ad Just. lib. I. c. 9. §. 18.*

Mortuo Cambyse, MAGUS (cujus operâ
Cambyses in interficiendo fratre usus erat, adjuvan-
tibus *Artosyrâ* & *Bagapate*) regnum occupavit; eò
(cùm *Tanyoxarcæ*, vel *Smerdi*, Cambysis fratri simil-
limus esset) se illum ipsum esse mentitus est. Ita idem
Ctesias; à quo rursus alii diversi sunt, qui duos *Magos*,
hoc est; *Magum* illum (de quo *Ctesias*) ejusq; fra-
trem, *Oropasten*, regnum Persarum occupâsse volunt
Just. lib. I. c. 9. & alii, quos ibidem citat *Berneggerus*:
At *Val. Max. lib. IX. c. 2. ex. 6. ext.* septem comme-
morat; sed cujus locum feliciter restituit *Rutgersius*
Var. Lect. lib. I. c. 8: Nequem ex conjuratione septem;
quæ *Magos* oppresserant cum eo. *Valerii* corruptam le-

ctionē secut⁹ est improvidē *Ammianus l. XXIII. p. 233.*
 Nam alium, præter Valeriū, Scriptorem in animo habuisse, vix credibile mihi est. Observârunt & alibi nonnulli viri docti, quæ ex *Valerio* hausta sunt; ut illud, de *umbraculis theatralibus. Vales. ad Amm. p. 27.*

REGNUM DARIÏ.

Magi cædes. Valerius emendatus. Darii uxores. Herodotus è Iustino explicatur. De tributo Persarum. Darii infelices contra Scythas & Athenienses expeditiones. Freinsheimii lapsus in emendando Curtio.

CÆterum ut rarum est magnorum scelerum secretum, sic imposturâ Magi animadversâ, septem principes conspiravere. *Otiophas, Idernes, Norradabates, Mardonius, Barises, Artaphernes, & Darius, Hytaspis filius; sic Ctesias eos nominat. At Herodoto sunt Otanes, Intaphernes, Gobryas, Megabyzus, Aspathines, Hydarnes, & Darius. Hi, Bagapata operâ, in regias ædes ingressi, dormientem cum Babylonia pellice Magum offendunt; quos ille cum videt, omni alio telo destitutus, sedile tortē aureum confregit; ejusq; arrepto pede, pugnare cœpit. Frustrâ: Nam à septem Principibus confossus occubuit, septimo regni aditi mense; sicut idem refert Ctesias, Aliter Herodotus in Thalia, Justinus lib. I. c. 9. Dies, quo interfectus, posteritati sacer, & Magophonia dictus est. Meminit præter Herodotum Agathias lib. II. Incidit autem in A. M. 3429. secundum Calvisium.
 Ergo*

Ergò hòc quoque successit DARIUS, Hytaspis filius, Arsamis nepos, Ariamnis pronepos, Theispei abnepos, *hinnituequs Rex factus*; ut notum est è *Just. lib. I. c. 10. Val. Max. lib. VII. c. 3.* Cujus locum (in quo restituendo frustra defudârunt *Lipsius, Celerus & Scheccius*) sic adolescentes emendavimus, applaudente Cl. Virdugo: *Sordida Magorum dominatione oppressa, Darius, sex adjutoribus, ejusdem dignitatis assumptis.* Quod idem in mentem venisse *Cassaro Gevartio* lib. I. Elect. c. 1. postea observavimus. Meminerunt ejusdem rei *Themistius Orat. III. in laudem Joviani p. 55. Amm. Marc. lib. XXXIII. p. 253.* (ubi tamen Darii patrem Regem vocat per errorem) *Oppianus lib. I. de Venat. vers. 234. & 235. Maximus Tyrus Dissert. XIX.* Regnum adeptus, nuptiis id stabilendum censens, *Atossam & Aristonam*, Cyri filias, *Parmin Smerdis, & Phadimam* Otanis duxit, ut refert *Herodotus.*

Primus *Persis tributum* indixit, postquam totum imperium in *Satrapias* diviserat; prudenter animadvertens, neque quietem gentium sine armis, neque arma sine stipendiis, neque stipendia sine tributis haberi posse; quod est apud *Herodotum.* At *Strabo lib. XV. p. 735.* nescio quem auctorem secutus, *Darium Longimanum* appellat; qui tributum Persis primus imposuerat. Cum his pugnare videtur *Just. lib. I. c. 9. §. 12.* Igitur Magi, ad favorem populi conciliandum, tributa & militiæ vacationem in triennium permittunt. Ergò jam ante *Darium Hytaspis & quidem sub Cambyse tributarii Persæ.* Sed dicendum, revo-

câsse Darium videri antiquum institutum; non introduxisse novum.

Res bellicas Darii quod attinet, primùm *Babylonios* rebelles, operâ *Zopyri*, ad obsequium redegit. Quod factum, juxta *Calvisium*, A. M. 3432. Historiam narrant *Herod. lib. III. Plutarch. in Apophth. Regum. Just. lib. I. c. 10.* Sed expeditiones maximè fuerunt memorabiles *Scythica & Græca*. Priorem suscepit (si eundem Chronologum sequimur) A. M. 3439. Sed vix ingressus erat *Scythiam*, & trepidus refugit, amissis octoginta millibus hominum. Præcipua tamen virtus *Galactophagorum* extitit, quibus victus solo *equarum lacte* contitit, ut apud *Stobæum* commemorat *Niccl. Damascenus*. Idem bellum exponit *Ctesias*, & regem quidem *Scytharcen* nominat, quem *Just. lib. II. c. 5.* *Jancyrum*, *Herodotus* *Indathyrsum*. Utrumque tamen emendandum censet *Salmasius ad Solinum p. 846.* De hujus ipsius Regis laudibus multa in ejus vitâ scripsit *Chrysippus*; ut *Casanbonus* observat ad *Strabonem. lib. VII. p. 136.* In reditu occupavit *Asiam, Thraciam & Macedoniam*; qua de re videndus *Just. lib. II. c. 5. & lib. VII. c. 3.* Plures terras, insulas & urbes ab eodem subjugatas recenset *Herod. lib. V.* Postremâ expeditione adversus *Athenienses*, & prælio in campis *Marathonis* depugnato, & *Cynægiri* virtute nihil decantatius. Belli concitor *Hippias*, *Pisistrati* filius, *Athenis* pulsus in eodem cecidit. *Cic. lib. IX. ad Att. ep. 20. Thucydides lib. VI. Eustathius ad Odyss. Tertull. adversus Gentes.* Ceciderunt etiam 20000. Persarum, cùm *Miltiades*, *Athenien-*
sium

sum Dux, non nisi 10000. sub signis haberet, *Iust. lib. II. c. 9.* Scripserunt & alii de hoc bello quàm plures, quos citatos leges apud *Bernegg. ad d. Iust. l. & addes Sulpitium Severum in Hist. Sac. Max. Tyrium Dissert. XIV. Euseb. in Chron. Eurt. lib. IV. c. 1.* cujus locum parùm feliciter tentavit *Freinshemius*. Vulgò legitur: *Rex Alexander Dario. Celes, cujus nomen sumpsit Darius &c. cum magno exercitu mare trajecit.* Quæ omnia sana & plana, ut fusiùs ostendi *lib. II. Animadvers. c. 1.* ad has lectorem remitto. Paulò pòst Darius, cum bellum restauraret, in ipso apparatu decedit, hoc est, secundùm *Calvisium*, A.M. 3464.

REGNUM XERXIS.

Lis in successione regni inter primogenitum, qui patre privato; & inter secundum genitum, qui patre rege natus est. Xerxis numerosissimus exercitus & vanitas. Quot annorum fuerit apparatus ejus bellicus? Historia pugna Platæensis maximè memorabilis, parùm prudenter omissa. Tempora cur Xerxes demoliri jusserit?

REliquerat *Darius* ex *Gobryæ* filia (quam ante regnum duxerat) *Artabazanem*; ut scribit *Herod. lib. VII.* Et ex *Atossa*, *Cyri* filia (quam Rex factus in matrimonium recepit) *Xerxem*. Hinc orta controversia, utri regnum deberetur? quam exponit *Iust. lib. II. c. 10.* Cui similem litem exortam in *Germania* nostra, post mortem *Heinrici Aucupis*,

notat *Brunerus lib. VII. Ann. p. 432. è Sigeberto*. Nam cum is *Ottonem* filium successorem sibi nominasset, *Henricus* alter se se præferendum putabat; quòd *Otto* ante susceptum à patre regnum editus esset. Sed ut Aucupis judicio accesserunt *Moguntinus, Colonien-sis, Trevirensisq³*, Antistites; *Eberhardus Francus, Herimannus Suevus, Arnulphus Bojus*. Et quamvis postea bellum civile conflatum esset, tamen *infelices Henrici* ultimis calamitatibus expiatum est: Ita, quamvis secundum *Xerxen* pronunciârit *Artaphernes* patruus, tamen recusant ejus judicio subscribere; qui jus & civilem doctrinam hodiè profitentur. Consultendi sunt *Hugo Grotius lib. II. de J. B. & P. cap. 7. §. 28. Et notis ad illum locum Hotom. illustri Quaest. II. Arniseus lib. II. cap. 2. sect. 3. Morellus ad lib. V. Sylv. Statii. p. 192. 193. Greg. Tolet. lib. VII. de Rep. cap. 9.*

Porro regnum adeptus *Xerxes, Ægyptios rebellantes* feliciter aggressus est; sed è *Scythia* saltem irritus & contemptus rediit; quamvis tantas copias eduxisset, quæ non tantum *Scythis*, sed etiam toti terrarum orbi bellum illaturæ viderentur. Tum de bello, *Græcis* inferendo, cogitabat; & concitatis contra *Siculos Græcos* *Carthaginensibus*, ipse *septingenta millia* de regno armavit, & *trecenta millia* de auxiliis; ut auctor est *Justinus lib. II. cap. 10. §. 18. Quamvis alii dissentiant, qua de re videndi, quos citat Bongarsius apud Bernegg. in notis ad istum locum.*

Tàm stolidus verò *Xerxis insolentia* fuit, ut velut naturæ dominus, *Hellespontum* ponte jungeret; mari
com-

compedes & stigmata, cœlo tenebras minitaretur; montem *Athon* (quem monachis habitatum hodiè, montem *sanctum* appellant) qua continenti adhæret, perfoderet. *Herod. l. b. VII. Just. d. l. Himmerius ap. Photium Cod. CCXLII. In Orat. milit. Seneca lib. VI. de Const. Sap. c. 14. Val. Max. lib. III. c. 2. ex. 13. Suet. in Cal. c. 19. Curt. lib. V. c. 7. §. 8. Senec. Suasor. II. Plutarchus d. l. de Fort. Alexandri. Pompon. Mela l. II. Geograph. c. 2. Solin. c. 14. Plin. lib. IV. c. 10. Themist. Orat. I. p. 21. Virg. in Culex. Juven. sat. X. & alii. Quamobrem verè de eodem Valerius lib. IX. c. 5. ex. 2. ext: Xerxes, cujus in mente superbia & impotentia inhabitat. Decem annos insumississe apparatusi suo contra Græcos, scribit Julianus Imp. Orat. I. p. 77. Sed videtur annumerâsse apparatus Darius patris; ut rectè ibidem notat Dion, Petavius p. 256. 257. Clariùs Justinus: Xerxes bellum à patre cœptum adversus Graciam, quinquennium instruxit. Nam anno regni sui sexto ineunte trajecit. Calvis. rejicit expeditionem susceptam in A. M. 3470. Quâ fortunâ pugnatum sit, jam Besoldus noster docuit tum in majore tum in minore Synopsi.*

Satis tamen mirari non possum, omisissè clarissimam pugnam, & Græcorum victoriam ad Plataas, de qua *Herod. lib. IX. Diod. Sic. lib. XI. c. 31. Plutarch. in Arist. Pausan. in Lacon. p. 166. & Bæoticis p. 545. Corn. Nepos in Arist. c. 2. §. 1. & in Pers. c. 1. Ctesias apud Photium. Strabo lib. IX. p. 412. Qui Xerxis res fusius descriptas legere avet, is adire potest è recentioribus *Petr. Bizarum lib. II. Rer. Persic.**

Posthæc Xerxes, terror anteà *Gentium*, qui putabat, Græcos ad primam adventus sui famam terga versuros; nihilq; inagis verebatur, quàm ne vacuas desertasq; urbes inveniret; deessentq;, in quibus vires suas experiri possit; acceptis gravissimis cladibus, & arreptâ miserabili fugâ, contemptior indies factus (ut in omnibus infortuniis fieri amat) tandem ab ARTABANO (qui consilium suum cum *Spamitre* eunucho communicârat) interficitur A. M. 3505. *Just. lib. III. c. 1. Diodor. Sic. d. l. c. 59. Corn. Nep. in Reg. c. 1. §. 5.*

Alioquin valdè commendatur iste Rex à *Josepho lib. XI. Antiq. cap. 5.* Ipsum ut regni, sic & paternæ pietatis hæredem fuisse; nihilq; in patris institutis circa divinum cultum mutâsse, & Judæos summâ benevolentia profecutum esse. Hinc factum arbitror, ut *Græcorum* templa passim dirui & inflammari jusserit; quod in illo Scriptores tantoperè adversantur, v. g. *Strab. lib. XIV. pag. 634. Just. lib. II. cap. 10. §. 8. 9.* Quanquam ex doctrina *Magorum*, id factum scribant alii, qui parietibus includere Deos, & in humani oris speciem assimulare, impium putabant; ut è *Cic. lib. II. de Leg. observavit Casaub. ad Strab. lib. XV. p. 256.* & è *Diog. Laërt. Hugo Grotius, notis ad lib. III. de J. B. & P. cap. 5. §. 2.* Quare eadem religio veterum *Germanorum* fuit, ut est apud *Tas. in Germ. cap. 9. §. 2.*

REGNUM

ARTAXERXIS LONGI-
MANI.

De Themistoclis fuga diversa sententia. Conciliatoria Petavii. Contra Besoldum & alios ostenditur, Ahasverum esse Xerxem. Darius Nothus is, qui Judæis permisit templum Hierosolymitanum insaurare. Scaliger contra Petavium defenditur, & hic non ad unum absurdum deducitur. Libri Esther, Esdræ & Nehemiæ cum profana Historia conferuntur. Artaxerxis res gesta.

ARtabano stratagemate singulari circumvento (quod refert *Iust. lib. III. c. 1.*) ARTAXERXES LONGIMANUS, à dextrâ longiore sic dictus, regnum Persarum capessit A.M. 3405. Dissentit tamen *Herodotus* in nonnullis circumstantiis. Ad hunc, inquit *Besoldus*, *Themistocles exul perfugit, ibiq; vitam finivit.* Qui verissimum dicet, qui fidem adhibebit *Thucydidi lib. I. p. 58.* ubi refert, *Themistoclem* in exilium ejectum, litteras misisse ad Regem *Artaxerxem*, *Xerxis* filium; qui nuper regnare cœperat. Idem & *Charon Lampſacenus* (qui *Xerxis* ætate vixit) memoriæ prodidit; ut est apud *Plutarch. in Themist.* Idem est apud *Cor. Nep. in Themist. c. 9. §. 1.* At, *Xerxe* adhuc vivo, *Themistoclem* in Asiam transiisse volunt *Ephorus*, *Dion*, *Clitarchus*, *Heraclides*, aliiq; quos *Diod. Sic.* sequitur. Hos conciliare studet

det *Dionys. Petavius* part. II. *Rat. Temp. lib. III. c. 10.* Statuendum duplex initium Artaxerxis Longimani, alterum, quo cum patre regnavit annis circiter 10; alterum, post ejus obitum annorum 40. Fundamentum hujus conciliationis affert ex illis *Herod. lib. VII.* ex instituto Persarum tùm demum Regem expeditioni interfuisse, cùm regni successorem declarâisset. Ex hac consuetudine, inquit, *Artaxerxes* patris collega factus; atq; ita utrumq; verum esse, quod scribunt, *Themistoclem* sub *Xerxe*, & *Artaxerxe* venisse in *Asiam*.

Addit porro *Besoldus*: *Hunc multi Ahasverum, Estheræ maritum, fuisse putant.* Sed isti *S. Scripturam* cum historia profana non benè contulerunt: Nisi bardi sumus, in libro *Esther* & *Esdrae* *Ahasverum Xerxem* esse, fatebimur; ponitur enim ante *Artaxerxem* primum, & *Darium* Nothum. *Oxyares* dicebatur adhuc privatus, quod nomen *Hebræi* vix aliter scribere potuerunt, nisi *Ahasberos*. Conveniunt cætera. Nam *Ahasverus* in libro *Esther* ab *Indiâ* ad *Æthiopiam* usq; 117. provinciis imperâsse dicitur. De Persarum potentia sub *Xerxe* *Herod. lib. VII:* *Sacas* & *Indos* & *Æthiopes* & *Assyrios*, aliasq; multas & grandes imperio nationes adjunximus. De hac ipsa potentia explicandus *Daniel*, qui quartum Regem a *Cyro* dicit ditissimum & potentissimum fore.

Præterea *Xerxis* conjux *Amestris*, ut ex *Herodoto* & *Cresia* manifestum est; quod quantillum differt à nomine Reginae *Esther*? sed istis obstat *Dionys. Petavius* d. I. qui *Ahasverum* dictum ait *Cambysem*; & *Darium*

Darium (qui templum Hierosolymitanum instaurari iussit) putat esse *Darium Hystaspis*; & *Artaxerxem* (qui *Esdrae cap. IV. §. 7.* ante *Darium* nominatur) putat esse *Pseudosmerdin*; quæ sanè mirifica explicatio est. *Pseudosmerdin*, ex annalibus Persarum expunctum, *Esdram* inter reges legitimos nominasse, quis nobis persuaserit? Sed cur hæc fingeret, causa fuit, quòd ipsi *Scaligeri assertio Animadversionibus ad Euseb. n. 1497. & lib. VI. de Emend. Temp. p. 286.* de senectute *Zorobabelis* intoleranda videretur.

Res sic habet: *Esdra* reges aliquot Persarum nominat, *cap. IV. Cyrum*, ex cujus edicto *Zorobabele* duce, populus in *Judæam* redierit, nec non *Josue* filio *Jozedec*, summo Pontifice templi fundamenta posita sint: *Ahasverum*, quo regnante, *Judæis* obtrectârint inimici; & absolvendi operis spem eripuerint: *Artaxerxem*, qui calumniis adversariorum motus, iisdem *Judæis* urbis instaurationem interdixerit: *Darium*, cujus anno secundo, *Haggeo* & *Zachariâ* Prophetis hortantibus, *Zorobabel*, & *Josua* intermissam templi molitionem repetierint: *Artaxerxem II.* cujus anno septimo *Esdra* com meatu à Rege dato *Babylone* profectus sit. Quærebam, quis ille *Darius* sit, cujus indultu templum absolutum fuerit? Respondet *Scaliger*, *Darium* *Nothum* esse. Oportet igitur, inquit *Petavius*, *Zorobabelem* ut minimum annos 140. vixisse. Nam ab anno primo *Cyri* *Babylone* regnantis (quo *Zorobabel*, jussu *Cyri*, *Judæos* reduxit) ad initium *Darii Nothi* sunt anni 114. Hoc unum erat, quod *Petavius* concoquere

non potuit: Igitur eam sententiam delegit, quæ multis modis deterior est. Quòd si enim is, qui templum Hierosolymitanum *instaurari* permisit, *Darius Hystaspis* est, ut *Petavius* voluit; quì fieri potuit, ut nemo de *edicto Cyri* (quo in *libertatem Judæi* restituebantur) scire sese profiteretur? *Darius* jubet bibliothecas & archivorum forulos diligenter excuti, qui tamen *Cyri coeanens* fuit: Nam *Darius Hystaspis*, vivo adhuc *Cyro*, unus è principibus Persarum. Opus erat, ut *Nehemias* in genealogias eorum inquireret, qui cum *Zorobabele* redierunt; & tamen *Darii Hystaspis* ævo pleriq; supererant, qui de genere suo interrogati respondere poterant. Quo quid absurdius esse potest?

Nos qui legimus, *Darium Cyri* commentarios, scrinia memoriæ, & epistolarum requisivisse; *Nehemiæ* quoque necessariam fuisse genealogiarum inquisitionem, omninò cum *Scaligero* concludimus, rem satis *vetustam* fuisse *edictum Cyri*; cùm *Darius* de *instauracione templi* rogaretur: neque *Darium Hystaspis*, *Cyro* σύγγενον, sed *Darium Nothum* Judæis iterum permisisse, ut templum suum exstruerent. Taceo alia.

Sed tantoperè movet *Petavium* longævitas *Zorobabelis*: Videbimus igitur, an non eadem inconvenientia oriatur ex ipsius interpretatione? Ait *Darium Esdra* IV. §. 6. *Darium Hystaspis* esse; *Artaxerxem Esdra* VII. *Artaxerxem Longimanum*. Etgò secundum illius sententiam *Nehemias* in *Judæam* venit anno *Artaxerxis Longimani* 20, hoc est,

A. M.

A. M. 3505. Vixit autem temporibus Nehemia præfectus Syriæ & Samaritanorum, *Saneballat*, vir magnæ auctoritatis: Unde de ejus ætate conjectura fieri potest, fuisse tùm hominem virilis ætatis. At hic Saneballat Alexandum M. *Tyrum* oppugnantem, strenuè juvit; & paulò pòst in castris ejusdem in obsidione *Gazæ* mortuus est; ut scribit *Josephus lib. XII. Antiq. c. 8.* Rursus *Tyrus* expugnata est A. M. 3618. Ergò Saneballat ut minimum 140. annos vixit.

Ita cùm nihil melius afferat *Petavius*, sequor ego *Scaligerum*; nec tantoperè miror *longævitatem Zorobabelis*. Ecquis enim in historia sacra tàm hospes, ut ignoret *vivacium exempla*? Insultum est, ad nostrum ævum tantà adseveratione & pertinaciâ Judaica & Orientalia exigere.

Ut intelligatur, de quibus regibus capiamus *Danielem* & *Esdræ*, adscribo Regibus Persarum, ut à Græcis nominantur, S. Scripturæ loca, hoc modo:

Cyrus. Dan. XII. §. 2.

Cambyses. Dan. XII. §. 2.

Darius Hyaspis. Dan. XII. §. 2.

Xerxes. Dan. XII. §. 2. *Esdræ* IV. §. 6. & lib. *Esth.*

Artaxerxes Longimanus. *Esdræ* IV. §. 7.

Darius Nothus. *Esdræ* IV. §. 24. & V.

Artaxerxes Mnemon. *Esdræ* VII. *Nehemiæ* I.

Ochus, cujus successor

Darius Codomanus. *Nehem.* XII. §. 22.

Nunc ad *Artaxerxem* nostrum *Longimanum*: Est autem is, qui A. M. 3490. *Ægyptum* rebellem rursus pacavit, ejectis Atheniensibus. *Diod. Sic. lib. XI. c. 67.*

Pacem

Pacem cum *Cimone* fecit A. M. 3501. Idem lib. XII. c. 24. Moritur A. M. 3526. Sub hoc ipso exortum est illud bellum celeberrimum *Peloponnesiacum*, octo libris à *Thucydide* comprehensum; de quo & *Plutarch. in Pericl. Diod. lib. XII. & Scholiastes Aristoph. in Eighm.*

REGNUM XERXIS II. SOGDIANI DARIi NOTHI, ARTAXERXIS MNEMONIS, ET OCHI.

Duo Reges omitti in Bésoldo. Darius Artaxerxis Longimani filius. Sphalma apud Bizarum: Darii Nothi, ejusdemq. nepotis, Ochi, Artaxerxis, immanis crudelitas.

Duos reges omisit Bésoldus in Synopli minore: XERXEM II. & SOGDIANUM, quod idem fecit Cl. Ptolomeus in Canon. quem publicavit Scal. lib. II. Can. Isag. p. 134. Sed auctiorem & emendatiorem Calvisius Introduc. Chronolog. cap. 11. è M. S. Overalli, & Petavius Rat. Temp. part. II. lib. IV. sub finem, è bibiotheca Regis Christianissimi. Nihilominus eos habemus apud Euseb. in Chron. lib. I. p. 31. & lib. II. n. 1592. Et Xerxi quidem duos, Sogdiano septem menses tribuit. At Diod. Sic. lib. XII. c. 64. Xerxem unum annum regnasse vult. In Sogdiani mensibus consentit l. d. c. 71. Sed Ctesias apud Photium non nisi sex menses, quindecim dies Sogdianum regnasse dicit.

Xerxem,

Xerxem, Artaxerxis Longimani legitimum filium fuisse, è *Damaspia* conjugè, scribit idem *Ctesius*. Adde *Exc. Græca Scaligeri* p. 401, in quibus legitur: *Xerxes filius Artaxerxis* (regnat) *mensēs duos*. *Sogdianus* eidem frater, sed natus ex *Alogune*, *Babyloniâ pellice*; ut ibidem adjicit *Ctesias*; qui *Secyndianum* vocat. *Pausan. lib. VI. p. 353*. *Hogæum* (ita *Sogdianum* appellat) legitimum *Artaxerxis* filium facit: Sed *Ctesia* major apud nos fides.

Hic cùm *Xerxem* fratrem, in regiâ dormientem, interfecisset, regnum invasit; sed parricidam exosi *Perse*, cidarium imponere *DARIO*; qui privatus *Ochi* nomen tulit. *Sogdianus* paulò pòst captus miserè interficitur. *Darium regis filium* fuisse, indicat fœdus inter ipsum & *Lacedamonios*; cujus verba hæc sunt apud *Thucyd.* p. 373: *Quæ regiones, quæq; urbes sub imperio sunt regis Daris; aut patris ipsius, majorumve fuerunt; eas sive belli inferendi, sive alio modo nocendi causâ Lacedamonii eorumq; sociis adeundi jus ne esto!* Et *Just. lib. V. c. 1. §. 7*: *Darius rex Persarum* (loquor de *Notho*) memor paterni avitiq; in hanc (*Atheniensem*) urbem odii, factâ cum *Lacedamonii* per *Tissafernem*, præfectum *Lydiæ*, societate, omnem summum belli pollicetur. Sed clarè *Ctesias* & *Pausanias* *Artaxerxis Longimani* filium è *pelluce* faciunt; & *Ctesias* quidem *Martiderem* illam nominat: Hinc ab omnibus ferè *Scriptoribus* *Darius Nothus* cognominatur.

Ridiculè apud *Pet. Bizarum lib. II. Rer. Persic.* p. 58. legitur: *Darium fuisse Artaxerxis ex Pellaca filium.*

filium. Quasi *Pellaca* nomen proprium sit? At cum in Græco Pausania sit: Δαείδ' Ἀγλαζένης παῖς υἱός, *Romulus Amasæus* rectè vertit: *Darius Artaxerxis expellacai*. i. e. ex concubina filius. Saltem igitur appellativum est apud interpretem. Quod monendum duxi, ne quis Bizarum legens, in errorem abriperetur: Etenim ex minutis etiam graviores hallucinationes oriuntur.

Hujus Darii anno secundo spes certa instaurandi templi Hierosolymitani Judæis affulsit, ut jam satis diximus; & cum initium Darii *Calvisius* posuisset in A. M. 3527. prophetiam *Haggei* collocat in A. M. 3528.

Fuit aliquando Darius homo crudelis, ut ex *Ctesia* & *Ovidio in Ibin v. 315.* colligere est; ut *Valerius Maximus* (qui *Valerius Maximus* lib. IX. cap. 2. ex. 6. ext. Dario *Hystaspis* eam crudelitatis notam impingit) jure notatus sit à *Freinshemio ad Curt. lib. VI. cap. 8. §. 16.*

Fato functus est A. M. 3546. & successit filius ARTAXERXIS MNEMON, ante regnum susceptum *Arsaces* dictus. Natus erat à *Parysaide*; quemadmodum & *Cyrus* & *Ostanes* & *Oxyathres*; ut scribit *Plutarchus*, qui res Artaxerxis hujus integro libro executus est. Bellum gessit cum fratre *Cyro* A. M. 3549. quod præter *Plutarchum* describit etiam fuscè *Xenoph. in libb. VII. de Exped. Cyri.* Breviter *Diod. Sic. lib. XIV. c. 20. Just. lib. V. c. 11. Oros. lib. II. cap. 78.* De eodem bello superest narratio *Ctesie*, à *Photio* in compendium redacta; qui *Scriptor* hoc ipso bello captus ab *Artaxerxe*, medicinam posuit in Persia fecit; & Regem à fratre vulneratum sanavit. Diu

Diu posthæc *Artaxerxes* Persis imperavit; sed cum tandem *Darium filium* Regem fecisset, isq; interficiendi patris consilium cepisset; pater, licet oppresso juvene, tamen ex ægitudine animi moritur A. M. 3589. & succedit *OCHUS*, *Artaxerxis* filius; qui savitia & atrocitate (ut *Plutarchus* ait) omnes superavit, regiam cognatorum cæde & strage principum replevit. *Iust. lib. X. c. 3.* Ochum, sororem, atque eandem socrum, vivam capite defodit; & patruum cum centum & amplius filiis ac nepotibus eodem die interemit. *Vat. Max. lib. IX. c. 2. ex. 7. cxi.* Tandem ab eunucho Bagoa veneno tollitur. *Diod. lib. XVII. cap. 5.* Cadaver ejus idem Bagoas felibus objecit; & ossa quædam exprobrandæ crudelitati in manubria gladiorum convertit. *Ælianus lib. VI. Var. Hist. cap. 8.* quod factum A. M. 3614.

CAPUT VII.

Artes Rex Persarum post Ochum. *Darii* Comadomani genus. Ejusdem luxus. Imperii Persici ruina, & cades *Darii*, post tres ingentes pugnas ad *Granicum*, *Iffum*, & *Gausamela*.

D*arius* (inquit *Besoldus* in hac Synopsi minore) postremus Persia Imperator, hunc (sc. Ochum) excepit. Sed præterit *ARSEN*, Ochi *Artaxerxis* filium, quem Bagoas pro patre Regem constituit, rursusq; sustulit, quod ob eandem paternum supplicium eliminaretur. *Diod. Sic. lib. XVII. c. 5.* Me-

minerunt hujusdem Arsis *Arrian. lib. II.* (ubi Darius in literis ad Alexandrum M. conqueritur, injustè illum laceffitum fuisse à Philippo) & *Euseb. n. 1677.* qui tribuit illi 4. annos, secutus *Africanum.* Vide *Scal. d. l.*

Ultimum è Darii Hytaspis domo facit *Strabo lib. XV. p. 736.* sed corruptè Narsen vocat; verba ejus sunt : *Septem verò Persæ, qui Magos interemerunt, Dario, Hytaspis filio, imperium tradidèrunt; ejus successores in Narse defecerunt : quem cum Bagoas eunuchus interfecisset, Darium Regem fecit, non oriundum è stirpe regiâ.*

Sed & Plutarchus *Darium* (ut ad illum jam progrediamur) ante regnum, saltem *Astantem*, hoc est, *Tabellarium*, seu *Veredarium*, fuisse scribit. Consulendus *Raderus ad Curt. lib. III. c. 3. §. 3.* At *Diodoro Sic. lib. XVII. c. 15.* à gente regia non alienus est; *Arsumum* enim Darii Codomani patrem, Artaxerxis Mnemonis filium facit, quem secutus est Besoldus in Synopsi majore; vel certè recentiores, qui ex *Diodoro* Regis hujus genealogiam concinnârunt.

Freinsh. in Supplem. Curt. lib. II. c. 1. §. 2. Darii patrem *Aršanem*, avum *Ostanem*, proavum *Darium Nothum* asserit; sed hoc mihi nunquam observatum in antiquis Scriptoribus, præsertim illis, quos in margine citavit. Quicquid sit, bello adversus *Cadusios* gesto magnam virtutis opinionem sibi pepererat; ut est apud *Just. lib. X. 3. §. 3. Diod. Sic. lib. XVII. c. 6.*

Cæterum regnum adeptus, luxum ante virtutem habuisse videtur, more totius gentis, quæ olim rudis ad voluptates, pro libertate & gloriâ animosè pugnavit;

pugnavit; sed auctis opibus, delitiis & molliæ fractâ effeminatâq; fortunæ ruentis impetum, non sustinuit. *Livius lib. IX. c. 17.* describit mulierum & spadonum agmen trahentem, inter purpuram atque aurum, oneratum fortunæ suæ apparatus, prædam veriùs quàm hostem. Conferendus *Curt. lib. III. c. 3.* ubi refert decem & quinque millia hominum (quos *cognatos Regis* appellabant) secum in bellum traxisse; turmam muliebriter vestitam, luxu magis quàm decoris armis conspicuam: Pecuniam Regis simul adjectam à 600. mulis, & 300. camelis. Unde nihil miror, si Macedonum acies tantum regnum destruxit, quæ longè dispari facie, equis vitisq; non auro, non discolori veste; sed ferro & ære, fulgebat.

Tribus præliis Persæ debellati sunt, è quibus primum commissum est in Adrastris campis, ad Granicum fluvium, A. M. 3616. Just. lib. XI. c. 6. Diod. Sic. lib. XVII. c. 19. Plutarch. in Alex. p. 672. 673. Arrian. lib. I. Cæsa in eo prælio Persarum 25000. peditum, 2000. equitum; captorum par ferè numerus. Alexander non tantum eos, qui è suis ceciderant, sed & Persarum Duces & Græcos, qui hostibus meruerunt, sepulturæ tradidit; illos magnificè, hos piè. *Arrian. d. l. i.*

Alicrum prælium A. M. 3617. ad Issum, Ciliciæ urbem, depugnatum est; & è Persis ceciderunt centum decem millia: Captæ verò multæ Darii charitates, mater, soror, filius Ochus, ac duæ filiæ. Diod. d. lib. XVII. c. 32. Curt. lib. III. c. 11. Just. lib. XI. c. 9. Plutarch. in Alex. p. 675. Amm. Marc. lib. XXVI. p. 327. Herod. lib. III. Arrianus lib. II. Cic. lib. II. Fam. ep. 10.

Tertium A. M. 3619. in *Gausamelis*, sive ad *Arbela*, sive ad *Ninum*; de quâ sententiarum diversitate consulendus *Freinsb. ad Curt. lib. IV. c. 9. §. 8. Bernegg. ad Justin. lib. XI. c. 14. §. 1.* Hoc prælio Alexander Asiæ imperium rapuit, ut ait *Just. d. l. §. 6.* Sed Darius sequenti demum anno, Bessi perfidiâ, compedibus aureis vincitur, & jaculis conficitur. *Casaub. ad Theophrasti Charact. p. 201.* Varietas (ut est in proverbio) delectat! & cum metuum, ne antiquior historia plus fastidii, quàm delectationis, in quorundam animis faciat; placet *declamatiunculam* interponere. Rem acceptissimam præstabo iis, qui eloquentiam amant; mihiq; simul faciam satis, dum hâc occasione promo, quod sæpissimè volui. Nôltis, alieni laboris sarcinam injectam humeris meis; sed dubito, quicquamne utilis sit, veteri declamandi ratione, quàm superiori seculo revocatum ivit *Aonius Palearius*; sic enim ad eum *Andreas Alciatus* scribit: *Plurimum delector, quòd veterem declamandi rationem in præsentem usque revocas, & ob superioris ætatis incuriam (ne infantiam dicam) obstructam controversiarum apud Rhetores riam aperis, reddusq; facillimam. Quæ res non solùm ad comparandam dicendi facultatem pertinet, sed & nobis Jurisconsultis admodum utilis est. Paucissimi quidem ex humaniorum studiorum Professoribus hoc præstare possunt: Quod si qui possunt, ad jurisprudentiam, quæ uberiores fructus parit, transire maluerunt; quàm inter pueros fidei thematis consensescere. Unde factum, ut pulcherrima doctrina exercitatio inierit. Hæc ille.* Cujus viri auctoritatem secuti mihi videntur, quicumq;

quicumque nostro & superiore seculo eloquentiæ laudem sibi pepererunt. Ut verò sciatis, quæ declamandi ratio fuerit, remitto vos ad *Marcum Senecam* patrem, *Quintilianum* & *Libanium Sophistam*; sed quem priores à tergò quàm longissimè relinquunt. Nostro ævò declamationum hujusmodi *par* scripsit *Daniel Heinsius*; quarum in priore fingitur: *Quid Pub. Scipio Africanus dixerit, cum in Africam trajectisset.* Et posteriore: *Quid Euphorion dixerit, cum Callimahum filium suum, prælio Marathonico, stantem expirasse, audivisset.* Nunc ut juventuti exemplò fere simili præcamus, ad iter illud, quod præcipue ducit ad eloquentiam; ex historiâ, quam per hanc septimanam tractavimus, declamatorum more in Bessi facinus sic invehimur.

DECLAMATIUNCULA IN BESSUM.

Regni Persici fundamentum erat, *unum imperare, ceteros omnes obsequi*; & ad servitutis opprobrium. Nemo ex animi sententiâ consiliû dabat; quòd reverentiam Regiæ majestati debitam, libertas oblivisci videretur. Fuerunt, qui flagellis ad multum sanguinem cæsi, pro injuriâ, tanquam beneficiò, gratias agerent. Quòd enim parenti patriæ, & Numini, pòst Solem, maximo, adhuc in memoriâ sint, hinc se percipere credebant, & lætabantur; sed nondum intelligis, quid in servitute Persicâ postremum fuerit. Majus est, quòd *Praxaspes*, purpuratorum Princeps, ob conceptum alioqui impetum, & salutaris consilii confidentiam, spectare coactus est, filium sagittâ peti; nec

L iiij spectare

spectare tantum, sed (fidem veram, ô superi!) laudare ferientis tyranni manum. Hæreditaria illa ferocia *Cambyſi* fuit, siquid Græcorum narrationibus damus. Nam *Aſtyages*, proavus *Harpago* in cœnâ filium epulandum apposuerat; & iste non tam linguam in officiô, quàm vultum in colore pristino retinuit. Minus adhuc dixi: Veritus, ne doloris magnitudinem parùm artificiosè tegens, in reliquias suæ domus immanissimum carnificem immitteret; deprædicavit etiam apparatus & suavitatem cœnæ. Nunc tu mihi considera mutatas rerum vices! *Bagoas* (mancipiorum omnium postremus, & quod indignissimum, *femivir*) oblitus, Regum capitibus divinam quandam & inviolabilem majestatem, suo verò collo jugum congenitum; nec veritus ultorem, quisquis succedit in Regem, & auctorem potentiae suæ, sceleratissimum facinus non tantum concipit; sed exequitur. Cùm infimæ sortis homuncio regnum sibi vindicare non posset, sui beneficii facit. Cæterum non ibi consistunt exempla, ubi cæperunt; & qui magnum scelus patrauit, vix unquam solus fuit. Uti prima via malum parturientibus ardua & impedita sunt; ita semel introducto non desunt levissimi, qui frequenter exerceant. En Darii flebile cadaver in proximo! an non Regi potentissimo perniciem maturavit interfecti Regis exemplum? *Bagoam* evexit *Ochus*, *Bessus* Darius. Uterque beneficii sui parem gratiam tulit, & in *Besso* revixit *Bagoas*. Jam fortuna Darii domum insigniter attriverat; cæsæ totô Oriente Persarum copiae; intimare regni Macedonibus referata; capta cum infinitis

in finitis thesauris *Persepolis*; nec quicquam victori ultra metuendum, nisi quod Darius viveret. Hâc eum molestiâ quis existimaret sic liberandum? Darius, hostibus expeditissimis & Alexandro, quid? nisi vel Herculi, vel ipsi Marti obductus & subductus, licet in extremis regni; sui tamen, & à suô primùm vincitur, deinde configitur. O prodigium! ô hominem! ô furiam! *Itâne telum, nec animum ad memoriam tot beneficiorum hebetari? nec aliam victimam, quàm Regem, quàm Patriæ patrem; quàm illum, etiam sceleratissimorum sicariorum opinione, participem fiderrum, fratrem Solis ac Luna, crudelitati & ambitioni mactari potuisse?* Bessus Satraparum princeps erat: Bessus Bactrianis præfectus erat. Certè nullam injuriam acceperat, nisi quod Darius nimis debitis onerârat; quæ Bessum & vivere & mori illi obnoxium cogerent. *Tot beneficiorum vincula nefariô telô abruptis; & nomina, quæ expedire non potuit, sanguine regio obruit ac delevit.* Debebat Rex fortunæ atrocissimam pœnam, cujus blanditiis irretitus, jugum totâ cervice recepit: Debebat imprudentiæ suæ, quod contra majorum artes nimium benignus in servos, nullam ultra crescendi spem reliquit, nisi qua Regem peteret. Sed non potuit hoc victoriæ compendium placere Alexandro; qui monarchiæ suæ munimentum ratus, si parricidarum supplicio, quantumvis inimici Regis manibus parentaret. Bessus captum Oxyathri excrucandum tradidit; nec dilata pœna, &

QUI. DIADEMA. SPERARAT.
 SCELERIS. PRETIUM.
 CRUCEM. TULIT.

Hunc

Hunc infami ligno dignum titulum arbitramur ; & Darii monumento ultimum, quod Polystratus excepit, suspirium, merito inscribimus :

VIVEREM. DARIUS. CODOMANUS.
PERSARUM. REX.
NI SERVUS. BENEFICIO. MEO.
NIMIS. LAUTE. VIXISSET.

CAPUT VIII.

Alexander ab eodem Perseò oriundus, quo Persarum Reges. Persei posteritas usq; ad Temenum. Hujus posteri ad Caranum è reliquiis Dexippi. Velleji lectio tentatur, Macedonia Regum successio, & dissensus inter Eusebium & Dexippum, quoad annorum supputationem. Bongarsii ἀπάγμια, & Georgii Syncelli incuria in exscribendo Dexippò; & enarratio hujusdem à conjecturâ suppletur. Berneggeri conjectura in locò Panegyristæ rejicitur. Terram & ignem dare, quid sit? Dissensus Dexippi à reliquis Historicis, in enumerandis Alexandri M. majoribus ab Alexandro Divite. Auctores rerum Alexandri M. post Freinshemium observati à Reinesio, è literis ejus promuntur. Alia de rebus Alexandri M. ad Besoldum pertinentia.

Quod

Quod miraberis, *iisdem majoribus orti Persarum Reges & Macedonum*. Illos à *Perseò* jam suprà deduximus; hos ab eòdem descendisse, docuerunt plures, & inter eos *Reineccius* in peculiari tractatu de *Familis Regum Macedonia*; sed perpetuam seriem, nec ille, nec alius, ut opinor, dedit. Nam à *Caranò* ad *Temenum* usque nominare potuerunt nullum, quod apertè confitetur *Reineccius*. Illam lacunam jam supplebo è magnorum Scriptorum reliquiis. *Perseus* (cujus majores ab *Isaaci* majoribus, serie non interruptà perductos suprà reperies) *Persis* sive pater, sive avus (à quò *Persarum* Reges) filium reliquit *Alcæum*; *Alcæus* *Amphitryonem*; *Amphitryon* *Herculem Thebanum*; *Hercules* *Hyllum*; *Hyllus* *Cleodæum*; *Cleodæus* *Aristomachum*; *Aristomachus* *Temenum*. Hæc extra controversiam omnia sunt. Tamen posteritas ad *Caranum*, *Macedonici* regni conditorem, quibus nominibus appellata fuerit, id (ut dixi) hæcenus latuit. Multi (è quibus *Erasmus Schmidius* est, in *Pindari Pythonicis* od. 5. p. 248. 250.) *Perdiccam*, *Temeni* filium, primum Regem *Macedonum* faciunt, è verbis *Herodoti* in *Urania*: *Ex Argo profugerunt in Illyricos, & è Temeni posteris tres fratres, Gavianes, Aëropus & Perdiccas*. In Græcò videntur ἀπίζουσι, quos quis filios nobis interpretabitur?

Sed quid moror? Insigne fragmentum *Dexippi*, vel *Diodori Siculi* potius (quem ille exscripsit) è *Georgiò Syncellò*, in *Eusebium Græcum*, retulit *Scaliger*, p. 47, è quò constat, *Temenum* patrem fuisse *Lacharis*,

charis, Lacharem *Deballi*, Deballum *Euribiade*, Euribiadem *Cleodei*, Cleodæum *Cræsi*, Cræsum *Pœantis*, Pœantem *Carani*, primi Macedonum Regis. Alii, (quod ibidem testatur Diodorus) uti Theopompus, genealogiam constituerunt aliter; sed personas quasdam omisisse ferè temporum ratio, & alia nobis persuadent. Quam nos dedimus, planè perfectior est, & à Dexippò approbata; cum affirmat πένκαθενδὲν ἀπὸ μὲν Ἡρακλέους ἐν δέκατον εἶναι, ἀπὸ δὲ Τημένους ἑβδόμον. Hoc est, *Caranum ab Hercule undecimum esse*, à *Temenò verò septimum*. Quod verum est, si genealogiam admittimus, cum illà computatione, quam *Ovidius* sequitur: Hic *Ajacem*, Jovis pronepotem, *tertium* à Jove dicit, *lib. XIII. Metam.* quem alii, Jovem annueraturi, *quartum* dicerent: Sic nos *Caranum* à *Temenò septimum* dicimus, non annueratò *Temanò*. At si juxta morem computandi receptum ab aliis, *Temenum* adsuimus; hic quidem *octavus* est, *Hercules duodecimus*. Theopompus immane discrepat, quem si sequimur, *Caranus* vel *sextus*, vel *quintus* est à *Temenò*.

Ex hæcenus dictis Velleji lectio (quam Reinccius ambabus manibus amplectitur) omninò dubia fit: Nam sive Theopompum, sive Dexippum sequamur, *Caranus* ab Hercule nullo modo *decimus sextus* est. Nî fallor, alteram unitatem in numeri quinary notam mutârunt librarii; & cum Vellejus scripsisset: *Caranus XII. ab Hercule*, fecerunt illi *XVI*; cujusmodi vitia passim in auctoribus obvia. Sed hæc conjectura est, quam qui rejicere volet, nihil offendet me.

Jam

Jam Carani majoribus recensitis, enumerandi sunt Reges à Caranò ad Alexandrum Magnum; quod facillimum est. CARANUS (de quò videndi modò correctus *Vellejus lib. I. c. 6. Justinus lib. VII. c. 1. Pausanias lib. IX. p. 606. Eusebius num. 1204. Solinus c. 14. Suidas in Κάρωνος*, & *Paulinus Opusculo de Regibus, citante Ansoniò*) regnavit annos 28, secundum Eusebium; at juxta Dexippum 30. Cui succedit COENUS, filius, ut Dexippus ait; & regnat annos duodecim, ut vult Eusebius; viginti octo, ut Dexippus. Cœni filius TYRIMMAS, vel *Týrimas*, regnat annos triginta octo, ut ait Eusebius; quadraginta quinque, ut Dexippus. Hos duos Reges *Justinus* non habet, fortasse, quòd tantum celebriores nominare voluerit. Tyrimmam excepit PERDICCAS I, & regnavit annos quinquaginta unum; ut est apud *Eusebium, num. 1281. De eòdem Justinus lib. VII. cap. 2: Perdicca & vita illustris & mortis postrema, velut ex oraculò precepta memorabilia fuerunt. Et Herodotus lib. VIII: 'Ο Περδίκκης ὁ κτησάμενος τὴν ἀρχήν. Vel potius: τῶν μακεδόνων τὴν τελευτήδα. Hoc est: Perdiccas, qui condidit imperium, nempe, Macedonum.*

Fallitur Bongarsius, qui ad dictum locum *Justini*, hujusdem mentionem fieri scribit à *Thucydide lib. II. c. 21. Meminit Perdiccæ, sed is Perdiccas II. est, Alexandri Divitis filius, Archelai pater; ut ex eòdem intelligi potest. At de Primo capiendus Solinus c. 14: Succedit Carano Perdicca XXII. Olympiade, primus in Macedoniâ Rex nominatus. Omittit Cœnum & Tyrimmam, sicut Justini epitomator.* At

At hîc satis mirari non possum, tam illustrem Regem in Dexippi fragmento præteritum esse; immò ad Tyrimmam referri, quod de Perdiccâ scribunt modò laudati. Ait enim: Μετὰ δὲ τῆτον ὁ υἱὸς Τυρίμματος ἔτη με καὶ τὴν λοιπὴν τῆς Μακεδονίας προσελάβετο χώραν, καὶ καθόλη τὴν βασιλείαν ἠύξησεν· ἦτα Ἀργεῖος πᾶς Τυρίμμα ἔτη λδ. Hoc est. *Post hunc (Cœnum) regnavit filius Tyrimmas, annos quadraginta quinque; hic reliqua Macedonia occupavit, atque ita provinciis unitis, regnum suum propagavit latissimè. Posthac Argæus, Tyrimma filius, regnavit annos triginta quatuor. Vides, nullum Perdiccam locum habere inter Tyrimmam & Argæum. Sed valdè vereor, ut Georgius Syncellus Dexippum bonâ fide hîc exscripserit: Non enim leve momentum hic in Herodoti, Justinî, Eusebii & Solinî, consensu. Igitur vel vitium & lacunam (quæ in Dexippi codice erat) non animadvertit Georgius; vel dum festinavit, fugit illum Perdiccæ nomen; unde scribere debuisset: μετὰ δὲ τῆτον ὁ υἱὸς Τυρίμματος ἔτη με. Ἐξῆς Περδίκκας ὁ υἱὸς αὐτῶν ἐβασίλευσεν ἔτη . . . ἔτ' καὶ τὴν λοιπὴν τῆς Μακεδονίας προσελάβετο χώραν, καὶ καθόλη τὴν βασιλείαν ἠύξησεν· ἦτα Ἀργεῖος πᾶς Περδίκκας ἔτη λς. Hoc est: Post hunc filius regnavit Tyrimmas annos 45. eumq; excepit filius Perdiccas, ac regnavit annos . . . qui Macedoniæ reliqua occupavit; atq; ita provinciis unitis, regnum valdè auxit. Dein Argæus, Perdicca filius, Rex fuit per annos 34. Argæus iste Perdicca filius scribitur & Herodoto & Justinino; regnumq; patris obtinuit per annos 38, ut vult Eusebius; à quo, ut videmus, Dexippus dissentit, quadriennio dicens minùs.* Ar-

Argæi filius PHILIPPUS I. in quò consentiunt *Herodotus*, *Justinus* & *Dexippus*; at in annis regni hæc non convenit cum *Eusebio*; ille namq; 35. habet, *Eusebius* 38. *Philippi* filius ΑΕΡΟΠΑΣ, ut *Dexippus* vocat; ΑΕΡΟΠΟΣ, ut *Herodotus*, Αἰώπας *Eusebius*, *Europus* *Justinus*; is ipse, quem infantem *Macedones*, ab *Illyriis* victi, prolatum in cunis prope aciem posuerunt; ut eò acriùs adversus hostem pugnarent. Meminerunt præter *Justinum* *Ammianus* lib. XXVI. p. 326. & *Nazarius* in panegyrico, cap. 20. ejus verba sunt: *Illyrici quondam despicientes Eropi Regis infantiam, Macedones bello lacessiverunt. Berneggerus* è *Justinò* suò mallet, *Europi Regis infantiam*; quod à virò doctissimò scriptum nolim. *Æropum* enim propugnant ii, quos citavimus; & addendus (quamvis de aliò verba faciat) *Diod. Sic. lib. XIV. c. 38.* Qui his *Æropus*, *Nazario* *Eropus* est per simplex E: nam hic mos Romanorum fuit, quem ab ipsis Græcis sumserè; ut docet *Salmasius* ad inscriptionem *Herodis Attici*. Porro *Æropus* juxta *Eusebium* regnavit annis 26. juxta *Dexippum* 23.

Æropi filius, ALCETAS, ut *Herodotus* ait, regnavit annos 29, secundum *Eusebium*, 28. secundum *Dexippum*. Alcetæ filio, AMYNTÆ I, *Eusebius* tribuit annos 50. *Dexippus* 42. *Amyntas* filium relinquit ALEXANDRUM DIVITEM, ut ἀπὸ μιᾶς, hoc est, unanimiter tradunt *Just. Herod. Dexip.* apud quem de eodem legis: ἐτὸς τῇ τὴν ἑξέτις Μέρσας ἔδωκε ὕδωρ καὶ γῆν. Hoc est: *Hic, quo tempore Xerxes in Græcos expeditionem suscepit, Persis*

Perſis dedit aquam & terram, id eſt, ſe ſuosq; , urbes, agros, aquam, terminos, delubra, utenſilia ſuaq; omnia in Perſarum ditionem dedit; de quò deditiois ritu apud Perſas ſolenni plura *Briffonius lib. III. de Regno Perſarum p. 330. & ſeqq. Freinſhemius ad Curt. lib. III. c. 10. §. 8.* At *Juſtinus* adeò *Xerxi* conciliatum ſcribit, ut ab eò totius regionis inter *Olympum* *Hermumq;* montes imperio donatus ſit. Plura de eò collegit *Reineccius* in tractatu ſuprà citato. Filios habuit *Perdiccam* & *Amyntam*.

PERDICCAS regnum tenuit, *Amyntas* privatus vixit. *Perdiccâ* genitus *Archelaus*, qui *Euripidem* Poëtam magnâ gratiâ proſecutus eſt; & ab hoc *Oreſtes*. At *Amyntas* alter, *Alexandri* Divitis filius, genuit *Aridæum*, *Aridæus* *Amyntam* II. Regem poſt *Oreſtem*; *Amyntas* II. *Perdiccam* II. & *Philippum* II. *Philippus* II. *Alexandri* M. pater eſt.

Hæc ita *Dexippus* apud *Scaligerum* dictâ p. 47. qui *Athenienſis* Dux ſtrenuus, Rhetor & Hiſtoricus, *Gothos* vicit; cùm vaſtarent *Achajam*, & *Athenas* peterent. *Herennius Dexippus* *Suidæ*, de quò plura *Caſaubonus* ad *Lampridii Alexandrum Severum* p. 172. *Scaliger* in notis ad *Græcâ Eusebii* p. 259.

At hîc multum diſcrepant alii pleriq; veterum, è quibus Regum *Macedonicarum* ſtirpem conſcripſit *Reineccius*: Secundùm enim iſtos *Alexander* Dives filios habuit *Perdiccam* II, *Alcetam* & *Philippum Tharræum*. Ex *Perdicca* II. *Archelaus* I, cujus filius *Archelaus* II, & *Oreſtes*: *Alceta*, qui alter *Alexandri*

Alexandri Divitis filius, genitus *Alexander*: Philippo Tharraleo (qui tertius Alexandri Divitis filius) natus *Amyntas II*, cui tres filii, *Alexander II. Perdiccas III. Philippus II*. Hunc Alexander M. patrem habuit. Est igitur hæc differentia secundum Dexippum: Alexander M. Philippi II. filius est, Amyntæ II. nepos, Aridei pronepos; Amyntæ privati abnepos, Alexandri Divitis adnepos. Sed juxta Scriptores reliquos Philippi II. filius est, Amyntæ II. nepos. Philippi Tharralei pronepos, Alexandri Divitis abnepos. Jam productis serie continuâ Alexandri Magni majoribus, ab annis mille quingentis, & quod excurrit, hoc est, ab *Inachô* ad Alexandri initium, quâ gente, qui mihi antiquiorem aliam domum, nusquam interruptam, è probatis auctoribus exhibuerit; cum ego Apollineâ coronâ dignissimum judicabo.

Fas esset Alexandri verè Magni, quàm diu à re- & virtutis tramjte non deflexit, res gestas exponere; sed habemus præter complures Scriptores, *Am- mianum, Curtium, & Frëinsheimii Curtianum Supple- mentum*; qui hoc & illos legerit, & à nobis exegerit plura, is *Hispanicô ingeniô* (quod omnium avarissimum est) natus mihi videtur.

Fortassis non ingratum erit Philologiæ studio- sis excipere, quæ vir eruditionis præfundæ, & lectio- nis inexhaustæ, *Thomas Reinesius* ad *Frëinsheimii Cur- tium* observata, scripto mecum communicaverat: Me, quod attinet, promptissimus sum, è privatis parie- tibus, ubi ne quæstum quidem carcerarium faciunt, in lucem producere. Sic autem ille in literis 12. Aprilis, anno 1643.

M

Frëins

Freinshemius, amicus tuus, nonnulla moneri posset *cap. I. proleg.* ubi de ætate Curtii non omitti debebat *Isaaci Pontani* sententia, qui cum sub Trajanò scripsisse probat. Ejus hæc de re epistolæ duæ sunt in *editione Jonstonii, Amstel. A. C. 1633.* Sed quibus respondit *Vossius lib. I. de Hist. Lat. c. 9.* qui ad Vespasianum refert, uti *Rutgersius & Dan. Heinsius.*

Cap. III. editiones varias commemorat, sed præter eas notavi, esse etiam Lugdunensem *Jacobi Roussini A. C. 1604.* in 16, cum duorum, qui desiderabantur, librorum supplemento, & præfatione S. G. ad *Joh. Paludum* scriptâ. *A. C. 1597.*

Cap. IV. de Scriptoribus rerum Alexandri adjicerem ista: De *Agatharchide*, quod fuerit Heraclidæ Lembi Ducis anagnostes, uti *Photius* habet. At *Ptolomæi Philometoris*, & proximorum tempora securè licet corrigere. Qui verò etiam *Straboni* fuit cognitus, *lib. IV.* de eò, quod ante Trojanum vixerit, æqualis narratio est? ἀνατ' Ἀγχιπὼρ ἀναγνώστης, quas vocat extractum excerptorum apud Photium [p. 250.] insinuant tempore Ptolomæi VII. VIII. & IX, qui variâ fortunâ usi, subditis suis cruenti, eosdem subinde experti sunt rebellantes. Vide Justinum. *Andracydem* sapientiâ clarum huc etiam referri debere, cujus *epistola* ad Alexandri fragmentum *de vino* est apud *Plinium lib. XIV. cap. 5.* Et remedium contra ebrietatem, è raphanò desumptum, ab eod. *lib. XVII. c. 14.* *Clemens lib. V. Strom.* nominat Pythagoreum, & *lib. VII.* ex eò refert, vini usum, & carniū ingurgitationes corpus quidem robustum, animum verò languidiorem reddere.

dere. *Epistole Alexandri & Aristotelis* αὐτοβιβλία sunt apud Gellium, *lib. XX. cap. 5.* ex Andronici Rhodii, Philosophi Peripatetici, libro quōdam desunt. Habet easdem *Themistius comment. in lib. I. Φύσ. ἀνρ.* & edidit cum aliorum Pyrrhus Caldoræus: Quas pro notis habere nolim. De reliquis ejus ad diversos, quæ extant, in volumine *epistolarum Procerum mundi* Latino, edito *Argentina A. C. 1593*, non sentiam idem: præsertim quam Illyricis, Lacedæmonis, Dario, Porro (ita enim legitur pro Pyrrhō) & Didymo, Brachmannorum Regi, misisse dicitur. Iste *Andronicus* est, qui exempla librorum Aristotelis, quæ ex *Apellionis Teje* bibliothecâ, *Athenis Romam* transtulerat *Sylla*, à Tyrannione Grammatico accepit, ætate *Pompeji Magni*; & edidit *Plutarchus* in *Syllâ*: Præceptor *Amasæ Strabon* *lib. XII.* *Callisthenes* patriâ fuit *Olympius*, *Ælianus lib. XVI. de Animal. c. 30.*

Christophorus Rossinus in *Senatu Burdegali. Præses Comm. omnium à condito orbe hist. ad Albertum de Gonibus*, edit. *Lutet. A. C. 1371.* titulo de *Macedoniæ origine res Alexandri Magni* accuratè persequitur. *Clemens*, *Apuleji* familiaris, omnes *Alexandri* historiam carmine illustravit, *Apul. lib. I. Florid.* *Heraclides* rerum *Alexandri Magni* scriptor à *Plutarcho* laudatus, quasi non sit ille celebris *Aristotelis* discipulus ὁ Περικλῆς λεχυνότῆς, *Athen. lib. XIV.* Iste sanè καὶ τὰ περὶ αὐτῶν reliquit, inter quos ista historica, teste *Laërtio*. Id verò verissimum; non esse eundem cum Scriptore *ἑὲς Ἀλδοχῶν* *Alexandrinus*; est enim hic de Philosophorum in scholis suc-

cessionibus, ὁ δὲ Ἀλεξάνδρων, qui de Alexandro dicuntur, æqualis *Polybio*, cognomento *Lembus*. *Georgius Monachus* etli *Josephi* & *Eusebii* exscriptor in *Chronico* manuscripto Græco, quod possideo; junctum alteri itidem manuscripto Græco *Georgii Syncelli*. Historiam Latinam fabulosam de Alexandro, adscriptam *Julio Valerio*, *Barthius* dicit esse hominis, cui nulla sermonis Romani notitia fuit; & vocat tamen *Monachum* non *ineruditum*, quæ non concilio. Est inter meos *historia Alexandri magni*, *Regis Macedoniæ*, de præliis excusa *Argentiniæ*, A. C. 1489: in formâ majore, quam nî viderit *Freinshemius*, mirer! Incipit: *Sapientissimi Ægyptii scientes mensuram terræ &c.* finis: *De sepulturâ Alexandri, quid diversi super eâ dixerint.* Auctor rhythmici *Germanici de S. Annone* è *Comitibus de Dassel Archiepiscopo*, qui obiit A. C. 1064, eadem, quæ nugator iste de Alexandro; *dolio vitreo* inclusum ad *profunda maris*, noscendis *marinis belluis*, se demittente recitat. *Opitius* etiam, editor versificis istius, unius ex *aulicis* & *familiaribus S. Annonis Germanici*, in *notis ad cap. 14.* Excerptum de vitâ *Alexandri Magni* manuscriptum, in codice chartaceo se habere ait, sed quod in narratione (quomodo *Alexander* pervenerit ad *arbores Solis & Luna*) ab editâ meâ discrepat; fortassisq; in aliis; & si, quomodò *Alexander* se per *gryphones* in aëre levare fecerit, penè iisdem verbis repræsentet. Ejusdem generis, ex eodem fonte hausta, in suorum *Chronicorum partem XI.* aliquam multa transtulit; repertis, ut video, nimis fabulosis & incredilibus. Unde cognoscas,

gnoscas, quamvis futile scriptum, habitum in pretio, in manibus omnium versatum; variè interpolatum, & in diversa exemplaria propagatū fuisse: Cum spretis frugibus mallent vesci glandibus; etsi vetustissimorum etiam Scriptorum, *Aristea Proconnesi, Isigoni Nicaensis, Cresia, Onesicriti, Polystephani, Hegesia & similium* (quorum commentarii rerum incredibilium, miraculorum & fabularum pleni, suspecti semper visi sunt eruditibus) exemplo fecisse videri possint.

Josephus Judæus vel maximè ob historias expugnata ab *Alexandro Tyræ*, & adversus ejus *Hierosolytam*, quam describit *lib. XI. Ἀρχαιολ. cap. ult. lib. II. Ἀλώσ. cap. 21.* & scripta Rabbinica olim à *Druisio lib. I. de Hæsidæis, p. 14. Cuneo lib. II. de Republicâ Hebræorum, cap. 16. Serrario comment. in Josuam, Seldeno lib. VI. de Jure Naturæ & Gentium. De Success. Ebr. cap. 17. & lib. VIII. c. 21. Schickardus in præmiò Tarich Regum Persarum* laudata: Ob narrationes institutarum coram tribunali *Alexandri Magni* Judicis ab Africanis, ab Ægyptiis, ab Ismaëlitibus actionum forensium contra Hebræos; & extructi permissu *Alexandri Magni* à Sanballete Chutzæ, seu Samaritano, templi in monte Garirim.

Onesicritus fuit *Astypalaus; Ælian. lib. XVI. de Animal. c. 39. Diogenis Cynici discipulus Ἀρχων κυβερνητῶν, Plutarchi. lib. I. de fortunâ Alexandri Magni.* Nestor auctor Alexandriados, Poëta Epicus, patria Larandensis ex Lyciâ fuit, sub Imperatore Severo; filium habuit *Pisandrum*: De utroq; adi *Suidam*.

Nicanorem eundem faciam cum *Seleuco* nominatissimò inter Alexandri Duces. *Parmenionis* epistola ad Alexandrum, quâ expugnationem *Damasci*, suo ductu factam, commemorat; & capta impedimenta *Darii*, regias pellices & diversos aulicos, est apud *Athen. lib. XIII.* Si *Pindarum* Poëtam, ob encomium aliquot versuum, inter Scriptores rerum Alexandri Magni referre licuit *Raderio*; εὖ θεοὶ ὄντο ὅχλος, quàm excresceret eorum numerus! Extant in eundem in *Anthologîâ* *Parmenionis*, *Posidippi*, *Achelai*. Multò rectius hîc referuntur, quos ex *Indic. librorum Plin. lib. XII. c. 13.* qui maximam partem ex illis, qui victorias Alexandri M. in Indiis secuti sunt, & miranda stirpium, arborum, animalium ibidem ἰστένησαν, compilati sunt; nominare poteram. Immo *P. inio* nonne locus deberetur præ *Solino* in hoc cœtu? *Polycletum* (quem *Vossius* pro incertæ ætatis Scriptore habet) ipsi Alexandro comitem in expeditione *Indicâ* fuisse, inde colligo, quod *Elia. lib. XVI. de Animal. cap. 41.* de lacertis in Indiâ eum testem adducat; nam & sic *Onesicritus*, sic *Protagoras*, sic *Nearchus*, quæ per bella & peregrinationes istas viderant, annotârunt. *Soterichus* fuit *Oasites* ex *Ægypto*. Ita *Stephanus*; & inde *Lil. Greg. Gyraldus dial. de Puëris 4.* *Suidas* ait scripsisse ναυσαρχία, βίον ἀπιδανίῃς τυανίως, τὰ περὶ Πάνθειαν βαβυλωνίαν, Πύθωνα ἢ Ἀλεξανδριανόν. Ἔστι δὲ καὶ Ἀλεξάνδρου μακεδόνος ἰστορία, ὃν Θύβας περίλαβε, καὶ ἄλλα. Hoc est, præter *Alexandriacum* etiam alia scripsit.

Male

Malè Suidæ interpres, & hunc secutus *Vossius*, *Freinsheimiusq;* tuus: *Historia hæc fuit de Thebis atq;* alius ab *Alexandro captis*. τὰ τοῦ Πανθείου quæ fuerint, intelliges è *Xenoph. lib. VI. & VII.* ubi de *Pantheæ*, uxoris *Abrodæ*, Persæ, erga maritum insigni fide. Meminit & *Plutarchus libro de vitâ XI. Epicur. & Cam-pofylus lib. IV. Exempl. c. 6.*

De Emir-chowando, Arabe seu Persâ, vide *Schickardum dictô locô, p. 50.* Turcæ, qui vernaculis rhythmis Alexandri historiam comprehendit, *Idem d. l. p. 71.* appellat è *Leunclavio Achmedem Maulan.*

Et hæc de Scriptoribus hætenus. Sed nec hoc erat negligendum. Idem *Freinsheimius* notis ad *Curt. lib. I. cap. 2. §. 36.* Polyænum, in nomine novarchi cujusdam Persicæ classis, in bello Cyprio, corrigit, præeunte *Casaubono*; & pro Γαῖς, legit è *Diodoro Γαῖς*. Atqui nosse poterat, quod *Casaubonus* de hæc præcipitantiâ se ipse castigaverit, notis ad *Ænea Poliorcet. c. 32.* & de Polyæni membranis, quæ constanter retinent τὸ Γαῖς *Diodori* codices emendandos esse constituerit. Tantum ad me *Reinesius*; quod *Freinsheimii Curtio* adscribere poterit, qui habet.

Nunc quædam ad *Besoldum*, qui singularem Dei providentiam Alexandrum duxisse refert, atque inde summo Pontifici Judæorum supplicem factum. Pontifex is fuit *Jaddua*, sive *Jaddus*, de quo *Seldenus lib. de Success. in Pontific. Hebraor. cap. 6. p. 256.* Historiam totam elegantibus verbis reddiderunt *Lipsius lib. I. Monit. & Exempl. polit. cap. 2. monit. 1.*

ex. 2. & *Freinshemius in Supplemento Curtii lib. II. c. 11. §. 22. & seqq.*

Notavi ad *Valerii Maximi lib. I. cap. 1. dissert. 1. & 2.* primis quatuor monarchiarum conditoribus „ non defuisse resplendentiam veritatis ; prorsus ut „ Deus optimus maximus cæteris gentibus præesse „ voluerit eum, qui cultus sui non prorsus esset oblitus. At de *Cyro* præterii locum *Theodoretii, Serm. 1. de Fide: Cyrus, inquit, à Daniele, quo familiariter utebatur, Theologia mysteria est edoctus.* Sed & *Cyrillus* memorat, *Cyrum* *Esaia* vaticinium legisse, & ejus lectione adeo captum fuisse ; ut divinæ gloriæ præconium in urbibus & in regionibus suis, promulgârit ; confessusq; palam fuerit, illum solum esse Deum, universorumq; Dominum ; qui à Judæis coleretur.

Alterum quoque *Besoldus* scribit, hoc est, *Alexandrum bonas artes & amasse, & regiâ liberalitate fovisse.* De hac *Alexandri* laude, quæ dicenda sunt, conjecit *Freinshemius in Supplementum Curt. lib. I. c. 3. & 4.* Tertium est de *insolentiâ* ejusdem, quam & gravissimis verbis notat *Curt. lib. IV. c. 7. §. 15. & lib. X. c. 5. §. 33. Val. Max. lib. IX. c. 5. ex. 1. ext. & alii.* Vide *Freinshemium ad Curtium.* Quartum de morte ejusdem, exponit hanc ipsam *Justin. lib. XII. c. 13. Curt. lib. X. c. 4.* & qui ad auctores istos citantur à doctissimis viris. Quintum est de Philosophis : Hic *Diodorum Siculum* legas *lib. XVII. c. 112.*

CAPUT IX.

UT eleganter inquit *Erycius Puteanus* commentariô in *lib. I. historiæ Insuabricæ*: *Usitatum hoc est in magnorum virorum funere, quisq. rapit, quod potest; & cum hæres non est, terrarum latrocinium permissum videtur. Alexander, cujus aviditati orbis non sufficiebat, plures ferè corvos reliquit, quàm regnorum membra. Cæterum qui nam illi proceres fuerint, in quos prægrande imperium distributum est; & quæ provinciæ cuiq. obtigerint, longè accuratius, quàm Besoldus explicavit Freinshemius ad Curt. lib. X. cap. 10. §. 1. quem qui legerit, nihil à nobis notarum exiget ad hoc caput.*

CAPUT X.

Regum Syriæ successio, qui è Macedonibus ad ultimum usque. Sententiæ de morte duorum Antiochorum, Magni & Epiphanis expendantur. Seleucidarum precarium regnum sub Romanis.

ANTIGONUS, Philippi filius, cum Alexander M. decessisset, primùm *Pamphyliam, Lydiam & Phrygiam*; vel (ut alii volunt) *Ciliciam ad Taurum* obtinuerat: Sed ita postea crevit, ut fere toti Asiæ imperaret. Vide fragmenta Græcorum veterum apud *Scaligerum in Euseb. p. 374.* Et hunc ipsum *Scaliger primum è Macedonibus in Oriente Regem constituit, lib. II. Can. Isag. p. 433.*

At mox SELEUCUS Antiochi (qui Philippi

M v

Mace-

Macedoniæ Regis Dux fuerat) rerum potitus, imperium suum auxit mirum in modum. Hic est, quem à *victoriarum* 23. numero *Appianus in Syriacis*, *Stephanus Bizantius* & *Eunapius*, Seleucum *Nicatorem* appellant, quibus accedunt nummi; ut fortassis rectius isti scripserint, quam qui *Nicanorem* dixerunt, quod ipsum judicavit *Valesius ad Ammiani lib. XIV. p. 41.* Sed & fanum Seleuco consecratum, dictum fuit *ἡ ἀγκυραία*, ut scribit *Appianus in Syriacis*. Hic ipse est, qui *anchoram* genitivam notam in femore habuit; ut & omnes, qui ab illo descenderunt. *Iust. & App. dict. locis.* *Ausonius de Antiochia.* Πᾶσι τοῖς ἑσπέραις appellare posses è *Strabonis lib. XV. p. 69.* vide *Piccart. Decal. t. c. 7. Casaub. ad Strab. dicto loco Ptoleum in Herc. Prodic. p. 62.* Occiditur A.M. 3669. *Iust. lib. XVII. c. 2. §. 2.*

Succedit ANTIOCHUS SOTER, filius; cujus in matrimonio fuit *Stratonice*, *Demetrii* filia, *Antigoni* neptis. *Diod. Sic. in Exc. Peiresc. pag. 263.* *Excerpta Græca apud Scaligerum d. pag. 374.* De hoc loquitur *Iustinus lib. XVII. cap. 2. §. 10.* Moritur A.M. 3689.

Hunc excepit ANTIOCHUS THEOS, sive Deus, filius Soteris è *Stratonice* (*Excerpta Græca Scaligeri*) *Seleuci Nicatoris* nepos, *Iosephus lib. XII. Antiq. c. 3. Nicolaus Damascenus in Exc. Peir. p. 503.* Sic cognominatus à *Milesiis*, cum *Timarchum* tyrannum eorum sustulisset. *Appianus in Syriacis.* Ubi eundem interfectum scribit ab uxore *Laodice*, quod doleret sibi adjunctam *Beronicem*. Factum id A.M. 3704. Sed

Sed *Laodice*, dissimulandi sceleris gratiâ, ARTEMONEM, Antiocho Regi quam simillimum, substituit, qui admissum universum populum & sermone & vultu fefellit; credideruntq; homines ab Antiocho moriente Laodicen, & natos ejus sibi cōnendari, *Val. Max. lib. IX. c. 14. ex. 1. ext. Plin. lib. VII. c. 12.*

Successit SELEUCUS CALLINICUS, Antiochi Dei filius; atque adeò (si *Excerpta Græca Sculigeri, Josephum & Nicolaum Damascenum* sequimur) Seleuci Nicatoris pronepos. At *Berneggerus ad Justin. lib. XXVII. c. 1. §. 1.* nepotem dicit ex *Apiano*; qui Antiochum Deum Seleuci Nicatoris filium facit. Hic matrem suam occidit, ut est apud *Justinum d. l. 27. cap. 1.* Cum *Ptolomæo Evergete* bellum gerit, sed infelix, *ibid. cap. 2.* Igitur Antiochum Hieracem fratrem in auxilium evocat, sed magnò suò cum malò; *ibid. & c. 3.* Tandem equo præcipitatus moritur A. M. 3725. *ibid. §. 12.* cùm eodem tempore Antiochus Hierax à latronibus in fugâ interfectus esset, *ibid. §. 11.*

Hinc regnum adeptus est SELEUCUS CERAUNUS, ut est apud *Eusebium num. 1790.* Hunc Seleuci filium, Seleuci Callinici nepotem scribit *Polyb. lib. II. hist. c. 71.* qui cum sublatus esset, A. M. 3728. successorem habuit ANTIOCHUM MAGNUM fratrem. Hujus proavum Seleucum Nicatorem ait *Livius lib. XXXIV. c. 57.* ibi: *Thracia & Chersonese urbibus arceri Antiochum, quæ Seleucus proavus ejus Lysimacho Rege bello victo, & in acie caeso, per summum decus parva reliquerit.* At ex hæcenus dictis apparet, Seleuci

Seleuci filium, Seleuci *Callinici* nepotem, Antiochi *Dei* pronepotem, Antiochi *Soteris* abnepotem, Seleuci *Nicatoris* adnepotem esse: ac sanè fieri potuit, ut κατὰ γένειον loqueretur Livius. Sic *Cic. lib. III. Fam. ep. 11.* Appium Claudium Cœcum proavum dicit Appii Claudii Pulchri, ad quem ibid. scribit, sed is Cœci trinepos fuit; ut rectè observavit *Manutius*. Eodem modo *Curt. lib. VI. c. 11. §. 26.* proavum dicit, qui abavus erat; vide ibi *Freinsb.* Nihilominus & *Appianus* Antiochum Magnum Seleuci *Nicatoris* pronepotem facere videtur; sed ejus hominis auctoritas apud nos non tanta est, quanta *Polybii*.

Cæterùm hic est, qui *Romanum bellum* suscepit, A. M. 3758. *Hannibale* (qui exul toto orbe Romanis hostem quærebat) præcipuas belli faces animo regio subiciente; sed hoc cā fortunâ gestum est, ut *Antiocho* maximis præliis victo, & luculentâ ditionum parte exuto, militari joco insultatum sit: *Antiochum* verè magnum fuisse! Vide *Florum lib. II. c. 8.* & quos ibi citant interpretes.

De ejus morte *Just. lib. XXXII. c. 2. §. 1.* Posthæc *Antiochus* (cū gravi tributopacis, à Romanis victus, oneratusq; esset) seu inopiâ pecunie compulsus, seu avaritiâ sollicitatus, qua sperabat, se sub specie tributariae necessitatis excusatus sacrilegia commissurum adhibito exercitu, nocte templum *Didymæ Jovis* aggreditur: Quâ re proditâ, concursu incolarum, cum omni militiâ interficitur. In quo loco præter id mendum, quod in primis correximus, animadvertet aliud; qui historicorum loca de hâc ipsa re diligenter contulerit. Quis enim

enim hic sit *Didymus Jupiter*? legerim omnino: *No-*
te templum Elymai Jovis aggredatur. Nisi Justinus
 (quod alibi quoque deprehendimus) in *utrosque Tro-*
gi codicem incidit; qui pro *Elymao Didymum* ha-
 buit. Ut vel *Trogum*, vel *Justinum* mendosum esse su-
 spicemur, facit *Strabo lib. XVI. p. 744: Antiochum*
quidem magni Beli templum in Elymaide spoliare co-
natum finitimi barbari interfecerunt. Diodorus Si-
culus in Excerpt. Peiresc. p. 299: Antiochus Rex pe-
cunia inopiâ laborans, Beli templum in Elymaide auro
& argento, ac preciosissimis refertum esse donarius, cum
didicisset; spoliare illud constituit. Igitur in Elymaidem
ingressus, causatusq. ab incolis bellum sibi illatum esse,
fanum expulavit; coactâq. grandi pecuniâ brevi meri-
tas poenas dedit. Fragmentum hoc positum est inter
id, quod ad annum V. C. 566. & inter aliud, quod ad
annum V. C. 570. pertinet. Ergo de Antiocho M.
capiendum, qui, secundum Calvisium, obiit A. V. 567.
A. M. 3764. At quod Diodorus refert, paulò post
spoliatum templum interfectum à barbaris, in eo dis-
sentire videtur à Justino & Strabone, qui Antiochum
ausum scribunt scelus, sed non perfecisse; velut in ipsò
conatu à barbaris oppressum. Et hic unicus fortassis
disensus est: Alium agnosco nullum. Nam quæ Ber-
neggerus post allatas ad Justin. lib. XXXII. cap. 2. §. 1.
Strabonis, Hieronymi, Josephi, lib. I. Maccab. cap. 6.
narrationes statuit, hinc authorum diversitatem à non
distinctis Antiochorum cognomentis ortam videri,
Cimmeriis tenebris obscurius est: Veteres enim di-
stinctè agunt, & quid velint, satis ob oculos ponunt;
nimirum

nimirum & Antiochum M. patrem & Antiochum Epiphanem, filium, sacrilegos fuisse; ac patrem quidem aggressum templum *Beli*, sive *Elymai Jovis* (nam *Belus* & *Jupiter* idem) & à barbaris cum exercitu æsum; sed filium aggressum templum *Diana Elymæ*, clade acceptâ recessisse; ac paulò post dolore fuisse confectum.

Illud jam satis demonstratum; nunc alterum quoque faciemus, ut clarum sit: *Polybius in Exc. Per.* pag. 145: *Antiochus Rex, avidus paranda pecunia, ad templum Diana, in Elymaidem exercitum movit; quò cum pervenisset, spe suâ frustratus, eò quòd barbari accola tantum scelus fieri prohiberent, regressus Tabis, quæ Persidis civitas est, è vivis discessit; insaniâ, ut quidam ajunt, correptus, ob quadam signa atque ostentia, quæ ob violatam religionem templi, ab infensò numine edita erant. Hoc enim fragmentum ad Antiochum Epiphanem referendum esse, docet fragmentum antecedens, de C. Sulpicio Gallo; quod pertinet ad A. V. sive 589. sive 590. quò ipso tempore defunctum Antiochum Epiphanem manifestum est. Sic Polybio cum historia sacra (si unum illud excipias, quod non penetravit Polybius, nimirum, à Deo Opt. Max. Antiochum hunc potissimum afflictum fuisse, propter sacrilegium in templo Hierosolymitano admissum) pulcerrimè convenit; quæ de Antiocho Epiphane refert; cùm audivisset, *Elymaidos* opulentissimum templum esse, in quo scutâ & thoracès asservabantur, ab Alexandro M. ibidem relictî; urbem admotis copiis expugnare conatum; sed, fortiter resistentibus incolis,*

incolis, recedere coactum esse: Ac, cum paulò post
 accepisset nuntium de alterâ clade à suis acceptâ in
 Judæâ, dolore confectum esse. Vide *lib. 1. Maccab.*
c. 6. fanum non nominat, cujus Deæ fuerit: Sed *Jose-*
phus lib. XII. c. 13. Dianæ fuisse scribit, sicut *Poly-*
bios. De hâc ipsâ Antiochi Epiphanis clade *Hierony-*
mus in Dan. c. 11: Volens templum Dianæ spoliare, quod
 infinita donaria habebat, fugatus à barbaris est, qui mi-
 râ veneratione templum illud susceperant; & mortuus
 est, ænore consumptus, in Tabes, oppido Persidis. Nisi
 ergò cœcis sumus, τὸν πρὸς τῇ ὀμμάτῃ, quàm nullo
 modo sibi resistent veteres, quàm nec Antiochos in-
 ter se confuderint; ac quâ ratione vel jungendæ vel
 separandæ sint illorum reliquiæ, haud difficulter anim-
 advertimus: Coniunctos enim *Iustinum lib. XXXII.*
c. 2. §. 1. & Strab. lib. XVI. p. 744. & Diodor. Sic. in
Exc. Peir. p. 299. velut loquentes de *Antiocho M.* se-
 paramus à *Polybio Exc. Peir. p. 145. lib. 1. Maccab. c.*
6. Joseph. lib. XII. c. 13. & Hieronymo in Daniel. ut qui
 de *Antiocho Epiphane* interpretandi sunt. Recentio-
 rum verò erat distinctiùs hîc agere; parum enim con-
 sideratè *Bongarsius*, qui *Hieronymum* junxit cum *Strab-*
onis & Iustini loco; nec felicior *Berneggerus*, qui
 cum alia adjecisset minimè cohærentia, veteres à se
 invicem dissentire putabat, ob non distincta *Antio-*
chorum cognomina. Distinguendi sunt Antiochi; sed
 si distinguas (quod interpretem bonum decet) tamen
 nullus dissensus, nulla diversitas auctorum apparebit
 usquam: Diversitatem hîc capio unius rei & facti di-
 versam narrationem. At hîc non de unâ re, neque de
 unâ

unâ personâ auctoribus sermo est; sed alios videbis loqui de Antiocho M., alios de Antiocho Epiphane; nec vel illos vel hosce opinione suâ falsos esse. Verùm de hâc re plus satis.

Antiocho' M. successit SELEUCUS PHILOPATOR primogenitus, *Excerpt. Græc. Scalig. p. 375. Euseb. Græc. p. 55. Latin. n. 3829. At Joseph. lib. XII. c. 4. sub finem Seleucum Soterem cognominat. Meminit ejusdem Livius lib. XXXIII. c. 40. sub finem, & c. 41. ubi refert, profectum à patre terrestribus copiis. Idem in eo bello, quod pater cum Romanis gessit, intercepti Africani filium, cum è Græciâ navigaret. Dio Coccejus in Excerpt. Peir. p. 609. Rex factus, contractis haud contemnendis copiis, ad opem Pharnaciferendam profectus, Taurum montem superare jam parabat; sed cum apud se reputasset leges fœderis, quod populus Rom. cum patre percussisset, abstinit; ut scribit Diod. Sic. in Exc. Peir. p. 303. Besoldus cum de eo nihil legisset, nihil etiam principe dignum perfecisse, scribit. Obiit A. M. 3774.*

Ei succedit frater ANTIOCHUS EPIPHANES, omnibus piis detestandum nomen; ut qui eorum sanguini innatavit, & totam Syriam carnificinæ suæ profluvio propè inundavit. Magno quidem elogio afficitur à Polybio in Exc. Peir. p. 132. fuisse Regem strenuum in primis, & maximas res animo agitasse, prorsusq; (si excipiantur eæ; quæ ad Pelusium gessit) nomine regio dignissimum. Quæ eadem in historiam suam transtulit Diod. Sic. in diſt. Exc. p. 312. Sed quæcunque tandem decora ab istis observata sunt, ea omnia

omnia crudelitatis immanitate contra *Judeos* exercitæ, obruit ac sepeliit. Hic idem est, quem *C. Popilius Ægypto* excedere jussit, de quâ re *Liv. lib. XLV. cap. 12. Val. Max. lib. VI. c. 4. Just. lib. XXXIV. c. 3. Vellej. Pat. lib. I. c. 10. Plin. lib. XXXIV. c. 6.* qui tamen duas historias *Cn. Octavii* & *C. Popili* per errorem miscet; nam quod scribit, *virgula circumscriptum Antiochum à legato*, id ad *C. Popilium* referri debet: Ac alterum de *cade legati* pertinet ad *Cn. Octavium*, quod è *Ciceronis Philippica IX.* manifestum est. Moritur ex animi mœrore, cum repulsus esset ab *Elymæ Diana templo*, quod spoliare conabatur; suorumq; unâ cladem in *Judæa* accepisset, sicut jam docui.

Ab hoc *Antiocho Epiphane*, & ejus fratre *Seleuco Philopatore*; descendunt duæ familia Regum: *Antiochi* stirps clementior habebatur, *Seleuci* ob superbiam ac sævitiam malè audiebat; ut observat *Valesius ad Excerpta Diod. Sic. p. 54.*

Antiocho Epiphani succedit filius **ANTIOCHUS EUPATOR** A. M. 3786. & non nisi duobus annis regnat, *Excerpta Græca Scalig. p. 375. At Euseb. Græc. p. 55. non nisi annum unum, menses 6:* tribuit; at *Latin. n. 1852. annos duos*, quod idem facit *Joseph. lib. XII. c. 16. Meminit lib. I. Macc. cap. 6:* ejusq; cædis (interfectus est epim à militibus *Deme- trit* cap. seq.) ita Rex factus A. M. 3787. **DEMETRIUS** ὁ Σελεύκου ὁ καὶ Σωτῆρ, ut ait *Euseb. Gr. p. 55:* Id est: *Seleuci filius, cognomento Soter.* Consentiant *Joseph. lib. XII. c. 16. lib. I. Macc. c. 7. Appianus in Syriac. Epitomator Livii lib. XLVI. Diod. Sic. in Exc.*

Peir. p. 323. ubi refert, quomodo adhuc obses Romæ, *Ptolomæum Philometorem* regno pulsum, exceperit.

Quamobrem *deteriorem* sententiam (quæ est *Just. lib. XXXIV. c. 3. §. 8.*) *Besoldus* sequitur, qui *Demetrium* facit *Antiochi Eupatoris patrui*; cum fuerit *patrui*: Nam *Demetrius* (ut dixi) *Seleuci Philopatoris* filius, *Antiochi Magni* nepos; *Antiochus Eupator*, *Antiochi Epiphanis* filius, *Antiochi M.* nepos. Hunc *Demetrium* in omnium odio fuisse, scribit *Justinus lib. XXXV. c. 1.* Contra *Judam Maccabæum* misisse *Bacchidem* & *Nicanorem*, *Joseph. lib. XII. c. 16. 17.* Altero profligato, altero interneccione deleto, nihilominus novas copias, eodem *Bacchide* duce, *Judææ* immisisse; à quibus circumventus *Judas Maccabæus* occisus sit, *d. l. c. 18. & 19.* Sed eundem *Bacchidem*, paulò post bello fessum, cum *Ionatha* fœdus percussisse, *lib. XIII. c. 2.* Tandem & ipsum *Demetrium* conciliare sibi studuisse *Ionatham*, cum premeretur *Alexandri* bello; sed frustra, longè majora offerente *Alexandro d. l. c. 4. & 5.* Paulò post hæc *Demetrius* ingenti pugna vincitur ab *Alexandro*, quæ clades incidit in A. M. 3798.

Hoc initium est *ALEXANDRI*, quem idem *Joseph. lib. XIII. c. 3. & Euseb. n. 1867.* *Antiochi Epiphanis* filium faciunt; sed incertæ stirpis, & sortis extremæ hominem volunt *Appianus in Syr. Epitoma. Liv. lib. LII. Just. lib. XXXV. c. 1. §. 6.* Ejus locum adducam, ut simul sententiam meam subjiciam accuratiorum iudicio: *Itaq, adjuvantibus & Ptolomæo, Rege Egypti,*

Egypti, & Attalo, Rege Asia, & Ariarathe, Cappadocia; bello à Demetrio laccessit subornant propalam quendam, sortis extrema juvenem; qui Syria regnum, velut paternum, armis repeteret. Propalam habere

4. manuscriptos testatur *Gisanius commentar. in 1. politic. Aristotelis c. 6.* Et multa de vocabulo *propalam* & *propola* ad Justinum notat *Bernegg.* Volunt enim *Alexandrum* istum *propalam* vel *propolam* fuisse. Quid verò Justinus addit, *sortis extrema juvenem?* scimus hoc ex eo, quod *propola* fuit; est enim *propola* tenuis non magnarum mercium negociator, quas ipse secum circumfert; & forā diversa sequitur, tenuis lucri captandi gratiā. Vocabulum legas apud *Lamprid. in Commodop. 46.* Et in *Glossis*, quas ibid. citat *Salmas. p. 215.* Secundò *propalam*; quod in tot manuscriptis est, verbum nihili esse, prorsus assentior *Scaligero, in Virgilii Culic. p. 42.* Quamobrem Justinus non bene hic habet. Quod si res mei sit arbitrii, Justinum ita constituerem; ut quod alii dicunt, diceret ipse quoque; legerem: *Subornant Balam quendam.* Hic enim *Alexander Bala* dictus est, vide *Scal. ad Euseb. num. 3867. Euseb. Gr. p. 505.* indubiè corruptus est, qui habet: Ἀλέξανδρος ὁ τῆ βαλᾶ υἱὸς Ἀντιόχου τῆ ἐπιφανέως, id est, *Alexander Bala, filius Antiochi Epirphanis.* Ὁ τῆ βαλᾶ significat *Bale filium* esse. At si *Balz* filius, quomodo υἱὸς τῆ Ἀντιόχου τῆ ἐπιφανέως? Vellem: Ἀλέξανδρος ὁ βαλᾶς υἱὸς Ἀντιόχου τῆ ἐπιφανέως, id est, *Alexander Bala, filius Antiochi Epirphanis.*

Cæterum hic Alexander, cum Laodice sponsa;

Epiphanis filiâ, Romam venit, ut senatus auctoritate in paternum regnum restitueretur; idq; tandem obtinuit, cum *Heracledes*, qui eum Romam adduxerat, plerosq; Senatores muneribus corrupisset, *Polybius* in *Excerpt. Legat. c. 140.* Magnis pollicitationibus, & delato Pontificatu, *Ionatham*, Judæ Maccab. fratrem, in partes suas traducit, *Ioseph. lib. XIII. c. 5.* Sed victo Demetrio, segnis & minimè par tanto fastigio, *Antiochia* præfecturam *Hieraci* & *Diodoto* tradidit. *Diod. Sic. in Exc. Peir. p. 347.* Duxit *Cleopatram*, *Ptolemæi* *Philometoris* filiam, *ibid. c. 7.* Sed cum *Ptolemæus* insidiis generi petitus esset, filiam rursus ademitt; eamq; *Demetrio*, *Demetrii Soteris* filio, dedit. Hæc Alexandro ruinæ causa. Victus in *Arabiam* fugit, ibiq; capite truncatus est A. M. 3804.

Succedit DEMETRIUS, de quo dixi, *Demetrii Soteris* filius, cognomento NICANOR; de hoc vide *Iust. lib. XXXV. c. 2. §. 1. & lib. XXXVI. c. 1.* Contra eum A. M. 3805. *Tryphonis* operâ Rex factus erat ANTIOCHUS, *Alexandri Balæ* filius, cognomento ΘΕΟΣ, sive DEUS. Sed capto Demetrio Nicanore à *Parthis*, *Tryphon* eum interfecit A. M. 3809. *Iust. lib. XXXVI. c. 10. §. 7. Ioseph. lib. XIII. cap. 9. 10. & 12. Excerpta Græca Scalig. n. 375. Epitom. Liv. lib. LV. Alexandrum*, *Alexandri Nothi* filium, dicunt *Ap-
pian. in Syriac. & Euseb. Gr. p. 57.*

Sic regnum invasit TRYPHON, alio nomine *Diodotus*, homo sævus in milites & alios; quod ipsum perniciem illi acceleravit. Interfectus est à *Pamæe* A. M. 3812. & regnum avitum recuperavit AN-
TIO.

TIOCHUS SEDETES, Demetrii Soteris filius, Demetrii Nicanoris frater, *Euseb. num. 1879. Excerpt. Græc. Scalig. p. 375. Meminit hujusdem Iust. lib. XXXVI. c. 1. §. 9. & lib. XXXVIII. c. 9. & 10. Bellum gessit cum Parthis, cujus minor apparatus ferè quàm luxuriæ fuit; ut ibid. fusè describit Iustinus. Meminit hujus Regis & Ioseph. lib. XIII. c. 12, 13. Simoni multa promiserat, sed quæ non servavit, 1. Maccab. 15. Memorabile hujusdem factum est, quod è Iosephi lib. XIII. c. 16. refert Lips. lib. I. Monit. & Exempl. polt. c. 2. mon. 1. ex. 3. cùm Hierosolyma obsideret, & Hircanus ab hoste septem dierum inducias peteret, ad celebrandum festum scænopegias, sive tabernaculorum; non solum id concessisse, sed viſtinas etiam de suo largitum, in urbem misisse. Occiditur à Parthis A. M. 3819, desertus à suis. Ioseph. lib. XIII. c. 16. Iust. lib. XXXVIII. c. 10. §. 10. Cujus epitomen pulchrè supplet Diod. Sic. in Exc. Peir. pag. 374: Athenæus, inquit, Antiochi dux, cùm per singula hospitiâ gravi insolentiâ esset usus, brevis meritis pœnas dedit. Nam cùm primus auctor fugæ fuisset, & Antiochum deseruisset in pugna; delatus ad pagos quosdam, quos vexaverat, ab omnibus exclusus est; cunctisq; alimenta ei negantibus, huc illuc per regionem errabundus, tandem fame interiit.*

Hunc Antiochum Sedetem Besoldus putando errore confundit cum Antiocho Deo: Antiochus Sedetes, inquit, Tryphonis cujusdam ope, imperio præest. Hoc nemo unquam scripsit de Antiocho Sedete, Demetrii Soteris filio; sed de Antiocho Deo, Alexandri Balæ filio, id affirmant Ioseph. lib. XIII. c. 9.

Exc. Gr. Scal. p. 375. Livii epitomator lib. LII. & LV. Euseb. Grac. p. 57.

Porro evenit, ut cum Antiochus Sedetes Parthis bellum inferret, ab eisdem remitteretur ad occupandum regnum DEMETRIUS NICANOR, Antiochi Sedetis frater; quem captivum huc usque detinuerant: Sperabant enim hujus operâ sese uti posse contra Antiochum. Sed eo casu, quamvis Parthi dimissum retrahere conarentur, frustra tamen fuerunt; & Demetrius quod amiserat, rursus obtinuit. *Iust. & Ioseph. d. l. Fragm. Eusebii Gr. p. 227. De Iosepho hoc unum addo, in ejus codicibus lib. XIII. c. 12. & 17. Antiochum Soterem dici, qui nobis Sedetes, quod ne temerè mutemus, scire licet è Thesauro Golzii c. 19. p. 243. Regem istum duobus cognominibus affectum, Sedetis & Soteris. Nummus sic habet: ANTIOXOT. ΣΕΔΗΤΟΥ. ΣΩΤΗΡΟΣ. Sed & in argumento bis dicitur ANTIOCHUS PIUS; quod firman* *Excerpt. Gr. Scal. p. 375. ibi: Ἀντίοχος ὁ Σεδητής, ὁ καὶ ἐπὶ Σότῃς. Antiochus Sedetes, qui & Pius. DEMETRIUS NICANOR, recuperato regno, quatuor annis præfuit; sed invisus omnibus, & ab Alexandro Zebennâ, Protarchi negotiatoris filio (quem Ptolemaus Evergetes, sive Physcon copiis instruxit) præliis victus; tandem ab uxore Cleopatrá, propter æmulationem posterioris nuptæ Rhodogunes interfectus est; ut scribit Appianus, consentiente Livii epit. 60. At Iustin. lib. XXXIX c. 1. §. 7. auctor est, victum ab Alexandro; cum undiq; circumstantibus malis premeteretur: Ad postremum etiam ab uxore filiisq; desertum.*

tum, & cùm *Tyrum* religione templi se defensurus petiisset, navi egressum, præfecti jussu occisum. Hanc narrationem firmanit *Joseph. lib. XIII. Antiq. cap. 17. & Exc. Græc. Scal. p. 227. & 375.* Cædem ejus rejicit *Calvisius* in *A. M.* 3824.

Hinc igitur regnum *Syria* tenuit ALEXAN-
DER ZEBENNAS, quem *Ptolemæus PHY-*
SCON adversus *Demetrium Nicatorem* subornave-
rat; partim rogatus à *Syris*, quos improbitatis *Demet-*
rii tædebat (*Joseph. lib. XIII. c. 17.*) partim ob priva-
tas similitudines in *Demetrio*; quod *Aegyptum*
occupare tentasset, *Just. lib. XXXIX. c. 1. §. 4.* vel *Pel-*
usum oppugnasset; ut habent *Fragm. Græc. Scalig.*
p. 227. Nummus ejus est apud *Goltzium* in *Thesau-
ro: ΑΛΕΞΑΝΔΡΟΤ ΖΕΒΕΝΝΟΥΣ ΒΑΣΙΛΕΩΣ. Josepho*
lib. XIII. c. 17. dicitur *Ζεβινᾶς*; *Exc. Gr. Scal. p. 227. &*
Diod. Sic. in Exc. Peir. p. 378. Ζαβινᾶς; & aliis *Fra-*
gmentis apud eundem *Scal. p. 375. Ζεβινᾶς*; prologo *Tro-*
gi 39: *Zabinneus.*

Valdè peccavit typographus noster, in *Synopsi*
minore novissimâ, cum impressit: *Alexander Potar-*
cla, negotiatoris Aegyptii cujusdam filius. Quod
moneo propter eos, qui hanc *Syro-Macedonum* hi-
storiam parum callent; aliàs leve est. Corriget igitur,
qui volet, hoc modo: *Alexander Protarchi*
negotiatoris Aegyptii filius. Antiochi Sedetis
filius adoptivus haberi voluit, ut est apud Justinum;
ut secundum *Fragment. Euseb. Gr. p. 229, Alexandri.*
Porro, asperius nihil est humili, cùm surgit in altum,
ut ait *Claud. lib. I. in Euryp. v. 181.* Sic *Alexander Ze-*
bennas

bennas è negoziatore Rex, *Ptolemaum* ipsum, cuius beneficio regnabat, spernere cœpit: Qui proinde *Antiochum Grypum*, cum magno exercitu, contra *Alexandrum* mittit. Victus *Alexander*, & paulò pòst à suis desertus *Grypo* traditur, A. M. 3827. *Just. lib. XXXIX. c. 2.* cuius locum in §. 6. perperam confundit *Berneggerus* cum alio quodam *Arnobii*. *Justinus* ait de *Alexandro Zebenna*: Cùm ipsius *Jovis aureum simulacrum* infiniti ponderis tacite evelli jussisset, deprehensusq. in sacrilegio, concursu multitudinis, in fugam esset versus. Hoc sacrilegium, inquit *Berneggerus*, *Arnobius lib. VI. advers. Gent.* tribuit *Antiocho Cyziceno*; quem ferunt decem cubitorum *Jovem* ex delubro aureum sustulisse, & ex are bracteolis substituisse fucatum. Immò de diversis sacrilegiis loquuntur & *Justinus* & *Arnobius*. Quod *Justinus* ait de *Alexandro Zebennâ*, continuat *Diodorus Siculus p. 379. in Exc. Peir.* ibi: Cùm barbarorum quorundam ministerio *Jovis fanum* diripere conatus esset, deprehensus minimum absuit, quin cum omni exercitu ilicò confoderetur. Tamen fugâ elapsus *Seleuciam* versus contendit. Non igitur voti sceleratissimi compos factus est *Alexander*; sed factus est *Antiochus Cyzicenus*, ut vult *Arnobius*: Ergò diversos exitus diversorum quoque sacrilegia fuisse, haud difficulter indicat.

Cæterùm interfecto *Alexandro Zebennâ*, **ANTIOCHUS GRYPUS**, *Demetrii Nicatoris* filius, solus regnum obtinuit; ut scribit *Porphyrinus in Fragmento*, memoratu digno, apud *Scal. p. 227.* quod ita vertimus; *Demetrium* (scilicet *Nicanorem*) excepit *Seleucus*

Seleucus frater, sed matris insidiis paulò pòst subvertitur. Igitur Antiochus, frater natu junior, rerum potius est anno secundo Olymp. 164. Tèrtio anno vincit Alexandrum Zabinam; qui acceptam cladem non ferens, veneno sese sustulit; regnavit autem Antiochus (si annumeres annum, quo penes Seleucum fratrem ejus potestas fuit) annos 11. id est, usque ad quartum annum Olymp. 166. Cognominabatur autem Grypus & Philometor. Hæc Porphyrius. Consentunt quoad genus Appianus in Syr. & Josephus lib. XIII. c. 17.

Nec in aliam deflectit sententiam Justin. lib. XXXIX. c. 1. §. 9. ut hîc maximè audiamus Græculum illum, cujus fragmentum de successione Syro-Macedonum nobis Scaliger dedit p. 375. qui statuit, Antiochum Grypum esse *Antiochi Soteris* filium. Intelligo, quod hominem deceperit: Antiochi Grypi mater, Cleopatra, fuit in matrimonio *Antiochi Sedetis Soteris*, & ejus frater Antiochus Cyzicenus, *Soteris* filius sæpe dicitur à Scriptoribus. Ergò existimabat, hunc genitum fuisse Antiocho Sedete, sive Sotere; sed fallitur. Cleopatra, Philometoris filia, è marito, *Demetrio Nicatore*, peperit *Seleucum*, & Antiochum Grypum; ex *Antiocho Sedete*, sive *Sotere* Antiochum *Cyzicenum*, vid. Joseph. d. l. XIII. c. 17.

Est & alius crassissimus ejusdem Scriptoris error: *Antiochum* enim *Soterem* distinguit ab *Antiocho Sedete*, & Regum seriem ita constituit, ut post *Antiochum Sedetem* regnârit *Demetrius Nicanor* iterum; post hunc *Alexander Zebinas*, eoq; cæso, *Antiochus Soter* in Parthis mortuus: Hunc verò *Soterem* exce-

perit *Antiochus Grypus*. Nugæ nugacissimæ! *Antiochus Soter* idem qui *Sedetes*; nec inter *Alexandrum Zebinam* & *Antiochum Grypum* ullus *Antiochus Soter* locum habet. Sed de cognomine *Philometoria*, quod ait fuisse *Grypo*; verum dicit, ex auctoritate *Porphirii*, qui nos idem modò docuit.

Res hujus *Grypi* quod attinet, primum interficere coactus est matrem suam *Cleopatram*: Nam venenum porrectura proditur, & filius, ceu pietate cum matre certaret, Circi suæ, antequam biberet, poculum porrigit; & abnuenti instat: Ita hausit, quod filio paraverat. *Iust. lib. XXXIX. c. 2. §. 8.* Nusquam, ut puto, legitur, quod de eodem *Grypo* scribit suprà laudatus *Porphyrus* apud *Scaligerum*; quem rursus ita Latinum reddimus: Regnum armis petiuro fratri *Antiocho* (*Cyziceno*) ex eadem matre nato, patrueli tamen ex patre (de quo jam antè diximus) ultro concessit, & *Aspendum* abiit; unde & *Aspendii* cognomen tulit, cum & *Grypus* & *Philometor* diceretur. *Antiocho* *Aspendum* profecto, *Antiochus Cyzicenus* regnare cepit anno primo *Olymp. 167.* At secundo ejusdem *Olympiadis* *Antiochus Grypus* *Aspendo* rediit, & *Syria* regnum iterum sibi vendicavit. *Cyzicenus* illam partem obtinuit, quæ *Cœle* dicitur. Hunc in modum diviso regno, *Grypus* superstes fuit, usque ad annum quartum *Olymp. 170.* quindecim annos natus cum rediret; in unum versum regnavit annos 26. solus undecim; post divisionem factam quindecim. Huc usque *Porphyrus*. At neque diviso regno concordia: Decessisse videbatur, quicquid non acceperat. Hinc bellum usque ad alterius interitum,

interitum. *Iust. lib. XXXIX. c. 2. §. 10. & c. 3. §. 3. 4. 5. & seqq.* ubi, quibus sceleribus alter alterum ultas sit, exponit. Grypus *Cyziceni* conjugem *Cleopatram* à *Tryphenâ* interfici patitur, *Tryphenâ* rursus necatur à *Cyziceno*. Adde *Ioseph. lib. XIII. c. 17. sub finem*. Qui & cap. 21. Grypum asserit occisum *Heracleonis* inlidis. Idem legitur in *Exc. Gr. Scal. p. 375.*

Hinc Grypi successor communiter statuitur **ANTIOCHUS CYZICENUS**, quamvis illo adhuc vivo regni partem obtinuerit; ut ex Porphyrio didicimus. Calvisius Grypi interitum collocat in A. M. 3854. Sed si Olympiadis 170. anno quarto mortuus est, malim ego dicere interfectum A. M. 3853; quoniam ille ipse juxta Calvisium annus est Olymp. 170. ultimus. In hoc verò Besoldus, velut nimis defatigatus, res Syriacas abrumpit:

Tanta molis erat postremos addere Reges!

Sed scio causam: Justinus hominem bonum destituit, ultra cujus lectionem in rebus Syro-Macedonicis non extenderat scientiam suam.

Supplebimus igitur, quod deficit: **ANTIOCHUS CYZICENUS**, Antiochi Sedetis filius, Grypo non admodum diu supervixit; statim ad luxū & crapulam conversus, nimis & histrionibus supra modum deditus, eorum artes summo studio perdiscebat: Operam quoque *Neurospastica* (Ars, quæ lignea quævis simulacra fidiculâ movere ac trahere docet) dedit. At bellicis machinis ac testudinibus prorsus carebat; quin venationibus intempestivis immodicè addictus, sæpè cum uno aut altero famulo, noctu clam egressus,

egressus, apros, leones ac pardos venabatur; non sine ingentibus vitæ periculis, ut est apud *Diod. Sic. in Exc. Petr. p. 384.*

Igitur adversus illum insurrexit SELEUCUS, Antiochi Grypi filius, qui captum Cyzicenum neci tradidit. *Joseph. lib. XIII. Antiq. c. 21. Prologus Trog. 40.* Calvisius hoc conjicit in A. M. 3855. Hic cum juxta Calvisium sit annus secundus Olympiadis 171. ei vix assentior; nam secundum *Porphyrum* Cyzicenus attigit annum tertium Olymp. 171. Verba sunt ex interpretatione nostrâ: *Cyzicenus, cujus initium est annus primus Olymp. 167. finit autem tertio Olymp. 171. regnum tenuit annos 18. Vixit autem in universum annos 50. Hic autem ejus interitus fuit: Cum defunctus esset Antiochus Grypus tempore, quo diximus; Seleucus ejus filius cum exercitu veniens, multas civitates partibus suis adjunxit. Antiochus verò Cyzicenus eductis Antiochia copiis, & signis collatis, victus est; sed & equo longius abreptus in hostes, cum parum abesset, quin caperetur; seipsum interfecit. Hactenus ille. Meminit etiam Auctor de Macedonum regno in Syria apud Scal. p. 375. 376.*

Nec tum finis hic fuit parricidalibus bellis. Seleucum non diu post invadit ANTIOCHUS EUSEBES, Antiochi Cyziceni filius; uno ictu confectum bellum, & victus Seleucus, in Ciliciæ urbe, *Mopsuestia* (quo confugerat) crematus est. Ita scribit *Appianus in Syr. Joseph. lib. XIII. c. 21.* & hujus compilator *Græculus apud Scal. p. 376. Enseb. n. 1921.* At de hac re ita *Porphyrus* loquitur: Regno potitus, Seleucus.

leucus suam fecit Antiochiam; cui bellum intulit Antiochus Cyziceni filius. Conserto praelio ad Mopsuestiam Ciliciae, vicit Antiochus: Seleucus in eam urbem fugit. Sed cum ei nuntiatum esset, imminere ab incolis vicinorum, atrocissimum lethi genus morte voluntaria antevertit.

Nec furore desitum est. Seleucus ut vindicaretur, rursus cognato sanguine imbuenda fuerunt manus: ANTIOCHUS cognomento DIDYMUS, sive Gemellus, Seleuci frater, Grypi filius, Antiochum Euseben, Cyziceni filium, bello petit; sed victus & vitam & exercitum simul amittit. *Ioseph. lib. XIII. cap. 2.* At Porphyrius à duobus fratribus simul, iisque gemellis bellum illatum ait his verbis: Fratres autem ipsius (Seleuci) qui gemelli dicebantur, Antiochus & Philippus, viribus pollentes, civitate Mopsuestiam vi captam & dirutam, fratris suis manibus parentarunt. Contra hos profectus Cyziceni filius (Antiochus Eusebes) victoriam reportavit: Et ex his fratribus Antiochus fugasse propriam è pugna, equi pernicitate pervenit ad Oroutem fluvium, in quo submersus perit. Hic Antiochi Didymi finis, qui (si Calvisii calculum sequimur) incidit in A. M. 3857. Porphyrius rejicere videtur in annum tertium Olymp. 171, hoc est, in A. M. 3856. Nam ad ejusdem Calvisii computationem hic ipse Olymp. 171. annus tertius est.

Nondum didicerunt sapere Phryges. PHILIPPUS, Antiochi Dionysii frater, post cladem suam, regnum asserit. *Ioseph. lib. XIII. c. 21. Ens. num. 1922. Exc. Gr. Scal. p. 376.* Extat nummus ejus, è quo constat,

constat, Philippum Evergetem Philadelphū appellatum; sic enim habet apud *Galzium supra citat. loc. p. 242*: ΦΙΛΙΠΠΟΥ ΕΥΕΡΓΕΤΟΥ ΦΙΛΑΔΕΛΦΟΥ, *Scal. ad Euseb. n. 1923.* ubi laudat hunc ipsum nummum. Graviter tamen hallucinatus est, dum scribit; Philippum hunc filium fuisse *Antiochi Eusebis & Selenes*, Asiaticum cognominatum. Repugnant enim *Joseph. Exc. ipsius Græca, & Appianus*, qui Philippum, *Antiochi Grypi* filium, Seleuci, Antiochi Gemelli, Demetrii Eucæri, & Antiochi Dionysii fratrem faciunt; & planè diversum ab Antiocho Asiatico, Eusebis & Selenæ filio. Et præterea, si Philippus *Asiatici* cognomen tulisset, hoc non omitteret nummus; in quò tantâ curâ signata sunt aliis præterita cognomina.

Porro cæso Antiocho Didymò, PHILIPPUS & DEMETRIUS EUCÆRUS (quem *Ptolemæus Lathyrus* & ipsum Regem constituit, apud *Damascum*) junctis copiis Antiochum Eusebem aggrediuntur. *Joseph. d. l. XIII. c. 21. & Exc. Gr. Scal. p. 376.* Ita eodem tempore tres Reges parricidas habuit infelix Syria: *Antiochum Eusebem, Philippum Evergetem Philadelphum, & Demetrium Eucærum.* Nihilominus Antiochus Eusebes par utrique, Philippo & Demetrio. *Joseph. d. l. Exc. Scal. p. 376.* Tandem à *Laodice*, Calamenum Reginâ, vocatus in auxilium contra Parthos, in præliò fortissimè dimicans cadit. *Ibid.* Hujus factum non commemorat *Porphyrius*.

Superstites PHILIPPUS & DEMETRIUS Grypi filii, sibi ipsis parricidale bellum intulerunt; cum

cùm *Demetrius Philippum*, Bercæ mœnibus inclufum oppugnaret : Sed is à *Stratone*, Bercæ tyranno, & *Zize* Arabum Principe, & *Parthis* liberatus; ipfe verò *Demetrius* captus, & in *Parthiam* abductus eft; ubi morbo periit. *Joseph. d. l. XIII. c. 22.* Factum (fi credimus *Calvisio*) A. M. 3861.

Paulò post *Demetrii* mortem Rex factus eft **ANTIOCHUS**, cognomento **DIONYSIUS**, quintus *Antiochi Grypi* filius; & cùm res novas moliretur, contra *Philippum* fratrem, femina luctuosi belli fortuna statim oppreffit: Cæfus eft enim *Antiochus Dionysus* in prælio contra *Arabes*; cùm de victoria jam certus, alterum eorum firmare vellet. *Joseph. d. l. c. 23.* Hoc *Calvisius* refert in A. M. 3864. Græculus, cujus *Exc.* legimus apud *Scal. p. 376.* *Antiochum Dionysium* scribit bellum gessiffe, cum *Antiocho*, *Cyziceni* filio; quod *Josephus* (quem sæpius exfcripsit) non dicit.

Hic autem rursus de *Syriacis* rebus, quædam rariora nos docet *Porphyrus*, quo *Josephus* huc usque locupletior fuerat : Ait enim, è *Seleucidarum* domo *Reges superstites* fuisse, **PHILIPPUM**, *Grypi* filium, & **ANTIOCHUM** *Cyziceni*; qui discordiis continuatis experti sint, quod ait Poëta :

- - - dum mutua stulti

Pastores odia exercent, lupus intrat ovile.

Hoc enim lucri fecisse, ut subditi, scelorum & parri-
cidiorum pertæsi, alios omnes mallent, quàm suos.
Atque ita validissima pars monarchiæ *Macedoniæ*
corruit. Sed audiamus *Porphyrum* ipsum : *Reliqui*
(de

(de Seleucidarum domo) Philippus, qui Seleucum fratrem, Antiochum Grypum patrem habebat; & Antiochus Cyzsicens filius, ab anno tertio Olymp. 171. regnantes, nec aspernandis viribus instructi; sed quod uterq, saltem partem obtineret, de universâ Syriâ bello inter se decertarunt. Subcumbens Antiochus ad Parthos fugit, & postea in Pompeji potestatem concessit; velut ab eo reducendus in Syriam. Sed hic ab Antiochenis acceptâ potestate, Antiochi nullam rationem habuit, urbem suis legibus vivere permisit. Dum hæc spe excidit, mittunt ad eum Alexandrini Menelaum, Lamponem & Callineandrum cum petitione; ut cum Ptolemaus Dionysius Alexandriâ pulsus esset, veniret; ac regnum Egypti, pari potestate, cum filiabus Ptolemai regendum susciperet. Quod ne fieret, morbus intervenit; quo etiam extinctus est. Destruitur & Philippus, qui (ut diximus) Antiocho Grypo & Tryphanâ Ptolemai VIII. filiâ genitus erat: Nam abire volentem in Egyptum, quod & ipsum Alexandrini ad regnum vocassent, Gabinius Romanus, Syria præses, & Pompeji legatus, oppressit. Hactenus Porphyrius. Eusebius Latinus num. 1923. non tam distinctus & perspicuus: Antiochus, inquit, in Parthos fugiens, Pompejo se deinceps tradidit; postquam Philippus captus est à Gabinio. Hic finis imperii Seleucidarum,

Tamen non prorsus extinctam tùm fuisse domum illam, tot Antiochorum Comagenorum mentio facta in sequentium temporum historiâ, credere nos jubet. Comagene, Syriæ regio ad Euphratem & Taurum montem sita est; ut ait Dio. lib. XXXV. pag. 2.

Urbem

Urbem habet naturâ munitam, *Samofata*, regni caput; ut est apud *Strab. lib. XVI. p. 749*. Videndus de eodem *Ptolemaus*, & *Plinius lib. V. c. 24*. Hanc Comagenem, cum Romani Syriam Tygrani (nam is à Syris in regnum accitus erat, quod etiam per 18. annos tranquillissimum possedit, *Iust. lib. XL. c. 1. Appianus in Syr.*) vi armatâ extorsissent (*Strab. lib. XI. p. 532.*) reliquisse videntur *Seleucidis*, frustrâ petentibus totum Syriæ regnum.

ANTIOCHI COMAGENI *Dio* meminit in rebus anni ab V.C. 685. hoc est, A.M. 3882. Cui *Lucullus*, captis Tygranocertis, uxorem captivam restituerit: Tygranes enim Syriâ potitus, quos è *Seleucidis* capere potuit, vel occidit, vel captivos abduxit. *Plut. in Lucullo* pag. 55: *Reges, Seleuci successorum, tollit, eorum filias & conjuges sedibus extractas abdit.* Huic Comageno *Cn. Pompejus Seleuciam*, *Mesopotamiæ* castellum adjecit; ut nos docet *Strabo vulgatus lib. XVI. p. 749*. Idem, nî fallor, cujus aliquot locis meminit *Cic. ut lib. XV. ep. 1: Antiochi Comageni legati primi mihi nunciârunt, Parthorum magnas copias Euphratem transire cœpisse; quo nuncio allato, cum essent nonnulli, qui ei Regi minorem fidem habendam putarent; statim expectandum esse, si quid certius afferretur.* Adde *epist. 3. & 4.* Ejus soror (ut *Mannertius* existimat uxor fuerat *Orotis*, Regis Parthorum; de quâ *Dio lib. XLIX. p. 406: Phraates*, regno accepto, fratres suos, ex *Antiochi* filiâ natos (quod se & virtute & materno genere præstantiores essent) dolo necavit. E quibus apparet inter Romanos Parthosq; ut

alios Orientalium, sic Antiochum istum, dubiâ fide fluctuasse. Et de hoc ipso capio *Dionem*, d. l. ubi refert, Vendidium, Antonii Legatum adversus Antiochum Comagenum copias duxisse; aliis quidem prætextibus usum; sed revera pecuniæ (quam plurimam Antiochus possidebat) potiundæ spe impulsus: Sed cum nihil proficeret, *Antonium* (cum ob hanc ignominiam exercitum putaret à se alienatum) clam egisse de pace cum *Antiocho*; ut recedere honestè posset. Hoc ut impetraret, Antiocho necandum tradidisse *Alexandrum*, qui ad Romanos transfugerat. Refert eandem rem, sed aliter, *Plutarchus in Antonio* p. 931. Tangit *Josephus lib. I. de Bello Jud. cap. 12. sub finem*. Ejus filius (ut suspicor) est *Antiochus Comagenus*, qui anno V. C. 724. Romæ in curâ damnatus, & capite truncatus est; quod fratris sui legatum Romam missum occidisset. *Dio lib. LII. p. 495.*

Ita sub Augusto precarium regnum fuit; & cum A. V. 733. *Rex Comagene*, nescio quis, occidisset *Mithridatus* cujusdam patrem; Augustus Mithridati, quamvis puero, regnum assignavit. Post MITHRIDATEM observo regnasse ANTIOCHUM, quo, anno 769 mortuo (*Tacitus lib. II. Ann. c. 42.*) *Tiberius* Imperator *Comagenem* in provincia formam redegit, missio in illam primo legato, Proprætore Q. Servæo, *Tac. c. 56. ibid. Strabo lib. XVI. p. 749.*

Sed *Caligula* post 20. annos *Seleucidis Comagenem* iterum tradidit. *Dio lib. LXIX. p. 645.* ANTIOCHO, Antiochi filio, *Comagenem* paternum regnum, adjectis *Cilicia* maritimis, dedit. Adde *Strab.*

in *Caligula* c. 16. Hinc *Antiochus* è temporum ratione videtur vel nepos, vel pronepos illius *Antiochi*; cujus è *Cic.* & *Dione* memòriam jam reduximus. Sub *Nerone* A. V. 806. reperio *Antiochum Comagenum*, qui *Corbulonem* contra *Parthos* juvit. *Tac. lib. XIII. Ann. c. 37*: Simul *Antiochum Regem* *Corbulo* monet, proximas sibi *præfecturas* petere. De eodem paulò ante *lib. eod. c. 7*. scripserat: *Nero* duos *veteres Reges*, *Agrippam* & *Antiochum* expedire copias jubet, quis *Parthorum* fines ultrò intrarent. Qui locus illustrat illud ejusdem *Taciti* in *Agric. c. 14*: *Veterem* ac *jampri-*
dem receptam populi *Romani* consuetudinem, ut haberet *instrumenta servitutis* & *Reges*. At quoniam *vetus Rex* dicitur, nullus dubitem, eundem esse *Antiochum*, *Antiochi* filium; quem *Claudius* ultimum restituit, postquam, donato regno, à *Caligula* rursus exutus esset. *Joseph. lib. XIX. c. 4*. Capiò de eodem locum *Tac. lib. II. Histor. c. 81*: *Accessere* (*Vespasiano* A. V. 821.) cum regno, *Sohemus* haud spernendis viribus; *Antiochus* *vetustis opibus ingens*, & *inservientium Regum ditissimus*. Auxilium etià tulit *Tito Vespasiano* contra *Judæos*, *Joseph. lib. XIII. de Bell. Jud. c. 3*. Tandem A. V. 825. in maximam calamitatem incidit, quam fusè describit idem *Joseph. lib. VII. cap. 27*: *Cassernius* namq; *Patus*, nullà laceffitùs injurià, *Comagena* bellum infert; & cùm *Antiocho* nec consiliùm nec animus esset resistendi, captus & victus *Romani* mittitur: Sed *Vespasianus* cùm *Lacedæmonem* relegavit, præbitis magnis pecuniæ redivitibus; ut non modò lautè, sed & regium in modum viveret. Ita *Co-*

magene Rom. populi provincia facta est. Sueton. c. 1. in Vespas.

Filii Antiochi EPIPHANES & CALLINICUS, fortissimi bello juvenes, cum Romanis; tam indignis modis secum agentibus, manus conferunt, & æquo Marte utrinq; discessum est. *Joseph. d. 1. Hic est ille Epiphanes, quo de Tacitus lib. II. Histor. c. 25: Vulneratur Rex Epiphanes, impigrè pro Othone pugnam ciens. Cui desponsata etiam fuit Drusilla, Cyprùs & Agrippæ filia, Aristobuli neptis, Herodis Magni proneptis. Sed cum Judaicam religionem amplecti nollet (quod primum pollicitus erat) tota res eventu caruit. Joseph. lib. XX. Antiq. c. 5. Fugit ad Parthos, everso paterno regno. Idem lib. VII. de Bell. Jud. c. 27.*

CAPUT XI.

Ptolemeus I. qui Ægyptum obtinuit, Philippi filius, & Alexandri M. frater. Idem Lagi filius habitus. Quot annis Satrapa & Rex fuerit? Ejus successores, ad Cleopatram ultimam; cum brevi commemoratione rerum, quas quinq; gessit. Et inter hac varia Scriptorum veterum loca explicantur, & recentiorum sententiæ expenduntur.

Alteram monarchiæ Macedonicæ laciniam regnum Ægyptiacum fuit: Cum enim divisio provinciarum fieret, PTOLEMÆO Ægyptus, & Africa Arabiaq; pars sorte venit, *Iust. lib. XIII. c. 4. §. 10. Arrian. lib. VI. Diod. Sic. lib. XVIII. c. 14. & 39.*

Dexip.

Dexippus apud Photium Cod. LXXXII. & apud Scal. in opere Eusebiano p. 48. Orosius lib. III. c. 23. Curt. lib. X. c. 10. §. 1. & alii. Calvisius Ægyptum obtinuisse scribit statim illo anno, quo Alex. M. fato succubuit, hoc est, A. M. 3627. Nec ferè aliud volunt alii. Sed Porphyrius sequenti anno in Ægyptum missum scribit hisce verbis, apud Scal. p. 224: Anno sequenti, cum jam imperii summa in Philippum (intelligit Aridaum, cognomento Philippum) collata esset, praefectus in Ægyptum mittitur.

De ejus genere diversæ fuerunt sententiæ: *Lagum* patrem, & *Arsinoë*m matrem facit *Porphyrius d. l.* quod idem scribunt plerique omnes. Hinc *Lagidarum* familia, domus *Ptolemæorum*; & *Lagea* juvenus apud Poëtas *Ægyptia* dicitur; nec *Ptolemæus* alium se scribebat, nisi *Lagi filium*. Auctor est *Plutarch. in lib. de Irâ coercenda.* Cum *Ptolemæus* Philologi cujusdam inscitæ illufurus, ex illo quæreret, *quis Pelei fuisset pater?* Philologum, facetà quæstione, contumeliosam quæstionem ultum esse, cum responderet: *Tuprius dic, quis Lagi fuerit pater?* Quo dictorio humilitatem generis illi exprobravit. Tamen non de vano haustum est, quod alii referunt, fuisse *Philippi*, *Macedoniæ Regis*, ex *Arsinoë*, concubinâ filium; quam jam gravidam *Lagus* duxerit. *Pausanias in Atticis* pag. 10: *Ptolemæum Macedones, re, Philippi, Amyntâ geniti;* verbo autem, *Lagi filium fuisse existimant.* Ejus enim matrem uterum ferentem à *Philippo*, *Lago uxorem datam* referunt.

Miror *Cl. Vossium lib. 1. Instit. Orat. c. 6. sect. 13.*

p. 61. credidisse, hoc ab uno *Pausania* proditum: Possumus enim illi dare plures alios, antiquitate venerandos, fide præclaros. *Theocritus*, *Ptolemæi* οὐγγεο-
 ρ fuit, in *elogio Philadelphi*, ab *Hercule* derivat ejus genus; non aliam ob causam, quàm quod ex communi sententiâ Macedonum *Ptolemæum Philadelphi* patrem, *Philippi* Regis filium crederet. Versus est *Idyllio* 17:

Ἀμφὶν γὰρ πρὸ γένος σφιν ὄκαρπρος Ἡρακλίδας,
 Hoc est, ut vertit *Eobanus Hessus*:

Nam fuit amborum proavus satus Hercule forti.
Curt. lib. IX. cap. 8: *Præcipit* Ptolemæus, *levo humero* leviter quidem sauciis, sed majore periculo, quàm vulnere affectus, Regis solitudinem in se converterat. Sanguine conjunctus erat, & quidam *Philippo* genitum esse credebant; certè pellice ejus ortum constabat. Sed & *Suidas* in Λάγρ. auctor est, cum *Lagus Arsinoë* duxisset gravidam, ex eâ natum *Ptolemaum*, ut alienum exposuisset in aneo clypeo: Macedones autem finxisse, *aquilam* advolare solitam, & expansis alis ardorem solis ab eo prohibuisse; & imbrem & volucres abegisse, & coturnicibus laceratis, sanguinem illi pro lacte instillasse. Atque hinc est, quod *Propertius lib. III. eleg. 10.* *Cleopatram Philipejum sanguinem* dicit. Idem scriptum fuisse in *priore libro Eusebii*, faciliè indicat *Excerptum* hominis barbari; qui cum esset hellenismi & Latinitatis imperitissimus, *Eusebium* sic loquentem facit: *Aegyptum autem, & qua circa eam, usq; superiorem Lybiam* *Philippo*, qui vocabatur *Ptolemæus*, donavit. Vide apud *Scalig. in Scriptor. Latinis*, quos adjecit

adjecit *Euseb. p. 58.* Nam ut dextro Apolline judicare mihi videtur *Freinsh. ad Curt. lib. X. c. 10. §. 1.* in Græco erat: Πτολεμαῖος τῷ λεγομένῳ Φιλίππου. Quod sic vertendum erat: *Ptolemæo, qui Philippi* (sc. filius) dicebatur. Quamobrem stirpem Heraclidarum, ab *Inacho*, suprâ deductam, porro continuabit per 300. annos, annexis *Ptolemæis*; qui vult.

Nunc ad alia: *Ptolemæus* quamvis *præfecturam* accepisset, tamen *Regis* titulo abstinuit; donec *Antigonus* se, cum filio, *Regem* appellari à populo juberet. *Just. lib. XV. c. 2. §. 10. 11.* à quo dissentiens *Porphyrus* apud *Scal. p. 228.* omnes præfectos, *Cassandri* exemplum secutos, ait hisce verbis: *Olympiadem* verò infestam abiciens, seipsum *Regem* dixit *Cassander*, *Antipatri* filius. Ex eo ceteri quoque præfecti provinciis suis, regio nomine præfuerunt; *Alexandri* domo prorsus excincta. Factum hoc scribit *Calvisius A.M. 3639.* hoc est, duodecimo anno post *Alexandri* mortem. Sed adversatur *Porphyrus* apud *Scal. p. 225,* qui vult, *Ptolemæum* præfecti nomine *Ægyptum* rexisse per annos 17; regio per annos 23: Et cum ex ejusdem sententiâ anno post *Alexandri* discessum, *Satrapa* in *Ægyptum* missus sit, *Rex* ante *A. M. 3645.* appellatus non est. Et quid tergiverfamur hunc admittere? nihilominus *Eusebius n. 1692.* *Regem* annorum *quadragenta* facis, conjungens scilicet annos *præfectura* & *regni.*

Res quod attinet, ob singularem virtutem ac prudentiam in liberandis sociis, à *Rhodiis* *Soteris* cognomen tulit. *Pausan. in Atticis, p. 14. Exc. Gr. Scal. p. 376. Diogenes Laërtius in Diodoro p. 162. & in Stil-*

pone p. 165. Nummus Gracus apud Golzium in *The-
sauro* p. 248. Sed indignum hâc appellatione censet
Josephus lib. XII. Antiq. Jud. c. 1. Causa manifesta,
quia Hierosolymis, dolo capta, Judæos multos in *E-
gyptum* abduxit; ut ibi idem refert; cum quo confe-
rendus *Euseb. n. 1695. & Auctor Excerpt. apud Scal-
d. p. 376.* Addit *Vossius lib. I. de Idolol. cap. 31. p. 236.*
Magnum quoque cognominatum. Hoc nusquam
legi, nisi quod apud *Justin. lib. XVII. c. 2. §. 6.* reperio
dici, *Magnum Ptolemaum*; sed hoc illi proprium fuis-
se, vix inde concluderis: Nummus certè, quem laudavi-
mus, omittit. *Besoldus* scribit, excelluisse justitiâ & li-
beralitate; quòd in animo haberet, quæ leguntur apud
Justin. lib. XIII. c. 6. §. 18. & seqq. & lib. XV. c. 1. §. 7.
Addendus *Diod. Sic. lib. XVIII. c. 33.* *Luciano in Ma-
crobius* dicitur: Ὁ τῶν καὶ ἑαυτὸν εὐδαιμονέστατον
βασιλέων, quæ ita vertit *Vossius lib. I. Inst. Orat. c. 5.*
sect. 13. p. 61: propria fortunâ inter Reges felicissimus.
Mallem ego: *Regum sui temporis felicissimus.* Sic
enim debent illa, καὶ ἑαυτὸν. *Dio lib. LIX. de Senecâ:*
Ὁ πάντες μὴ τὴς καὶ ἑαυτὸν Ῥωμαῖος υπεργέγας,
hoc est, omnes sui temporis Romanos superans. Sed
quanam illa felicitas? bello vicit *Perdiccam & Deme-
trium*, Antigoni filium. *Diod. d. l. Just. lib. XVI. c. 2.*

Biennio ante obitum regnum cessit PTOLE-
MÆO PHILADELPHO, filio è *Berenice*, cui (ut
est apud *Theocritum idyllio 17. & ejus Scholiastem*)
Antigone mater, *Cassander* avus. Meminit hujus fa-
cti *Just. lib. XVI. c. 2. §. 7. & Porphyrius* hisce verbis:
Postquam vivus adhuc Ptolemao filio, admodum puero,
regnum

regnum tradidit, nondum 40. sed saltem 38. anni Ptolemai I. (quem Soterem cognominabant) statui possunt. Mortuus est secundum hanc sententiam A. M. 3668. & Philadelphus Rex factus A. M. 3666. At Calvisius Soteris mortem, & initium Ptolemai Philadelphi, collocat in A. M. 3665. Rhodii ex oraculi monitu, mortuum divinis affecerunt honoribus; eiq; lucum in urbe sacrârunt quadratum, extructâ ad latus quodq; porticu stadium longâ; quam Ptolemaeo nuncupârunt.

PTOLEMÆUS PHILADELPHUS, secundus Ægyptiorum Rex, post obitum patris 38. annis Ægyptum tenuit. Porphyr. d. l. Euseb. n. 1732. Meminit ejusdem nummus apud Golzum in Thes. p. 246. Quamobrem decretorius illi fuit A. M. 3706. Potissimum hujus Regis opus bibliotheca Alexandrina, de quâ præter Besoldum in Synopsi majore, Lipsius in syntagmate de Bibliothecis, & Andreas Schottus præfat. in Rhodium. Fuit in Bruchio, remotâ quâdam regione à reliquâ urbe Alexandrinâ; de quâ Casaubonus ad Spartianum p. 36. Igitur distinguenda est ab altera, quæ fuit in (templo) Serapeo, prioris soror dicta. Vales. ad Ammian. Marcell. lib. XXII. p. 244. Ad hanc bibliothecam suam, & gloriam exinde venturam respexit, nî fallor, Ptolemaus; cum jactaret, sempiternam vitam sibi futuram. Aliter cum aliis accepit Athenæus lib. XII. p. 536. quibus minimè accedo: An enim Regem sapientissimum, & literis humanioribus egregiè tinctum, eò vecordix prolapsus credimus, ut se solum existimârit naturæ legibus exemptum; & immortale corpus habiturum? Docebimus alibi,

quàm malè accepta sint magnorum virorum symbola. De hoc ipso Ptolemæo explicandus Justinus lib. XVII. c. 2. §. 9. & lib. XXVII. c. 1. §. 2. 3. Uxor Arsinoë, Lyfimachi filia, peperit illi Ptolemæum Evergeten l. *Lyfimachum*, & *Berenicem*. Scholiastes Theocriti, ad idyllium 17: Ptolemæo Philadelpho Arsinoë, Lyfimachi filia (quam priorem conjugem habuit) peperit Ptolemæum, Lyfimachum & Berenicem. De Lyfimacho consentit Polyb. in Exc. Peir. p. 64. At Ptolemæum Evergeten non ex hac Arsinoë, sed ex alterâ, ejusdem nominis, Philadelphi sorore natum; vetus indicat subscriptio simulacri Ptolemæi Evergetæ: REX MAGNUS PTOLEMÆUS, FILIUS REGIS PTOLEMÆI ET REGINÆ ARSINOË, DEORUM FRATRIS SORORISQUE; REGUM PTOLEMÆI ET REGINÆ BERENICES, DEORUM SERVATORUM NEPOS. Ptolemæus enim Philadelphus Veneri admodum deditus (*Athen. lib. XIII. p. 576.*) etiam Arsinoës, germanæ sororis amore victus, eam sibi matrimonio junxit; atque id sanè non ex Macedonum, sed *Ægyptiorum* (quibus imperabat) lege fecit; ut ait *Pausanias in Attic. p. 12.* Quod ipsum etiam prodidit *Strabo lib. X. p. 460.* Tamen idem *Pausanias Scholiastem Theocriti* planè confirmat p. 13. Ait enim, ex Arsinoë Lyfimachi natos Ptolemæo Philadelpho liberos, non ex Arsinoë sorore.

PTOLEMÆUS EVERGETES, tertius Rex successit Philadelpho patri, & regnum tenuit per annos 25, ut ait *Porphyrus*. At *Eusebius n. 1770.* & Exc.

Exc. Gr. Scal. p. 376. sex & viginti annos assignat. Secundum Porphyrii calculum, vitâ exutus est A. M. 3730. Calvisius mortem ejus ponit in A. M. 3729. Hic sorori *Berenice* (quam *Seleucus Callinicus* obsidebat) auxilium tulit. *Justinus lib. XXVII. c. 1.* Hunc ipsum vicit, magno prælio *ibid. c. 2.* sub specie sororiæ ultionis, *Asia* imperium affectat *ibid. c. 3.* Antiochum *Hieracem*, ad se confugientem, arctâ custodiâ habet *ibid.* Occiditur à filio *Just. lib. XXIX. c. 1.* Uxores illi fuerunt, *Agathoclea* & *Beronice*, Magæ patrui filia *Just. lib. XXVI. c. 3.* Erat enim *Magas*, Rex *Cyrenarum*, frater *Philadelphi*, sed ex matre tantum; è *Berenice*, genuit *Magam* alterum, *Polyb. in Exc. Peir. p. 64.* Ex *Agathoclea* *Ptolemæus Philopator* *Exc. Græca Scal. p. 376. Strabo lib. XVII. p. 795. Polybio tamen l. d. & Justino lib. XXIX. c. 1. §. 5.* etiam *Berenice mater* *Ptolemæi Philopatoris*, fortassis per catachresin.

Post hunc *Ægyptum* rexit **PTOLEMÆUS PHILOPATOR** per annos 17. ut volunt, *Porphyrius, Eusebius n. 796. & Exc. Gr. Scal. p. 376.* Fuit *Ptolemæi Evergetæ* filius, ut dixi; & adjici potest *Joseph. lib. XII. c. 3. sub finem* *Gallus* præterea cognominatus, quod ut gallis Magnæ matris, sic ipsi stigmata foliorum *hedera inusta* fuerint; ut est apud *Auctorem Etymologici.* Interfecit patrem, & matrem, sive novercam *Just. lib. XXIX. c. 1.* Adjunxit etiam fratris cædem. *Idem lib. XXX. c. 1. Polyb. lib. V. c. 34. Plutarchus in Agide & Cleomene p. 820.* Bello ab *Antiocho Magno* petitur, sed egregiè vincit ad *Raphiam*, *Polyb. lib. V. c. 85. 86.* Hierosolymis posthæc in Sanctu-

Sancta-

Sanctorum introire vult, sed prohibetur à Pontifice Maximo, inde odio inexpiabili, contra *Judeos* exardescens, multos trucidat, ac capit: At eodem anno, pœnitentiâ ductus, captivos remittit ad suos, *Scal. ad Euseb. n. 1797. & III. lib. Maccab. sive ex Historia, quæ prior tempore historiis duorum librorum, sacræ Scripturæ insertis, ab Eusebio citatur. Moritur secundum computationem nostram, è Porphyrio A. M. 3747. Uxor ejus Eurydice, quæ & soror, ab eodem interfecta. Just. lib. XXX. c. 1. §. 7. & c. 2. §. 6. Polybius tamen lib. XV. cap. 31. & in Exc. Peir. pag. 63. Arsinoën vocat.*

Ex eâ natus PTOLEMÆUS EPIPHANES, qui regnavit annis 24, juxta *Porphyrium, Euseb. n. 1813. & Auctorem Excerptorum Gr. apud Scal. p. 376. Quorum sententiam sequitur Scal. lib. II. Canon. Isag. p. 130. Ejus igitur obitus incidit in A. M. 3771. Calvisius, ut aliàs, anno minus dicit. Hic est, in quem conjurarunt Philippus Macedonia, Antiochus Syria, Reges; sed tutelam susceperant Romani. Missus est in Ægyptum M. Lepidus bis Cos. & Pontifex, Valer. Max. lib. VI. c. 6. ex. 1. Just. lib. XXX. c. 3. Tacitus lib. II. Ann. c. 67. §. 5. Extant hodieq; denarii argentei, repræsentantes in uno latere urbis Alexandria faciem, cum coronâ murali turritâ; cui subscriptum: ALEXANDRIA: In altero, Mureum Lepidum togatum, senem calvum, qui à dextris stantem adolescentulum, diademate coronat, adscriptis hisce verbis. S. C. M. LEPIDUS. PONT. MAX. TUTOR. REG. Pighius in A. V. 590. Lipsius ad Tacit. lib. II. Ann. c. 67.*

Fulvius

Fulvius Ursinus in Emiliâ gente, p. 7. Golzius in Fastis p. 129. & in tomo de Jul. Cæs. tab. 33. nummo i. 4. 6. Uxor hujus Ptolemæi Cleopatra, Antiochi Epiphanis soror Iust. lib. XXXIV. c. 2. §. 7. Ioseph. lib. XII. Antiq. c. 3.

Ex hoc conjugio fuit PTOLEMÆUS PHILOMETOR, sextus Ægyptiorum Rex, post Alexandrum M. cui omnes uno ore, 35. annos tribuunt; quemadmodum ejus fratri Ptolemæo Physconi Evergetæ (sic eum describit nummus) iidem annos 29. Vide Ptolemæi Canonem, apud Calvisium, Introduct. Chronologica c. 11. & apud Dionys. Petavium. lib. IV. Rat. Temp. sub finem. Euseb. n. 1837. & 1872. Porphyrius apud Scal. p. 225. & apud Eundem Exc. Gr. p. 376. Sed ex his ne molestum nobis sit audire Porphyrium, qui Regum Ægyptiorum chronologiam, & successiorem, unus omnium, exactissimè nobis calluisse videtur: Hujus (Ptolemæi Epiphanis inquit) duo filii Ptolemæi, regnum auspicati sunt, & nati quidem major, Philometor; junior, Evergetes II, cognominatus est. Utriusq; anni 64. numerantur. Sigillatim numerum utriusq; dedimus, quia in ratione temporum confusio facta est, ob eam causam, quod inter se invicem convulsi sunt; & alter post alteram regnum occupavit. Philometor, regnarat annos 11. solus, cum Antiochus Ægyptiam infesto exercitu peteret; & diadema raperet. Sed Alexandrini juniorem fecerunt Regem, & pulso Antiocho liberarunt Philometorem. Sic ambo regnum tenuerunt, & cum scriberetur annus Philometoris 12. Evergetæ is fuit primus. (in Græco est, καὶ ἐξημέτησι αὐτῷ; Φιλομήτερος ἱβ' Εὐσεγέτε δὲ ἐν, scribam omnino;

omnino, Φιλομήτορ & β vel etiam ια. Nam in sequentibus Evergetæ tribuit 25. annos, usq; ad mortem fratris, qui, eodem teste, mortuus est, anno regni curren-^{te} 36.) *Concordes autem vixerunt, usq; ad annum 17.* (subintellige Philometoris) *sed ab anno 18, rursus solus numeratur Philometor; quem à Physcone, regno exutum, restituerunt Romani. Et ipse quidem Egypti regnum tenuit; ut fratri, regnum Lybia, sive Cyrenaicum commisit; solusque adeò regnavit annos 18. Mortuo eo, in Syriâ (partem enim regionis hujus, ut suam obtinebat) accersitus, Cyrenæ Evergetes, & Rex publicè salutat, adscripsit sibi omnes annos, ab eo tempore, quo primum Rex nominatus est; ut cum post fratris obitum regnârit, annos 29. (in Græco legitur iterum corruptè εἴκοσι πέντε, pro; εἴκοσι ἑννία) in universum sibi vindicasse putetur annos 54. Nam annos Philometoris 36. (hic enim accensendus est) ipsi fuit annus regni 25. Atque ita utrisque fuerunt 64. Philometori 35. reliqui Evergetæ. Hæc Porphyrius, è quo rerum, Philometoris talem jam constituo chronologiam: Cum, ut dixi, Ptolemæus Epiphanes finierit A. M. 3771, in hoc initium Philometoris ponendum est; & cum sic per undecim annos regnum possederit, donec ab Antiocho, bello peteretur; captivitas ejus rejicienda erit in annum 3782. Hæc aliquantò citius ponit Calvisius.*

Cæterum, hâc ferè de causâ, bellum illud contigit: *Philometor*, cum *Celefsyriam*, majoribus suis semper paruisse, intelligeret, eam ab *Antiocho Epiphane*, per legatos repetiit, suâsu *Eulai* nutritii, ac *Lenæi* du-

eis;

cis; qui tùm, Rege admodum puero, *post mortem Cleopatrae*, cuncta administrabant: Ei cum ab Antiocho minimè redderetur, ingentem belli apparatus Ptolemæus facere instituit, quo eam recuperaret. *Diod. Siculus Legat. XII. & apud Suidam in ΑμΦισ-
βητέν.* Antiochus cum Ptolemaum videret sese ad bellum accingere, *Meliagrum* legatum Romam misit, qui *Senatus* referret, bellum sibi præter fas, à Ptolemæo inferri, interim ipse celeriter conjunctis copiis, cum Duces Ptolemæi segniter agerent, & in Syriam irrumperere cunctarentur; ultrò illis obviam processit; commissioq; prælio inter *montem Cassium & Pelusium*, eos profligavit: Et cum Ægyptiorum copias internecione delere posset, equo circumvectus, occidi eos vetuit, vivos tantummodò capi jussit. *Philometor*, audita suorum clade, ac deditioe Pelusii, aliarumq; urbium, metu percussus, ac fortassè etiam Alexandrini populi seditione impeditus, fugit Alexandriâ; cumq; in manus *Antiochi* venisset, *Antiochus* puero pepercit, & amicitiam cum eo firmavit; curamq; illius suscipere se simulavit: Diadema tamen ademît, & Ægyptii Regem sese ipsum fecit; quod Alexandrini ægrè ferentes, *Ptolemaum juniorem* (qui *Evergetes & Physcon* dictus est) fratrem Philometoris, Regem renunciârunt; ac strenuè Antiocho restituerunt. Sed Antiochus, *viâ navali prælio ad Pelusium Alexandrinis*, & ponte per *Nilum* factò, transgressus cum copiis, *Alexandriam obsidere* instituit; simulans se *Ptolemæo Majori* regnum recuperare. Hæc de bello isto *Antiochico*, quàm diligentissimè congeffit *Valesius ad Exc.*

Peir. p. 49. & Polybii Legat. 71. 72. & Hieronym. in Danielis cap. XI. qui & cladem ad Pelusium rejicit in A. M. 3781. quod nobis parùm officit; nam & hic annus II. Philometoris statui potest.

Paulò post venit in *Aegyptum* C. *Popilius*, de quo suprà dixi in rebus Antiochi Epiphanis: Jam verò plura nos docet Porphyrius; nimirum fratres, *Philometorem*, & *Physconem*, concordēs egisse, usq; ad annum Philometoris 17, hoc est, usque ad A. M. 3788. Illo igitur anno pulsus à minore fratre major, Romam venit; & à Senatu paulò post restitutus est, hâc lege, ut major *Aegyptum*, minor *Cyrenas* regeret. Ita cum *Calvisius* (qui *Polybium* sententiæ suæ fundum laudat) hîc optimè nobis convenit.

Quamobrem mira *σύγχυσις* est apud *Besoldum* in Synopsi majore, cum ait: *Ptolemaeus Philometor*, ab initio discorde fratre usus, *Alexandriâ*, ab eo pellitur; *Celestyriâ* interea amissâ, quam invaserat *Antiochus Epiphanes*, hoc dissidio invitatus. Nullum in hâc narratione verbum sanum: *Discordia* enim fratrum est exorta, sub initum regni; sed post multos demùm annos neque hoc dissidium invitavit Antiochum, quod illo tempore (quo Antiochus cum exercitu in *Aegyptum* movit) nullum fuit. Neque *Celestyriam*, Antiochus extorsit *Aegyptiis* expeditione illâ, quam primùm suscepit: Hanc enim regionem ante môtâ arma tenuit; quæ omnia satis exposita sunt.

Tandem quod ait *Porphyrius*, obisse *Philometorem* in *Syriâ*, cujus partem possederit, utrinque verissimum est; Nam ob illam possessionem, *Syria Rex* dicitur

dicitur à Polybio in *Exc. Peir.* p. 134. Et cùm adversus *Alexandrum Balam*, perfidum generum, in *Syria* pugnaret; equo excussus, & ab hostibus vulneratus, inter medicorum manus, diebus aliquot post expirat. *lib. I. Maccab. c. 11. Joseph. lib. XIII. c. 8. Polyb. in Exc. Peir. p. 494. Epitoma Liviana 52.* Secundùm *Porphyrum* factum hoc A. M. 3805, vel 3806: *Calvisius* ponit in A. M. 3804. Locum ubi decesserit, indicat *Strabo lib. XVI. p. 751.*

Ita *Cyreniam* rediit *Ptolemæus Physcon, Evergetes II*, fratri longè dissimillimus. Frater enim, ut ait *Polybius in Exc. Peir. p. 195.* maximâ laude & gloriâ dignus, neminem amicorum ullam ob causam occidit; imò ne civem quendam *Alexandrinum*. Et cùm ab hoc *Physcone* *Alexandriâ* pulsus esse videretur, ulciscendi occasionem nactus, omnem ei culpam condonavit. Iterum perfidum captumq; tantùm abfuit, ut supplicio afficeret, quasi hostem; ut præter munera, quæ ipsi ex pactione debebat, alia rursus adjiceret; suamq; ei filiam collocaturam promitteret. At hic, omnium sævissimus ea commisit, quæ qui legit, non potest non admirari, divinum illud *Polybii lib. I. c. 82.* Ita naturâ comparatum esse, ut non solum corpora hominum, aliquando efferentur; & omnem humanæ speciei similitudinem amittant; sed multò magis hoc ipsum animis interdum eveniat.

Ipso illo tempore, quo ex solemni *Ægyptiorum* more, apud urbem *Memphim*, in palatio inaugurabatur, & natalitia filii celebrabat; *Cyrenæos* quosdam interfici jussit. Quod paulò liberius ob *Irenem*, pelli-

cem, ipsum objurgâssent. *Diod. Sicul. in Exc. Peir. p. 355.* & apud *Georg. Syncellum*, cujus fragmentum exhibet *Scalig. in Euseb. Græc. p. 54.* Multos calumniatus, tanquam salutis suæ insidiosos, crudelibus suppliciis extinxit; alios, varias commentus causas, in exilium misit, ademptis facultatibus. *Diod. ibid. p. 351.* Die nuptiarum, quas cum *Cleopatrá*, sorore suâ, celebravit, filium ejusdem, nepotem suum ex fratre, inter apparatus epularum, & solemnia religionum, in complexu matris interfecit. *Just. lib. XXXVIII. c. 8. §. 4.* Militibus omnem in omnes licentiam dedit, ut multi patriam relinquerent. *ibid. §. 6.* Validissimos è plebe legit ad militiam, ac dein occidit. *Spartianus in Caracall. p. 87.* Frequens juventute gymnasium armis & igne circumdedit, omnesq; , qui in eo erant, partim ferro, partim flammâ necavit. *Val. Max. lib. IV. c. 2. ex. 5. ext.* Hinc omnibus invisus, incensâ regiâ clàm Alexandriâ in Cyprum profugit, cùm regnasset annos 14. *Diod. Sic. in Exc. Peir. p. 350.* Quod si verum est, factum id exitu anni 3820. *Orosius lib. V. c. 10.* refert ad annum V.C. 623. quo Consulatum gesserunt, *C. Claudius Pulcher*, & *Perpenna*; qui annus respondet A.M. 3820, ut *Calvisius* cenlet. Nec ab *Orosio* dissentit *Epitoma Liviana* 59.

Paulò post longè immaniora patrat idem truculentissimus tyrannus; non solum filium natu maximum (ne contra se Rex creari posset) interficit, sed &, cùm statuæ ipsius, à populo detractæ essent, id *Cleopatrá*, sororis studio factum ratus, filium (quem ex eâ susceperat) ipso illo tempore, quo Rex creatus est,

in conspectu suo iussit interimi; protinusq; caput ejus, & pedes præcisos, & manus, in cistâ & chlamyde operatas, pro munere natalitio, matri misit. Val. Max. l. d. Just. lib. XXXVIII. c. 9. §. 13. Epit. Liv. LIX. Diod. Sicul. in Exc. Peir. p. 375. Quibus facinoribus, multitudinis in eum furor exarsit, & pleriq; non Evergetam, sed Cacergetam, nuncupârunt. Athen. lib. IV. p. 185.

Horrendum etiam est, quod de eo refert Josephus lib. II. contra Appionem, omnes Judæos, in Alexandrinâ civitate, cum filiis & uxoribus, nudos atque vinctos, elephantis subjecisse; ac bestias inebriasse, ut conculcati miserrimè interirent: Sed Deo sic gubernante factum, ut elephanti irruentes in amicos Regis, multos ex iis interiherent. Hoc Auctor Excerpt. ap. Scal. p. 376, per errorem, de Ptolemæo Philopatore scribit. Denique nihil quicquam melius egit, quàm quòd agere & vivere desiit A. M. 3834, vel A. M. 3835. At Manutius in Quæstis per Epist. mortem ejus ponit vel in A. M. 3829, vel seq. quo Romæ Coss. fuerunt Publ. Manilius, C. Papirius Carbo. Uxor Cleopatra, ut dixi, illa ipsa, quæ soror & conjux Ptolemæi Philometoris. Ita sororem unam in matrimonio habuerunt duos fratres:

- - - Sæva Thebarum lues

Num posuit aliud, atque inextricabile?

Amitam parentem liberi cient suam,

Nomenq; fratres patruelum ferunt;

Mater suorum Cleopatra est nepotium.

Qui ex hac & Ptolemæo Physcone nati sunt, successerunt in regno. Ac primus quidem PTOLEMÆUS

SOTER dicitur *Porphyrio* & *Ptolemaeo* in Canone. Lathurum vocant, *prologus Trogi* 39. *Joseph. lib. XIII. c. 18. & 20. Strab. lib. XVII. p. 795.* Reperio & *nummum apud Golzium*, sic inscriptum: ΠΤΟΛΕΜΑΙΟΥ ΛΑΘΕΡΟΥ ΒΑΣΙΛΕΩΣ. Quamobrem ut alii, sic & ipse trium nominum fuit, appellatus *Ptolemaeus Soter Lathurus*. Sed *Eusebius* eundem quoque *Physconem* dictum asserit *n. 1901.* Quod ipsum quoque dicunt *Exc. Gr. Scal. p. 56. & alia p. 376. Manutius* suprà citato loco *p. 113.* *Eusebium* erroris arguit, sed cui ægrè accesserim. Nam & *Porphyrius*, cuius *fragmentum* habemus apud eundem *Scal. p. 226.* ΠΤΟΛΕΜΑΙΟΥ ὁ Φύσκων, inquit, ὁ καὶ Σωτήρ. Credere malim, hunc quoque patris sui tulisse nomen; sed indubiè per tot nomina factum est, ut multis difficultatibus implicaretur hæc historia; quasi *Evergetes II.* minimè *Physcon* dictus sit. Planè id cognomen, in illius mentione omittit *Eusebius*, cum *Porphyrio*: Sed quod facilè refelli potest è *nummo*, in quo lego: ΠΤΟΛΕΜΑΙΟΥ ΦΥΣΚΟΝΟΣ ΕΥΕΡΓΕΤΟΥ ΒΑΣΙΛΕΩΣ. Imò *Eusebius*, in priore libro, & *Auctor Exc. ap. Scal. p. 377.* eò usque profecti sunt, ut scriberent, *Ptolemaum* hunc *Evergetis II.* filium, *Physconem* dictum, καὶ τὸν ὄγκον τῆς σωματῆς, id est, à distento *qualiculo*: hoc de patre verum est. *Iust. lib. XXXVIII. c. 8. §. 9.* Erat sagina ventris, non homini, sed beluæ similis. *Diodor. Sicul. in Exc. Peir. p. 361: Ptolemaeus ob deformem corporis habitum* (unde & *Physcon* cognominatus est) *cunctis erat inuisus.* Loqui de patre, *fragmentum* antecedens, & sequens satis indicat, quorum alterum

de *Viriatho* pertinet ad A. M. 3810. alterum de *Martio Emilio Lepido Porcinâ Cos.* ad A. M. 3813. An & filius Soter fuit ventriosus? dubito, & ferè inclino bi-
bisse hîc Eusebium de flumine Lethes, *Scal. ad Euseb. n. 1902.* parùm diligens hic fuit. Verû, quod ajunt, illû, quem Eusebius Ptolemæum Physconem appel-
lat, à *Tertulliano* & *Epiphanio* dici Soterem; sed fallitur, quòd eundem Evergetem dici putat, in nummo : Hic enim ad patrem referendus est.

Sed quid tantùm de *Ptolemæo Sotere Lathuro* Hi-
storici? *Ptolemæus Evergetes*, qui & *Physcon*, uxori Cleo-
patræ regnum reliquerat, hâc conditione; ut in re-
gni consortium è filiis adscisceret, quem vellet : Sed
illa pronior in juniorem, *Ptolemæum Alexandrum*,
à populo compellitur, majorem, *Ptolemæum Soterem*
Lathurum eligere. *Just. lib. XXXIX. c. 3. §. 2.* Junior
regnum *Cypri* accepit, quod è *Porphyrîo* colligo. Is
Scriptor (licet corruptus alicubi, & lacunofus) varia
tamen nos docet; & *Lathurum* quidem decimo anno
regni propter crudelitatem ejectum in *Cyprum* (quam
frater obtinebat) abiisse: Quod ferè legitur & apud
Just. l. d. c. 4. §. 1. Scaliger ad Euseb. n. 1918, vult, hujus-
dem exilii meminisse *Epitomatores Livii lib. LIV;*
qui maximi Viri maximus lapsus est : Loquitur enim
ibi Epitomator de *Evergete II*, non de *Lathuro*. Hunc
ipsum crudelissimum fuisse, & patri quàm similem,
declarat factum in Judæos apud *Joseph. lib. XIII. c. 21.*
quod ipsum in Synopsi Majore refert *Besoldus*. Idem
Valesius retulit inter fragmenta *Nicol. Damasceni* pag.
504: Mandavit enim militibus, ut Judæorum parvu-

los cum uxoribus promiscuè juguiatos, ac membratim concisos, in fervidos lebetes conjicerent; ut ceteris major metus incurreretur. Quæ morum similitudo & ipsa Scriptoribus ansam præbuisse dicitur, ut Evergetæ & Soteris historias confunderent.

Cæterum si verum nos docuit Porphyrius, pulsus est à matre Ptolemæus Soter Lathurus A. M. 3844, vel sequenti; quod Calvisius Eusebium secutus, rejicit in A. M. 3851. Sed ut ex eodem Porphyrio manifestum est, ex interruptis per exilium annis, fecit Eusebius continuos. Ptolemæus enim Lathurus usque ad exilium, regnavit annos 10. Et post reditum, qui serò contigit, annos 7, menses 6.

Res clarior fiet ex sequentibus: Pulso in exilium Lathuro, accersitus ejus frater natu minor, Ptolemæus Alexander, *Juss. lib. XXXIX. c. 4. §. 2. Porphy. l. d.* è quo initium ejus habemus A. M. 3844, sed quot annis regnavit, donec rediret frater? octodecim, inquit Porphyrius, cujus verba sunt: *Octodecim totes annos regnavit ab eo tempore, quo venit Alexandriam; nihilominus, in Ærâ 26. ipsi tributum sunt.* Nam hîc obiter ex eodem Porphyrio sciendum est, cum à matre vocatus esset ad regnum, vindicâsse sibi tres annos, ob regnum Cypri; quod secundo vel tertio, post obitum patris, anno acceperat. Hinc *primum* dixit octavum; & *decimum octavum* vigesimum sextum. Sed hîc dissentit Euseb. Gr. & Lat. quamvis nec sibi ipsi concors: *Latinus* enim n. 1918. assignat decem annos. *Græcus* p. 56. quindecim. Quod si Porphyrium sequimur, Ptolemæus Alexander regnare desinit

desiit A. M. 3862. Calvisius pænè hîc consentit; vult enim Ptolemæum Alexandrum fugatum A. M. 3861. Causa hæc fuit: Cùm *matrem* suam Cleopatram occidisset (quod refert *Just. lib. XXXIX. c. 5. §. 5.*) favor publicus inclinare cœpit. Accessit bellum cum militibus *Ægyptiis*; sed qui commissâ pugnâ navali fugêre, illum compulerunt in urbem Lyciæ, *Myram*: Hinc in veterem Cypri angulum sese recepit, & paulò post, bello petitus, à *Navarcho Chareâ* interimitur, *Porphyr.* & *Euseb. Gr. p. 56.* Ita rediit *Ptolemaus Soter Lathurus*, qui post hæc obtinuit *Ægyptum*, per annos 7. menses 6; sed quos exilium interruptit. Hoc neque *Eusebius*, neque *Calvisius* attendere voluit: *Ptolemæus* in Canone tribuit 36. annos, ut qui computat ab anno, quo *Ptolemæus Evergetes II.* mortuus est, usque ad obitum *Lathuri*. Certum igitur secundum *Porphyrum*, *Lathurum* decessisse circa A. M. 3870.

Hîc jam oritur non exiguus labor, ut sciamus, quis *Ptolemæo Lathuro* successerit? *Besoldus* noster substituit *PTOLEMÆUM AULETEM*; quod in illo mirari non debemus, cùm peritiores historiarum, hîc multa fugerint: Nec enim vel *Scaliger*, vel *Calvisius*, historiam hîc valde turbatam, limpidiorem reddere potuerunt. Ne plus æquo diffundar, decimus *Ægyptiorum* Rex *PTOLEMÆUS ALEXANDER*, *Ptolemæi Alexandri* filius, *Ptolemæi Evergetæ II.* nepos, constituendus mihi videtur: Ei regnum datum hâc lege, ut *Cleopatram*, *Ptolemæi Lathuri* filiam, duceret; eaq; simul in paterno solio con-

fideret. Sic docemur à Porphyrio, cùm ait: *Hæc* (scil. Cleopatra, filia Ptolemæi Soteris) *post mortem parentis, rerum potita est. Neque Chronologi Alexandro, regnanti cum illa dies 19, tribuunt dies totidem. Erat hic filius Ptolemæi Alexandri; qui è duobus fratribus natu major, progenitor Cleopatræ* (hæc duo vocabula, ut suspicor, nihili sunt; *cujus enim Cleopatræ progenitor hic sit? an postremæ? Atqui ea filia Ptolemæi Dionysii, ut Porphyrius mox subjicit) & Romæ commorabatur. At cùm in Egypto nemo virilis sexus regnaret, revocatus venit Alexandriam; & uxorem ducens modo nominatam Cleopatram* (Lathuri filiam) *eandem, à qua potestatem acceperat, elapsis 19. diebus, interficit. Sed & ipse militibus in Gymnasio propter istam eadem comprehensus, occiditur. Nec minorem operam hic affert Appianus, lib. I. Civil. cùm scribit: Syllam Alexandrum, Alexandri Egyptiorum Regis filium in Co enutritum, & ab insularis Mithridati traditum; Postremò ab illo ad se fugientem, in amicitiam recepisse; atque ex decreto Alexandrinis præesse voluisse, quòd regnum masculus non obtineret; sed cùm per 19. dies præfuisset, in Gymnasium, ex regiâ delatum, ibi occisum esse.*

Igitur è binis istis Scriptoribus historia suppleri hunc in modum potest: Mortuo Lathuro, regnum accepit CLEOPATRA, ejus filia; sed statim missus Româ PTOLEMÆUS ALEXANDER, qui non nisi 19. dierum Rex fuit. Idemque tempus initium est novi Regis, qui nunc quærendus. Dico fuisse PTOLEMÆUM ALEXANDRUM PHILADEL-

DELPHUM, superioris Alexandri fratrem, Alexandri filium, Ptolemæi Evergetis II. nepotem. Hoc è *prologo Trogi 39.* satis apertum est, cujus hæc verba sunt: *Post Lathurum filius Alexandri regnavit; expulsoq; eo, subvectus Ptolemæus Nothus.* Omittit enim Alexandrum 19. dierum Regem. Nam de ipso non loqui, animadvertitur ex duobus indiciiis: Primo ante Ptolemæum Nothum collocat; dein ait expulsus. Utrumq; de *Alexandro priore*, Cleopatraz marito, & Alexandri filio falsum; de hoc *Alexandro posteriore* verum, ut sequentia declarabunt magis.

Initium ejus *Appianus* ponit in A. V. 672, quo Consulatam gessere *M. Tullius Decula*, *Cn. Cornelius Dolabella*; sed hic annus secundum *Calvisium* 3869. Quæ, & alia me movent, ut credam *Calvisium* parum feliciter contulisse annos mundi & urbis; & alicubi cōmisisse metachronismum anni unius: Unde nec exactam in præsentiarum chronologiam secundum annos mundi, & Urbis hîc dare possumus; nisi velimus rem omnem chronologicam excutere, & annos à certo & indubitato initio perducere; quod nimis longum futurum sit. Nihilominus ad *Calvisii* Chronicon, velut receptius & impofterum referemus, non Romana, & Ærâ Christianâ vetustiora; eritque, quem indicaverimus, si non ille ipse annus, saltem proximus. Sed hæc obiter. Nunc ad Ptolemæum istum, quem Alexandrum cognominavimus, è *Ciceronis Agraria II. cap. 16.* Philadelphum è *Porphyrio*; nam is *pag. 226.* ante *Ptolemæum Dionysium*, & post *Alexandri* mentionem statuit *Ptolemæum Philadelphum*;

phum; eique assignat annos complures, ut non possit esse alius, quàm hic. Nam quoniam ex *Appiano* liquet, ad regnum pervenisse, *Deculâ & Dolabellâ Coss.* vel certè sub initium secundi Consulatus *Syllæ & Metelli Pii*; concludimus è *Cicerone*, per 16. annos fuisse Regem. Pulsus ab *Alexandrinis*, *Romanorum* auxilium imploravit; & hâc occasione usus, *C. Jul. Caesar* tum *Ædilis*, per partem tribunorum tentavit; ut sibi *Ægyptus* provincia plebis citò daretur. *Suet. in Cæs. c. 11.* sed *Ædilem* fuisse *Cæsarem*, *Cotta & Torquato Consule*, hoc est, A. V. 688 (quem *Calvisius* respondere vult A. M. 3885.) nemo *Romanorum* *Annalium* peritus, dubitat.

Idem Rex ante *Ciceronem & Antonium Coss.* hoc est, ante A. V. 690. regnum suum legavit populo Romano, ut è dicta *Agrar. c. 16.* constat. Obiit igitur A. V. 689, qui est A. M. secundùm *Calvisium* 3886. Quis huic successerit, non potuit exputare *Manutius*. *Cicero* de hoc scribit loco dicto: *Eum regio genere non esse, inter omnes ferè video convenire.* Hæc de *Aulete* capit *Manutius*. At *Auletem* regii generis esse voluit, in eâ pro *Domo* cap. 8: *Cùm lege nefariâ Ptolemæum Regem Cypri, fratrem Regis Alexandrini, eodem jure regnantem, causâ incognitâ publicâsses; populumq; Romanum scelere obligâsses: Cùm in ejus regnum, bona, fortunas, latrocinium hujus imperii immisisses; cujus cum patre, avo, majoribus, societas nobis & amicitia fuisset.* Loquitur hîc *Cicero* de duobus, *Ptolemæo Cypri Rege*, ad quem spoliandum lege *Clodiâ* missus *Cato*; & *Ptolemæo Aulete*, quem

quem *Regem Alexandrinum* vocat. Adde *Cic. eundem in ea pro Sextio*, cap. 22. Respondet ad hæc *Manutius*, oratorium esse, diversè de eodem loqui; aliud alio tempore sentire, si causam postulet. Quod quidem hoc in loco *Gallicâ nive frigidus* mihi videtur: Id ostenderem pluribus, sed properandum est.

Malim ergò *Ciceronem Agrar. II. c. 16.* (ubi negat, Ptolemæum, qui post Alexandrum Ægyptum tenuerit, genere regio fuisse) interpretari de PTOLEMÆO NOTHO, cujus *Trogi prologus* suprâ meminit. Huc ipsum cognomen nos ducit, huc series; quam nobis, ut è Trogo sciremus, *Auctori prologorum* debemus; cùm *Justini Epitomator* sileat. De hoc ipso *Strabo lib. XVII. pag. 497*: *Aureum alveum, in quo Alexandri corpus à Ptolemæo Lagi conditum erat, Ptolemæus cognomento Coccus & Suppositivus rapuit; è Syria eò profectus, statimque dejectus nullam è prædâ utilitatem percepit. Idem Cybiosactes dictus, ab Alexandrinis, ut putat Casaubonus Castigat. ad dict. Strabonis locum.* Sed eam assertionem nullo modo admittendâ reor: Coccus enim ille, vel ut *Berneggerus* vult, Cocyx; Rex Ægypti fuit, ante Ptolemæum Auletem; ut nos *Trogus* docet. At Seleucus Cybiosactes à Ptolemæi Auletis filiâ, è Syria accersitus est, pulso patre, ut *Strabo refert l. d. p. 796.* Porphyrius, nihil de Notho, quòd velut extra familiam regiam haud nominandum censeret.

Atqui hi sunt illi tres Reges, quos multi ignorârunt, vel inter se confuderunt: *Besoldus* in *Synopsi* majore, quam conscripserat, cùm jam plura didicisset,

cisset, post mortem Ptolemæi Alexandri, Lathuri fratres, agnovit *Alexandrum unum*; hunc ait à Sulla restitutum, & paucos intra dies interfectum. De hoc eodem capit *Justin. lib. XXXIX. c. 5. §. 1.* ubi ait: *Alexandrum concursu populi in exilium actum.* De hoc *Cic. in Agrar. contra Rullum.* Nescio, quid sit hallucinari, confundere omnia, & tandem monstra parere; si hoc non est: *Qui à Sulla restitutus est, & paulo post extinctus*, quomodo potest idem esse cum illo, cujus Cicero meminit; cū Agrariam suam tot annis habuerit post. *Just. autem l. d. non de Alexandro filio, à Sulla restituto*, loquitur; sed *Alexandro patre*, quo pulso *Ptolemæus Lathurus* regnum recuperavit.

Porrò Ptolemæo Notho sublato, regnum adeptus est **PTOLEMÆUS AULETES**, qui & Dionysius, Ptolemæi Soteris filius, Cleopatraz frater, quem Ptolemæus Alexander patruelis interfecit; & rursus interfectus est, ut docet *Porphyrus*; cui subscribit *Prologus Trogi 40.* Huic Ptolemæo 6000. talentorum abstulit Cæsar, *Suet. in Cæs. Jul. c. 54.* Nimirum grandi pecuniâ *Romanorum societas* huic emenda fuit, quòd vereretur, ne sibi testamento Regis Alexandri Ægyptum adimerent. Pulsus enim, secundum Calvisium, A. M. 3893. & filie interim (donec reduceretur) *regnum administrârunt*, quarum tres habuit; *Cleopatram, Tryphenam, & Berenicen*, ut scribit *Porphyrus: Berenice* (inquit *ibid.*) *adscivit sibi viros quosdam familie sue, qui secum regnarent.* Ex his nominat *Strabo lib. XVII. p. 796.* *Cybiosactem*, Syriacorum Regum stirpe oriundum. Seleucus est, *Dion.*
lib.

lib. XXXIX. cap. 117. Cybiosactem autem Ægyptii dixisse videntur *Casaubono*, quod esset sordidus, & ἀγροχερδής, ex omni re luctum captans, ὡς δὲ τὸ σάττεν τὰ κύβια. *Cybius* (ut *Plinius* docet) genus fuit *salsamenti*; σάττεν, autem propriè significat, *onus jumento imponere*; ut faciunt mercium vectores, & camelitæ. Certè ob *sordes* *Seleucus* iste, *jussu* *Berenices*, intra paucos dies *strangulatus* est; ut ait *Strabo*. Et *Vespasianum*, cùm esset sordidè avarus, *Cybiosactem* appellârunt, à cognomine ejusdem *Reguli*. *Suet. in Vesp. c. 19.*

In hujus *Seleuci* *Cybiosactis* locum assumptus est *ARCHELAUS*, *Archelai* filius. *Strabo* & *Diodorus* in locis. At paulò post eductus, pater *Berenicem* cum *Archelao* interfecit. *Ibid. & Porphyr. ap. Scal.* Obiisse hunc *Auletem* *Ser. Sulpitio, M. Marcello Coss.* A. V. 702. (quem *Calvisius* respondere vult A. M. 3899.) docet *Manutius ex epist. Calii ad Ciceronem*. At secundùm *Porphyr. & Ptolemaum in Can.* regnavit annis 29, si ad regnum pervenisset A. M. 3870. Sed numerârunt isti à morte *Lathuri*, quasi nec *Cleopatra*, nec duorum *Alexandrorum*, nec *Ptolemai Nothi*, ratio habenda sit; quòd regnum *Lathuri* filio deberetur.

Reliquit liberos, duos *Ptolemaos*, *Cleopatram*, & *Berenicem*; sed alterum *Ptolemæum*, & *Cleopatram*, natu majores post se regnare voluit. *Porphyr. & Strabo d. l.* Simul itaque regnum tenuerant *PTOLEMÆUS* & *CLEOPATRA* per quatuor annos; mansissetq; hoc consortium, nisi *Ptolemæum*, violantem patris præcepta, & omnem potestatem soli sibi vindicare

vindicare volentem ; *Pompejum* præterea *Magnum* de domo suâ benè meritissimum nefariè occidentem fata egissent in perniciem suam : *Victus* enim navali prælio à *Jul. Cesare*, periit in aquis. Hoc Romani Scriptores referunt ad A. V. 706, hoc est, secundùm *Calvisium*, A. M. 3903. *Cæsar* regnum dedit *PTOLEMÆO JUNIORI* alteri, *Ptolemæi Auletis* filio, & *Cleopatæ*; sed infociabile regnum est. Quarto enim anno, hoc est, A. M. 3907, interfecto *Cæsare*, *Ptolemæus* insidiis *Cleopatæ* cadit; & ipsa sola rerum potitur, usque ad annum 3915, quo *M. Antonius*, mortuo *Lysaniâ*, *Chalcidos* Rege in Syria, *Cleopatæ* *Chalcidem*, & adjacentes locos dono dedit. Hic annus à quibusdam *Cleopatæ* primus dicitur, cùm sit *decimus sextus*; & hoc ab tempore regnavit, usque ad A. M. 3920; quo victa cum *M. Antonio*, Triumviro, *aspidis morsu* periit. Hystoria omnibus notissima est, nec opus, ut diffundatur. Et cum hac familia *Ptolemæorum Macedonica*, cùm ferè per tria secula *Ægyptum* possedisset, defecit; regnum verò ab *Augusto* in provincie formam redacta est. Tamen de horum *Ptolemæorum sanguine*, post 300. annos, orta videri voluit *Zenobia*. *Trebell. in Zenobiâ* p. 198. & in *Herennio* p. 197. Qui de Regibus *Ægyptiorum* *nugas* audire volet, quamvis ubique reperturus sit, tamen adeat *Epiphanium*, & jungat *Eutyrium*, & *Batricidem* apud *Seldenum lib. de Success. in Pontif. Hebr. c. 7.*

CAPUT XII.

Asia Reges *Antigonus* & *Demetrius Poliorcetes*.

cetes. *Utriusque infelix exitus.* Asia post-
hac sub Syris & Pergamenis. Regum Per-
gamenorum successio, & res memoria digna.

Faciunt partem Monarchiæ Macedonicæ re-
gnum Asiaticum, ut *quatuor alas* nobis expli-
cent apud *Danielem*; quam explicationem con-
siderabimus alio die. Nunc de iis, quos Besoldus me-
morat. ANTIGONUS, Philippi filius, per *Tenann*,
non minus, ut Philippus & Alexander, Reges, ab
Hercule oriundus, Alexandro mortuo, & divisione
provinciarum factâ, cum Pamphyliâ & Lyciâ, Phry-
giam minorem obtinere iussus est. *Curt. lib. X. c. 10.*
§. 2. Dexippus apud Scalig. p. 48. Adde Just. lib. XIII.
c. 4. §. 14. & 15. Ex emendatione *Bongarsii* *Diodor.*
Sic. lib. XVIII. c. 2. Appian. in Syriacis. Sed postea
toti ferè Asiæ imperavit. *Exc. Gr. Scal. p. 374. Euseb.*
Gr. lib. priore pag. 52. Lat. lib. posteriore n. 1697. Bel-
lum cum Eumene describunt *Justinus lib. XIV. c. 1. 2.*
& 3. Cor. Nepos & Plut. in Eumene. Diod. Sic. lib. XIX.
Bellum cum Cassandro, Ptolemæo Lyfimacho, & Se-
leuco *Just. lib. XV. c. 1. 2. & 4. Plut. in Demetrio.* Cle-
mentiam ejus deprædicat *Senec. lib. III. de Irâ cap. 22.*
Regni annos tribuunt 18.

Occiso in prælio (quod factum A. M. 3642.)
Demetrius Poliorcetes, ejus filius (qui adhuc vivo pa-
tre, post ingentem victoriam navalem, de Ptolemæo
Lagi reportatam A. M. 3644. diadema sumserat) in
Græciam festinabundus accedit; navibusq; receptis
ab Atheniensibus in *Chersonesum* navigat, *Lyfimachi*
ditiones vastat; & sese ex clade recolligit. Biennio
post,

post, hoc est, A. M. 3651. ipsas *Athenas obsessas*, ad deditiōem cogit; victoriā tamen moderatē usus, tantūm *Piræum* & *Munychia* præfidiis munit; urbem ipsam frumento donat. *Alexandrum*, Macedoniæ Regem, Cassāndri filium, insidiantem sibi, occupat, & trucidat A. M. 3657. Meminit hujus cædis *Dexippus*, apud *Scal.* p. 48. Atque hoc anno simul Macedoniæ regno potitus est. Sed inter hæc magnam partem Asiaticarum provinciarum ipsi extorserat *Seleucus Nicator*; quas ut recuperaret, ingentem exercitum peditum centum millium, equitum duodecim, & classem quingentarum navium extraxit. Igitur contra illum tantis viribus instructum, societatem inierunt *Seleucus*, *Ptolemaus Lagi*, *Lyfimachus* & *Pyrrhus*; cum quo tamen *Demetrius* recens fœdus percusserat: Sic *Pyrrhus Macedoniam*, alii alia loca capere cœperunt. Denique ipse exercitus ad *Pyrrhum*, seditione excitatâ, transfugit. Hinc *Demetrius*, depositâ purpurâ, privatus è castris aufugit; & *Pyrrho* relictâ *Macedoniâ*, in *Asiam* se contulit. Ubi multis *Lyfimachi* urbibus expugnatis, à *Seleuco* bello iterum petitur; desertusque à militibus deditiōem facit A. M. 3666. *Seleucus* deditum tribus annis in peninsulâ, quamvis liberaliter, habuit; quibus elapsis mœrore animi extinguitur. *Asia Rex* fuit per annos 17. *Macedonum* per annos 6. ut ait *Dexippus*. Consentit *Enseb. Lat.* in utroque; dissentit *Grac.* in annis regni Asiatici; quos saltem 10. tribuit.

Everso *Demetrio*, penes *Selencidas* & Reges *Pergamenos* *Asiæ* imperium fuit: Hinc *Antiochus Soter*,

Soter, Antiochus Deus, & successores ipsius, usque ad Antiochum Cyzicenum, appellati Συείας καὶ Λοίης βασιλεῖς. Consulendum opus Eusebianaum; sed de his Regibus jam suprà diximus. Rex Pergamenus, in Asiâ Phrygiam, Mysiam, Æolidem, Joniam, Cariam, Doridem, Lydiam, Lycaoniam, & Pisidiam, possidebat.

Regni hujus conditor PHILETÆRUS TIANUS EUNUCHUS, frater Attali & Eumenis, præfectus thesaurorum Lysimachi, Regis Thraciæ; à quo defecit A. M. 3669. *Pausanias in Atticis p. 13. & 18. Strabo lib. XIII. p. 629. Golzius in Thes. num. 246, nummum ejus sic inscriptum refert: ΦΙΛΕΤΑΙΡΟΥ ΒΑΣΙΛΕΩΣ, quod adversum est Straboni; qui Attalum, Philetæri nepotem à fratre Attalo, primum Regem salutatum scribit l. d. p. 624. Scal. lib. III. Can. Isag. p. 321. testis est, in numismate Farnesii Cardinalis, Philetærum diadema non habere, sed coronam frondeam; ut vel hinc Regis nomen adsciscere noluisse videtur possit. Refert ibidem mendacissimum istud distichon Daphide:*

Πορφυρέοι μάλωπερ Σπορρίνηματ' ἑτάξεις
Λυσιμάχῃ Λυδῶν ἄρχετε καὶ Φρυγίας.

*Vibices o purpureæ, ramenta que Gazæ
Lysimachi Lydos cum Phrygibus regite.*

*Vibices vocat Philetæri posteros, id est, mancipia. Quod Eunuchus, & servili conditioni proximus, Pergamenæ Gazæ custos ab hero Lysimacho impositus fuit; ramenta Gazæ, quod divitiis ad illos transmis-
sis, Lydiæ & Phrygiæ imperium occupârint. Te-
nuis*

nuit autem Philetærus castellum suum per annos 20. *Strabo l. d.* Successit A.M. 3689. EUMENES Philetæri nepos è fratre Eumene; & regnavit annis 22. *Justinus lib. XXVII. c. 3. §. 1.* Bithyniæ Regem appellat magno errore, ut censet *Valesius ad Polyb. Exc. Peir. p. 19.* Errat & *Diog. Laërtius in Archefilao*, qui Philæteri filium facit; quod notavit *Reinesius lib. III. Variarum, c. 7.* ubi varias Suidæ hallucinationes in hâc Regum Pergamenorum historiâ, detegit. Mortuus ex ebrietate, *Athen. lib. X. p. 445.* Ubi *Dalechampius* per oscitantiam *Attali nepotem è fratre* vertit, cùm in Græco sit, Φιλεταίγης. Hæredem habuit Attalum, Attali & Antiochidis filium, Eumenis fratrem patruelem, & Philæteri, è fratre nepotem; quem primum Regem appellatum vult *Strabo supra citato loco*: Idq; factum post victoriam insignem de Gallis reportatam. Quod ipsum etiam scribunt *Polyb. in Exc. Peir. p. 103. & Liv. lib. XXXIII. c. 5.* Victoriâ hanc refert *Calvisius in A.M. 3712.* Dictus ab hâc victoriâ Γαλατονίχης, ut est apud *Suidam in Νίκανδρῳ*. Pergamenis ipsis satis non fuit, Gallorum spolia, honestissimo urbis loco, suspendere; sed ut vivam spirantemque belli imaginem oculis etiam posteritatis subjiceret, prælum cum Gallis commissum pictoris arte & penicillo animatum, publicè proposuere. *Pausan. in Atticis.* Sed & *Plinius lib. XXXIV. Hist. Nat.* quatuor statuarios, *Isigenum, Pyromachum, Stratonicum, Antigonom* nominat; qui Attali & Eumenis, adversus Galatas prælia, arte & ingenio expresserint, Tanti fuit Gallos

Gallos vincere; nam gens maxime terribilis, ac bellicosissima tum in Asia erat; ut ait Polyb. l. d. Ταυρονομος idem Rex dictus est, ab oraculo; quod refert idem Pausanias in Phocicis, p. 636. Rationem reddit Scaliger, quod successerit Macedonibus, in quorum nummis sunt alii taurinis, alii arietinis cornibus. Hic idem Rex est, qui socius Romanorum bello Macedonico primo, contra Philippum. Florus lib. II. c. 7. Strabo l. d. Livius lib. XXVI. c. 24. Moritur C. Sempronio Cethego, Q. Minutius Ruffo Coss. A. V. 356, quem Calvisius putat respondere A. M. 3753. Ergo idem principium Philetari non bene constituit in A. M. 3669. Debebat enim in A. M. 3667, quod satis manifestum est.

ATTALUS regnavit per annos 44. Livius lib. XXXIII. c. 5. Polyb. in Exc. Peir. p. 102. quem qui cum Livio contulerit, facile assentietur Valesio ad Exc. Peir. p. 18. ubi Livium Polybii semiam vocat. Et quamvis Strabo cum Exc. Gr. Scal. p. 336. saltem 43. annos tribuit, tamen prioris sententiae est ipse Calvisius. Igitur regnare cepit A. M. 3709, quo anno mortuus Eumenes: Hic Eumenes cum regnarit annos 22. (ut est in Exc. Scal. p. 335, Strabo l. d.) utique initium ejus est in A. M. 3687. Hujus patruus Philetarus imperium obtinuit per annos 20, & defecit à Lyfimacho A. M. 3667. Sic Calvisius commisit metrachonismū biennii. Et talium quàm multa sunt apud Chronologum istum; quæ omnia excutere, non est hujus loci, neque temporis.

Uxor Attali, Apollonia Cyzicena quamvis plebeji

generis, tamen ob summas virtutes regio fastigio non indigna (*Polyb. in Exc. Peir. p. 112.*) è quâ nati sunt *Eumenes II. Attalus II. Philetærus. Athenæus.* Succedit inter hos EUMENES, & regnat annis 39. *Exc. Gr. Scal. p. 337.* In *Strabone* numerus corruptus est, & pro Ἐπὶ πρῶτα ἐχόντων καὶ εἰνεα legendum est, τρία ἔχοντων καὶ εἰνεα. Hic est, de quo *Polyb. in Exc. Peir. p. 167*: *Eumenes, Pergami Rex, corpore infirmo, animo valido, nulli Regum ætatis suæ secundus, cum regnum paucis & tenuibus oppidulis coarctatum accepisset, amplissimis provinciis auxit; non tam casu, & fortunâ, quàm industriâ suâ.* Strenuam operam *Romanis* tulerat in bello *Antiochico*, ut patet ex *Livii lib. XXXVII. c. 39. 41. & 43.* Hinc tantum terrarum acquisitum. Nam devicto *Antiocho*, *Romani* *Eumeni Chersonesum*, in *Europâ*, & *Lysimachiam*, castella, vices, agros adjecerunt: In *Asia Phrygiam* utramque, & *Mysiam* (quàm *Prusias Rex* ademerat) restituerunt: Et *Lycaoniam*, & *Myliadâ*, & *Lydiam*; & nominatim urbes, *Tralles* atque *Ephesum*, & *Thelemesum*. Idem *Livius lib. XXXVIII. cap. 39.* Moritur A. M. 3792.

Regnum accepit ATTALUS II, frater Eumenis II, Attali I. filius; regnat mortuo fratre annos 21. *Strabo d. l.* Per oscitantiam factum est, quod in *Exc. Gr. Scal. p. 337.* legimus: Εὐμένης Ἀττάλης ἀδελφὸς, ἑπὶ τρεῖς Περγὰς βασιλεύει ἐπὶ ἔτη κα. Hoc est: *Eumenes, Attali frater, tutor Pergami, regnat annos 21.* Scribo: Ἀττάλης Εὐμένης ἀδελφὸς, hoc est, *Attalus Eumenis frater.* Hoc volunt superiora, quibus Eume-

Eumenem hujus antecessorem fecit; non *Attalum*. Hoc dum *Scaliger* non animadvertit *lib. III. Can. Isag. p. 154*. Eumeni II. sufficit Eumenem, fratrem Attali, & tutorem. An cæcis cæcus dux fuit? *Just. lib. XXXVI. c. 4. §. 1.* quî Attalum III. successorem facit, Eumenis patrui? errat. *Justinus*, & contra mentem *Trogi*, hîc scripsit, ut patet ex *prologo 37.* ubi Attalus *Philometoris* Antecessor est. *Hic Attalus Alexandrum, Antiochi filium*, juvit contra *Seleucum*; & *Romanos*, contra *Pseudophilippum*, & in *Thraces* expeditione factâ, Regem eorum *Diegylin* cepit, & *Prusiam* interfecit, substituta ei filio *Nicomede*. Regnum cessit Attalo A. M. 3813. Ultimus igitur Rex, *Attalus III.* cognomento *Philometor*, frater Eumenis II. è *Stratonice*, *Ariarathis Cappadociæ* Regis filiâ; obiit regni anno quinto, hoc est, A. M. 3818. cùm populum Romanum regni sui hæredem fecisset. *Florus lib. II. c. 20. Livii Epit. 58. Vellejus lib. II. c. 4. Orosius lib. V. cap. 8. Strabol. d. Exc. Gr. Scal. p. 338.* Quod de eodem *Justino* scribit, fuisse omnium sævissimum; confirmat *Diod. Sic. in Exc. Peir. p. 371*, ubi consulendus *Valesius*.

Supererat *ARISTONICUS*, Eumenis filius, è *pellice Ephesiâ*; qui cùm *Asiæ* regnum, velut hæreditarium invaderet, à *M. Perpenna* victus est. *Just. & Exc. Gr. l. d. Epitom. Livian. 59, & alii.*

CAPUT XIII.

Aridæi regnum sine causâ omissum. Reliquorum Regum catalogus ad Perseum, à Romanis debellatum, contexitur è Dexippo & Porphyrio.

P*rimum* Macedoniae Regem, post *Alexandri mortem*, tam in maiore quam minore Synopsi, omittit *Besoldus*, nescio quam ob causam. Is est **ARIDÆUS**, Philippi Regis & Philinae Thessalae saltatricis filius, Alexandri M. frater; sed ut Rex crearetur, patri magis & fratri datum est, quam ipsi: Fuit enim *mentis inops*, non minus tutoris indigens, quam Alexandri liberi; qui si adulti fuissent, ne regnum quidem Aridæo somniandum erat. Sunt, qui scribunt, pharmaco ab Olympiade propinato, demeratum fuisse. *Plut. in Alex.* Creatum nominarunt **PHILIPPUM** à patre. Regnum ejus fuit pæne 7. annorum. Videndi *Curt. lib. X. c. 7. Diod. Sic. initio lib. XVIII. Just. lib. XIII. c. 3. Ptolemaeus ap. Aethenaeum lib. XIII. p. 578. Seneca lib. IV. de Benef. cap. 31. Pausanias in Atticis p. 10. & 45. & lib. VIII. p. 466. Oros. lib. III. c. 23. Euseb. Lat. n. 1693. Exc. apud Scal. Latino barbara p. 58. Arrianus apud Photium Cod. XCII. Dexippus apud eundem Cod. LXXXII. & apud Scal. p. 48. Porphy. apud eund. p. 228. & Exc. Gr. alia p. 172.* Constat inter istos, cum à *Perdicca* cæde reversus in *Macedoniam*, Olympiadem excludere conaretur; ab exercitu desertum, & Olympiadi *deditum*, ejusq; jussu immaniter excarnificatum esse. *Calvisius* rejicit hoc in A. M. 3633.

Biennio post & ipsa Olympias interficitur à **CASSANDRO**, Antipatri filio, Jōlai nepote; qui regnum Macedoniae sibi vendicavit. *Hic Alexandri M. domum prorsus extinxit*: Alexandrum enim, Alexandro M. natum è *Rhoxane* (*Oxyathris*, *Bactria*-

Bactrianorum Regis, filiâ) per Glauciam, & Herculem ejusdem filium, è Barline Pharnabazo genita, per Polysperchontem sustulit. *Pausan. in Bæot. p. 553. Porphy. l. d. Just. lib. XV. c. 2. Diod. Sic. lib. XX. c. 20.* Odii hujus causa fuit, quòd Alexander ægrè ferens, barbaros à Cassandro rivos, cùm ipsum adorarent; caput ejus utraque manu arreptum parieti illisisset. Ajunt *Cassandrum* diu post, cùm Macedoniâ & Ægypto potitus esset, *conspectâ Delphi Alexandri statuâ*, subitò percussum, corpore toto contremuisse; eamque animi æstuationem vix sedari potuisse. *Nummus ejus exstat apud Goltzium in Thes. p. 246.* Regnum obtinuit per annos 19. moritur longo ac difficili morbo enecatus. A. M. 3653. sub initium anni.

Succedit filius è Theffalonice, Alexandri M. sorore natus, nomine PHILIPPEUS. *Just. lib. XV. c. 4. §. 25.* Sedis paulò post *Elateia* (Phocidis ea urbs est) moritur. *Porphy. l. d. Pausan. in Bæot. d. p. 553.* Hunc omisit *Scal. lib. II. Can. Isag. p. 164.*

Philippum exceperunt duo fratres, ANTIPATER, quem nonnulli *Antigonum* vocant; & ALEXANDER, ex eâ Theffalonice nati: Sed quòd *mater in Alexandrum propensior videretur, ab Antipatro interficitur.* Hinc *Alexander* ulturus matris cædem, *Antipatrum* fugere coëgit ad *Lysimachum* socerum; cujus jussu paulò post interficitur. *Alexander Lysandram* ducit, *Ptolemæi Lagi* filiam; cui postea *Agathocles*, *Lysimachi* filius, maritus fuit. Sed cùm *Demetrio Poliorceti* (quem in auxilium adversus fratrem *Antipatrum* evocârat) insidias strueret; ab ipso

præventus occiditur. *Dexipp. apud Scal. & Porphyrius apud eundem*; sed quæ corrigendus est ex Dexippo? Legitur enim: πρὸς τε τὸν νεώτερον Πτολεμαῖον ἀδελφὸν εἰς συμμάχίαν ἑπικαλεῖται Δημήτριον, τὸν Ἀνιγόνε. Lege: Πρὸς τε Ἀνίπατρον τὸν νεώτερον ἀδελφόν. *Calvisius* hanc cædem conjicit in A. M. 3657. *Porphyrius* Cassandri filiis tribuit nonnisi 3. annos, 6. menses; & regnasse scribit ὑπὲρ τῆς τετάρτης ἔτους τῆς ἑκατοστῆς εἰκοστῆς. Hoc est, à quarto anno centesimæ vicesimæ (ita explendus hiatus ille, quem Scaliger reliquit) ἄχρι τῆς τρίτης ἑκατοστῆς εἰκοστῆς πρώτης ὀλυμπιάδος. Usq; ad tertium Olympiadis 121. Quæ omnia cum *Calvisio* benè conveniunt.

Ita verò regnum Macedoniae tenuit DEMETRIUS POLIORCETES, Antigoni filius (de quo diximus in cap. super.) quod cum per 6. annos tenuisset, Macedoniae regnum invadit PYRRHUS, Æaci filius, Rex Epirotarum, vicesimus primus ab Achille, Thetidis filio; quod putaret, post Philippum, Alexandrum & Olympiadem (Pyrrho, Neoptolemi filio, genitam) regnum Macedoniae sibi deberi. *Dexippus & Porphyr. d. l.* *Calvisius* Demetrium exutum scribit A. M. 3664. Hic est ille Pyrrhus, qui cum Romanis bellum gessit; cui oppositi duo clarissimi duces, C. Fabricius, C. F. C. N. *Luscinus* (ita scribendum est è tabulis Capitolinis, non *Lucinius*, ut eum vocat *Besoldus*) & M. Curius, M. F. M. N. *Dentatus*. Vide *Pighium* A. V. 472. & seqq.

Sed Pyrrhus nonnisi per 7. menses Macedoniae Rex fuit; & à LYSIMACHO, Agathoclis filio, Thessalo

Theffalo è civitate Cranone, Macedoniâ ejcitur. *Porphyr. & Dexipp.* Quamobrem initium Lysimachi statuere malim in A. M. 3665, quàm cum Calvisio in A. M. 3666. Macedonibus imperavit annos 5. menses 6. Victus enim A. M. 3670 in campis Cori à Seleuco Nicatore vitâ exuitur. Ac statim PTOLEMÆUS CERAUNUS, Ptolemæi Lagi & Eurydices, Antipatro natæ, filius, Seleucum benefactorem suum, & qui exulem susceperat, interficit; & Macedoniæ regnum occupat, regnatq; annum unum, menses quinque. Occubuit contra Gallos pugnans A. M. 3672. secundum *Dexippi & Porphyrii* sententiam. Alii non nisi novem menses regnasse volunt, quos Calvisius sequitur; nescio quàm benè.

Ptolemæum Ceraunum excipit MELIAGRUS, Ptolemæi Lagi frater; quem Macedones regno statim privarunt, quòd regio fastigio impar videretur. Nam post duos menses suffectus est ANTIPATER, Cassandri è sorore nepos, Philippi filius. Hic cum non nisi 45. diebus regnum tenuisset, velut parum idoneus gerendo bello adversus Gallos, dejcitur à SOSTHENE, plebeji generis viro. Gallos hîc vicit, & Macedonum regno præfuit per duos annos. Tunc ἀναρχία fuit usque ad Olympiad. 126. Hæc omnia *Porphyrins.*

Hujus sententiam qui admittunt, ANTIGONUM GONATAM, Demetrii Poliorcetæ filium, Antigoni nepotem, Macedonum Regem factum asserat A. M. 3674. *Gonatas* hic appellatus, quia *Gonis* (Theffaliæ urbs est) natus & educatus fuit; antequam

Macedoniæ imperaret. Vixit annos 83. Macedoniam rexit annis 44. Obiit igitur A. M. 3718. Ita quidem *Porphyrus*. Sed numerum corruptum esse, patet è sequentibus, dum ait, mortuum anno primo Olymp. 135. qui respondet A. M. 3711. in quo consentit *Calvisius*.

Succedit DEMETRIUS, qui & universam Lybiam & Cyrenen accepit; regnumq; tenet annis 10. Reliquit filium Philippum è Chryseide captivâ, cui tutor à primoribus Macedoniæ datus ANTIGONUS DOSON; sic appellatus, quasi DABO, quòd esset promissor quidem, at non effector pollicitorum. (*Plutarch. in Emil. Paulo.*) Thuscus prætereà dictus ab acuto capite, ut ait *Porphyrus*. Qui cum utiliter publicæ præesset, effecit, ut Rex crearetur, ductâ Chryseide. *Cleomenem* Regem Lacedæmoniorum victum, Græciâ expulit; & adversus barbaros pugnans, cum *vehementibus clamoribus in acie* usus esset, paucis pòst diebus *sanguinis profluvio* victor interit. *Polyb. lib. II. c. 70.* Tribuuntur illi à *Dexippo* anni 12. Sed à *Diodoro* (ut idem *Dexippus* ait) 9. à *Porphyrio* 12: Cum annos 42. vitæ implevisset. Malim hîc *Diodorum* sequi: Cum enim *Perseus* regnârit annis 10, *Philippus* 42, quod ipsi fatentur; & verò *Persei* annus ultimus sit à mundo condito 3782, necesse est *Antigonum* tutorem desiisse A. M. 3730. Nam qui *Antigonum* præcessit ab A. M. 3711, regnavit annos 10, id est, vivere & regnare desiit A. M. 3721. Quamobrem residui novem ab annis 3721. ad annum 3730. debentur *Antigono*. Fatetur prætereà *Porphyrus*, *Philippum* regnare cœpisse ab
Olym-

Olympiad. 140. at hujus initium, juxta Calviliū, incidit in ipsum annum 3730.

Quod PHILIPPUM attinet, eximiā adolescens indole fuit. *Polyb. in Exc. Peir. p. 13. 14.* Dardanos vicit. *Just. lib. XXIX. c. 1. §. 10.* Bellum contra Ætolos suscepit, quod sociale dictum est, *Polyb. lib. IV. cap. 3. 25. & 26.* Demetrii Pharii hortatu, cum Annibale fœdus iniit, *Liv. lib. XXIII. c. 33. & Just. lib. XXIX. c. 2. §. 1.* Hinc bellum cum Romanis sibi attraxit, quod infelicitè gessit. *Florus lib. II. c. 7.* Quamvis & aliæ causæ accesserint. *Just. lib. XXX. c. 2. §. 8. & c. 30. §. 5.* Bello finem impoluit Titus Quintius Flamininus, & pacem Philippo dedit his conditionibus. Ut Græcæ civitates in Asiâ & Europâ suis legibus viverent: Philippus ex omnibus præsidia sua deduceret: Captivos transfugasq; redderet: Bellum extra Macedoniæ fines injussu Senatus ne gereret: Ne plusquàm quinque millia armatorum, neve elephantum ullum haberet &c. *Liv. lib. XXXIII. c. 16.* Titus Quintius triumphavit magnâ gloriâ A. V. 559. A. M. 3756. Posthæc Philippus à Romanorum partibus contra Antiochum stetit; & Athamanum regnum occupavit: Sed eo rursus exutus, implacabile contra Romanos odium concepit. Interim calumniis Persei eò adductus est, ut Demetrium, legitimum filium, veneno tolleret. *Just. lib. XXXII. c. 2. Polyb. in Exc. Legat. XLVI. c. 3. Liv. lib. XL. non procul ab initio. Pausan. in Corinthiacis p. 302.* Veritate rei & Persei scelere serò deprehenso, mœrore animi extinguitur A. M. 3772.

Succedit P E R S E U S, Philippo è concubinâ
natus;

natus ; qui fœdus à patre cum Romanis iētum, perfidiose rupit, bellumq; suscepit eo eventu, ut Persco victo, L. ÆMILIUS PAULUS totum Macedonia regnum occuparet ; Regemq; catenis oneratum ante currum suum ageret, cum duobus filiis & unâ filiâ. Vide *Pighium in A. V. 596.* Hic regni Macedonici finis : Ipli verò *Macedones suis legibus vivere iussi.* Quod tamen *beneficium* post annos 20. *ademptum* illis est, quoniam se cum *Andrisco* (qui *Persei filium* sese mentiebatur) conjunxerat.

*De Regnis quibusdam celebrioribus sub
Monarchiâ tertiâ.*

REGNUM PARTHICUM.

Cum Macedones rerum in Oriente potirentur, *Parthicum* imperium condidit ARSACES ; quod in tantam potentiam excrevit, ut *inter illos & Romanos orbis divisus* diceretur. *Just. lib. XLI. c. 1. §. 1.* Caput omnium populorum, qui post Euphratem & Tygrim siti, rubro mari terminantur. *Curt. lib. VI. c. 2. §. 12.* Adde *Strab. lib. XI. p. 515.* Ut qui tam memorabilis potentia regnum tacitum præterire velit, inexcusabilis videatur. Parthi, *Scytharum progenies*, temporibus Sesostridis & Jandusi, qui bellum inter se gessere, regionem illam occuparunt ; quam Parthiam vocamus. *Vales. ad Ammian. lib. XXXI. p. 419.* De nomine dissensus est : Alii *Parthos exules* esse volunt, linguâ *Scythicâ.* *Just. d. l. §. 2. ibiq; Bernegg.* Alii ab *Euphrate* dictos. *Morellus in Statium pag. 164.* *Arsaces*

Arsaces Macedonicum jugum excussit, L. Maulio Vulfone, M. Attilio Regulo, Coss. *Just. lib. XLI. c. 4. §. 3.* Hoc est, A. M. 3694. Temporibus *Antiochi Dei*, ex hac causâ: *Teridates & Arsaces*, ambo fratres, Arsacis filii, Phriapeti nepotes, ab Artaxerxe, Persarum Rege, ducebant genus; ut ait *Georg. Monachus apud Scal. in Opere Euseb. Græci, libro prior* p. 54.

Ipse Artaxerxes (intellige Mnemonem) Arsaces adhuc privatus appellatus est. *Ctesias apud Phot. Cod. LXXII.* At Orientalis historia (cujus gustum nobis dedit *Schickardus in Tarich p. 103.*) ortum ejus ad ultimum Darium: Nisi per illam lineam (è quâ *Schickardus* hoc colligit) successio potius, quàm stirps indicatur; quod aliis excutiendum relinquo. Nam uti *Parthicum* regnum successit *Persico*, sic *Arsaces Dario* tanquam successor, non tanquam stirpis ejusdem, per lineam conjungi potuit.

Quicquid sit, ex his fratribus *Teridates* graviter ferens, se ab *Agathocle* (*Arrianus apud Photium Cod. LVIII.* Phericlem appellat) Persiæ, sive Parthiæ Satrapâ, de stupro sollicitatum esse, rem fratri aperuit. Arsaces, illo & aliis quinq; assumtis, *Agathoclem*, facto impetu, obtruncat; & Parthos, pulsus *Macedonicus*, in libertatem asserit. Hoc initium fuit. Postea *Selæcum Callenicum* (qui *Antiocho Deo* successerat) ævicit idem; & hunc diem Parthi solemnem observant. *Just. lib. XLI. c. 4. §. 10.* Hinc duplex epocha *Parthici imperii* notanda est: Prior ex defectione Parthorum, sub *Antiocho Deo*, confurgit; secunda ex victoriâ

viçtóriâ, de *Seleuco* reportatâ. Quod ubi factum est, Scriptores faciliè conciliabis, quos primâ fronte adversos putes. *Suidas*, quem *Berneggerus* laudat, ad *Justini d. c. §. 3.* corruptus est; nec hoc dicit, quod ille vult, si credimus emendanti *Völsio*: Loquitur enim non de annis regni *Persici* à *Cyro*, sed de annis *Macedonica* potestatis in *Persas*. *Ammianum* Marcellinum ab eodem citatum decepit similitudo cognominum *Nicanoris* & *Callinici*; è quibus alterum victorem, alterum pulchrè vincentem significat. Quod ipsum de *Tacito* suspicor. Nam cùm alicubi *Antiochum* quendam reperisset, DEUM EPIPHANEM dici (sic vocatus est *Alexandri Bala* filius, ut suprà docui) idq; hæreret velut in confusâ mente, factum est, ut *Epiphanem* pro Deo nominaret. Hoc tamen minimè debebat facere: Nam ante illum *Antiochum*, qui *Magni* filius fuit, neminem *Epiphanis* nomen tulisse, satis manifestum est. Atque hæc de locis illis iudico, quæ *Berneggerus* attulit; & *Stal.* ad *Euseb. n. 1769.* vero adversa esse, verè dixit.

Illud verò hæctenus dicta de *Seleuco Callinico* convellere videri potest, quòd *Georg. Monachus* non nisi biennio regnasse scribit *Arsacem*: Quod si enim regnare cœpit A. M. 3694, usque ad regnum *Seleuci Callinici* non pervenit. Sed quando *Georgius* initium *Arbaxis* ponit post illa: Συεία καὶ Ἀσίας δ' ἐβασίλευσεν Ἀντίοχος, Ἐπικληθεὶς Καλλίνικος, ὁ αὐτὸς καὶ Σέλευκος. Id est: *Syria* & *Asia* imperavit *Antiochus*, cognomento *Callinicus*, qui & *Seleucus* dictus est. Ita responsum in promptu est, *Georgium* de secundâ epochâ expli-

explicandum ; statuendumq; biennio regnâsse post victum Seleucum Callinicum ; pro tempore maturâ quoque senectute decessisse (quod scribit *Just. lib. XLI. c. 5. §. 5.*) credibile est.

Hic verò præterire non possum gravem hallucinationem Schickardi in *Tarich* p. 104, in loco *Justini*, qui sic habet : *Urbem quoque nomine Darâm , in monte Zapaoortenon condit ; cujus loci ea conditio est , ut neque munitius quicquam esse , neque amanius possit.* Damnat codices sphalmatis, & librum suum præfert, qui tamen vitiosissimus fuit ; pro *Darâm* legendo *Claram* ; ut sit adjectivum. Nihil hîc dicam de vetustate librorum, qui *Darâm* constanter præferunt ; nihil de absurditate verborum : Urbem condit nomine *Claram*. Tàm enim manifestum est è *τὰς* nomine, secutam esse propriam appellationem urbis, ut nihil manifestius. An enim tantæ claritudinis urbs ea fuerit, ut, quamvis indefinitè loqueretur *Justinus*, statim omnes recorderentur nominis ? nunquam hanc sententiam probabilem nobis reddiderit vir doctissimus. Nos vulgatam retinemus propter auctoritatem *Plinii lib. VI. cap. 16.* ubi de hoc ipso loco : *à Caspiis Orientem versus regio est Zapauortene dicta, & in eâ fertilitatis incluta locus, Daricum dictus.* Nihil refert, aliter hîc nomen terminari, cùm de priore syllabâ certi simus. Scio *Bongarsio* quoque corruptam fuisse visam *Justini* lectionem, sed fallebatur : *Daras* bonum est, & aliarum quoque civitatum Orientis nomen. *Evagrius lib. III. cap. 37 :* *Post hoc bellum Anastasius, Daras, locum quendam Mesopotamiae, in finibus Romani imperii si-*
rum,

tum, & utriusq; ditionis velut limitem, ex agro fecit oppidum &c. Meminit & *Procopius lib. I. Persic.* & addit, hunc locum distare *Nisibi* stadia 97 ac *Persarum finibus*, octo & viginti. Cave igitur confundas cum *Darâ* Justinî, vel *Darico* Plinii; à quâ distat ista *Mesopotamiæ* gradibus ferè 23. Quod non animadvertisse *Salmasium in Exercitationibus Plinianis p. 982.* mirum quàm pueriliter exultat *Petavius Miscellanearum Exercitationum 10.*

Arsaci succedit frater TERIDATES, & regnavit annos 27, ut scribit *Georgius Syncellus*; dissentit *Justinus*, qui Arsaci dat successorem Arsacem filium: Sed *Georgius*, qui auctores primæ classis compilavit, hîc quidè præferendus mihi videtur. Confirmat eum *Orosius lib. V. c. 4.* ubi *Mithridatem*, *Priapatii* filium, sextum facit ab *Arsace I.* Quod verum est, si recipimus *Teridatem*: Tunc enim sextus est, non quidem in successione stirpis, sed in successione regni. At si *Justinum* sequimur, neutro modo sextus dici potest; siue regni, siue stirpis successionem consideremus.

Post hos regnum Parthicum obtinuit PRIAPATIUS ARSACES. Idem *Just. lib. XLI. c. 5. §. 8.* *Pampacium*, è corruptissimo suo libro, vocat *Schickardus, d. tract. p. 104.* Nobis illud rectius videtur, quod proximè accedit ad *Phriapetum*; quo nomine appellatus est Arsacis primi avus; ut nos docet *Arrianus*. *Priapatii* tres filii, PHRAHATES ARSACES, MITHRIDATES ARSACES, ARTABANUS ARSACES. *Phrahares* regnavit post *Priapatium*. *Just. d. l. §. 9.* Hunc excipit frater *Mithridates. ibid.*
quo

quo Rege fortuna Parthos ad summum imperii fastigium perduxit. *ibid. c. 6. §. 2. Agath. lib. II. c. 60.* Et hic potest esse ille *Gurdat* in libris Orientalium apud *Schickard. p. 104.* Qui & recte observavit, ab hoc capium *Demetrium* Nicatorem.

Eo defuncto PHRAHATES filius Rex constituitur. *Idem lib. XLII. c. 1. §. 1.* Orientalibus est Baadi, *Schick. d. l.* Quo cæso ARTABANIS patruus regnum suscipit. *ibid. c. 2. §. 1. Prologus Trogi 41.* Vulneratus in prælio contra Tocharios moritur; quod factum A. M. 3880. *M. Crasso, Cn. Pompejo Magno Coss. colligo ex Phlegontis Olympicis apud Phot. Cod. XCVII. ubi scribit: SINATRUCE, Parthorum Rege, extincto successisse Phrahatem, cognomento Deum, anno tertio Olymp. 177.* Hic *Sinatruces* non alius nisi *Artabanus*; quia successor illi datur *Phrahatem Deus*: At *Phrahatem Deus* idem cum *Tigrane Deo*, apud *Anflorem* dicti prologi 41. Hunc prologum si conferimus cum *Justino*, dicemus eundem *Tigranem Deum* cum *Mithridate Magno*; quem *Artabano* patri successorem damus è *Justino*. *Quemadmodum igitur Syrorum & Ægyptiorum Reges plura tulerunt nomina, sic & Parthici.*

Quid, quòd *Memnon* apud *Photium Cod. CCXXIV. cap. 60.* expressè *Phrahatem* nominat hunc ipsum *Mithridatem*? Nec enim alium intelligere possumus per temporis rationem; Atque ita MITHRIDATIS M. simul habemus initium A. M. 3880. Hic *Mediam & Mesopotamiam* subegit, ut ait prologus. Tamen *Just. lib. XLI. c. 6. §. 6. 7.* Medos suba-

Stos scribit à Mithridate I, Priapatii filio. Mihi sic videtur, *rebellasse Medos sub Artabano*; cum Scythæ res Parthicas felicibus armis contrivissent. Nec enim *Tigranem illum Deum* apud prologum eundem cum *Mithridate I.* statuere possumus, quod *Artabano* successor datur. Est igitur, quod dixi, *Mithridates M.* hujusdem meminit & *Joseph. lib. XIII. Antiquit. c. 22.* cum ait: *Demetrium Eucarum captivum ad Mithridatem, Parthorum Regem, miserunt.*

Pulsus est ob crudelitatem, & vacuum regnum occupavit ORODES frater ejus. *Just. lib. XLII. c. 4. §. 1. 2.* Hordos in Orientalium historia *Schickardo d. l.* hic est, qui *Crassum* vicit. *Florus lib. III. c. 11. Plut. in Crass. Oros. lib. VI. c. 13. Livii epit. 106. Appian. in Parthis & alii.* Quod factum A. M. 3897.

Reliquit successorem regni PHRAHATEM filium, qui XXIX. fratres trucidat. *Just. lib. XLII. c. 5. §. 1.* ait XXX. Sed *notabis*, Phraatem fuisse unum & è XXX; „ & veteres universum totius sodalitiæ vel collegii numerum solere ponere, etiamsi is, quem excipiunt, „ includatur; quâ de re *Rutgersius lib. I. Variar. cap. 2.* Addo *Senecam lib. V. de Benef. c. 16.* Ubi de Pompejo: *Provincias, ut eligat, distribuit; Triumviris rempublicam dividit.* Lipsius, cui non succurrebant similia, mutare voluit, & legere: *Dum ita Triumviris rempublicam dividit.* Gruterus sivit quidem vulgatam, & manuscriptorum lectionem; sed explicationem nobis dedit acutam magis, quàm veram. Absolvam me paucis: Locus *Senecæ* est ejusdem commatis cum iis, quæ *Rutgersius* notavit. Hi fuerunt Parthorum
Reges

Reges ad Augustum usque: Sequentes ad Artabanum ultimum subijciemus alio loco.

REGNUM ARMENIACUM.

ARmeniacum regnum longè vetustissimum extitit: BARZANES enim temporibus Nini Armeniorum Rex legitur apud *Diód. Sic. lib. II. c. 1.* At post Alexandri mortem Armenia Syria ac Media præfectis paruit; donec ab Antiocho Magno ad Romanos deficeret ARTAXIAS, à quibus Rex appellatus, novi imperii velut auctor fuit. *Strab. lib. XI. p. 531.* Totam tamen non habebat; cùm partes Australes subjectæ essent Zariadri, ejusq; posteris, usque ad Artanem, quem Tigranes oppressit. *Strabo ibid.* Idem verò Artaxias, è consilio Annibalis, Artaxada civitatem condidit. *Plut. in Lucullo, p. 513.* Bellum gessit cum Antiocho Epiphane, sed victus ac captus est; ut scribit Appianus in Syriacis. Meminit ejus belli Hieronymus ad cap. XI. Danielis. De hujusdem improbâ regnandi cupiditate *Diodor. Sic. in Exc. Peir. p. 325.*

Qui successerint, me quidem latet, usque ad ARTAVASDEM; qui cum Mithridate M. Parthorum Rege bellum gessit. Memoria ejus apud *Just. lib. XLII. c. 2. §. 6.* Ei successit TIGRANES, Tigranis filius (Appianus in Syriacis) obses Parthis datus. *Strabo d. l. p. 532.* Hic est, qui Mithridatis Pontici bello sese involvit, magnisq; cladibus à Romanis fractus est; potentissimus alioquin Rex. *Phlegon apud Phot. Cod. XCVII. Memnon apud Eundem Cod. CCXXIV. c. 32.*

42. 57. 58. 59. 60. *Appianus in Mithridaticis. Plut. in Lucullo. Florus lib. III. cap. 5. & alii.* Nummus ejus apud Goltzium hic est : ΤΙΓΡΑΝΟΥΣ ΑΥΤΟΚΡΑΤΟΡΟΣ ΕΠΙΦΑΝΟΥΣ ΒΑΣΙΛΕΩΣ.

Tigranis hujus successor & filius ARTAVASDES. *Strab. d. I. quem Antonius, specie amicitiae illectum, dein catenis oneratum, postremò interfecerat. Tac. lib. II. Ann. c. 3. Vellejus lib. II. c. 82. Plut. in Ant. p. 939. Dio lib. XLIX. p. 415. Joseph. lib. XV. Antiquit. cap. 5. Cui Artabazes est; sicut etiam Dioni.*

Hunc excepit ARTAXIAS, memoriâ patris Romanis infensus. *Tac. & Joseph. dd. locis.* Occisus est, ut vult *Tacitus*; vi pulsus, ut *Josephus*. In ejus locum Romani Regem constituerunt TIGRANEM, fratrem ejus; ut ait *Josephus*, misso, qui diadema imponeret, Tiberio. *Euseb. n. 1995. Suet. in Tib. cap. 9. Vellejus lib. II. c. 94.* Sed hic confundit restitutionem *Artavasdis*, cum alterâ *Tigranis*; recentiore cum antiquiore.

Necbenè *Vellejum* tuetur *Vossius*, qui *Artavanden* etiam à *Tiberio* reductum suspicatur. Dico, cum nec *Suetonius* (omnia *Tiberii* diligenter recensens) hoc retulerit, *Tiberium bis in Armeniam missum, bis Regem Armeniis dedisse*; nec causa sit, cur tam memoratu dignum præterire voluerit, conciliationem *Vossii* non habere locum. Quod si defendendus est *Vellejus*, vix potest aliter, nisi emendatione, quam talem darem: *Regnum ejus Artavasdis filio tradidit.* Fuit enim *Tigranes*, ut è *Josepho* dixi, *Artavasdis* filius, *Tigranis* nepos.

Imma-

Immanis error est *Ubbonis Emmit lib. V. Rerum Chronolog.* qui Tigranem Artaxiæ patrum dicit; confundens Tigranem hunc Artavasdis cum Tigraue, Tigranis filio, Mithridatis Pontici (è Cleopatrá filiâ) nepote; quem Romani, quòd Parthos sollicitâset, captum, & in triumpho ductum, diu antè necârunt in carcere; ut nos docet *Appianus in Mithridaticis*. Nostri autem Tigranis restitutio facta est, *M. Apulejo, Publio Silio Nervâ Cass.* hoc est A. V. 733, ut est apud *Dionem*; id est, A. M. 3930.

Notare hîc debes, non totius *Armenia* fuisse Regem, sed *majoris* tantum: Nam *Armeniam minorem* obtinuit *Archelaus*, defuncto Medo Rege; ut ex eodem *Dione* discimus. Ita sub Romanis Augustis diu obtinuit, ut alius *majorem*, alius *minorem* regeret. *Tigrani successerunt liberi*, ut ait *Tacitus*; sed quorum imperium diuturnum non fuit. Atque in hujus familiæ interitu, simul quod ad Augusti principatum perventum est, finiam; cætera exsecuturus, cùm occasio nobis fuerit.

REGNUM PONTICUM.

Est etiam hoc regnum memoratu dignum propter MITRIDATEM illum, qui per 40. annos arma Romana provocavit, & sustinuit: Sed jam hoc labore defuncti sumus. Vide *notas meas in Flori lib. III. c. 1. §. 1.*

REGNUM MASSANISSÆ.

Fuerunt in Africâ Masæfuli, & Massyli, quorum nomina sæpè confunduntur: Masæfulorum Rex erat SYPHAX, à Publ. Scipione Africano in triumpho ductus. Massylorum Messanissa (ita scribam ex æreâ tabellâ legis Doriæ apud *Ursinum*, in *Ciceronis librum de Senectute*) fide, veritate, vigore corporis, ac liberorum multitudine longè celeberrimus. Origo ejus antiquitùs sic tradita fuit: Antæo gigante mortuo (cujus cadaver 60. cubitos longum vidit Sertorius) uxor ejus Tinge cum Hercule concubuit; ex quibus editus Syphax, Diodorum filium habuit: Ab hoc majores Massanissæ & Jubæ. *Plutarch. in Sertorio p. 572.* Temporibus illis, quibus *Romani cum Carthagenensibus* bellum secundum suscepere, fuerunt ex hoc genere duo fratres, Desalces & Gala: Desalce geniti Capusa & Lacumaces. *Liv. lib. XXIX. c. 29.* Gala Massanissæ pater est. *Liv. ibid. & lib. XXIV. cap. 48.*

MASSANISSÆ admodum adolescens eâ indole fuit, ut statim appareret regnum suum opulentius facturum; Syphacen, *pro Carthagenensibus* militans, magno prælio devicit. *ibid. c. 49.* Sed & Romanos, bellum in Hispaniâ gerentes, ducibus *P. & Cn. Scipionibus* (quorum ille *Africani* majoris pater, hic *parvus* erat) egregiè vexavit; Pœnorum eorundem castra secutus. Dies noctesq; infestus aderat, ut non
vagos

vagos tantum, procul à castris, lignatum pabulatumq; progressos, exciperet; sed ipsis obequitarer castris, invecusq; in medias sæpè stationes, omnia tumultibus impleret. *Idem Liv. lib. XXV. c. 34.* Sed post infestus Carthaginensibus redditus, operam navavit Romanis tam strenuam; ut nemo externus magis adnixè rem illorum adjuverit: Certè ut Carthago frangeretur & exstingueretur, hujus potissimum operà effectum est. Causam odiorum fusiùs exponit *Idem lib. XXIX. c. 29. 30. & seqq.* Romani virtutis ac fidei memores, tum maximis honoribus affecerunt eum; tum amplissimo Syphacis regno (quod in potestatem illorum venerat) donarunt. *Sallustius in Jugurthino cap. 5. & Liv. lib. XX. c. 44.* Neque ob id beneficiarium suum esse volebant, sed legem tulerunt; quâ Massanissæ solutam libertatem ab imperio suo tribuerunt. *Valer. lib. VII. c. 2. ex. 6.* Hujus tam incluti muneris memoriam ad ultimum vitæ finem, longâ senectute donatus, constantissimâ fide perduxit: Romanos in Hispanicis bellis, quamvis ipse domestico premeretur, quàm sollicitè juvit. *Idem Valerius lib. IV. c. 2. ex. 13. ex.* Jamjam moriturus, uxori liberisq; præcepit, expectarent in dividendo regno suo Scipionis Æmiliani arbitrium; unum in terris populum Romanum, unam in populo Rom. Scipionis domum sese nosse. *ibid.* Ad centesimum ferè annum pervenit. *ibid.* Regni spatium 60. annis emensus. *Idem lib. VIII. c. 13. ex. 1. Plin. lib. VII. c. 48. Polyb. in Excerpt. Peir. p. 174.* Robore admirabilis, qui nullo imbri, nullo frigore adduci potuit, ut caput tegetet: Ubi standum esset, in eodem vestigio

totum diem perstabat; non antè moto pede; quàm consimili labore juvenes fatigâssent: Ætatis anno 86. filium generavit. Epitoma Liv. 50. Valer. & Polyb. d. l. Plin. lib. VII. c. 14. Qui Methymannum, vel Mathumanum, ex correctione Salmasii ad Solini cap. 1. Stembalem Polybius, Mastanaban Appianus in Lybico, Mastanaman Zonaras, Stemban Suidas vocat. Sed & præter hunc quinquaginta quatuor filios habuit. Valerius lib. V. cap. 2. ex. 13. Unde miratur Idem lib. IX. cap. 13. ex. 1. ext. Massanissam salutem suam custodiâ canum vallâsse: Quo tam latè patens, ait, imperium? quo tantum liberorum numerum? quo denique tam arcta benevolentia constrictam Romanam amicitiam; si ad hæc tuenda nihil canino latratu ac morsu valentius duxit? E filiis memorantur Micipsa, Gulussa, & Manastabal. Sallustius in Jugurth. cap. 5. Masgaba, Liv. lib. XLV. c. 13. Misagones, Idem lib. XLII. c. 20. & c. 62. lib. XLV. c. 14. Musicanes, Liv. lib. V. cap. 1. ex. 1. Massugrada (è quo Dabar natus est, Sallust. in Jugurth. c. 103.) filia, è quâ Asdrubalus, Appianus in Punic. Epit. Liv. 50.

MICIPSA, regni hæres, Romanos juvit in bello Numantino. Sallustius in Jugurth. c. 7. Moriturus Jugurtham, Manastabalis fratris filium nothum, adoptavit; & testamento, cū duobus filiis, Adherbale & Hiempsale, hæredem instituit. *ibid.* c. 9. Sed JUGURTHA post Micipsæ mortem agitur regni cupiditate, utrumq; , quamvis patrucles & fratres adoptivos

optivos suos, interficit; nihil veritus populum Romanum, quorum in tutelâ regnum erat. *Hinc* ortum illud bellum celeberrimum, quod *Jugurthinum* dicitur. Sed *captus* denique *Jugurtha*, & in triumpho ductus est à *C. Mario*, A. M. 3846. ab V. C. 649. ipsis Calendis Januariis. Vide *Pighium* in *Annal.* tom. III. p. 150.

Sed tunc stirpi *Massaniffæ* ablatum regnum non est: *Numidia* namq; Rex, post annos viginti reperitur *HIARBAS*, qui (quòd *Cn. Domitium* proscriptum juvaret) à *Cn. Pompejo*, *Sullæ* jussu, debellatus & interemtus est. *Epitom. Livii 89. Plut. in Pomp. p. 624. Auctor de Viris Illustribus c. 77. Eutrop. lib. V.* Regnum à *Pompejo* datum *HIEMP SALI*, quem *Sigonius scholiis ad epit. Liv. 89.* pntat dicti *Hiarbæ filium* esse; sed ei minimè subscribimus. Malim tùm propter alia, tùm propter temporis rationem (quæ generationum intervalla diligenter attendere nos jubet) accedere *Valesio ad Exc. Diod. Sic. p. 60*, qui putat *Micipsæ filium*, *Micipsæ* nepotem, *Massanissæ* pronepotem: Habuit enim *Micipsæ*, *Massanissæ* filius, præter *Adherbalem* & *Hiempsale*m, à *Jugurthâ* interfectos, alium cognominem nati minimùm; qui “ omnium *Numidiæ* Regum clementissimus, accersit “ è *Græciâ* viris doctissimis, cùm omnibus discipli- “ nis, tùm maximè philosophiæ operam in eorum “ contubernio impendit; atque ita in regno ac phi- “ losophiâ consenuit; ut est apud *Diod. Sicul. in Exc. “ Peir. p. 387.*

Ut autem à Micipsâ posteriores hosce Reges credam, facit locus *Strabonis, lib. XVII. p. 833. ubi ait,*

ditionem, Carthagenensibus subditam, Romanos in provincia formam rede gisse; nisi quoddam Massanissa partem tradiderunt, ejusq; posteris, à Micipsa genus ducentibus. Qui Micipsæ polteri, nisi Micipsa junior, Hiempsal & successores ejus? Hiempsalis verò præter Plutarchum l. c. meminit Cic. in secundâ contra Rullum c. 22. & in eâ contra Vatiniū c. 5. Appianus lib. I. Civ. Adde Plutarchum eundem in Mario p. 428, 429.

Hiempsalem excepit JUBA filius, Dio lib. XLI. p. 172. Hic est, qui à partibus Pompejanis stetit, ac victus est à Jul. Cesare Dictatore, singulari cum Petrejo certamine congressus est; ita, ut alter alterius manu caderet. Seneca de Provid. c. 2. Dio lib. XLIII. Sed Appianus auctor est, Petrejum interfectum esse à Jubâ, & hunc à servo. Incidit hæc Jubæ clades & mors in A. M. 3904. Tūm regnum ejus in provincie formam redactum est.

Sed Augustus Imperator JUBÆ filio regnum paternum restituit. Dio lib. LI. p. 454. Eidem in matrimonium data Cleopatra, Antonii & Cleopatæ filia. Sueton. in Calig. c. 26. Nihilominus idem Augustus pro restituto paterno regno, Getuliæ quædam, cum Bocchi Bogudisq; ditionibus, postea dedit, hoc est, A. M. 3925. A. V. 728. Idem Dio lib. LIII. pag. 514. Fuit hic Rex historicus longè florentissimus, cujus libri, passim laudati veteribus, cum magno literarum detrimento, perierunt.

Ex eo & Cleopatrà natus PTOLEMÆUS, quem C. Caligula, nobilissimorum virorum carnifex, ob divitias, quas possidebat, interfecit; quamvis confobrinus

sobrinus esset. *Dio lib. LIX. p. 659. Sueton. d. l. Seneca l. de Tranquillitate animi, c. 11.* Quisquis vir erit, notabit hos perpetuos illustrium regnorum & Regum exitus; *serios me hercle sapientia modestiaq; magistros!*

CAPUT XIV.

Reges & res populi Romani quàm brevissimè recensentur, usque ad tempora Monarchiæ.

ANtequam Cæsarum catalogum recensemus, pauca quædam de statu populi Romani altiùs repetenda sunt; quod nî fiat, tyronem ἐν σκοτῶ πέμβεσθαι, hoc est, in tenebris repere necesse est. Româ conditâ, quod notum, à Romulo & Remo (factum id A. M. 3198, regnante apud *Medos Articâ*) regius status populo placuit. *Dionys. lib. II. c. 4.* Ex quo loco *originem legis regiæ* nobis exsculpere volunt viri docti, successum minùs felici.

Hinc ROMULUS SYLVIUS (cujus majores suprà dedimus) NUMA POMPILIUS, Pomponis Pompilii filius (*Liv. lib. XL. c. 29. Dion. lib. II. c. 59.*) TULLUS HOSTILIUS, Hosti filius (*Macrob. lib. I. Saturn. c. 6.*) Hosti & Hersiliæ nepos (*Macrob. d. l. Aurelius Victor in Romulo. Dionys. Halicarnass. lib. III. c. 1. Liv. lib. I. c. 22.*) ANCUS MARTIUS (quem Numæ Martii filium, Numæ Martii nepotem, M. Martii pronepotem voluit *Pighius, Sigonius, & Goltzius*; sed quam assertionem alibi examinabimus) L. TARQUINIUS PRISCUS, Demarati filius, è Bacchiadarum, hoc est, ipsius Herculis posteritate (*Dionys. Halicarnass. lib. III. c. 59. Liv. lib. I. cap. 34.*
Strab.

Strab. lib. V. p. 219. & lib. VIII. p. 338. Plin. lib. XXXV. c. 3. & 12. Tac. lib. XI. Ann. c. 14.) & SERVIUS TULLIUS, S. Tullii Corniculani & Ocrisæ filius (Dionys. Halic. lib. IV. c. 1. Liv. lib. I. c. 39. Valer. Max. lib. III. c. 4. Auctor de viris illustribus in Tullio, Plinius lib. XXXVI. c. 27.) Hi sex, inquam, regnârunt usq; ad illud tempus, quo Cyrus Babylonicum imperium destruxit; & sub istis adeò crevit Roma, ut, cùm Servius Tullius primum lustrum conderet, suprâ octoginta quatuor millia septingentos in Censoriis tabulis repositos scribat Dionys. lib. IV. c. 26. L. TARQUINII SUPERBI, qui regnum scelere invasit, L. Tarquini Prisci nepotis (vide notas Flori lib. I. c. 7. §. 2.) ultimi Romanorum Regis, initium incidit in A. M. 3417, cùm jam Cyrus monarchiam suam stabilivisset.

Eo cum liberis pulso, L. JUNIUS BRUTUS populum in libertatem asseruit; ut deinceps, loco Regum, in singulos annos Coss. crearent. Quam potestatem mutationes quædam interruperunt; sed non diu: Nam Dictaturæ ad tempus sumebantur. Decemviri circa A. V. 302. A. M. 3500. (regnante apud Persas Artaxerxe Longimano) legum ferendarum causâ summâ cum potestate creati (cùm dominationem contra leges retinerent) tertium intra annum dejecti sunt. Tribuni autem militum Consulari potestate circa A. V. 309; A. M. 3507, primum instituti, non processerant ultra A. V. 386; quo ultimi creati sunt. Et tamen intermedio quoque tempore sæpius, & aliquando plures per annos continua Consulium comitia habebantur.

Tempore

Tempore autem illo, quo *Persæ* rerum in *Oriente* potiti sunt, usque ad initium *Alexandri M. Romanorum* res bello gestæ præcipuè fuerunt hæ: *Pulsi in æternum Tarquinii: Porcennæ obsidio* fortiter tolerata: *Latinorum* exercitus ad lacum *Regillum* cæsus: Susceptum cum *Volsis* bellum, & licet fortuna aliquoties nutasset, *casis* eo bello 306. *Fabii*; ad ultimum tamen penes Romanum confecti belli gloria stetit. Eadem fortunâ fracti *Æqui & Sabini: Fidenæ* captæ: *Vejentum* urbs decennali bello expugnata; sed mox ad *Alliam* afflictæ res, occupata urbs à *Gallis*. Nihilominus velut ex inferis emerfit populus Romanus, fortunâ seminante discordias inter victores. Tum rursus arma prosperè sumpta contra *Volscos, Æquos, & Praenestinos: Galli, Samnites*, & alii haud semel prostrati. Breviter, à regifugio usque ad A. V. 419. A. M. 3620. (quo *Darius Codomannus* interfectus est) populus Rom. quater & quinquagies de vicinis hostibus triumphavit. Imò resp. tantarum virium tum fuit, ut *Liv. lib. IX. c. 17. & seqq.* æstimatâ *Romanorum & Alexandri Magni* potentiâ, tandem concludat; si Alexander in Italiam trajecisset, non tam facilem victoriam de populo Romano futuram fuisse.

Post mortem *Alexandri*, quæ Romanis bella fuerint, *Besoldus* explicavit in *Synopsi* majore cap. 14. Nec habeo, quod addam; imò contraham in pauca. E validissimis nationibus & populis (quos intra Italiam subegere) fuerunt *Samnites, Hetrusci, Lucani, Bruttii, Tarentini, Sassinates, Picentes, Sallentini, Messapii*. Extra Italiam *Siculi, Corsi, Sardi, Illyrii, Pœni, Græci,*

Græci, Istri, Dalmatæ, Baleares, Thraces, Cilices, Galli & Hispani. Reges victi vel capti, *Pyrrhus*, quem Hannibal (nullâ mentione *Alexandri M.* factâ) præcipuè commendavit; & post istum *Hiero, Syphax, Philippus, Antiochus M., Perses, Gentius, Betultus, Jugurtha, Mithridates, Tigranes*; quos jam suprà recensuimus. *Triumphos* à temporibus *Alexandri M.* usque ad Dictaturam *Cæsaris* populus Rom. vidit 184.

Ita cùm ad summum venisset *Respublica*, de statu sanctitatis & virtutis præcepta data est. Nec opus, ut de re notissimâ verba faciam; Sciunt enim, qui *Sallustium in Catil. Florum lib. III. c. 12.* & alios legerunt. Hinc seditiones & bella civilia: Nec aliud remedium discordiarū fuit, quàm si ad unius flagra deducerentur omnes. Monarchiam autem sicut *C. Julius Cæsar* metatus est, ita *Augustus* stabilivit, & adamantinam effecit. Quin sub hoc ipso *Ægyptus, quarta Monarchia Macedonica pars*, imperio Romano cessit: Ut multi Romanæ Monarchiæ initium hinc ordiantur; quod etiam nos fecimus in *Historiâ Imperii Romani, quam proximè continuaturi sumus.* Sed aliis *C. Julium Cæsarem* in Imperatorem catalogum recipere placuit, quos *Besoldus* sequitur; neque hîc ab illo recedere nobis placet.

CAJUS JULIUS CÆSAR.

Caji Cæsaris genus. Dies pugna Pharsalicæ. Cæsar contra vulgatas calumnias breviter defenditur. Iudicium viri maximi de eodem.

Nobili.

Nobilitatem generis antiquam suprà jam ostendimus: Continuum majorum seriem per monumentorum inopiam dare non possumus. Atavus *L. Julius*, quos magistratus gesserit, incertum est; nomen è descriptione posterorum Capitolinâ novimus. Abavus *Sextus Julius Cæsar*, Prætor A. V. 547. Siciliam sortitus est. *Liv. lib. XXVII. cap. 23. 24.* Proavus *Sex. Julius Cæsar*, Consulatum gessit A. V. 596, collegâ L. Aurelio Oreste. Avus *C. Julius Cæsar*, Martiam, ab Anco Martio Rege oriundam, uxorem habuit. Pater *C. Jul. Cæsar*, Pisis (dum manè calcearetur) nullis evidentibus causis, nulloq; manifesto morbo, exanimatus est. *Plin. lib. VII. c. 53.* Patruus *Sext. Julius Cæsar*, Consul, A. V. 662, collegâ L. Martio Philippo. Reperiuntur & *L. Julius Cæsar*, & *C. Julius Cæsar Strabo* orator, L. Cæsaris filii; quorum ille Consul A. V. 663, collegâ P. Rutilio Lupo: Uterque occisus bello civili Mariano. Hi *Cajo Cæsari*, patri Dictatoris, fratres patrueles fuerunt. Nullos de hoc genere fumos nos vendidisse, sciunt illi, qui tabulas Capitollinas & nummos Cæsarum apud *Goltzium in Fastis*, *Ursinum in gente Juliâ* consuluerunt.

Natus autem C. Julius Cæsar Dictator, A. M. 3850, A. V. 653, anno primo Olympiad. 170. *Phlegon apud Scalig. p. 339.* Diem fuisse tradunt quartum Iduum Quintilis. Consulatum adeptus est A. V. 694, collegâ M. Bibulo. *Pompejum* A. V. 705, hoc est, A. M. 3902. ad Pharsalum vicit, a. d. 13. Calend. Sextiles; quem diem, ob extinctam libertatem populi Romani valdè memorabilem, ignoravit *Onuphrius*.

At

At nos hodiè scimus è Calendario veteri apud *Grutierum Operis Aeterni* p. 133.

Post victoriam insolentiorum factum, & tyrannica multa patrâsse, ait *Besoldus in Synopsi majore*, propter ea, quæ *Suetonius* refert in *Cæsare*, c. 76. 77. 78. „ Imò propter multitudinem ita judicantium. Est „ enim (pace tanti nominis dixerim) ex illo genere „ Scriptorum, qui sequiùs eunt; non quâ eundum „ est, sed quâ itur. Quod si considero Consulum, Proconsulum, aliorumq; superbiam & immanitatem; omnia Cæsaris, cum illis collata, ne apparere quidem videntur. De honoribus divinis, quos decerni sibi passi sunt, vide *Casaub. ad Sueton. Augustum* cap. 52. De immanitate ac crudelitate illorum ipsorum, quos Cæsar adversarios habuit, audite quæso *Ciceronem* lib. IV. ep. 14: *Si ii vicissent, ad quos accesseram* (hoc est Pompejani) *intelligebam tamen & iratorum hominum, & cupidorum & insolentium, quàm crudelis esset futura victoria.* Et item lib. IX. ep. 6: *Crudeliter otiosis minabantur* (nota hîc dissimilitudinem Cæsaris, qui, ut est apud *Suet. in Cæs.* c. 75. medios & neutrius partis suorum sibi numero futuros pronuntiavit) *eratque iis & tua invisa voluntas & mea oratio.* Denique lib. VII. ep. 3: *In bello rapaces, in oratione ita crudeles, ut ipsam victoriam horrerem &c.*

Valdè premere se putant Cæsarem; obijciendo scelus armorum in rempublicam: Quæso vos, an per illum stetit quiescere? pacem voluit, non impetravit. En rursus *Cic. Pompejanum* lib. IV. ep. 1: *Incideram in hominum pugnandi cupidorum insanias.* Et lib. IX.

ep. 6:

ep. 6: *Vidi nostros amicos cupere bellum.* Adde lib. XVI. ep. 10. lib. VIII. ad Attic. ep. 11. & intelliges alterius partis summam injustitiam. Et quid vocatis rempublicam? nulla respublica fuit, antequam Cæsar Pompejum vinceret. Nec absurdum est, quòd in culpam trahitis illius dictum: *Nihil amplius esse rempublicam, appellationem modo sine corpore ac specie.* Totum locum considerate, nihil aliud voluisse dicetis Cæsarem, nisi *republicam corruptam, unicum remedium esse dominationem unius.* Hoc idem non ex adulatione, sed ex animi sententiâ, sub Augusto & post Augustum, pronunciârunt viri rerum civilium peritissimi. Videte Tacit. lib. I. Histor. c. 1. & 16. lib. I. Ann. cap. 9. Flor. lib. IV. c. 3. ex emendatione Freinsheimii. Imò nec alia mens ipsius Ciceronis fuit lib. I. de naturâ Deorum, c. 4. Fusiùs hæc diduximus lib. I. Observationum Pomponianarum, c. 12. Ubi simul probavimus illud, rempublicam fuisse nullam ante prælium Pharsalicum. Hoc ipsum est, quod passim dicit Romanus sapiens: nimirum, *rempublicam non fuisse ibi, ubi Pompejus steterit; legenda epist. 104. sub finem.*

Ut me paucis absolvam, veneror judicium Jul. Cæs. Scaligeri; qui rogatus à Gallo, quid de Cæsare sentiret? Non respondebo, inquit. Quamobrem? *Quia,* inquit, *nolles me respondisse. Hoc tibi volo gratificari.* De viro enim illo non posse quicquam ferè dici, quin de omnium Imperatorum, gentium omnium; laude detrahatur; neque putare sese, illum fuisse hominem, nisi esset mortuus. Refert Johannes Bergius, Rutenus Medicus, sub finem Confutationis fabula Burdoniana.

pag. 424. 425. Unum illum non suprà gentiles tantùm, sed quàm plures Christianos (*quales hodiè quidem sumus*) collocat, & sideribus eum inscribit, quòd *ne- minem acerrimorum hostium post commissum prælium occidit, omnes venià prosecutus est; honoribus & divitiis auxit*: Unde prorsus abominabiles, qui eum occiderunt. *Gravis erat liberis ipsa beneficiorum potentia*, inquit *Florus lib. IV. c. 2. §. 92. & pulcerrimam tanti facinoris rationem! beneficiorum magnitudine Cæsar mortem meruit! Nolo plura. Nam quæ huc faciunt, jam attulimus in Prolegomenis Historiæ Romanæ, & ad Velleji lib. II. c. 72. Reliqua verò Cæsaris petenda sunt è Plutarcho, Suetonio, Dione, Floro, Vellejo, Appiano, ipso Cæsare, Sigonii & Pighii Annalibus. Habeo prætereà de præstantiâ C. Julii Cæsaris libros tres, conscriptos à Francisco Florido Sabino, editosque Basileæ anno 1540.*

TRIUMVIRATUS.

Ille ipse sanguis, è quo libertatem *Cassius & Brutus* fluituram existimabant, libertatem extinxit. Sublato, quem tyrannum dicebant, tyrannis longè immanissima emerfit; & *nihil quicquam Idibus Martiis profectum est. Triumviros Reipublicæ constituendæ se fecerunt C. Julius, C. F. C. N. Cæsar Octavianus, M. Antonius, M. F. M. N. Marcus Æmilius, M. F. Q. N. Lepidus. Horum facinora si cognoscere aves, explicabunt Dio lib. XLVI. & Johannes Antiochenus, Dionis compilator, in Exc. Peiresc. p. 799.*
Jungen-

Jungendus auctor nobilissimus orationis, cui titulus, *Tricipitina*; quæ ad nummum quintum Octavii Strada in universitate nostrâ habita est.

IMPERATOR CÆSAR AUGUSTUS.

Octavianus quo tempore Pompejum & Antonium vicerit? Alexandriam ceperit? Augustus appellatus sit? Triplex initium Augusti. Ianus ter clusus, & quibus annis? Lipsii hallucinatio. Lacuna in Dione ostenditur, non animadversa Casaubono & Scaligero. Quintilius Varus quo tempore cæsus? Besoldi inadvertentia. Virgilius & Horatius quibus annis mortui? Curtii atas incerta. De Besoldo admonitiuncula, cautè legendum in historia sacra.

C Octavius, C. F. C. N. C. PRON. C. ABN. (*Inscriptio VII. p. 225.*) natus nono Calendarum Octobris (*Sueton. in August. c. 5. Inscriptio IV. p. 175. & VIII. p. 228. & I. p. 229.*) post solem occisum, ut contra Suetonium volunt viri docti, *Casaub. ad Suet. August. cap. 5.* Post parentis mortem magnâ curâ educatus ab Atiâ matre & L. Marcio Philippo vitrico (*Nicol. Damasc. in Exc. Peir. p. 472. & seqq.*) à C. Julio Cæsare, avunculo magno, adoptatus; & C. Julius Cæsar Octavianus dictus est. Interfectores parentis lege Pedia aggreditur A. V. 710. *Vellejus lib. II. c. 69.* Sextum Pompejum Cn. F. A. V. 717. M. An-

tonium ad Actium A. V. 722. ante diem quartum Nonas Septembr. vincit. Altero anno, Calendis Sextilibus, Alexandriam cepit. *Welferus lib. II. Rerum Augustæ Vindelicorum.*

A tempore Antonii sublatis Monarchiam Augusti computat Besoldus, cum quàm plurimis. Sed notabis triplex esse initium Augusti, de quo *Lipsius ad Tac. lib. I. Ann. c. 9. Baronius in apparatu ad Annal. Ecclesiasticos, n. 104. 105.* Quemadmodum scilicet tria sunt initia Cyri, duo Caroli M. *Scal in Euf. n. 1456.*

AUGUSTUS primùm cognominatus est Idibus Januariis, A. V. 726. Ipso septimùm, M. Agrippa tertium Coss. *Casaub. ad Suet. August. cap. 7. Scal. ad Euseb. n. 1988.* Janum clusit ter, primùm A. V. 724. se quintum, Sexto Apulejo Coss. *Dio in rebus illius anni lib. LI. p. 417.* Nummus inscriptus: IMP. CÆS. DIVI F. COS. V. IMP. VI. S. P. Q. R. Quòd in alterâ parte statuam equestrem Cæsaris pacificatoris habet, hinc explicandus est. *Secundo* A. V. 728. se nonum, M. Junio Silano Coss. *Dio lib. LIII. p. 515.* Errat *Lipsius lib. I. Electorum c. 20.* qui hoc factum scribit in Consulatu X. Sed fortassis correxit se in editionibus novissimis; mea enim prima est. *Tertiò* vult idem *Lipsius*, clausum A. V. 730. in Consulatu Augusti XI. ex *Inscriptione II. pag. 149.* Dissentit *Casaub. ad Suet. Augustum, c. 22.* Lipsii gravissimus lapsus est, qui lapidem existimavit pertinere ad A. V. 730. cum in eo legatur annus TRIBUNIT. POTEST. XII. Augustus enim in Consulatu XI. nondum Tribunitiam potestatem acceperat: Mihi saxum illud verè saxum est;

est; nequicquam huc facit, ob inconstantem incertamq; scripturam in linea secunda. *Casaubono* planè assentior, *tertium* fuisse *clausum* circa tempus *nativitatis* *Salvatoris* *nostri* *Jesu* *Christi*. Hoc è veteribus decerptum refert *Oros. lib. VI. c. 22*. Sed quòd ait *Casaubonus*, *Dionem* hujus rei non meminisse in rebus illius anni explicandis, prorsus ineptum est. An enim quicquam ex historiâ *Dionis* superest de anno urbis 750. quo *Christus* *natus* est? nihil omninò, & *triennii* *historia* *perit*, hoc est, anni 748, quo *Coss. C. Calvisius* *Sabinus* & *L. Passienus* *Crispinus* *Ruffus*; & 750, quo *Christum* *natum* esse, peritissimorum *Historicorum* & *Chronologorum* consensu traditum est; & quo *Consulatum* *gesserunt* *L. Corn. Lentulus*, *M. Valerius* *Messallinus* *Cotta*. Hoc cùm non observârint, qui *Dionem* *ediderunt*, in errores varios induxerunt *maximos viros*, *Casaubonum* & *Scaligerum*; sicut à nobis in *Historia* *Romani* *Imperii* demonstratum est. Atq; hæc dicenda fuerunt, quòd *Besoldus* *historiam* *Jani* *clusi*, velut cognitu dignam, in medium protulerit.

Sequitur apud eundem in *majori* *Synopsi* error, *Bavarico* sue pinguior. Meminit atrocissimæ cladis, quam *Augustus* accepit in *Germaniâ*, cæsi ad internecionem tribus legionibus, cum duce *Quintilio* *Varo*. Accidit *C. Poppæo* *Sabino*, *C. Sulpitio* *Camerino* *Coss.* hoc est, *A. V. 761*. Quod de *Tac. lib. I. Annal. c. 62. §. 1.* manifestum; & nos è *Dione* ampliùs demonstravimus contra *Baronium* in *Hist. Imperii Romani*. *Baronius* rejecerat in *A. V. 762*. Quo *P. Corn.*

Dolabella, C. Junius Silanus Coss. fuerunt. Sive Bar-
 ronii, sive nostram sententiam sequi velis; tamen mi-
 nimè admittere debes, quòd *Besoldus* ait, *hujus Quinti-
 lii Vari morte adeò perturbatum fuisse Virgilium, ut
 Horatius carmine pulcerrimo consolatus sit, lib. I. oda
 24. Uterq; Virgilius & Horatius, diu ante cladem
 Quintilii Vari mortales reliquere*: Nam Virgilius
 mortuus est A. V. 734. C. Sentio Saturnio. Q. Lu-
 cretio Vespillone Coss. ante diem 10. Cal. Octobris.
 Auctor vitæ Virgilii *Donato* adscribitur; idemq; tem-
 pus assignavit *Hieronymus* n. 1997. Nec aliud sensit
Phlegon apud Scal. p. 341, qui Virgilium obiisse scribit
 anno secundo Olymp. 290. Horatii mors incidit in
 A. V. 745. & Consulatum C. Marcii Censorini, C.
 Asinii Galli quintum, Calend. Decembris; ut nos do-
 cet *vita illius è vetusto codice* descripta, & publica tum
 ab aliis, tum à *Bersmanno & Heinsio*. Nescio igitur,
 quò mens *Besoldo* abierit, cum hæc scriberet? Brevi-
 ter: *de alio Quintilio* capiendus est *Horatius*. Sed &
 ad Augusti ævum *Besoldus* refert *Quintum Curtium*
 Historicum, quo nihil quicquam incertius est: Fuerunt
 quidem sententiæ hujus *Angelus Rocha in Bibliotheca
 Vaticana, Joh. Jacob. Frisius in Biblioth. Chronologica,
 Joh. Georg. Herbartus, Joh. Maria Catanus*; aliter
 judicârunt *Rutgersius, Barthius, Pontanus*, sed omni-
 bus diligenter expensis, tandem doctissimi viri pro-
 nunciârunt, incertum esse, quo tempore Curtius vi-
 xerit. Consulendus *Freinshemius in proleg. ad Curtium*
 6. 1. ubi de Curtii nomine, ætate, conditione.

Multa posthæc *Besoldus* refert de *nativitate Sal-
 vatoris*

vatoris nostri, quæ velim *cautè* legas; confarcinata sunt è variis, bonis & malis. Certè, quæ de anno *nativitatis* B. Virginis ex *Nicephoro* scribit, parum firmantur basi; quod idem monuimus in *Historiâ Imp. Rom. in A. V. 736.* Sed hæc omnia Theologis relinquimus. Cætera, quæ de Augusto dicenda sunt, petet ex eadem *Hist. nostra*, qui volet. *Nobis in hac Monarchia propositum est saltem ea explicare, quorum Besoldus meminit.*

TIBERIUS CLAUDIUS NERO.

Tiberii laudabilia & vituperanda. De Tacito sincerum judicium, Politicum potiùs bonum, quàm Historicum esse. Besoldi furtum è Baronio.

Hunc *Besoldus Claudium Tiberium Neronem* dicit, & nepotem & ejus è fratre *Cl. Tiberium Drusum*; perinde ac si *Besoldum Christophorum* dicerem, pro *Christophoro Besoldo*. *Tiberius Claudius Nero* dictus est adhuc privatus à patre, & multis majoribus (vide *Hist. Imp. Rom. in A. V. 729.*) at ab Augusto adoptatus, frequentius describitur *Tiberius Julius Cæs. vel Tiberius, Divi Augusti filius.* Nummos inspice apud *Goltzium in Thes. c. 4. p. 34 & 35.* Hujus Principis historiam qui legunt, observabunt summam benignitatem in juvendis illustribus familiis. *Tac. lib. I. Ann. c. 75. §. 2. lib. II. Ann. c. 37. §. 1. & c. 48. §. 1. lib. III. Annal. c. 8. §. 2. & c. 18. §. 2.* In restaurandis

S iiiij civi-

civitatis terræ motu collapsis. *Tac. lib. II. Annal. c. 47. §. 3. & lib. IV. Ann. c. 13. §. 2. Joh. Antiochenus in Exc. Peir. p. 80.* In reficiendâ fide & liberandis debitoribus. *Tac. lib. VI. Annal. c. 17. §. 6.* in annonæ caritate sublevanda. *Tac. lib. II. Ann. c. 87. §. 1. & lib. IV. c. 6. §. 7.* in refarciendis damnis, ex incendio acceptis. *Vellejus lib. II. c. 120. Tac. lib. IV. Annal. c. 64. §. 2. 3.* Ut facere injuriam videatur *Suetonius in Tiberio cap. 47.* De Hortalo scio, quæ scribit idem *Tac. lib. II. Ann. c. 37. §. 1.* Sed nescio, an dignus ille fuerit liberalitate Tiberii; siquidem idem est cum illo Hortensii nepote, cujus impudicitiam notavit *Val. Max. lib. III. c. 5. ex. 4.* Eundem esse putavit *Lipsius.*

Observabunt præterea Tiberii civilitatem intra privatum modum. *Suet. in Tiberio c. 26. Tac. lib. II. Ann. c. 34. §. 5.* Generositatem singularem in repudiandis nimis honoribus. *Suet. d. l. Tac. lib. I. Ann. c. 72. §. 2. lib. II. Ann. c. 87. §. 2. lib. III. Annal. c. 59. §. 2. lib. IV. Annal. c. 37. §. 2.* Virtutem eandem in spernendis adulationibus. *Suet. in Tib. c. 77. Tac. lib. III. Ann. c. 44. §. 5. & c. 65. §. 3. & lib. IV. c. 6. §. 2.* Patientiam in ferendis calumniis. *Suet. c. 28. Tac. lib. I. Annal. c. 47. §. 1. lib. II. c. 50. §. 2. lib. III. c. 10. §. 4. & c. 44. §. 4. lib. IV. c. 34. §. 1.* singularem humanitatem in Senatum. *Suet. c. 29. 30.* Per quem multa maxima tractari voluit. *Tac. lib. I. Ann. c. 3. §. 9. c. 6. §. 7. & lib. III. Ann. c. 60. §. 1. lib. IV. c. 6. §. 2. & c. 15. §. 3.* Imò castigavit patres, quòd cuncta curarum ad Principem rejicerent. *Tac. lib. III. Annal. cap. 37. §. 1.*

Nec deerunt ipsis exempla Justitiæ contra præfectorum avaritiam. *Suet. cap. 30. & 32. Tac. lib. IV. Ann. c. 6. §. 7. & c. 15. §. 4. 5. In causis propriis. Tac. lib. III. Ann. c. 8. §. 2. & c. 12. §. 5. 6. & seqq. lib. IV. c. 7. §. 1. In causis aliis. Tac. lib. IV. Ann. c. 22. §. 2. Æquitatis in moderandis atrocissimis Senatorum sententiis. Tac. lib. III. Ann. c. 51. §. 2. & c. 69. §. 1. & c. 70. §. 2. lib. IV. Ann. c. 30. §. 1.*

Habebunt studium utilitatis publicæ. *Suet. c. 33. Tac. lib. IV. Ann. c. 13. §. 1. Et frugalitatis. Suet. c. 34. Tac. lib. 3. Ann. c. 52. §. 2. Abstinentiæ ab alienis opibus. Tac. lib. III. Ann. c. 76. §. 2. Etiam cum hæres nominatus esset. Tac. lib. II. Ann. c. 48. §. 1. 2. Candoris in promovendis dignioribus. Tac. lib. IV. Ann. c. 6. §. 3. Constantiæ in perferendis calamitatibus. Tac. lib. III. Ann. c. 44. §. 4. Sanctitatis erga hostem acerrimum, quem veneno tollere noluit. Tac. lib. II. Ann. c. 88. §. 1.*

Hæc & alia quamplura scio Tacitum referre ad simulationem; sed est Senatoriæ factionis Scriptor; quem ut egregium politicum esse confiteor, sic bonum Historicum esse, ferè dubito. Num enim Historico sic licet judicare, ac secundum suspiciones detorquere utilia facta in pejus; facere denique id, quod araneus solet in rosa? Fatetur Dio lib. LVII. p. 62, dixisse Tiberium: *Principis animum nemini cognitum esse debere.* Et Tacitus non semel in Tiberio notat, quòd nemini patuerit. Vide lib. I. Ann. c. 11. §. 5. & c. 33. §. 4. & c. 16. §. 2. lib. IV. c. 1. §. 4. Quomodo igitur Tacitus post tot annos Tiberii sensus interiores

cognitos habuit, ut sciret omnes simulatæ modestiæ causas, omnes arcanos metus, omnem occultam invidiam, & omnia alia? *Non est homo scriptor hic, sed Deus; cui soli animorum nostrorum secreta reclusa sunt: Vel certè Pythagoricâ quadam metempsychosi in Tacitum migravit Tiberii animus.* Non ad Scriptores superioris seculi confugere potest, quos scit esse corruptissimos, *lib. 1. Ann. c. 1. §. 5.*

Nobis, qui simpliciores sumus, longè videretur in publicum utilius, facta Principum, si tolerabilia sint, nullâ interpretatione tristiori additâ, memorari; quòd necesse sit, Principis viros, hâc judicandi licentiâ perspecta, omnium factorum suorum sinistras explicationes metuere; atque ex desperatione in atrocissima quæq; prolabi. Quis enim *Tiberium nunticum* ac moderatum imitabitur, si ne sic quidem tutum cognoverit à tam rigeroso examine Historicorum?

De sequioribus factis aliter judico; hæc enim exaggerare præstat, ut ex posteritate & infamia metus sit. Idem *Tac. lib. III. Ann. c. 65. §. 1.* qualia sunt *Tiberii* nimius favor erga *Sejanum*, & libidines inauditæ, & permissa accusandi rabies; quæ qui excusare velit, non homo, sed bestia videri meritò potest.

Hoc unum addo de *Tiberio*, videri Romanos contumacia sua crudeliorem aliquantò effecisse. Vide *Tac. lib. 1. Ann. c. 6. §. 6. & c. 72. §. 6.* De *Agrippina*, cujus domum afflixit, res certa est, ferocissimam contra Principem fœminam fuisse. *Tac. lib. 1. Ann. c. 33. §. 5. lib. II. c. 72. §. 1. lib. IV. c. 52. §. 3.* At tum loquum habet, quòd *Alexander M.* apud *Curt. lib. VIII. cap. 8.*

cap. 8. §. 8. ait: *Regum ducumq; clementia, non in ipso-
rum modo, sed etiam in illorum, qui parent, ingenio sita
est; obsequio mitigantur imperia, ubi verò reverentia
excessit animis, & summa in eis confundimus; vi opus est,
ut vim repellamus.*

Atque hæc hætenus libertate indubiè majore, quàm nonnulli vellent; qui veritatem volunt esse, quicquid amor partium suadet. Longè aliter judicarent, si penitiùs introspicerent mores Senatorum, mentiendi libidinem, totius imperii statum: æternum sanè futurum, si ad illud gubernandum *Tiberii prudentiam* attulissent omnes. Imò si cogitare vel-
lent, quàm justas haberent causas recedendi à *Scriptoribus Senatoria factionis*, verè impiis atque blasphemis. *Tiberius de recipienda Christiana religione cogitavit*, & ad Senatum retulerat; sed restiterunt omnes animo sceleratissimo; quod Scriptores è Christianis fide dignissimi referunt. Faveat ergo Senatui, qui volet. *Tacitum Christiani nominis deterrimum hostem*, religiosè colat; nos liberè pronunciamus, aurum mentiri potiùs, quàm aureum esse; & animum non tam *Tiberianum* nobis depingere, quàm suum.

Cætera *Tiberii* exsequor in *Hist. Imp. Rom.* De *Besoldo* notabis hoc, *historiam Sejani* in Synopsi majore non suis verbis referre, sed *Baronii*; quem exscripsit in *A. C. 33. n. 47*, ut & alibi sæpiùs. Et quamvis aliquando nominare soleat, tamen id tam subdolè facit, ut nescias, quæ *Baronii*, quæ *Besoldi* sunt. Qui laudare potest *aliena spolia sub suo titulo* dedicantes, is æquo animo feret hanc apem nostram, an fucum?

CALIGULA.

Caligula parentes & avi. Tempus, quo imperium accepit, & occisus est. De eodem Senecæ judicium.

CÆSAR AUG. GERMANICUS semper hic dicitur in nummis & inscriptionibus, *nunquam Caligula*; quem in castris sic appellaverant. *Tac. lib. I. Ann. c. 41. §. 4.* Pater Germanicus Cæsar, notissimus heros. Avus primus Nero Claudius, Drusus Germanicus, frater Tiberii, Avia paterna Antonia Augusta, ut appellat *Inscr. IX. p. 236.* M. Antonii Triumviri filia; vide *Lips. ad Tac. lib. III. Ann. c. 3.* Mater Julia Agrippina, *Inscr. VII. & VIII. p. 238.* Avus maternus M. Vipsanius Agrippa; avia materna Julia, Augusti filia; *Inscr. IV. p. 237. vid. Lips. in Stemmate Augusto.*

Successit A. V. 789. Cn. Acerronio Proculo, C. Pontio Nigrano Coss. Occisus est A. V. 793. Q. Pomponio II. iterum, Cn. Sentio Saturnino Coss. ante diem 9. Calend. Febr. Verè de hoc *Seneca Consolatione ad Polyb. c. 36: Excerpendum hunc è Cesarum numero, ut qui in exitium opprobriumq. humani generis editus sit.*

CLAUDIUS.

Claudius fatuus Princeps. Barthii varius conatus. Ioh. Antiocheni locus è Dione. Claudii bellum

bellum Britannicum, & mors in quos annos incidant?

Hic Caligulæ patruus, in nummis & inscriptionibus TI. CL. DRUSI F. CÆS. AUG. GERMANICUS, plerumq; describitur. *Non malè de eo Besoldus, ambiguum esse crudelitate ne an stultitiâ magis fuerit dedecoratus. At Barthius lib. VII. Advers. c. 1. & lib. LIV. c. 13, sapientibus Principibus annumerat è Joh. Sarisberiensis Policratico lib. VIII. c. 10. Quod artificium è stultitiâ faciendi sapientes, meritò risit Cl. Reinesius noster; qui docuit ex Agellii lib. I. c. 10. Sarisberiensensem loqui de C. Jul. Cæsare. An fortassis pro Barthio facit illud Joh. Antiocheni in Exc. Peir. pag. 805: Claudius, Romanorum Imperator, animi bonis non destituebatur. Quod surreptum esse Dioni, patet è lib. LX. p. 665. edit. Leuncl. At si pergere volet lector, animadvertet, fatuum esse laborem profatuo.*

Annus, quo Claudius in Britanniam trajecit, nulli tentatus post Jul. Cæsarem (errant, qui aliter sentiunt, Casaub. in Suet. Claud. c. 17.) fuit ab V. C. 795. Quo Consulatum inierunt ipse Claudius tertium & L. Vellejus. De hac expeditione præcipuè videndus Camdenus in Britannia p. 321. 342. & seqq. Et post hunc Scal. ad Euf. n. 260. Mortuus est Claudius A. V. 807. ante diem 3. Idus Octobris, M. Asinio Marcello, Marco Aciolo Aviola Coss. Casaub. ad Suet. Claud. c. 45.

NERO.

*Neronis falsa oronatio in Besoldo. Quo-
modo*

modo is nomina mutavit? Ejus genus. Memorabilia suis annis notata. Nummus Richterianus. Neronis mors.

DOMITIUS NERO à Befoldo dicitur; quod & alii faciunt, sed perperam; nam cum *Nero* diceretur, desit vocari *Domitius*. Ægerrimè tulit (cum adoptione in familiam *Claudiam* & nomen *Neronis* transisset) *Domitium* sese salutatum à Britanico. *Tac. lib. XII. Ann. c. 41. §. 5.* Sic igitur res habet: Ante adoptionem dictus est *L. Domitius Ahenobarbus*. Idem *lib. XI. c. 11. §. 4.* à majoribus scilicet; nam parentem habuit *Cn. Domitium Ahenobarbum*, quem commendat *Vellejus lib. II. c. 72.* Vituperat *Suet. in Nerone, c. 5.* Avum *L. Domitium Ahenobarbum*, de quo *Tac. lib. IV. Ann. 6. 44. §. 1. Suet. c. 4.* Proavum *Cn. Domitium Ahenobarbum*, de quo *Tac. ibid. §. 2. Vell. d. l. Suet. c. 3.* Abavum *L. Domitium Ahenobarbum*, *C. Jul. Cæsaris* Dictatoris acerrimum hostem; qui *Porciam*, *Catonis* sororem, in matrimonio habuit. *Plut. in Cato. min. Suet. c. 2. Cic. lib. XIII. ad Atticum ep. 36. & 47. Nicol. Damasc. in Exc. Peir. p. 476.* Atavum *Cn. Domitium Ahenobarbum*, Pontificem maximum, *Cos. A. V. 657.* De quo *Valer. lib. IX. c. 1. Suet. in Nerone c. 2.* Tritavum *Cn. Domitium Ahenobarbum*, *Cos. A. V. 631*, qui *Allobrogas* vicit. Vide ibi *Fastorum interpretes*.

At adoptatus, **NERO CLAUDIUS DRUSUS GERMANICUS** dictus est, ut patet ex *Inscr. IX. & XI. p. 236.* Imperator deniq; factus **NERO CL. CÆS. AUG. GERMANICUS** dici voluit,
ut

ut è quàm plurimis numinis, & inscriptionibus manifestum est. Eidem mater *Julia Agrippina*, Germanici Cæsaris & *Julia Agrippinæ* filia, Caligulæ soror, *Inscr. IX. p. 236. Adde Lips. in Augusteo Stemmate.*

Ex sceleribus suis & parricidio notior Imperator hic est, quàm ut memorari debeat. Janum terrâ mariq; clusit A. V. 810. Se tertium, Val. Messalâ Coss. *Lips. lib. II. Antiq. Lect. c. 8.* Matrem interfecit A. V. 811. C. Vipsanio Aproniano, C. Fontejo Capitone Coss. *Scal. ad Euseb. n. 274.*

Quinquennale ludicrum instituit ad morem Græci certaminis A. V. 812. Sequartum, Cossio Lentulo Coss. *Tac. lib. XIV. Ann. c. 2. §. 1.* Meminit *nummus æreus*, quem possideo dono *Magnifici Viri Dn. Georgii Richteri, Universitatis hujus Procancellarii benè merentissimi*; in cujus alterâ parte *Neronis imago*, cum inscriptione: IMP. NERO. CÆS. AUG. In alterâ conspicitur *mensa, ejusq; imposita corona & tabes*, cum inscriptione: CERT. QUINQUE. ROM. CO. S. C. Hoc est: *Certanam quinquennale Roma constitutum Senatusconsulto.*

Britannos ingenti prælio vicit, duce Suetonio Paullino, A. V. 813. C. Cæsonio Pæto, C. Petronio Sabino Turpiliano Coss. *Camdenus in Brit. pag. 347.* Romam inflammâsse dicitur A. V. 815. L. Virginio Ruffo, C. Memmio Regulo Coss. *Baronius in A. C. 66. Casaub. ad Suet. Neronem c. 38.* Et in hunc annum incidit atrocissima persecutio Christianorum. *Scal. ad Euseb. n. 284.* Simonem Magum in amicitiam recipit A. V. 818. C. Lucio Telefino, C. Suetonio Paulino

lino Coss. *Baronius in A. C. 68, n. 14.* Eodem anno *Isthmum perfodere conatus est, ibid. n. 33.* & bellum *Judaicum* exarsit, *ibid.* & *Corbulo occisus est*, ut refert *Xiphilinus*. A Senatu hostis judicatus semetipsum interficit, quanquam ægrè, A. V. 820. C. Silio Italico, M. Galerio Trachalo Coss. ante d. 8. Idus Jun. *Casaub. ad Suet. Neronem, c. 59.*

SERVIUS SULPITIUS GALBA.

*Besoldi negligentia in nominando Galbâ. Re-
jecta Ursini conjectura. Plutarchi error.
Item Casauboni. Galba & Pisonis mores.*

S*ergium Sulpitium Galbam* Besoldus dicit corrûptissimè, quasi fuerit è *Sergiis*, Trojanâ gentè; cui *dedecus* indelebile *Catilina* inussit. Parum interesse putant multi, quo quisq; nomine appelletur; sed hos ego mitto ad *Reinesium lib. I. Var. c. 25.* Privatus adhuc L. SULPITIUS GALBA vocatus est, ut ait *Suet. in Galba, c. 4.* & hinc explicanda eburnæa tessera, in qua legimus: L. SULP. L. SULLA, scilicet Coss. quam *Ursinus ad Tac. lib. VI. Annal. c. 15.* non satis intellexit, crediditq; Galbâ nostrum *duobus prænominibus* simul ussum; quod de aliis Sulpitiis verum est, de nostro falsum. Nam cum *Lucius* diceretur, *Servii* prænomen non usurpavit; & cum imperio Romano accepto, SERV. SULPITIUS GALBA dici vellet, prænomine *Lucii* abstinuit; ut apertè docet *Suet.* Fuit autem *Servii* prænomen *Sulpitiis omnibus*
tâmi

tam familiare, ut *Galbam è Serviorum gente* oriundum scripserit *Plut. in ejus vita*. De antiquâ Sulpitiorum nobilitate dicam in *Hist. Imperii Romani*.

Noster Imperium accepit A. V. 820, & anno seq. ante d. 4. Idus Jan. (*Tac. lib. I. Hist. c. 18. §. 1.*) adoptavit L. Calpurnium Pisonem Licinianum (*Dio lib. LXIV. p. 730.*) filium M. Licinii Crassi Frugi è Scriboniâ. Quem Crassum Frugi *Lipsius ad Tac. lib. I. Ann. c. 14.* malè confundit cum M. Crasso Coss. A. V. 816. Ille namque cum uxore occisus est à Claudio. *Sen. in Apocolocyntosi*, cujus locum idem *Lipsius ad d. l. c. 48.* pessimè accepit: Hic à Nerone interfectus est, superioris filius, Pisonis Liciani frater. *Tac. lib. I. Hist. c. 48. §. 2.* Ita Scriptores conciliandi, quamvis turbet *Plutarchus*; qui Pisonem Licinianum, filium Crassi & Scriboniæ facit, à Nerone occisorum. Id falsum esse non diffitebitur, qui *Senecam* testem potiolem & σύγχερον audiet. Cæterum de hoc Pisone loquitur *Spartianus in Pescennio Nigro p. 77*: *Inde quod latet VINDE X, quod Piso nescitur*. Casaubonus ad illum locum, p. 15. capit de C. Pisone, qui in conjuratione adversus Neronem deprehensus interiit; quod absurdum est. Sermo Scriptori de iis; qui Cæsares vel Imperatores designati, dignitati suæ non diu superfuerunt. Hoc de Pisone Liciniano verum est: Nam adoptatus à Galbâ, Cæsaris dignitatem accepit, quod de C. Pisone dici non potest; quem neque Princeps, neque Senatus, neque miles vel Cæsarem vel Imperatorem fecit; quamvis eò consilia sua direxisset: ut fieri posset:

T

Occisus

Occisus est autem Galba cum Pisone suo, dicto A. V. 821. a. d. 18. Calend. Febr. Vide præter *Fastos Onuphrii & Goltzii Casaub. ad Suet. Galbam cap. 33.* Judicium de Galba reperies apud *Tacitum d. lib. I. Histor. c. 49. De Pisone c. 14. §. 4. c. 15. §. 2. & 4. c. 17. §. 1. c. 48. §. 1. & 2.* Breviter: Galba nobilis & dives modestiâ & justitiâ in administrandis provinciis, ac laude militari clarus, major privato videbatur, dum privatus fuit; & omnium consensu capax imperii, nisi imperâisset.

Piso nobilis, gravis, fortunæ adversitatibus in virtute magis magisq; confirmatus, cùm adoptaretur, nullum præ se mutati vultus, animiq; tulit signum; quod imperare posset magis quam vellet. Uno verbo, μεγαλόψυχος.

OTHO.

Besoldi lapsus superiori similis. Othonis genus. Splendidi Equites. Tacitus & Suetonius conciliantur. Eutropii oscitantia. Othonis mores & interitus, à veteribus laudatus.

Hunc quoque *Silvium Othonem* in utrâq; Synopsi malè describit *Besoldus*; cùm debuisset *M. Salvium Othonem*. Numi Græci Μ. ΣΑΛ. ΟΘΩΝ. ΚΑΙΣΑΡ. ΣΕΒΑΣΤΟΣ. Ut taceam Scriptores quàm plurimos.

Quod ait *Besoldus*, splendidis majoribus ortum, scire debes è *Tac. lib. II. Hist. c. 50. §. 1. & Suet. in Othone c. 1.* Patrem, *L. Salvium Othonem*, Consularem,

larem, & inter Patricios allectum; avum *M. Salvium Othonem* Prætorium fuisse.

Sed de materno genere Scriptoribus non satis convenire videtur. *Tacitus* maternum genus *impar* vocat; sed *Suetonius* matrem Othonis, *Albiam Terentiam*, *splendidissimam* *fœminam* appellat. Absit quidem epitheton istud in quibusdam editionibus, in aliis ut suspectum asterisco notatur: Me tamen nihil offendit. Et puto utrumq; verbum dicere *Tacitum* & *Suetonium*, *Albia Terentia* indubiè *splendido* equite nata est: Fuerunt enim, qui *splendidi*, *illustres*, & *insignes* dicerentur, habentes censum & spem senatoriæ dignitatis. *Lips. ad Tac. lib. XI. Ann. c. 4.* Hujusmodi patre nata, quidni vocaretur *splendida*, vel *splendidissima*, *splendidè nata*; ut ex *splendore* genere oriunda. *Salmas. ad Gronov. in Elencho Antidiatribes Mercurii Frondatoris*, sub quo nomine latere voluit *Emmericus Crucius*. Ita quamvis Othonis mater *splendida* esset, tamen primum genus longè dignius, quod pater *Consularis*; avus *Prætorius* esset. *Consulares* enim & *Prætorii* supra *splendidos Equites* censentur; de quo nemo dubitat. Atque ita *Otho* materno genere *impar*, juxta *Tacitum*.

Sed hîc *Eutropius lib. VII.* contrarius est: *Otho*, inquiens, *materno genere nobilior, quàm paterno*. An, *Tacito* relicto, ad *Eutropium* ire licet? aut non benè cepit *Suetonium*, vel alium quendam? aut scripsit: *Paterno genere nobilior quam materno*? Prius tamen credere malim, propter metaphrastem *Peanium*.

Verum denique de Othonis moribus *Besoldi* ju-

dicium est. Præter alios *Plutarchus* in *Galba*: *Luxu & voluptatum studio ab ineunte ætate præditus, ut infamiâ pari vix quisquam Romanorum laborârit.* Adde *Suet. c. 2. Tac. lib. I. Hist. c. 13. §. 4.* Unam mortem ejus commendant, quibus ἀποχρεία egregium facinus est, *Tac. lib. II. Hist. c. 50. §. 2. Dio lib. LXIV. pag. 733. Plutarch. in Othone sub finem.* Et ex horum mente *Ausonius* in *Cæsaribus*:

Fine tamen laudandus erit, qui morte decorâ

Hoc solum fecit nobile, quod periit.

Periit A. V. 821. ante diem 12. Cal. Majas. Præter *Goltizium & Onuphrium* consulendus *Casaub. ad Suet. Othonem, c. 11.*

VITELLIUS.

Corruptela prænominis in Besoldo. Vitellii pater adulator. Vitellii torpor, & luxus. Ejusdem quadam laudabilia, & mors.

AVITELLIUS GERMANICUS IMP. AUG. describitur in numis; nec aliter appellant, quicunq; veterum illius meminere, non corrupti. Quamobrem pessimè *Besoldus*, cui *Aurelius Vitellius* dicitur. *Othone* interfecto cuncta, longis aliorum principatibus composita, statim ei decreta sunt. *Tac. lib. II. Hist. c. 55. §. 3.* Decreta sunt, inquam, sed non omnia recepta; ut *alibi hæc explicabo.*

Pater *L. Vitellius*, vir miri in adulando ingenii, qui, cum *Caligula* rogâisset: *Ecquid cum Luna congre-*
redientem se vidisset? periculum satis intelligens,
sive

sive negaret, sive affirmaret; abjectis in terram oculis: *Vobis Deus, Domine*, inquit, *solis inter vos licet videre!* ut scribit *Dio lib. LIX.*

Hujus autem Principis ea vita fuit, ut pro *Vitellio Vitulum* appellare meritò possis. Impar curis gravioribus, brevi auditu, quamvis magna, transibat. *Tac. lib. II. Hist. c. 59. §. 3.* Fortunam principatus inertiluxu ac prodigis epulis præsumebat, medio diei *temulentus & saginâ* gravis. *Idem lib. I. Hist. cap. 62. §. 3.* Ventre & aulâ *sibi inhostus*, id est, *inimicus*; ut è MSS. legit *Salmasius* apud eundem *lib. II. Hist. cap. 31. §. 2.* Cui cum jam hostis exortus esset *Vespasianus*, ac, duce *Antonio Primo*, præliis aliquot victoriam reportâisset; tantus nihilominus torpor fuit, ut si Principem eum fuisse, cæteri non meminissent, ipsi oblivisceretur. *Tac. lib. III. Hist. c. 63. §. 6.* Sed *rarum est* (ut inquit Poëta) *monstrum nulla virtute redemptum*, hoc est (ut explicat *Grut. ad Vell. lib. II. c. 74.*) aliquem vitiis omnimodis infamem esse, neque ullo commendabilem meritò.

Bonum Principem egit *Vitellius*, qui *Cæcilio Simplici* Consulatum pecuniâ, & cum exitio *Marii Celsi* quærenti, restitit; deditq; eum honorem *Simplici* innoxium & inemptum. *Tac. lib. II. Hist. c. 60. §. 6.* Laudabile est, quòd omnium, qui *acie Othonianâ* ceciderant, *testamenta rata* esse jussit; cum aliàs perduellionis crimine damnatis omnes facultates eriperentur. *ibid. c. 62. §. 1.* Denique cum vinctis post tergum manibus, laniatâ veste fœdû spectaculum duceretur; coactus erigere os, & offerre cõtumeliis, nunc cadent-

tes statuas suas contueri (quod factum *a.d.* 9. *Cal. Jan. A. V.* 821. *Casaub. ad Suet. Vitellium c. 17.*) multum inter alios *insultante Tribuno*, non degeneris animi vox excepta est: *Se tamen Imperatorem ejus fuisse!* *Idem lib. III. Hist. c. 85. §. 7.*

VESPASIANUS.

Vaticinium Michæ gentilibus per nebulam visum. Hierosolymorum excidium. Titi modestum judicium de causa victoriæ Judaicæ. Vespasiani obitus & mores.

IMP. TITUM. FL. SABINUM VESPASIANUM AUG. Græcorum numi; IMP. CÆS. VESP. AUG. Latini describunt. Imperator salutat^{us} est *Cal. Jul. A. V.* 821. *Tac. lib. II. Hist. c. 79. §. 2. Suet. in Vesp. c. 6.* De hoc gentiles interpretati veterem & constantem opinionem, quæ Oriente toto percrebuerat: *esse in fatiis, ut illis temporibus Iudei profecti verum potirentur.* *Suet. in Vesp. c. 4. Tac. lib. V. Hist. c. 13. §. 3. Jos. lib. VI. de Bell. Jud. cap. 44. Hegeſippus lib. V. c. 44.* Sed nemini non apparet, cujus vaticinii fama ad eos pervenerit. Scriptum erat *Michæ V. §. 1. 'Ex σβ (scilicet Bethlehemo, è terrâ Judæâ) ἐξελεύσεται ἡ γένεσις.* Hoc est: *Ex te proditurus est DUX.* *Baronius in Apparatu, n. 24. Casaub. ad d. Suet. Vesp. c. 4.* De restitutis oculis per Vespasianum, quod *Besoldus* refert in Synopsi majore, vide *Casaub. ad Suet. Vesp. c. 7.* Memini & ad *Valerium* de hac diaboli κακοζήλια differere.

Cæterum,

Cæterum, quamvis *Vitellino bello* Vespasianus implicaretur, *Judaicum* non omisit; relicto ad obfidionem Hierosolymorum filio Tito. Capta urbs & excisa A. V. 822. Vespasiano patre secundum, Tito F. Coss. Welf. lib. VI. *Rerum Aug. Vindel.* p. 125. *Baronius in A. C.* 72. *Scal. ad Euseb.* n. 2086. ut alios innumeros fileam. Percussi multi numi, in quibus *Judeæ captivæ* typus, humi desidentis ad trophæum, cū inscriptione: JUDÆA CAPTA. Et horū unum æreum ipse possideo. Altero anno pater & filius magnā gloriā triumphavit Cal. Jul. de quo triumpho *Baronius in A. C.* 73.

Memorable est, quod scribit *Philostratus lib. VI. de vitâ Apollinii* p. 305: Cū Titum ob victoriā *Judaicam* finitimæ gentes coronare vellent, restitisse; non enim se esse tantorum operum auctorem, sed DEUM *Judeis iratum*. De regionibus, à Vespasiano in provinciæ formam redactis, adeundi *Scal. ad Euseb.* n. 2089. & *Onuphr. in l. de Imp. Rom.* p. 837.

Moritur in Consulatu IX. A. V. 831. a. d. 9. Cal. Jul. ut habent, teste *Casaubono*, libri MSS. *Suetonii omnes*; cum quibus tamen non concilio verba *Tabula aræ primæ apud Grut.* p. 164. Qualis miles fuerit, *Tac. lib. II. Hist. c. 5. §. 1.* docet: *Ager militiæ*, inquiens, ante ire agmen, locum castris capere, noctu diuq; consilio, ac si res posceret, manu hostibus obniti; cibo fortuito, veste habituq; vix à gregario milite discrepans; prorsus (si avaritia abesset) antiquis ducibus par. Qualis Princeps, paucis *Idem lib. I. Hist. c. 50.* indicat: *Solus omnium, ante se Principum, in melius mutatus est.* Cætera è *Suetonio* pete.

TITUS.

Incendium Vesuvii. Iudaorum mendacium de Titi genere. Mores in adolescentiâ corrupti, sed in principatu meliores. Taciti ἡγεμονίος. Communis sententia, quam Besoldus sequitur, de Titi elogio, in dubium vocata à Berneggero. Ab eo dissensum in loco Suidæ. Titi mors aliter narrata Græcis quàm Latinis. De eodem figmentum Iudaorum.

TITUS CÆSAR VESPASIANUS AUG. (ita nominandus è numis & lapidibus) Vespasiani superioris filius, è Flaviâ Domitillâ, successit patri; quo ipso tempore, immensum velut casuri mundi prodigium, stupenda flammæ eruptio è monte Vesuvio facta est. Dio lib. LXVI. Epistola Plinii junioris bina ad Corn. Tac. lib. VI. Euseb. n. 2095. ibiq³, Scaliger.

Hunc Titum Judæi, tam vetustiores, quàm recentiores Idumæum, impium, filium impii, nepotem Esavi faciunt. Vid. Buxtorf, in Lex. Talmud. Rabbin. voce EDOM, p. 31. Sed quis non explodat has nugas cum Scaligero ad Euseb. n. 2152.

Adolescens in sævitiam, luxuriam & libidinem pronus erat; & ob id Nero pro palàm vocabatur. Suet. in Tito c. 7. At Tacitus (cujus dignitas à Tito aucta erat lib. I. Hist. c. 1. §. 5.) flagitium artificiosè mitigans, latam egisse scribit (lib. II. Hist. c. 2. §. 2.) voluptati-

ptatibus adolescentiam. Imperator autem factus (quod corvo albo simile exemplum est) frænum imposuit affectibus; & tam benè vixit, ut amor ac delicia humani generis vulgò vocaretur, ut ait Besoldus non solum cum multis.

At Bernegg. in Suet. Tit. c. 1. negat hoc elogium, Tito publicè & à Senatu populoque Romano tributum: *Victorem, Eutropium, Suidam*, & alios sequioris ævi, hausta è Suetonio verba in aliam mentem traxisse. Huic sententiæ solidum quid non possum opponere: Saltem in eo dissentio, quod *Suidam* accepisse sua putat à Suetonio, quæ revera hausit ex *Joh. Antiocheno*; cujus verba in *Exc. Peir. p. 817.* hæc sunt: Ἄνθρωπος ἦν πᾶν ἀρετῆς συνειληφώς γένος, ὡς πρὸς ἀπάντων ἔρως πρὸς μὴν τρυφὴν τῇ θνητῇ προσημασθῆναι γένους. Hoc est, interprete Valesio: *Vir omnium virtutum genere mirabilis erat, adeò ut amor ac delicia humani generis diceretur.* Hæc iisdem verbis leges apud *Suidam* in Τίτῳ. At *Joh. Antiochenus* suum accepit ex *Eutropii lib. VII*, ut proinde verbis *Eutropianis* eum reddiderit *Valesius*. Idem porrò scripsisse *Drepanium* observavi in *paneg. XII.* ibi: *Cum me Nerva Tranquillus, amor generis humani Titus, pietate memorabilis Antonius teneret.* Sed hic *Eutropio* posterior est. Superest *Inscriptio III. p. 155.* Emeritæ reperta; in qua legitur: IMP. TITUS. CÆS. VESP. AUG. PON. M. TRIB. P. V. COS. VIII. P. P. GENERIS. HUMANI. AMOR. EST. ET. DESIDERIUM. ETIAM. VIVENS. Sed qui nugatoris manum hîc non agnoscit, in antiquitatis studio ne quid quidem

novit: Inprimis nemo jam ignorat, quantum *spuriarum* Inscriptionum dederit *Hispania*. Iterum dico, nullum mihi solidum argumentum, quo convellam *Berneggerianam sententiam*; quæ est: *Suetonii privatum fuisse judicium de Tito, amorem ac delicias generis humani esse; non publicum S. P. Q. R.*

Extinctus est hic Imp. A. V. 833. Silvano & Vero Pollione Coss. Idibus Septembr. Quo mortis genere, non dicit *Suetonius*: Morbo volunt *Eutropius* & *Eusebius*. At Græci nonnulli spirantem adhuc Titum à fratre in arcam ligneam ni vis plenam, per causam faciendæ medicinæ, conjectum, ibiq; extinctum scribunt. *Casaub. in Suet. Domit. c. 2.* Judæi muscam in ejus cerebrum ingressam prohibent, unde contabuerit, perieritque. *Scal. & Euseb. n. 296.*

DOMITIANUS.

Pliniana Inscriptio corrigitur. Becichemieror. Domitianus castrationes & adulteria vetat. *Delatores punit. DEUS haberi vult. Infantulum consecrat. Nuntius corrigitur. Nobilium & suorum perniciēs. Christianorum persecutor. Juvenalis explicatur. Victoremendatur, Cluverii lapsus. Nasamonum excidium. Dionysii atas. Valesii tæmeritas. Reliqua Domitiani, & cades.*

T FLAVIUS DOMITIANUS CÆSAR appellatur in numo Græco, vivo adhuc patre cussō. Item: CÆSAR AUG. F. DOMITIANUS, PRINCEPS, JUVENTUTIS. At Principis titulus

titulus hic fuit: IMP. CÆS. D. VESPASIANI F. DOMITIANUS AUG. Item: IMP. CÆS. DOMITIANUS AUG. GERMANICUS. *Nusquam Vespasianum dictum legas.*

Unde jure vapulavit *Marinus Beuchemus præfat. in Plin. à Perotto*, qui *Plinii Naturalium Historiam*, *Domitiano inscriptam* voluit, quæ fuit *Tito*. Sic autem cōstituenda est: *C. Plinius Secundus Tito Vēsp. suo*. Tam enim *prænomen* hujus omissum nō est, ut apud *Scriptores* frequentius *solum* ponatur. Nullā certè *Inscriptionē*, nullum *numum* dare poteris, in quo non appareat.

Domitianus virtutes quasdam sub initium promicare voluit, sed quas immanibus factis rursus abscondidit, & obliteravit. *Castrari mares* vetuit. *Suet. in Domit. c. 7. Philostratus lib. VI. de Vita Apollonii c. 17. Dio. lib. LXVII. p. 259. Euseb. n. 1099. Amm. Marcell. lib. XVIII. p. 120. Martialis. epigr. 9. lib. VI.* Legem *Juliam de adulteriis* restituit, & alia id genus multa præclare fecit. *Suet. c. 8.* Dicere solebat: *Princeps, qui delatores non castigat, irritat!* *ibid.* Quod fecit, præstitit, & *Judæos*, qui *Josephum Historicum* detulerunt, decapitari jussit. *Joseph. in Vitâ suâ sub finem.* In extruendis templis & aliis publicis ædificiis omnes ferè *Principes* magnificentiam vicit. *Suet. c. 5.* Addendus è recentioribus *Alexander Donatus lib. I. de Urbe Româ, c. 26. Scal. ad Euseb. n. 2105.*

Sed *vi dominationis convulsus & mutatus* (ut loquitur *Tac. lib. VI. Annal. cap. 48.*) in monstrum degeneravit. *Dominum DEUMq;* se appellari voluit. *Suet. in Dom. cap. 13. Mart. lib. V. epigr. 8.*

Entrop.

Eutrop. lib. VII. sub finem. Euseb. num. 2102. Exc. Gr. Scal. p. 333.

Infantulum in Deorum numerum retulit. Numus apud *Octav. Stradam* 74. DIVUS. CÆSAR. IMP. DOMITIAN. F. Ita legendus est ex altero *Oconus p. 186.* Conspicitur in eo *infantulus globo inter stellas insidens.*

Idem multos nobilissimos viros ex levissima causa vel occidit, vel in exilium misit; usus *delatoribus* Aquilio Regulo, Metio Caro, Bebio Massâ, & omnium bipedum nequissimo, Catullo Messalino. *Tac. in Agric. c. 45. §. 1. & seqq. Plin. lib. I. epist. 5. lib. VII. ep. 19. Juven. sat. IV. Euseb. n. 2104. & 2109. Joh. Antiochenus in Exc. Peir. p. 819.* Nec à proximis quidem crudelitatem abstinuit, interfectis T. Flavio Sabino, T. Flavio Clemente, patruelibus; Juliâ, Titi fratris filiâ, eademque pellice suâ. *Suet. cap. 10. & 15. Philostr. lib. VII. c. 3. Plin. lib. IV. ep. 11. Dio lib. LXVII. p. 766.* Relegatâ quoque Flaviâ Domitillâ, *Philostr. & Dio dd. ll. propter confessionem nominis Christi. Scal. ad Eus. n. 2112. Baron. in A. C. 98.*

Fuit certè Christianorum hostis acerrimus. Vide, quæ ex *Baronio* attulit *Besoldus.* Nec verò aliorum trahas *Juvenalis versus* Sat. IV.

Sed perit, postquam cerdonibus esse timendus

Cœperat, hoc nocuit, Lamiarum cæde madenti.

Per *Lamias* intellige nobiles (nam L. Ælius *Lamia* Æmilianus, quem Domitianus interfecit, à *Lamo*, Neptuni filio, Læstrigonum Rege, genus suum derivabat) ut *sat. VI. fœminam illustrem describens: quædam,*
inquit,

inquit, de numero *Lamiarum* ac nominis alti. Per *cerdones* intelligit *Christianos*; ut quorum plerique tunc temporis *opifices* erant, ac *sellularias* artes exercebant. Vid. *Joh. Wovverius* ad illa *Minutii Felicis*: *Expertes artium, nisi sordidarum.*

Bellica Domitiani quod attinet, *Britannos* per multos annos fregit, duce Cn. Julio Agricola, *Taciti socero*; à quo belli hujus descriptionem petes. Repertæ sunt in *Britanniâ massa plumbea*, sic inscriptæ: IMP. DOMIT. AUG. GER. DE. CEANG. E quibus patet, victoriam de *Cangis* retulisse. L. Antonium Saturnium, ducibus L. Appio Maximo & Norbano, in Germania vicit. *Suet. in Domit. c. 6. Dio lib. LXVII. p. 764. & in Exc. Peir. p. 708. Inscriptio V. Operis Gruteriani p. 359. Martial. lib. IX. epigr. 86. Lamprid. in Alex. Severo p. 114. Sextus Aurelius Victor in Epitome. Cluverus* duces illos, Norbanum Appium & L. Maximum nominat; non benè: *Victor* enim emendandus hoc modo: *Norbanum & L. Appium*. *Nasamonas* idem Domitianus internecione delevit, duce Flacco. *Zonaras tomo II. p. 197. Aristid. in Smyrnaico. Euf. Grac. lib. priore p. 66. Latinus lib. poster. n. 2102. Meminit & Dionysius Periegeta, versf. 208. 209. 210.*

Ex quo loco constat de insigni temeritate *Valesii* ad *Amm. lib. XXIII. p. 268. 269.* qui *Scaligerum* magni erroris accusat, quòd *Dionysium* sub *Augusto* vixisse negarit. Rectè negasse, vel hic locus ostenderit: An enim *Nasamonas* ad internecionem delevit *Augustus*? πῦρ καίτην, ubi scriptum est? Crepat *Valesius*.
Plin.

Plin. lib. VI. c. 27. & Dionys. vers. 1050. 1051. Illum quod attinet, quis nobis affirmabit, *unum* fuisse *Dionysium*, qui orbis terrarum situm descripserit? At *Dionysii* versus lego, relego; nec video, quomodo de *Augusto* solo explicari possint. Tamen assentior *Salmasio ad Spartian. p. 138*, qui *Dionysium* vixisse putat temporibus divorum fratrum.

Bellum denique contra *Dacos*, & quosdam Germaniæ populos, *Quados*, *Maromannos*, & *Chattos* *Domitianus* gessit, à quibus licet magnas clades accepisset, tamen per vanitatem triumphavit. *Scal. ad Euseb. n. 2107. Lips. ad Plin. paneg. c. 12.* Sed de his alibi fusiùs.

Occisus est *Domitianus* A.V. 848. a. d. 14. Calend. Octobr. Admonitusque eo mense fragilitatis humanæ, *cujus nomen* (ut scribit *Suet. c. 15.*) animo superbissimo immutare conatus erat. De hac cæde vide *Baron. in A. C. 98. Casaub. ad Suet. Domit. c. 17. Scal. ad Euseb. n. 2112.*

NERVA.

Nerva an advena fuerit, ut Besoldus è Victore statuit? Nervæ mores & mors.

MOCCEJUS NERVA dicebatur adhuc privatus: At Princeps factus, IMP. NERVA CÆSAR AUG. vel, IMP. NERVÀ CÆSAR AUG. GERMANICUS, in numis describitur. Primum ex *advenis* Imperatorem factum scribit *Besoldus*. Quod quidem haustum est è *Sexto Aurelio*

Aurelio Victore, qui & *advenam* & *Cretensem* facit in libello de *Cesaribus*. At in *Epitoma* oppido *Narmienſi* (hoc est in *Umbriâ*) genitum ſcribit.

Sed res indiget examine: Nam *Coccejorum Nervarum* domus jam à temporibus *Triumvirorum* floruit in reſp. Proavum Imp. *Nervæ M. Coccejum M. G. Nervam*, Coſ. fuiſſe A. V. 717, collegâ *L. Gellio Poplicolâ*. Avum *M. Coccejum Nervam*, Coſ. A. V. 775, collegâ *C. Vibio Ruſino*, docui ad *Pompon. lib. III. c. ult. ſect. 2.*

Quo igitur modo *advena*, cujus majores per ſeſquiſeculum reperiuntur in *Faſtis Conſularibus* Romanis. An quòd *ulteriores non fuerunt antiquitus* Romani? At hoc modo pauci Romanorum nobiles eſſent *advenæ*. An quòd ipſe *alibi* quàm *Romæ natus* eſt? Ita *Claudius* Imperator non erit Romanus, ſed *Gallus*; quia *Lugduni* natus eſt. *Suet. in Claud. c. 2.* At non fuit *Romæ* conſuetudinis, civium filios in Ger-
maniâ, *Hiſpaniâ*, *Galliâ* & alibi terrarum natos, Germanos, *Hiſpanos*, *Gallos* & alienigenas dicere. Fuerunt Romani non minus, quàm *Romæ nati*. Vide *Casaub. ad Spart. Hadrianum, & ep. 262. ad Hug. Grotium*. Nec aliud apud *Judæos* obtinuit, fuerint licet ex illis in peregrinis oris nati; tamen majorum ſedem, ſuam quiſq; propriam dicebant. Ita *Salvator noſter*, quamvis *Bethlehemi natus*, tamen ob parentum ſedem *Nazarenus*, *Matth. II. ſ. 23. Marc. X. ſ. 47. Act. IV. ſ. 10.* Suum igitur, & quorundam vulgarium, judicium *Victor* hûc ſecutus eſt; non commune omnium.

Rurſus

Rursus quomodo conciliamus hæc? quem *Cre-
tensem* dixerat, eundem ait *Narmienſi* oppido geni-
tum. Quòd si alter locus nec vitiosus, nec falsus est;
dixerim vel *abavum* vel *atavum* è *Cretâ* fuisse; ipsum
autem natum in *Umbriâ*. Hoc ipsum sensit *Valerius*
ad Ammian i *Marc. lib. XXIX. p. 308. 379.* Ubi exem-
plum simile proponit de *Theodoro*, quem & *Gallum* &
Siculum dicebat.

Nervæ mores quod attinet, dicam breviter, *mè-
liorem virum* fuisse, quàm qui *Romuli facem* regeret.
Anſonius tetrastichis in Cæsares:

Nerva senex, Princeps nomine, mente parens.

Mortuus est a. d. 6. Calend. Febr. A. V. 850. cùm
anno superiore *Trajanum* adoptâſſet.

TRAJANUS.

Vitium in Synopsi corrigitur. Trajanus opti-
mus, quia *Senatum coluit*, *populo placere*
ſtudit. *Vitia ejus, & mors.*

M. ULPIUM TRAJANUM ante adoptionem
dictum, è numo Græco apud *Goltz. in Theſi*
c. 4. p. 63, & è notissimis Scriptoribus mani-
festum est. Tamen in hac Synopsi minore *Ulpianus*
Trajanus esse debuit. Imperator sic describitur: IMP.
CÆS. DIVI. NERVÆ. F. NERVA TRA-
JANUS.

Amavit Senatum ardentius, quàm aliorum Prin-
cipum ullus; nec sine magno fructu: Tantum enim
perennantis amoris ei reſuſum est, ut à Scriptoribus

ribus *senatoriae factionis* ferè contra omnes, OPTIMI cognomento, ceu proprio, celebretur. Secuta magna recentiorum turba, *monachos* etiam traxit in partes; ut crederent *animam ipsius precibus S. Gregorii ab infernis liberatam*. Comis, liberalis & magnificus, populum sibi devinxit.

Bella gessit in remotissimis terris, sed quibus nihil effectum est; deficientibus à tergo nationibus, imperio Romano antiquitus subditis; dum ambitio ad ulteriora præcipitem illum agit. Militum prætereà stupendis cladibus ducis stultitia castigata est.

Idem *παίδεργος*, vinosus, & acerrimus persecutor Christianorum. Legendus præter *Baron. in Annal. Eccles. Dio lib. LXVIII. Phlegon apud Scalig. p. 345. & Anonymus apud Eund. p. 393. 394.*

Moritur A. V. 869. a. d. 3. Id. Aug. Nigro & Aproniano Coss. Cætera executi sumus in *particulâ fastorum*, hoc ipso anno *publicatâ*.

HADRIANUS.

Hadriani nomina; pater, vitia. Antinoi integer. Eusebius contra Scaligerum defensus. Hadriani multa quàm præclara, studiorum amor, liberalitas inaudita, cura in omnes imperii Romani provincias. Cultus pacis in summa rei militaris peritia. Bellum Judaicum. Besoldi duplex assertio rejecta de exstructa Aeliâ, & templis Christo erectis ab Adriano. Hujusdem mors.

PUBLIUM ÆLIUM HADRIANUM adhuc privatum nuncupatum scimus è *Dionis lib. LXVIII. p. 786.* Imperator in numis & lapidibus describitur: IMP. CÆS. DIVI. TRAJANI. PARTHICI. F. DIVI. NERVÆ. N. TRAJANUS. HADR. AUG. Patrem habuit *Ælium Hadrianum*, cognomento *Afrum* (non enim *Afer* natione fuit. *Casaub. & Salmas. ad Spart. Hadrianum, ille p. 3. hic 2. Vales. ad Exc. Peir. p. 101.*) Aviam paternam *Ulpiam*, Imp. Trajani amitam.

Senatus populiq; gratiâ minus floruit, quod è corpore Senatus nobiliores quosdam sustulisset; præstantissimis quibusq; in arte aliquâ invideret, divinationibus & magicis artibus uteretur.

Immolâsse quin etiam dicebatur *Antinoum*, ut extispicio puerilis victimæ futura exploraret; quem *Xiphilini*, vel *Dionis* sensum esse, *Salmas. ad Spart. p. 38.* docet contra *Casaub.* qui ad eundem p. 28. immolatum asserit ex eodem *Dione*; ut *Adriani* facta proferrentur. Fuisse namq; veteribus persuasionem, posse alicujus produci facta, si ejus vicem subiret alter; velut *hostia* quædam *succedanea*. Non hoc vult *Xiphilinus*, sed *Spartianus p. 7.* cum ait: *Aliis eum devotum pro Hadriano asserentibus.* Hadrianus ipse scripsit, dum ludicri causa in *Nilo* navigaret cum *Antino*, puerum in flumen delapsum periisse. *Scal. ad Enseb. n. 2145.*

Cave tamen, maximo viro credas in explicando *Epiphani* loco, de quo audiri malim *Vales. ad Exc. Peir. p. 101.* Quicquid sit, *Antinous* ob eximiam formam

nam in deliciis habitus est; & exhibet *Casaubonus* è museo *Thuani* imaginem ephebi illius, quam nemo aspicit, quin vultum habitumq; catami statim agnoscat. Mortuum muliebriter flevit Hadrianus; quem ut Græculi solarentur, puerum in synodum & collegium Deorum cooptârunt. Videndi modo laudati *Casaub. Scal. Salmas.*

Unum de Scaligero adjicio, reprehendere illum immeritò Eusebium, qui Antinoi mortem refert *n. 2145*. Respondet huic A. V. 881, quo Coss. fuerunt Publ. Inuencius Celsus secundum, & Quintus Julius Balbus. Eusebium omnino confirmat *Phlegon*, Hadriani libertus, in *Fragmentis descriptionis Olympiadum apud Scal. eund. p. 345*. qui rejicit in annum primum Olympiadis 227. At hic ipse signatus est Romæ Cello secundum & Balbo Coss.

Nec quicquam obstat epistola Hadriani ad Severianum, sed nos confirmat potius; Severianus enim hoc ipso anno Consul suffectus, ut ex *l. 20. §. præter hæc. ff. de hered. pet.* satis perspicuum est. *Scaliger* referendam censebat ad secundum Severiani Consulatum, sine sufficienti causa. Illud tamen hic minimè dissimulo, editionem Vopisci *Salmasianam*, pag. 245. Consulem, ad quem Hadrianus scripsit, *Servianum* appellare, non *Severianum*. Nec aliter *Sylburgius* in suâ editione. Utram lectionem probem, alibi demonstrandi locus erit. Dico nunc brevibus, legendum videri in dicta lege: *Ennius Sergianus*, vel *Servianus*; & sic appellatum Consulem suffectum, ad quem Hadrianus scripsit.

Quæ verò de hoc Principe diximus, non ita premunt illum, ut non multis modis superior videatur Trajano, summo (ut rebantur) Principum. Quid dicam de literarum studiis, præsertim *Græcorum*; quorum amore sic flagrabat, ut apud imperitos *Græculus* audiret (*Spart. in Hadrian. p. 1.*) Gymnasia & Athenæa conderet (*Aurelius Victor in Hadrian.*) Quid de prudentia in eligendis amicis? saltem enim optimos quosque de Senatu, & juris peritissimos in contubernium imperatoriæ majestatis adscivit (*Spart. in Hadr. p. 4. 5. 9.*) De *J Cris*, quorum *Besoldus* meminit, dixi ad *Pomponium*.

Quid de stupenda liberalitate, cum Provincialibus sestertiū novies millies debitum fisco remitteret, ut habet *Inscriptio VI. p. 10.* Hoc est, XXII. miliones, & præterea summæ excurrentis aureorum solatorum quingenta millia; ut computat, qui lapidem emendatiorem exhibuit (quàm *Scaliger* & *Gruterus*) *Salmasius ad Spart. p. 17.* Meminerunt tanti muneris, præter lapidem, *Spart. p. 4. Euseb. n. 2134.* Numus apud *Sambucum p. 235. Dio lib. LXIX. p. 791. Phlegon apud Scalig. p. 345.* in anno primo Olymp. 224. qui respondet A. V. 870. Quod de *Tiberio* scribit *Tacit. lib. IV. Annal. c. 64. §. 3.* idem ille fecit; & non rogantes munificentiam juvit. *Dio ibid. p. 790.* In nummo apud *Oeconem p. 225.* dicitur LOCUPLETTOR ORBIS TERRARUM, in aliis, HERCULES ROMANUS, in aliis, HERCULES SERVATOR, vel AVERRUNCUS; quoniam omnes imperii Romani provincias peragravit, providitq; ne
vel

vel ab irruptionibus barbarorum, vel ab avaritiâ præsidum detrimenti quid caperent. *Spartian. p. 7*: Cum quo uno facto si compares omnia Trajani, ne umbra quidem egregiè factorum videbuntur.

Rem militarem quod attinet, lapsam disciplinam in curiâ superiorum Principum restituit. *Spart. p. 5*. Ipse *Ἐκπαιδευτικὸς*, & *Tactica* scripsit; quæ temporibus *Anastasi*, in lucem revocavit *Urbicius*, Vir Consularis. *Salmas. ad Spart. p. 21*. Militibus exemplo præerat, & in consuetudinem vitæ militaris eos inducebat, *ibid. p. 20*. Gregarii militis habitu incedebat, vestis humilis, hoc est, sine purpurâ, fibula sine gemmis, baltheum sine auro, spatha vix capulo eburneo clausa. *Spart. ibid.* Tamen expeditiones sub eo ferè nullæ fuerunt: Bella silentio transacta, *ibid. p. 10*. Hinc meritò illum *Victor Schotti* cum *Numâ Pompilio* comparat, quo quid gloriosius?

Excipiendum tamen gravissimum bellum, quod cum *Judeis* gessit; sed sub *Trajano* primùm excitatum. Ceciderunt in eo propè 600000. hostium; Romanorum verò clades tanta, ut observet *Dio*, *Hadrianum* (cùm ad Senatum scriberet) solenni formulâ abstinuisse: *Si vos liberiq; vestri valetis, benè est &c. Ego exercitusq; valemus*. Vide de hoc bello *Euseb. lib. IV. c. 6. Scal. ad Euseb. n. 2147*. Ducibus usus est *Julio Severo*, de quo *Dio in Exc. Peir. p. 215*. & *Marcio Turbone*. *Spartian. in Hadriano p. 3*. Hunc Q. MARCIUM TURBONEM FRONTONEM PUBLICIUM SEVERUM vocat *Inscript. I. p. 437*. Causa belli, quod *Ælia Capitolina* in solo *Hierosoly-*

morum ab Hadriano condita; & in monte, ubi Deo Opt. Max. *templum* fuerat, *Jovis Capitolini* excitata esset. *Scal. d. l.* At *Baronius*, Eusebium secutus, in A. C. 137, *Baronium Besoldus* noster, post bellum *Æliam* cum templo conditam fuisse falso scribunt. Quod enim *Scaliger* ait, confirmant *Fragmenta Phlegontis*, in quibus *Ælia Capitolina* condita legitur; antequam *Judæi* arma corripere. Alterum refert anno quarto Olymp. 227; cujus pars apud Romanos *Augurino* & *Severiano* secundum *Coss.* pars *Tiberio Alexandro* (ita legit *Reines. lib. III. Var. c. 16. p. 615.*) & *Sisennâ* *Coss.* signata est. Alterum anno primo Olymp. 228. cujus partem apud eosdem Romanos *Tiberius* & *Sisenna*, partem *Severianus* tertium & *Vibius Varus* *Coss.* sibi vindicant. Consentit *Xiphilinus lib. LXIX. p. 793.*

Adjicit idem *Besoldus* è *Lampridii Severo*, *Hadrianum in Christianorum usum templa poni jussisse*. Sed cum (notante ad *Lampridium Casaub. p. 170.*) tam nobilem historiam, tot fidei Christianæ propugnatores acerrimi, viri undecunque doctissimi, & quorum intererat hanc memorare, constantes sileant; ut fabulam meritò explodimus. Fons autem conceptæ opinionis (ut *Idem* opinatur) hic est: Jusserat *Hadrianus* templa fieri in omnibus civitatibus, suo nomine sine dubio consecranda; sed *Hadriano* mortuo, priusquam absolverentur, manere pleraq; imperfecta; & ex iis unum (quod *Tiberiade* magnificè inchoatum erat) tandem in usum balnearum à civitatibus destinatum est. Ignari cum viderent hæc, nec
nullum

ullum simulacrum reperirent, velut in imperfectis; statim concluderunt, Christo fuisse exstructa. Christiani enim veteres per 300. annos ferè nullum simulacrum habebant in suis *Kueiangis* & Oratoriis; quo ad idololatriam abducipossent.

Felicior an cautior fuit *Besoldus*, quòd omisit tertiam ejusdem *Baxonii* observationem? Hic enim ex *Eusebio* docens, *super portam*, quâ ibatur Bethlehe-
mum, *porcum* in marmore sculpi voluisse Hadrianum; causam exponit, quia id animalium genus *Judæis* visu *exsecrandum*. Quod quidem verum est; sed addit: Ex hac ipsâ causâ *Judæorum* Principes *Vitellii* transitum in *Arabiam* per regionem suam deprecatos, ne isthæc *signa militaria* viderentur in *Judeâ*. Putat vir illustris, *porcorum* imagines fuisse in *signis Romanorum*. Et vel in animo habebat locum *Plinii lib. XX. c. 4.* vel similem *Festi*, vel utrumque; unde novimus, *porci* effigiem inter *militaria signa* quintum locum obtinuisse. Sed distinguenda fuerunt tempora: *Olim sic erat, cum adhuc carnem suillam ruerent, glandes & rapa loquerentur, ut hodie vicini nostri Arcades: At postea C. Marius ea* (sc. animalia, lupum, minotaurum, equum, *porcum*) *in totum abdicavit*; ut *ibidem* scribit *Plinius*. Nec *Vitellii* temporibus ullum signum inter Romana fuit, in quo conspiceretur lepidum illud animalculum. Scire verò debes, qui *Josephum* intelligere cupis, *Judæos* abominatos ipsam *aquilam*; quoniam instar numinis colebatur. *Tac. lib. II. Ann. c. 17.* scribit: *Sequerentur Romanas aves, propria legionum numina.* Vide ibi *Lips.* Sed & si numinos veteres in-

spexisti, non potuisti non animadvertere, in signis cohortium orbiculos quosdam, vel clypeolos, infra cruce[m] hastæ annexos. Quid fuerunt? ex argento vel auro imagines Deorum primò, deinde & Imperatorum; ut rectè docet *Lips. lib. IV. de Milit. Rom. dial. 5. Manilius hoc illustrat lib. I:*

- - Venerisq; ab origine proles
Julia descendit cælo, cælumq; replevit,
Quod regit: Augustus socio per signa tonante
Cernit & in cœtus divum magnumq; Quirinum.

Ita distinguendi versus illi. Mens Poëtæ: Jul. Cæs. cælo oriundum per Venerem in cælum, & inter superos Deos receptum esse, Augustum verò videre patrem unà cum Jove & Romulo in cœtu, hoc est, in urbe & extra urbem, in signis militariis coli. *Barthius lib. XI. Variarum cap. 10*, hunc Poëtæ sensum non potuit assequi. Et hinc satis clarum, cur Judæi deprecati sint Romanorum transitum,

Vopisci locum in *Saturnino* de Christianis Ægyptiis, ad quem *Besoldus* te ducit, vide, ut rectè intelligas: Nam offendit in eo explicando vir summus *Isaacus Casaub.* p. 249. Verum sensum dat *Salmasius* p. 453: Primùm Ægyptios dicit ventosos, furibundos, jactantes, injuriosos, vanos, liberos; & novarum rerum cupidos: Dein artes professionesq; recenset, quibus plurimum dediti essent; nimirum versificatores, epigrammatarios, mathematicos, aruspices, & medicos. Postremò verba facit de religione, partim Samaritanos, partim Christianos fuisse; omnes tamen Sarapin adorasse. Hucusque *Salmasius* rectè. Sed quæ mox subjicit

subjicit p. 456. ipsum illum *Patriarcham Christianorum*, si quando in Ægyptum veniret, coactum Sarapin adorare; ea in dubium vocat *Seldenus comment. in Origines Eutychni* p. 10. & 11. Certè propter illa: ab aliis adorare cogitur *Christum*, valdè ambiguum est, annon de *Judeorum Patriarchâ* potiùs, quàm *Christianorum* loquatur *Hadrianus*.

Cætera de hoc Principe admodum memorabilia legenda sunt apud *Spartianum* & *Xiphilinum*. Mortuus est a. d. 6. Id. Jul. A. V. 890, ut vult *Onuphrius*; à quo dissentit *Scaliger in Euseb. n. 2153*.

ANTONINUS PIUS.

Ælius Verus ab Hadriano adoptatus ante Pium.

Onuphrii & Goltzii sententia rejicitur.

Item Casauboni rejicit in loco Spartiani.

Verus an primus fuerit Cæsar? Nominis

hujus significatus. Casauboni lapsus. Dis-

sensum à Salmasio. Cæsares jam ante Tra-

janum creati. Origo instituti. Antoninus

Pius quo anno adoptatus? Chryserotis elo-

gium. Antonini virtutes & mors.

L Cejonium Commodum Verum *Hadrianus* in spem imperii adoptarat, ac statim

Prætorem fecerat. Spart. in Ælio Veropag. 14:

Adoptatus statimq; Prætor factus, & Pannoniis dux ac

rektor impositus; mox Consul creatus. Et quia erat de-

putatus imperio, iterum Consul designatus est. Ex qui-

bus verbis constat, adoptatum fuisse eo anno, quo

Prætor fuit; sed Præturam gessit ante Consulatum ordinarium. Quomodo enim Prætor & Consul ordinarius simul esset uno anno? Ergo & *ante Consulatum adoptatus*. Hic cùm incidat in A.V. 888. fit consequens, adoptionem referendam ad annum 887; quo Consulatu gesserūt Luperus & Atticus Acilianus.

Quod contra *Onuphrium* & *Goltzium* dicere volui, qui Commodi hujus adoptionem & Consulatum *in unum annum* referunt. Putavit quidem *Casaub.* ad *Verum Capitolini*, p. 81. legendum esse: *Statimq; Proconsul factus*; quæ correctio licet nil juvet Onuphrium (nisi quis Verum statuere velit & adoptatum, & Proconsulem, & Pannoniarum rectorem, & Consulem ordinarium, uno pænè momento factum) tamen nullum planè fundamentum habet. Non sufficit dicere: *Non puto futurum quenquam, historię hujus peritum, qui emendationem istam non approbaturus sit.* Non, inquam, sufficit. Sumus rationum audiendarum avidi; nec tam facilè linguam nobis ligant id genus terculamenta. Quomodo hæc cohærent: *Proconsul factus, & Pannoniis dux ac rector impositus?* Proconsules non mittebantur in provincias Cæsaris, quales Pannoniæ erant: Sed *Legati pro Prætoribus*. Malim igitur *Prætores* retinere.

Et quàm resistit *Casaubono* idem *Spartianus*, eadem scribens; & quidem lucidiùs in *Hadriano* pag. 11: *Adoptavit ergo Cejonium Commodum Verum*, inquit, *quem Præturâ honoravit, ac statim Pannoniis imposuit; decreto Consulatu cum sumptibus. Eundem Commodum secundum Consulem designavit.* Sic igitur res habet.

habet: Adoptatur L. Commodus Verus A. V. 887. & Prætor factus & Legatus pro Prætorē in utramque Pannoniam missus: Sed anno 888. primum Consulatum iniit; & sequente alterum.

Est & alius *Casauboni* gravis error, p. 43. quòd L. Commodum Verum *primum Cæsarem* tantum, non Imperatorem simul fuisse credit ex illis Spartiani: Nihil habet in suâ vitâ memorabile, nisi quòd *primo tantum Cæsar est appellatus*. Ita reperit in codice regio. Ipse malebat, *primus*. Ut intelligas, quid velit, attendere debes *discrimen* illud inter *Principem*, sive *Augustum*, & *Cæsarem*; quod tantum est, quantum inter Imperatorem & Regem Romanorum hodiè. Ille rerum potiebatur, hic candidatus imperii & principatus hæres erat: Imò in modum apparitoris Augusto morem gerebat. *Frid. Lindenbrogius ad Ammian. lib. XIV. p. 1. & p. 273.* & velut apparitor annonam & salarium accipiebat ab Augusto. *Vales. ad d. lib. XIV. Amm. p. 34.* Tamen imperatoriis insignibus utebatur, ut pallio coccineo & purpurâ; sed sine auro. *Salmas. ad Spart. p. 138.*

Hoc honoris genus *primum* vult *Casaubonus* introductum ab *Hadriano*; & *primum* eo significatu *Cæsarem* appellatum L. Cejonium Commodum Verum. Et hinc *Aurelio Victor* sese opponit, qui *Trajanum primum Cæsarem* fuisse dictum ait. At *Salmas. p. 61. 62.* tùm emendationem *Casauboni* exagitat è melioribus codicibus; tùm *Aurelii Victoris* defensionem suscipit: In altero facilè assentior; in altero dubito. Probo codicum lectionem, qui habent: *Nisi quòd tantum*

tantum Cæsar est appellatus. Sed in dubium voco, quòd Victori subscribere voluit, hinc profecto non Victori. Mihi neque Trajanus neque Hadrianus primus Cæsar dictus videtur: Et nugatus est Aurelius Victor, qui aliter judicavit; nam ante utrumque à Galba L. Calpurnius Piso Licinianus adoptatus in spem imperii, & Cæsar appellatus; non aliter, quàm Trajanus & Hadrianus. Cæsarem se dictum, ipse Piso apud Tacitum lib. I. Hist. c. 29. §. 4. ait: Sextus dies agitur, ex quo ignarus futuri; & sive optandum hoc nomen, sive timendum erat, Cæsar adscitus sum. Et cap. 30. §. 4. reperit: Me Galba, consentientibus vobis, Cæsarem dixit.

Nec alia significatio vocabuli dari potest: Successor enim hoc ipso designatus est. Quod colligas dicto lib. I. c. 2. §. 1. ex illis: *Quatuor Principes ferro interempti.* Ubi cum Galbam, Othonem, Vitellium & Domitianum intelligat, excluso Pisone; satis apparet, Cæsarem eum fuisse hoc ipso significato, id est, successorem, & heredem imperii; non Imperatorem, vel Principem. Satis se etiam explicat Galba in Orat. d. l. c. 15. Sed cum primis §. 3. notanda illa: *Augustus in domo successorem quasi vit;* ego in republ. Nam hæc pulchrè nobis explicant, qualis Cæsar fuerit Piso, hoc est, successor imperii; & simul totius rei veram docent originem.

Ab Augusto, inquam, institutum est, qui subsidia dominationi querens (ut loquitur Tacitus lib. I. Annal. c. 3. §. 1.) è sua domo nonnullos adoptavit; & Cæsares dixit in spem imperii. Sic Agrippæ filii, sic post

post istorum obitum *Tiberius Claudius Nero* adoptatus, & *Tiberius Julius Cæsar* dictus est; adjectumq; ab Augusto: *Hoc reip. causâ facio! Vell. lib. II. c. 104.*

Possem hæc ostendere pluribus, sed vel è paucis istis rem satis claram puto; & nunc ad *Antoninum Pium* progrediendum est. Hic cum satis concessisset, *L. Cæsonius Commodus Verus*, sive *L. Ælius Cæsar* (nam ita post adoptionem dictus est) ab Hadriano adoptatus est; & cum prius *Titus Aurelius Fulvus Bojonius Antoninus* dictus (*Salmas. ad Capitol. p. 67.*) esset, *Titus Ælius Cæsar Hadrianus Antoninus* appellari cœpit. Additum cognomentum *Pii* à Senatu.

Initium ejus collocant Fastorum conditores a. d. 6. Id. Jul. A. V. 890 Sed quid de hac assertionem judicandum sit, patebit è subjecta collatione inter *Chryserotem*, apud *Scal. in Exc. Græc. p. 400.* *Dionem*, *Spartianum*, & alios instituta. *Chryseros* servi calatoris officio aliquando apud Imperatorem Marcum Verum functus est; idque elogium illi tribuit *Theophilus Antiochenus lib. III. ad Autolyeum*, ut dicat, manifestè & exactè annotasse cum nomina, tum tempora.

Res est admodum necessaria (quod absque chronologiæ luce Principum istorum historia cim-meriis tenebris obscurior sit) at non minus intricata; quàm ut extricemus, adferemus, quam possumus, operam; si prius *Antonini* nostri mores inspexerimus. Hi tam fuerunt emendati, tam sancti, & à suorum temporum vitiis puri; ut ne calumnia quidem hinc habeat, quod calumnietur. Sanè quem huic præponam, non reperio inter omnes paganos Principes: *Totus Cap-*
itolini

tolini Pius optimi Principis speculum est; pleraq; omnia, quæ fecit, præclara & insignia.

Ita verò potissima contraxit *Suidas* è *Dione*: *Nulli acerbus, nec gravis; cunctis benignus, & mitis erat. Inve militari justitiam, non gloriam spectabat; magis incolumes servandos, quàm amplificandos imperii fines statuebat; quantum ejus fieri poterat, viros a-quitatis studiosos reip. præficiebat; benè gerentibus honorem habens, improbos sine acerbitate removens. Ad eum extranei controversias & lites suas deferrebant. Opes immensas, quas privatus possidebat, in stipendia militum & amicorum necessitates impendit; ararium opulentum reliquit. Mortuus est secundùm superiorem calculum A. V. 913. Imperavit, ut vult *Chryseros*, annis 22. menses 7. dies 6. Sed locum non carere mendo clarum erit ex sequentibus.*

COLLATIO

*Chryserotis, Dionis, Spartiani, Capitolini, Onu-
phrii, Goltzii, & aliorum, in annis Impera-
torum, NERVÆ, TRAIANI, HADRI-
ANI & ANTONINI PII.*

NERVÆ Imperatori *Chryseros* tribuit annum imperii unum, in menses 4. dies 10. Uno die mi-
nus dicit *Epitomator Dionis lib. LXVIII. p. 771*,
imperâsse namq; scribit annum unum, menses 4. dies
9. *Euseb. n. 2112.* in anno & mensibus consentit, dies
omittit. Idem facit *Entropius lib. VIII.* Sed *Orosius lib.*
VII. cap. 11. etiam menses notare insuper habuit.

Juxta

Juxta *Chryserotem* mortuus est a. d. 4. Cal. Febr. A. V. 848, quo die Imperator Domitianus occisus est. *Aurelius Victor* eo die, quo Nerva mortuus, *eclipsin Solis* accidisse scribit; sed hallucinatum esse notavit *Calvis.* in *A. M.* 4047.

TRAJANI initium a. d. 4. Cal. Febr. secundum *Chryserotem*, a. d. 5. Cal. Febr. secundum *Dionem*. At *Onuphrius* & *Goltzius* initium ejus constituunt a. d. 6. Cal. Febr. Imperavit annos 19. menses 9. dies 16, ut vult *Chryseros*; juxta cujus supputationem statuenda esset Trajani mors a. d. 18. Cal. Decemb. A. V. 869. At quin vitium irrepperit, ferè nullus dubito, propter consensum *Dionis* & *Spartiani*; qui Trajani mortem in Sextilem satis manifestè rejiciunt. Unde legerim apud *Chryserotem*: Τετραεὶς ἐστὶν ἰθ, μὴνας 9 καὶ ἡμέρας 15. Hoc est: Trajanus imperavit annos 19. menses 6. dies 16. Quod si dies rectè significati sunt, mortuus est Trajanus ex hujus sententiâ, postrid. Id. Sextil. vel a. d. 19. Cal. Sept. A. V. 896. At secundum *Dionem* pridie Id. Sextil. Utram sententiam amplecti velimus, dicendum erit, *hallucinatum Spartianum* esse, qui pag. 3. scribit: tertio Iduum Sextil. *Hadriano* excessum *Trajani* nunciatum esse. Demus hoc diem mortuum, quod *Onuphrius* & (qui vitulâ hujus aravit) *Goltzius* existimârunt; quomodo *Hadrianus* eodem adhuc scire potuit? *Hadrianus* erat *Antiochie* in *Syriâ*: *Trajanus* fato functus est *Selinunte* in *Ciliciâ*; & ut est apud *Dionem*, à quo stat auctor *Carminum Sibyllinorum lib. V.* Sunt, qui *Seleucia* dicant; sed prioribus fidem habere mavult *Casaub. ad Spart. p. 10.* Næ assentior

tior eidem doctissimo viro, cum ait: *Longiore intervallo Selinus & Antiochia sejuncta sunt, quam ut vel rapidissimi veredi, vel incitatissimus myoparo pauculis horis tantum iter emetirentur.* Quamobrem nihil hic turbare nos debet *Spartianus*, sphalınatis manifestus.

HADRIANI initium secundum *Chryserotem* à nobis correctum postridie Id. Sextil. A. V. 869. At secundum *Dionem* prid. Id. Sextil. Imperavit annos 20. menses 10. dies 28; ut scribit *Chryseros*. *Dio* assignat annos 20. menses 11. solidos; usq; deq; habens dies illos pauculos, qui deficiebant. Nos è supputatione *Chryserotis* initia & exitus constituemus, velut ab accuratissimâ: Mortuus est igitur a. d. 4. Id. Jul. sive secundum computationem, è *Dione* suprâ deductam, a. d. 6. Id. Jul. A. V. 890. Cum verò natus sit a. d. 9. Cal. Octobr. A. V. 828. Vespasiano septimum, Tito quintum Coss. (*Spart. in Hadrian. p. 1.*) è *Chryserote* certum est, vixisse annos 62. menses 5. dies 19. Hic exactè numeri *Dionis* quadrant *lib. LX. p. 797*, ut *Casaub. ad Spart. p. 41.* malè suspicatus sit, aliter fortasse scripisse *Dionem*. Ego hoc profiteor, nihil periculosius, quam secundum calculum Onuphrianum emendare numeros in Scriptoribus. *Spartianus p. 12.* annos 72. menses 5. dies 17. vixisse, auctor est; quem ob MSS. & editorum consensum è *Chryserote* & *Dione* mutare nefas. Error ipsius est, cui assidet alius auctoris *Fastorum Sicularum*, qui tribuit annos 77.

ANTONINI PII initium est a. d. 4. Id. Jul. A. V. 890. secundum *Chryserotem*; a. d. 6. Id. Jul. secundum *Dionem*. Posteriori calculo accessit Onuphrius.

phrius. Adoptatus fuit a. d. 5. Cal. Mart. A. V. 890. *Capitolinus in ejus vitâ p. 18.* Imperavit annos 22. menses 7. dies 6. ut ait *Chryseros*. Ergò mortuus esset juxta calculum istum a. d. 14. Cal. Mart. A. V. 913. vel secundùm computationem è *Dione* deductam, a. d. 16. Cal. Mart. sive postrid. Id. Mart. Vixisset è supputatione *Chryserotis* annos 74. menses 4. d. 27. Cùm teste *Capitolino p. 17.* natus sit a. d. Cal. Octobr. A. V. 838. Imperatore Domitiano duodecimùm, Servio Cornelio Dolabellâ Coss. Cæterùm hic potior videtur *Onuphrius* in A. V. 914. qui diem, quo Pius obiit, putat esse Nonas Martias; & ad eum abire nos jubet *Casaub. ad Capitolin. p. 54.* Sanè *Chryserotis* lectio validè oppugnatur ex *Inscript. VI. p. 256. & Inscript. IV. p. 257.* Et è numis apud *Occonem p. 266.* in quibus Pium ad annum Tribunitiæ potestatis 24. pervenisse legimus. Quàm ipsam ob causam *Joh. Gazensis* Pium 24. annos regnâsse scribit apud *Salmas. notis in Capitolin. p. 74.* Admissâ computatione superiore, ad hunc numerum non pervenit: Primùm Tribunitiam potestatem acceperat, teste *Spärtiano* a. d. 5. Cal. Mart. A. V. 890. Ex quo manifestum est, annum 24. initium habiturum fuisse cùm 5. Cal. Mart. A. V. 913. Sed in eum usque diem non vixit Antoninus, ut hactenus è *Chryserote* diximus. Quid statuemus? Hoc unum: Videri mihi, scribam apud *Chryserotem* numerum omisisse. Lego: *ΑΥΓΟΥΣΤΟΥ ΕΤΗ ΚΒ. ΜΗΝΑΣ Ζ. ΗΜΕΡΑΣ ΚΣ.* Hoc est: *Antoninus imperavit annos 22. menses 7. dies 26.* Hoc modo decessit Nonis Martiis, & simul 24. Tribunitiæ potestatis annum attigit. Firmat

hanc emendationem *Dio* scriptor *Chryseroti* nostro parum adversus, qui *lib. LXXI. p. 815.* ait: *Marcum, Pii successorem, imperasse annos 19. dies 11.* At obiit idem a. d. 16. Cal. April. ut constat ex eodem *lib. p. 814.* Quod si regrediamur, apparebit dies, quo Pius obiit; hoc est, *Nonæ Martiæ.* Quod ipsum Onuphrio quoque in mentem venit. Idem planè vitium irrepsit in *Theophilum Antiochenum*, ut notat Baronius ad A. C. 163. Atque ita *Antoninus Pius* vixit annos 74. menses 5. dies 19. *Scal. ad Euseb. n. 2170.* vult natum, *Eusebiano numero 2109.* & denatum *n. 2178.* Adeoq; 76. annos absolutos tribuit. Quod ut probari possit, hætenus non vidi. Sic alii non minus improvidi, è veteribus videndi, quos citat *Casaub. ad Capitolin. p. 54.* *Salmas. ad eund. p. 74.* qui tamen vir maximus bis in notâ suâ maximè hallucinatur: Alterum errorem notavit *Reinesius lib. II. Var. c. 17. p. 277.* Alter hic est, quoddam annum, quo Coss. *Bradua & Varus*, Pio emortualem tradit è *Fastis Siculis*; cùm revera sit mortuus *M. Aurelio Antonino Cæsare* tertium, *L. Aurelio Vero* iterum Coss.

M A R C U S.

Marcus an fuerit Philosophus cognominatus?

Marci nomina ante imperium. Casauboni lapsus. L. Verus particeps imperii, atq; adeò duo Augusti simul. Bella utriusq; Principis, mores, & fata.

Antonino

Antonino Pio, inquit Besoldus, *filius adoptivus*, M. AURELIUS ANTONINUS *cognomen-*
to PHILOPOPHUS, *successit*. At hic notabis,
omnes antiquas historias hoc cognomen ignorare,
omnes saxorum inscriptiones, omnes numos.

Qui Philosophum appellârunt, *Ἐπίθετος* non
ἐπωνύμιος locuti sunt. Recentiores, qui nescivêre
discrimen facere inter *cognomina* Principum, & *epithe-*
ta (quæ à privatis honoris aut probri causâ tribuun-
tur) Imperatorem populi Romani, novo & olim in-
audito cognomine donârunt; ut pluribus docet *Ca-*
saub. ad Capit. p. 56. Sed nec veteres Capitolini codi-
ces in inscriptione hoc agnoscunt, ut *Salmasius* docet
ad eund. p. 76. Dielustrico *Catilius Severus* à nomi-
ne *proavi materni* appellatus est, *Capitol. pag. 22:*
Principio avi sui nomen habuit Catilii Severi materni
proavi. Ita partim è codice Palatino, & *Xiphilino*; par-
ti n è conjectura restituit *Salmasius* locum, quem *Ca-*
saub. p. 56. parum feliciter tractavit.

Fallor, an *primo nomine*, quamvis jam Impera-
torem factum appellare voluit *Galenus*; in quo mul-
tum sudad *Erycius Puteanus ferc. VII. epist. 72?* non
resistam tamen *Σεβαστος* mutanti in *Ὀυῖνος*. Severi
enim nomen tam diu spretum & abjectum ab Anto-
nino, cur *Galenus* reduceret? Nimirum quòd esset
veritatis amantissimus, tenacissimus; ut è *Xiphilino*
explicat *Casaubonus*. Cur autem ab Hadriano? subj-
cit mox *Capitolinus p. 23: Educatus erat in Hadriani*
gremio. Lege ibidem mox cum *Salmasio: Et qui ei*
honorem equi publici sexenni detulit. Honor hic equi

publici olim per se magnus fuit, & eò hîc major, quòd sexenni delatus. *Lips. lib. II. Epist. Quæst. 15. & Casaub. ad Capitolin. p. 59.* multùm desudârunt in hoc loco ; &, ut existimo, profecerunt nihil.

Tertiò & quidem post virilem togam dictus est M. Annius Verus ; ut idem *Capitolinus* nos docet. *Casaubonus* tùm rediisse dicit ad *primum nomen* ; sed fallitur. Nunquam ante hoc tempus *Annius Verus* dictus erat, & primum nomen, ut diximus, *Catilius Severus* fuit. Error profluxit ex emendatione parum prosperâ. Hoc verò ipso nomine pater ; avus ; proavus, paterni dicti sunt ; viri nobiles , à *Numa Pompilio* oriundi ; ut *Entropius*, & è Mario Maximo *Capitolinus* asserunt.

Maternum Principis hujus genus ad *Malennium* (ita habet codex Palatinus) *Dasummi* filium, Regem *Seletinorum* sive Japygiæ relatum est. Consulendi, quos laudavimus, *Entropius* & *Capitolinus*. Adoptatus est, jussu Hadriani, ab Antonino Pio, hac lege, ut & ipse adoptaret L. *Cejonii Commodi Veri*, sive, L. *Ælii Caesaris filium L. Commodum*. *Capitolin. p. 24.* Tùm abolito *Annii* nomine, *Aurelii* nomen adscivit, & descriptus est : M. AURELIUS, T. ÆLII HADRIANI ANTONINI AUGUSTI PII FILIUS VERUS CÆSAR. *Ibid. & Inscript. X. p. 258. Operis Æterni.* Mortuo Antonino Pio, etiam *Veri* nomen sustulit. *Antonini* accepit, *ibid. p. 25.* Non bene *Lamprid. in Antonino Diadumeno pag. 99.* Verissimum nomen tùm sublatum & abolitum scribit ; imò *Veri* : Nam illud, antequam Imperator fieret, adscribere sibi desit.

Fratrem

Fratrem participem imperii designavit; & cum
is L. COMMODUS prius diceretur, tùm L. Au-
relium Verum appellavit. *Capitol. ibid.* Errat Ca-
saubonus p. 63. qui Commodum istum ante adoptio-
nem Verum appellatum asserit. Vide *Salmas.* è
Galeno egregiè disputantem contrà p. 82. Hoc igitur
tempore Romanum Imperium primum duos Augustos
habere cœpit, ut loquitur *Capitolinus*; sive ut *Entro-
pius*: Tùm primum Romana ressp. duobus a quo jure
imperium administrantibus paruit. Hi DIVI FRA-
TRES celebratissimi per libros juris, conjungun-
tur in numis Græcis & Latinis apud *Eryc. Putean. d.
epist.* Seorsim alter semper describitur: M. AURE-
LIUS ANTONINUS. Alter, L. AURELIUS
VERUS. Vide numos apud *Goltz. in Thes. p. 76. &
seqq.* Scriptores Græci Verum & Lucium contra
veram Latinorum nomenclaturam appellant. *Vales.
ad Ammian. lib. XXVII. p. 339.* Hoc ipsum apud *Chry-
serotem* observavi.

Hactenus de nominibus: Jam de rebus gestis
Non diu post imperium acceptum *Britanni rebellâ-
runt*, contra quos missus *Calpurnius Agricola.*
Capitolin. in Marco p. 25. Ad hunc ducem refert Ca-
saub. p. 64. *Inscr. VII. p. 86. Operis Gruter.* repertam in
Northumbria propè vallum Severi. Bellum etiam mo-
vit *Vologesus*, Parthorum Rex; & provincias Roma-
nas graviter afflixit: *Severianum* ducem cum legionibus
internecione delevit, A. V. 915. *Æliano & Pasto-
re Coss. Euseb. n. 2179. Dio lib. LXXI. p. 802.*

Sed mox res prosperè gestæ per tres nobilissi-
mos

inos duces, M. Statium Priscum (ita vocat *Inscr. XIII. p. 40.*) Avidium Cassium, & Marcium Verum. *Capitol. in Vero p. 37.* M. Staius Priscus *Artaxada*, regiam *Armeniorum* cœpit; exin utrique Principum delatum *Armeniæ* cognomentum, *Capitol. in Antonino p. 26. & in Vero p. 37.* Sed Antoninus aliquandiu per *verecundiam* recitavit, postea tamen recepit. Quo anno? 8. Tribunitiæ potestatis, ut nos docent numi apud *Oecon. p. 283.* cujus initium incidit in 5. Calend. Mart. A. V. 916. quo Coss. fuerant Macrinus & Celsus. Nam Tribunitiam potestatem primùm acceperat a. d. 5. Cal. Mart. A. V. 899.

Vivo adhuc Pio, eodem anno 916. *Selencia* cum 300000. hominum capta, ut *Ensebius* scribit *n. 2118.* qui respondet A. V. 916. *Entropius* ait, cum 400000. hominum; quod ipsum reperimus apud *Oros. lib. VII. c. 13. Dio lib. LXXI. p. 802.* captam vult duce Avidio Cassio. Obscurè *Suidas* in *ζεύγυα. Ammian. Marcell. lib. XXIII. p. 241.* Expugnatam scribit, per *Veri* duces. Nec figuratè locutum arbitror.

Magna etiam opera in hoc bello extitit *Mariçi Veri*, qui dux consilio manuq; promptus, eloquentiâ non minus quàm armis validus, ut è *Dione Siliis* eum deprædicat. Hic certè *M. Aurelium Soanum*, *Achemenidis* Regis filium, *Arfacidis* nepotem, à *Vologæso*, *Parthorum* Rege pulsum, & *Roma* in *senatorium ordinem* relatum, ubi *Consulatum* gessit (*Jamblichus Syrus* in *Biblioth. Photii Cod. XCIV.*) in regnum *majoris Armenia* restituit. *Suidas* in *Marcus Verus*. Factum id vel iisdem *Macrino* & *Celso* Coss.

vel

vel anno seq. 917. M. Gavio Orfito, L. Arrio Pudente Coss. Numus apud *Occonem* p. 304: L. VERUS. AUG. ARMENIACUS. TR. P. IV. IMP. II. COS. II. REX. ARMEN. DAT. Quod alius *ibidem* explicat; REX ARMENIIS DATUS. Quartus annus Tribunitiæ potestatis, qui Veri fuit, respondet A. V. 916. & 917; partem enim hujus, partem illius complectitur.

Caterum hoc anno 917. ulterius in *Parthiam* itum, & bello finis impositus est. Uterque Imperator *Parthici* cognomen tulit. *Capitol. in Marco* pag. 26: *Profligato bello (i. e. confecto) uterque Parthicus appellatus est; sed hoc quoque nomen repudiavit, quod postea recepit.* Numus apud *Occon.* p. 283: M. AUREL. ANTONINUS. AUG. ARM. PARTH. MAX. P. M. TR. P. XIX. IMP. III. COS. III. Hic annus, qui in numero notatus est, partem A. V. 917. partem A. 918. complectitur.

Quoniam *Capitolinus* ait, *Parthici cognomen non statim receptum fuisse* in Marco, referam numum ad A. V. 918. quo ipso, hoc est, Servilio Pudente, L. Fufidio Pollione Coss. de Parthis, Medis & Rege Vologæso *Pii* fratres triumpharunt. Ait enim *Capitolinus in Vero* p. 37, bellum Parthicum per quadriennium fuisse gestum. Primus annus, hoc est, A. V. 914. itu, reditu, belli apparatione vel ordinatione provinciæ insumptus est. A. V. 915. abiit Verus, sed dum ille indulget voluptatibus, provincias impunè vastat Vologæsus. *Capit. p. 37. Euseb. n. 2179.* Sed mox correctæ clades à ducibus. Hinc apparet illud quadriennium.

Sed ait *Capitolinus* in *Marco* p. 28, fratrem post *quinquennium* reversum. Non igitur rectè *Onuphrius* & *Goltzius* in A. V. 917. collocant triumphum Principum; quem ex verbis *Capitolini* debebant seriùs, hoc est, A. V. 918. Cui sentententiæ propinquus etiam fuit *Casaub.* ad *Capitol.* p. 68.

Finito bello *Parthico* natum est atrocissimum illud, quod *Marcomannicum* dicitur: Inflicta rei Romanæ clades immensæ, urbes captæ & direptæ, cæsi exercitus. Hoc *Ammianus* dixit lib. XXXI. p. 445. Sed locus hodiè corruptissimus est, quem restituere conatos *Casaubonum* & *Salmasium* spe suâ falli judicat *Vales.* ad *Ammian.* p. 422. Ambo Imperatores contra hostes profecti sunt, *Victualis* (ita *Palatinus* Codex vocat) & *Marcomannis* cuncta turbantibus. Sed cùm *Aquilejam* usque venissent, ibi hybernârunt, ut statim ineunte vere in *Marcomannos* proficiscerentur; quod è *Galeno* probat *Salmasius* p. 86. Hinc Reges pleriq; se retraxerunt, & legatos miserunt, defectionis veniam postulantes; quod cùm fieret, *Lucius* redeundum esse censebat: *Marcus* autem ulterius tendendum, quòd simulatè illa fieri à barbaris crederet; ne mole belli premerentur. *Capitolin.* p. 28. Igitur transiens Alpibus longiùs processerunt, composueruntque omnia, quæ ad munimen Italiæ atque Illyrici pertinebant.

Sed non multò post *Lucius Verus*, dum regrederetur, inter *Altinum* & *Concordiam*, impetu ruentis sanguinis, & vitales vias obstruentis, momento ereptus & suffocatus est. Apoplexiam Medici appellant. Vide

Vide *Entrop. & Capitolinum*. Alii veneno sublatum volunt: Præter *Capitolinum*, *Victorem*, *Herodianum*, *Dionem*, *Philostratus in vitâ Herodis*. Mortem ejus conjiciunt Fastorum conditores in A. V. 921. Q. Sosio Prisco, P. Caelio Apollinare Coss. A quibus dissentit *Scal. ad Euseb. n. 2185*, qui II. annos illi tribuit. Sed illos confirmant numi, quos de anno Tribunitiæ potestatis decimo vel undecimo habemus nonnullos. Et in hac sententia fuisse alios veterum, testatur *Eusebius*.

Marcus reliquias Lucii Romam devexit, iisque conditis, & *Vero Divo* appellato (huc pertinet numus: **DIVUS VERUS. PARTHICUS.** Et ab altera facie: **CONSECRATIO S. C.**) expeditionem adversus *Marcomannos* resumpsit; quod factum est intra exiguum tempus, ut adversus *Casaub.* docet *Salmas. p. 91.* In hac autem expeditione, præter spem omnium, diu mansit, ut *Galenus* ait.

Præcipua belli hujus gloria penes *Christianos* fuit, quorum precibus divinitus impetratâ tempestate, in Romanos secunda, hostibus exitiabili; *Quadi*, qui postremi restiterant, summo prælio magnâ acceptâ clade superati sunt. *Dio lib. LXXI. p. 805.* Marcum pluviam artibus magicis elicuisse scribit, cujus mendacium non admisit *Claudianus in sexto Consul. Honorii:*

- - - *Seu, quod reor, omne Tonantis*

Obsequium *Marci* mores potuere mereri.

Capitol. p. 32. de Marco eodem: Fulmen de cælo precibus suis, contra hostium machinamentum, extorsit; suis pluviam impetratâ, cum siti laborarent. Ubi machinamentum appellat versutum consilium hostium de

Romanis concludendis, & æstu sitiq; conficiendis. Sed nostri *Christianorum precibus* tam inopinatam liberationem impetratam scribunt. Vide *Euf. n. 2189. Tertullianum in Apologet. c. 5. & ad Scapulam cap. 4.* Et è recentioribus *Baron. in A. C. 176. Onuphr. in A. V. 927.* Sed *Epistola Marci*, quam ibi totam descripsit, *genuina non est*; ut judicant viri doctissimi. *Scal. ad Euseb. p. 203. & Salm. ad Capitol. p. 95.*

Sed & quæ de legione fulminatrice referunt, fallis mixta sunt; ut censet idem *Scal.* Quin fulminatricis legionis nomen jam *Trajanæ temporibus* fuit, ut manifestum est ex *Inscr. III. p. 193.* Ipse *Onuphrius in lib. de Imperio Romano p. 817.* legionem istam *fulminatricem ab Augusto institutam* vult; quæ fortassis sic appellata est, quòd fulminis more hostes percuteret; vel quòd omnes ejus legionis milites in *scutis haberent fulmina picta.* Habeo sanè inter alia venerandæ antiquitatis monumenta quatuor tabulas, in quibus expressa sunt totius legionis officia: Sed in omnium militum *scutis fulmen* conspiciere est.

Conjiciunt verò belli hujus finem in A. V. 926. quo *Coss. fuerunt Gallus & Flaccus Cornelianus.* Post hæc bellum civile movit *Avidius Pudens Cassius*, *Heliodori F.* (ita describendus est, *Vales. ad Ex. Peir. p. 103.*) sed victoria penes Marcum stetit; quâ moderatissimè usus est. Extat numus, cum inscriptione: *M. ANTONINUS. AUG. GERM. SARM. TR. P. XXXI. IMP. VIII. COS. III. P. P.* conspiciaturq; figura *stans cum face ardente*, comburens epistolas ad *Cassium contra Marcum* scriptas. De qua ipsa re *Dio in Exc. Peir. p. 715.*

Tùm

Tum in Germaniam reversus, cum *Marcomannis*, & *Hermunduris*, & *Sarmatis*, & *Quadis*, tertium bellum gessit; quod de provincia prius animo agitaverat, tunc proximè perfecturus fuisse creditus; nisi ingentibus conatibus mors intercessisset. Quæ incidit in A. V. 932. a. d. 16. Cal. April. cum illo anno Coss. fuissent Bruttius Præfens iterum, S. Quinctilius Gordianus.

Uti frater ejus *Verus* luxuriæ & ignaviæ vitiis infamis est, sic in hoc Scriptores consentiunt, fuisse virum optimum. Corporis vires minùs suppetebant, tamen illud ipsum ex infirmissimo laborum tolerantissimum reddidit. Liberalitate (ita verto *εὐεργετίας* ex numis, in quibus *Liberalitas* frequens. Valesius, *beneficentia*) plurimum delectabatur; cui ædem in Capitolio extruxit. Ipse à vitiis sibi cavens, aliorum tamen peccata leniter tolerabat; dum nec investigaret ea curiosius, nec puniret; bonos prosequeretur laude, secus gesta dissimulatione trans mittebat. Calumniatores ejus *καταχρησται* dicebant, sed cum illa facillè trans luceat, hic per tot annos similis sui extitit.

Adjumento fuerunt *studia literarum*, oratoria & philosophica; quibus supra omnes Imperatores excelluit. Sed accedebat *natura dexteritas*, in virtutem adeò propensa; ut adhuc puer ab omnibus diligeretur, æstimaretur. Hæc & plura Dio in *Exc. Peir. p. 721.* cum quo conferendus *Capitol. in ejus vita.*

COMMODUS.

Commodi superbia, crudelitas, libido & impudicitia.

*citia. Stratagema lurconis in convivio.
Commodi mors, & nomenclatura.*

L Audavimus Marcum, & ferè pœnitet. Quid ita? genuit Commodum non patriæ patrem, sed vitricum, sed hostem & parricidam; eòq; vesaniæ progressum, ut Herculem Romanum, Jovis filium, se dici jufferit, deposito cultu Romano, *leonis exuvii*, vice stragulæ vestis, usus sit; & *clavam* gestârit. *Joh. Antiochenus in Exc. Peir. 822.* Testis est *Camdenus in Britan. p. 592.* erutam fuisse in colle, quem à Burgo Burgh dicunt, Cōmodi statuam, *Herculis habitu*; quo ipso conspicitur in numo CV. *Octavii Strada.* Idem omnium mensium nomina mutavit. Vide *Salmas. ad Lampr. Commod. p. 119,* ex quo constabit, Idus Commodas in *Inscript. III. pag. 330,* esse Idus Sextiles. *Colossi Rhodii capite sublato suum imposuit. Scal. ad Euseb. n. 2205.*

Plures nobiliū occidit, quàm quisquam alius; & ex his *Quintulios* à Trojanis oriundos, cum totâ domo extinxit. *Pinguem* hominem medio ventre *difsecuit*, ut ejus intestina subito effunderentur. *Monopodicos* & *Luscinios* (quibus aut alterum pedem fregisset, aut oculum eruiisset) appellabat.

Accesserunt libidines detestandæ: *Trecentas* enim *concupinas* in palatio aluit, quas sub oculis suis stuprari jubebat; in juvenes irruerat, & ab iisdem toto corpore polluebatur: Irridentes se feris objiciebat. Valdè amabat homines, appellatos nominibus pudendorum utriusq; sexus: Sic & charissimus extitit quidam

quidam *μνοβελης*; quod verbum cuius significatio-
 nis sit, docet *Salmas. ad Lampr. p. 182. Majoris peculii*
virum interpretatur Casaub. p. 546. Malim, loquantur
 alii, quàm ego; qui vereor, ut talia omnia narrando
 Musas minùs propitias habeam: In harum enim ædi-
 bus docendum est, non ad Marfyæ statuam; vel co-
 ram hortorum DEO. Dicam paucis: hircosus, puti-
 diorq; omnibus cloacis, Princeps hic fuit.

Addam hoc unum, ut intelligas, orbem illum
 idololatricum quantum punierit Deus: Cùm convi-
 vium celebraret, sæpè pretiosissimis *cibis* humana *ster-*
cora miscuit, nec abstinuit gustu; aliis irrisis homo
 furiosus putabat magnum facere, cùm suòs cōvivas ab
 esu ciborum (quibus ille delectaretur) hac spurcitiâ
 averteret. Honestius adhuc stratagema fuit *lurconis*
 illius *apud Athenæum lib. 1. p. 5.* qui, quò minùs cibos
 attingerent vicini, os & fauces assuevit, ne calidissimis
 offenderentur; coquos deinde rogavit, ut calidissima
 mensis inferrent; quo facto, reliquis, ne urerentur,
 cunctantibus, ipse solus ventrem suum cibis egregiè
 saburravit.

Natus erat Commodus, vel Incommodus po-
 tiùs, patre patruoq; Coss. prid. Calend. Septembr. *illo*
ipso die, quem Caligula primitus aspexit; ut è *Suet. Ca-*
lig. cap. 8. discimus. Occisus est A. V. 944. pridie
 Cal. Jan. Se septimùm, Pub. Helvio Pertinace Coss.
 In numis & lapidibus modò *L. Aurelius Commodus,*
 modò *M. Commodus Antoninus* dicitur; modò *L.*
Ælius Aurelius Commodus, modò *M. Ælius Aure-*
lius Commodus Antoninus. Vide *Golz. in Thes. c. 4.*

p. 81. & 82. & de cæde ejus *Lampridium*, doctissimosq; interpretes, *Casaub.* & *Salmas.* *Baron. in A. C.* 194. *Scal. ad Euseb. n. 2208.*

PERTINAX.

Sphalma in Besoldo. Pertinacis natale solum. Ætas. Professio ante imperium. Honores statim recepti. Mors. Laudabiliter gesta.

CORRUPTISSIMIS libris usus Besoldus, *ÆLIUM PERTINACEM* vocat, sed *P. HELVIUS PERTINAX* tùm ab auctoribus lectionis fidelioris, tùm in numis Græcis & Latinis describitur. Etiam *P. Helvius Pertinax*, iterùm Consul, & adhuc privatus appellatur, *Inscript. IV. p. 56.* è quâ simul convellitur id, quod ajunt, *Pertinacem* fuisse dictum, quòd imperium *pertinaciter* recusâisset.

Dio Ligurem Domo Albâ, *Capitolinus* natum in Apennino villâ Martis. *Aurelius Victor* in Agro Squallido Lollii Gentiani (ita corrigo) apud Ligures auctor est. Imperium accepit *septuagenario major*, ut vult *Euseb. n. 2209.* à quo dissentiunt alii. Vide *Scal. add. num.* Ante imperium *Grammaticen professum* esse verum est, quod scribit Besoldus. Accepit hoc à *Capitolino*, qui consulendus in *Pertinacis vitâ, p. 54.*

Primus omnium eâ die, quâ Augustus est appellatus, etiam *patris patrie* nomen recepit; nec non imperium *proconsulare*, cum jure quartæ relationis; quod *omnis loco* illi fuit. Nam alii non nisi serò hæc recipiebant. Occisus est A. V. 946. a. d. 5. Cal. April. *Q. Sosio Falcone, C. Jul. Fructo Claro Coss.*

Senatus

Senatui favit, delatores punivit, annonæ diligentissimè providit; scurras illos Commodi, de quibus dixi, turpissimorum nominum, proscripsit ac vendidit: Multa deniq; præclare gessit in repub. Hujusdem dignissima illa vox est, quæ aureis literis scribatur in omnibus curiis ac palatiis: Sanctius est, P. C. inopem rempub. obtinere, quàm ad divitiarum cumulum, per discrimina atq; dedecoris vestigia pervenire. Capitol. in ejus vitâ, p. 56. Erat in animo, quod Plinius sub Trajano pronunciârat: Fisci mala causa nunquam, nisi sub bono Principe. Atq; hâc in parte æquavit laudem Marci, de quo Capitolinus pag. 27: Fisco nunquam favit. Similis postea extitit Constantii Chlorigi virtus, de quo Libanius in Βασιλικῆς: Præstantissimus Princeps tutius ararium ducebat ipsas privatorum domus. Cùm autem sumptuum necessitas incidisset, sufficiebat, necessitatem ararii edixisse; statimq; omniâ pecuniis redundârunt, sponte conferentibus provincialibus. Extat ejus rei exemplum insignne apud Euseb. lib. I. de Vitâ Constantini, cap. 10. Adde Joh. Antioch. in Exe. Peir. p. 837. Ab eadem virtute Julianum commendat Ammianus lib. XXV. p. 294. Vid. ibid. Vales. p. 302.

DIDIUS JULIANUS.

Juliani stirps. Inscriptio de honoribus & magistratibus ejusdem. Graculorum nuga in nomine Didii. Frugalitatis exempla duo. Juliani præcipua facta, & mors.

Impe-

Imperatoris hujus genus è lapidibus, *Reinesf. lib. III. Variarum c. 2. p. 342. 343.* ostendit hunc in modum: *Petronius Didius Severus. Avus paternus Didius Severus. Proavus paternus Didius Severus Insuber Mediolanensis. Mater Vibia Salvia Vara, Spartiano Emilia Clara. Avunculus Salvius Julianus occisus à Commodò, Avus maternus C. Vibius Juvencius Varus Cos. A. V. 886. Avia materna sive Salvia, sive alio nomine appellata, Salvii Juliani J Cti filia. Quem J Ctum cum Imperatore perperam confundunt, non tam multi è recentioribus, quàm Græci aliquot Scriptores; Νομοθέτης appellantes Principem, & Aurelius Victor, & Euseb. Dixi hac de re ad Pomponium.*

Quos magistratus ante imperium gesserit, docet egregium antiquitatis Romanæ monumentum, nondum publici juris factum; sed cùm ei nocuerit tempus edax rerum, ut suppleretur, egregiam operam attulit idem *Reinesf. lib. XXIX.* Proinde supplementum cum verbis inscriptionis, ut eam suâ manu descriptam *Roma, in hortis Marchionis Justiniani, ad portam Flaminiam, ad nos misit Pet. Servius Vir Cl.* Sed minusculis à monumento distinctum hîc subjiciam:

*P. Did. Sev*ERO. JULIANO.

Cos. Procos. AFRICÆ. LEG. AUG.

Pro pr. PONTI. ET. BITHYNIÆ.

Pro pr. GalaTIÆ. DALMATIÆ. BELGICÆ.
GERM. AFRICÆ. ET. ACHAE. PRÆ-
TORI.

*Tute*LARI. CONSULUM. TRIB. LEG.

XXII. *Prim.*

XXII. *Prim. Anton. XV. V. Stl. . . .*

JUDICANTIS. SODALI. ANTONIANO.

Optimo PRÆSIDI. PATRONO.

Indu G BISICA. LUCANA. EX AFRICA.

Secutus est in lineâ priore *Casaub. ad Spart. p. 110.* verum subdubitare cogor, an Petronii nomen locum habeat? *Salvium Julianum* dicit *Lapis II. pag. 459.* Petronii nomen vix reperio, nisi de eo interpretari velimus *Inscr. II. p. 302.* Patrem ita appellatum scio ex *Spartiano*; sed *prænominis loco* positum, vix gentilitium videtur; & posito gentilitium esse, nemo ignorat, illis temporibus filios *diversissimam nomenclaturam* habere cœpisse à parentibus. Sic enim *Juliani fratres* Petronii nomen tulisse videntur, quorum alter *Numius Albinus*, alter *L. Roscius Julianus Proculus* describitur; idemq; *Didius Proculus* *Spartiano.* *Didius* indubiè gentilitium solum est. Hinc *Juliani Imperatoris filia Didia Clara* apud *Spart.* & in argenteo numo apud *Oeconem p. 338.* M. DIDIUS. SEVERUS. JULIANUS. AUG. describitur, in numis. Et hanc descriptionem locum habituram spero in lapide nostro.

Mirè nugantur *Georgius Monachus & Cedrenus*; qui *Didium* *ωιδὸν* τὸ δίδοναι nuncupatum scribunt; quod magna pecunia vi imperium esset mercatus. Postea milites adjecerunt *Commodi* cognomen, *Dio lib. LXXIII p. 835.* Hinc apud *Goltzium* numus hic est: IMP. CÆS. M. DID COMM. SEVER. JULIANUS. AUG. P. M. TR. P. COS.

Tanta Principis hujus fuit parsimonia, ut per

Y

triduum

triduum *porcellum*, per triduum *leporem* diviserit, si quis ei fortè misisset: Sappè autem nullâ existente religione (nota hîc obiter, etiam veteres paganos, ad morem hodiernorum Pontificiorum, religionis causâ, abstinnisse carnibus; & oleribus se leguminibusq; oblectasse; ut è Porphyrio docet Casaub. p. 111.) oleribus leguminibusq; contentus, sine carne cœnaverit. Spart. p. 61. Idem ferè lego apud Aur. Victor. de matre Alexandri Severi *Mammaa*; quæ intestina, quamvis permodica (si mensæ prandio superessent) filio apposuerit in convivio altero. Idem mitissimus fuit in ferendis injuriis. Hæc è Spartiano discas: At Dio in Exc. Petr. p. 731. notat à maoribus perditissimis, inexplibili avaritiâ, simulq; luxuriâ & rerum novarum cupiditate. Hoc de illo certum; imperium malè quassitum, malè perdidisse. Occisus est eod. anno 945. quo imperium rapuit, Cal. Juniis.

SEPTIMIUS SEVERUS.

Severi patria & genus. Imperatorum vanitas in affectandâ nobilitate. Pertinacis mores & obitus.

L SEPTIMIUS SEVERUS Africâ oriundus oppido Lepti, Spart. in Severo p. 64. Euseb. n. 2209. Eutrop. & Aurel. Victor, qui ex emendatione Saimasii dicit, ortum mediè humilem, hoc est, ortum non valdè humili loco, sed mediocriter humili. Morell. in Stat. p. 129 & Baron. in A. C. 195. Septimii Severi Leptitani, ad quem extat lyricum Statii lib. IV. Sylv.

Sylv. pronepotem arbitrantur. Quibus subscribit *Vossius lib. I. Inst. Orat. c. 5. sect. 11. p. 58.* Ipse ex ambitione, sive ut validius domui suæ redderet imperium, DIVI MARCI ANTONINI PII. GERM. SARMATICI FILIUM, DIVI COMMODI FRATREM se vocat in *Lapide II. p. 264. & I. p. 265. & V. p. ead.* Quod ipsum *Dio & Spartianus* notant.

Imitati sunt hoc exemplum, quicumq; obscuro genere nati, ad imperii usque fastigium conscenderunt. Sic postea *Macrinus in nomen Severi* se infulsit, cum illius nullâ cognatione tangeretur. *Capit. in Macrin. p. 95. ex emendatione Salmas. p. 170.* *Alexander Severus*, quia pudebat eum *Syrum* dici, originem è *Metellorum* gente præ se ferebat. *Lampr. in Alex. p. 123. 129.* *Claudius* originem *Trojanam* ementiebatur. *Treb. Pollio in Claud. p. 206. Salmas. ad Treb. pag. 345.* Ajunt alii *Gordianum*, cum hic adolescens uxorem ducturus, more nequissimorum temporum, à muliere, in *Veneris palæstrâ* satis exercitâ, institueretur ad ludum nuptialem; tyrocinium suum posuisse sub artifice magistrâ, parente *Claudii*; atque hinc istum pro *Gordiani* filio habitum. Sic denique *Justinianus* Imperator, *Justiniani* Imperatoris pater adoptivus, *Anitiis* inferi voluit. *Aleman. apud Procop. p. 13. & 14.*

Sed ad Severum : Is Imperator factus, **PERTINACIS** nomen adscivit, quod præter *Spartianum* & *Dionem* numi & Græci cum lapidibus testantur; in quibus **L. SEPTIMIUS SEVERUS PERTINAX** describitur. Initium autem imperii incidit in *Id. Sext. A. V. 945, Spart. p. 65.* Sed notat *Cas. p. 115.*

non posse verum esse de hoc mense, nisi sit error in numeris temporum; quibus imperârunt *Pertinax & Julianus*: Nec dubium esse, quin *Majo & Junio* mota sit mentio in exercitu de creando Severo. *Goltzius & Onuphrius* initium constituunt Id. Maj. anno altero imperii, hoc est, A. V. 946. Seipso iterum, & Albino iterum Coss.

Emilianum, Pescennium Nigrum, Arabes, Parthos & Adiabenos vicit, *Spart. p. 67.* Numus argenteus: L. SEPT. SEV. PERT. AUG. IMP. V. PARTH. ARAB. COS. II. P. P. Eadem observabis *Inscript. VI. p. 266.* Disciplinæ militaris custos acerrimus, vini avidus, cibi parcus; rei Veneræ, nisi ad creandos liberos, prorsus ignarus. Deniq; ut compendio dicam, vir domi foriq; conspicuus, sed *Imperator infelix*. In numis Græcis & Latinis: IMP. CÆSAR. CAJUS. PESCENNIUS. NIGER. JUSTUS describitur.

Nigro interfecto, bellum civile movit *Clodius Albinus*, quem in numis integrè appellatum legimus: D. CLODIUM. SEPTIMIUM. ALBINUM. Imperatorem exercitus in Galliâ fecerat; nequaquam cum Pescennio comparandum, gulosum, injustum, atrocem; qui nulli delicto pepercerit: Vestibus prætereà nimis studiosum, in convivio sordidum, & soli studentem copiarum, depingit *Spart.* Hoc tamen in eo laudandum, quòd averis Veneris semper fuerit ignarus. Cæsum Fastorum conditores volunt, a. d. II. Cal. Mart. A. V. 949. Appio Claudio Laterano, M. Mario Titio Rufino Coss.

Eodem

Eodem tempore motum & confectum bellum *Judaicum & Samariticum*. *Euseb. num.* 2213. Unde, *Spartiano* teste, triumphus Judaicus S.C. decretus est. Bellum nusquam reperire se posuisse scribit *Casaubonus*; at meminit *Eusebius* loco, quo dixi.

Anno sequente, hoc est, A. V. 950. Ti. Saturnino. C. Gallo Coss. prid. Id. Majas, Severi filius, natu major M. AURELIUS ANTONINUS (*Bassiani Caracalla* nomine vulgò notior) IMP. CÆS. appellatus est, & Tribunitiam potestatem accepit. *Baron. in A.C.* 197. Huc pertinet *Inscr. II. p.* 1020: IMP. CÆSAR. L. SEPTIMIUS. SEV. PIUS. PERTINAX. PONT. MAX. TRIB. POT. VI. IMP. CÆS. M. AURELIUS. ANTONINUS. AUG. IMP. SEVERI. AUG. FIL. TRIB. POT. PROCOS. Ex quâ cùm constet, sexto Tribunitiæ potestatis anno absoluto, *primùm Caracalla* numerari ccepisse; simul illud manifestum est, quod de initio *Caracallæ* scripserunt annalium instauratores; constituendum esse in A. V. 950.

Hinc etiam *Salmasius* figmentum esse putat, quòd apud *Spartianum* & *Victorem* legimus: Cùm *Severus* pedibus æger bellum *Parthicum* moraretur, idq; milites anxie ferrent; ejusq; filium *Bassianum*, qui una erat, Augustum fecissent, tolli se, & in tribunal ferri jussisse; adesse deinde tribunos, centuriones, duces & cohortes, quibus auctoribus id acciderat: Sisti deinde filium, qui Augusti nomen accepisset. Tùm in auctores supplicium imperantem, milites humi prostratos rogasse omnes, & Principi supplicatos esse.

Quo viso, manu caput contingentem dixisse: Tandem sentitis, caput hoc imperare, non pedes! *Hæc*, inquam, *omnia fabulosa* videntur doctissimo viro: Nam ante bellum Parthicum jam pater filium Aug. & Imperatorem dixerat. Eodem verò anno 950, inmani virorum illustrium cæde Severus filiis suis imperium stabilire voluit; iisq; perpetratis, expeditionem contra Parthos suscepit; de quâ *Scal. ad Euseb. n. 2215*. Sed hunc dum legis, memorem te volumus illius, quod suprâ diximus; *Dionysii versus* non esse capiendos de Severo & Caracalla, sed de *divis fratribus*. Ctesiphontem usque, pulso Parthorum Rege, pervenit, idq; bellum duravit usque ad A. V. 954. Nam illo anno in Syria Consulatum tertium cum filio iniit.

Imperatorem appellatum *P. Septimium Getam* A. V. 953. L. Annio Fabiano, M. Nonio Mutiano Coss. vult *Inscr. II. p. 157*. de cuius scripturâ ne dubites, confer *Inscr. V. VII. & VIII. p. ejusd.* Attulerunt eandem *Scal. ad Euseb. & Salmas. ad Spart.* Accedit *Casaubonus*, cum ait: *Getam Augustum nuncupavit Severus, octavum annum imperans, vel ad summum novum.* Sed qui Fastos concinnârunt, P. SEPTIMIUM GETAM AUGUSTUM appellatum, & Tribunitiam potestatem accepisse volunt A. V. 960. Caracallâ tertium, Getâ iterum Coss. pro quibus faciunt numi. Apud *Spartianum* invenio Getam Cæsarem à militibus appellatum *post victoriam Parthicam*, anno ante Consulatum tertium patris; unde suspicer, qui inscriptionem illam proposuit, per errorem *Imperatorem* dixisse, quem *Cæsarem* debuerat. Ulti-

Ultimum opus Severi memoratu dignum fuit, *expeditio Britannica, & vallum illud a mari ad mare;* cujus reliquias hodieq; conspiciere est. *Scal. ad Euf. n. 2222.* Mortuus est Severus *Eboraci* in Britannia, prid. Non. Febr. A.V. 963. Lolliano Bassiano & Gentiano Coss. natus annos 66. Ultima verba exhalantis animam fuerunt: *Turbatam remp. ubiq; accepi, pacatam, etiam Britannus, relinquo!* Idem quasi testis vitæ mortalium: *Cuncta, inquit, fui; conducit nihil.* Quibus verbis, ait *Casaubonus*, complexus est integri libelli ejus (finem solum excipimus) summam; qui à sapientissimo Regum Salomone super humanarum rerum vanitate, planè divinitus est compositus. *Adde Lips. lib. II. Monit. & Exempl. polit. 14.* Corpus militari more à militibus elatum, impositumq; in ro- gum honestatum militum & filiorum *decurfione*, in loco, quem *Sivers* à Severo dictum ait *Camdenus in Britan. p. 569.*

Fuit imperator cibi parcissimus, leguminis patrii avidus, vini aliquando cupidus, carnis frequenter ignarus; utilis Reip. si quisquam alius, sed ob multas cædes Patribus Conscriptis formidabilis.

ADDITAMENTUM.

Besoldus in Synopsi majore recenset viros doctos, qui sub Severo floruerunt: Iis velim adjicias C. *J. Solinum Polyhistorem*, Plinii compilatorem; qui Senatusconsultum, quod *de non occidendis Senatoribus* Severus ab initio fieri jusserat, perscripsit; sed mox ab eodem occisus est. *Vales. ad Exc. Peir. p. 105.*

CARACALLA.

Erratum in Synopsi nostra corrigitur. Caracallæ nomen. Julia, Caracallæ mater. Lapis, ad quem offenderunt viri docti, examinatur. Non raro in Fastis Consulum paria eorundem cognominum diversis temporibus. Caracallæ mores & cades.

Mortuo Severo, CARACALLA & GETA imperium acceperunt. Immane peccatum est in Synopsi minore, quæ post Severum nominat *Antoninum Bassianum, Caracallæ filium*. Corrige: *Antoninus Bassianus Caracalla, filius, scil. Severi*. Ob genus vestimenti demissi usque ad thalos, quod populo dederat, *Caracallæ* nomen tulit. *Euseb. n. 2229.* ubi *Scaliger* consulendus est. Adde doctissimos interpretes *Spartiani, Casaub. & Salmas.* Græcis semper *Καρχαλλᾶς* &c. In numis & lapidibus **M. AURELIUS ANTONINUS** describitur.

Mater utriusq, *Caracallæ & Getæ, Julia Syra*, studiis philosophiæ tam exercita, ut *Φιλόσοφος* &c. dicatur à *Philostrato*, (*Reines. lib. II. Var. cap. 12. Salmas. ad Spart. p. 140.*) In numis **JULIA DOMNA** (hoc est, Domina) **ΙΟΥΛΙΑ ΔΟΜΝΑ ΣΕΒΑΣΤΗ**, **JULIA AUGUSTA**, **ΔΟΜΝΑ ΙΟΥΛΙΑ ΣΕΤΕΡΑ ΣΕΒΑΣΤΗ**, **JULIA PIA AUGUSTA**. Hoc verò è *Dione, Philostrato, Oppiano & Herodiano* fuisse probat *Salmasius* contra *Spartianum*; qui scripserat, *Bassianum* è priore matrimonio susceptum, & *Getam*

ex Julia. In quo errore *Eusebium* quoque hæsitasse patet è n. 2232.

Difficultatem majorem peperit *Inscr. VI. p. 6.* quæ dedicata I. O. M. ET. JUNONI. REGINÆ. PRO. SALUTE. IMP. M. AURELII. ANTONINI. PII. AUG. ET. JULIÆ. AUGUSTÆ. MATRIS. AUGUSTI. Non posse alium M. Aurelium Antoninum intelligi, nisi Caracallam, nec aliam Juliam Augustam, nisi Juliam Severi, *Scaliger* & *Salmasius* profitentur; & tamen illa ipsa inscriptio Consules subscriptos habet FALCONEM & CLARUM; qui, ut viri laudati volunt, Consulatum gesserunt A. V. 945. Quo tempore Caracalla *quatuor annorum* puerulus, nec dum Imperator. *Reines. lib. I. Variar. c. 21. p. 87.* pollicitus est, se in *Examine inscriptionum veterum* daturum inscriptionis explicationem tam planam, ut omnes eam intelligant: Nec quin hoc ipsum præstiturus sit, ulli dubitamus. Sed valdè cupientibus tam diuturna mora nimis molesta est, ἐξέχ' ὦ φίλ' ἡλιε!

Interim, dum id fiat, promam hîc, quod mihi videtur. Aliam *Juliam* reperire non possum: Sed cum *Salmasio* & *Scaligero* lapidem interpretor de *Julia Severi*, matre Caracallæ. Subscriptionem quod attinet, per *Falconem* & *Clarum* non intelligo *Q. Sosium Falconem, Cajum Jul. Fructum Clarum*, Coss. ordinarios A. V. 945. sed par aliquot suffectorum, post mortem Severi; quod annumeramus centum paribus, quæ in Fastis non extant hodiè.

Stupes ad hanc responsionem meam? non est

Medusæ caput. Legisti enim Fastos liberæ reip. nec observâsti A. V. 268. Vibulanum & Maluginensem Coss. Et A. V. 294. Consuluit par *eorundem cognominum* ? Sic Albinum & Pisonem Coss. habes A. V. 573, & rursus *eorundem cognominum*, sed diversos à superioribus A. V. 605. Sic A. V. 535. conspiciuntur Tiberius Sempronius Longus, P. Cornelius Scipio Coss. Et rursus Tiberius Sempronius Longus, Pub. Cornelius Scipio, diversi à superioribus, A. V. 559. Sic Lentulum & Crassum legis in A. V. 656. & Lentulum & Crassum diu post reperis in A. V. 739. Sic L. Pisonem & M. Drusum Consulatum gessisse vides A. V. 641. & eundem honorem adeptos L. Pisonem M. Drusum A. V. 738. Quid igitur tergiversaris, si post Q. Sesium Falconem & C. Julium Fructum Clarum tibi datus alios ab his diversos; sed ejusdem cognominis.

Et existis Falconem habeo pro filio Q. Sesi Falconis, de quo *Capitolinus* in Pertinace: *Falconi, qui Pertinaci insidias struxerat, ille ipse pepercit; & à Senatu impunitatem ejus petiit. Deniq, Falco in rebus suis securus vixit, & HÆREDE FILIO perit.* Hæredem, inquam, filium, Falconem hunc posteriorem esse suspicor, sub Caracallâ Cos. Responsum aliud in præsentiarum nunc moneta mea non suggerit.

Nunc de CARACALLA: Is fratrem suum PUB. SEPTIMIUM GETAM, participem imperii, altero anno post patris mortem, hoc est, A. V. 964. duobus Aspris Coss. (ita nominantur *Inscr. I.*

p. 132.) Juliani Aspri filii (*Vales. ad Exc. Peir. p. 106. 107.*) nefariâ fraude interfecit a. d. 5. Cal. Mart. Vide *Spart. in Caracalla & Geta. Herodotum lib. IV. Dion. lib. LXXVII.* qui fusè res ejus describunt. Adde insignia *Fragmenta Peir. à pag. 742. usque ad 761.* Ex his breviter tibi hominem describo, furiosum, ad omnia precipitem, virtutis, & illustrium virorum hostem; bonis exitiosum, cadibus assidue sævientem; prodigum in milites, Φίλατον, rapacem nec à fraternis manibus abstinentem; vitiis suis gloriantem, omnibus deniq; terribilem; nisi Germanis & aliis hostibus, qui stultum ridebant, pecuniâ emungebant, vel cladibus mulcebant. Cum aliquando virginem Vēstali vim fecisset, statim omnis cum Venerea vis destituit. De cæde Papiniani (cujus Besoldus meminuit) adeundus *Spart. in Severo p. 72. Inscr. VIII. p. 348. Æmiliū Paulum Papinianum, patrem Hostilium Papinianum, matrem Eugēniā Gracilem vocat. Ipse verò Caracalla inter Edessam & Carras rursus occisus est a. d. 6. Id. Apr. A. V. 969. C. Brutio Præfente, T. Messio Extricato Coss. Baron. in A. C. 219. Scal. ad Euf. n. 2232. De ætate ejus prolixè disputat Casaub. ad Spart. p. 133.*

MACRINUS.

Macrinus alieno genere se inserit. Vitium Besoldiana Synopses. Macrini & Diadumeniani interitus.

Hic obscuro loco natus apud Mauros in colonia Julia Cæsarea, Juba quondam regia. Præfectus prætorio A. V. 968. *Capitol. in Macrin. Spart.*

Spart. in Carac. Dio in Exc. Peir. p. 759. Occiso Caracallâ imperium à militibus accepit, & se in nomen *Severi*, quo majorem benevolentiam assequeretur, infulsit. *Capitol. in ejus vitâ p. 95. ex emendatione Salmaf. p. 170.* Hinc in numis describitur: M. OPILIUS. SEVERUS. MACRINUS. Lego etiam in alio: IMP. CÆS. M. OPILII. AURELII. SEVERI. MACRINI. AUG. Cæterum satis hinc apparet, quàm malè vocatus sit in Synopsi nostra minore *Popilius Macrinus*.

Altero anno, qui fuit ab V. C. 970, filium *M. Opilium Macrinum Diadumenianum* (quem è *Noxia Celsa* stupro antè cognita quàm ducta genuit) Consulem illo anno, collegâ *Ecdiciano Advento*, Imperatorem Augustum appellavit. Sed uterq; paulò post, hoc est, a. d. 7. Id. Jun. commissio contra *Helio-gabalum* prælio, in finibus Phœnicæ & Syriæ, victus & in fugâ interfectus est. De loco cædis vid. *Casaub. ad Macrinum p. 139.*

Pater timidus & impudens fuit, qui pacem emit à *Parthis*; honores dedit indignis. Sed nec in filio quicquam, præter pulchritudinem, memorabile. In numis: M OPILIUS MACRINUS DIADUMENIANUS. Item. M. OPILIUS ANTONINUS DIADUMENIANUS. Et: IMP. CÆSAR. ANTONINUS. PIUS. DIADUMENIANUS. describitur. Plura petenda sunt ex *Herodiano* & *Dione*.

HELIOGABALUS.

Heliogabali genus. Nomen unde? Besoldi sententia rejicitur. Helagabali nomenclatura, vanitas & cades.

Flagitiosissimi hominis istius genus hoc fuit: Bassianus, Phœniciâ oriundus, filias habuit *Juliam Domnam Augustam*, Caracallæ matrem, & *Juliam Mesam*. Hæc *Julium Avitum* Consularē Virum maritum habuit; & ex illo *Juliam Sohæmiadem* & *Jul. Mammeam*. Sohæmias Vario Marcello, senatorii ordinis viro, nupta peperit *Avitum*; qui & *Bassianus* dictus est, ex avi & proavi materni nomine; ex paterno autem nomine *Varinus*. Consulendus *Vales. ad Exc. Peir. p. 111. 112.*

Ethic notissimus ex sceleribus & flagitiis **HELIOGABALUS** est, de quo nomine multa *Scal. ad Euf. n. 2234. Baron. ad A. C. 220. Fullerus lib. I. Miscellan. Sacr. cap. 14. & post hos Casaub. & Salmas. ad Lamprid. Voss. lib. II. de Idol. c. 5.* Dicam paucis: Derivant primam partem ab *Elah*, sive Arabicè *Alah*; quæ vox **DEUM** significat. Sed in alterâ parte dissentiunt: *Scaligerum* sequitur *Besoldus*, qui *Alagabulum* vult esse Deum Gabalitarum; nos *Vossii* & *Salmasii* opinionem: *Gebel* Arabibus montem significat; & *Elagabalus* sive *Alagabalus* nihil aliud, quàm *Deus mons*. Huc nos ducit *Herodianus*, è quo colligimus, Emisenos *Solem* coluisse in montis effigie; quem montem cœlo delapsum credebant. Hinc *Alagabalus* appellatus, quasi *Deus mons*, vel in montis figuram effigia-

effligiatus. In numis frequenter descriptus est: IMP. CÆSAR. M. AURELIUS. ANTONINUS. PIUS. FELIX. AUG. SACERDOS. DEI. SOLIS. ELAGABALI.

Haberi voluit pro Caracallæ filio, Severi nepote; ut tùm ex aliis, tùm ex *Inscr. III. p. 158. & Mscr. VII. p. 1058.* manifestum est. Rectè verò de hoc Besoldus: *Adeò turpis fuit, ut ejus facta absque rubore nequeat referre.* Abstinemus igitur etiam nos, & aures præbemus illi *Plinii dicto: Parum abesse à docente eum, qui narret.* Quamvis aliàs tueri me possem ex *Athen. lib. I. p. 14. Diod. Sic. in Exc. Peir. p. 266. Frehero lib. II. de Existimatione c. 1. §. 5. Freinshem. ad Curt. lib. IV. c. 10. §. 23.* Occiditur cum matre A. V. 974. a. d. 6. Id. Mart. *Baron. in A. C. 224.*

ALEXANDER MAMMÆÆ.

Alexander Princeps laudatus. Bellator infelix: Narratio Besoldiana è Lampridio & aliis rejicitur. Alexandri cades.

Mater hujus Principis (qui ex numis integrè appellandus est, M. AURELIUS SEVERUS ALEXANDER) *Julia Mammæa*; de qua jam in Heliogabalo. At quis pater fuerit, dici non potest. Vide *Vales. l. c.* Cæsar ab Heliogabalo dictus est a. d. 7. Id. Jun. A. V. 973. & anno sequenti, post illius mortem Imperator, magno S. P. Q. R. consensu.

Habet interlaudatos Principes locum, utpote ejus imperium incruentum ferè fuit. Sanè à *Merci princi-*

principatu illud ipsum quasi secundo loco celebrabatur. Joh. Ant. Exc. Peir. p. 830. Pighius in Hercule Prodic. p. 250. Sed bello non perinde fœlix fuit: Quod enim Besoldus è Lampridio, Eutropio, & Eusebio refert, Artaxerxem, Persarum Regem. ingenti prælio vicisse, & Mesopotamiam ab Heliogabalo deperditam recuperasse; ex Orientalium libris & Herodiano satis confutavimus alibi: Nam ex illis constat, tot stragibus affectum esse, ut Persis cederet Sassanâ, Cœlesyriâ, Chaldaâ, Palestinâ & Græcia parte. Adde Casaub. ad Lamprid. p. 173. Occisus est Moguntiaci, in Germaniâ, tumultu militari, insidiis Maximini A. V. 987. L. Catilio Severo, L. Ragonio Urinatio Tuscenio Quinctiano Coss. a. d. 15. Calend. April. Vide Scal. ad Euseb. n. 2250.

MAXIMINUS & MAXIMUS.

Maximini genus, & crudelitas. Maximi filii pulchritudo. Utriusq. cades.

C JULIUS MAXIMINUS THRAX, patre Miccâ, matre Hababâ (ita legit Palatinus co-dex Capitolini) post occupatum imperium C. I. Verum Maximum filium a. d. 4. Id. Octobr. Cæsarem appellat. Vir fuit & roboris & voracitatis stupenda, ferini prorsus animi; qui ex molli mansuetiq; imperio ad tyrannidem vertere omnia contende-bat. Hostis etiam Christianorum acerrimus. Joh. Antiochen. in Exc. Peir. p. 830. Bellator alioquin strenuus, Germanos graviter affluxit. Filius ob pulchritu-dinem

dinem celebris, quæ tanta fuit, ut caput mortui, & si jam nigrum & deformatum, videretur esse caput umbræ pulcerrimæ. Ita Capitolinum explicat Salmas. p. 256. Occisus est uterq; A. V. 989.

GORDIANI, PATER ET FILIUS.

*Gordiani parentes. Cum filio quamdiu regnâ-
rit. Utriusq; mores & mors.*

M. ANTONINUS GORDIANUS AFRI-
CANUS (ita in numis describitur) Procaſ.
Africa; natus ex patre *Metio Marullo*, matre
Ulpia Gordiana; origine paternâ *Gracchorum* fami-
liam, maternâ *Trajan* domum complexus est. *Capitol.*
p. 151. In Africâ imperator salutatus est cum filio, *M.*
Antonio Gordiano Africano. De Africani cogno-
mine *Casaub.* vide ad *Capitolinum p. 191.* Uterq; non
nisi unum mensem, dies 6. imperavit. *Idem p. 193.*

De morte utriusq; dissensus est. *Zosimus* tradit;
nausfragio periisse; quod fabulosum esse, docet *Salmas.*
Ut certum credunt alii, *Ulpium* filium à *Capelliano*,
Mauritaniæ rectore; qui *Maximini* partium erat:
Et interemptum esse, cum tempeſtas, turbato *Gor-*
diani exercitu, facilem illi præberet victoriam; eoque
cognito, *Gordianum* seniore *laqueo* vitam finiſſe.
Hoc *Onuphrius*, approbante *Casaubono*, factum putat
Cal. Jun. A. V. 989. Pub. Titio Perpetuo, L. Ovinio
Rustico Corneliano Coss.

Pater adeò modestus erat, ut nihil dici posset,
quod

quod ille fecisset aut cupidè aut immoderatè. Filius formâ conspicuus, memoriæ singularis, bonitatis insignis & juris peritus. *Lampridius* ex emendatione *Salmasii*: *Antonius Gordianus*, *Gordiani Imperatoris filius*, & ipse *Imperator*, scilicet, in consilio *Alexandri Severi* fuit. *Capitolinus*: *Nec civibus nec reipub. ad consultationem defuit.*

Hoc tamen in eo reprehensum, quòd mulierum esset cupidissimus. Habuit enim concubinas XXII. è quibus omnibus ternos aut quaternos filios reliquit. Hinc *Priamus*, & ab aliis per jocum, *Priapus* dictus est.

MAXIMUS & BALBINUS.

Balbini & Maximi nomenclatura. Dissensum à Salmasio in explicatione numi: Uterque casus.

COgnito Gordianorum interitu, Senatus metui percussus, contra *Maximinum*, a. d. 7. Id. Jul. A. V. 989. Imperatores creavit **BALBINUM ET MAXIMUM**. Alterum *Clodium Balbinum* vocat *Capitol.* cui adversi sunt omnes numi; in quibus descriptus est **D. CÆLIUS BALBINUS**. Alter dictus **M. CLODIUS PAPIENUS MAXIMUS**; ut nos docent iidem numi.

Sed huic descriptioni opponit se *Salmasius* ad *Capitolini Maximum* p. 269: **IMP. C. M. CLOD. PAPIENUS**, & **IMP. CÆS. M. CLOD. PAPIENUS**. explicat: *Imperator Cajus Maximus Clodius*

Z

Papien-

Pupienus. Et: *Imp. Caesar, Maximus Clodius Pupienus*. Cras credam hoc asserenti, hodiè assentiri metuo. Græci habent: ΑΤΤ. Κ. Μ. ΚΛΩΔΙ. ΠΟΥΠΙΗΝ. ΜΑΞΙΜ. ΑΤΤ. ΔΗΜΑΡΧ. ΕΞΟΥ. ΤΗΠΑΤΟΣ. ΤΟΥΤ. Β. Hoc est: *Imp. Caf. Marcus Clodius Pupienus Maximus Augustus, Tribunitiâ potestate Cos. iterum*. Ex quibus intelligimus, quàm *Caji* prænomen non habeat locum; quàmq; frustra sit *Salmafius* in totâ illâ observatione suâ.

Utriusq; Principis mores quod attinet, *Balbinus* sanctitate & verecundiâ ingentem sibi favorem conciliavit; staturâ procerus, eloquentiâ clarus, voluptatibus deditus; quas adjuvabat divitiarum abundantia. *Pupienus Maximus*, domi forisq; semper severus, vultu gravis, justus; & hinc (ni fallor) egenus. Missus contra *Maximinum*, cùm bellum ad *Ravennam* summo studio parat; ad eum capita *Maximini* & *Maximi*, patris & filii missa sunt. Sed dum post victoriam *Balbinus* & *Maximus* clàm inter se dissentiunt, uterq; seditione militari occubuit A. V. 990. (ut vult *Onuphrius*) *Pio* & *Pontiano* Coss. Sed hoc alibi cum curâ expendimus. Interim *Casanbonum* vide p. 171. *Baron. in A. C. 240.*

GORDIANUS NEPOS.

Gordiani hujus pater incertus. Ejusdem mores, cædes, uxor.

Seditione concitatâ inter Prætorianos & populum, ita ut potissima pars urbis incenderetur, & conflagraret, templa fœdarentur; *M. Clod. Pupienus*

pienus Maximus, M. ANTONIUM GORDIANUM, sedandæ seditionis, ad populum *purpuratum* produxit; quo viso concordia rediit. Factum id putat Onuphrius A. V. 989. Perpetuo & Corneliano Coss. Sed tunc *Cæsar* saltem appellatus est. Cæsis autem Balbino & Maximo, Tribunitiam potestatem cum imperio accepit, natus annos 13.

Hunc alii, ut *Dexippus*, Gordiani senioris nepotem ex filio; alii, ut *Herodianus*, ex filiâ volunt. Fuit juvenis lætus & amabilis. Contra Persas profectus *Saporem* vincit, *Antiochiam*, *Carras*, & *Nisibin* recipit, C. Aufidio Attico, C. Asinio Prætextato Coss. Vide *Casaub. ad Capitol.* Occiditur perfidiâ *M. Julii Philippi Arabis* A. V. 996. Peregrino & Æmiliano Coss. Uxor *Furia Sabina Tranquillina*, *Misithci* filia, *Inscr. XI. p. 1085.*

MARCIUS.

Senatus cum accepisset *Gordiani III.* mortem, usus jure suo, MARCIUM quendam è Senatu, sapientiæ & philosophiæ studiis deditum, Imperatorem creavit. Sed is mox in palatio morbo absumptus est, ut è *Zonara* docet *Casaub. ad August. Historia Scriptores p. 201.* Numus apud *Golzium in Thesauro*: IMP. CÆS. M. MARCIUS. AUG. P. M. TR. P.

HOSTILIANUS.

Marcio extincto, eorundem Patrum suffragiis successit hic, qui morbo statim correptus, post missum sanguinem fatis concessit. *Casaub. d. l.*

In numo describitur : IMP. CÆS. LUCIUS. AURELIUS. SEVERUS. HOSTILIANUS.

PHILIPPI, PATER ET FILIUS.

Philippum Christianum fuisse negatur. Filius ad imperium proventus mutat nomen. Vtriusq; cades.

M. JULIUS PHILIPPUS ARABUS ; occiso Gordiano III, imperium invadit in Oriente A. V. 996. *Christianum* fuisse, multi scribunt ex *Eusebio*; nos accedimus *Scaligero ad Eus. n. 2260*; qui censet, magnam injuriam sacrosancto Christi cultui facere, qui primi hunc *latronem Araba*, Domini sui innocentissimi, & reip. maximè necessarij interfectorem, idolorum cultorem, & ex cujus vitâ nihil tale colligi potest, Christianum ausi sunt dicere : Et *epistolas Origenis* ad eum & Severam ejus uxorem commenti sunt; ut mimo fides haberetur. *Eusebius* quidem veniam meretur, quòd ab aliis deceptus est, ut patet è *lib. VI. Histor. Eccles. cap. 36.* Hæc & plura *Scaliger*. Post *Eusebium* verò idipsum tradidit *Orosius lib. VII. cap. 20.* *Orosium* exscripsit auctor *anonymus de Constantio Chlora, Constantino M. & aliis Imperatoribus*; quem primus publicavit *Vales. cum Ammiano, pag. 476.*

Quòd verò *Baronius* suspicatus est, & *Besoldus* hîc amplectitur, *Christianum* demùm factum, postquam imperare cœpit; apud me nullam habet veri speciem.

speciem. Nec quisquam, scio, admittet, qui Philippi, jam Principis, idololatræ non pauca apud Scriptores genuinos legerit. Vero similior conjectura *Baronii* altera, cui etiam *Casaubonus* accedit; confudisse quosdam *Philippum Arabem*, cum *Philippo Augustali*, patre S. Eugenæ. Et tantum de isto.

Biennio pòst, hoc est, A. V. 999. Philippus *filium suum assumpsit in consortium imperii*; qui cùm priùs appellaretur C. JULIUS SATURNINUS PHILIPPUS, accepto imperio, in nomina patris transiit; ut multi docent numi. *Chronico Alexandrino* Φιλίππου ὁ Ἰερίωγ. Scilicet auctor illius inscitè cognomen fecit ex Latino, quo à seniore distinguebatur. Annos potentix quinq; egisse scribit *Aurel. Victor*, alii sex. Occisi sunt à militibus A. V. 1001. L. Junio Æmiliano iterum, C. Vettio Aquilino Coss. Vide præter *Onuphr. Baron. in A. C. 251.*

JOTAPIANUS.

Hic Alexandri Severi stirpe tumens, Philippi temporibus, ut scribit *Zosim. lib. 1.* imperium in Oriente occupavit. Sed statim oppressus, cum imperio vitam simul amisit. Sed *Aur. Victor*, caput ejus ad Decium Imperatorem Romanum fuisse delatum, ait.

MARINUS.

Eodem tempore, quo Jotapianus in Syria, Marinus in Pannonia vel Mœsia à legionibus præfidiariis Imperator salutatus est, nec multò pòst

trucidatus; ut narrant *Zosim.* & *Zonar.* Miratur *Calaubonus*, quo auctore quidam appellant PUBL. CARVILIUM MARINUM. Miror ergo, mirari Calaubonum. Numus Græcus apud *Goltzium in Thes.* ATT. K. ΠΟΥΒΛ. ΚΑΡΟΥΛΙΑ. ΜΑΡΕΙΝΟΣ. ΣΕΒ. Et Latinus: IMP. C. P. CARVIL. MARINUS. AUG. Appellârunt igitur ex numis. Macrinum perperam dicit *Besoldus* in Synopsi maiore.

DECIUS, PATER.

Deciû genus. Spuria inscriptio de Philippis. S. Laurentius non passus sub Decio. Deciorum patris & filii interitus. Quis iste filius? Onuphrii sententia, quam Goltzius sequitur, rejicitur.

CN. MESSIUS Q. TRAJANUS DECIUS (ita describitur in multis numis, & *Inscr. VI. p. 273.*) familiâ dignitatêq; præstabat, ut ait *Zosim. d. l. 1.* Et sanè valdè clara Deciorum domus inferioribus temporibus, cuius præter alios *Sidonius* meminit *lib. 1. ep. 9.* Hic autem suffragiis militum in Illyrico nactus imperium, Philippum patrem ad Veronam devicit; qui ibidem periit, ut filius Romæ.

Baronius in A. C. 253. de utriusq; morte hanc Inscriptionem profert, & agnoscit pro veteri: ANNO. CHRISTI. CCLIII. IMP. DIVUS. PHILIPPUS. SENIOR. VERONÆ. ET. ROMÆ. JUNIOR. A. SATELLITIBUS. OCCISUS. I. ST. Sed *Scal. ad Euf.* supposititiam esse satis demonstrat, & descriptam ex *Chronico Hieronymiano.*

De-

Decius posthæc persecutus Christianos, inter alios *D. Laurentium* crudeli mortis genere sustulit, ut *Eusebius* vult *n. 2267*. Sed hanc sententiam multis refellit *Baronius*, notis ad *Martyrolog. Roman. diem X. Aug.* Ubi docet, *Laurentium* passum esse sub *Valeriano* Principe.

Ab aliis valdè commendatur hic Decius, qui nomen *optimi Principis* iudicio Senatus meruerit, artibus cunctis, virtutibusq; instructus; placidus, comis, armisq; promptissimus. Contra *Gothos* pugnans, equi lapsu prostratus, & paludis voragini immersus, cum inde non posset emergere, à Barbaris oppressus est; ut præter *Zosimum* scriptum reliquit *Ammian. Marcell. lib. XXXI. p. 462*.

Addunt alii filium simul occisum. *Victor Schotti*: *Decii Barbaros trans Danubium insectantes, Bruti fraude cecidere*. *Jornandes*: *Ipse bellantibus Getis cum filio suo crudeli morte occubuit abrupto*. *Calliodorus*: *Decius cum filio suo in Abricio Thracia loco à Getis occiditur*. De corruptelis horum locorum vide *Scalig. ad Euf. n. 2267*.

Decii filium, ajunt, in numis & lapidibus describi. Q. HERENNIUM. ETRUSCUM. MESSIUM. DECIUM. NOBILISSIMUM. CÆSAREM. PRINCIPEM. JUVENTUTIS. Idem IMP. CÆS. AUG. in aliis dicitur. Sed hunc ad imperium pervenisse post patris mortem, statimq; insidiis sublatum à *C. Vibio Trebariano Gallo* vult *Onuphrius* è *Zosimo*; quem *Goltzius* sequitur.

Reperitur etiam in numis: IMP. CÆS. C.

VALENS. HOSTILIANUS. MESSIUS. QUINTUS. AUG. queri *Decii generum* idem *Onuphrius* suspicatur, occisum ab eodem Gallo. Mihi res non satis expedita est. Quòd ait *Onuphrius*, ex omnibus auctoribus constare, Decium Imperatorem *unum tantum filium* habuisse, *Decium Cæsarem*; tam apud me falsum est, quàm quod falsissimum. *Unum* cum patre occisum docuerunt nos *Victor*, *Jornandes*, & *Cassiodorus*. *Alterum* post patris mortem à Gallo adoptatum scribit *Zosimus*. Et quid multis? manifestè *Zosimus* tribuit duos his verbis: Καὶ τὸν ἐν αἰὶν τῶν αὐτῶν (Δεξίῃ) παῖδων ἐποίησαν. Hoc est: *Alterum ex filiis ejus superstitem adoptabat*. Satis etiam judicat, alterum occisum cum patre. Quòd diligenter consideranti, omninò statuendum videtur. Q. Herennium Etruscum Messium Decium occisum, cum patre Cn. Messio Quinto Trajano Decio; eundemq; Imperatorem *Cæsarem appellatum* ante cædem patris: alterum autem filium esse C. Valentem Hostilianum Messium Quintum.

Nugæ igitur sunt, quas *Onuphrius* vendidit, Q. Herennium Etruscum Messium Decium imperium accepisse post interitum Decii patris, & C. Valentem Hostilianum Messium Quintum, Decii senioris *generum* esse. Neutrum verum: Quis non ex cognominibus Messii & Quincti, quæ Valenti Hostiliano dantur, concludat; filium potius esse Cn. Messii Quincti Trajani Decii, quàm generum?

Sed quando uterq; cæsus? Novembri, ut puto, aut Decembri A. V. 1003. *Treb. Pollio in Valer. p. 173.*

Duobus

Duobus Deciiis Coss. a. d. 6. Cal. Novembr. cū ob imperatorias literas *in ade Castorum Senatus* haberetur. Ergo Octobr. extremo adhuc vivebat Decius, quod è seqq. etiam apparet.

PRISCUS LICINIANUS.
GALLUS VOLUSIANUS.
HOSTILIANUS ÆMILIANUS.

Victoris & Casauboni lapsus in nominandis Imperatoribus notantur. Eutropius emendatur. Nomenclatura vera Imperatorum è numis demonstratur.

TEmporum istorum historiam valdè involutam conqueritur *Casaubonus ad Augustæ Hist. Scriptores, p. 202.* Et meritò: Vix enim unus Scriptor cum altero dicit idem. Sed tamen Vir doctissimus non præstitit, quod præstandum susceperat. Veram historiam tibi damus hoc modo: Vivis adhuc Deciiis, LUCIUS PRISCUS, *Macedoniæ Præses*, Imperator appellatus est. *Victor.* An sit Philippus Imperatoris frater, quē inter præcipuos duces illorum temporum nominat *Zosimus*, haud constat.

Per eadem tempora imperium invasit LICINIANUS. *S. Aur. Victor.* Hujus (sc. Decii) temporibus *Valens Licinianus* Imperator effectus est. Malè *Valentis* nomen tribuit, *ablatum Hostiliano*; sicut paulò pòst eodem errore *Hostilianum Perpernam* vocat; cū *Perperna* cognomen sit *Liciniani*. Numus, IMP.

CÆS. M. AUF. PERPENNA. LICINIAN. AUG.
P. M. TR. P. P. P. Hoc cùm non attenderet *Casau-*
bonus, mirè turbavit omnia; de quo mox.

Liciniani hujus quod fatum fuerit, mihi quidem incertum est: Volunt *pestilentia* absumptum, è *Victore*. Sed malo id de *Hostiliano* credere, propter auctoritatem *alterius Victoris*, quàm de *Perpennâ Liciniano*.

Deciis occisis, C. VIBIUS TREBONIANUS GALLUS, qui Decium patrem fraudulentò consilio circumvenit, imperium invasit; & filium C. VIBIUM VOLUSIANUM Augustum dixit. *Zosim. lib. II.* Gallus verò cùm ad imperium pervenisset, ac *Volusianum filium* Augustum appellâisset, magnam Barbarorum res incrementum cœperunt, Utriusq; Principis meminerunt multi numi.

Paulò post cùm *Gallus* Romam venisset (ait idem *Zosimus*) imperii Deciani memoriam cum honore ac benevolentia usurpavit, & alterum ex filiis ejus superstitem adoptavit. Hic est, ut suprâ dixi, C. VALENS HOSTILIANUS MESSIUS QUINCTUS. De his tribus ait *Victor* alter: *Hæ ubi Patres comperere* (sc. Decios cæsos esse) *Gallo Hostilianoq; augusta imperia, Volusianum Gallo editum, Cæsarem decernunt.* In hoc diversus à *Zosimo*, quòd *Volusianum Cæsarem* statuit, non *Augustum*. Imò numis adversus, in quibus legitur: IMP. CÆS. C. VALENS. HOSTILIANUS. MES. QUINCTUS. AUG.

Metuens dein Gallus, ne S. P. Q. R. ob benevolentiam erga Decii domum, solum *Hostilianum Imperato-*

peratorem vellet, mortem ei per insidias paravit; ut inquit *Zosimus*. *Victor* cum *pestilentia* periisse dicit; quod idem legimus apud *Victorem* alterum. Sed perperam *Hostilianum* *Perpennam* appellat, quod *Liciniani* cognomen est; & in errorem simul inducit auctorem hystoriæ miscellæ, qui ait: *Mox exercitus Imperatores creavit Vibium Gallum, & filium Galli Volusianum*. Horum temporibus *Hostilianus* perperam à *Senatu* Imperator creatus, nec multo post *pestilentia* consumptus est. Errant largiter. *Hostilianus* *Perpenna* cognomen non tulit, quod ex numis manifestissimum; tulit autem *Licinianus*, de quo dixi. Simul autem imposuere *Casaubono*, quod factum nollem.

Ceterum de his tribus Imperatoribus, C. Vibio Treboniano Gallo, inquam, C. Valente Hostiliano Messio Quinto, Decii filio, & C. Vibio Volusiano, Galli filio, locutus est *Eutropius*; sed qui vulgò pessimè habet: *Mox, inquit, Imperatores creati sunt Gallus Hostilianus, & Galli filius Volusianus: E tribus facti sunt duo*. Hinc inductus etiam *Pœanius*: Διαδέχεται δὲ τὴν βασιλείαν Γάλλος Ὁσiliανός, καὶ ὁ τῆς πατρὸς Βολυσσιανός. Hoc est: Imperium accepit Gallus Hostilianus, & ejus filius Volusianus. Vide, quantum possit omissa distinctio levissima! Scripserat *Eutropius*: *Mox Imperatores creati sunt, Gallus, Hostilianus, & Galli filius Volusianus*. Ita tres habemus.

Sublato, vel adhuc vivo Hostiliano *Æmilianus*, legionum Pannonicarum dux, victis *Scythis*, ab iisdem Imperator salutatus est. Numus Græcus: ΑΥΤ. Κ. Γ. ΙΟΥΑΙΟΣ, ΑΙΜΙΛΙΑΝΟΣ, ΣΕΒ. Latinus: IMP. CÆS.

CÆS. C. JUL. ÆMILIANUS. PIUS. FEL.
AUG. *Æmilium Æmilianum* nescio, quàm benè
dicit *Victor*?

Hic C. Vibium Trebonianum Gallum, & C.
Vibium Volusianum filium ejus bello petens, tantum
terrorem fecit; ut *Gallus* & *Volusianus* à copiis suis oc-
ciderentur: Sic *Æmilianus* solus rerum potitus est.
Entrop. lib. IX. Zosim. lib. I. Victor uterq.

De morte dissentiunt, cùm per *tres menses* im-
perio modestè præfuisset, morbo absumptum scribit
Victor; quem sequitur *Casaubonus*. At, cùm *Vale-
rianus* transalpinis viribus instructus in *Italiam* ten-
deret, occisum à suis vult *Zosimus*. Hanc narratio-
nem *Besoldus* in utrâq; Synopli amplexus est. Ita ut
paucis repetam, post *Philippos* hi Principes fuerunt:

CN. MESSIUS QUINTUS TRAJANUS DE-
CIUS.

Q. HERENNIUS DECII AUG. FILIUS E-
TRUSCUS MESSIUS DECIUS.
LUCIUS PRISCUS.

M. AUFIDIUS PERPENNA LICINIANUS.

C. VIBIUS TREBONIANUS GALLUS.

C. VIBIUS VOLUSIANUS.

C. VALENS HOSTILIANUS DECII AUG.
MESSIUS QUINTUS.

C. JULIUS ÆMILIANUS.

VALERIANUS.

*Valeriani nobilitas & nomenclatura. Pater in-
certus.*

certus. Numiꝑ aliter explicantur, quàm eos intellexerat Onuphrius. Valerianicalamitas. Besoldi & Baronii narratio rejicitur. Cyriades & Ingenius Imperatores. Cyriadis memoria, quam nullam reperire Casaubonus potuit, ostensa est in numis.

VALERIANUS, nobilis genere, patre Valerio, ut ait *Trebellius Pollio in Valeriano pag. 173.* Sed principium, in quo hæc leguntur, non esse *Trebellii*, probat *Salmas. p. 275.* At apud eundem Scriptorem Senatus in acclamatione: *Primus genere, nobilis sanguine, emendatus vitâ, doctrina clarus, moribus singularis, exemplum antiquitatis!* Victor alter: *Genere satis claro, uti mos tum etiam erat, militiam sequebatur.* Paulus Merula *Cosmogr. parte II. lib. IV. cap. 19. p. 636.* describit PUB. AURELIUM. PUB. F. LICINIUM. VALERIUM. VALERIANUM. secutus (ut animadverto) *Onuphrium*, qui in A. C. 1007. hunc numum laudat: IMP. CÆS. P. AUREL. LICINIUS. VALER. VALERIANUS. Qui quidem rarissimus censeretur debet: Nam omnes, quos *Goltzius & Occo* adferunt, cum *Inscr. IV. p. 274.* saltem P. LICINIUM VALERIANUM nominant. Quòd verò non tam *Merula*, quàm *Onuphrius & Goltzius* Publii filium faciunt; id neque ex ullo nummo, neque lapide nobis probârunt hæctenus. Numi, in quibus legitur: IMP. C. P. LICIN. VALERIANUS. P. F. AUG. sic explicandi sunt: *Imperator, Caesar, Publius Licinius Valerianus, Pius, Felix, Augustus.*

De

De communi omnium sententia summum imperium adeptus est, ut ait *Zosimus*. Et jam supra iudicium Senatus accepimus. Commendat eundem à vita & moribus laudatis *Trebellius*. Sed Victor: *Parentibus ortus splendidissimis, stolidus tamen & multum iners; neque ad usum aliquem publici officii, consilio se gestis accommodatus*. Quod ipsum ex *Dionysii Episcopi Alexandrini* epistola ad Hermammonem confirmat *Casareb. ad Trebell. p. 203*.

Fuit sub ipso calamitosissimus imperii status, *Scythis, Germanis & Persis* magna vi irrumpentibus. Fusiùs quàm alii, clades illatas describit *Zosimus*. Ipse profectus contra Persas (quibus Sapore Artaxerxis, sive Artaxerxis I. filius, pulsus à Gordiano III. tùm imperabat) cùm undiq; se premi videret; *colloquii specie circumvectus ab hostibus, & ad mancipii fortunam reductus est; ut scribit idem Zosimus*.

Refert *Entropius in Passione B. Pontii MSta*, vicem stapedis, aut scalæ, Saporì equum conscensuro prætstitisse. Verba sunt, ut ex bibliotheca *Petri Puteani* citat *Salmas. ad Trebell. p. 276: Valerianus Imp. in captivitatem ductus, à Sapore Rege Persarum, non gladio, sed ludibrio, omnibus vitæ suæ diebus merita pro factis percepit; ita, ut quotiescunq; Rex Sapor equum conscendere vellet, non manibus suis, sed incurvato dorso, & in cervice ejus pede posito; è quo membra levaret. Trebellius Pollio saltem cum illo ut vili mancipio locutum ait, more Scriptorum Romanorum, parcens honori Romani nominis. Sic Aut. Victor, quàm testissimè loquens, ne captum quidem scribit, sed fœdè laniatum*

laniatum interiisse. Victor alter liberè confirmat id, quòd ex *Eutropio* desumptum attulimus. Sed & *Agath. lib. IV. p. 122.* tandem *excoriatum* asserit. Ita DEUS OPT. MAX. tot piorum sanguinem ultus est, in quo & ipsa belua natavit. Vid. *Euseb. 2273.* Baron. in A. C. 259.

Annus, quo *Valerianus* à Persis captus est, fuit ab V. C. 1012. qui *Lucium Corn. Seculare* iterum, *Junium Donatum Coss.* habuit. *Fabula* est, quòd scribit *Besoldus*: *Valerianum culpâ cujusdam ducis captum.* Sequitur *Baronium*, qui in A. C. 262. *Macrianum* ducem illum appellat; sed decepit eum corruptissima lectio *Trebelli Pollionis.* *Salmasius* illa verba: *ductu cujusdam sui ducis,* *Trebellii* esse negat; non tam ob alia, quàm auctoritatem codicis *Palatini.* Vide illum p. 276. & adde *Casaub. p. 203.*

Biennio antè *CYRIADES* in *Syria* Imp. Augustus contra *Valerianum* appellatus erat; sed idem occisus est eo tempore, quo *Valerianus* contra *Persas*, expeditionem suscepit; ut scribit *Trebell. Pollio in XXX. Tyrannis.* *Casaubonus* nusquam vel non. en hujus reperiisse ait; sed nos ita reperimus descriptum in æreo numo apud *Fulvium Ursinum*, notis ad *Trebell. Poll. pag. 510*: IMP. CÆS. M. CYRIADES. P. F. AUG. Ab alterâ parte inscriptum est: IMPERATORUM. AUG. ADVENT. Alium ejusdem Græcum videre licet apud *Oecon. p. 477.*

Rebellavit in *Pannonia* contra *Valerianum* *INGENIUS*, de quo idem *Treb. p. 213.* In numo *Ursini* est: IMP. C. INGENUS. In alio *Goltzii*: IMP. CÆS.

CÆS. D. LÆL. INGENUUS. P. F. AUG. Prælio à *Gallieno* victus, se ipsum interfecit.

GALLIENUS & ALII, Qui sub eo imperium Romanum invaserunt.

Hic cum *Valeriano* patre imperium accepit. *Inscriptio I. p. 275.* describit ΑΥΤΟΚΡΑΤΟΡΑ. ΚΑΙΣΑΡΑ. ΠΟΠΛΙΟΝ. ΔΙΚΙΝΙΟΝ. ΙΓΝΑΤΙΟΝ. ΓΑΛΛΙΗΝΟΝ. ΕΥΣΕΒΗ. ΕΥΤΥΧΗ. ΣΕΒΑΣΤΟΝ. Hoc est: *Imperatorem, Cæsarem, Publium, Licinium Ignatium Gallienum, Pium, Felicem, Augustum.* Ignatii cognomen alibi vix reperies: In numis semper describitur: P. LICINIUS. GALLIENUS: Uxor ejus *Pipa*, eadem cum *Cornelia Salonina*; de qua *Inscr. XII. p. 1022.* & multi numi. Fuit *Attali*, *Marcomanorum* Regis, filia, *Treb. & uterq; Victor*, & è recentioribus *Welsch. lib. II. Rerum Boicarum, p. 126. Casaub. ad Trebell. p. 211. Salmas. ad eund. p. 296.*

Fuit abdomini natus, ac voluptatibus; dies ac noctes vino ac stupris perdidit; orbem terrarum per XXX. propè Tyrannos vastari fecit, Romanum dehonestantes imperium; ut scribit *Treb. in Gallieno, p. 182. ex correctione Salmasii.* Tyrannorum autem fuerunt hæc nomina:

I. ODENATUS, capto *Valeriano* Imperatore, in *Syriâ* Imperator Augustus appellatus est. *Princeps Palmyræ* fuit, majoribus ortus, qui ab Imperatoribus Romanis diversis honorum generibus fuerunt affecti; ut est apud *Zosim & Procop.* Vir bello strenuus;
Nisibin

Nisibin & Orientem, cum *Mesopotamia* Persis extorsit; *Ctesiphontem* usque arma proferens, *Saporem* cum liberis in fugam vertit, *Gazam* regiam & concubinas cepit. Occiditur A. V. 1017. insidiis *Mæonii*. Nomen ejus variè scribitur, sed nos secuti sumus numos.

II. HERODIANUS, Odenati filius, qui & *Herodes* in numis; cum patre Imperator appellatus est, cum eodem periit.

III. MANIUS ACILIUS AURELIUS (ita describitur in numo *Goltzii*) Imperator appellatus est in *Illyrico*, Seculari secundum, & Donato Coss. Manu & consilio promptus *Gallienum* (à quo *Mediolani* obsidebatur) insigni altu è medio sustulit, Paterno iterum, & Mariniano Coss. A. V. 1020. *Trebell. in Gallienis, & Victor uterq.* Sed & *Zosimus* satis aperte *Aureolum* *Gallieno* superfuisse asserit; nec aliter *Zonaras*. Quamobrem in *Goltzii* Fastis peccatum est, posita cæde Aureoli ante cædem *Gallieni* & *Valeriani*. Sed tamen idem Aureolus, paucis diebus post occisum *Gallienum*, interficitur à militibus; *Clandio* sive mandante, sive invito. Epigramma, quod monumento ejus inscribi jussit *Claudius*, repertum in agro *Mediolanensi*, vulgârunt *Ursinus ad Trebell. p. 512. & Gruterus Operis Aeterni p. 163.* Id minusculis ita scribendum est, ut vult *Salmas. ad Treb. p. 303*:

Κλαύδιος Ἀυρεόλω μετὰ δῆϊον ἄρεα, καὶ σαρ
 τὰ κτερεὰ θνητῶν ὡς θέμις, ἐνδίδοσι.
 Τῷ γὰρ καὶ ζῶνι ἄλλ' ὅκ' ἐθέλησε φρόνημα
 πᾶσιν ὑπὲρ ῥῆκ' ἔσχετ' ἀντίβιον.

Αα

Κεῖν

Κεῖν & δ' οἰκτίρων καὶ σώματι & ἔχ' ὁπίζων
 'Αυρεόλου γαφύρε'ν εἰσάτο τήν τε παύην.

*Claudius Aureolo, post Martiaprælia, Cæsar,
 Humana ut lex est, debita juxta dedit.*

*Huic vitam & voluit: diris infensa tyrannis
 militis hæc potuit mens generosa pati.*

*Hic pius atque suo cineres dignatus honore
 Aureoli pontem condidit, & tumulum.*

IV. M. FULVIUS MACRIANUS, ut appellatur in Græco numo apud Occon. p. 479. & Goltz. in Thef. p. 115. Sub Valeriano bella in Oriente gerens, eo capto, rem feliciter gessit cum Persis: Eoq; successu inflatus purpuram induit A. V. 1013. Gallieno quartum, L. Petronio, L. filio, Tauro Volusiano Coss. Italiam infesto exercitu petens, victus ab Aureolo, sive illius duce Domitiano, in Illyrico oppressus est A. V. 1015. Albino & Dextro Coss. Cum hoc ne confundas Marcianum illum, de quo Trebell. in Gallienis: Omnes inde Scythas Marcianus variâ bellorum fortunâ agitavit. Scripti, quos Casaubonus vidit, habent: *Macrianus*, perperam. Vulgatæ favet *Palatinus* codex, teste *Salmasio*. Hic est ille Marcianus, qui cum *Heraclione* de occidendo Gallione consilium iniit, initum exsecutus est. Plura *Casaub. ad Treb. p. 208.*

V. Q. FULVIUS MACRIANUS à patre M. FULVIO Macriano Imperator Cæsar Augustus appellatus est. Atque ita descriptum leges tum in Græcis tum in Latinis numis apud Goltz. & Occon. Habuit ergo idem cum patre cognomen. At *Zonaras* semper *Macrinum* vocat patrem, filium *Macrianum*.

Hoc

Hoc sibi Scriptores licere volunt, ut *Salmasius* notat ad *Capitol.* p. 250. Cum patre occisus est in *Illyrico*.

VI. CN. FULVIUS QUIETUS. Ita nominatur integrè in numis apud *Goltzium*: Zonaræ QVINCTUS corruptè. A patre M. Fulvio Macriano *Imperator Caesar Augustus* appellatus est. Occiditur ab Odenato in Oriente, paulò post patris interitum. Hinc apud *Treb. in Quieto* *Salmasius* legit: Sed ubi comperit Odenatus, qui jam Orientem tenebat, ab Aureolo Macrianum patrem *Quieti*, & ejus fratrem *Macrianum* victos, milites in ejus potestatem concessisse; quasi Gallieni partes vindicaret, adolescentem cum *Balista* præfecto interemit. Vulgata lectio *Quietnm* dicit cum patre & fratre *Macriano* victum ab *Aureolo*.

VII. SER. ANICIUS BALISTA descriptus è numis Græcis, Vir insignis, eruditus, in cõsiliis vehemens, in expeditionibus clarus, ad rempublicam gerendam singularis, in *Asia* Imperator appellatus est; & occiso jam *Quieto* à gregario milite, in gratiam *Odenati*, interemptus est; ut scribit *Treb. in Balista*. Ubi veteribus quibusdam ambiguum fuisse adjicit, an imperârit? Ea temporum illorum segnities erat, ut proxima quæq; ignorarent, quæ ab ævo nostro remotissima hodie scimus ex numis.

VIII. P. VALERIUS VALENS, Proconsul Achajæ ob invidiam in *Macrianum* Imperator appellatus in *Macedoniâ*, brevi à militibus interficitur. Sic verò, ut nomen ejus exhibuimus, descriptum reperitur in numo Græco apud *Goltzium* & *Oconem*. *Ursinus* notis in *Trebell.* p. 513. errore pudendo ad eundem

dem pertinere scribit *Lapidem III. p. 274. Operis Græter.* cum sit *C. Valentis Hostiliani Messii Quincti Decii, Augusti filii*, de quo suprà diximus. Sed & *Cn. Seia Herennia Sallustia Barbia Orbiana Decii* uxor est, non *Valentis* hujus, unius è XXX. Tyrannis sub Gallieno, quod perperàm *ibidem* statuit *Ursinus*.

IX. PISO, qui in Græco numo apud Goltzium: Α. ΚΑΛΠΟΥΡΝΙΟΣ ΠΕΙΣΩΝ; in Latino apud Ursinum d. l. IMP. C. PISO. FRUGI. P. F. AUG. Cujus in posticâ *Victoriæ signum palmiferum*; quod *dextrâ manu coronam Imperatori imponit*; cum hoc titulo: THESSAL. AUG. Hoc est: *Thessalicus Augustus*. Hinc valdè illustrantur, quæ dicit *Trebellius*. Oriundus est à P. Calpurnio, L. F. Pisone, qui ante 400. annos, hoc est, A. V. 604. primus legem *de pecuniis repetundis* tulit; primus etiam *Piso Frugi* dictus est, & pronepotem habuit L. Calpurnium Pisonem Frugi, *socerum C. Julii Caesaris Dictatoris*. Fuit autem hic, qui *sub Gallieno* Imperator appellatus est, tantæ virtutis, ut similem in rep. fuisse neget *Trebellius*. Missis à P. Valerio Valente militibus trucidatur paulò antè, quàm Valens occideretur à suis.

X. TI. CESTIUS ALEXANDER ÆMILIANUS (hanc descriptionem in numo Græco & Latino apud Goltz. & *Oscon.* reperire licet) in *Ægypto* Imperator salutatus est. *Ursinus* valdè peccat, qui ad eum refert æreos numos, cum inscriptione: C. JUL. ÆMILIANUS, confundens *Æmilianum* istum, cum *Æmiliano*, qui occisis Gallo & Volusiano imperium invasit; de quo jam suprà verba fecimus.

Alexan-

Alexandrum vel *Alexandrinum*, virtutum memoriâ, vocatum scribit *Treb. Pollio*. Sed dubito, an verum hoc sit, quod accepit ab aliis, parùm sibi constantibus; ut ipse fatetur. Fuit *Alexandriæ* nobilis familia *Tiberiorum Alexandrorû*, & quidem originis *Judaicæ*. *Philonis* enim illius, quem *Platonizare* ajunt, frater *Alexander Alabarcha* (hoc est, Præfectus) *Alexandrinus* (*Joseph. lib. XVIII. Antiq. c. 10.*) filium reliquit *Tiberium Julium Alexandrum*; qui cùm patriæ religioni nuncium misisset, & omnium opulentissimus esset (*Idem Joseph. lib. XX. c. 3.*) sibi & suis ad magnos honores aditum fecit. Eum certè illustrem Equitem Romanum ministrum bello datum *Corbuloni*, tradit *Tac. lib. XV. Annal. c. 28.* Ad quem locum *Lipsius* notavit, fuisse prius *Alabarcham Alexandrinum*; sed graviter lapsus est, hoc enim de patre *Alexandro* verum, de filio falsum: Malim tamen credere, id ex propterantia scriptum contra mentem; nam veriora docet ad *lib. I. Hist. c. 11.* Hic ipse *Tiberius Jul. Alexander*, *Philonis* è fratre *Alexandro* nepos, Præfectus *Augustalis Egypti* fuit. *Tac. lib. I. Hist. c. 11.* Legiones sacramento *Vespasiani* adegit, *Cal. Jul. A. V. 821. Idem lib. II. Hist. c. 74. 79. Suet. in Vespasiano, c. 6.* Hujus filius, *Tiberius Julius Julianus Alexander* cum collega *Eruceo Claro* legatus, imperante *Trajano*, *Selenciam* cepit & concremavit; ut est apud *Xiphilin.* Meminit ejus *Inscr. I. p. 124.* Et *Consulem* fuisse *A. V. 886.* probat *Reines. lib. III. Var. c. 16.* Corruptissimè *Onuphrio*, *Goltzio* & aliis, *Hiberus* nuncupatur. Igitur ex hoc genere descendisse reor

Tiberium Cestium Alexandrum Æmilianum, tùm ob nomina *Tiberii* & *Alexandri*, tùm ex ipsa patria petito argumento: Nam *Alexandria* natus, eandem tùm regebat, cùm Imperator appellaretur. Hinc numus ejus inscriptus: IMP. CÆS. ÆMILIANUS. P. F. AUG. In altera parte nudam mulierem humi procumbentem, sinistro brachio innisam canistro, floribus pleno; & lævâ cornu *Amaltheæ* habentem, ut & *Ibin* Ægypti propriam avem (alii *ciconiam* esse voluerunt) cum equestri statuâ; quæ dextra orbem apprehendit, & militi à tergo repræsentat, & hoc titulo: ADVENTUS. AUG. ÆGYP. Occiditur illo anno, quo imperium accepit, id est, A. V. 1003. & ipse alioqui fortitudine insignis, qui *Thebaidem* totamq; *Ægyptum* peragravit; & barbaras nationes passim submovit.

XI. M. CASSIUS LATIENUS POSTUMUS (numus non unus apud *Goltzium*, & *Occonem*, sed *Ursinianus* LABIENUM appellat) occiso *Quinto Julio Salonino Gallieno Cesare*, altero *Gallieni* filio, imperium apud *Gallos* invasit; tenuitq; per annos septem. Maximè dilectus à *Gallis*, submotis *Germanis*, securitatem pristinam restituit. Meminit præter *Trebellium Euseb.* n. 2283. Sed & hinc in numis ejus legas: SALUS PROVINCIARUM. Item RESTITUTORI GALLIÆ. Occisus est cum filio A. V. 1019. Paterno & *Arcesilao* Coss. *Goltz*, & *Onuphrius*.

XII. C. JUNIUS CASSIUS POSTUMUS, superioris F. à patre Imperator *Cesar Aug.* appellatus, & ab equitibus rebellibus interfectus est. *Julius Atherianus*

rianus apud *Treb. p. 187.* JUNIUM POSTUMUM appellat patrem. Sed membranæ, ut notat *Salmasius p. 301.* JULIUM POSTUMUM: Utrumq. *Salmasius* confutat ex numo, qui habet: C. M. POSTUMUS: Qui numus quomodo rem conficiat, non video. Debebat enim vir illustris producere numum alium, cujus descriptio integra est; qualis est: IMP. CÆS. M. CÆS. LAT. POSTUMUS. P. F. AUG. Ex hoc enim patet, Postumum *patrem non* fuisse dictum *Junium* vel *Julium*. Fons erroris patet ex filii numis, quorum hæc est inscriptio: C. JUN. CÆS. POSTUMUS. CÆS. PRINCEPS. JUVENTUT. Nam inde satis apparet: *Julium Atherianum* confuisse nomina filii & patris.

XIII. Q. NONIUS REGILIANUS descriptus è numis, in *Pannonia* per *jocum* creatus Imperator, Dacus & Deccebalus propinquus, contra *Sarmatas* egregiè rem gerit; occiditur à suis metu Gallieni A. V. 1015. Albino & Dextro Coss.

XIV. SEX. JUL. SATURNINUS in *Egypto* coactus imperium suscepit; post multa strenuè gesta, ob *severitatem* interemptus est à militibus. Nomen ejus integrum ex iisdem numis descriptum est.

XV. C. ANNIUS TREBELLIVS in *Isauria* Imperator appellatus, à Gallieni duce vincitur, & occiditur. Fundamentum descriptionis petiturum mittimus ad *Ocon.* & *Goltzium*.

XVI. T. CORNEL. CELSUS, sic appellatus in *Græco*, in *Africa* Imperator factus est, nobilissimis haut dubiè majoribus oriundus: *Cornelii enim Celsi*

jam Neronis temporibus notissimi: *Cornelium Celsum* citat *Plin.* lib. X. c. 53. Dignus autem imperio visus est hic ob justitiam, & corporis magnitudinem. Interficitur insidiis *Gallienæ*, Gallieni consobrinæ; & *cadaver à canibus* discerptum est.

XVII. AP. CLAUD. CENSORINUS in numo apud *Goltzium*, is est, quem milites A. V. 1016. raptum ex agro Imperatorem crearunt, & rursus occiderunt; cùm disciplinæ rigorem ferre non possent.

XVIII. HERENNIANUS, Odenati F. Imperator appellatus *cum fratribus*, & ab *Aureliano* rursus dejectus est.

XIX. TIMOLAUS, Odenati F. in veteri editione Trebellij, & codice Palatino ATIMOLAUS; sed contra numorum auctoritatem. Idem fatum expertus est, quod fratres.

XX. VABALLATHUS, Odenati F. notus ex numis *Oconis*, & quodam *Octavi Stradæ*. *Casaubonus* admodum temerè contra *Vopiscum* negavit, hunc in rerum naturâ fuisse. Sed jam error iste gravissimus satis confutatus est à *Salmasio*.

XXI. MOEONIUS, aliis MÆONIUS, Odenati consobrinus & interfector, *per errorem Imperator* appellatus, brevi pòst scelerum pœnas dedit.

XXII. SPURIUS SERVILIANUS LOLLIANUS in Gallia Imper. *Cesar Aug.* appellatus est à *Francis*, Romanis militantibus, cælo Postumo. Civitates à Germanis dirutas instauravit; sed quòd milites labore nimio fatigaret, ab iisdem neci datur. *Casaubonus* notis ad *Treb.* p. 212. *Onuphrium* inadvertentiæ

tia infimulat, qui *Lollianum* istum ab *Æliano* diversum habuerit. Ipse putat *eundem* esse *Lollianum* cum *Æliano*; sed hîc major nubes est, quàm existimavit vir doctissimus: Profectò enim *duos diversos* Imperatores fuisse *Lollianum* & *Ælianum*, docemur è numis apud *Goltzium*. De altero talis: IMP. CÆS.SP. SERVIL. LOLLIANUS. P. F. AUG. De altero iste: IMP. C. A. POMPON. ÆLIANUS. AUG. Cui jam persuaderi poterit, *Lollianum* & *Ælianum* unum *eundemq;* esse? Interim non nego, veteres ipsos ad hæc nomina cespitasse: Nam qui *Lolliani* meminit, omittit *Ælianum*; & qui hujus, omittit *Lollianum*. Neq; jam nostrarum virium est, utriusque res distinctè explicare. Est igitur

XXIII. AUL. POMP. ÆLIANUS, vel, L. POMP. ÆLIANUS. Nam sic describitur in alio, qui sincerior videtur, propter *Peanii* locum, *Entropii metaphrasta*.

XXIV. M. AUR. VICTORINUS, sive post *Lollianum*, sive post *Ælianum* in *Gallia* Imperator appellatus est. Sed cùm corrupendis militum uxoribus daret operam, breve sibi imperium fecit: Interfectus enim à milite *Coloniæ Agrippinæ*.

XXV. L. AUR. VICTORINUS à patre *Imp. Caesar* appellatus, cum eodem interficitur. Utrumq; descripsimus è numis.

XXVI. M. AUR. MARIUS, quem neque *Goltzius* neque *Onuphrius* integrè descripserunt. *Occo* ex *Viviano* dedit argenteum, in cujus altera parte legitur IMP. C. M. AUR. MARIUS. P. F. AUG.

in altera VICTORIA AUG. *Ursinus notis in Treb. p. 511.* in antiquis numismatibus dici ait: IMP. CÆS. MAMURIUM; sed fugientibus literis. Mihi omninò legenda videntur hoc modo: IMP. C. M. A. MARIUS. Hoc est: *Imperator Caesar Marcus Aurelius Marius.* Fuit fabro ferrario natus, & cùm Imperator in Gallia factus, ad milites verba faceret, his ferè usus est: *Scio, commilitones, obijci mihi posse artem pristinam; nihil refert: Utinam semper ferum tractem, non vino, non floribus, non popinis, non mulierculis deditus; qualis Imperator Gallienus est. Cladibus suis discant extera gentes, Romanorum populum ferreum esse sub Principe, qui nihil melius tractare sciat quàm ferrum! Occisus est à milite, cum hac exprobratione conditionis pristinae: Hic est gladius, quem ipso fecisti!* ut scribit *Trebellius.*

XXVII. P. PIVESUS TETRICUS *Gallia* Præses, suadente *Aureliâ Victorinâ*, M. Aurelii Victorini conjuge (quam alii *Victruviam*, alii *Victoriam* vocant) imperium suscepit; sed cùm militum insolentiam ferre non posset, maluit *Aureliano* sese dedere, quàm perfidum imperare. Aurelianus, quamvis eum in triumpho duxisset, tamen postea in summo honore habuit.

XXVIII. C. PIVESUS TETRICUS, cum patre Imperator appellatus est, & cum eodem in triumpho ductus; sed postea omnibus senatoriis honoribus perfunctus est. Utrumque patrem & filium descripsimus in numis.

Et hi sunt illi XXX. Tyranni (si nimirum annumeres

meres CYRIADEN & DECIUM LÆLIUM IN-
GENUUM, de quibus jam egimus suprà : Pleriq;
numerum suppleant additâ ZENOBIÂ & VICTO-
RIA) qui *sub Gallieno*, tumultuario populi consensu,
aut incondito militum strepitu; interdum & per jo-
cum & ludum imperium acceperunt, & perdiderunt.

Ipse GALLIENUS cum P. LICINIO VA-
LERIANO fratre, longè sibi dissimili (quem Impe-
ratorem appellârat A.V.1019), occisus est A.V.1020.
cùm per annos *sex cum patre, novem solus* imperasset,
quâ de re *Salmas. ad Treb. p.297. Baron. in A.C.269.*

CLAUDIUS.

*Claudii genus obscurum, quamvis alii nobi-
lissimum faciant. Onuphrius & Goltzius
refutantur, non tàm rationibus, quas Baro-
nius observavit, quàm ex Lapide. De mor-
te Claudii fabula. Salmasii ἀμάρτυρα μνη-
μόνιον. Inscriptio arcus triumphalis nuper
reperta. Besoldus confirmatur in nomine
Claudii*

M. AURELIUS CLAUDIUS, *Trebellio in
Gallienis pag. 178. Clodius Illyricianæ gentis
vir, ut eum appellat Valerianus apud eundem
Treb. p. 207. Aliis Dalmatîâ vel Dardaniâ oriundus.
Majores ejus planè obscuri : Nam de patre & avo &
proavo quod diceret, non habuisse se, fatetur Trebell.
p. 206. Sed qui Constantino Magno & ejus filiis adu-
lati sunt, qui à fratre Claudii originem ducebant, illu-
striorem*

striorem facere conati sunt. Et alii quidem *Gordiano fatum*, scriptum reliquerunt; ut suprà diximus: Alii ab *Ilo*, Trojanorum rege, atque ipso *Dardano* sanguinem traxisse volebant. Vid. *Treb. d. l.*

Imperium accepit A. V. 1020. Et mortuus est Antiochiano iterum (ita describunt lapis in ruinis Casuli ad D. Damianum repertus, & à *Paleta* descriptus *Servio*, à *Servio* mihi; & *Idatius in Fastis Consul.* nec non *l. 2. C. de diversis rescript.* ut *Actatianus* vel *Atticianus* aliorum non habeat locum) & *Orfito Coss.* Quo mense, ac die non constat. *Onuphrius* ac *Goltzius* ajunt pridie Non. Febr. hoc modo non integri biennii imperium Claudio tribuentes. Quod si verum est, falsum erit illud, quod scribit *Porphyrus* *συγγενος*, in vita *Plotini*; Claudium secundum annum peregisse, tertium cœpisse. Nec illi applicari poterit oraculum, de quo *Trebellius*:

Tertia jam Latio regnantem viderit aëtas.

Quod rectè objecit *Baron. in A. C. 271.* Imò repugnat *Inscript. II. p. 226. Operis Gruter.* in quâ legimus: CLAUDIO. INVICTO. PIO. FELICI. IMP. CÆS. PONT. MAX. TRIB. POT. III. Malim credere defunctum esse vel Septembri vel Octobri.

Extinctus est à pestilentia, cum paulò antè formidulosissimum bellum Gothicum ingenti virtute confecisset. Hoc è *Treb. Claudio p. 206. Eutrop. lib. IX. & Zosim. lib. I.* manifestum est; ut fabulosum sit, quod scribit uterq; *Victor*, vetus *Deciorum exemplum*, qui pro salute Reip. se devoverunt, à Claudio esse renovatum; eumq; sic periisse. An ad hanc ipsam fabulam respexit

respexit *Trebellius*? & *Dexippus* quidem *Claudium* non dicit occisum, sed tantum mortuum esse? Sed emendat locum *Salmas.* p. 332. pro *Claudio* substituendo *Quinctillum*. Nec repugnamus: Sed quòd addit, de *Claudio* neminem dixisse, quòd occisus sit, in eo fallitur: Dixerunt enim *Victor* uterque eo scilicet modo interfectum, quo *Decii* olim liberâ repub. ceciderant. Cæterum *Claudio* post mortem tum alii maximi honores, *Romæ* & in *Italia* habiti; tum *Firmii* arcus triumphalis erectus est, cuius inscriptionem nobiscum communicavit, licet alicubi mutilam *Joh. Baptista Donius*, *Eques Florentinus*:

DIVO. CLAUDIO. GOTTHICO.
MAXIMO. PIO. FELICI. VICTORI. AC.
TRIUMPH. . . . SEMPER AUGUSTO.
MUNICIPI. . . . VATORI.

AMPLIFICATORIQ.
OB. ILLUSTRIA. EJUS. GESTA. ET.
AMOREM. JUXTA. CIVES.

ORDO. INTER. ANATIAM.
ARCUM. TRIUMPHIS. INSI. . .

DEDICA.
M. CL. TACIT.
PATRO.

Flavium Claudium appellat *Besoldus* in utraq; Synopsi ex *Trebell.* ad quem *Casaubonus* notavit, in nullo vetustatis momento inveniri, *Flavium* hunc appellatum; sed hoc apertè falsum docuit *Salmasius* ex hac Inscriptione:

IMP.

IMP. CÆSAR. FL. CLAUDIO. PIO. FELICI.
INVICTO. AUG. PONT. MAX. TRIB.
POT. II. COS. II. PROCOS.

Et ab hoc *Flavii cognomen* derivatum in *Constantium*
& *Constantinum*. Vide ibi plura.

QUINCTILLUS.

Mortuo Claudio M. AURELIUS QUINCTILLUS delatum sibi imperium omnium iudicio suscepit. Sed *Aureliano* Imperatore creato, impar ejus conatibus, sponte cessit, & *sibi venas incidit*; ut scribit *Zosimus*. Sed *Euseb. n. 2286. Aquileja* occisum scribit d. 17. imperii; nec plures dies tribuit *Zonaras*. Accedit in genere mortis referendo *Trebellius & Victor*: Sed *Dexippus* è correctione *Salmasii* saltem mortuum ait; ut dubitasse videatur de mortis genere.

AURELIANUS.

Besoldi falsa descriptio. Aureliani res gesta. Incertum tempus imperii ejus.

LDOMITIUS AURELIANUS in Græcis & Latinis numis & lapidibus apud *Gruterum* p. 276. dicitur. At *Besoldus* auctores minùs legitimos secutus, VALERIUM AURELIANUM dixit. *Sirmii Pannonia* obscuro loco natus, vel ut alii volunt, in *Daciâ Ripensi*, aut *Mœsiâ*; bellator egregius (*Joh. Antiochenus in Exc. Peir. p. 855.*) licet crudelis, *Suevos, Sarmatas & Marcomannos* (qui Romanis

nistantum terrorem incusserant, ut de urbe desperarent) præliis ingentibus vicit: In itinere, dum contra *Zenobiam* proficiscitur, *barbaros in Illyrico* fregit: Dein *Zenobiam* ad *Imas* (vide *Scal. ad Euseb. n. 2288.*) profligatam è fugâ retraxit, *Palmyram* capit; *Firmum*, *Aegyptum* sibi vendicantem, occidit; *Tetricum* se dedentem suscepit, & Romam reversus de *Zenobia* & *Tetrico* triumphavit. Dein ad Gallos profecturus inter *Heracleam* & *Byzantium* ob crudelitatem interficitur. Ipso tertium, & *Marcellino Coss.* ut est apud *Idatium in Fastis*. Quod ex *Oconis* nummo (in quo septimus annus Tribunitiæ potestatis signatus est) infringere conatur *Baronius in A. C. 277.*

FIRMIUS.

Firmii numus Græcus. Ab hoc diversus Firmus in numo, sed indictus Scriptoribus aliis. Firmii robur, & cades.

Hic *Seleucia* natus, *Zenobia* amicus & socius, *Aegyptum* occupavit, purpuram sumsit; & percussâ monetâ, *Augustus* appellatus est. Vidit huiusmodi numum *Goltzius*, cujus inscriptio est: ΑΥΤ. Κ. Μ. ΦΙΡΜΙΟΣ ΕΥΣ. ΕΤΤ. ΣΕΒ. ΕΤΟΥΣ. ΠΡΩΤΟΥ. An ad eundem referendus ille apud eundem p. 133: DN. FIRMUS. P. F. AUG. ? Επέχω. *DOMINI* titulus demum sub *Diocletiano* frequentari cœpit. Ipse *Goltzius* ad *Firmum*, *Nubélis* Maurorum Reguli filium *Gildonis*, *Mascizelis* & *Dii* fratrem pertinere vult; qui sub *Gratiano* ab imperio Romano defecit;

defecit, ut refert *Ammianus Marcell. lib. XXIX. p. 399.* Sed *Vales. ad Ammianum p. 392.* è *Victore & Orosio*, non *Augusti*, sed *Regis* saltem nomen illum adscivisse probat. Hic igitur Latinus numus cujus sit, incertum mihi est. Noster *Firminus* appellatus est, quamvis *Vopiscus* libri scripti *Firmum* firmiter retineant; & tantæ magnitudinis viriumq; fuit, ut *Cyclops* diceretur. Ab Aureliano *Carris* redeunte victus, & occisus est; ut scribit *Vopiscus*.

TACITUS.

Diversa sententia de tempore imperii Taciti.
Consulum ordinariorum par habitum pro
suffectorum pari ab Onuphrio & Goltzio.
Numus Taciti à risu Scaligeri vindicatus
è Zosimo.

MAURELIUS TACITUS Imperator à Senatu appellatus est a. d. 7. Cal. Octobr. A. V. 1027. à C. Cornel. Tacito oriundus (ut suspicatur *Lipsius* in vita Taciti) brevi periit, ut complures volunt: *Paucorum mensium Imperatorem* dicit *Be-foldus*. *Entropius & Vopiscus* sexto mense periisse volunt. Idem apud *Euseb. n. 2291.* legere est. *Uterq; Victor* assignat dies 200. His obstat *Idatius in Fastis*, qui ferè *biennium* tribuit: Ait enim Imperatorem factum Aureliano tertium, & Marcellino Coss. occisum esse Probo & Paulino Coss.

Nota hîc, Probum & Paulinum non esse Coss. *suffectos* A. V. 1028. quod *Onuphrius & Goltzius* putârunt;

tarunt; sed Consules *ordinarios* anni sequentis. Idem observavit è *Cassiodori Chronico Græco Baron. in A. C. 277. Idatium* confirmant *Inscr. I. & II. apud Gruter. p. 277.* in quibus notatus est annus Tribunitiæ potestatis secundus. Ergo *ultra annum* imperavit Tacitus.

Occisus est in expeditione *Mæoticâ*, ut notat *Scal. ad Euseb. n. 2291.* qui & facete perstringit numeros hujus Taciti, in quibus visitur *Imperator equitans, præeunte victoriâ, sequente exercitu,* cum titulo : IMP. C. M. CL. TACITUS. PIUS. FELIX. AUG. Hoc erat, inquit, τὸ Πρωτον σελ τῆς ἱκνς ἀδελφ. Nam in expeditione istâ, tumultu militari oppressus est; & ut Historici referunt, propter brevitatem imperii nihil memorabile ab eo gestum est. Par *vanitas* ejus fratris *Floriani*; qui cum paucos dies imperâisset, neque propter angustias temporis aliquid præclarum gerere potuisset; tamen in numis suis vocat se PACATOREM ORBIS, incluso in illis *Sole cum flagro.* Hæc *Scaliger.* Non sum nescius Romanæ vanitatis, & notavi ipse talia ad *Flor. lib. I. cap. 11. §. 6.* De fratre *Floriano* quoque libens illi crediderim, sed de Tacito tamen inquit *Zosimus: Scitè trajectâ paludè Mæotide, per Pontum ad Ciliciam usq; sita incursionibus vexârunt: Quos aggressus Tacitus, partim ipse debellatos ad internecionem delevit; partim Floriano designato Prætorii Præfecto debellandos tradidit, & in Europam contendit; ubi lapsus in insidias, necatur.* A numis igitur stat *Zosimus*, & valdè dubium; an *Vopiscus* ad has auctoritates convellendas cum pauculis aliis sufficiat?

FLORIANUS.

Vopisci locus dubius, defendi tamen posse dicitur è Virgilio. *Floriani interitus.*

MANNIUS FLORIANUS, Taciti frater, sed ex matre tantum. Sic enim Vopiscus: *Diversis parentibus nati ferebantur.* Besoldus Taciti germanum appellat, securus alium locum Vopisci; quem Casaubonus sic emendat: *Hic Taciti frater non germanus fuit.* Sed fortassis abusivè locutus est Vopiscus, & germanum dixit, qui ex eadem matre genitus saltem; sic Virgil. lib. V. *Æn. v. 12.* Erycen, Butæ & Veneris filium, *Æneæ germanum* vocat, qui erat tantum frater uterinus:

Hæc germanus Eryx quondam tuus arma gerebat.
Occisus est Tarsi à militibus, cum contra Probum expeditionem suscepisset. Zosimus lib. I. *Vopiscus in Floriano, Aurel. Victor Schotti.* Sed Victor alter: *Florianus diebus IX. quasi per ludum imperio usus, incisis à semetipso venis, sanguine consumptus est.* Quæ de Quinctillo scribunt alii.

PROBUS.

Probi genus obscurum, res gestæ, cades. Sex annos imperasse, probatur ex Idatio & inscriptione nondum publicatâ. *Utrumq;* tamen testimonium Probi initium & finem in diversos annos conjicere.

Hunc

Hunc Probum ex illius Aurelii Probi gente fuisse Casaubonus existimat, qui Paphiis propositus à *Spartiano* dicitur in *Alexandro Severo*. Sed dissentit *Salmasius*, quòd ipse Vopiscus Probi patrem Maximum ignobilem facit.

Nec quicquam in nomine fundamenti est: *No-* vi enim homines nomina & pronomina nobilium Romanorum, libenter & licenter assumebant. Numi & *Inscript. III. p. 277*: M. AURELIUM PROBUM appellant; *Onuphrius* è Vopisco, M. VALERIUM AURELIUM PROBUM. Nondum Imperator, *Valeriani patrem* è *Quadorum* manu liberavit, *Aurelianum* à crudelitate ad mitiora sæpè deduxit; *Marinidas* in *Africâ* vicit, *Carthaginem* asseruit: *Ægyptum*, & Orientis maximam partem in Aureliani potestatem redegit.

Tacito cæse, Imperator, quamvis *invitus*, à militibus appellatus est, se primùm & *Paulino Coss. Romanis Principibus*, qui fortes, clementes, prudentes extitère, par, aut superior, verè probus; victor omnium gentium barbarorum, victor & Tyrannorum. *Aureliani & Taciti percussorem* exemplo utili supplicio affecit, *LX. Galliarum nobilissimas urbes à Germanis* recepit: In *Thracia Gothos*, & in Oriente omnia compescuit. *Belli Germanici* Besoldus in *Synopsi* majore meminit; cum quo conferre potes *Pighium in Hercule Prodic. pag. 36. 37.* De vinearum culturâ sub Probo *Enf. n. 2295. & Scal. notis* ad illum locum consulendi sunt.

Occisus est Imperator hîc à militibus, quos mul-

tis laboribus fatigabat, nec otiosos esse patiebatur; cum per *sex* annos imperium tenuisset. Quamvis enim *quinto* imperii anno interfectum scribat *Vopiscus*; tamen alii omnes ipsi adversi sunt. Vide *Baron. in A. C. 283.* cujus discursum confirmamus auctoritate *Idatii*, qui Probum occisum esse ait, Caro iterum, & Carino Coss. A quorum Consulatu si regredimur in annum, quo Coss. fuerunt ipse Probus & Paulinus, hoc est, primum annum imperii Probi; habebimus *sex* annos. Id ipsum patet ex *Inscript. Hispanica Benedicti Ramberti*, quam nobiscum communicavit *Joh. Bapt. Donius*; sed ex quâ aliud initium Probi, aliud tempus interitus statuendum est. Sic enim illa:

IMP. CÆSARI. M.
AURELIO PROBO.
PIO. FEL. INVICTO.
AUG. P. M. TRIB. POTES
TATIS VI. COSS. III. RES
PUBLICA TUCCITANORUM.
DEVOTA. NUMINI. MAJES
TATIQUE. EJUS. . . .
CURATORE. TIRIO. CLA
UDIO SUB. COLOSSO.

Si enim annus sextus Tribunitiæ potestatis completitur posteriores menses anni 1033. quo Consulatum gesserunt Probus quartum, & C. Junius Tiberianus; fit consequens, Probum Imperatorem factum A. V. 1028. Tacito iterum, Fulvio Æmiliano Coss. non anno sequente, Probo & Paulino Coss. Interitus autem Probi incidet in annum 1034; quo

quo Coss. ordinarii fuerunt Probus Quinctus, & Victorinus.

SATURNINUS.

PSEMPRONIUS SATURNINUS (ita vocant numi apud *Occon.* & *Onuphr.*) Gallis parentibus oriundus, *inuitus & flens* purpuram sumsit. Occiditur in castro quodam ab iis, quos *Probus* miserat. *Scal. ad Euseb. n. 2295.*

PROCLUS.

TÆLIUS PROCLUS (ita numus *Goltzii*) Imperator apud *Agrippinam* creatus, vincitur & occiditur à *Probo*. Vitiis se contaminare id demum credebat, illustrem personam agere.

BONOSIUS.

BONOSUM pleriq; dicunt, sed *QUINCTUS BONOSIUS* in numis *Goltzii* & *Ursini* describitur. Homo bibacissimus, ut de eo *Aurelianus* diceret: *Non ut viveret natum esse, sed ut biberet.* Habuit hoc peculiare, ut adhuc in vino prudentior esset. Longo graviq; bello à *Probo* victus, laqueo vitam finivit; tunc de eo per jocum dictum est: *Amphoram pendere hinc, non hominem;* ut scribit *Vopiscus* in ejus vita.

CARUS, CARINUS, ET NUMERIANUS.

CARUS *Narbone* genitus (ut est apud *Entrop.* sed intelligenda hinc *urbs Illyrici*, non *Galliz*,
Bb iij *Scal.*

Scal. ad Euseb. n. 2297.) in numis: M. AURELIUS CARUS. Romæ literarum studiis imbutus, à Probo Præfectus Prætorio creatus est; eoq; cæso, Imperator *Probi interfectores* gravissimis pœnis affecti. Factum id, si credimus *Idatio*, ipso Caro iterum, & Carino Coss. Alii, ut *Onuphrius* & *Goltzius* initium ejus constituunt in A. V. 1034. Cujus anni principio Consulatum inierant Probus quinctum & Victorinus.

Bellum *Persicum* consensu militum, aggressus est, nuncupatis prius Cæsaribus M. AURELIO CARINO, M. AURELIO NUMERIANO; quorum *Lapis Taraconensis* apud Scaligerum meminit. Sed & CARINUS, vivo adhuc patre, *Augustus* appellatus est: vide *Salmas. ad Vopisc.*

CARUS in *Persas* profectus, receptâ *Mesopotamiâ*, *Ctesiphontem* usque pervenit; & jam cupiditate gloriæ longius iturus, morbo, vel fulminis ictu, vel etiam ex vulnere obiit: Scriptores enim hîc diversa tradiderunt. Vide *Scal. ad Euseb. n. 2298.*

Imperium suscipiunt filii, è quibus NUMERIANUS moribus & eloquentiâ decorus, *parentis exitum* nimium flens, oculos sibi corrumpit; nec diu post ab *Apro* focero interficitur. *Scal. ad Euseb. n. 2299.* Sed cum eo conferenda, quæ scribit de ludis Romanis, ab utroq; habitis, *Salmas. ad Vopiscum*: Nam eam rem Scaliger explicare d. l. non potuit. *Carinus* libidinibus cœdus vincitur, & occiditur à *Diocletiano* A. V. 1037. ipso *Diocletiano* iterum, & *Aristobulo* Coss. ut est apud *Idatium*.

DIOCLETIANUS ET MAXIMIANUS.

Salmafii ἀμάρτυρα μνημονικόν. Diocletiani ignobilitas. Sirmondi insidiosa correctio. Initium Diocletiani. Maximianus confors imperii. Tyranni septem sub Diocletiano. De numis Ælianorum duorum sententia. Bagaudæ qui? Scaligeri lapsus. Iuliani duo. Occonis mixtura. Quinquegentiani qui? Scaligeri sententia rejecta. Constantius Chlorus & Galerius adoptati. Res bellica. Persecutio Christianorum. Diocletiani & Maximiani abdicatio. Utriusq; mors.

CAURELIUS VALERIUS DIOCLETIANUS (*Inscr. II. p. 1079.*) appellari voluit, Imperator factus, cum adhuc privatus DIO-CLES vocaretur. Minus igitur est, quod scribit *Salmasius ad Trebellii Claudium p. 345.* Imperatorem factum tria nomina, more nobilium Romanorum, assumpsisse, dictumq; M. VALERIUM DIOCLETIANUM; sed & CAJUM prænominare debebat pro MARCO.

Vir fuit obscurissimè natus, ut ait *Entrop. lib. IX. Libertinus Annulini Senatoris, ut Sex. Aurel. Victor. Profligato Carino & interfecto Ario Apro solus imperio potitus est; idq; factum Diocletiano iterum, & Aristobulo Coss. Primum autem tum Imperatorem*

appellatum (quod est in *Fastis Consularibus Idatii*) non credimus. *Idatium* sanè ibidem non bonâ fide exhibuit *Sirmondus*: Dum enim emendationem suam inserit, totam rem difficultatibus implicavit. Nos omninò sequimur *Onuphrium* & *Golzium*; qui *Diocletianum Imperatorem* factum volunt *Carino II.* & *Numeriano II. Coss.* Hoc est, A. V. 1036. Nam anno sequente postquam ad *Margum*, oppidum *Myſie*, *Carinus* cæsus erat; *Diocletianum*, non ut privatum (quod *interpolatus à Sirmondo Idatius* vult) sed ut *Augustum* suffectum in *Carini* locum, retento hujusdem collegâ *Aristobulo*, *Præfecto Prætorio Consulatuum* iniisse, satis demonstrant *Vales.* ad *Ammian.* lib. XXIII. p. 250. & *Baron.* in A. C. 285. Hoc igitur verum existimamus initium *Diocletiani*, quo nihil incertius esse, scribit *Scal.* ad *Euseb.* n. 2300.

Imperium autem multis gravissimis bellis undiq; petiit, *Diocletianus* fortiter defendit; sed ne tota moles uni incumberet, A. V. 1038. M. Junio Maximo iterum, & Vettio Aquilino Coss. (ita scribuntur in *Lapide VIII.* p. 309.) MAXIMIANUM HERCULEUM ex Cæsare *Augustum* creavit; eiq; Tribunitiam potestatem concessit, ut ex antiquis lapidibus ostendit *Onuphrius*, & clarè *Idatius*: Maximo iterum, & Aquilino Coss. levatus est Maximianus senior Cal. April.

Hic in numis & lapidibus M. AUREL. VALER. MAXIMIANUS, homo sanguinarius, & vecors passim ab Historicis describitur. Ab his primùm bella civilia sopita sunt, & qui purpuram contrè sumserant, felicibus armis debellati. Ex his fuit

I.ÆLI-

I. **ÆLIANUS.** Eutropius: *Cum tumultum rusticani in Gallia concitassent, & factioni sue Bagaudarum nomen imponerent; duces autem haberent Aman- dum & Ælianum; ad subigendos eos Maximianum Herculeum Cæsarem misit. Victor: Comperit Æli- anum Aman- dumq; per Galliam excitâ manu agrestium & latronum, quos Bagaudas incolæ vocant, populatis latè agris, plerasq; ur- bium tentare. Habemus igitur duos Ælianos Imperatores Augustos: Alterum sub Gallieno, alterum sub Diocletiano. Sed & in numis reperiuntur duo: Alter A. POMPONIUS ÆLIANUS: Alter, L. POMPONIUS ÆLIANUS. Aulum Pomponium Ælianum Onuphrius, Goltzius & Occo volunt illum esse, qui sub Gallieno; Lucium Ælianum idem Goltzius & Occo cum Scalig. ad Euseb. n. 2303. hunc esse, quem Maximianus debellavit. Sed mihi contrâ videtur: Illum, qui à Gallieno defecit, L. Ælianum dictum apertè scribit Peanius Eutropii metaphrastes, lib. IX. p. 122. de Mogontiaco verba faciens: Τὸ ἐκνήσαντ' Ἀρκίῳ Ἀιλίανός συνεπολέμησε. Id est: Lucium Ælianum tyrannidem arripientem armis virisq; juverat. Incidit igitur in Latinum codicem, in quo L. Ælianus extabat; pro quo hodiè Lollianum habemus. At de hoc Æliano (qui Bagaudarum dux fuit sub Diocletiano) nemo unquam prodidit, Lucium prænominatum. Tutius igitur agemus, si tyrannum illum sub Gallieno L. ÆLIANUM, hunc autem posteriorem, AULUM POMPONIUM ÆLIANUM descripserimus.*

II. **AMANDUS.** Hic in numo Occonis &

Bb v

Goltzii:

Goltzii : IMP. C. CN. SAL. AMANDUS. P. F. AUG. fuit & ipse dux Bagaudarum. *Bagauda*, vel *Baganda*, à temporibus Diocletiani *latronem* & *rebellem* significare cœpit. *Μαλῶεις* vocabant Constantinopolitani, à corrupto Latino *tumultus*. Vide *Scalig. d. l.* Sed ita, ne cum illo Bagaudas & Baquates *Inscr. VII. p. 1025.* eosdem putes: Baquates enim *Africa* populi, ut ex Itinerario Antonini docet *Vales. ad Ammian. lib. XXII. p. 242.* Uterq; horum victus est A. V. 1038. Maximo secundum & Aquilino Coss. *Victor* enim indicat, Maximianum post acceptum imperium contra *Bagaudas* statim ivisse in Galliam, & brevi bellum confecisse.

III. CARAUSIUS. Hunc *Pighius in Hercule Prodic. p. 17.* hariolatur primùm *Carisum*, deinde à *Germanis Batavis* sua linguâ *Carausum* appellatum; idque cognomen ipsum retinuisse libenter. In numis est CARAUSIUS. Nec aliter vocant *Enseb. n. 2303. Entrop. lib. IX. & ejus metaphrastes Sex. Victor, Jornandes lib. I. de Regnorum ac Temporum successione.* Alteri *Victori* est CORAUSIUS. Sumsit purpuram post *Bagaudicum* bellum, & *Britanniam* per septem annos contra Diocletianum obtinuit. Tandem ab *Alecto* socio interfectus est, Diocletiano quintum, Maximiano quartum Coss. A. V. 1045.

IV. ALECTUS (sic in numis scribitur) cæso *Carausio*, cum ferè per triennium *Britanniâ* Romanos exclusisset, à *M. Aurelio Asclepiodoto* Præfecto Prætorio victus est; ut est apud *Entrop.* Adde *Scal. ad Enseb. n. 2304.*

V. JULIANUS. Sex. Aur. Victor: *Julianus in Italia Imperator effectus, aëto per costas pugione, in ignem se abjecit. De hoc capio numum Goltzii: IMP. C. Q. TREBONIUS. JULIANUS. AUG.*

VI. JULIANUS. Victor Schotti: *Africam Julianus, ac gentes Quinquegentana graviter quatiebant. De hoc accipiam æreum, Occonis, in cujus alterâ parte scriptum est: IMP. C. M. AUR. JULIANUS. P. F. AUG. In alterâ: VICTORIA. AUG. XXI. S. A. Qui enim provincias graviter concussisse dicitur, eundem crediderim Victoriæ typum expressisse in numis suis. Occo duorum Julianorum res perperam miscuit. Sed quænam illæ Quinquegentanae gentes? Quinquegentianos dicit Eusebius. Mirificè deliravit Pomponius Latius, qui nomen compositum divulsit, & Gentianos populos fecit ex posteriore membro; sed ex priore collegit latrones quinquagenarios, & supra eum numerum annorum fuisse. Scaliger Πεντάπολις esse ait à quinque civitatibus illius provinciae sic dictos: Cyrenis, Ptolemaide, Arsinoë, Darnis & Berenice. Nos Valesium sequimur, qui ex Jul. Honorio Quinquegentianos barbaros esse ait, supralimitem Africae positos.*

VII. L. EPIDIUS ACHILLEUS in Ægypto purpuram sumsit, & à Diocletiano Alexandria per octo menses obsessus, tandem succumbit, & interficitur. Diocletianus acerbè victoriâ usus, Ægyptum proscriptionibus & cædibus exhaustit. *Entropius, Victor & Eusebius, ibique Scaliger. Sic verò istum descripsimus è numis Græcis, quos videre licet in*
Euseb.

Euseb. n. 2304. Oecon. p. 518. & Goltzium in Thes. Cæ-
terum propter hunc ipsum Achilleum & Quingegen-
tianos, & Carausium, aliosque hostes FL. VALE-
RIUS CONSTANTIUS CHLORUS & C. GA-
LERIUS VALERIUS MAXIMIANUS ab Impe-
ratoribus, Diocletiano & Maximiano adoptati, & Cæ-
sares appellati; ut docent Eutrop. Euseb. & Victor.
Idatius in Chronico Cæsares appellatos ait, Cal. Mart.
A. V. 1043. Tiberiano & Dione Coss. Quod ipsum
satis est defendendo Onuphrio, quem oppugnavit Ba-
ron. in A. C. 292. ex Inscriptione edicti apud Euseb.
lib. VIII. c. 29. Id corruptum esse, nec ipse Baronius
dissimulare potest.

Bella externa quod attinet, Carpi à Valerio vi-
 cti, deditioe pactâ, omnes in Romanum solum trans-
 lati sunt, Tusco & Anullino Coss. ut ait *Victor, & Ma-*
mertinus in Panegy. Constantio Cæsari dicto. Conflu-
endus Scal. n. 2309. Sequenti anno Diocletiano
sextum & Constantio Cæsare iterum Coss. A. V. 1048.
Galerius Maximianus Cæsar, inter Callinicum Car-
rasque congressus cum Persis, longè militum numero
superioribus, victus recessit; & ad Diocletianum pro-
fectus, cum ei in itinere occurrisset, tantâ insolentiâ
ab eo exceptus est, ut per aliquot passuum millia pur-
puratus, tradatur ad vehiculum ejus cucurrisset; ut ex
Ammiano, Rufo, Festo, Zonarâ, & Eutropio manife-
stum est. Sed anno, qui Coss. habuit Maximianum
quintum, & hunc Galerium Maximianum, ignomi-
niam abolevit illustri victoriâ, de Persis in Armeniâ
majori reportatâ. Narseus enim Persarum Rex, Sa-
 poris

poris avus, ingenti prælio victus, *Mesopotamiam*, cum quinque regionibus *Transtigritanis* reddere Romanis coactus est, ut uxorem & captas filias reciperet; quemadmodum *Rufus*, *Festus*, *Entropius*, *Petrus Patricius* in *Excerpt. Legation.* & *Zonaras* referunt. Errant, qui *Galerium* cum *Persis*, ter vel quater conflixisse, ajunt; ut ostendit *Valesius* ad *Ammian. lib. XIV. p. 53.* Sed & unde *Scaliger* nobis sufficienter probare possit, *Narseum* victum anno antè, quàm *Diocletianus* imperio abiret; videre non possum. Juxta *Idatium*, à victoriâ *Persicâ* ad abdicationem *Diocletiani* sunt integri octo anni. Eodem porrò successu *Marcomanni* victi sunt, *Diocletiano VII*, *Maximiano Seniore VI.* *Coss. A. V. 1051*, ut docet *Idatius*. Belli & jam *Victor* alter meminit.

Hæc prosperè pro republicâ gesta imperium Principum istorum valdè commendant; sed iidem immani in Christianos sævitiâ id meruêre, ut hodiè etiam utriusque nomen velut detestabile, abominemur; utque nec benefactis quidem gratia sit, si quæ in rempublicam unquàm contulerunt, ut *Brunnerus lib. VI. Annal. Boic. p. 445.* loquitur. Incidit sævissima illa persecutio, de qua multa *Besoldus* è *Baronio*, in *Diocletiani VIII.* & *Maximiani VII.* *Consulatum*, secundum *Idatium*, hoc est, *A. V. 1055.* Cum quo consentiunt *Excerpta Photii ex Metrophanis & Alexandri actis, Cod. CCLVI.*

Altero anno persecutionis hujus, qui *Diocletiano IX.* *Maximiano VIII.* *Coss.* signatus est, hoc est, *A. V. 1056.* *Diocletianus* exuenda purpura consilium cepit;

cœpit; & Maximianus admisit. Ita uterque abiit Cal. April. quod indicat *Idatius*. Alter ne caderet, descendere voluit; eamque amplecti vitæ facilitatem, quæ periculis careret: *A throno ad agrum venit, & cum imperium abdicasset, sui tamen esse dominus cœpit. Non jam Diocletianum, sed Dioclem rursus putares; quemadmodum cum Imperator fieret, ex Diocle Diocletianus factus est. Sanè in horto occupatus, scire potuit, viciniorem ligoni quàm sceptro felicitatem esse; minari fortunam, cum favoris modum excrescat. Erat hoc igitur non tam imperium, quàm curam, miseriam, periculum exuere. Et pereleganter differit Erycius Puteanus, Comment. in lib. Histor. Insubricæ, pag. 24. 25. E veteribus rem narrant Eusebius n. 2320. Eutropius lib. IX. Cassiodorus in Chronico, Victor uterque; Suidas, Zosimus lib. II. & Idatius. Tempus assignavimus ex Idatio, Zosimo, & Cassiodoro; quos postremos secuti sunt Onuphrius, & Goltzius.*

At Scaligero nemo persuadere potuit, ut crederet, Diocletianum post depositam purpuram Consulem fuisse (hoc enim iidem asserunt) cum, inquit, certum sit, ab eo tempore privatum in villâ egisse, in agro Salentino; & triennio post depositam purpuram decessisse. Mihi nimis durum videtur, ex hac ratione contra veteres pugnare. Nonne enim (ut tempora ferunt, ut in Diocletianum favor, qui novo exemplo privatum inter Deos retulit) absentibus, & in otio suo absconditis, honor iste haberi potuit, ut onera ferentibus aliis, ipsi velut ordinarii Coss. annum signârint? Ingeniosissima res sunt, amor & adulatio; nec id leve judicabis,

li con-

si consideraveris *multum honoris hinc adjecisse, numerum toties gestorum Consulatum.*

Sed & quod Scaliger ait, *triennium post depositam purpuram defunctum esse, nimis incertum est.* Vir maximus veram judicavit lectionem *Zosimi lib. II. & Suida in Διοκλητιανός*; sed dubiam facit *Victor*, qui post abdicationem novem annos tribuit. *Eutropius lib. IX*, consenuisse ait in agro suo. Quod verbum *longius triennio temporis spatium* in agro suo vixisse indicat. Cum omnia circumspexi, non invenio causam rejiciendi *Idatii*, qui *Diocletianum mortuum* ait die 3. Non. Decembr. A. V. 1068. *Sabino, & Rufino Coss.* extam curiosam dierum annotatione Scriptor ille, diligentiam non vulgaris manifestus, ratiunculis & suspiciunculis nostris hodiernis valedicere nos jubet. Hoc igitur tempore *Diocletianus obiit.*

At *Maximianus*, qui A. V. 1062. secundo post Consulatum *Diocletiani* decimum, suumque septimum, cum *Diocletiano* de resumendo imperio frustra egerat; in *Galliam* omnia turbans, *Massilia* strangulatus est. *Eutropius, Victor, Euseb. lib. VIII. Hist. Ecclesiast. c. 16.* Solus *Zosimus* *Maximianum*, in desperationem rerum omnium adductum, & apud *Tarsum* morbo extinctum ait, confundens *Maximianum* cum *Maximino*, patrem cum filio. De hoc enim à *Victore, Eutropio, lib. X. Euseb. n. 2326.* traditum, vide *Scal. ad Euseb. n. 2325.*

CONSTANTIUS CHLORUS.

Principis hujus genus: Trebellius contra Scaligerum

*ligerum defenditur. Avi & Proavi, & Ma-
jores, quibus origo non debetur. Constantii
Chlori breve imperium, & mors.*

Cum Diocletianus, & Maximianus senior, abdi-
cassent; iidem Cal. April. ut scribit *Idatius* (non
a. d. 11. Cal. Majas, ut *Goltzius*, & *Onuphrius*
tradiderunt) eademque horâ in administrationem im-
perii **CONSTANTIUS CHLORUS**, & **GAL-
LERIUS MAXIMIANUS JUNIOR**, ex Cæsari-
bus Augusti creati; successerunt; divisusque inter
eos est orbis Romanus, ut *Hispanias*; *Britanniam*,
Galliam, *Germaniam*, *Italiam*, & *Africam* **CON-
STANTIUS**; *Illyricum*, *Asiam* & reliquum *Orien-
tem* **GALERIUS** obtinerent.

Constantii genus quod attinet, *Eusebius* n. 2304:
Claudii ex filiâ nepotem facit; *Eutropium* secutus; sed
is meritò notatur à *Scaligero*. Error hinc fortassis
manavit, quòd Constantium Chlorum Claudii nepo-
tem dictum reperisset; at id nepotem, vel etiam pro-
nepotem ex fratre significabat: Nam *Claudii* fratres,
Quinctillus ac *Crispus*. *Crispi* filia *Claudia*, ex quâ &
Eutropio, nobilissimo gentis *Dardanæ* viro, *Constan-
tius Chlorus* genitus; ut nos docet *Trebellius Pollio* in
Claudio; at ejusdem *Trebellii* verba; in *Gallieno*: *Is
est Claudius*, à quo *Constantinus*, vigilantissimus Cæ-
sar originem ducit. Non potest concoquere *Scaliger*:
Falsum hoc; inquit; *Constantius enim trahit originem
à fratre Claudii, non à Claudio*. Sed sciendum est,
solere Scriptores propatruos etiam, & propatruos
magnos, & alios, quibus origo propriè non debetur,
inter

inter avos, & proavos referre; atque inde rationem
istam loquendi esse, quam usurpat Trebellius. *Silius*
lib. III. de Quinto Fabio Maximo Cunctatore:

- - Fabius, Tirynthia proles,

Ter centum memorabat avos, quos turbine Martis
Abstulit una dies. - - -

Inter istos trecentos Fabios, non nisi unus & alter, quos
profatores dicere potuit; avos nihilominus dicit o-
mnes ejusdem stirpis. Sic Cornelia apud Propertium;
lib. IV. eleg. ult.:

Si cui fama fuit per avita decora trophæi,

Afra Numantinos regna loquantur avos.

Et mox:

Testor majorum cineres, tibi, Roma, colendos;

sub quorum titulis Africa tanta jaces.

Et Persen proavi simulantem pectus Achillis

Quique tuas proavus fregit, Achille, domos.

Derivat genus suum à Scipione Africano juniore, Lucii
Æmilii Pauli filio; cum ab alio Scipione revera descen-
disset: Nam Africanus junior non reliquit filium,
qui *Corneliorum* nomen propagaret.

Sed oblitus sum, de Historici loco controver-
siam esse, non de Poëtæ. Igitur pro Trebellio addu-
co illud *Juliani, Orat. II. pag. 95. edit. Petavianæ:*
Τὰ γὰρ μὲν τῆς ἡμετέρας συγγενείας ἡρξάτο μὲν ὁ
Κλαυδῖος. Hoc est: Nostri generis initium à Claudio
deductum est. Si *Julianum* ita loquentem ferre pos-
sumus, feramus & illum. *Anonymus de Constantio*
p. 471. Claudii nepotem ex fratre dicit; quum pro-
priè loquendo debuisset pronepotem. Hæc de
genere.

Honores quod attinet, *Protektor* primùm, exin *Tribunus*, postea *Præses Dalmatiarum* fuit; ut est apud eundem *Anonymum*. Imperium non multùm *ultra biennium* tenuit. *Idatius* obiisse, & filium ab exercitu Imperatorem appellatum vult a. d. 8. Cal. Sextil. Ipso sextùm, Galerio Maximiano Coss. A. V. 1058. Cum quo ad amissim conveniunt, quæ scribit *Onsperius* in dicto anno. Mortuus autem est *Eboraci*, in *Britanniâ*. *Florilegus* tumulum ejus in *VVallia* reperi- tum fuisse prodit; sed *Camdenus* in *Britanniâ* p. 569. à fide dignis accepisse se ait, patrum memoriâ, cum *monachorum* ædes diruerentur in *cryptoporticu* ædiculæ, in quâ *Constantium* situm fuisse, opinio erat; *lampadem ardentem*, sive *ignem perpetuum* inventum fuisse. Ut omnibus virtutibus insignem passim deprædicant Scriptores. Vide *Baron.* in *A. C.* 304. n. 13. & 14. & in *A. C.* 306. n. 10. & seqq.

GALERIUS MAXIMIANUS,
GALERIUS MAXIMINUS,
SEVERUS, MAXENTIUS,
ROMULUS, LICINIUS.

Occonis in citando Zosimo supinitas. Ejusdem & Scaligeri gravis error, Leunclavii oscitantia, in vertendo Zosimo. Numus Gracuse emendatur. Tres tabernæ, ad quas casus Severus, Maxentius Maximiani senioris

nioris gener, non filius. *Alia quadam in chronologia ex Idatio, contra Onuphrium. Principum istorum sex facta est cades.*

C GALERIUS VALERIUS MAXIMIANUS (ita describitur in numis) ortus *Dacia Ripensi*, parentibus agrariis, unde illi cognomen Armentario, *Cæsar* appellatus, cum Constantio Chloro A. V. 1043. post abdicationem Diocletiani, & Maximiani senioris, *Augustus & Imperator*, unà cum Constantio rerum potitus est. Pulcher corpore, eximius & felix bellator, superbissimus tamen; qui *matrem suam à Dracone compressam jactabat*, ut de eo crederetur, quod de Alexandro M. scriptum est. *Sex. Aurel. Victor.* Idem gravissimus nostræ religionis hostis & persecutor. *Baron. in A. C. 304. n. 51. & seqq.*

Adoptavit A. V. 1058. Cæsaresque appellavit C. GALERIUM VALERIUM MAXIMUM (ita vocatur in multis numis apud *Oeconem*) & FL. VALERIUM SEVERUM, paulò ante mortem Constantii Chlorig. *Eutrop. lib. X.* Sed *Zosimus lib. II.* ait, *utrumque Cæsarem* appellatum simul à Constantio Chloro. Ex his C. *Galerius Valerius Maximinus*, C. Galerii Valerii Maximiani nepos è sorore, *Daza* ante imperium dictus est. *Sex. Aurel. Victor.*

Falsum est, quod scribit *Occo*, pro nepote Marci Aurelii Valerii Maximiani Herculei, ex sorore habitum à *Zosimo*. Zosimi verba Græca omninò avunculum ejus faciunt, C. Galerium Valerium Maximianum: Ἀνέδειξαν Καίσαρας Σεβήρον καὶ Μαξιμίνον,

ἀδελφῆς οἱ τῆ παῖδα τῆ Γαλλεῖς. Quæ *Leunclavius* perperam vertit : *Cæsares appellavêre Severum*, & *Maximianum*, qui nati ex sorore erant *Galerii*. Tanquam & *Severus Galerium Maximianum* avunculū habuerit. Verte: *Severum* & *Maximinum*, qui natus erat, ex sorore *Galerii*. Atq; ita *Zosimus* idem dicit ex *Victore*.

Sed longè gravius, quod idem *Occo Scaligero* ex *Eusebio* n. 2321. tam scedè imposuit. Statuit enim vir de republicâ literariâ optimè meritis, *Maximinum* hunc *Julium* appellari, in his numis Græcis : ΑΤΤ. Κ. Γ. ΙΟΥΛ. ΟΥΑ. ΜΑΧΙΜΕΙΝΟΣ. ΜΗΤΡΟΠΟΛΕΙΤΩΝ. ΤΟΝ. ΕΝ. ΙΩΝΙΑ. Et : ΑΤΤ. ΙΟΥ. ΟΥΑ. ΜΑΞΙΜΕΙΝΟΣ. ΕΦΕΣΙΩΝ. Nullus dubito, quin utrumque numum corruptum exhibuerit *Occo*; sic igitur corrigo : ΑΤΤ. Κ. Γ. ΙΟΥΛ. ΟΥΗ. ΜΑΞΙΜΕΙΝΟΣ. ΜΗΤΡΟΠΟΛΕΙΤΩΝ. ΤΩΝ. ΕΝ. ΙΩΝΙΑ. Et : ΑΤΤ. ΙΟΥ. ΟΥΗ. ΜΑΞΙΜΕΙΝΟΣ. ΕΦΕΣΙΩΝ. Hoc est: *Imperator Cæsar, C. Julius Verus Maximinus Metropolitæ, qui sunt in Jônia*. Et : *Imperator Julius Verus Maximinus Ephesiorum*. Referendi sunt hi numi ad C. JULIUM VERUM MAXIMUM (sic integer describitur in *Lapide V. p. 151. Operis Grut.*) qui post *Alexandrum Severum Augustus* dictus est.

„ Adeò faciles lapsus sunt, & eruditissimorum
 „ virorum, quoties integræ Principum descriptiones
 „ non succurrunt; ut mirari desinant, cur hujusque
 „ tam solliciti fuerimus in describendis nominibus.
 „ Dicam, quod res est, liberè : Nemo feliciter
 „ historiam unquam tractaverit, qui exa-
 „ ctam nominum cognitionem aspernatur;

sed

sed omnia turbabit, confundet, ac miscebit; nec quicquam aliud erit historia, nisi rude & indigestum chaos.

De natalibus *Flavii Valerii Severi* (ut in numis appellatur) nihil aliud reperio, nisi in *Illyrico* natum, popularem fuisse *C. Galerii Valerii Maximini*. Altero anno post adoptionem, hoc est, A. V. 1059. Fl. Valerio Constantino Augusto, Marco Aurelio Valerio Maximiano IX. Coss. contra *M. Aurelium Valerium Maxentium* (sic numi) profectus, viribus impar, fugere coactus, & Romæ interfectus est.

Ita scribit *Idatius*, & accedit *Sex. Aurel. Victor*: Romæ, inquit, ad tres tabernas extinguitur. De his tribus tabernis, multa *Scal. ad Euseb. n. 2324.* *Zosimus* ait: Severum blanditiis Maximiani Herculei Ravennâ Romam evocatum, in viâ ad tres tabernas, laqueo necatum esse. Igitur *Cluverium lib. III. Italia antiquæ c. 8. p. 1034*, sequimur, & per tres tabernas, non intelligimus cum *Valesio ad Anonymum*, illas, quæ fuerunt ad forum Appii, memoratæ in *Actis Apostolorum*, c. ult. §. 14. & 15. sed eas, quæ tribus millibus passuum ab *Interamnâ* fuerunt, eo loco, qui vulgò dicitur *Ponteconfino*. Hæc enim inter Romam & Ravennam sitæ sunt, ita dictæ à tribus cauponis, vel diversoriis publicis.

Fuit hic MAXENTIUS, contra quem Flavius Valerius Severus tam infelicem expeditionem suscepit, M. Aurelii Valerii Maximiani Herculei frater, ex Galerîâ Valeriâ Eutropiâ Syrà, ut præter *Victorem utrumque*, scribit *Zosimus & Eutropius*. Sed acce-

rīm famæ publicæ, quæ fuit (ut adjicit *alter Victor*)
 suppositum fuisse, arte muliebri. Idem lego in *Panegy-*
rico Constantino dicto: *Ille erat Maximiani suppositus, tu Constantii Pii filius.* Credidit idipsum Maxi-
 mianus senior: *Cur enim, si hunc sanguinem suum pu-*
tavit, in successione imperii prætulit Fl. Valerium
 Constantium Chlorum? sed quàm ipsi veteres hîc
 cæcutierint, docet numus *Lælii Pasqualini*, apud *Bar-*
onium in *A. C.* 306. n. 23. qui *generum* facit, non *filium*.
 Verba sunt alterius lateris: IMP. MAXENTIUS. DI-
 VO. MAXIMIANO. SOCERO. Cave enim, hîc
 intelligas C. GALERIUM VALERIUM MAXI-
 MIANUM, qui *nihil* omninò pertinuit ad *Maxen-*
tium; quod ex narratione *Zosimi* facilè colliges. Ac-
 cedit deniq; *Anonymus*, à *Valesio* publicatus, qui scri-
 bit, de *Maxentii* origine matrem *quæsitam*, respondisse,
Syro quodam genitum.

Porro *Maxentius* iste, à militibus Prætorianis
Imperator Augustus appellatus est a. d. 7. Cal. Octob.
 A. V. 1058. ut ex *Panegyricis* docet *Onuphrius*. Cæso
 Severo, C. *Galerius Valerius Maximianus* ejus mor-
 tem ulcisci cogitabat, sed frustra fuit; ut scribit *Zo-*
simus.

Ipse *Maxentius* filium suum M. AURELIUM
 ROMULUM, Cæsarem, & bis Coss. fecit, quem
 post obitum etiam consecravit; ut partim ex numis,
 partim ex *Idatio* constat. At C. GALERIUS
 VALERIUS MAXIMIANUS A. V. 1060. Se VII.
 Diocletiano X. Coss. altero anno post cæsū Seve-
 ram a. d. 3. Idus Novembr. PUBL. VALERIUM
 LIC-

LICINIANUM LICINIUM (ita nominat æreus, apud *Occon. p. 544.* alii *Caji* prænomen tribuunt, nescio quàm benè) *Carnuti in Pannonia* Cæsarem appellavit; Illyricoque præposuit. *Daciâ* oriundum scribit *Eutropius*. Ipse à *Philippis Imperatoribus* originem traxisse, videri volebat. *Capitolinus in Gordiano III. p. 165.* Vilioris originis ex *novâ Daciâ* hominem facit *Anonymus apud Valesium p. 473.*

Annum ut sciamus, debemus *Idatio*; at *Onn. phrius*, eumque secuti, *Cæsarem Augustum* appellatum dicunt, a. d. 11. Cal. Maj. A. V. 1062. sine auctoritate. *Baronius in A. C. 307. n. 1. 13. & 26.* eodem anno, Severum & Maximianum Herculeum occisos, & Licinium Cæsarem creatum vult, hoc est, A. V. 1059. quod ex hæcenus dictis apparet falsum. Nimirum Fl. Valerius Severus, fraude Maxentii occisus, A. V. 1059. M. Aurelio Valerio Maximiano IX. & Constantino Coss. Hoc unum verum dicit *Baronius*: Licinius Cæsar creatus A. V. 1060. Diocletiano X. Galerio Maximiano VII. Coss. Sed M. Aurelius Valerius Maximianus Hercules laqueo vitam finit *Marsiliæ*: A. V. 1062. hoc est, anno secundo post Consulatum Diocletiani decimum, & Galerii Maximiani septimum, Maxentio III. solo suffecto Cos.

Cognito *Licinium* Cæsarem appellatum esse, C. GALERIUS VALERIUS MAXIMINUS hucusque *Cæsar*, seipsum *Augustum* dixit. Ipse verò C. GALERIUS VALERIUS MAXIMINUS, contra *Maxentium*, Romam profectus, auditâ militum defectione, in *Illyricum* rediit. Ibi cum miser-

rimo morbo conflictatus est, ulcere inguinibus innato, consumptis genitalibus, & vermibus ubique erumpentibus Dignissimus hâc pœnâ, qui multa millia Christianorum immanibus suppliciis affecerat. Vide *Baron. in A. C. 311. n. 29. & 30. Scal. ad Euseb. n. 2326.* Morsejus incidit in A. V. 1063. Cùm ipse Consulatum octavum iniisset, eique suffecti essent Rufinus & Volusianus. Sic idem *Idatius.*

Sequente anno (qui Coss. ordinarios habuit Fl. Valerium Constantium II. Publ. Valerium Licinianum Licinium, & suffectum Maxentium IV. solum) *Fl. Valerius Constantinus* à Senatu vocatus in auxilium *M. Aurelium Valerium Maxentium*, qui Romanam libidinibus & tyrannide suâ graviter afflixerat (*Baron. in A. C. 308. n. 25. & in A. C. 312. n. 8.*) magno prælio devicit; & ipse Maxentius ruinâ pontis *Mulvii* præceps datus in profluentem, dignum facinoribus exitum. *Scal. ad Euseb. n. 2328. Baron. in A. C. 312. n. 38. & seqq. Onuphrius in A. V. 1064.* qui factum id edocet a. d. 8. Cal. Octobr.

Hinc Constantino *arcus triumphalis* erectus, cum inscriptione magnifica; de quâ præter *Baron. n. 60. Alexander Donatus lib. III. de Urbe Româ cap. 6.* Hæc, ut dixi, facta sunt A. V. 1064. Supererat crudellissimus Christiani nominis hostis, C. Galerius Valerius Maximinus: Sed & ipse fusus, fugatusq; à Licinio, *Tarsis* periit. A. V. 1065. Constantio III. & Licinio III. Coss. *Aurel. Victor, Euseb. n. 2327. Baron. in A. C. 314. n. 2. & seqq.* Atque ita de his Imperatoribus differendum est, ita nominandi, ita distinguendi.

Vete-

Veteres in nominibus *Maximiani* & *Maximini*, sæpè graviter cespitârunt, quod notavit *Scal. ad Euseb. n. 2326. 2327.*

Ecquod autem Publ. Valerii Liciniani Licinii fatum? nam & ipse Christianis infensissimus fuit: Augustus dictus, ut suspicatur *Valesius ad Anonym. p. 438.* paulò ante obitum C. Galerii Valerii Maximini, commissus est cum Constantino A. V. 1066. Volusiano & Anniano Coss. & prælium commissum a. d. 8. Idus Octobris, ut scribit *Idatius*. Cibalense bellum vocatur à Scriptoribus, à Cibalis, oppido Pannoniæ. *Scal. ad Euseb. n. 2329.* cum quo confer *Anonymum apud Valesium, p. 473.* qui refert, cecidisse illo prælio è *Licinii exercitu viginti peditum & equitum ferratorum millia; Licinium noctis auxilio profugisse in Daciam: Unde apud Hadrianopolim, Thraciæ civitatem, per Valentem collectâ ingenti multitudine, legatos ad Constantinum de pace misisse, tunc apud Philippos commorantem; sed frustra. Hinc reparato bello, manus confertas in campo Mardienti. Ibi inclinatâ Licinii acie rursus ereptos Licinianos, noctis beneficio: Paulò post fatigatis bello & itinere ipsius Constantini militibus, Mestrianum à Licinio legatum missum pacem & petuisse, & impetrâsse, his conditionibus, ut Licinius Orientem; Asiam, Thraciam, Mœsiam, Scythiam minorem possideret: Filii Constantini FL. JULIUS CRISPU, FL. CL. CONSTANTINUS, & VALERIUS LICINIANUS LICINIUS, Licinii filius, & Constantii Chlorig ex filia Flavia Valeria Constantia nepos Casares designarentur. Designatos esse*

Cal. Martiis A. V. 1069. Gallicano, & Basso Coss. auctor est *Idatius*. Meminit & *Eusebius* n. 2333. Eo die, quo facti sunt Cæsares, defectionem Solis factam legimus, apud *Aurel. Victorem*. An igitur in Cal. Martiū incidere, Astronomiæ peritis docendum relinquo.

Pergit Anonymus: *Multa posthac Licinium sceleratè, avarè, crudeliter fecisse; ruptaque pace, utriusq. exercitus, ad Hadrianopolim rursus bellum utrinque magnis viribus gestum. Insignem victoriam penes Constantinum fuisse.* Idatius eam refert in quintum Non. Jul. A. V. 1076. Crispo III. & Constantino III. Coss. à quo licet in die *Chronicon Alexandrinum* dissentiat, tamen *Idatii* narrationem confirmant l. 1. C. *Theod. de Veteranis*; & *Hervuartii Calend.* quod habet: V. Non. *Julias* fugato *Licinio* *Circenses missus XXIV.* Nec tūm bello finis, sed ut idem docet *Anonymus*, pugnatum terrā, marique; & mari quidem victum *Amandum*, *Licinii* ducem; ipsumque *Licinium*, spe maris obtinendi, abjectā, cum thesauris *Chalcedonem* profugisse. Prælium non procul *Chalcedone* commissum a. d. 14. Cal. Octobr. notavit *Idatius*. Adde *Zosimum* lib. II. paulò post, hoc est, a. d. 6. Idus Decembr.

Eodem Anno FL. JULIUS CONSTANTIUS à patre Constantino Cæsar appellatus est, ut est apud eundem *Idatium*. Atque ita tres *Constantini* filios Cæsares nunc habemus, *Crispum*, *Constantinum*, & *Constantium*. Denique prælio ad *Chrysopolin* feliciter depugnato, cum exercitus *Licinii* è *Gothorum* auxiliis potissimum constaret, *Constantinus* bellum

bellum confecit; quod factum arbitror A. V. 1077. Paulino & Juliano Coss. Nam hoc anno Licinium occisum tradit *Idatius*. *Onuphrius* Licinium A. V. 1076. vult deditum, sequente anno interfectum.

Quicquid sit, vitam ei *Constantia* uxor impetrarat à fratre Constantino, hac conditione, ut positâ purpurâ privatus viveret; sed cum secum Constantinus reputaret, quàm *Maximianus Hercules* non potuerit privatus vivere, simul cædem poscente per tumultum exercitu; tandem annuit, & Licinius *Thessalonica*, contra datam fidem, occisus est. Sic totius orbis Romani monarchia ad solum FL. VALERIUM CONSTANTINUM, Constantii Chloriglium, devenit.

Jam pauca quædam de aliorum dissensu: Primò Crispum, Constantinum, & Licinium, *Cæsares* appellatos, *Onuphrius* asserit A. V. 1066. Volusiano & Anniano Coss. cum appellati sint A. V. 1069. Galiano & Basso Coss. secundum *Idatium*: Secundò *Baron. in A. C. 317.* Alterum prælium Constantini cum Licinio ad *Hadrinopolim* depugnatum a. d. 5. Non. Jul. rejicit in A. 1069. ob subscriptionem *legis primæ*, *Codice Theodosiano de Veteranis*. *Idatium* non deserimus, propter subscriptionem istam, quam suspectam habuit *Valesius ad Anonymum de Constantio, p. 443.* Tot sunt mendæ in inscriptionibus, & subscriptionibus legum tum in *Digestis*, tum in *Codicibus*; ut in chronologiâ, nisi aliunde confirmetur, contra Scriptores veteres nihil inferant. Nisi tempus me deficeret, pluribus id explicarem è l. 2. c. *Theod.*

de

de raptu, vel matrimonio *sentlimonialium* virginum, è l. 8. Cod. eod. de jure fisci; è l. 32. Cod. eod. de appellationibus, è l. 15. Cod. eod. quorum appellationes non recipiantur. è l. 8. Cod. eod. de jurisdictione, è l. 28. Cod. eod. de annonâ & tributis, è l. 107. Cod. eod. de Centurioribus, & è quàm plurimis aliis.

Neque solum *Idatium* hîc propugnamus, sed *Victorem* & *Eusebium*; quorum sententia quæ sit, docet *Scaliger ad Euseb. n. 2340*. Uno verbo: Nulla alia, quàm quæ *Idatii* est. In *Besoldi Synopsi* majore tolle duo peccata typographi an auctoris? Primum legitur: *Constantino mortuo, Galerius Flavium, Valerium, Severum, & Maximinum adoptavit*. Corrige: *Constantio mortuo Galerium Fl. Valerium Severum & Maximinum est*. Non enim adoptavit quatuor, ut vult edita lectio; sed duos. Quamvis falsum sit, mortuo *Constantino* *Severum*, & *Maximinum* adoptatos. Nam adoptati paulò ante *Constantii* mortem; ut suprà diximus. Secundò ait: *Maximinus imperii collegam Licinium adsumpsit*. Legè *Maximianus*, & intellige *C. Valerium Galerium Maximianum*.

TYRANNI

SUB IMPERATORIBUS MODO RE-
CENSITIS.

ALEXANDER *Phryx* natione, senex, timidus, & tardus, *Propræfectus Prætorio*, per *Africam* à militibus, contra *Maxentium*, Imperator appellatus est, *Zosimus lib. II. p. 674. 675*. Cui in patriâ nominandâ *Sex. Aur. Victor* accedit. Sed *Victor* alter agrestibus & *Pannonicis* parentibus vecordiorē dicit.

dicit. Victus est à C. Cejonio Rufio Volufiano; illo ipso, qui *Inscr. V. p. 387.* Proconsul Africæ dicitur, & consulatum gessit, A. V. 1063. Sic *Victor Schotti.* At *Victor alter* jugulatum ait à Constantini exercitu. Numos ejus vide apud *Goltzium in Thes. c. 4. p. 125. & Occonem p. 528.*

C. JULIUS VALENS (ita vocatur in numo Græco) à Publ. Valerio Liciniano Licinio post *Cibalense prælium* Cæsar appellatus est: *Zosim. lib. II. p. 679. Valesii Anonymus p. 473.* Pace dein factâ inter Licinium & Constantinum, inter alias conditiones hæc fuit, ut *Valens* iterum *privatus* viveret. *Anonymus l. d.* Sed *Zosimus* ait, fuisse hanc, ut è medio tolleretur. Certè interfectus est ab ipso Licinio. *Sex. Aur. Victor.*

M. MARTINIANUS (ita describit numus apud *Occonem p. 539.*) à Licinio Cæsar appellatus, post infelix prælium, ad Hadrianopolim. *Anonymus, p. 475. & Victor Schotti.* Magistrum officiorum fuisse scribit *Zosimus lib. II. p. 683. & Sex. Aurel. Victor.* Occisus est, victo Licinio, Constantini jussu. *Iidem.* Meminit *Inscr. V. p. 283.* MARTINIANI. P. PRÆSIDIS PROV. NORICI. MEDITERR. qui per temporis rationem videri posset hic ipse.

BASSIANUS, qui *Anastasiam*, Constantii Chlorig filiam, in matrimonio habuit, huc referendus videtur, ex *Anonymo de Constantio, p. 473.*

CAPUT XV.

FLAVIUS VALERIUS CONSTANTINUS, cognomento MAGNUS.

Constantii Chlōri liberi. Helena ejusdem uxor, non concubina. Scaligeri mira oscitantia. Trebellii locus aliter explicandus, quàm Baronius putavit. Constantini vera patria. Firmici locus. Constantinus in Britannia imperium suscepit, & quo anno? Numus explicatus, qui Scaligero inexplicabilis visus. Constantinus, Cæsaris appellatione contentus, cum imperium haberet. Africa Constantii & Constantini fors. Crispi & Licinii junioris cades. Fausta interitus. Constantino-polis eximium Constantini opus, sed Romæ veteris ruina. Constantini bella externa, mors, & elogium ambiguum.

FLAVIUS VALERIUS CONSTANTIVS CHLORUS, uxores duas habuit, Flaviam Juliam Helenam, & Flaviam Maximianam Theodoram, Maximiani Herculei privignam. Ex hac Maximianâ sex fuerunt liberi: I. *Constantinus*, Cos. A. V. 1078. II. *Dalmatius Censor*, quibusdam & Hanniballianus, quod nomen ejusdem filius habuit. III. *Julius Constantius*. IV. *Anastasia*, Bassiani conjunx. V. *Flavia Valeria Constantia*, uxor Publii Valerii Liciniani Licinii. VI. *Eutropia*.

Ex *Helena* natus est ille FL. VALERIUS CONSTANTINUS, MAGNI cognomine vulgò notissimus. *Paulus Merula Cosmograph. part. II. lib. II.*

cap. 19. p. 637. describit M. AURELIUM VALE-
 RIUM FLAVIUM CONSTANTINUM MA-
 XIMUM; quomodo appellatum legere non memini.
 Matrem ejus *Helenam* saltē *concupinam* fuisse *Con-*
stantii Chlōri, adeoque *Constantinum* pro notho habē-
 dum voluerunt. *Euseb. n. 2322. Oros. lib. VII. cap. 25.*
Chronic. Alex. & Beda lib. I. Rerum Britannicarum.
c. 8. & Zosim. lib. II. Eutropius ait, ex obscuriore ma-
trimonio filium fuisse. Constantinus F. pro uxore
Constantii Chlōri legitimā haberi voluit Inscr. II. p.
1086: PISSIMÆ. ET. CLEMENTISSIMÆ. DO-
MINÆ. NOSTRÆ. AUGUSTÆ. HELENÆ.
MATRI. DOMINI. NOSTRI. VICTORIS.
SEMPER. AUGUSTI. CONSTANTINI. UXO-
RI. DIVI. CONSTANTII. Justam uxorem fuisse,
& postea repudiatam, multis contendit Baronius in
A. C. 306. n. 17. 18. cui omninō assentior. Auctor
Anonymus de Constantino: Relictā enim Helenā pri-
ore uxore, filiam Maximiani, duxit uxorem. Quasi
fornians nonnulla scribit Scaliger ad Euseb. n. 2322.
Helenam non posse priorem uxorem Constantii
Chlōri dici: Nam prior uxor erat, inquit, Minervia,
Mater Crispi Caesaris, quam dimittere coactus est; cū
Theodoram privignam Herculei duceret uxorem. Vi-
de, quā non parvæ sint hallucinationes maximorum
virorum? Quis Scaligerum docuit, Minerviam fuisse
Constantii Chlōri conjugem, Crispum ejusdem fili-
um? Minervia seu Minervina, Constantini Magni
uxor, seu concubina fuit; quæ illi peperit Flavium Ju-
lium Crispum. Res pueris nota: Sed tamen videri
 possunt

possunt *Victor*, & *Zosimus lib. II. p. 679.* qui concubinam fuisse credunt. Sed legitimam conjugem probare conatur *Baron. in A. C. 307. n. 7.*

Satis de parente, & matre: Si verò altius repetatur origo (inquit idem *Baron. in A. C. 308. n. 11.*) *Trebellius auctor est, eum à Vespasiano descendere.* Sed vir illustrissimus non intellexit *Trebellii verba*, quæ sunt: *Ille velut futurorum memor, gentes Flavias, Vespasiani & Titi (nolo autem dicere Domitiani) propagavit.* Hoc vult: Reliquisse multos, ex suâ domo, quibus delatum sit imperium, intuitu ipsius *Claudii*. Hi posteri plerique *Flavii* dicti, ut *Flavius Valerius Constantinus*, *Flavius Valerius Constantinus*, & multi alii: Hinc *Flavio*rum propagator. *Vespasiani* autem & *Titi* saltem meminit; non quòd ab illis descenderit, sed quòd ipse similis *Vespasiano* & *Tito*, non minùs illustrârit *Flavii* nomen, quàm illi. Vide *Salmâsium ad Trebellium; p. 326. 327.* Si verbum propagare hîc propriè accipere voles, ne *Constantios*, & *Constantinos* propagâsse dici potest: Non sunt ab illo oriundi, sed à fratre *Crispo*; quod suprà dixi. Nec obstat *Inscr. IV. p. 283.* in quâ FLAVIUS CONSTANTINUS dicitur D. CLAUDII N. D. CONSTANTII F. *Nepos* enim hîc admodum latè accipitur; pro fratris nepote, vel abnepote ex fratre. Hoc non observatum, erroris causam præbuit nonnullis; hinc enim est, quòd *Nicephorus* *Constantinum* ait *Claudii ex filio nepotem.* Nec minùs ruentes in errorem impulerunt *Panegyrici*, in quibus *D. Claudius*, *D. Constantii* parens. Vide præter cæteros *Eumenium panegyrico VIII. c. 2.*

Natale Constantini solum quod attinet, non minor de eo lis fuit, quàm olim de Homeri patriâ. *Baron. in A. C. 306. n. 16.* tantâ contentione affirmavit *Britanniam* esse, ut, non nisi extremæ dementiæ homines illi sententiæ repugnare, diceret. Sed tamen locum *Panegyrici V. c. 4.* quem præcipuè urget, jam pridem explicârunt *Livineus* in dictum *Panegyricum*, & *Lipsius lib. IV. de Magnit. Rom. c. 11.* Horum autem sententia fuit, natum esse *Tharsi*, quæ in *Bithynia* est; idque probare statuerunt è loco *Firmici*. Nos *Valesium ad Ammiani lib. XXI. p. 196.* sequimur, cujus sententiâ nihil verius. Fuit enim natus apud *Naisum*; *Dacia mediterraneæ oppidum*. Hoc dicit *Anonymus*, à nobis toties citatus; hoc *Stephanus in Νάϊσος*; hoc *Constantinus Porphyrogenetus, lib. II. ἐκ τῆς Θερματικῆς*, hoc ipse *Firmicus in MSS.* Nam in istis legitur, apud *Naisum* genitus, non apud *Tharsum*.

Mortuo Constantio patre, statim ab exercitu *Britannico* Imperator appellatus est; initiumque ejus, secundum *Idatium*, confurgit ex ante d. 8. Cal. Aug. A. V. 1058. Constantio Augusto VI. *Galerio Maximiano* Augusto VI. Coss. *Ensebius*, non sine magnâ tanti nominis injuriâ, imperium invasisse scribit n. 2322. Quem ob id è *Zosimo*, & *Aur. Victore* Scaliger castigat. Hinc verò explicandus modò laudatus *Panegyristes V. cap. 4: Liberavit pater Britannias servitute, tu etiam nobiles illic oriendo fecisti.* Oriendo id est, dùm illic Imperator factus es, non natus. Idem dicit, quod *Eumenius: O fortunata & nunc omnibus beator terris, Britannia! quæ Constantinum*

Cæsarem primâ vidisti, hoc est, non vitæ, sed imperii luce circumdatum.

Scaliger ad d. l. Eusebii lectori crucem figit, exhibitis numis illis: FL. VAL. CONSTANTINUS. NO. CÆS. Et: CONSERVATOR. AFRICÆ. SUÆ. Et: CONSERVATORES. CART. SUÆ. R. K. D. Hoc, inquit, mihi tenebricosius est Cimmericis tenebris: Nam historia nulla refert, aut eum Cæsarem à Galerio dictum, aut unquam in Africa fuisse.

„ Hæc Scaliger, qui jam senior satis habuit pergere
 „ in scribendis libris, veteres censere, probare, & re-
 „ jicere; & hujusmodi alia facere, solâ memoriâ fre-
 „ tus, non consultis diutius libris: *Omnis enim mora*
 „ *et ulterior inquisitio seni molesta est!* Hinc tenebris
 „ involvit multa, & sæpè plus negotii facit, quàm ipsi
 „ veteres. Hinc factum, ut ferè in omnibus paginis
 „ Eusebiani operis hallucinationes gravissimas de-
 „ prehenderint viri doctissimi. Scio, multis opi-
 „ nione suâ accuratissimis, & qui plus famæ literis a-
 „ micorum, carminibus, panegyricis, & consecratio-
 „ ni tribuunt, quàm veritati, gravem esse hanc judi-
 „ cii libertatem; sed nihil illos moramur, qui quod di-
 „ cimus, satis superque hætenus probavimus; nec
 „ minùs interim Scaligerorum merita & nomen su-
 „ spicientes, quàm ipsi.

Numos istos quod attinet, non dicunt, Constantinum à Galerio Cæsarem appellatum; *Cæsarem nobilissimum* dicunt, & rectè: Nam quamvis Constantinus, patre defuncto, imperium revera suscepit, tamen *Cæsaris* appellatione contentus, *Imperato-*
ris,

ris & Augusti nomen tum demum recepit, cum Flaviam Maximianam Faustam, Maximiani Herculei filiam, uxorem duceret. Auctor Panegyrici V. cap. 1. Maximiano & Constantino dicti: Mihi certum est, ea precipue isto sermone complecti, quæ sunt hujus latitiæ propria; quâ tibi Casari additum nomen imperii, & istarum cœlestium nuptiarum festa celebrantur. Et cap. 2: Tibi, Maximiane, per generum, juventa renovata est; & tibi, Constantine, per socerum nomen Imperatoris accrevit.

Sed quid ad Constantinum illo tempore *Africa*, in quam nunquam venit? Respondeo, qui paternum imperium accepit, is simul adeptus est *Africam*: Nam Constantius Chlorus pater, in divisione imperii, post abdicationem Diocletiani & Maximiani, *Gallias, Hispanias, Italiam & Africam* accepit; ut ex *Eutropio* suprâ docui: Hinc CONSTANTINI AFRICA, in numis. Insidiosè me hîc agere, dicet non nemo, qui apud eundem *Eutropium & Joh. Antiochenum* in *Exc. Peir. p. 837.* legerit: *Constantium paulo post Africam & Italiam Galerio Maximiano cessisse.* Hoc quidem dicit *Eutropius*, cumque, ut alibi, descripsit *Antiochenus*; sed parum probabile reddidit viris eruditissimis. Consulendus *Baronius Tom. II. Annal. in A. C. 306. n. 6. 7.* Occupârunt *Africam & Italiam* *Maxentius & Galerius* vi, non jure; & cum postea *Constantinus* *Italiam & Africam* *Maxentio* extorsisset, & eidem caput amputari jussisset; cum primis *Africæ* suæ gratum spectaculum præbere voluit, misso

in illam Tyranni capite. Vide *Nazarium Panegy.* VII. cap. 32.

Cæterorum res gestas Constantini contra Tyrannos jam suprâ executi sumus. Initia imperii non valdè commendant Scriptores: Et sanè in *filium Crispum*, quod admisit facinus, inexcusabile est, quem à *Faustâ novercâ delatum*, quasi ipsam de stupro sollicitasset, in fontem occidi iussit, A. V. 1078. Se VII. & Constantio F. Coss. Eodemque anno etiam *Valerium Licinianum Licinium Casarem*, sororis filium, è medio sustulit. Vide *Euseb. n. 2341. ibique Scal. Joh. Antiochen. in Exc. Peir. p. 839. ibique Valesium. Baronium in A. C. 324.* Sed cui ne accedas in chronologiâ; longè enim veriora hîc docet idem *Valesius ad Ammiani lib. XIV. p. 56.*

Sed non diu innocentis ultionem distulit DEUS, iustissimus scelerum vindex: Nam anno sequente *Fausta balneo calenti inclusa expiravit*; vel, ut alii volunt, *monti alligata, bestiisque lanianda, objecta est.* *Vales. l. d. & Petavius Ration. Temp. part. I. lib. VI. c. 1.* Sed triennio ferè post interemtum Crispum, *Eusebius* interfectam ait *Faustam*, *Scal. ad Euseb. n. 2344.*

Maximum posthæc opus suscepit, & perfecit, *extinctâ Constantinopoli*; quam ædificavit a. d. 5. Idus Maj. A. V. 1082. Gallicano & Symmacho Coss. ut nos docent *Idatius, Chronicon Alexandrinum, Euseb. n. 2346.* accedentibus ex accuratioribus Chronologis hodiernis *Scaligero, Petavio, Baronio in A. C. 330. n. 2.* At *Goltzius & Onuphrius* dedicatam putârunt anno scriûs, *Basso & Ablabio Coss.* De hâc urbe quæcunque

cunque dici possunt, compendium facere nos jubet opus *Petri Gyllii Albicensis de Constantinopoli*, Scaligero valdè commendatum. Ut habitaretur, insignibus privilegiis S. P. Q. Constantin. donatus est. Vide *Lazium lib. I. Reip. Rom. c. 1. Vales. ad Amm. lib. XXII. p. 224. Petavium ad Julian. Ep. XXXIV. p. 325. 326.*

Cessit eidem Ægyptus, tanquam *horreum Rome*, veteri relictâ Africâ. *Vales. p. 351.* Hinc infinita hominum multitudo cum nobilissimis viris in urbem novam concessit, & hoc ipsum incrementum, veterem urbem exitio dedit; cum præsertim Constantinopolim imperii sedem legissent Principes. Amabilis hic admodum *Besoldi & Baronii in A. C. 324. n. 1018.* candor est, qui edictum illud donationis Constantinianæ non verentur rejicere. Adde *Freherum, ad Lupoldum de Bebenburg. c. 13.* qui auctorem & architectum illius monumenti prodidit; ut hîc non sit opus, prolixam disputationem instituere contra Pontificios de hoc argumento. Dederunt manus veritati, & *vanissimi hominis character est, pugnare velle, cum adversarium non habeas.*

Hinc conversus ad bella externa Constantinus, multis præliis, ut inquit *Besoldus*, *Gothos* atque *Sarmatas*, *Thraciam* diripientes vicit. Pugna memorabilis incidit in d. 12. Cal. Maj. A. V. 1084. Pacatianî & Hilariani Consulatum; ut notavit *Idatius*, & *Euseb. Chronicon n. 2347.* ubi videndus *Scaliger*. Statimque subversa *Paganorum* templa, ut *Idem* notat ex *Theophane*. Meminit ejusdem rei *Anonym. Vales. p. 476.* Quinquennio ferè post, hoc est, a. d. 11. Calend. Jun.

A. V. 1089. Feliciano & Tiberiano Coss. in ipso apparatusu belli Persici vivendi finem fecit; ut partim ex *Idatio* constat, partim ex *Juliani Orat. IV. p. 32.* qui satis ridiculus in illis: *Cum Persa pacem, superstiti adhuc patre tuo, nescio quando violassent, ac perturbassent; ejus quidem ultionem effugerunt.* Quos perfidiæ accusat, eos convincere non potest: Verum causam non poterat aperire, nisi perpetuam infamiam, simul involve-
ret Constantinum. Hanc nos ex *Cedreno* novimus: *Metrodorus* quidam, Philosophus, peregrinandi studio ductus, ulteriorem Indiam penetravit, & cum ad *Brachmasas* venisset, tum ob frugalitatem & continentiam, tum ob saluberrimum molarum aquariorum, & balnearum inventum, cum illis communicatum, in adytum templorum introire permissus est. Ibi multos lapillos, unionesque clam surripuit, multas quoque ingentis pretii gemmas, à Rege Indorum accepit, *Constantino*, nomine ipsius, offerendas. Sed is Byzantium (Constantinopolim) reversus, offert quidem illas, sed suo, non Regis nomine. Et admiranti Principi, desiderium an dolorem? facit immani mendacio, plura se terrestri itinere amisisse dicens; sed à Persis cuncta esse direpta. *Constantinus* impotens animi, re non satis secum expensa, statim ad *Saporem Persarum Regem* dat asperiores literas, quibus lapides & cætera Regis Indorum munera ad se quam primum mitti flagitabat; sed *Sapor* acceptis literis, injuriam silentii contumeliâ vindicat, & respondet nihil. Hinc pax rupta, cum imperii Romani irreparabili damno. Nisi statim eo ipso anno à Persis obsessa, & *Mesopotamia* vastata

vastata est. *Euseb. n. 2354.* De hac obsidione vide *Vales. ad Ammian. lib. XX. p. 181.* & *Petavium in Juliani Orat. I. p. 251.*

Mortuum autem Constantinum, antequam trigessimum annum imperii compleret, vult *Scalig. ad Euseb. n. 2353.* aliud scilicet initium constituens, quem sequetur, quivolet. Nos à veteribus hic non recedimus. *Anonymus Valesii p. 476. Exc. Græca apud eundem Scal. p. 399. Eutrop. lib. X.* unum & triginta annos tribuit. *Euseb. n. 2332.* annos 30, menses 10. Cui respondet *Idatius in Chronico.* Nimirum, ut dixi, secundum *Idatium in Chronico* initium ejus confurgit ex ante d. 8. Cal. Aug. A. V. 1058. Hoc verum esse apparet ex *Tricennalibus*, quæ Romæ ritè celebratæ sunt a. d. 8. Cal. August. Constantino VII. & Constantio Cæsare Coss. hoc est, A. V. 1078. Tricennalia enim quæ rejicit *Idatius* in A. V. 1087. a. d. Cal. August. constat esse anticipata, & trigessimum ineuntem pro completo celebratum. Ab his tricennalibus cum ad exitum sint annus unus, & menses decem ferè; hinc error *Chronici Alexandrini, Eusebii lib. IV. de Vita Constantini cap. 53. Epiphani, Victoris, & Zonara* (quos *Baronius* citat in *A. C. 337. n. 2.*) manasse nobis videtur, quòd Constantino tribuunt annos XXX, I & menses X. putârunt enim triginta annos completos fuisse, cum *Tricennalia* celebrarentur. Quæ cum ita sint, non temerè recedamus ab initio, quod communi veterum consensu constitutum est; licet non eamus inficias, etiam aliud initium haberi posse tempus illud, quod nuptiis cum *Maximiana Fausta* celebratis, Imperatoris nomen Constantinus accepit.

AD.

ADDITAMENTUM.

Legitur in *Politiâ Sanctorum Metrophanis & Alexandri*, apud Photium, Cod. CCLVI. Constantinum à patre moribundo imperii successorem declaratum. Hoc Scaliger falsum esse pronunciat; imò, inquit, τελευτήσαντα non πατρὶωντα invenit patrem, „ suum. Invitus recedo toties à tanto viro, fidem te- „ stor! Sed tamen boni publici causâ omninò id fa- „ ciendum est. Audio enim hîc Salmasium: Quòma- „ jore nominis famâ suffarcinati sunt, qui curas suas „ publicant; eò majore cum pernicië reipubl. literaria „ peccavi, si quando ipsis, ut peccent, usu venerit. Qui „ itaque eorum errata ex facetæ & fucatæ orationis „ involucris (quibus teguntur) evoluta & eruta, luci „ dederit; an malè de literis merebitur? Profectò si „ quis me judice certet, vel optimè. Constantinum ad moribundum patrem, venisse dicit uterque Victor. Alter ait: Fortè iisdem diebus (quibus in Britanniam venit) Constantium patrem, vita ultima agebant. Alter: Iisdem diebus Constantii parentem fata ultima perurgebant. Non aliter explicare possum Zosimum. Quicquid autem scriptum est in illâ *Politiâ*, non tantum ad moribundum venisse, sed ab eodem successorem quoque declaratum esse, egregiè confirmat Julianus Orat. I. pag. 13: Igitur quemadmodum pater tuus [Constantinus Magnus] post parentis sui [Constantii Chlorig] obitum, non modò ipsius judicio, verum etiam exercituum omnium suffragio imperium sit adeptus; quid est, quod diligentius persequamur? Cum his ipsis conferendus Euseb. lib. I. de Vitâ Constantini, cap. 11. 12. & sequen-

sequentibus, apud Baron. in A. C. 306. n. 10. 11. 12. 13. & 14, quem qui legerit, Scaligeri confidentiam satis mirari non poterit.

CÆSARES

NOTISSIMI TEMPORIBUS CON-
STANTINI.

I. **F**L. JUL. CRISPUS [ita nōminatur in numis] Constantini Magni Prater ex Minerviâ, *Cæsar* appellatus est Calendis Martiis A. V. 1069. Gallicano & Bassq Coss. *Idatius in Fastis, Euseb. in Chronico*, Cæsarem factum indicat undecimo anno imperii Constantini, quod cum *Idatio* perpulchrè convenit. Sed *Baronius in A. C. 316. n. 3. Eusebium* oppugnat, quòd in eo legatur, octavo Constantini anno Crispum & Constantium creatos Cæsares. Ulsus est igitur editione corruptâ; quemadmodum etiam *Onuphrius*, qui Cæsarem facit Voluliano II. & Anniano Coss. hoc est, A. V. 1066. Interfectus est, ut ex eodem *Idatio* edocui, Constantino VII. & Constantio Cæsare Coss. hoc est, A. V. 1078. Consentit *Eusebius*, quem sequitur *Onuphrius*. At *Baronius* nimis impudenter invadit *Eusebium in A. C. 324. num. 1.* quasi falsò scripserit, necatum esse vicesimo anno imperii Constantini. Ipse initium ejus conjicit in Consulatum ipsius Crispi & Constantini junioris III, hoc est, in A. V. 1076. *Sublatus est autem veneno.* Vide *Scal. ad dictum Eusebii locum.*

II. VALERIUS LICINIANUS LICINIUS, P. Valerii Liciniani Licinii Imperatoris filius, eodem anno Cæsar factus & interfectus, quo Crispus. Matrem habuit *Flaviam Valeriam Constantiam* (ut describitur in *Goltzii* numo) sororem Constantini Magni. *Commode* indolis juvenem vocat *Eutropius*, quem locum vel *Joh. Antiochenus*, vel *Antiochenum* *Constantinus Porphyrogenneta* non intellexit. Legitur enim in *Excerpt. Peir.* p. 838: Κονσταντῖνος τῆς ἀδελφῆς τὴν ὑἱὸν Κομμοδῆς ἀφ' ὧν δόλω. Hoc est: *Constantinus sororis Commodæ filium per fraudem interfecit*. Putavit τὸ *commode* nomen proprium esse; eoq; posito, pro, *indolis* legit *dolo*. De causâ cædis videndus *Baron. in A. C. 324. n. 3.*

III. FL. CLAUDIUS CONSTANTINUS JUNIOR, Constantini Magni ex Faustâ Maximianâ filius. Errat *Zosim. lib. II. p. 691.* qui ait, Constantinum, Constantium, & Constantem natos esse non ex Faustâ Maximiani Herculei filiâ, sed ex aliâ; quam insimulatam adulterii morte affecit. Vide *Petav. in Orat. I. Juliani p. 244.* Natus est *Arelatæ*, ut scribit *Zosimus*; & factus Cæsar adhuc *infantulus* unâ cum Crispo & Licinio, *Zosim. p. 659.* [ubi tamen corruptè Κονσταντῖνος dicitur, pro Κονσταντῖνος] *Anrelus Victor, Idatius & Eusebius.*

IV. FLAVIUS JULIUS CONSTANTIUS, Constantini M. ex Faustâ filius, natus in *Illyrico*, ut scribit *Julianus in Orat. I. p. 9.* Cæsar appellatur ante diem 5. Idus Novembr. A. V. 1016. Crispo & Constantino juniore III. Coss. ut scribit *Idatius.*
Adde

Adde *Eusebium* n. 2339. Scaliger XX. anno imperii Constantini vult Cæsarem factum; cui propter *Idatium* non accedimus.

V. FL. JULIUS CONSTANS Constantini M. ex Faultâ filius, Cæsar appellatus est a. d. 8. Calend. Jan. A. V. 1085. Delmatio & Xenophilo Coss. juxta *Idatium*. Grave peccatum est in *Eusebio* n. 2349. ubi legitur: *Constantinus F. Constantini provehiatur ad regnum*. Neque enim, si de Constantio locum ita capere velimus, uti verba volunt, Imperatorem factum hoc numero, vivo adhuc patre, id ullo modo probari potest. *Constantem* Cæsarem factum circa hæc tempora reperit: Sed cum corruptus esset auctor, quem legebat; hinc error ille manavit, de *Constantio* Imperatore. *Onuphrius* lapsus odoratus est, sed annum tamen, quo Constans Cæsar factus, non invenit: Supplicatus est de A. V. 1086. Optato & Paulino Coss.

VI. FL. DELMATIUS, Delmatii Censoris, sive Hannibaliani filius, Constantii Chlorig & Flaviæ Maximianæ Theodoræ nepos, Cæsar appellatus est a. d. 14. Cal. Octobr. 1087. Constantio & Albino Coss. ut scribit *Idatius*. *Baronius* in A. C. 336. n. 25. nimis infelicitè & inconstanter differit de hoc ipso: Primùm dubitabat, num Cæsar unquam appellatus fuerit? Hoc non solum dicit *Idatius*, sed & *Victor*, & *Eutropius*, & *Ansonius de Professoribus Burdegalensibus*, *carm.* 18. de *Exuperio*; & *Anonymus Valesii* p. 476. & *Auctor Chronici Alexandrini*; & ipsi numi, in quibus legitur, FL. DELMATIUS. NOB. CÆS. Laudat *Occo* & *Pignorius* *epistolicarum symbolarum* 37.

Sensit

Sensit *Baronius* se multitudine premi, & mox aliud comminiscitur, in *Rescriptum Constantini*, quo Delmatio Censori demandata est, accusationum cognitio in S. Athanasium objectarum, irrepsisse mendum; & loco *Cæsaris Censorem* inscriptum legi. Sed fallitur: Rescripsit Princeps Delmatio Censori, Delmatii Cæsaris patri. Quomodo Delmatio Cæsari potuit, qui tempore illo nondum Cæsaream dignitatem acceperat? Cùm enim Athanasius cum Eusebianorum calumniis conflictaretur, nondum Synodus habita fuit in urbe Tyro: At Synodum habitam hoc ipso anno, quo Consulatum inierunt Constantius & Albinus, & Delmatius Cæsar appellatus; inter omnes constat. Deinde quid Delmatium Censorium abominatur, tanquam indictum aliis? Auctor Chronici Alexandrini: *Delmatium fratris sui, Delmatii Censoris, filium Cæsarem creavit.* Sed & ipse Athanasius Censorem vocat in *Apologiâ ad Constantinum*. Adeundus *Vales.* ad *Ammianum*, p. 2.

R E X.

Q UODAM tempore, quo Delmatius Cæsar dictus est, fratrem ejus FL. CLAUDIUM HANNIBALIANUM Ponti, Cappadociæ, & Armenia minoris Regem Constantinus fecit. Auctor Chronici Alexandrini. *Anonymus Valesii.* Nummus *Sirmondi* apud eundem.

TYRAN-

TYRANNUS.

CALOCÆRUS anno ante mortem Constanti-
ni res novas in *Cypro* molitus, & statim oppres-
sus est, *Eusebius n. 2351.* Vide ibidem *Scali-*
gerum.

CONSTANTINUS, CONSTAN-
TIUS, ET CONSTANS IMPPP.

Imperii divisio inter filios Constantini M. Con-
stantini junioris interitus, diverso affectu
narratus. Besoldi error in tempore, quo
Constans casus. Tyranni & Cæsares, qui sub
Constantio fuerunt, eorumq; exitus.

MOrtuo Constantino M. tres ejus filii *Augusti*
appellati sunt, anno dicto 5. Idus Septembr.
Feliciano & Titiano Coss. ut ait *Idatius.* Inter
hos imperium ita divisum est, ut CONSTANTI-
NUS omnia *trans Alpes* obtineret; CONSTAN-
TIUS à freto Propontidis *Asiam atque Orientem;*
CONSTANS *Illyricum, Italiam, Africam, Dalma-*
tiam, Thraciam, Macedoniam & Achajam; ut scri-
bit *Victor.* Sed Thraciam Constantio tribuit *Zonaras.*
Statim autem sublati sunt *Fl. Delmatius, & Claudius*
Hannibalianus, Delmatii frater. *Zosim. lib. II. Eu-*
trop. lib. XII. Euseb. n. 2354. Necatus est etiam *Opta-*
tus Patricius. *Zosimus dicto libro;* ut & *Ablabius,*
quem *Eunapius* in *Ædesio* relictum à Constantino
consortem filiis suis, & jussu Constantii *frustulatum*
concisum,

concisum, auctor est. Vide plura apud *Baronium in A. C. 337. n. 60.* Item apud *Scaligerum ad dictum numerum Eusebii.*

Sublatis æmulis & inimicis, *Constantinus* de divisione imperii velut iniqua conquestus, missis ad *Constantem* legatis petiit, ut aut parte aliquâ imperii sibi cederet, *Africâ* scilicet aut *Italiâ*; vel sanè ut divisio nova institueretur. Ipse etiam cum maximo conitatu *Italiam* petiit, de eâ re cum fratre coràm acturus: Sed *Constans*, pessimorum hominum consilio, qui ipsum ad bellum concitabant, militares copias adversus *Constantinum* misit; à quibus *Constantinus* interceptus, & cæsus est; ut è *Zonara*, *Cedreno*, *Victore* & auctore *Monodie in Constantini junioris obitum* refert *Valesius ad Ammian. lib. XXI. p. 193. 194.* Sed ex *Orosio* & *Socrate* *Constantini* causam valdè premit *Besoldus*, quod ipsum ante illum fecit *Baronius in A. C. 341. n. 43.* Incidit autem hæc cædes in *A. V. 1092.* *Acyndini* & *Proculi* Consulatum; quod *Socrates*, *Idatius* & *Eusebius* consensu tradunt.

Sic *Gallias* adeptus *Constans*, cum *Francis* bellum gessit: Victi tamen ad ultimum pacem petere coacti sunt, *Constantio III.* & *Constante II.* Coss. hoc est, *A. V. 1094.* teste *Idatio.* Adde *Scaligerum ad Eusebium n. 2357.* Exinde in *Britanniam* insulam trajecit, ut barbaros coërceret, qui insulam infestabant. *Vales. ad Ammian. lib. XX. p. 174.* *Besoldus* noster *Constantem* non multum ultra biennium *Constantino* fratri supervixisse asserit; quod quis illum docuerit, me quidem latet. Occisum perfidiâ *Magnentii*,

gnentii, Sergio & Nigriniano Coss. hoc est, A. V. 1102. integro decennio post fratris mortem scribunt *Idatius*, *Eusebius*, *Socrates*. E recentioribus consulendi *Baronius* in *A. C.* 350. n. 1. *Scal.* ad *Euseb.* n. 2366. *Vales.* ad *Amm.* lib. XV. p. 80.

Turbat *Julianus Orat.* l. p. 47. Constantem interfectum sexto circiter anno post prælium nocturnum ad *Singara*; cujus [ut id obiter addam] inter Persas & Constantium depugnati tam ambiguus eventus fuit, ut tam Persæ, quàm Romani se pro victoribus ferrent. Pugna illa commissa Philippo & Sallea Coss. A. V. 1099, ut est apud *Idatium* in *Fastis*. Sed assentior *Valesio* ad *Ammian.* lib. XVIII. p. 156. qui pro ἐκτον legit ἄριστον apud *Julianum*.

Sic verò imperium invasit MAGNENTIUS, Augustusq; appellatus est, anno dicto 15. Calend. Febr. ut scribit *Idatius*, anno, quo Constans interiit. Vix igitur habet locum, quòd ait *Baronius*, mense Martio sublatum Constantem. Idem *Magnentius* fratres suos DECENTIUM & DESIDERIUM Cæsares fecit. Meminerunt numi apud *Occonem* & *Baronium* in dicto anno.

Eodem anno Calendis Majis, ut scribit *Idatius*, apud *Sirmium*, Augustum se dixit VETRANIO; FLAVIUS VETRANIO dicitur numis: Sed Veteranionis nomen rectius esse, pertendit *Vales.* ad *Amm.* lib. XV. p. 61. 62. & ad *Excerpta Peir.* p. 119. Athanasio corruptius dicitur Βεττανίωv, ut notat *Scal.* ad *Eus.* n. 2366. Fuit *Vetranio* grandævus jam vir, probus, & moris antiqui, & ob id cunctis amabilis. Ad-
eundus

eundem *Johannes Antiochenus in Excerptis Peir.*
pag. 841.

Eodem anno a. d. 3. Non. Jun. Imperator Romæ creatus est NEPOTIANUS, ut est apud eundem *Idatium*. FLAVIUM POPILIUM NEPOTIANUM describunt numismata. Fuit *Constantii Chlorig* ex *Eutropiâ* filia nepos; & hinc dignior sibi videbatur *Magnentio*. Multos è *Magnentianis* occidit, cum ipso Præfecto urbis *Cælio Probino*, *Petronii Probiani* filio, & *Sexti Petronii Probi* patre: Domus, fora, viæ templaq; cadaveribus complebantur. Sed mox missi à *Magnentio* duces, *Heraclidâ* Senatorem prodente, factionem ejus oppræsserunt: Caput cæsi pilo per urbem circumlatum est. *Eusebius* dicto numero: Hinc gravissimæ proscriptiones & cædes subsecutæ: Nam & *Eutropia*, *Nepotiani* mater, & *Sperantius*, & *Abuterius*, aliiq; plures capite pœnas dederunt; ut scribit *Athanasius in epistolâ apologeticâ ad Constantium*.

Sequente anno a. d. 4. Cal. Octobr. ad *Mursam Pannoniæ* gravi prælio victus est *Magnentius*, ut habet idem *Idatius*. Hoc bello *Constantius* exitiosum planè consilium reipublicæ arripuit, scribens ad *Germanos*, ut Romanum limitem irrumperent: Sic enim sperabat *Magnentii* vires distrahere se posse. Non erant invitandi, qui ad hos ludos ultrò venire solebant. Irruptione factâ, quadraginta urbes Romanas ad *Rhenum* sitas concremârunt; ut est apud *Zosim. Socrat. Sozomenum, Libanium in Oratione funebri*. Meminit ejus vastationis *Julianus in epistolâ ad Athenienses*.

Sed

Sed nec prælium ad *Mursam* bellum sustulerat, nam Magnentius reliquias attriti exercitus in *Italiam* reduxit; ibi alienatos omnium animos expertus, desperatis rebus suis superavit *Alpes*; & cum in *Galliam* pervenisset, prælio iterum commisso ad *Μιλῆτος Ἰδίου*, ut *Socrates*, sive ad *Μονήσιελδίου*, ut *Sozomenus*, sive ad *Μερόσιελδίου*, ut *Chronicum Alexandrinum* vocat; & re infelicitè gestâ *Lugdunum* se recepit, ac matre & charis suis interfectis, postremè sibi manus intulit, a. d. 3. Idus August. Constantio VI. & Gallo II. Coss. hoc est, A. V. 1105. *Decentius* autem, frater Magnentii, laqueo gulam fregit eodem anno, a. d. 15. Cal. Sept. ut notavit *Idatius*. Hoc bello ingentes imperii Romani vires consumptæ sunt, universis aliis quin exterorum bellis pares; ut *Entropius* & *Victor* conqueruntur.

Et hæc totius hujus belli verissima narratio est. At *Baronius* miserè labitur in A. C. 353, qui prælium ad *Mursam Pannoniæ* commissum statuit, Constantio VI. Gallo II. Coss. ultimum scilicet confundens cum priore. Ibidem anxie quærit, quo tempore crucis signum conspectum sit in cælo? putat iisdem Consulibus. Nos & annum verum & diem ex *Idatio* discimus: Post Consulatum *Sergii* & *Nigriniani* [hoc est A. C. 1103.] apparuit in Oriente signum Salvatoris die 3. Cal. Febr. *Cyrillus* tamen aliter, qui visum ait super montem *Golgatham*, & usque ad montem *Olivarum* extensum, sanctis diebus sanctæ *Pentecostes*.

Nunc de *Vétranionis* fortunâ. Victo ad *Mur-*

Ee

sam

Sam Magnentio, non diu pòst, hoc est, a. d. 8. Cal. Jan. eodem anno 1103. Constantius Vetraniõnem regium habitum exuere jussit; ut *Idatius* auctor est. Factum id apud *Naissum* vult *Eusebius* n. 2366. Meminit ejusdem abdicationis *Themisti* Orat. XIV.

Cùm autem Constantius secum expenderet pericula imperii Romani, de *Cesare* creando consilium cœpit. Atque ita hoc ipso anno, ut notat *Idatius*, Idibus Martiis FL. CONSTANTIIUM GALLUM, Julii Constantii Consulis A. V. 1097. & Gallæ filium, Constantii Chlorig nepotem *Cesarem* dixit, testibus *Idatio* & *Chronico Alexandrino*. Sed is quadriennio ferè pòst, Constantio VII, se III. Coss. hoc est, A. V. 1106. in *Istria* propè oppidum *Polam*, capite punitus est; ut vult *Ammianus* lib. XIV. p. 29. juxta *Flanonam* insulam, ut alii; vide *Scal. ad Euseb. num.* 2370. *Lindenbrogium* & *Valesium* ad dictum locum *Ammiani*.

Si *Ammiano*, *Eutropio*, *Aurelio Victori*, *Socrati*, *Cyro monacho* credimus, homo crudelis, vecors, perfidus, & rebellis fuit. Sed *Julianus*, Galli frater, omnibus modis hanc infamiam imminuere fatagit, & culpam in ipsum Constantium derivat: Si quid in ejus indole, inquit, ac moribus agreste inerat, atq; asperum; id ex montana illa educatione ac rustica coaluerat. Quamobrem ejus immanitatis culpam omnem mihi meritò sustinere videtur, qui ad eam nos educationem per vim & tyrannicè damnatos esse voluit.

Altero anno post interfectum Gallum, hoc est, Arbatione & Lolliano Coss. A. V. 1107. FL. SILVANUS

NUS à Constantio defecit, seque Imperatorem dixit.
 Numus apud *Goltzium*: D. N. FL. SILVANUS P.
 F. AUG. Fuit *Boniti* Franci filius. *Ammianus Mar-*
cellinus lib. XV. p. 44. Sed non diu post missus *Urfi-*
cinus Silvanum, corruptis pecuniâ ipsius militibus,
 interemit. *Zonaras dicto loco.* Eodem anno 1107.
 FL. CLAUDIUS JULIANUS, Galli Cæsaris fra-
 ter, filius Julii Constantii, sed ex *Basilina* natus [easilia
 fuit *Juliani* Præfecti prætorio, & *Juliani* Præfecti
 Ægypti & Comitæ Orientis soror] diu suspectus Con-
 stantio, qui præter fratrem, ejusdem patrum & sex
 consobrinos sustulerat; tandem ab eodem, precibus
Eusebiæ Augustæ permoto, Cæsar appellatur a. d. 8.
 Idus Nov. ut scribunt *Idatius in Fastis*, & *Socrates lib.*
II. c. 27. Malè igitur in *Chronico Alexandrino* legitur
 a. d. 8. Idus Octobr.

Missus à Constantio in *Gallias*, cum *Germanis*,
 qui *Galliæ* magnam partem occupaverant, bellum ge-
 rit; *Agrippinam* & alias urbes XL. recipit; *Gallias* re-
 facit, & ter *Rhenum* trajicit. Lege ipsum in epistola
ad S. P. Q. Atheniensem scripta. Cum primis victo-
 riâ illustrissima fuit, quam reportavit ad *Argentora-*
tum. *Zosimus* non dubitat æquare illi, quam de *Dario*
Alexander Magnus obtinuit; aitq; cæsa esse sexaginta
 millia *Alamannorum*: Sed *Ammianus* clementior;
 non nisi 6000. stragem edere voluit; totidem ta-
 men & vi fluminis absorpta, adjicit. Imò ante pu-
 gnâ non nisi 35000. *Germanorum* numerata sunt,
 ut idem *Ammianus* testatur; vel non nisi 30000, ut
Libanius; qui tamen Orator est. Contigit hæc *Ala-*

mannorum clades Constantio IX, & Juliano II. Coss. hoc est, A. V. 1109, A. C. 357.

Sequente anno, Datiano & Cæseale Coss. Constantius ob devictos *Sarmatas* Sarmaticus appellatus est. Vide *Ammianum lib. XVII. & ibid. Valesium p. 148.* Imò & de Sarmatis triumphum egit, quem iridet *Julianus in epistolâ ad Athenienses p. 513.*

Non admodum diu post hæc tempora Julianus ab exercitu Imperator appellatus; & bellum civile novum ob id exortum fuisset, nisi Constantius *Mopsucrenis* inter Ciliciam & Cappadociam fato cõcessisset. *Idatius*, cum quo faciunt *Socrates, Cedrenus & Chronicon Alexandrinum*, mortuum scribunt a. d. 3. Non. Nov. Tauro & Florentio Coss. hoc est, A. V. 1113. Quot annos regnârit, exactè discutit *Valesius ad Ammian. lib. XXI. p. 202.*

JULIANUS.

Christianorum *quorundam perversus affectus* in Julianum. *Hujus laudabilia quædam, & contra, temeritas, levitas, diritas in Christianos. Impius conatus in instaurando templo Hierosolymitano. Ingratitudo in Constantium. Vecors ambitio & infelix exitus.*

ITa Julianus rerum solus potitus est. Hunc virum quidam nostro seculo docti viri, non sine vituperatione sanctissimorum Patrum, ac Christiani nominis injuriâ, magnis laudibus extulerunt; sed iis rectè obviam

obviam iit *Petavius in præfatione in Opera Juliani*. Quis enim sine stomacho audiat, veteres in Ecclesia Dei claros atque illustres Principes, magnos sanè & pænè in cælo positos, quòd illis infensi sunt, trahere ad inferos; & rursus alios, qui vix mediocres sint, suspicere, & lapidem è sepulchro venerari pro Deo? Julianum esse, quem naturâ omnibus ornatum rebus excellere voluerit; Julianum majoris & altioris spiritus virum, quàm ut cum cæterâ Imperatorum plebe cogit in ordinem posset; Julianum, quem non vitæ, sed gloriæ spatio metiri deceat; non civibus tantum, sed omnium mortalium seculis venerandum. Pudeat Christianum hominem tam bruti affectus! Multa Gentiles de hoc mentiuntur, ut *Zosimus supra*; & nos illis tam inconsideratè accedimus? majorem fidem adhibebo uni *Nazianzeno*, uni *Cyrillo*; quàm mille *Zosimis*, *Libaniis*, *Eunapiis* & *Eutropiis*.

Hanc illi non detrahemus laudem, fuisse magno & capaci disciplinarum omnium ingenio præditum, quod elegantissima ejus monumenta hodieq; testantur. Juris quoque Romani cognitionem in eo non vulgarem fuisse, declarant Rescripta in libris Juris. Sed nec illud parùm æstimabo, quòd in victu, somno & Venere fuerit temperatissimus: Militaris prudentiæ laudem ambiguum faciunt non pauca temerè facta. Vide *Ammianum lib. XXI. p. 267*. Sed maximè *lib. XXIV. p. 281*. ubi temerario admodum consilio naves exustas refert, omnium ferè malorum, quæ secuta sunt, causam.

Et hac in parte sit verè magnus, tamen apostasias

Ee iij

crimen

crimen nobis eum exosissimum reddit meritò. Pleni contumeliis, in Salvatorem, in Christianos libri ejus. Ait *Gregorius Nazianzenus*, se, cum *Athenis* adolescentem vidisset, observâsse *mirabilem ingenii inconstantiam*, oculis fuisse errantibus & circumductis, pedibus instabilibus, risus immoderati, percontationes & responsiones ineptas nec constantes. Quàm nullam injuriam fecerit, *Ammianus*, licet paganus & multus in *Juliani* laudibus, satis ostendit lib. XXV. p. 294. describens hominem *levis ingenii, linguae fusioris, & admodum raro silentis*. Addit *praesagiorum* sciscitationi nimium deditum, *superstitiosum magis, quam sacrorum legitimum observatorem*; inclementem denique in Christianos, ni transissent ad numinum cultum. Quàm verè locutus sit hic Scriptor, ipsius *Juliani* epistolae testantur, in quibus duo Edicta, quorum alterum scholis interdicat, alterum bonis & fortunis. In eo simul *improbissimè cavillatus*, se id agere, quò facilius in regnum caelorum veniant. Non tantum crudelitas est ferire gladio, sed etiam vexare acerbissimis Edictis, & rapinâ facultatum.

Idem *Ammianus* refert & damnat, quòd templum *Hierosolymitanum* immodicis sumptibus instaurare conatus sit; & confirmat illud ipsum, quod nisi Pagani dicerent, fortassè non crederent *Julianolatra* nostri: *Metuendos flammarum globos, propè fundamenta crebris assultibus erumpentes, fecisse locum, exustis aliquoties operantibus, inaccessum*. Vide illum lib. XXIII. in princ. & quos ibi citant *Valesius* & *Lindenbergius*. Miraberis eandem cladem consiteri potuisse
Julia-

Julianum in fragmento epistolæ, & nihilominus voluisse καὶ τῶν ἡλίων λακνίζειν; sive, ut ipse Salvator noster loquitur, *Adl. IX. §. 5. πρὸς κέντρα λακνίζειν*, id est, *adversus clavos calcitrare.*

Quid dicam de immani *perfidia* crimine, quo *Constantium*, auctorem dignitatis suæ, ac *patruelem*, imperio exutum ivit? quid de *stultitiâ*, quam refert *Socrates*; *Pythagoreâ* quadam μεμπύχῳσθ persuasum, *Alexandrum* sese credidisse? Cùm *similem victoriam de Persis speraret*, bellum suscepit; sed merè & cum totius imperii Romani detrimento, suoq; proprio exitio a. d. 6. Cal. Jul. Se IV. & Sallustio Coss. hoc est, A. V. 1115. in prælio vulneratus ab incerto periit.

Subitam *equestrem hastam*, cute brachii ejus præstrictâ, & costis perfossis, hæsisse in imâ jecoris fibrâ, scribit *Ammianus lib. XXV. p. 289. Eutropius* (qui expeditioni interfuit) & *Ruffus cum Victore*, ab hostium equite, & quidem fugiente, conto percussum esse memorat. Alii aliter. Vide *Photium in Excerptis Athanasii*, & recentioribus *Baronium in A.C. 363. num. 54. 55.*

JOVIANUS.

Jovianus adversus calumnias veterum & recentiorum defenditur. In Iulianum culpa cladium derivatur. Necessitatis patrocinium. A Casaubono dissensus. Jovianus vir fortis. Ejusdem mors.

Ecclij

Cum

Cum igitur Julianus dignum apostasiâ, magiâ, levitate & ambitione exitum invenisset, FL. JOVIANUS (*Domesticorum Comes*, ut prodit *Zosimus*; Varroniani Comititis filius, ut scribunt *Ammianus* & *Zonaras*) a. d. 5. Cal. Jul. A. V. 1135. Imperator salutatus est.

Cum exercitus Romanus eò Juliani temeritate deductus esset, ut interclusus à *Persis* internecione deleri posset; optimus & christianissimus iste Princeps coactus est, lugubres pro fœdere ineundo conditiones oblatas ab hoste suscipere. Nam *quinque Transstigridanas regiones cum castellis XV. & Nisibi & Singarâ & castris Maurorum* in Persarum transire jura permisit. *Necessariam pacem* vocat *Entropius*; qui interfuit. Idem scribit *Eusebius* n. 2380. Idem *Greg. Nazianzenus* *Orat. II. in Julian.* Idem *Chrysostomus* *adversus Gentiles*. Pericula totius exercitus agnovit ipse *Zosimus* lib. III. pag. 730: *Imminuisse Persas cum magnâ hominum multitudine, quâ eundum esset: Nullo non in periculo Romanos versatos, nec à malis circumstantibus tantum, sed etiam commensus inopiâ pressos.*

Quænam igitur ista, malum! libido est, incensendi sanctissimum Principem, ob Juliani temeritatem? En *Leunclavii* judicium in apologia pro *Zosimo*: *Quicquid vel terroris illatum, vel acceptum damni, Joviano successor debetur, nostræ religionis homini; qui perpetuâ cum Romani nominis ignominia, propè supplex jam hosti victo factus est; & quos ultra pacem poscentes finium suorum parte multatos oportuit, cessione complurium provinciarum pacavit. Hæc ille.*
Cui

Cui adde ignominiosissimam narrationem *Job. Antiocheni in Exc. Peir. p. 845.*

Quamvis omnia danda sint religioni, tamen cederem his judiciis, si ex ipsis Gentilibus de solido fundamento illorum nobis constaret. Nonne enim Julianus temeritate suâ res Romanas afflixit, navibus incensis? lege *Ammianum lib. XXIV. sub finem.* Nonne jam omnia deplorata, cum Jovianus crearetur Princeps? hostes ex omni latere circumfusus ait *Ammianus lib. XXIV. p. 295.*

Quod si etiam necessaria pax fuit, ut ait *Eutropius*; quàm pulchrum facinus est, Christianum Principem contumeliis afficere, qui necessitati cedit; & à culpâ liberaret paganus, qui eò necessitatis & Jovianum & omnes copias deduxit? Ἀνάγκη καὶ Θεῶν λέγεται κρείττων ὑπάρχειν. Hoc est: Deos ipsos necessitati cedere ajunt, ut est apud *Nicol. Damascenum in Exc. Peir. p. 434.* Suetonii Paulini magni ducis factum commendat *Tacitus lib. XIV. Ann. c. 33.* quòd oppidi cujusdam damno servare universa voluerit; neque fletu aut lachrymis, adjicit ibidem, auxilium ejus orantium flexus est; quin daret protectionis signum.

Hic omnes Tragicorum figuras advocant in describenda deditiois *Nisibis* & exilio civium, ut Joviani fama quàm maximè deprimatur. An tot millia fame & ferro perire sineret? quid ergò commendamus dictum illud Luculli: *Præstare unum civem ex hostium manibus eripere, quàm universas hostium copias delere?* quod postea symboli loco usurpavit *Antoninus Pius.* Quid? si exercitus hic deletus foret,

de possessione provinciarum Transtigridanarum non fuisset actum? sed ignominiosa pax fuit! non dubito; nec effugium illud admittam, quod *Casaubonus* ad *Spartianum* quæsit in exemplo *Hadriani*; qui omnia trans *Euphratem* ac *Tigrim* *Parthis* reliquit: Et *Dio- cletiani*, cum imperii fines à meridie supra *Aegyptum* arctaret. Audiamus enim *Valesium* ad *Ammianum* lib. XXV. p. 309. Illorum & *Joviani* longè dissimilem fuisse causam: Illi enim ultrò, non victi, sed quia provincias sine magno sumptu & incommodo tueri non poterant, citra fœdus ullum dimiserunt: At *Jovianus* ignominiosâ pactione, quasi victus, redemptionis loco provincias pop. Romani Persis tradidit. Ignominiosa dico: Sed nonne alia quoque ignominiosa necessitas fecit excusabilia? Vide *Valer.* lib. VII. c. 6. *Gruterum* notis ad *Livii* lib. XXXIX. c. 35.

Sed hîc rursus urgent ignaviam, torporem & imperitiam *Joviani*: Miror, Romanos exercitus, cum in summis angustiis constituti, Imperatorem circumspicerent dignum, qui *Juliano* succederet, qui rebus deploratis virtute confuleret; in sententias illorum concedere potuisse, qui *Jovianum* Principem vellent! sed imperitum & ignavum faciunt gentiles, & gentili-um compilor *Joh. Antiochenus*. Æquum est, ut gentiles audiamus contra Christianum: Hostis contra hostem idoneus testis est, scilicet. Nos iterum *Gregorio Nazianzeno* credimus, cujus in suprâ citato loco verba sunt: In *Joviano* magnitudo animi & alacritas desiderari non potuit; sed milites manibus & animis & spe fracti, debilitatiq; fame, nec manus conserere poterant,

rant, nec progredi. Quòd si Persa conditionibus spretis vim adhibere voluissent, nec signifer quidem [ut dici solet] exercitui superfuisset. Hæc sanctissimus ille Pater: Satis de pace, cui Jovianus non diu superfuit.

Mortuus est enim *Dadastane* a. d. 3. Cal. Mart. teste *Entropio*; seu 17. mensis Febr. ut *Socrates* dicit A. V. III 6. Vide *Vales. ad Amm. lib. XXVI. p. 312. 313.*

VALENTINIANUS, VALENS, ET GRATIANUS.

Trium horum initium & finis, cum brevi commemoratione virtutum & vitiorum. Prodigiosa quædam sub Valentiniano.

FL. VALENTINIANUS, originis *Pannonica* fuit, Gratiani majoris, cognomento à pueritia prima *Funarii*, hominis ignobilis filius; ut est apud *Ammianum lib. XXX. p. 428.* Quamvis ipse crepet familiam suam apud eundem *lib. XXVII. p. 343.* Gratianum filium dicens *familia sua laudibus majorumq; factis præstantibus concinentem.*

Sed fortassis hic indicat *nobilitatem* Gratiani maternam? duas uxores Valentinianus senior habuit, è quibus *Flavia Justina* [ita describitur in numis] soror *Neracii Cærealis*, & *Præfecti urbis* indubiè nobilissima est. Sed ex hac Gratianus non fuit natus. Habuit enim matrem *Valeriam Severam*, priorem Valentiniani conjugem: Hanc & ipsam splendidis majoribus oriundam crediderim.

Porro communibus militum suffragiis apud
Niceam

Nicaam Imperator creatus est eo anno, quo Jovianus decessit a. d. 5. Cal. Mart. qui fratrem suum FL. VALENTEM altero mense post, hoc est, a. d. 5. Cal. April. imperii participem fecit. Triennio post, Lupicino & Jovino Coss. hoc est, A. V. 1119. FL. GRATIANUS haud dum novennis [natus est enim a. d. 4. Cal. Maj. A. V. 1111. Eusebio & Hypatio Coss.] a. d. 9. Cal. Sept. à patre Valentiniano *Augustus* appellatus est. Vide *Idatium*. Trium horum Imperatorum meminit *Inscr. V. p. 160.*

Ex his FL. VALENTINIANUS senior, anno ætatis 55. vel 54. [variant enim Scriptores] vomitu sanguinis mortuus est a. d. 15. Cal. Dec. post Consulatum Gratiani III, & Equitii, hoc est, A. V. 1127. *Vales. ad Ann. lib. XXX. p. 408. 409.* Fuit *orthodoxus*, vim tamen nulli faciebat, qui dissentiret in religione: Rem militarem callebat exactissimè, crudelis tamen aliquando & inexecrabilis. *Joh. Antioch. in Exc. Peir. p. 847.* Figmentum de *Valentiniani digamia* è Baronio Besoldus rejicit; confutantur etiam leges apud dictum *Valesium ad Ann. lib. XXX. p. 413.*

Sub ea multa horrenda contigerunt. Nam quasi Deus rursus diluvio perditurus esset genus humanum, *maria egressa* terminos suos, infinitam hominum multitudinem, & totas nationes oppresserunt a. d. 12. Cal. Aug. Valentiniano & Valente Coss. hoc est, A. V. 1117. *Idatius*, & è recentioribus *Scaliger ad Euseb. n. 2382.* Biennio post A. V. 1119. a. d. 4. Non. Jul. miræ magnitudinis *grando* decidens, *Constantinopoli* multos homines occidit. *Euseb. n. 2383.* Grandinem in
modum

modum petrarum dicit Idatius. Præter hos & Socratem, addo Chronicon Alexandrinum. Anno sequente, qui fuit ab V. C. 1120. terræ motu Nicæa collapsa est, a. d. 5. Id. Octobr. Idem. Secuta A. V. 1122. magna fames Phrygiam afflixit. Idatius.

FL. VALENS infelicitè, & cum multarum legionum detrimento a. d. 5. Id. Aug. Se VII. Valentiniano juniore II. Coss. A. V. 1130. contra Gothos pugnans occubuit; fugere nolens, cum posset, ut scribit *Libanius*: At cæteri ferè omnes, ad vile tugurium delatum, & ibi à barbaris ignorantibus crematum esse, consentiunt. *Arrianus* infectus luee, gravissimam contra orthodoxos persecutionem excitaverat. Multi exilio, alii morte puniti, *Joh. Antiochenus dicto loco.*

FL. GRATIANUS, insidiis Maximi, apud *Eugdunum Galliarum*, a. d. 8. Cal. Septembr. A. V. 1136, occisus est. *Ambrosius in Oratione de obitu Valentiniani* laudat fidelem in domino, pium atque mansuetum, purum corde, castum corpore; qui præter conjugium nescierit fœminæ alterius consuetudinem. *Adde Ammian. lib. XXXI. p. 455.* Sed has virtutes decolorabat tenuis ac propè nulla reipublicæ cura, cum diu noctuq; nihil ageret aliud, quàm ut spiculis medietur; summaq; voluptatis, divineq; artis crederet, ferire destinata; ut est apud *Victorem.*

TYRANNI.

I. **P**ROCOPIUS è summi generis prosapiâ, *Ammianus lib. XXVI. p. 324.* insigni genere in *Ciliciâ* natus & educatus, *ibid. p. 318.* Juliani cognatus

gnatus, *ibid.* ἀνεψιός, ut ait *Cedrenus*; consobrinus, ut suspicatur *Valesius*, Juliano mortuo, Jovianum accedens, purpurâ, quam à Juliano moribundo acceperat; traditâ rogavit, ut militiæ sacramento solutus, domum reverti sineretur. Quo impetrato *Cæsaream Cappadociæ* cum uxore & liberis se contulit, ubi multa prædia possidebat. Pòst cùm *Valentinianus* & *Valens* (qui hominem suspectum habebant) eum comprehendi jussissent, ille milites missos frustratus in *Euxinum Pontum* aufugit; & ibi conscensâ nave ad *Turricam Chersonesum* delatus est. Sed cùm incolas suspectos haberet, inde *Byzantium* noctu profectus, divertit apud quendam notû sibi vetustâ consuetudine; tandemq; re cum *Eugenio Eunuchò* communicatâ, imperium arripuit, ut refert *Zosimus lib. IV. p. 736. 737.* Tempus notavit *Idatius*: *Valentiniano* & *Valente Augustis Coss.* (hoc est, A. V. III7.) *latro nocturnus* hostisq; publicus intra urbem Constantinopolim apparuit, a. d. 4. Cal. Octobr. In numis: D. N. PROCOPIUS. P. F. AUG. Sequenti anno *Valens* in *Nacoliensibus* campis in *Phrygiâ* salutarî acie collatâ, cùm *Agilo* signa ad eum transtulisset, *Procopii* factionem oppressit: Nam *Procopius* à suis comprehensus, & *Valenti* oblatus, mox supplicio adfectus est; ut legimus apud eundem *Zosimum*. Factum id a. d. 6. Cal. Jun. Gratiano NP (hoc est, Nobilissimo Puerò) & *Dagalaifo Coss.* hoc est, A. V. III8. docet *Idatius*. Ergo intra octavum mensem tyrannidis periit; & falsus est *Baronius* in A. C. 364. n. 16. qui Imperatorem appellatum ait A. V. III6. autumnali tempore; atque adeò

adeò totum annum cum dimidio illi tribuit. Idem error *Octavii Strada*, qui 5. menses supra annum regnâsse ait. Excessit autem Procopius, cum vixisset annos XL. menses X. ut scribit *Ammianus lib. XXVI. pag. 329.*

II. MARCELLUS PROTECTOR, interfecto Procopio, ejusdem cognatus, *Chalcedonè* purpuram sumit; sed ab *Equitio* captus misereq; excruciatu interiiit. *Ammianus lib. XXVI. p. 329. 330.* Meminit ejusdem *Zosim. lib. IV. p. 738.* Sed ab Ammiano diversus est in eo, quòd *Serenianum* occisum ait à *Marcello*, adhuc vivente Procopio.

III. VALENTINIANUS ob delicta relegatus in *Britanniam*, ibidem tyrannidem affectat; sed in ipso conatu oppressus est A. V. 1123. Gratiano III, Sexto Petronio Probo Coss. *Zosim. lib. IV. Hist. p. 742. Euseb. n. 2387. Ammian. lib. XXIX. p. 368. 369,* è cujus libris corruptioribus quidam Valentinum nominant. Huc quoque refert *Octavius Strada in Caesaribus p. 199.*

IV. FIRMUM, *Nubelis*, Maurorum Reguli, filium. Et fortassis huc traxit numum: D. N. FIRMUS. P. F. AUG. de quo *supra* in rebus *Aureliani*. Valdè huc faciunt, quæ scribit *Zosimus lib. IV. p. 744.* Firmo purpuram datam, & dictum βασιλέα, Imperatorem (ut vertit *Leunclavius*; & sanè vix aliter illo ævo Græci: Ipsi *Zosimo* Imperatores ferè ubiq; sunt βασιλεῖς) idq; *Valentinianum* graviter commovisse. Sit ergò capiendus numus de isto; nec nos turbet ultra *Valesius.*

VALENTINIANUS JUNIOR.

Valentiniani duo. Valentiniani filii, sed ex diversis conjugibus. Valeriæ Severæ nobilitas. Crassus error Onuphrii circa lapidem. Valentiniani junioris interitus.

MOrtuo Valentiniano seniore, *Merobaudes & Equitius*, duces exercitus a. d. 10. Cal. Decemb. A. V. 1127. A. C. 375. FL. VALENTINIANUM JUNIOREM, ejus filium ex *Flavia Justina* natum, Imperatorem salutârunt; idq; *Gratianus & Valens* postea comprobârunt. *Idatius. Euseb. n. 2391. Zosim. lib. IV. p. 746. Ammianus lib. XXXI. p. 433. Socrat. lib. IV. c. 31.* Quadrimum tum fuisse, non tantum *Ammianus* dicit; sed & *Victor & Zonaras. Zosimus* vix quintum annum egisse. Natus est igitur post initium anni 1123, quo Consulatum gesserunt *Gratianus II. & Probus*.

Ita diversus est à Valentiniano, ejusdem Valentiniani senioris filio; qui natus est a. d. 5. Calend. Febr. Gratiano NP (hoc est, Nobilissimo Puero) & *Dagalaifo* Coss. A. V. 1118. A. C. 366. ut scribunt *Idatius in Fastis & auctor Alexandrinæ Chronici, & Themistius Orat. VI.* ubi natalem ipsius vice oraculi prædixisse ait *Procopii exitum*: Nam *Procopius* eo ipso anno a. d. 6. Cal. Jun. ut suprà dixi, necatus est.

Tres igitur Valentiniani filios habemus, *Gratianum*, & duos *Valentinianos*. Sed alterum ex his, natum majorem è priore matrimonio, hoc est, è *Valeria Severa* ad imperium non pervenisse constat, præmaturâ

more

morte indubiè interceptum. *Consul tamen factus est nondum trimulus A. V. 1121. collegâ Victore; quod nemo negabit, qui Themistii Orat. VI. legit ad hunc ipsum Consulem factum scriptam. Ait ibi invictissimorum parentum prolem, fratrem Gratiani, collegam viri, cui nomen à victoriâ; natum paulò antè, quam Procopius vinceretur.* Sub finem appellat adolescentem ex Constantini prosapia oriundum, scilicet per matrem.

Hinc Valeriæ Severæ nobilitas patet. An ex nomine conjicere licet, neptem esse *Fl. Valerii Severi Cæsaris*, à Maxentio occisi A. V. 1069. & hujus filium aur filiam conjugem habuisse è Constantini domo? unde ista Valeria Severa progenita è Valentiniano seniore A. V. 1118. Valentinianum istum pepererit Consulem A. V. 1121?

Videtur: Sed hinc supinæ negligentiae peragitur reus Onuphrius; qui hujus anni Consulem describit Julium Felicem Valentinianum ex *Inscriptione X. p. 1053. Operis Grut.* Qui lapidem inspicere volet, observabit duo: *Primò* Julium Felicem Valentinianum nunquam Consulem fuisse: Recensentur enim dignitates omnes, quas habuit, dum viveret, & Consulatus ordinarius omittitur; quod nunquam esset factum, si Consulatum gessisset. *Secundò* eundem natum esse 82. anno post Consulatum Valentiniani & Victoris. Mortuus est enim, ut ex subscriptione patet, *FL. EUTARICHO. COLLIGA. V. C. CONS. 67. ætatis anno expleto.* Eutharicus, Athalarici pater, Cos. A. V. 1271. cujus non unam mentionem Cassiodorus facit. Vide Nicolaum Alemannum in Arcanum

Historiam Procopii p. 18. & *Anonymum Valesii*, p. 484. Vides erroris magnitudinem? sed ad rem.

Ab hoc igitur *Valentiniano* Consule A. V. 1121. & nato A. V. 1118. quàm diligenter est distinguendus *Valentinianus*; qui *Valentiniano* seniore defuncto, *quadrimus Imperator* dictus est. Primus, qui hoc fecit, est *Valesius*; quem videbis in notis ad *Amimian. lib. XXXI. p. 412. 413.* Alii omnes, & ex his *Petavius Rat. Temp. part. I. lib. VI. c. 8. p. 364. Remus in Themistium, Octavius Strada in Caesaribus* hîc cespitarunt, & ex duobus fecerunt unum.

Hic verò qui ad imperium venit, illud partim cum *Valente* ac *Gratiano*, partim cum *Theodosio* & *Arcadio* tenuit per annos XVI. & menses ferè VI. Nam A. V. 1144. ab *Arcadio II. & Ruffino* Coss. apud *Viennam* *Arbogastis* perfidiâ occiditur; quem ad nimiam potentiam evexerat. *Zosim. lib. IV. p. 775. Idatius in Fastis.* Adde *Baronium in A. C. 392. n. 6.* qui & mores ejus commendat ex *Ambrosio*, studuisse scilicet omnia corrigere, quæ aliis displicere cognosceret.

THEODOSIUS.

Theodosii (qui *Theodosii pater*) spectata bello virtus. Memorabiliora *Theodosii*, quibus annis fuerint gesta, & quibus diebus?

FL. THEODOSIUS, cognomento MAGNUS, patrem habuit *Theodosium Hispanum*, Magistrum militum, à *Traiano* oriundum [ut vult *Victor*] cujus egregia facinora sic breviter recenset

tenet *Pacatus panegyrico XII. cap. 5: Quid, inquam, faciam? quæ Rhenus aut Vahalis vidit, dicere aggrediar? Jam se mihi Sarmaticâ cæde sanguineus Ister objiciet. Attritam pedestribus præliis Bataviâ referam? Saxo consumptus bellis navalibus offeretur. Redactum ad paludes suas Scotum loquar? Compulsus in solitudines avias omnis Alamanus; & uterq; Maurus occurrent.*

Tantus vir calumniis aulicorum jussus interfici; apud *Carthaginem* baptizari petiit; ac postquam sacramentum Christi, quod quæsierat, adeptus est, percussori jugulum ultro præbuit. *Orosius lib. VII. c. 33. Ambrosius in Serm. de excessu Theodosii; Hieron. in Chronico Eusebii. n. 2392.*

Occiso patre filius Theodosius ex duce Mæsiæ sponte in Hispaniam secessit; ut præter *Ambrosium* docet *Theodoretus in lib. V. c. 5.* Unde postea evocatus à Gratiano Magister militum, ac mox Augustus creatus est, a. d. 14. Cal. Febr. Ausonio & Olybrio Coss. A. V. 1131. ut est apud *Idatium.*

Is statim summâ felicitate, multis atque ingentibus præliis Gothos superat, & Thraciâ expellit. *Prosper Aquitanicus in Supplemento Hieron. n. 2395.* Triumphans Constantinopolin ingressus est, a. d. 18. Cal. Dec. A. V. 1132. Gratiano V. & se primùm Coss. *Idatius in Fastis & in Chronico, Marcellinus Comes in Chron. Statimq; Arrianos ecclesiâ expulit, ibid.*

Sequente anno 1133. Syagrio & Eucherio Coss. a. d. 3. Idus Jan. *Athanaricum*, Gothorum Regem, à suis pulsum, honorificè excepit; & eodem, quo venerat, mense, id est, a. d. 8. Cal. Febr. vitâ functum

regio more sepelivit. *Idatius*. Tàm superbum funus fuisse, auctor est *Zosimus*, ut obstupefacti barbari domum redierint; nec Romanos ultra infestârint, bonitatem Principis admirati.

Eodem anno, ut scribit *Marcellinus*, *secundum concilium œcumenicum*, cujus Besoldus meminit, habitum est *Constantinopoli*, cui patres interfuerunt 150. E nostris vide *Conradum Rittershusium lib. II. Sac. Lect. c. 11.* è Pontificiis *Baronium in A. C. 381. n. 17. A. V. 1134.* Antonio & Syagrio Coss. a. d. 5. Non. Octob. tota *Gothorum* gens cum Rege suo Romanis se tradidit. Meminit, præter *Idatium*, *Oros. lib. VIII. c. 34.* Ricomere & Clearcho Coss. A. V. 1136. Persarum legati pacem petentes *Constantinopolim* venerunt. *Idatius, Marcellinus & Pacatus.*

Baronius in A. C. 381. n. 11. Deditionem *Gothorum*, & legationem *Persarum* non bene in unum annum rejicit, anno 1137. Nationes quædam Orientales imperio per legatos subditæ A. V. 1138. *Greothingi* devicti, deq; iis triumphus actus est a. d. 4. Id. Octob. Malè *Golzizius* ex *Onuphrio* in illo anno: IMP. CÆS. FL. THEODOSIUS. P. F. AUG. ITERUM DE SCYTHIS ET GETIS EX GERMANIA. Nos populi nomen ex *Idatio* novimus. De bellis Theodosii civilibus dicam in Tyrannis. Fato deniq; concessit *Mediolani* a. d. 5. Cal. Febr. Olybriro & Probino Coss. A. V. 1147.

Submissæ indolis specimen, quod Besoldus refert, leges apud *Ruffinum lib. I. c. 18. Theodoretum lib. V. c. 18. Sozomenum lib. VII. cap. 24.* Fuit optimus
 maximus

maximus Princeps unus ferè inter tot Principes re-
pertus, *qui non quaesivit purpuram; sed ab ea*
quaesitus est. Gratianus, qui consortem imperii fe-
cit, hoc ipso immortalem sibi gloriam peperit: Nam
cùm alii successores è domo & è sinu uxoris produce-
rent, S. P. Q. R. non aliter quàm villas suas, quàm
colonos, quàm servos relinquerent; Gratianus [qui
filiolum habebat, ut scribit *Augustinus lib. V. de C. D.*
cap. 25.] hunc sibi proximum, hunc conjunctissimum
existimavit; quem pientissimum, fortissimum & cle-
mentissimum invenerat. Talem hostis *Gothus* credi-
dit, talem *Persa*; quorum ille se suaq; omnia deditit;
hic amplissimis muneribus oneratus est.

Zosimus tamen Theodosio mutatos, auctos,
venditos magistratus immodicumq; vitæ voluptariæ
studium objicit. Et sanè *Gregorius Nazianzenus* in
carmine de vitâ suâ, eò inclinât, tempore temporis
mala sanare non potuisse; lenitati adscribens tardita-
tem ac remissionem.

TYRANNI.

THEODORUS antiquitùs claro genere *Galliâ*
oriundus, natus tamen in *Siciliâ*, cùm domina-
tionem affectaret, & *insidias Valenti* strueret, in
ipso conatu oppressus, capite pœnas dedit. *Ammia-*
nus lib. XXIX. p. 384. ibiq; Valesius. Zosimus lib. IV.
pag. 743.

FL. MAGNUS MAXIMUS BRITANNUS,
qui se *de Constantini stemmate* oriundum ferebat ex
cæcâ dominandi libidine, *Gratianum* optimum
Ff iij Princi-

Principem, manu *Andragathii* sustulit a. d. 8. Cal. Sept. Merobaude iterum, & Saturnino Coss. hoc est, A. V. 1135. *Marcellinus in Chron. Zosimus lib. IV. Hieronymus epist. III. Socrates lib. V. c. 11. Sozomenus lib. III. c. 13.* Adjecit aliorum illustrium cædes *Ambros. ep. 27.* Dein legatos ad Theodosium mittit, velint collegam imperii se adsciscere, an bello decernere? Ille spe tyrannum aluit, ne *Valentinianum juniorem* æquè conficeret; atque ita totum imperium sibi vendicaret. Et sanè parùm abfuit, quin superatis ex improviso Alpibus, *Valentinianum* cum *Justinâ* matre oppressisset. Ingressus Italiam instar exundantis torrentis, montium angustiiis coarctati, & in planitiem sese totam effundentis; eam partem, quæ ipsi prima occurrebat, post Alpium descensum, immensâ clade afficit. Denique in ultionem omnium consurgens Theodosius, duabus ingentibus victoriis reportatis, Maximum *Aquileje* obledit, quem milites vinctum adduxere Theodosio; & cum hic veniam daturus videretur, eundem rursus abstrahentes, confestim abscisso capite necaverunt. *Baronius in A.C. 388. n. 62.* Factum id autem A. V. 1140. Theodosio II. & Cynegio Coss. a. d. 5. Cal. Aug. Sequenti anno 1141. Id. Jun. Theodosius de *Maximo* tyranno triumphavit; quod nos *Idatius* docet. Olim *Goltzum* & *Onuphrium* dies latuit.

FL. VICTOR, Maximi filius, & à patre *Augustus* appellatus, ab *Arbogaste* in *Galliis* interficitur. Sic Theodosius Gratianum ultus est; fuitq; victoria intra tam breve tempus parta, quâ Occidens recupe-

recuperatus, Orienti securitas restituta est, omnibus celebrata & decantata vocibus.

FL. EUGENIUS cæso *Valentiniano juniore*, insidiis *Arbogastis*, imperium invasit, Arcadio II. & Ruffino Coss. hoc est, A. V. 1144. Sed biennio pòst victus à Theodosio, & interfectus est: *Arbogastes* suâ manu cecidit. *Marcell. & Idatius. Adde Baron. in A. C. 394.*

ARCADIUS.

FL. ARCADIUS, Theodosii Aug. F. ex *Placidia* (ut habet *auctor Græcus apud Scal. p. 309.*) Imp. appellatus est à patre a. d. 17. Cal. Febr. *Merobaude II. & Saturnino Coss. A. V. 1136. Idatius in Fastis.* Igitur adhuc vivo Gratiano consors imperii assumptus est: Gratianus enim mortuus a. d. 8. Cal. Septembr. Coss. iisdem, secundùm *Marcellinum Comitem.* Quamobrem pessimè *Goltzius in Fastis* Gratianum mortuum statuit A. V. 1146. Arcadium Augustum appellatum A. V. 1137. Ricomere & Clearcho Coss. Natus tùm erat annos 8. *Baronius in A. C. 383. n. 22.* Mortuo patre, & divisione imperii factâ Orientem obtinuit. Mortuus est A. V. 1160. Anitio Basso, FL. Philippo Coss. ut scribit *Marcellinus in Chron.* Fuit pius & ex multis insidiis singulari providentiâ divinâ deliberatus.

Contra illum res novas molitus est FL. RUFFINUS, Præfectus prætorio & Dux utriusque militiæ; quî totum imperium Romanum miscuit, & ut irruptionem in illud fecerent, barbaros sollicitavit;

initis cum eorum ducibus secretis fœderibus. *Hunnos* vocavit ad *Asiæ* cladem; iisque *urbes*, quas *Halys*, *Cydnus*, *Orontes* & *Euphrates* præterfluunt, miserè vexavit; ut *Hieron. in ep. 3. ad Heliod.* conqueritur. Sed & *Gothi* discurrentes ad *Hadriaticum* usque mare venerunt, & *Græciam* infedère; imò *Constantinopolim ipsam* obsidere auli sunt, læto *Ruffino*, tanquam milites à se conducti essent; quorum auxilio imperium adipisceretur: Sed non diu latent scelera. *Stilico*, cum in hostes imperii jamjam iturus esset, & ab *Arcadio*, *Ruffini* consiliis circumvento, revocaretur; indignatione exardescens totus exercitus in *Ruffini* necem conspirat. *Ruffinus* redeunti exercitus parti obviam progressus, cum ab iis speraret *Imperatoris* & *Augusti* appellationem, mille gladiis invaditur, & secatur in frusta.

Dux exercitus fuit *FL. GAINAS*, qui & ipse post contra *Arcadium* civile bellum movit. Aegrè ferebat, *Fl. Eutropium* spadonem eò potentia profectum, velut sub imperio habere videretur. Igitur egit cum *Trigibildo*, barbarorum duce, ut *Asiam* insectaret; & cum *Arcadii* res deploratissimæ viderentur, palàm hostem se professus, ad ignominiosas pacis conditiones Principem suum redegit. Inter eas hæc fuit, ut *Eutropius* sibi dederetur: Isque paulò post *Chalcedonem* missus & interfectus est. Nomen fastis erasum, Hinc insolentior factus *Gainas*, *Arcadium* contumeliosissimè habuit; non solum arma non deponens, sed & adhuc plures nobilissimos Viros ad cædem deposcens. Tandem verò inter *Chersonesum* & *Hellepontum*, cum ingentem multitudinem barbarorum in auxiliis

auxiliis haberet, victus, & fugâ peremptus est, mense Febr. Stilicone & Aureliano Coss. A. V. 1150. ut scribit *Marcellinus Comes*.

HONORIUS.

FL. HONORIUS, Theodosii Aug. F. ex *Placidia*, ut scribit idem *Græcus*, quem suprâ citavimus. Natus a. d. 5. Idus Septembr. A. V. 1136. Richomere & Clearcho Coss. ut est apud *Idatium*, nondum *bimulus Consul* creatus cum Evodio, sancto parente Occidentem accipit. Imperavit diu quidem, sed ancipiti fortunâ. *Radagaisus*, qui cum ducentis *Gothorum* millibus in *Italiam* irruperat, ope aliorum *Gothorum* & *Hunnorum* vincitur, capitur, occiditur. Rem fusè narrat *Oros. lib. VII. c. 37*. Factum id *Arcadio VI. & Probo Coss. A. V. 1158*.

Sed biennio pòst FL. STILICO Comes imperium affectans barbaras nationes donis pecuniisq; allectas, *Honorio* immisit. *Alaricus* tùm *Gothorum* Rex erat, qui sæpe victus, sæpe conclusus, semperque dimissus est; dum à *Stilicone* clàm fovetur. Illo tempore ab imperio Romano vultum prorsus avertit illa FELICITAS, tantopere in numis & omnibus aliis monumentis jactata; & calamitatum omnium compendium CAPTA ROMA fuit. Non est instituti nostri singula persequi, fecit id *Baronius in A. C. 410*. cui velim addas *Barthium lib. LX. Advers. p. 2832. 2841*. E veteribus de captâ urbe scripsit *Olympiodorus*, quod ex *Photii Bibliotheca, Cod LXXX*. novimus. Sic rerum dominos debellari posse Gothi ostende-

runt: non tamen everſa penitus, ſed ſpoliis hoſtes contenti reliquerunt, ut aliquando rurfus invaderent. Incidit hæc clades humano generi inſolens in 9. Cal. Septembr. cùm Urbs annum ageret 1162. Eodem tempore *Vandalis Hispania* diripienda data eſt, & per hos aliis barbaris patefacta clauſtra Pyrenæi. *Primum in Hispaniâ Regem* ſe dixit *Gundericus*, regnavitque in *Gallaciæ* partibus. Mortuus eſt *Honorius* Cal. Sept. A. V. 1175. Mariniano & Aſclepiodoto Coſſ. Fuit Princeps religioſiſſimus, & quem multis laudibus Aſconius extollit. *Baron. in A. C. 423.* quem vide. Sed, ut dixi, ſub eo ad incitas omnia redacta ſunt.

TYRANNI.

FL. STILICHO à *Vandalis* oriundus. *Oroſ. lib. II. c. 38.* utriusque militiæ Magiſter, à Theodoſio Magno, Honorio filio curator datus eſt; utque arctiore vinculo obſtringeretur, eidem *Serena*, Theodoſii neptis, ex Honorio fratre, juncta eſt. *Zoſim. lib. IV. p. 779.* Et ſanè illuſtriſſimam de *Rada-gaiſo* victoriam reportârât (*Paulinus in vita Ambroſ. ſub finem*) ſed ceſſerunt ultimis prima, & omnem egregiè factorum laudem perfidiæ crimen tandem obliteravit. Quod aliquandiu diſſimulatum, Baſſo & Philippo Coſſ. hoc eſt, A. V. 1160. patefecit.

Cogitans enim FL. EUCHERIUM filium ſuum ad imperium provehere, aliquandiu fovebat *Gothos* & *Alaricum*; dein, quod hic totus deſiderio ejus accedere nolle, *Suevos*, *Vandalos*, *Alamannos*, *Burgundiones*, ſolicitavit ingenti ſpe prædæ: Sic enim ſperavit

speravit *Honorium* ad quævis compelli posse. Sed de-
prehenſis dolis, ſucceſſor illi miſſus eſt; ipſe autem
Ravennæ capite truncari juſſus a. d. 10. Cal. Sept. dictis
Coſſ. ut *Zoſimus* refert. Mox & *Encherius* cum *Se-
rena* matre interfectus. *Olympiodorus apud Photium*
Cod. LXXX. Dignitatem & auctoritatem hujus viri
cognoſcere licet ex *Inſcr. IV. p. 412:*

Flavio Stilichoni Illuſtriſſimo

VIRO. BIS COS. ORDINARIO
MAGISTRO. UTRIUSQUE MILITIÆ.
COMITI. DOMESTICORUM.
ET STABULI SACRI. ATQUE
AB INEUNTE ÆTATE PER
GRADUS. CLARISSIMÆ
MILITIÆ. AD CULMEN REGIÆ
ADFINITATIS EVECTO. SOCIO.
BELLORUM. OMNIUM.
ET VICTORIARUM. ADFINI
ETIAM DIVI THEODOSI AUG.
ITEMQUE SOCERO
DOMINI NOSTRI HONORI AUGUSTI
POPULUS ROMANUS
PRO SINGULARI EJUS
CIRCA. SE. AMORE.
ATQUE PROVIDENTIA
STATUAM EX ÆRE ARGENTOQUE
IN ROSTRIS. AD. MEMORIAM
GLORIÆ. SEMPITERNÆ
CONLOCANDAM DECREVIT

EXE-

EXEQUENTE FL. PISIDIO ROMULO
V. C. PRÆF. URBIS.

Primam lineam reposui ex *Inscript. II. p. ejusd.*
Quòd verò *socer Honorii* dicitur, id ipsum tum ex
aliis, tum ex *Marcellini Chronico* manifestum est.
Nam *dua Stilichonis filia: MARIA & THERMAN-*
TIA, singule uxores Honorii fuere. Sed nullum vin-
culum tam firmum est, quod non dissolvat perversa
dominandi cupiditas.

MARCUS quidam, cum barbaræ gentes undi-
que provincias diriperent, ab exercitu *Britannico Im-*
perator creatus est; & ab eodem sublatus. *Olymp.*
apud Photium, & Zosim. lib. VI. p. 824. qui hoc fa-
ctum scribunt Honorio VII. & Theodosio II. *Coss.*
hoc est, A. V. 1159.

GRATIANUS post Marcum Imperator salu-
tatus est, & statim peremptus ab eodem exercitu Bri-
tannico. *Olymp. d. l. & Zosimus.* Adde *Sozomenum*
lib. IX. c. 11. Orosium lib. VII. c. 40. Numum hujus
Gratiani exhibet *Octavius Strada p. 214.*

FL. CONSTANTINUS apud *Gallias* inva-
sit imperium, Honorio Augusto IX. Theodosio ju-
niore Aug. V. *Coss.* A. V. 1164. secundum *Marcel-*
linum. Sed *Olympiodorus & Zosimus* Augustum salu-
tatum inquit in *Britannia.* Factum id in civitate
Caersegont, ex *Nonnio & Gervasio Dorobornensi* scribit
Camdenus. Accedit *Prosper Aquitanicus;* qui initium
ejus collocat in A. V. 1159. quæ ita cū *Marcellino* con-
cilio, ut hic quidem de tempore loquatur, quo in *Gal-*
lia imperium constituit; illi de anno, quo primum *Imp.*
Aug.

Aug. appellatus est. E Britannia solvens, Bononiam Gallie appulit, omnesque Romanorum exercitus ad Alpes usque in belli societatem pellexit. Valentiam Gallia contra Honorii Aug. copias strenuè defendit: Rhenum jam pridem neglectum præsidio munivit: Ad Alpes Cottias, Pœninas & maritimas, quâ viâ patuit, munimenta construxit. Hinc in Hispaniâ, ductu Constantis filii res feliciter gessit; literisq; postea ad Honorium datis sese excusavit, quod imperium suscepisset: Coactum enim fuisse à militibus: Simul imperii societatem poposcit. Imperator ob impendentes varias imperii calamitates annuit, eiq; purpuram misit. Unde insolentior factus, Alpibus superatis Romam petiit; sed acceptâ Alarici morte, quem sibi adjunxerat, Arelaten recessit; ubi sedem imperii fixit, voluitque Constantinam urbem vocari; præterea, ut in ea VII. provinciarum conventus agerentur, hoc est, Viennensis, utriusque Narbonensis, utriusque Aquitaniæ, Novempopulaniæ, Alpium maritimarum. Unde imperium illud Septimania vocabatur. Hanc Constantini de Arelate constitutionem à Francisco Roaldo secum communicatam, primus publicavit Jos. Scaliger lib. I. Anson. Lect. c. 24.

Inter hæc GERONTIUS *Britannus* milites in Constantinum concitavit; cumq; *Constantem* filium *Viennæ* trucidâisset, patrem *Arelati* obsedit; ad quem oppugnandum cum *Constantius*, *Valentiniani III.* pater, ab *Honorio* missus, infestis signis appropinquaret, *Gerontius* sibi vim attulit. Ita *Constantinus* à *Constantio* gravissimâ obsidione pressus, & infelici suorum

suorum pugnâ animum despondens, *positâ purpurâ*, inconvenienti fortunæ suæ tegumento, ædem sacram ingressus, *presbyteri suscepit dignitatem*; statimq; *Arelate* deditâ, in *Italiam* ductus capite plectitur, cum *Juliano* filio; quem Nobilissimum dixerat. Vi-
dendi, quos in *Marci & Gratiani* mentione laudavi;
&, qui hos inter se contulit, *Camdenus in Britannia*, ubi agit de urbe *Ventâ*.

FL. CONSTANS, Constantini filius, è *monasterio revocatus*, & Cæsar appellatus est. Occiditur à *Gerontio*, ut dixi. Capite plexum ait *Marcellinus*. Hujus & patris numus exhibitus est apud *Stradamp. 214. 215.*

MAXIMUS, à *Gerontio* adversus Constantinum Imperator Augustus appellatus, & purpurâ indutus est *Tarracônæ*. Sed post utriusque cædem & ipse interemptus est, ut est apud *Sozomenum lib. IX. c. 13.* Sed *Oros. lib. VII. c. 42.* suo ævo inter barbaros in Hispania exulâsse dicit. *Prosper Aquitanicus* sub *Coss. Honorio IX. & Theodosio IV.* hoc est, in commemoratione rerum anni 1163. Maximo in *Hispaniâ* degenti vitam concessam auctor est; eò, quòd modestia humilitasq; hominis, affectati imperii invidiam facile aboleverit.

JOVINUS ac SEBASTIANUS in iisdem *Galliis* res novas molientes interfecti sunt, Theodosio Imperatore solo *Coss. A. V. 1164.* ut scribit *Marcellinus*. Meminit Jovini *Sozomenus lib. IX. cap. 13.* Studio *Goaris, & Alani, & Gunttarii* (qui *Burgundionum* erat *Phylarchus*) tyrannidem adeptum *Olympiodorus*

dorus asserit. *Sebastianum Jovini fratrem faciunt Oros. lib. VII. cap. 42. Idatius in Chronico & Prosper Aquitanicus, & Olympiodorus. Ut hallucinatus videatur Camdenus, qui Constantini fratrem fecit.*

SARUS, *Gothus, Ravennæ præfectus à Stilicone (Zosimus lib. V. p. 806.) robore corporis & dignitate præstans (ibid. p. 810.) idoneus ad incutiendum hosti terrorem, ob fortitudinem & bellicæ rei peritiam (ibid. p. 812.) missus contra Constantinum tyrannum, vivo adhuc Stilicone, Justinianum ducem illius cum majore exercitus parte interfecit; & ingenti prædâ potitus Valentiam obsedit, in quâ ipse Constantinus erat. Sed mox soluta obsidio per Edobinchum Francum, & Gerontium Britannum; & cùm in Sarum irruptionem fecissent Constantini duces, vix salvus evasit in Italiam. Zosimus lib. VI. p. 825. Tandem & ipse mutavit fidem affectatâ tyrannide, & interemptus est; ut notat Sozomen. lib. IX. c. 13.*

FL. PRISCUS ATTALUS (ita dicitur in numis) *Augusti nomen usurpare cœpit illo ipso anno, quo Roma primùm capta est; hoc est, A. V. 1162. Alaricus Gothorum Rex (ô Romani nominis pudorem!) hunc imperare jusserat. Zosimus. lib. VI. p. 827. Sozomen. lib. IX. c. 8. Eò verò insolentiæ progressus est, ut Honorium dedignaretur, imperii consortem; juberetque vel insulam vel locum eligere, quem vellet; in quo privatus vitam suam transigeret, imperatorio cultu deposito. Idem & Olympiodorus apud Photium. Hunc ut Heraclianus, qui Honorium sectabatur, premeret (heu bellorum civilium nefas!) nihil*

uihil frumenti in portum Romanum inuehi passus est; unde tanta rerum omnium inopia fuit, ut ille jam verissimus metus esset, fore, ut homines passim in sese mutuo impetum facerent; adeò ut Circensibus ludis populus exclamârit: Pone pretium carni humanæ! *Zosimus d. l.* Hinc *Alaricus* ob contrarium rerum omnium eventum in *Attalum* commotus; cum rursus exauctoravit. Sic velut inanè imperii simulacrum *Attalus* in *Hispaniam* cum *Gothis* abductus est; unde profecturus, & nescio quid moliens, captus est in mari, & ad *Constantium Comitem* deductus, truncatâ manu vitæ relictus est. *Olympiodorus & Orosius d. l.* *Marcellinus* id factum refert Theodosio Imp. V. Coss. A. V. 1164. Sed *Prosper*, Honorio X. Theodosio Juniore VI. Coss. hoc est, A. V. 1167.

HERACLIANUS Attalo non melior, quem oppugnaverat: Violatâ namq; fide, dominationem affectans, cum ter mille ducentis navibus *Romam* versus ex *Africâ* navigavit; sed repulsus à *Marino Comite*, cæsis quinquaginta millibus armatorum, refugit in *Africam*; & paulò pòst *Carthagine*, in æde *Memorie*, per Honorium immissis percussoribus occiditur; ut scribunt *Orosius & Idatius in Chron.* Sed *Marcellinus Comes* non nisi septingentas naves & tria militum millia recenset. Cæterùm factum hoc Luciano Cos. A. V. 1164. secundùm modò laudatos & *Prosperum Aquitanicum.* *Baronius in A. C.* 413. *Heraclianum* occisum ait *Constantio & Constante* Coss. hoc est, A. V. 1166. ex *Marcellino*: Sed nescio, quâ editione usus sit. Nam repugnat illi tùm *Onuphriana*,
tùm

tum *emendatissima* *Sirmondi*. Hunc sævissimum omnium tyrannorum fuisse scribit *Hieron. ep. 8.*

SABINUS, vir nobilis, gener *Heraciani*, cum eodem imperium invasit. Post soceri cædem captus, & Romam ad supplicium missus est. Exilio damnatum scribit *Oros. lib. VII. c. 42.*

Ac quoniam *Heraciani* historia nos in *Africam* traxit, in eadem reperio GILDONEM; qui cum *Africa Comes* esset; ab Honorio descivit, teste *Claudian, de bello Gildonico*; apud quem Theodosius senior sic ait:

- - ausus Latio contendere Gildo?

Germani nec fata timet? - - -

Id est, *Firmi*, de quo jam suprà diximus. Fuit enim huic quoque pater *Nubel*, Maurorum Regulus. Occidit fratris *Mascizelis* filios duos, quos vindicaturus pater cum 5000. armatorum, Gildonem (cujus exercitus 70000. constabat) in fugam vertit; isque mox manus sibi violentas intulit. *Marcellinus* id factum ait Honorio IV. Eutychiano Coss. hoc est, A. V. 1150. Adde *Baronium in A. C. 398. n. 53.* Interfecto Gildone, *Mascizelem* quoque contra Honorium imperium arripuisse vult *Strada in Cæsaribus pag. 211.* quod neque apud *Zosimum*, neque *Orosium* (quorum uterque *Mascizelis* exitum describit) reperire est; Inò *Zosimus* per summum nefas à Stilicone interfectum asserit.

PLINTA, Comes, idemque rebellio, apud *Palestinam* provinciam deletus est. Italoquitur *Marcellinus in Chron.* Rebellio pro rebellis sæpe dictus

tur inferioris ævi Scriptoribus; vide *Salmas. ad Trebellium* p. 295. Factum autem hoc, inquit, Honorio XII. & Theodosio VIII. Coss. hoc est, A. V. 1170. Ergò diversus est à *Fl. Plinta*, qui A. V. 1171. Consul reperitur, collegâ *Fl. Monaxio*, apud *Idatium* & ipsum *Marcell. & Prosperum Aquitanicum*; qui tamen collegam Maximum appellat, corruptè. *Inscriptio VII. p. 1050*: PRIDIE. KAL. DECEMB. MONAXIO. ET. PLENTHÆ. VV. CC. CONSS.

JOVINIANUS. Numus apud *Oconem* p. 574. D. N. JOVINIANUS. P. F. AUG. Quamvis hinc non satis constet, cujus ætatis tyrannus fuerit. Repertio apud *Marcell. Com.* in anno 1174. sub Coss. Honorio XIII. & Theodosio X. Maximum tyrannum & Jovinum, ferro victos, abductos de Hispaniis, atq; interfectos esse. Non est hic Jovinus, *Sebastiani frater*, de quo suprâ: Nam illum idem *Marcellinus* occisum tradit in Galliis, Theodosio V. solo Cos. & confirmat *Idatius in Fastis*. Suspicio igitur hunc ipsum Jovinianum esse, atque ita describendum fuisse *Marcellino*. Is ipse, nî fallor, de quo *Olympiodorus*: Ab Honorio missum ad Attalum de consortio imperii, tandemque apud Attalum mansisse; illius Patricium appellatum, cùm Honorii Præfectus atque Patricius fuisset antè. Sed in *Olympiodori* codicibus mira inconstantia; nam modò Jovium, modò Jovinianum appellant. *Zosimus lib. VI. pag. 828. & seqq.* Jovium appellans, Præfectum prætorio fuisse scribit sub Attalo; nec Honorii ad Attalum, sed Attali ad Hono-

Honorium legatum, ab Honorianis sollicitatum *Alaricum* Regem mox ab eodem Attalo prorsus alienâsse. Hæc *Zosimus*. Videtur autem illo tempore, quò Attalus in Hispaniam abductus est, simul eò profectus, quòd Honorio diffideret. Ibiq; res novas molitus est cum *Maximo*, de quo dixi ex *Orosio* & *Prospero Aquit.* vixisse in *Hispaniâ*; quamvis veniam ab Honorio impetrâisset.

Octavius de Strada duos *Maximos*, horum temporum tyrannos agnoscit, alterum, qui contra *Constantinum* tyrannum à *Gerontio* subornatus est; & alium, qui captus in *Hispaniâ* & *Romam* perductus, ibique interfectus est *Honorii* jussu; mihi unus idemque. Et cui post cæsum *Gerontium* vivere permissum est, nimis durum postea visum est, in conditione humili acquiescere.

SALUSTIUS, quem reperio apud *Idatium in Fastis*; qui cæsum ait A.V. 1164.

THEODOSIUS JUNIOR.

Stradæ error, *Arcadii factum imprudens*, *felix tamen in dando tutore*. *Besoldi narratio confusa*. *Theodosii junioris mores*.

FL. THEODOSIUS, Fl. *Arcadii* filius ex *Licina Eudoxia* (ut appellat numus apud *Occonem* p. 571. & *Baron. in A.C.* 395. num. 4. Promoti neptem facit *Zosimus*. *Strada* *Æliam Eudoxiam* esse dicit, cujus numum ibidem exhibet p. 204. Sed hanc malim credere conjugem *Theodosii*

Gg ij junioris,

junioris: *Nicephorus* enim in *Chronologiâ* 'Ευδοξίας 'Αρχαδίου, 'Ευδοξίαν Θεοδοσίῃς τῇ μικρῇ, nec aliter alii vocant) *Theodosii* majoris nepos, natus est a. d. 5. Id. Apr. *Rhaonio* *Vincentio* *Celfo*, *Fl. Fravitta* *Conf. A. V.* 1153. ut è *Socrate*, *Sozomeno* & *Marcellino* docet *Baronius* in *A. C.* 401. n. 16. Statim purpurâ fuisse tectum, scribit *Marcus Gazensis Diaconus* apud eund. n. 24. Sed anno demum sequente solenniter Imperatorem appellatum a. d. 17. Cal. Febr. docet *Onuphrius*.

Huic *Arcadius* pater *Isdigerdam*, *Perfarum* Regem tutorem credit, quod factum laudavit *Procopius*; sed vituperavit *Agathias* lib. IV. de *Rebus Justiniani* pag. 132: Quo pacto enim prudenter recteque factum dici possit, inquiens, homini extero & barbaro & regia gentis infestissimo; neque satis noto, fidemne an justitiam coleret; quiq; præterea erronea esset de Deo, diversaq; opinionis; quæ habebat carissima, traderet. Si verò nihil omninò in infantem sibi creditum deliquit, sed hujus imperium factum tectum à curatore illi conservatum est, Regis probitas, non *Arcadii* factum probandum est.

Sub eo tertium *Concilium Oecumenicum*, cujus *Besoldus* meminit, habitum est à 200. Patribus contra *Nestorium*; qui Christum nudum hominem dicebat, & non Deum incarnatum; duos filios de uno Christo Deo prædicans, & duas substantias; & alium quidem natum esse ex patre, sermonem; alium ex Maria natum hominem, secundum *ἕξιν* unitum verbo, & æquivocè cum ipso dici filium. Hinc non *Deiparam*, sed *Christiparam* dicebat *S. Virginem*, *Rittersh. lib. II. Sac. Lect. c. 11.*

Huic

Huic Cæsari insidias struxisse *Stiliconem*, mox Besoldus subjicit; quod cum Historicorum narrationibus parùm convenit: Omnia enim Stiliconis consilia Honorium præcipuè petebant. *Marcellinus* in Chronico: *Stilico spreto Honorii regno, barbaras gentes contra Honorii imperium excitavit.* Constat etiam ex l. 1. C. *Theod. de litorum & itinerum custodiâ*, Stiliconi propositum fuisse, litòrum ac portuum custodias invadere, ut penuriâ gravi affligeret Occidentis imperium; quod Honorius regebat.

Mortuus est hic Imperator a. d. 4. Cal. Aug. Valentiniano VII. & Avieno Coss. de quo *Baronius* in A. C. 450. n. 15. 16. Fuit literarum amantissimus Princeps, usus præceptoribus *Paulino & Placido*. Modestus præterea, prudens & discursibus admirandus; ut qui cum audirent, usu & peritiâ rerum omnium instructum esse crederent. Patientiâ & clementiâ cunctos anteibat, & insuper habitis Philosophorum argutiis & disputationibus, factis ipsis Philosophum repræsentabat; compressâ iracundiâ, tristitiâ ac libidine. Cædes tam averfabatur, ut interroganti, cur ad delicta tam conniveret, responderet: *Utinam & mortuus liceret ad vitam revocare!* Tamen idem in bellis pecuniâ, non armis, pacem quærens, *Eunuchis omnia committebat*; qui Principi magno dehonestamento fuerunt. Vide *Joh. Antiochenum* in Exc. *Peiresc.* p. 850.

CONSTANTIUS.

Locus suspectus Olympiodori. *Constantii*
Gg iij Con-

Consulatus. *Ejusdem nuptiæ cum Placidia. Imperium breve. Habitus corporis & mores.*

FL. CONSTANTIUS, *Illyricus* è *Panaso*. Urbe *Cadiæ* (ita *Olympiodorum* apud *Photium* Schottus vertit. An in *Græco* legendum est: *Κονστάντιος Ἰλλυρικὸς ἢ τὸ γένος τῆς Ναϊσοῦ πόλεως τῆς Δακίας*. *Constantius* *Illyrici* generis ex *Naiso* urbe *Dacia*. *Naisum* *Daciæ* mediterraneam urbem facit *Constantinus Porphyrogennetus*. Ipsam verò *Daciam* *Illyricum* complecti cœpit, sub *Claudio* Imperatore; ut ad *Notitiam Imperii Orientalis* pag. 41. docet *Pancirollus*. Adde *Sex. Ruffum* in *Epitome*.) multis obitibus militiæ, *Honorio* adversus *Constantinum*, & tyrannos alios, strenuam operam navavit. *Sozomenus* lib. IX. cap. 13. & *Oros.* lib. VII. cap. 42. Idem postea *Gothos Narbonâ* expulit, & in *Hispaniam* fugavit; intercluso com meatu navium, & peregrinorum usu commerciorum. *Oros.* d. l. c. 43. Magistrum utriusque militiæ in Consulatibus describunt *Fastorum* instauratores ex *Prospero Aquitanico*. Consulatum enim primum gessit A. V. 1166. collegâ *Fl. Constante*; ut scimus è *Marcellino*. *Idatius* & *Prosper Aquitanicus* cum l. 8. C. de in integr. restit. & l. 3. C. qui in legit. pers. standi, collegam ejus omittunt.

Non mentitus est *Marcellinus*, quem confirmat *Olympiodorus*: *Constantius* olim designatus, Consul aliquando *Ravenna* creatur; cum quo *Constantino*, politanum Consulatum *Constans* gerit. Sed ita tùm
moris

moris fuit, ut, cum alter in Oriente, alter in Occi-
dente crearentur, unum tantum nominarent, cuius
notitia succurrebat. *Synesius* epist. 132: *Nudius ter-
tius novis Consulibus, quorum alter est Aristanetus; col-
legam ejus ignoro.*

Alterum Consulatam gessit cum Honorio XI.
A. V. 1169. Quo ipso cum *Galla Placidia*, Honorii &
Arcadii sorore nuptias celebravit. Nam cum ipsa re-
cusasset, tamen *Honorius* die, quo Consulatam iniit,
sororem arreptam Constantio in manum tradit; &
connubiale sacrum magno cum splendore celebra-
tum est, ut auctor est *Olympiodorus*; à quo dissentiunt
Cassiodorus, *Marcellinus*, *Prosper* & *Idatius*; qui nu-
ptias istas rejiciunt in Theodosii septimum & Palladii
Consulatam, hoc est, in A. V. 1160. Ex hoc conju-
gio *Honorina* & *Valentinianus III.* postea Imperator,
nati sunt: *Honorina* meminit *Olympiodorus*; de filio di-
cam mox.

Tertio Consulatu, quem gessit collegâ Theo-
dosio jun. Aug. IX. Cos. A. V. 1172. in consortium
imperii assumptus, & anno sequente mortuus est; ut
scribit *Prosper*. Sed *Idatius in Chronico*, qui mortuum
statuit in tertio Consulatu, *Agricolâ* & *Eustathio*
Coss. anno etiam antè, hoc est, *Monaxio* & *Plinta*
Coss. Imperatorem appellatum esse vult. A *Prospero*
stat *Cassiodorus*. NOBILISSIMUM CÆSAREM
describit numus apud *Octav. Stradam p. 209.* Sed Im-
peratorem tamen fuisse, *Olympiodorus* & *Rescriptum*
Constantii (quod ex vetusto codice descriptum publi-
cavit *Baronius in A.C. 420. n. 2.*) satis demonstrant.

Septimo imperii mense extinctum, scribit *Olympiodorus*; qui adjicit, morbum contraxisse ex dolore animi concepto, quòd Theodosius junior Honorii voluntatem in eo adsciscendo improbâset; quòdque aliàs pœniteret suscepti imperii; nec jam ultrà eundi redeundique, quòd quando vellet, libertas esset; neque ludicris, quibus se oblectabat, operam dare Imperatori permitteretur.

Fuit subtristi vultu ac tetrico, ingentibus oculis, sublatâq; cervice & plano capite; *inclinans se omninò in equi*, quo vehabatur, *vollum*; & sic obliquè huc illuc torquebat oculos: Jucundus tamen, & festivus in conviviis; integer, sanctus, moderatus & abstinens; multâque famâ ob pecuniæ contemptum celebratus, *antequam Placidiam duceret*: Sed *uxor totum mutavit*, ut multos bonis suis per injuriam exueret; quod apud eundem *Olympiodorum* legimus.

VALENTINIANUS III.

Valentinianus quo tempore natus? Caesar & Imperator factus. Attilæ genus, horribiles tituli, facta; & num de eo Romanis judiciis standum sit? Valentiniani mors.

FL. PLACIDIUS VALENTINIANUS, Constantii & Gallæ Placidie filius, nascitur a. d. 5. Non. Jul. Monaxio & Plinta Coss. hoc est, A. V. 1171. Sic habet *Marcellinus Sirmondi*. At *Onuphrianus* a. d. 6. Non. Jul. quem sequitur *Baron. in A. C. 418. n. 83.* Cæsar appellatus à Theodosio consobрино,

sobriano, Victore & Caltino Coss. A. V. 1176. Idem *Marcellinus, Prosper, & Cassiodorus*. Cum matre statim mittitur ad vindicandum Occidentale imperium à *Johanne tyranno*. Iidem cum *Socrate lib. VII. c. 23.* & *Idatio in Chron.* Quo victo, etiam *Augustus* appellatur, se & Theodosio XI. Coss. *Idem*.

Sub hoc Principe novam procellam *Septentrio* effudit in provincias Romanas, & omnium provinciarum caput *Italiam*. Irrupit enim *Attila*, genitus avo *Velambro*, qui primus *Scythiam* invasit; & patre *Mundzucco*, quem alii *Mundiuchum*, alii *Mazuchum*, alii *Bendecuzum* scribunt. Legendus *Erycius Puteanus lib. I. Hist. Insubr. p. 45.* Quâ majorum serie ad ipsum *Nimrodum*, Noachi pronepotem, genus ejus producant, suprà docui.

Ferali hoc programme seipsum jactâsse volunt: ATTILA MUNDIZICZI F. & M. NIMRODI N. EDUCATUS IN ENGADI, DEI GRATIA REX HUNNORUM, MEDORUM, GOTHORUM ATQUE DACORUM, PAVOR ORBIS ET FLAGELLUM DEI; ut est apud *Bonfinium lib. III.* Ajunt etiam *Episcopo Tricassinorum S. Lupo* cum obviam iret, acquireret: *Tu quis es, qui terram dissipas atque contulcas?* respondisse: *Ego sum Attila, Hunnorum Rex, & flagellum Dei.* Tunc rursus *Episcopum*, referatis portis: *Ergò bene venerit flagellum Dei!* *Anton. Florent. part. II. tit. I. §. 4.* Item, cum videret Romanum exercitum fugientem, dixisse fertur:

Stella cadit , tellus tremit : En ego malleus orbis!

Job. de Thuroëz. part. I. Chron. c. 16. qui auctor in rerum Ungaricarum Scriptoribus reperitur.

Volunt huic Regi animum potissimum fecisse *gladium*, qui *Martis* olim creditus, & à *Scytharum Regibus* æquali cum Deo honore cultus, miro casu in illius manus devenerit. Pastorem, cùm pro more pecus cogeret, buculam claudicantem ex vulnere sibi notâsse, causâq; indagandæ cupidum omnia vaccæ vestigia, quæ defluens sanguis insignia fecerat, cûriose relegisse; tandemque in hunc ipsum gladium incidisse, solâ cuspide extantem. Hinc altius molitum, terram eruisse, & *Attilæ* donum tulisse; qui eâ ipsâ nocte sibi in somnis armari præcingi; à Marte visus sit. Ita veluti certum imperium orbis terrarum sibi cum gladio offerri, eidem postea humani generis sanguinem propinâsse. Rem *Priscus*, *Attilæ* αὐτοκράτορος, & qui à Maximino Imperatoris Romani legato comes legationis assumptus est ad *Attilam*, primus historix suæ inseruit; & ex eo descripsit *Jornandes*, ex hoc *Brunnerus lib. IV. Annal. Boicorum p. 472.*

Arma primùm convertit in *Gepidas*, deinde in *Sarmaticas* nationes; postea *Mæsiâ* & *Daciâ* & *Pannoniâ* *Visigothos* exuit; & *Istri* fluminis propugnacula, quæis Romani se ab irrudentibus muniebant, nullo labore sustulit; & in *Macedoniam* *Asiamque* penetravit: Quam ubi pacatam reperit, mox in *Pannoniam* rediit, ibique sedem suam figere decrevit; tam locorum captus amcenitate, quàm opportunitate retinendi

nendi sub ditione suâ nationes, quas devicerat. Sic in ea aliquantùm temporis insumsit, & quamvis totius interim Occidentis imperium somniaret, tamen se continuit, donec à *Geizerico*, Vandalorum Rege, in *Africa* sollicitaretur ad bellum *Theodorico*, Visigothorum Regi, inferendum.

Tum ferè totus orbis collisus est: Nam Visigothis se adjugebant *Romani*, & Romanos sequebantur *Franci*, *Saxones*, *Burgundiones*, *Alani*, *Riparioli*, *Lambrones*, *Sarmatae*, *Armoritiani* & *Liticiani*; ac pænè omnes Occidentis nationes. *Theodoricus* immensam Visigothorum multitudinem trahebat, cum duobus filiis *Thorismundo* & *Theodorico*: *Attala* auxiliares erant *Marcomanni*, *Quadi*, *Suevi*, *Heruli*, *Turcilingi* sive *Tungri*, *Rugii*; ut quingentorum millium expleret exercitum. Primo impetu *Tungri* *Colonia*q; deleta, Rex *Burgundiorum*, antequam *Theodorico* & *Aëtio* (id duci Romano nomen erat) sese conjungeret; copiis & vitâ spoliatus, *Aurelianum* oppugnata & capta: Quò minùs diriperetur, *Aëtii* adventum prohibuisse volunt.

Tunc *Attila* retrocessit in campos *Catalaunicos*; quos alii propè *Tolosum*, alii propè *Aurelianum*, alii alibi collocant. In his campis celeberrima illa pugna depugnata est, quâ utrinque centum octoginta millia, vel ut alii, centum septuaginta millia; vel ut ii, qui minimum ponunt, centum sexaginta duo millia cæsa sunt; exceptis nonaginta *Francorum* & *Gepidarum* millibus, qui ante hanc pugnam mutuis vulneribus conciderant.

Occubuit & *Theodoricus* Rex in victoriâ, cui filius *Thorismundus* postero die tum vulnere, quod acceperat, tum dolore amissi patris exacerbatus, admovit copias *Attala castris*, è continuâ *planstrorum serie* constantibus. Rex, licet ex desperatione in ignem se injicere cogitaret, tamen collecto animo per varios dolos ab oppugnatione castrorum deterret hostem. *Aëtius* quoque metuens, ne *Hunnis* funditus deletis, imperio Romano victores *Gothi* graviores essent, *Thorismundum* hortari cœpit; ut ad propria reverteretur, antequam *Valamirus* frater, vel alius quispiam sceptri prædo illum excluderet. Ita dimissus *Attila*, in reditu *Tungrorum* metropolim diripuit; & hinc in *Pannoniam* se contulit, vires reparaturus; quod brevi factum est.

Sed *Attila* non jam *Gothos*, sed ipsam *Italiam* petiit. Auxit Italiæ metum horrendum prodigium, tres lapides è cœlo lapsi. *Valentinianus* Alpes insedit, *Aquilejam* munivit, *Aëtium* è Galliâ ad defensionem Romæ accivit: Quibus rebus impeditus *Attila*, sive trans *Danubium* hiematum ivit, ut quidam ajunt; sive ad *Illyricum* & *Dalmatiam* se convertit, atque expugnavit *Tragurium*, *Sibinicum*, *Belgradum*, *Jadream*, *Segnam*, *Polam*, *Parentium*, *Aemoniam*, ut alii. Pubescente vere, & invitante molli Zephyro, se in *Italiam* vertit; & occurrentem Romanorum exercitum, haut procul *Tergestino* sinu fudit, ac delevit. Sic effracto Italiæ obice, per *Carnos* in *Forum Julii* venit; & *Aquilejam* aggressus, toto triennio obsedit, donec caperet. Unâ eâdemque flammâ *Concordia*, *Opitergium*,

glum, Altinum, Patavium, Ateste, Mediolanum conflagrârunt.

Per has strages & ruinas ibat ad delendam Romam : Ibi *Leo* Pontifex obviam venit, & pro urbe iram ejus supplex mitigavit. Addiderunt, qui ad Sanctorum cultum delâpsi, nil nisi Sanctorum apparitiones & miracula vel ab imaginibus, vel à reliquis edita; roborandis persuasionibus suis velut ex tabella recitant, *Attilam specie D. Petri & Pauli territum*, auctoritati Pontificiæ se submisisse; & à Romanis civibus abstinuisse manus. Nos ex *Prisco* (quem *Jornandes* citat) discimus, *Attilam* revocatum ab amicis, non quòd urbi consultum vellent, sed quòd *Alarici fatum* cogitarent; qui expugnatae Romæ non diu supervixit.

Tradit etiam *Callimachus*, in eâ multos opinione fuisse, *Attilam* tractabili mitique naturâ in supplices, ingenio doctrinâque *Leonis* victum. Vultum avertent ad hoc verbum, quibus ex communi Scriptorum Romanorum consensu sedet, *Attilam* tyrannorum sævissimum fuisse, regnum in perniciem orbis terrarum iniisse; latronem potius quàm militem, velut in macello publico in omnes mortales gladium Martis, sub inferorum incudibus, ad hanc lanienam percussus, strinxisse; nec suâ naturâ unquam, nisi ad atrociam inclinâsse. Ipsam faciem, mentis speculum, intueri nos jubent; quam numi repræsentent, inhumano luridoque pallore, ac efferi oris monstroso ductu & torvâ oculorum nictatione terribilem. Numum talem in musæo *Δαυμάντις* Rudolphi II. Imperatoris

peratoris fuisse, testatur *Berneggerus in Diss. de Regno Hung. 1b. 239.*

Ego verò scio Romanas artes: Romanis inimicus nunquam à Romanis expectat aliud, nisi perfidiæ, & crudelitatis elogium. Contra Principes suos quæ non scripserunt apertè falsa & impudentia? quid externis faciant? Quòd si excitari possent ab inferis, qui res Attilæ cognitæ habuerunt, factionibus minimè dediti; quàm multa vanitatis, levitatis & impudentiæ manifesta essent! Superfunt tamen, licet pauca, & disjecta passim, & quasi in amplo quodam naufragio dissipata; quæ per sedulam operam vincere vulgi opinionem, consensum hominum inveteratum superare, persuasionem de Attilæ feritate tollere possent.

Auctor est *Aventinus lib. II. Ann. Boicorum p. 103.* complura se vidisse de virtutibus Attilæ carmina, patrio sermone, more majorum, perscripta; & quidem in bibliotheca *B. Heimeracii* de rebus ab Attila gestis, reperisse opus heroico versu, & latinâ linguâ non ineleganter factum. Ex illo libro duos istos versiculos descripsit:

Fœdera supplicibus donat, sternitq; rebelles;

Ultra millenos fertur dominarier annos.

Quæ ipsa valdè stabiliunt causam illam posteriorem, quam dedi, cur *Attila Roma pepercerit*? Fuit hujus quoque sententiæ *Thuroez*, rerum Hungaricarum Scriptor; cujus verba sunt præfatione in *Part. I. Chronici*: *Externarum nationum invidiam exactis per ipsum Regem Attilam victoriis, condignum præconii subtraxisse stylum; & eidem Regi Attila gloriam imperia-*

imperialis nominis demsisse puto: Neque per ipsum gestarum rerum in decus quippiam præterquam illatas miseras, lugubris carminis instar, scripsisse inveniuntur. Idem judicavit Alb. Molnarus in Lexico Latino-Græco Hungarico, quod Heidelbergæ excuam est A. C. 1621: Si Attila Homerus aliquis, aut Scriptor idoneus contigisset; rerum ab eo gestarum laudes exuperarent etiam decantatissimorum Regum encomia, & epinicia. Quæcunque enim vel in infestorum ejus hostium monumentis de eo leguntur, bellicam prudentiam, ac planè heroicam magnanimitatem indicant omnia. Hæc ille.

Ut à capite ordiar: Quamvis erroneæ religionis esset, natus parentibus Ethnicis; tamen piè sentiebat: Nullo sanctiore sacrificio Deos piari, quàm si justè & beneficè inter homines ageretur; teste Callimacho, experiente Historico. A quo animo quis dubitet, multa laudabilia profecta esse? Religioni Christianæ quantum honorem habuit in ipsis Episcopis? à Lupo Tricassinorum, à Leone Romanorum Pontifice exarmari se passus est; quod rarissimè profectò accidit in bellis, quæ Christiani contra Christianos gerimus. Unde inter milites ipsius jactatum est per jocum: *Haud immeritò Leoni cessisse, qui Lupum in Galliâ reformidasset.* Item: *Plus apud Attilam posse ferarum nomina, quàm hostium armatas acies.*

Jam à R. O. M. A. hoc est, Radice Omnium Malorum Avaritia, quæ Romanos in bella non necessaria egit, Romanos magistratus ad cædes innocentibus

centibus parandas compulit, omnesque provincias omni Attilâ crudeliùs laceravit, fœdavit, exhaustis; tam alienus Attila fuit, ut veteri instituto majorum pecunias & opes contemneret. Sæpè dicere solebat: *Miseros esse mortales, qui ea curent, quorum in amissione plus doloris sit, quàm in possessione voluptatis!* ut describit idem Callimachus.

Jam singulari illâ temperantiâ quàm non ple-rosque in ruborem dare possit, cum aqua & plebejâ pulve contentus in publico pranderet; & hoc exemplo suos etiam milites imbueret? ut apud eundem legimus. Sic factum est, ut luxum & insolentiam Romanam Hunnica simplicitas & frugalitas superaret.

Nihil dicam de *virtute militari*, quâ parem illò ævo vix habuit. Totum orbem sedibus suis excitare Romani coacti sunt, ut resisterent. Hæc verò & alia infinita eò usque admirationis perduxêre Callimachum, ut vix hominem crederet: *Si qua, inquit, humana virtutis modum in eo viro supergressa videbuntur, relato ad Deos originis argumento fidem accipiant.*

Sed urgent Romani *parricidium*: Fratrem enim Bledam, ut solus rerum potiretur, interfecisse dicitur. Quid statuam? in mentem est illud Juvénialis; sat. II:

Loripedem rectus derideat, Æthiopem albus:

Quis tulerit Gracchos de seditione querentes?

Quis cælum terris non misceat, & mare cælo;

Si fur displiceat Verri, homicida Miloni?

Clodius accuset mæchos, Catilina Cethegum:

Addo, si Attilam parricidii reum insimulet parricida

Roma

Romanus, *parricidio Roma dedicata est*; ait S. Hieron. ep. 4. *Primâ victimâ Remus munitionem urbis novæ sanguine suo consecravît.* Flor. lib. I. cap. I.

Fraterno primi maduerunt sanguine muri :

Lucanus lib. I. Quis *Octavianus Augustus*, quem imperii Romani conditorem *Romulum* dicere noluerunt, quòd sanctiore & reverentiore nomine dignus videretur (*Florus lib. IV. c. 12. §. 66.*) *Marcellum* generum, & è sorore nepotem suum, adolescentem omninò alacrem, ingenio pollentem, sed & frugalitatis continentiaque in illis aut annis aut opibus non mediocriter admirandum, patientem laboris, voluptatis alienum (*Senec. Consol. ad Mariam c. 2.*) Antonii Musæ medici flagitiis usus, occidit, ut ex *Tac. lib. II. Ann. c. 41. & Plin. lib. VII. c. 45.* alibi probari memini.

Quid paganos loquor? *Constantinus M.* furore quodam concitus, ex suspitione de nefariâ filii cum novercâ consuetudine, eundem quamvis egregiâ virtute juvenem, veneno sustulit. *Constantius* immaniter, vel in sanguine conjunctissimos quosque sæviit, interfectis *duobus patribus & sex consobrinis*, tum suis tum *Juliani Cæsaris. Constantem* etiam, *Constantini M.* filium, complures ajunt *Constantinum fratrem* natum majorem, fraude circumventum, nihil tale expectantem, immisis militibus necâsse. Quæ possint esse tristiores cædium tragœdiæ, quàm istæ sunt? Et tamen sub *Quirini* nomine *Romulus pro Deo* cultus est: *Augustus Pontifex Max. & Pater patriæ* domi forisque, & inter signa militaria pari honore affectus est. Idem venerationis genus *Constantino M.* habitum voluit.

Nimirum hîc molliores interpretationes inveniebant locum, conditionem fragilitatis humanæ non pati, ut uni perpetuam rectè factorum gloriam tribuamus; & quod *Theognis* ajebat, *virum bonum interdum malum esse, alias bonum eundem*. Attila ob idem facinus perpetratum atroci cum verborum contumeliâ execrabilis, diris devovendus, impurissimus, bellua denique vocandus est. *Iniquè verò irascimini alieno sceleri, stultè ignoscitis vestro, quod idem est. Ut absolvamini, ignoscite, moneo vos è Seneca lib. VII. de Benef. c. 8.*

Sed quid idem dico? Unde sumus certi, *Bledam* innocentem periisse, nullius conjurationis, nullarum insidiarum reum? Hostibus adversus Attilam loquentibus credere non possum; quia non erubuerunt, *falsissima* quæque *de Hunnis* posteritati tradere; quale illud est: Dæmones per eremum vagantes cum magis mulieribus à *Filimere*, Gothorum Rege, expulsis se miscuisse; unde natum sit ferocissimum Hunnorum genus. *Bernegg. de Hungaris, thes. 107. 108.* At recepta *Jctorum* sententia est, *instrumentum falsum in uno, falsum censei in omnibus*. Quæ Attilæ reverentia fuit erga Deos & justitiæ studium, à *Callimacho* deprædicatum; facile arguunt, *non innocentem* periisse *Bledam*, quem *dominationis consortem* per aliquot annos non dedignatus est; ut ex *Marcellum Chronico* patet.

At in parricidio nulla satis justa causa ad sceleris patrociniæ prætexi potest, inquit *Justin. lib. XVI. c. 1.* Sed Hispanici Senatus judicium, de *Carolo*, ultimâ pœnâ afficiendo, urgere potuit *Philippus II.* pater; cum

tum clementiora censentibus responderet: *Ex natura lege se plus filium quam semetipsum diligere; ex lege verò Dei salutem populi filio, & publicam charitatem privatæ antehabere.* Non immiscebo me huic controversiæ; sed tamen affirmare possum, ingens iniustitiæ & publicæ securitatis nomine momentum, quibus manum poscentibus prima semper auxilia debeantur. Ut justus, ut securus sis ab eo, qui rerum novarum convictus est, nec speciem emendationis vitæ præbet; etiam in fratrem crudelem esse præstat. Paradoxa primâ fronte, sed iustissima nihilominus lex est, quâ *contra primas necessitudines gladius permissus est.* Quæ cum ita sint, satis apparet, quàm validas adhuc probationes desideremus; ut *Attilam culeo dignum censeamus.*

Alterum Scriptorum argumentum petiit est à tot urbium cadaveribus: Respondeo *Flori* verbo *lib. III. c. 21. §. 24.* Bellum erat, & quidem ab ipsis Romanis illatum prius: Contra *Theodoricum*, Gothum iturus erat; & legatos ad *Valentinianum* misit Romanam, constituissc excindere gentem, publicæ omnium gentium pacis perturbatricem; nil sibi rei cum Romanis esse. Et viros eos fortes ac bonos credere, quorum imperium & latè pateret, & æquissimo à subditis ferretur animo. Pollicebatur præterea, si ex usu fore appareret, initutum se cum illis fœdus & amicitiam; viresq; & consilia communicaturum. Ita refert *Callimachus*.

Sed addunt, fraudulenter egisse, ut Gothi & Romanis separatis, utrumque dein faciliùs opprimeret.

ret. Quicquid sit, *Aëtius*, *Valentiniani* dux, *invasit* primùm *Attilam*, non *Attila* Romanos. Et quid tot urbium lamentantur ruinas? *Roma*, quæ nationes omnes sceleribus, rapinis & cædibus irritavit, clementem victorem experire potuit, cum supplex fieret; aliæ civitates non poterunt? Id verò mirum videatur, nî, quod existimo, pleræque ad ultimum pertinaciter victricia arma moratæ sunt. Fuit in illarum potestate, *Attilam* clementem an crudelem experiri mallent?

Aquileja restitit per triennium: Quid indignamur, si per vim expugnatâ, non deditâ, cives occisi, & omnia inflammata sunt? *Quantò bellum minoris periculi*, tantò mitior victoria esse solet, ait *Justin. lib. I. c. 7. §. 6.* Quod ipsum vult *Liv. lib. XXVIII.* dicens: *Mitior victoria fuit, nec tantundem noxa admissum erat, & aliquantum ira lenierat voluntaria deditio.* *Supplices nihil abnuendo veniam omnium accipiunt*, ut docet *Tacitus lib. II. Ann. c. 22.* Item: *Pœnitentia in tempore oboricens iis, qui peccârunt, ad veniam dandam provocare lafos solet*; verba sunt *Procopii lib. II. Vandal.* Cum in *Armeniâ* oppidâni, portis sponte patefactis, se suaq; *Romanis* permisissent, id quidem salutem illis tulit; ut scribit idem *Tacitus lib. XIII. Annal. c. 41.* At quibus surde aures adûtile consilium, pertinacibus armis minùs placabilem victorem relinquunt sibi & suis. Idem *lib. III. Hist. c. 67.* *Adhac victores, morantibus victoriam, irati trucidabant, quos pelleri non poterant* *Liv. lib. XXII.* Sic commune victorum jus secutus est *Attila*, cum duriùs haberet illos, qui capti quàm dediti esse maluerunt.

Quòd

Quòd si Attilam in comparationem venire ju-
berem cum Romanis, næ ille præ istis ovicula videri
posset. *Caucai*, populus *Hispanicus*, supplices ad *Lucul-
lum* miserunt, pacem & fœdus quacunque lege fa-
cturos: Ille obsides, argentum, & equites auxiliares
imperat; quod illi in se recipiunt bonâ fide. Imperat
porrò, ut præsidii loco duo millia militum accipiant;
obsequuntur. Sed hi portas occupant, *Lucullus* cum
toto exercitu sequitur; & inductis omnibus copiis,
sine discrimine, senes, pueri, viri, fœminæ interfici-
untur. O sanctum & egregium populum!

Cive Romano per orbem nemo vivit justius,

*Quippe malo unum Catonem, quam trecentos So-
crates.*

Uti Romanus Poëta cecinit. Eâdem virtute *Lusitanos*
fœderatos invasit *Servius Galba*: Et cùm omnia fe-
cissent sedulò, quæ jusserat; arma posuissent, quæ
contra populum Romanum non sumpserant; inmis-
sæ copię, quæ fidem ac Deos implorantes ad unum
omnes occiderunt.

Quæso vos, an tale quid unquam factum ab At-
tila? Sic *Ausonum* gens deleta est, sic *Abderita*, vel
securi percussi, vel sub coronâ venditi: Sic *L. Emi-
lius Paulus* in *Epiro*, cùm specie liberandæ provinciæ
in omnia oppida milites suos induxisset, uno die oppi-
da 70. delevit; quot non, credo, per omnem vitam
excidit Attila. Sed & egregium Romanorum morem
notat *Polybius*, solitos captis civitatibus, non tantùm
homines occidere; sed & canes dissecare, & aliorum
animalium membra truncare.

Lips. lib. IV. Admirand. c. 8. excusat, & ait, causam aliquam huic rei fuisse terrorem; cum non facile sit alioquin, manum & finem bellis imponere, nisi hæc interdum frangendæ potentia adhibeantur. *Si hoc pro Romanis facit, faciet & contra Romanos pro Attilâ.* Et tantum afferre volui, ut Historicorum genius notior fieret, quàm est; & simul ad libertatem excitaretur *lector*, cui plerumque vim faciunt auctoritas, & multitudinis assensus. Possem addere, non fuisse Attilam tam immitem adversariis suis, quàm Romani temporibus *Sullanis*, *Marianis* & sub *Triumviris*, multisq; Cæsarum fuerint sibi & provinciis suis. Sed satis est.*

Nunc ad VALENTINIANUM revertor, & in *Besolâo* quidem non probo, qui legitimum hunc Imperatorem in *Synopsi minore* prorsus omittit; & *Attilæ* expeditionem contra *Daciam* & *Pannoniam* susceptam scribit, imperante *Marciano*. Fallitur gravissimè: Nam Hunnorum Reges, ut scribit *Marcellinus*, in *Daciam*, *Pannoniam* & alias *Illyrici* provincias irruerunt, *Eudoxio* & *Dioscoro* Coss. A. V. 1194.

Altera expeditio *Attilæ*, quâ pænè totam Europam occupavit, incidit in *Alypii* & *Ardaburii* Consulatum, hoc est, in A. V. 1199. cum *Marcianus* Imperator appellatus sit A. V. 1202. *Valentiniano VII.* & *Avieno* Coss. Pugnam demum inter *Aetium*, *Theodoricum* & *Attilam* depugnatam quidam volunt (& ex his *Idatius in Chronico*) jam ad imperium evectò *Marciano*. Sed illud ipsum *Marcellinus* dubium facit, qui *Aquilejam* captam ait *Herculano* & *Asporatio*

ratio Coss. hoc est, anno secundo Marciani. At eadem obsessa ferè per *triennium*, quod nemo negat. Ergo coepta obsidio A. V. 1201. Asperio & Protogene Coss. anno ante Marcianum Imperatorem creatum. Rursus & illud novimus, pugnâ illâ in campis *Catalaunicis* recentiore esse obsidionem *Aquileja*. Unde dicendum foret, Posthumiano & Zenone Coss. hoc est, A. V. 1200. biennio ante imperium Marciani pugnatum esse adversus Attilam. Quicquid sit, si ve in Marciani principium incidit illa pugna, si ve non; *falsum*, quod *Besoldus* ait, *temporibus Marciani Daciam & Pannoniam occupatas ab Attila*.

Notandæ verò & aliarum gentium irruptiones in Romanum imperium præter illam, quam fecit Attila; ut causæ imperii Romani, penitus collapsi per illa tempora, magis cognoscantur. *Bonifacius* dux maximus, *Aëtii* calumniis petitus, *Vandalos* in *Africam* pertraxit. Quod fusiùs *Procopius* exponit *lib. I. Vandal.* Carthago capta a. d. 14. Cal. Nov. Theodosio XVII. & Festo Coss. A. V. 1191. *Idatius* & *Marcellinus*; nisi quòd hic 10. Cal. Nov. scribit.

Iisdem temporibus *Galliam* invasere *Franci*; & quamvis *Aëtius* prosperè pugnâisset, *Felice* & *Tauro* Coss. ut scribit *Prosper*, hoc est, A. V. 1180. tamen non diu pòst cum *Attila* se in *Gallias* rursus immisere; ut ex *Sidonii panegyrico*, *Majoriano dicto*, apparet.

Idem fatum *Britannia*, quàm *Picti*, *Scoti*, *Angli* & *Saxones* suam fecerunt. In *Hispaniâ* *Vandali* *Carthaginem* & *Hispalim*, *Gunderico*, *Geiserici* fratre, duce, destruxerunt; *Felice* & *Tauro* Coss. A. V. 1180.

Idatius. Sequentē anno *Geisericō* in Africanam expeditionem intento, *Suevi Hispaniæ* quasdam provincias depopulati sunt; quod & factum sequentibus annis. Suevorum tum Rex erat *Hermericus*, cui successit *Rechila*; *Rechilæ Rechiarius* filius. *Idem*. Consulendus etiam ē recentioribus de tornobilissimorum provinciarum jacturā *Onuphrius in lib. de Imperio Romano p. 922. usque ad p. 936.*

Totius imperii Occidentalis ruinam & ipse *Valentinianus* tristi fato secutus est, cæsus in ultionem *Ætiii*, & ob libidinem à *Fl. Anitio Maximo* a. d. 16. Cal. April. Se VIII. & *Anthenio Coss. A. V. 1207. Cassiodorus, Idatius & Marcellinus in Chronicis, Evagrius lib. II. c. 7. Procop. lib. I. Vandal.*

JOHANNES TYRANNUS.

Hic imperium Occidentis invasit, Honorio defuncto, *Mariniano & Asclepiodoto Coss. A. V. 1175.* ut vult *Idatius*: At *Marcellinus*, sequente demum anno rebellionis initium ponit. *Theodosius*, cū id accepisset, mittere *Helionem*, Officiorum magistrum; qui *Valentinianum* Cæsaris veste induit. Nihilominus initia *Johanni* valdè prospera; captus *Ardaburius*, & ad magnam desperationem *Placidia*, *Valentiniani* mater, redacta. Sed paulò post *Candidianus* rem contra tyrannum feliciter gerit, multis occupatis urbibus, ut scribit *Olympiod. apud Photium Coss. LXXX.* Ipse tyrannus occisus est, fraude tamen magis quàm virtute. *Procop. lib. I. Vandal.* Meminit ejus nūmus apud *Goltziū*: D. N. JOHANNES. P. F. AUG. MAR.

MARCIANUS.

FL. MARCIANUS (ita numus apud *Oecon.* p. 575. appellat) Theodosio juniore mortuo, *Pulcheria*, Theodosii sororis, & *exercitus studio*, imperium *Orientale* adeptus est, *Valentiniano VII. & Avieno Coss. A. V. 1202. Marcellinus, & Idatius in Chron.* Statim hanc *Pulcheriam* in *matrimonium* assumsit. *Idatius d. l.* De hac numus: FL. PULCHERIA AUG. Fuit Marcianus tum admodum senex, & Pulcheria etiamnum *virgo*, sed *annorum unius & quinquaginta*; utpote nata sub Coss. Theodoro & Eutropio A. V. 115. *Baron. in A. C. 450. n. 27.* Idem *Thrax*, & filius cujusdam militaris.

Sub eo *quartum* habitum *Concilium Chalcedonense* contra Dioscorum & Eutychem. *Rutensius lib. II. Lektion. Sacr. c. 11.* incidit in ipsius Marciani & Adelphii Consulatam, hoc est, A. V. 1203. secundum *Marcellinum*.

Contra *Hunnos*, qui multas Italiae civitates diripuerant, idem Marcianus, *Aetio* duce pugnavit feliciter; ut vult *Idatius*. Ipse *Attila* paulò post, cum *nuptiis celebratis* (puellae nomen, quam duxit, fuit *Huldico*) vino largius se invitasset, & supinus noctu quiesceret; *eruptione sanguinis*, qui de naribus alias solitus erat effluere, *suffocatus & extinctus* est; ut scribit *Paulus Diaconus*. *Marcellinus* tamen ait, *hortatus Aetii*, à muliere noctu confossum. En Romanam dextram, fidemque!

Jam ab *Attila* pacem *Valentinianus* emerat. Mortuo *Attila* populi, qui imperio illius suberant, se

in libertatem afferuerunt; *Gepide Daciam, Ostrogothi Pannoniam*, à Sirmio ad Vindibonam, *Sarmata*, & quidam *Hunni* sedes in *Illyrico* ad castrum Martenam; *Rugi* aliq; *Scandiopolim*; *Scythiam* minorem & inferiorem *Mœsiam Styri, Sasagarii, Alani*, duce *Candace*, acceperunt; ut scribit *Jornandes in Geticis*. Ait ibidem, *Marcianum* Imperatorem illâ nocte, arcum *Attila fractum* esse (secundum quietem objectâ divinitus specie) intellexisse.

Moritur hic Princeps Constantino & Ruffo Coss. A. V. 1209. *Marcellinus & Cassiodorus in Chron.* a. d. 17. Cal. Febr. *Theodorus Lector in Lectionibus c. 1.* Septimo imperii anno, *Idarius in Chron.* Rectè *Baronius in A. C. 457. n. 2.* Post Constantinum Magnum non reperiri inter Orientales Imperatores, qui cum hoc comparandus fuerit.

MAXIMUS.

Sequuntur in Occidente non Principes, sed *fungi*; qui ut nati sunt, sic perierunt. Dixit vetus Poëta:

Consules sunt quotannis & novi Proconsules:

Solus aut Rex aut Poëta non quotannis nascitur.

Quod de bonis Principibus verum: Nam *inertium & malorum annona vilissima est.* FL. ANICIUS PETERONIUS MAXIMUS (ita vocatur in numis) interfecto Valentiniano, Romæ Augustus factus *Eudoxiam*, Valentiniani viduam ipse duxit; *Palladio* filio Cæsari, à se creato, filiam ejusdem uxorem dedit, Valentiniano VII. Fl. Antonio Coss. A. V. 1207. Occiditur tertio mense, ut scribit *Marcellinus*; quarto, ut

to, ut *Idatius*. Fuisse ex stirpe illius *Maximi tyranni*, quem Theodosius Magnus sustulit, scribit *Procop. lib. I. Vandal.* Eodem anno urbs *Roma* à Vandalis interea capta est; quos *Eudoxia* per summum scelus evocarat ex Africa. *Baron. in A. C. 455. n. 6. & seqq.*

AVITUS.

FL. MÆCILIUS AVITUS (ita describunt numi) quem Maximus Præfectum prætorio creavit, occiso eodem Maximo, à S. P. Q. R. Imperator creatus, cum *Marciano* Imperatore Orientali, & *Theodorico* Gothorum Rege fœdus iniit. *Idatius*. Erat domi militiæq; spectatus, nobilissimo ortus genere; ut eum deprædicat *Sidon. in Paneg.* sive sponte sive coactus (nam utrunq; traditur) *abdicavit*, *Johanne & Varane Coss. A. V. 1208.*

LEO.

FL. LEO, *Thrax* genere, ut scribit *Nicephorus Callistus lib. XV. c. 15.* è Dacia Illyrica oriundus; ut *Candidus apud Phot. Cod. LXXIX.* Cum militari agmini, *Selymbrianusq;* cohortibus præesset, *Asparis* studio imperium Orientale adeptus est; *Constantino & Ruffo Coss. A. V. 1209.* Imperavit per annos XVII. Sub eo *Constantinopolis* orto incendio ferè tota conflagravit. *Marcellinus* rejicit in Consulatum *Basilisci & Hermenerici A. V. 1217.* Fama fuit, à demone subditos ignes. *Baron. in A. C. 465.*

MAJO-

MAJORIANUS.

FL. JULIUS MAJORIANUS apud *Ravennam*, post Avitum Occidentalis Imp. creatus est à militibus, annuente Marciano; Constantio & Ruffo Coss. hoc est, A. V. 1209. *Marcellinus in Chron.* Quarto imperii anno, Dagalaifo & Severino Coss. A. V. 1213, apud *Dertionem* juxta flumen interemptus est. *Idem.* Vide plura apud *Baron. in A.C. 458. n. 2. 3.*

SEVERUS.

FL. LIBIUS SEVERUS (ita vocatur in numis *Oconis & Caroli Crovi, Illustrissimi Ducis Arschottani; Onuphrius & Goltzius.* VIBIUM dixerunt non benè) post Majorani cædem statim Occidentale cepit imperium, adjuvante Fl. Ricimere. *Marcell. in Chron.* Sed, ut vult *Idutius*, à Senatu Romanæ appellatus. Ejusdem *Ricimeris* dolo veneno tollitur, Herminerico & Basilisco Coss. A. V. 1217. *Cassiodorus.* At *Sidonius* ait, suo morbo interisse; quem *Paulus Diaconus* sequitur. Ignotus & obscurus, nisi quòd constitutio illius una vel altera ad nos pervenit. Post obitum ejus *interregnum* fuisse, satis manifestum est ex *Marcellino, & Cassiodoro.*

ANTHEMIUS.

Eo usque ventum est, ut terrarum Dea ne principem quidem facere posset; sed necesse esset, ut *Imperator Occidentalis Constantinopoli* mitteretur. Igitur à Leone Augusto FL. ANTHEMIUS
missus

missus est, Cusæo & Johanne Coss. A. V. 1219. Marciani Imp. gener fuit. *Nicephorus Callistus lib. XV. c. 11.* Procopii frater. *Idat. in Chron.* Opibus & genere magnus. *Procop. lib. I. Fandal.* Occiditur à Fl. Ricimere, genero suo, Marciano & Festo Coss. A. V. 1224. *Marcell. in Chron.* à quo dissentit *Victor Tununensis* ; sed quem non attendimus, sæpe corruptissimum.

OLYBRIUS.

OLYBRIUS in Anthemii locum creatus, septimo mense imperii sui defunctus est, ut scribit *Marcellinus*, *Idatius*, *Cassiodorus* & *Paulus Diaconus*.

GLYCERIUS.

GUNDIBARIUS, Ricimeris nepos, quem Olybrius patricium fecit, *spretus Leonis Imperatoris auctoritate*, Ravennæ GLYCERIUM imperii insignibus induit. Hic Ostrogothorum Regis fratrem donis & muneribus, jam ferè recepto more, exclusit. Imperio exiit à Fl. Julio Nepote. *Anonymus Valesii p. 477.* Attonsus, Clericorum ritu, *Episcopus* constituitur. *Malchus apud Phot. Cod. LXXVIII.* Factum id Leone juniore Cos. A. V. 1226. *Marcellinus.*

LEO JUNIOR.

FL. LEO JUNIOR (ita describit numus apud *Osconem p. 578.*) Zenonis F. Leonis Imperatoris N. ex *Ariadne* filiâ. Ab eodem avo materno

terno nominatur Augustus Orientis, Leone Augusto V. Cos. A. V. 1225. Moritur *infans*, & *proflus ignarus*, quid accepisset, quidq; moriendo relinqueretur; ut scribit *Theodorus Lector*. Tanquam, antequam obiret, patrem Zenonem Imperatorem creavit. *Candidus apud Photium Cod. LXXIX.* Factum id Leone juniore Cos. A. V. 1226. *Marcell. in Chron.*

ZENO.

Hunc cum *Leo senior* Augustum facere vellet, recusavit ejus imperium populus. Sed tandem à filio *Leone juniore*, ut volunt, Imperator salutatusest. In ejus sententiam ivit Senatus. Fuit Isaurorum nobilissimus. *Anonymus Valesii.* Natus patre *Rusumbladeoto*; apud suos *Tarasidocisa* dicebatur. *Candidus d. l.* Sed statim altero anno se II. Cos. hoc est, A. V. 1227. *Verina* socrus suæ, & *Basilisci* fratris ejus insidiis circumventus, cum *Ariadne* uxore, in *Isauriam* profugit. Idem *Candidus.* Rediit ab exilio, *Basilisco* & Armato Cos. A. V. 1228. Occasio fuit hæc: *Verina* socrus cum Patricio magistro consueverat; id ægrè ferens *Basiliscus* frater, hominem interfici jubet; & *Verina* ipsa, tum ob libidinem, tum ob res novas periisset; nisi eam *Armatus* clam subduxisset. Armatus dein cum *Basilisci* uxore adulteratus, cum ei bellum contra Zenonem committeretur, cum omnibus copiis ad eum defecit. Ita *Zeno* restitutus est. *Candidus in d. l.* Vitâ decedit, *Olybrio* solo Cos. A. V. 1242. *Marcell. in Chron.* Vivum sepulcrum esse scribit *Zonaras tom. III. Annal.* Nati uxor, inquit,

inquit, *ebrium sepulchro inferri iussit*, idq; magno lapide obstrui, ubi nemine ad clamores opem ferente mori coactus est. At *Cedrenus* illatum ait, cum *comitiali morbo* correptus esset; & custodes appositos per duas noctes lamentationem audivisse ex sepulchro: *Miseremini & aperite mihi!* respondentibus, alium jam imperare, precatum esse porro, ut in *monasterium* se abducerent, nil purpuram curare se. Adjicit ibidem, aperto tandem sepulchro inventum esse *Zenonem*, *lacertis & caligis corrosis*; quas *prae fame* dentibus invaserat.

BASILISCUS.

FL. BASILISCUS imperio privavit Zenonem, & ab eodem rursus privatus est se & Armato Coss. A. V. 1228. Annum unum & menses sex tribuit *Baronius*. Sed alii super annum, menses octo. Vide de eo *Malchum apud Photium Cod. LXXVIII.*

MARCUS.

Hunc filium suum *Basiliscus* Cæsarem creârat, ac dein Imperatorem. *Candidus*. Sed cum patre & matre in *Cappadociam* missus est, ubi omnes *una conclusi fame* contabuerunt. *Procop. lib. 1. Vand. Marcellinus, Candidus, & Victor Tununenſis.*

JULIUS NEPOS.

Leo Imperator, auditâ *Anthemii Occidentalis* Imperatoris cæde, FL. JULIUM NEPOTEM, *Nepotiani* filium imperio *Italia* destinavit.

navit. Sed cognito, Glycerium creatum esse, misit eundem Nepotem cum ingentibus copiis, isq; Glycerium regia potestate exiit; & , ut ait *Paulus Diaconus*, apud *Salonas*, Dalmatiæ urbem *Episcopum* fecit. Adde *Marcell. in Chron.* Oresten post hæc contra *Gothos* in *Galliam* misit; qui & ipse genere *Gothus* erat. Sed hic cùm potestatem suam, viresq; consideraret, & contra Nepoti nullas esse; imperium cepit meditari. *Gothis* igitur *Italicis* sibi conciliatis, *Ravennam*, ubi *Nepos* degebat, ocyùs se contulit; incautumq; imperio ipoliavit, & fugere coëgit *Salonas*, A. V. 1227. Zenone Aug. solo *Col. Marcellinus*, *Anonymus Valesii*, *Candidians*.

AUGUSTULUS.

FL. Orestis Patricii filius, ROMULUS AUGUSTULUS vero nomine dicebatur; sed ob puerilem ætatem vulgò *Augustulus* vocabatur; ut scribit *Procop. lib. I. Gothic. in princ.* *Evaagrius lib. XXVI.* & *Cedrenus p. 288.* Tamen quod mirere, etiam in numis legimus: D. N. AUGUSTULUS. PERP. P. F. AUG. Et: D. N. FL. MOMYL, AUGUSTULUS. P. F. AUG. Vide *Goltz. in Thes.* De quo tamen valdè dubito, an numum posteriorem candidè descriptum nobis dederit; videtur enim scriptum fuisse: D. N. ROMUL. AUGUSTUL. P. F. AUG. sed jam detritum ex corruptioribus Historicis, qui Momyllum & Momyllum appellant, pro Romulo, ipse perperam supple-

supplevit. Et nisi impediret alter, qui Augustulum
 manifestè dicit; putarem, nec Augustulus, fuisse
 scriptum; sed Augustus. Quæ enim vulgus inipo-
 nebat apud Romanos, ea reperire non licet in ipso-
 rum Principum monumentis. Quis enim in numo
 legit unquam Caligulam? quis Caracallam?
 certè numus *Ostavi Strada* sic habet: D. N. RO-
 MULUS. AUGUSTUS. P. F. AUG. Et alius,
 quem se vidisse testatur *Valesius ad Anonymum suum*
p. 440: IMP. C. ROMULUS. AUGUSTUS. P.
 F. AUG. Sed, ut dixi, alter suspicionem abstinere ju-
 bet, in quo legimus: D. N. AUGUSTULUS.
 PERP. P. F. AUG. Et ne fidem *Goltzi* in dubium
 vocare possis, confer aureum *Caroli Croje, Ducis Ar-*
schottani, Tab. LXII.

Exitum hujus Augustuli quod attinet (res
 enim gestas habemus nullas, quòd initium imperi-
 cum dejectione conjunctum sit) *Odoacer*, Scyrorum
 & Herulorum Regulus, *Ediconis* filium, *Augustulum*
purpurâ exiit; sed quòd admodum formosus adolescentu-
 lus esset, vitam ei concessit, in *Campaniâ* securè &
 lautè agendam: Nam indulgit prætereà magnam pec-
 unia vim, *Anonymus Valesii*. Factum id *Basilisco* &
Armato Coss. A. V. 1228. ut est apud *Marcellinum*.

Hic finis Occidentalis imperii Romani veteris
 fuit; & imperatorium nomen, quod in *Augusto* cæpe-
 rat, in *Augusto* extinctum est. Adempta quoque Se-
 natui Romano auctoritas, Consulibus dignitas; sed
 quam *Odoacer* postea restituit: Et qui olim tot poten-
 tissimos Reges velut unâ manu vicerunt, vel precariò

regnare passi sunt; iis vitam precariam, & levissimam priscæ dignitatis umbram, venientes ex obscuro Septentrionis angulo permisere. Vis & potestas omnis penes *Hérulos*, mox *Gothos*, denique *Longobardos* fuit, usque ad *Carolum M.*; qui totius Occidentis Monarcha potentissimus à populo Romano Imperator salutatus, idem magnâ virtute restitit.

Illud tamen hîc minimè dissimulandum est, altero anno post exutum imperio Augustulum AMBROSIIUM AURELIANUM, ut aliquod saltem vestigium Occidentalis imperii superesse videretur, sumtâ in *Britanniis* purpurâ, *Britannos* ab *Anglo-Saxonum* tyrannide strenuè defendisse; quod ex *Gilda*, *Beda* & *Adone* docet *Baron. in A. C. 477. n. 30. 31.* Sed id bonum admodum breve fuit: Quemadmodum illis ipsis temporibus SABINIANUS MAGNUS Illyricianæ militiæ ductor, qui collapsam remp. restitutus videbatur, & jam *Gothis* terrori esse cœperat; quemq; cum antiquis reipub. ducibus comparabant, antequam cœpti sui compos fieret, rebus humanis exemptus est, A. V. 1232. Placido solo Cos. ut scribit *Marcellinus in Chronico*.

TYRANNI.

SERVANDUM quendam, in Italiâ affectatæ tyrannidis reum, occisum in tumultu militari, observavit *Strada*. Nos ARABUNDUM reperiimus apud *Cassiodorum*, ob affectatum imperium, *Anthemii* jussu, deportatum A. V. 1221. Mariano & Zenone Coss. Quosdam ibi legere *Ardaburium*, ex
notâ

notâ *Sylburgii* cognosces; quod non placet. Arda-
burius, Asparis filius, occisus est Constantinopoli,
Leone Augusto IV. & Probiano Coss. hoc est, A. V.
1223. unâ cum patre & fratre Patricio Cæsare. *Mar-*
cell. in Chron. Sidonius lib. I. ep. 7. fusè describit judi-
cium, quo Arvandus, Galliarum præfectus, læsæ
majestatis reus, causam dixit sub Anthemio Impera-
tore. Insimulabatur tanquam *Galliarum particularis*,
quæ adhuc Romanis parebant, *Erarico*, Gothorum
Regi, prodere voluisset. Hujus igitur nomen substi-
tuam apud *Cassiodorum*. Sed an idem cum Servan-
do Stradæ? an intellexit Seronatum, qui Gallia-
rum præfectus, ejusdem Anthemii temporibus, ma-
jestatis judicio postulatus, scelus capite luit; ut scribit
idem *Sidon. lib. II. epist. 1.* Viderint, qui recentiorum
tricas extricare possunt, & nos doceant.

FL. RICIMER P. F. AUG. describitur eidem
Stradæ, quod & ipsum nusquam observavi. FL. RI-
CIMER, natione *Suevus*, ut *Ennodius* ait in *Epi-pha-*
niu vitâ; sive *Vandalus* & genere materno descendens
à *Valliâ*, Gothorum Rege, ut alii; totum ferè impe-
rium per hæc tempora sustinuit. *Avitum* Imperato-
rem diademate exuit, & è fastigio ad vitam privatam
detrusit. Patriciatus dignitate fuit ornatus à *Majo-*
riano Augusto; Vir Illustris, Comes & Magister utri-
usque militia in epistolis appellatur, & in consilium
rerumq; omnium societatem adscitus. Hunc ipsum
Majorianum è Galliâ revocavit, & imperio abdicare
coactum apud *Iram* fluvium prope *Dertenam* occi-
dit. *Severo* augustalia insignia injussu Leonis Impe-
ratoris

ratoris Byzantini, *Ravenna* detulit; *Beorgorem*, Alannorum Regem, prope *Bergomum* fudit ac peremit; quâ victoriâ elatus, magnificos adeò spiritus sumsit, ut *Imperatorem* à se factum contemserit, & *veneno* occultè necârit. Eodem scelere *Anthemium* socerum suum cum gravi calamitate urbis extinxit; sed post tantum facinus haud ultra 40. dies vixit. Hæc omnia legimus: Sed Imperatorem Augustum appellatum apud neminem legere memini.

In Oriente invenio ASPAREM ipsum, tyrannidis affectatæ reum, & occisum A. V. 1223. Leone Aug. IV. & Probiano Coss. apud *Cassiodorum*. Unâ periisse filios *Ardaburium* & *Patricium Cæsarem*, scribit *Marcellinus in Chronico*. Ex his *Ardaburium Cæsarem* facit *Evagr. lib. II. c. 15.* quem secutus est *Strada*. Sed à *Marcellino* stant *Victor Tununensis* & *Candidus apud Photium*. Imò hic auctor est, *Patricium Cæsarem*, licet excepta plaga inopinatò salvum evasisse, vixisseque: Sic & alium ex *Asparis* filiis *Ermenarichum*, quòd tum fortè abesset à patre, cædem perinde effugisse.

L. AURELIUS TITIANUS P. F. AUG. reperitur in numo *Strada p. 250.* Hic verò dicitur, de quo *Aspar* cum Leone acriter contendit; ut scribit *Candidus*. Titianum Consulem suffectum facit *Onuphrius in A. V. 1218.* quo FL. LEO III. Cos. fuit; quod quia sine teste dictum est, rejicit *Baronius in A. C. 466. n. 1.*

FL. BASILISCUS, *Armati* filius, à *Zenone* Imperatore Cæsar appellatus est. *Armato* id debebat

Zeno

Zeno perfidiæ præmium: Nam à *Basilisco* Imperatore, cujus uxorem stupraverat, missus contra *Zenonem*, ad eundem defecit; ut scribit *Candidus*. *Armatius* appellatur apud *Suid.* & l. 28. C. de jure dot. Aliquando & *Armasius*, sed corruptè, l. 2. C. de Feriis l. 5. de Natur. lib. Cæterum non diuturnum proditionis fructum tulit. Occisus est enim ab *Onulpho*, quem pauperem, & recens à barbaris venientem, humaniter susceptum, Comitem primum fecerat; dein Præfectum Illyricorum, & præterea multis pecuniis locupletaverat. Sed is barbarus homini perfido perfidâ manu gratiam retulit; ut est apud *Suidam*, qui haud dubiè *Malchum Sophistam* hîc exscripsit. *Candidus* *Armatum in frustra discerptum* ait; & *Basiliscum* ejus filium, Cæsarem inter lectores in *Blachernis* profiteri cœpisse. Adde *Zonar.* tom. III. Ann. p. 44.

FL. MARCIANUS, *Anthemii* Imperatoris filius, ductâ *Leontiâ*, *Leonis* Imp. filiâ, tyrannidem affectat, ac pugnâ gravi commissâ, adversarios terga dare coëgit; potitusq; fuisset palatio, si tam victoriâ uti scisset, quàm vincere. Unius noctis mora ruinam illi attulit; nam postero die proditus à suis, & desertus, confugit ad ædem sacram; unde abreptus, *Cæsaream Cappadocia* demigrat; ibiq; inter monachos latitare voluit: Sed à *Zenone* Imperatore duci jussus ad *Tarsum Cilicia*, comâ abrasâ, presbyter designatus est; ut ex *Eustathio Syro* refert *Evagr.* lib. III. c. 26.

PROCOPIUS, ejusdem *Anthemii* frater, insurrexit, & succubuit eodem tempore. Victus ad *Theodoricum* in *Thraciam* confugit. *Candidus*.

LEONTIUS & HILLIUS, *Isaurus*, imperium arripuerunt Theodorico & Venantio Coss. hoc est, A. V. 1235. *Marcellin. & Victor Tununens. in Chronicis.* Hillum *Zenonis magum* fuisse scribit *Suidas*. Armatum eò induxit, ut *Basiliscum* proderet. *Candidus*. Consulatum gessit sine collegâ A. V. 1229. Vide *Goltz. & Onuphr.* Cum Leontio deniq; in castello quodam *Itauriæ decollatur*, *Dynamio & Sifidio* Coss. A. V. 1239. *Marcell. & Candid.* Ellum corruptè nominat l. 7. C. de secund. nupt.

ANASTASIUS.

FL. ANASTASIUS DICORUS, *Epirota*, *Dyrrhachio* ortus, *Ariadna* studiis, quamvis nondum Senator esset, ad imperium evehctus est. *Evagr. lib. III. c. 29.* Factum id A. V. 1242. *Olybrio* juniore Cos. Vide præter alios *Anonym. Vales. p. 480.* Imperatorem factum, *Euphemio Patriarchæ Constantinopolitano suspectum de fide* fuisse scribit *Baron. in A. C. 491. n. 7.* Hinc minitabundum compellâsse illum in hæc verba: *Si secus feceris, resectâ tuâ comâ, in triumpho ducam te cum populo.* Sed *Suidas* hæc narrat non de *Anastasio Imperatore*, sed de *Anastasio* adhuc *Silentiario*; ut docet *Casaub. proleg. in Exercitat. Baronian.* Imperavit per multos annos. Desiit enim vel *fulmine ictus*, quod complures volunt; seu *morbo extinctus*, quod *Anonymus Valesi p. 484.* Magno Cos. A. V. 1269. a. d. 7. Id. Jul. Multæ sub eo *clades acceptæ à Bulgaribus, Getis & Persis.* Vid. *Marcell.*

TYRANNI.

LONGINUS SELINUNTINEUS & **A-**
THENODORUS, *Isauri*, res novas contra *An-*
nastasium moliti, tristi fato perierunt. *Marcell.*
& Victor Tununens. in Chronicis.

VITALIANUM tyrannum sub Anastasio no-
 minat *Procop. in Arcanâ Historiâ p. 30.* Genere *Scy-*
rha, ut scribit *Marcellinus*, filius *Patricioli*; ut idem
Procop. lib. I. de Bello Pers. Anastasium miris modis
 vexavit, & urisit. *Cedrenus.* Extincto Anastasio ad
 remp. revocatur à *Justino*, septimoq; receptionis suæ
 die Magister militiæ ordinatur, ac dein Consul. *Mar-*
cell. Tantæ fuit apud *Justinum* auctoritatis, ut eo in-
 stante, *Severum* & *Julianum* hæreticos Imperatores
 exulare jussit; & *Hormisda* Papa ad eum scripse-
 rit de gravioribus Ecclesiæ rebus, ut ex epistol. *Justi-*
niani ad eundem *Hormisdam* docet *Nicol. Aleman.*
ad Procop. Arcan. Hist. p. 23. Tandem *Constanti-*
nopoli intra palatium *Delphicum* infidiis *Justiniani*
 occisus est. *Victor Tununensis & Procop. in Arcan.*
Hist. p. 30.

AREOBINDAM quoque Imperatorem fla-
 gitavit in seditione populus *Constantinopolitanus*, ut
 scribit *Marcell.* Sed quod petebat, successu caruit.
 Ne confundas hunc cum *Arcobyndo*, *Projectæ*
 marito; quæ *Justiniani* à sorore *Vigilantiâ* neptis.
Nic. Aleman. in Arcan. Hist. p. 13.

JUSTINUS.

Post obitum Anastasii JUSTINUS ad imperium coactus est, *Illyricianus*; ut scribit *Procopius*, cum *Victore Tununensi*; sive *Thrax*, ut *Zacharias* apud *Evagr. lib. IV. cap. 1.* & *Basilus Ciliæ* apud *Phot. in Biblioth. Cod. XLII.* Sed specialis patria fuit *Bederina*; quæ, quia in limitaneis *Illyriæ Thraciæq;* agris sita fuit, inde factum, ut hunc modò *Illyricum*, modò *Thracem* dicerent. Auctor *Chronici Alexandrini: 155v* & ὁ Βεδερίτης (ita legit *Alemannus*) ὁ Βεδερίτης, *Justinus* è *Bederinâ* civitate *Thrax*. Illustri loco natum alii dicunt, alii obscuro sordidoque; priores sententiæ suæ firmandæ producant numos, in quibus legitur: D. N. FL. ANIC. JUSTINUS P. F. AUG. ANNO VII. Qualem *Occo* exhibet p. 581. Nulla verò domus *Anicianâ* nobilior, aut illustrior. *Anicios* penè *Principibus* pares ætas prisca progenuit, inquit *Cassiod. lib. X. ep. 11.* Et:

- - - - - quemcunque requiris
 Hac de stirpe virum, certum est de Consule nasci;
 Per fasces numerantur avi, semperq; renatâ
 Nobilitate virent; & prolem fata sequuntur
 Continuum, simili servantia lege tenorem:
 Nec quisquam procerum tentat, licet ære vetusto
 Floreat, & claro cingatur Roma Senatu,
 Se jactare parem. - - - - -

ut canit *Claudianus*. Liberâ rep. non multa *Anicio-
 rum* nomina in Fastis. *Lucium Anicium*, *Lucii F. Marcii N. Gallum* Proprætorem A. V. 586. de Rege *Gentio* & *Illyriis* triumphâsse, ipsis *Quirinalibus*, au-
 ctor

stor est, qui tabulas Capitolinas confecit. Ejus filius, *L. Anicius Gallus* Cos. A. V. 593. reperitur in iisdem. Tum longè nobiliorem domum *Emiliam* fuisse scribit *Liv. lib. XLV. cap. 43*: Minor ipse Imperator & nobilitate *Anicius cum Emilio*, & jure imperii Prætor cum Consule collatus. Ubi fortassis vocabulum nobilitatis accipit stricte: Nam apud Romanos censi nobiles, non qui longam majorum seriem ciere possent; sed qui parentes, avos, proavos magistratibus curulibus gestis claros, quamvis genere plebeji essent. Vide *Lips. lib. I. Elect. c. 29*.

Sic *Anicius Gallus* non statim ex plebeja vel humili domo, etiamsi nobilitas illi minor esset. Nam & quidam *Patricii generis viri*, & ab antiquis Heroibus oriundi minùs nobiles; quod neque pater, nec avus, neque proavus ad magistratum curulem evectus esset. *Ælios Lamias* ex Romanâ loquendi consuetudine (quamvis à *Lamo*, Neptuni filio, *Læstrygonum* Rege derivarent genus) ignobiles dicere possum; quorum parentes & avi in Romanâ civitate neque *Ædilitatem curulem*, neque *Præturam*, neque *Consulatum* gessere.

Oppressâ rep. primâ, *Aniciorum, Faltoniorum* & *Proborum* mentionem reperio, *Inscr. VI. p. 1025*. quæ referenda est ex subscriptis *Coss. ad A. V. 926*. nisi quæ alibi suspecta est, *Ursini* symbolam rejicimus: Ex *Ursiniani* enim schedis eam descripsit *Gruterus*. At ab anno Urbis millesimo *Anicii* valdè celebres in *Fastis* & *Lapidibus*. *Primi nobilium omnium Christianam fidem amplexi sunt. Prudent. lib. I. contra Symmach.*

Fertur enim ante alios generosus Anicius orbis

Illustrasse caput - - - -

Hinc Scriptores pagani tam illustri nomini haud unam labem adspargere conantur. *Amm. Marcell. lib. XVI. pag. 68: Anciorum posteritas in avorum emulationem tendens, satiari nunquam potuit, cum possessione multo majore. Item Zosim. lib. VI. ait: Cum soli omnium penè opes possiderent, felicitati publicè invidebant.*

Huic igitur tam claræ stirpi Justinum nostrum inserunt tum alii, tum *Petrus Bertius Præfat. in Boëthii libros de Consolatione.* Utq; hoc persuadeant magis, proferunt illa *Cassiodori lib. VIII. ep. 1. ad Justinum: Non vos majorum purpuratus tantum ordo clarificat, &c. quantum longè lateq; potens gratia vestra nobilitat.* Sed aliis, ut dixi, sordido loco natus dicitur. *Zonaras tom. III. Annal. armentarium fuisse scribit, & subulcum à teneris; quod si ut verum amplectimur, nihil Justini gloriæ detrudere dicit. Ex hac innoxia & sincera secta, ut appellat Florus lib. III. c. 12. quâ*

Non alia magis est libera, & vitio carens

Ritusq; melius vita, quæ priscos colat.

ut est apud *Senecam Tragicum in Hippolyto.* Deus Optimus Max. Patriarchas, Prophetas & Principes maximos quosq; subinde produxit. *Procopius in Arcan. Hist. p. 27. agricolam facit, ut videatur superioris ævi Principes secutus; qui cum obscuro genere nati essent, auctoritatis, an gratiæ parandæ? (nam Romani barbaram ὀνομασθεῖαν abhorrebant jam ab antiquo illustre nomen adsciverunt. Sic, ut suprâ docuimus, Aurelii & Valerii & Julii nomen quàm plures usurpârunt.*

Cassio-

Cassiodori locus manifestè corruptus est, & rectè correctus mihi videtur ab Alemanno, qui legit: Non nos majorum purpuratus &c. vult dicere: Non tam eo nomine clari sumus, quòd pater, avus, proavus noster Consulatum gessere, Regesq; fuerunt; quam quòd tu nobis in tantum faves. Nam Athalaricus, qui hæc scribit, respicit tum ad scepra regia, tum ad Fastos Consulares; in quibus annotati sunt aliquot Gothorum Reges.

Theodoricus Amalus Rex, Walamneris Regis filius. Patricius & Cos. factus est, ut scribit *Anonymus Valesii* p. 478. 479. Adde *Jornandem in Geticis* c. 57. Collegam habuit Fl. Venantium Decium. *Marcell. in Chronico.* Fl. Eutarichus Cillica Amalus, Athalarici pater, Consulatum gessit cum ipso *Justino A. V. 1271.* Meminerunt idem *Anonymus, Inscriptio X. p. 1053. & subscriptiones aliquot Legum in Codice, l. 6. §. 4. C. de advoc. divers. jud. l. 7. C. de nat. lib.* Quod si quis tamen perpendere conetur, *Justinum per adoptionem in Aniciorum domum transisse*, illi non valdè repugnabo. Quid enim Aniciorum aliquis hunc in gentem suam recipere dedignaretur, jam Patricium, Senatorem & Comitem prætorianorum?

Fuisse Deo Opt. Max. salutem ejus curæ, & hoc argumento colligi potest: Privatum adhuc *Joh. Gippus*, dux Anastasii, missus cum exercitu adversus *Isauros*, incluserat carceri, mox capite plectendum. Notu Johannes per quietem videt nonneminem, qui proceritate & reliquo corporis habitu præstantius quid homine præ se ferret; juberetq; dimitti, quem
 pridie

pridie tradidisset custodiæ. Ille somno excitus non magni ducit, quæ in somno visa forent; nocteq; insequente iisdem in quiete visis & auditis, ac nihilominus neglectis, tertio ab eadem illâ specie atrocioribus minis exagitur, ut dicto pareat. Sic mortem evadere Justino contigit. Refert *Procop. in Arcan. Hist. p. 28.* quamvis ibi adjiciat, dixisse illum, qui specie hominis apparuerit: *Nam hoc homine, hujusq; propinquus opus cum primis erit; quia ira mihi mox concitabitur.* Quæ suspecta mihi sunt. Vult Justinum flagellum dicere irati Dei, quem alii summis laudibus extollunt.

Aliter sanè de *Justino & Justiniano* responsum alio tempore: Nam cum Anastasius utrumque insidiarum suspectum tollere cogitaret, deterritus est & ipse somno; cum ei vir terribilis adstitisse visus esset, ac dicere: *Justino ac Justiniano ne quid mali feceris, nam uterq; Deo serviet.* Ita referunt *Zonaras tom. III. Annal. p. 47.* & *Cedrenus. Anonymus Valesii p. 483.* memoriæ prodit, Anastasium Imperatorem, cum Deum de revelatione successoris sui rogasset, tulisse responsum: *Is, qui die crastini primus adesse nunciatus fuerit, tibi succedat!* factum esse, ut Anastasio nondum cubiculum egresso, primus adesse nunciaretur *Justinus.* Adjicit ibidem, Justinum post hæc obsequii causa *festinantem*, per imprudentiâ *chlamydem Imperatoris pede calcasse.* Tum Anastasium hoc tantum dixisse: *Quid festinas?*

Imperator factus est Fl. Magno Cos. & quidem legi-

legitimo modo à Senatu, ut scribit *Marcell. in Chron.* Ipse ad *Hormisdam Papam* scribit: *Per has sacras declaramus epistolas, quòd primùm quidem inseparabilis Trinitatis favore, deinde amplissimorum procerum sacri nostri palatii & sanctissimi Senatus, nec non electione firmissimi exercitus, ad imperium nos, licet nolentes & recusantes, electos fuisse atque firmatos. Extat apud Baron. in A. C. § 18. n. 67. Sed Evagrius lib. IV. c. 2. ex Zacharià Eutychem refert, eum per vim sese Imperatorem fecisse, occisis Theocritiano & Amantio Præfectis cubiculi. Addit Procopius, à Justiniano interfectum Amantium, cum nonnullis aliis, ob leve dictiterium in Johannem, urbis Antistitem, jactitatum.*

Vide, quantà varietate affectuum scripta sit horum temporum historia! *Zonaras* interfectos quidem ait Amantium & Theocritianum; sed in consilio interficiendi Justinii deprehensos. *Marcellinus Comes Justiniani Cancellarius, in Chronico*: Amantium, Andream, Michaëlem & Ardaburium *Manicheorum fautores*, & Justinii Augusti proditores, deprehensos esse. *Victor Tununensis*: Amantium seditionem in populo suscitaturum fuisse, ut Imperatorem alium faceret. *Jornand lib. I. de Successione*: Amantium regno Justinii inhiasse, & Theocritum ad regnum clam præparasse.

Statim atque imperium Justinus adeptus est, *Concilium Chalcedonense*, quod Marciani temporibus contra *Dioscorum & Eutychem* hæreticos habitum fuit, acerrimè propugnavit; exules & orthodoxos restituit. *Zonaras d. I. Acta Saba, apud Surium tom. VI.*

d. 5. Decembr. An ob id flagellum irati Dei? An mereri potest convitia hæc, quæ *Procopius* jactat, velut è plauistro: *Nullo bono fuisse Justinum, insignis hominem stoliditatis, summâ cum infantiâ, summâq; cum rusticitate conjuncta?* Si quid video, à diversitate religionis hæc profisciscuntur; & qui *Amantii* cædem, nequissimi *Eutychianorum* patroni, tam molestè fert, quid de illius fide suspicabimur?

Aliis Manichæus dicitur, ut *Marcellino & Actis Synodi Constantinopolitaneæ* apud *Baron. in A. C. 518. n. 18.* Acclamat in iis populus: *Sanctus, Sanctus, Sanctus, Trinitas vincit! Et nunc non timeas Amantium nec Manichæum. Iustinus regnat: Quid times Amantium?* A Tyriis vocatus est *αὐτοκράτορ τῆς τριᾶδος*, hoc est, *rebellis Trinitatis*; & à Byzantiis *Zummas*, ab insigni *Manichæo* ejusdem nominis; quod ipse fatetur *Alemannus*.

Conqueritur ibidem *Procopius*, sub *Iustino Justiniano* impetum fecisse in opum alienarum rapinas, in cædes; sicut pro nihilo duceret, innumeram perdere omnis criminis infontem multitudinem. Ego apud alios reperio, solum pulsos, & facultatibus suis exutos hæreticos; quosdam & capite punitos. Vide l. 12. C. de *Hereticis & Manichæis*. Magnam imprimis *Manichæorum* cædem editam, inquit *Cedrenus*. Non potest aliorum cædem objicere *Procopius*, quàm istorum; de quâ injustè conqueritur.

Non in eâ sumus opinione, hæreticos & quoscunque in religione errantes statim ad ferrum & ad ignem damnandos esse: Non sum *Cyclops*, aut *Phalaris*;

laris; cui ludo ac joco sanguis humanus est: Sed hîc punienda fuit crudelitas & immanitas, quam iidem hæretici, sub Anastasio in orthodoxos exercuerant. Legenda sunt *Acta Synodi Constantinopolitanae contra Anthimum*, in quibus reperimus, multos occisos, plures correptos, & in captivitatem tractos, vestibus & pecuniis exutos. Hos igitur ut ulcisceretur, ipsa justitia cælestis Justinum jussit: *Quomodo Reges servient Domino in timore, nisi ea, quæ contra jussum Domini sunt, religiosâ severitate prohibendo atque plectendo; ut inquit B. Augustinus in epist. ad Bonifac.*

Eodem jure Procopius conqueritur de insidiis *Vitaliano* structis. Non satis æstimat, quâ cupiditate invadendi imperii flagrârit, quamq; illius obtinendi hæreticos ipsos omnibus modis adjuverit. Legenda *Epist. LXII.* Legatorum Apostolicorum scripta ad *Hormisdam* Pontificem apud *Baron. in A. C. 519. n. 90.* Evagrius dignum censet *Vitalianum* hâc morte: *Has pœnas, inquit, pro sceleribus, si tam inconsideratè contra imperium Romanum consciverat, persolvit.* At modum laudare non potest: *Ut eum deciperet, inquit, velavit odium fraudulentis blanditiis, simulato vultu. Quin unum ex ducum numero, qui Præsentes vocantur, eum designat; & quò magis in laqueos incideret Vitalianus, ad Consulatus quoque fastigium pro-*
vexit.

Est aliàs hic character tyrannici animi: Hinc enim Romani Scriptores perstringunt *Tiberium*, qui *Libonis Drusi* exitio imminens, interim eum ornavit praturâ, convictibus adhibuit, non vultu alienatus, non
verbis

verbis commotior. Vide Tac. lib. II. Ann. c. 38. De Nerone vide eundem lib. XIV. Annal. c. 56. De Bassiano Spartian. in Getâ p. 92. & in Caracalla p. 86. De Domitiano Suet. cap. 12. De Vitellio Tac. lib. II. Hist. c. 59.

Sed meritò dubitat *Baronius*, annon hæc ipsa *Evagrius* hauserit è *Zachariâ Eutychiano*. Sed esto; „ fecisse talia *Justinum*; patrocinator hîc quoque ne- „ cessitas, quæ sæpè cogit ab ordinariâ juris viâ defle- „ Ëtere ad versutiâ semitam; cum vulpe vulpinari, & „ fraudis alienæ clavum alio veluti clavo pellerè. Se- „ curitati suæ, quàm variis modis sibi consuluerint vi- „ ri magni, approbantibus magnis politicis, alibi do- „ cui sæpiùs. *Titus*, *Vespasiani* filius, atrox commi- „ sit inter sacramentâ, & coram hospitalitiis Diis; sed hoc excusat *Berneggerus* ad *Suet. Tit. c. 6. §. 9.* his ver- „ bis: *Stultè fecisset, si in tali discrimine voluisset ordina- „ rio juris uti processu.* Eodem modo hîc dico: *Stultè „ fecisset Justinus, si apertè voluisset aggredi Vitalia- „ num; à quo metus erat, ne, insidiis deprehensus, ma- „ gnum tumultum concitaret. Fatetur ipse Evagrius, „ Vitalianum aliâ ratione non potuisse de medio tolli.*

Ex his, ut puto, satis manifestum est, quàm lu- „ bricum sit, insistere *Procopio*; & quàm ille Scriptor odii & diversæ religionis suspectus haberi possit. Sed auctoritatem suam maximè convellit *pag. 81.* ubi inter *Justiniani* graviora facinora refert, quod *Arrianis* suis ritibus interdixerit. Cogita, qui bonus es, & fa- „ tebere; vix aliam *Procopium* habuisse causam depe- „ cendi & destringendi *Justinum* & *Justinianum*, quàm

quàm quòd hæreticis exilia indicendo, solitudinem alicubi fecissent; & fortasse simul involvissent nonnullos, quibus ipse benè cupiebat.

Analphabetum fuisse hunc Principem, largior *Procopio*; & qui *Procopium* exscripsit, *Suida*: Nam *codices* Scriptoris hujus *Vaticani* omnes non *Justinianum*, sed *Justinum* *analphabetum* faciunt; ut desinant nugari viri maximi, qui è *Suidâ* Justiniano tam crassæ ignorantix crimen impingunt. Non dicam de aliis. Illud *Baronii* in *A. C. 563. n. 7.* quantum ruborem incutere debuisset ipsi auctori suo: *Justinianum*, cum expertus penitus literarum esset, ita ut nec ad legendum ipsa elementa suppeterent; nihilominus voluisse omnium videri doctissimum *Episcoporum*. Quam sententiam suam repetit in *A. C. 565. n. 10.*

Scriptit *Anastasius* in *Johanne II.* misisse *Justinianum* fidem suam *chirographo* scriptam proprio ad sedem Apostolicam. *Procopius* lib. III. *Belli Gothici* auctor est, defedissee ad multam noctem in museo cum Senioribus quibusq; attentissimo studio, arcana Christianorum dogmatum investigantem. Ad disputandum provocabat hæreticos omnes, & eos valdè premebat, nunc probabilibus rationibus, nunc demonstrationibus, nunc testimoniis Sacrarum literarum usus; ut est apud *Eustath.* in vita *S. Eutychii*. *Novellas* complures non per alios, sed ipse conscripsit, ut colligitur ex *Arc. Hist. p. 63.* Quantum in Philosophicis profecerit, docet *Agapetus* in paranesi ad *Justinianum*: *Nostris temporibus ostensum est, prospera vita tempus, quod prædixit quidam ex veteribus futurum;*

cum vel Philosophi regnarent, vel Reges philosopharentur: Nam philosophando digni habiti regno esis, & regnando à philosophia non descivisti. Vulgavit hanc ipsam parænesin Baron. in A. C. 527. Nec sparsum de Justiniano mendacium convincere potuit, quod miramur. Denique docti & sapientissimi Principis titulum Justiniano Theodahadus tribuit apud Cassiodorum; tum doctissimum appellatum in MS. quodam Vaticano observavit Alemannus, cujus verba ibidem recitat: *Quinta Sancta Synodus Constantinopolitana temporibus Justiniani doctissimi Imperatoris.*

Sed ad *Justinum* nostrum: Cui licet magnum ornamentum attulissent literæ, si discere voluisset aut potuisset; tamen dum notitiâ destituitur, non ob id detestabilis & unco dignus. Quod ait Procopius, *numquam Romanis evenisse, ut haberent Principem tam imperitum*, qui subscribere non posset: Habuerunt tamen *infantes & puerulos Principes*, quibus *ad subscribendum magistri literarii manus tenuerunt*; ut loquitur *Vopiscus in vita Imp. Taciti*. Et hæc pro Justino dicenda videbantur.

Mortuus est recrudescente vulnere, quod in pugna quondam acceperat; cum vixisset annos LXXVII. imperâisset annos IX. mensem 1. dies 3. *Aleman. in Procop. p. 44.* Incidit enim obitus illius in A. V. 1278, quo Consulatum gessit Fl. Mavortius.

JUSTINIANUS.

Sic tandem ad Imperatorem deventum est, cujus nomen multos laudatores invenit; nec pauciores tamen,

tamen, à quibus multum infra mediocres Principes
 dejiceretur. Qualem *Augusti fortunam* fuisse post
 excessum ejus notavit *Tac. lib. I. Ann. c. 1.* Cum ait:
Apud prudentes vita ejus variè extollebatur, argueba-
turve. Nimirum Deus Opt. Max. partes agendas
 imponit Principibus in vasto admodum theatro: *Spe-*
ctat fabulam; quam agunt, totus terrarum orbis: Tot
judices sunt, quot homines; & tam modestus nemo est,
qui de illis sententiam non ferat. Nos nihil affectibus
 dabimus, quorum etiam causas procul habemus; sed
 quod historiæ genuinæ me docuerunt, propinabo
 rursus, nullo livore, nulla ambitione corruptum aut
 fermentatum. Utinam idem factitassent in historiis
 posteriores *Graculi*, nihil ultra posteritas ambigeret,
 jurene an injuriâ hoc vel illud diceretur? Sequar au-
 tem ordinem, quem *Giphanius* sibi delegit in commen-
 tario de hoc ipso Principe.

Natum esse Justinianum Fausto Cōs. A. V. 1234.
imperante Zenone, scribunt *Ostavius de Strada* 8:
Giphanius; è quibus hîc pro assertione sua *Marcel-*
linum in Chronico citat. Sed neque in editione *Onu-*
phriana, neque in altera *Scaligeri*, neque in postrema;
 auctissimaque *Sirmondi* tale quid reperio. An *Onu-*
phrium secuti, qui in Fastis Justinianum imperasse
 scribit annos XXXIX. vixisse annos LXXXIII. sic col-
 ligerunt, detractis annis, quibus imperavit, remanere
 XLIV. At cum imperium adeptus sit Fl. Mavortio
 Cōs. A. V. 1278. natum videri A. V. 1234. quò secun-
 dum *Marcellinum in Chronico* Consulatum gessit Fau-
 stus. Quamobrem hoc solum dicit *Marcellinus* XLIV:

annis ante imperium Justiniani Consulem fuisse Faustum; non autem illud, quod *Strada & Giphanius* concludunt, Justinianum Fausto Cos. fuisse natum.

Onuphrium quod attinet, *confidentior* est in affirmando, *quàm felicior* in probando: *Zonaras* ait, imperium adeptum, cùm natus esset annos XLV. Sed sibi ipsi non constare, arguunt præcedentia Justini ad Senatum: *Vobis optandum est* (scilicet qui Justinianum mihi collegam tam avidè desideratis) *ne purpuram junior aliquis induat*. Quomodo junior, si XLV. ætatis annum ingressus est? ut breviter dicam: Annus & Consulatus, quo Justinianus lucem primitus adspexit, me latet; sed diem natalitium s. Id. Maj. novimus, quo ludos esse celebratos scribit *Theophanes*.

Patriam Justiniani *Giphanius* è Procopio *Taurisum*, ex *Agathia Boderinam*, ex Nicephoro *Achridum* appellat. *Boderina* vox nihili est. Ex melioribus codd. legendum, *Bede c'm*, *Bederina*. Distinctiùs præterea agendum fuit: Non enim unius ejusdem loci nomina sunt, *Taurisum*, *Bederina*, *Achridus* sive *Justiniana prima*. *Bederinam* præsidium dicit Procopius, ejusq; vicinum oppidum *Taurisum*: In hoc oppido natum esse Justinianum, non *Bederinæ*; idq; postea nomen tulisse *Quadriturritam*. Juxta *Quadriturritam*, sive *Taurisum*, locum natalem, Justinianum deniq; *Justinianam primam* urbem nobilissimam condidisse. *Giphani. & Baron. in A. C. 535. n. 55.* mutilum locum exhibent ex editionibus mutilis. Vaticanus codex sic Latine loquitur: *Apud Dardanos Europæos, qui post Epidamniorum terminos habitant,*

ad

ad praesidium, quod Bederiana vocatur, oppidum est Taurisium nomine. Hinc Justinianus princeps, orbis reparator ortus est; eum locum muro circumdans quadrangulâ figurâ, singulis angulis turrim imposuit; effecitq; ut esset & vocaretur Quadriturrita. Juxta eundem locum urbem nobilissimam condidit, quam Justinianam primam appellavit; atque nutritionis officium altrici patriæ rependit. Verus igitur natalis locus Taurisium; at Bederina & Justiniana prima civitates non procul Taurisio sitæ. Tamen Bederinam eandem cum Justiniana facit Agathias: Nos Procopium, ut accuratorem hîc sequimur. Tot verò Imperatores Illyricum dedit, quot non ipsa Roma, ut ex Impp. catalogo facilè constabit.

Parentes Justiniani non potuit scire Giphanius; sed nobis hodiè noti sunt è Procopio, Theophane & Theophilo. Refert Theophanes, Praefinos populumq; Constantinopolitanum Justiniano publicè aliquando inclamâsse: *Utinam in lucem Sabbatius non venisset, certè filium te non habuisset sanguinarium*. Scriptoris ejus narrationem è Vaticana bibliotheca primus publicavit Nic. Alemannus ad Procop. p. 63. Hic igitur Sabbatius Justiniani pater; quamvis Procopius Arc. Hist. p. 57. anilem fabulam non erubescat inserere, matrem Justiniani nonnullis affinis retulisse; hunc non Sabbatii conjugis, aut hominum cujuspiam esse sobolem; sed eo grvida antequam esset, quandam genii speciem ad se ventitâsse; quæ non ad visum, sed contactum se præberet, accubaretq; sibi, & quasi maritus se conjugem iniret; deniq; veluti per insomnium evanesceret.

Matrem Biglenizam *Theophilus in vita Justiniani* prodidit. Eandem, quod filium à *Theodora* nuptiis revocare non potuisset, mœrore animi contabuisse, scribit *Idem*. Fallor, an hujusdem nomen tulit soror Justiniani, quam *Vigilantiam* appellant *Procop. lib. I. Vand. & Victor Tununens. in Chron.* Nam bar, bara formabant ad Latinæ linguæ suavitatem. Sic, cum ipse Justinianus à popularibus suis Illýriis U, PRAUDA nuncuparetur (ut est apud eundem, *Theophilum*) Romanis JUSTINIANUS appellatus est. Fuit autem hæc Bigleniza soror Justinii Imperatoris, adeoq; Justinus Justiniani avunculus; quem ipse Justinianus in *Constitutionibus* sæpè *patrem* appellat, quod ab eodem adoptatus esset.

Reliquam familiam Justinii quod attinet, ei, nescio quo applausu, *Baduarios* Venetos inserit Giphanius. Quicquid sit, Badürum, Baduarium & Boraidem ex hac gente observare licet. Badurius *Vigilantiæ* filius, & Justinii junioris frater, avunculum habet Justinianum, patrem dulcissimum; Comes factus Imperatorii stabuli. Meminit ejus *Theophanes* ad annum Justinii octavum. *Diaconi* locum notatu dignum, jam observavit Giphanius. Baduarius gener fuit Justinii junioris, ducta hujus filia *Arabia*; quod nomen è Παργίους Constantinopolitanis primus eruit *Alemannus*. Boraides Justiniani Imperatoris nepos ex fratre. *Procop. lib. III. Goth.* Nec aliter apud eundem legit *Photius Cod. LXIII.*

Ipsæ Justinianus filium habuit *Theodorum*
Tziron,

Tziron, cujus *Theophanes* apud eundem *Phot. Cod. I. XIV.* memoriam conservavit. Sed is è *Theodora* non fuit, de qua mox: Nam quamvis *Theodora S. Sabam* de precibus ad Deum fundendis rogâset, *pro impetranda sobole masculâ*; tamen frustra fuit, ut docet *Baron. in A. C. 530. n. 24. 25.* Unam ex hac filiam habuit, & ex ea natus *Anastasius*, *Johanninæ* maritus, *Belisarii* & *Antoninæ* gener; quod ex *Procopii Arcana* & *Vandalica* didicimus. Nomen incognitum est. Ex his patet error *Constantini Manassis*, qui negat, *Justiniano* filium & filiam fuisse. Mentitur etiam *Pseudogordianus in Epistolis*, qui *Theodoræ* plures liberos tribuit. Invenimus & privignum *Justiniani Johannem*: Nam *Theodora*, antequam *Justiniano* nuberet, *Arabem* quendam in matrimonio habuit; ex quo natus est iste. *Procop. in Arc. p. 76.*

Propagata quoq; *Justiniani* domus per sororem *Vigilantiam* & fratrem *Anonymum*. E *Vigilantia* & dulcissimo ejus marito nati *Justinus junior* Imperator, *Badurius*, Comes imperatorii stabuli, de quo dictum est; & *Marcellus*, quem *Corippus lib. II.* nominat. Denique *Projecta* filia, conjux *Areobindi*, Præfecti prætorio Orientis & Africæ, & postea *Johannis Pompeji filius*. *Anastasio Imp. pronepotis. Procop. lib. II. Vand. lib. III. Goth. Marcell. in Chron.* E fratre anonymo sunt *Boraides*, *Justus* & *Germanus. Procop. lib. II. Pers. Marcell. & Jordan. in Get.* *Germani* conjux prima *Passara*, quæ illi *Justinum*, *Justinianum* & *Justinam*

peperit. *Procop. lib. II. Goth. & in Arc. Hist. p. 23.* Secunda Mathasuenta, Eutharici & Amalasuntæ Reginæ filia. *Idem lib. III. Goth.* Mater Germani Posthumi *Jornandes in Get.* Hæc Justiniani familia, quam conferes cum Giphanio; & videbis, quantum post illum observatum sit.

Post hæc agit de Theodora, Justiniani conjugē; in cujus gratiam multas leges pro commodo sequioris sexus Imperator tulisse dicitur. In Cypro natam vult idem Giphanius, secutus Nicephorum, Zonoram, & alios. At Byzantinam fuisse, ferè colliges è *Procopii Arc. Hist. pag. 40: Acatius quidam, inquit, erat Byzantii, bestius ad amphitheatrales Præsinorum venationes alendis præfectus; quem vocant Ulfarium. Hic, Anastasio Principe, morbo periit; tribus fœmellis relictis: Comitônâ, Theodorâ, & Anastasiâ; quarum natu major vix septimum annum attigerat. Hæc ille, quibus conciliandis cum Nicephoro & Zonorâ, dicendum erit: Acatium, Theodoræ parentem relictâ Cypro Constantinopolim venisse cum tribus filiabus, nec diu admotum ἀπὸ τοῦ θανάτου, hoc est, urforum altorem fuisse, morte interceptum.*

Sed alia sunt ulterioris examine indiga, quæ idem Giphanius adfert è Nicephoro: Ait enim, Justinianum in Theodoræ gratiam, natalem civitatem ejus in Cypro non minori splendore, quàm suam exornasse; & Justinianam secundam appellasse. Primum, Justinianam secundam alii non habent in Cypro, sed apud Dardanos Europeos; & Ulpianam quondam fuisse scribunt. *Procop. lib. IV. de Edific. Justin.* Justinianam

nam novam in Cypro agnoscit Concilium Trullanum in Can. XXXIX. Forsan hanc nominare debuit Nicephorus? At quæro iterum, si Justinianus in Theodoriæ gratiam eam exornavit, cur non appellat Theodoriadem, aut Theodoropolim? quæ certè in illius honorem conditæ, instauratæ, exornatæ sunt, ejus etiam nomen ferebant. Theodoriadem propè Carthaginem novamponit *Proc. d.l.IV.* Theodoriadem in confinibus Colchidis *Agath. lib. V.* Theodoriadem in Asia minori Concilium quintum Constantinop. Theodoropolim non unam *Procopius* idem; nec parùm genuina *Nicephori* narratio mihi videtur.

Mores hujus scæminæ si minùs commendo, nec id proficisci putes ab animo festivis illis Cypricæ Deæ sacris non initiato; atque adeò in sexum muliebrein duro & adverso: Sic me docuerunt veteres & recentiores plerique omnes. Ajunt enim, cùm primum ad ætatis florem pervenisset & maturitatem, *scenæ destinata in matre*, statimq; *inter prostibulas* habitam. Nolo cetera. Cùm *Justinianus* amore fascinat, eam tandem *duxisset*, nullum tam inauditum, tam execrandum piaculum fingi animo posse, quin graviora molita sit; & ipsa re perpetrârit, in Senatum, in Magistratum, in plebem, in Deum & Dei filium. Imperatorem ipsum velut sub imperio conjugis fuisse. Vide præter *Procop.* & ejus interpretem *Aleman. Baron. in A.C. 535. n. 61.* & *Giphanium* ipsum.

Cùm Senatus olim in honorem *Livie*, Tiberii matris, nobilissimæ scæminæ decreturus esset, ut Mater Patriæ diceretur, ut nomini Cæsaris adscri-

beretur, Juliae filius! Tiberius id prohibuit, *moderandos faeminarum honores dictitans*; & muliebri fastigium accipiens in diminutionem sui. Ut scribit *Tac. lib. I. Ann. c. 14.* Justinianus noster scenicam mulierem omnis potestatis participem facit: Juratur per *Justiniani & Theodora fides*: Communis utrique titulus scribitur in monumentis publicis: Imò quod *Zonaras* ait, plus Imperatore ipso pollet uxor. *Huiusmodi virum, in cujus domo gallina canit!* aiebant olim Romani, si *Donati ad Terentium* credidimus.

Sed quid? Idem infortunium, eadem calamitas omnium ferè magnorum virorum exitit, ut uxores haberent verè carcinomata, & maculas laudum suarum. *Multis illustribus dedecori fuit uxor*, inquit *Plinius in paneg. c. 83*: *Foris claros domestica destruxit infamia*; & ne maximi cives haberentur, hoc efficiebat, quòd mariti minores erant. Quæ causa? quia consilium hîc omne fortuna in potestate habet: *Eguus, bos, asinus, canis & vilissima mancipia probantur, & sic emuntur*: Sola uxor non ostenditur, ne prius displiceat, quàm ducatur; ut ait, nescio quis, apud *Berneg. g. ad d. l. paneg.* Inter omnia humana decora difficillima virtutum censura est, quarum sedes in animo, eoq; ab oculis remota; & argumenta, quæ in mulieribus foras prodeunt, non semper sincera sunt; ut verba *Brunn. lib. VII. Ann.* leviter iminutem. *Similes sunt Candidatis in campo Martio*, in quos optime conveniunt illi *Plautini in Capt. act. 2. sc. 1*:

Nam

Nam ferè maxima pars morem hunc, homines ha-
 bent : *Quod si volunt,*
Dum id impetrant, boni sunt : Sed id ubi jam penes
se habent,
Ex bonis pessimi & fraudulentissimi
Sunt. - - - -

Nondum maritatæ virtutis vultum induunt; adeptæ
 spoliū, quod concupivere, in omnem insolentiam
 statim effunduntur.

Sed Justinianus norat *scenicam* esse, & parere
 debuerat illis, qui matrimonium infame dissuadebant.
 Ut censure severitatem mitiges, observes maximo-
 rum Principum exempla; quibus adversus omnia in-
 fractus animus, sed in muliebrem formam imbecillis
 fuit. Theodoræ *forma cœlitus lapsa* videri potuit, ut
 hîc *Capitolini* verbis utar, in Maximin. *Omnibus una*
omnes surripuit Veneres! ut versu Catulli.

Qualis ubi Oceani perfusas lucifer undâ
Extulit os sacrum cœlo, tenebrasq; resolvit;
Talis erat Theodora. - - - -

Ut *Virgilii* versus huc accommodem. Nam ita Pro-
 copius ipse lib. I. de *Edific. Justin.* de statua Theodo-
 ræ à Byzantinis posita: *Præstantis quidem figura imago*
est, sed à pulchritudine Augustæ longè abest; cùm ejus
formæ præstantiam humanum non potuit artificium vel
sermone declarare, vel exprimere simulacro. Ejusdem
 imaginem ex musivo opere *Alemannus* in ære Cyprio
 exhibet ad *Procop.* p. 42. unde nihil mentitum hîc esse
Procopium, facile animadvertimus.

Igitur cœlestis illa forma, pro imaginibus majo-
 rum

rum pro virtutis suffragio, denique omni alia re efficacior fuit; & Justinianum ipsum in potestatem redegit. Sic olim *Cleopatra Julium Cæs.* heroëm incomparabilem; sic *Augustum Livia*; sic *Germanicum Agrippina*; sic aliæ alios ad voluntatem suam habuerunt. Gallos veteres fortissimos viros, & qui arma victri-
cia per Europam Asiamq; circumtulêre, cum *Anni-
bale* fœdus iniisse legimus apud Plutarchum in *lib. de
Virtutibus Mulierum*; cujus hoc caput ad memoriam
nostram pervenit: Si quis Carthaginensis homini Gallo
fraude dolo vel malo injuriam fecisset, ejusce injuria au-
ctorem apud Carthaginensium duces præfectosq; reum
peragendum esse. Quod si quis Gallo litem intendisset,
causa cognitionem ad Gallorum uxores pertinere, easq;
ex a quo & bono arbitras & judices fore.

Mox Giphanius è Cedreno describit Justiniani
formam & staturam corporis; eam Procopius ita de-
pingit: Corpore neque procero fuit, neque pusillo nimis,
sed quo staturam corporis non excederet; neque omninò
gracili, sed succi moderatè pleno; vultu tereti, nec in-
venusto, quippe qui post biduum ruberet jejunos: Ejus
species, ut verbo statuam, Domitianum Vespasiani filium
plurimum referebat. Hæc Procopius in *Arc. Hist.*
p. 37. At si numòs Domitiani, quorum multos habemus,
cum imagine Justiniani (quam ex opere Mu-
fico Alemannus exhibet) conferimus, ea similitudo
vix apparet.

„ Sed non ob id Procopii descriptionem reje-
„ cerim. Est, ut aliarum rerum, sic perpetua forma-
„ rum mutatio; & qui nunc similis videbatur huic,
alio

alio tempore dissimilis effectus est. Unius principis ⁶⁶monetas qui conspicit, pro diversitate loci & tem- ⁶⁶poris Proteo mutabiliorem effectam & excusam ejusdem formam deprehendet. *Quoad ruborem* non dissimilis esse potuit Domitiano; nam de hoc *Suet. in ejus vita*, cap. 18: *Commendari se verecundiâ oris adeo sentiebat, ut apud Senatum sic quondam jactaverit: Usq, adhuc certè animum meum probâstis & vultum.* Item: *Vultu erat modesto, ruborisq, pleno.* De eodem *Tac. in Agr.* cap. 45: *Savus ille vultus & rubor, à quo se contra pudorem muniebat.* Item: *Plin. in paneg.* cap. 48: *In ore impudentia, multo rubore suffusa.* Hic nota: Cùm rubor sit verecundiæ color, *Domitianus* cùm erubuit, *omnem verecundiam detrivisse* videbatur.

Similem etiam reddidit, ni fallor, *calvities*. De Domitiano *Suet.* dicto loco: *Postea calvitie quoque deformis.* De Justiniano *Chron. Alexand:* *Fuit Justinianus rotundâ facie, pectoresus, candidus, raro capillo, recalvafter, rotundis oculis, formosus, florido aspectu, subridens, subcanus, mento rarus, ritu Romanorum; naso justo, subalbus.* Volui hac occasione locum totum describere. *Interpres Procopii* eruditissimus de calvitie non credit his Fastis; hinc *tumultuariè* ista hinc inde *descripta* pronunciat p. 28. & *Cedrenum*, qui tribuit *κεφαλήν ἐφλωμένην*, emendat, ac legit, *ἐφਾਲισμένην*. Nemo enim est, inquit, qui *Justiniani calvitiei* in antiquis numis viderit.

Verùm hoc; & præter alios fidem facit *anreus Caroli Crovi Ducis Arschottani*, in quo nihil capillorum deficit, nulla in Justiniani calvâ nuditas apparet:

Sed

Sed nollem ex hac ratione, tanè quàm levi, scalpellum criticum adhibuisset. *Statuariis solenne novimus, non exprimere vitia corporis; & notum illud Dionis Chrysostomi Orat. XXXVII: Agesilaus nunquam corporis sui imaginem vel fictam vel expressam fieri voluit; non quia claudus erat, & parva statura: Quid enim prohibuit, quò minus statua grandis esset? Quid, quò minus integris pedibus; quemadmodum Euphrandris Vulcanus.*

Idem faciebant monetarii: Hinc enim Domitianus in numis omnibus, quos vidi, *benè capillatus*; & grande piaculum fuisset, si monetales exhibuissent *calvastrum*; cùm vel ad calvitii mentionem levissimam excandesceret. Nec immeritò *calvities* apud Romanos *urbanorum dieteriis* nimis erat *obnoxia*; nam & *mimi* apud eosdem introducebantur *calvi*, deridiculi gratia: Et in palliatis *leones* & *parasiti*, etiam *calvi* vel *derasi*. Sæpè in comædiis legas *calvos* pro *ignominosis*; qui nec *pilum bonæ mentis* haberent. *Salmas. in Epist. de Cæsar. Vir. p. 237.*

Unde nihil mirum, si *capillatos Principes* videmus in numis; qui aliàs calvitio deformes & ridiculi fierent. C. J. *Cæsarem Dictatorem* observant antiquarii nostri plerumq; in numis *velatum*, *prominente supra frontem laureâ*; non tam, ut significarent Pontificem Max. & triumphalem, quàm ut *calvitie* ejus absconderent. Vidè *Gorleum in numis gentis Julæ.*

Ex eadem causa factum, ut qui natura pilis defecti essent, & calvi adscito capillitio, quod deficiebat, explerent; & calvam vestirent nudam. *Casaub. ad Suet. Oth. c. 12.* observat non tam viris, quàm *fœminis usitatum*

tatum fuisse, adsciscere id genus capillum ex illo Ter-
tulliani de cultu fœminarum: Affigitis præterea, ne-
scio quas, enormitates sutilium & rextilium capillamen-
torum; nunc in galeri modum, quasi vaginam capitis &
operculum verticis; nunc in cervicem retrò suggestum.
Meminit ejusdem consuetudinis Avienus:

Nam mox dejecto nitui frons nuda galero.

An uterque Domitianus & Justinianus, cum id ge-
nus adscititio capillamento in numis expressus est?
dubito.

Hinc se confert Giphanius ad describendas ani-
mi dotes; & primùm, qualis domi sua fuerit; dein,
qualem se publicè gesserit, breviter ac velut summatim
docet. Iustinianum non fuisse *αἰρετικὸν*, contra
vulgus asserit, & rectè. Vido, quæ supra diximus in
Iustino. Tum prudentiam & fortitudinem paucis com-
mendat è Procopii Vandal. de utraque pluribus agen-
dum erit in commemoratione rerum gerendarum.

Posthæc comitatem & facilitatem in audiendis
hominum desideriis deprædicat è Zonora. Nimum
autem humanitatis fuisse vult Procop. lib. II. Persic:
Chosroa legatum Isdigunen ea humanitate & honore
Justinianus, quo nullum antehac legatum, excepit;
cum enim ille secum epularetur, Braducionem, ejus as-
sectatorem ac interpretem, in mensa apud se decumbere
voluit: Quod nunquam ex omni antea Æli temporis me-
moria usurpatum fuit. Nam interpretem cum vel in-
fimi ordinis, Magistratu, nedum cum Imperatore, ad
mensam considerare, nemo est, qui viderit. Quin & Isdi-
gunen ipsum longè honorificentius, quàm pro legati

conditione excepit, ac remisit; licet nullam rem ejus legatio contineret. Sic Alemanni ore loquitur Procopius; nam quædam secus accepit & reddidit *Raphaël Volaterranus*.

Cæterum non magni momenti hæc accusatio videtur. Revocat ad superiorum Principum fastum, qui imperium, quod Augustum æternum & adamantinum fecisse sibi visus est, turpiter amiserunt; & ad illorum consuetudinem Justiniani mores exigit. Imò plerumque maximorum heroum character est *συνανδρῶπειν*, ut loquitur *Plutarch. in Precept. de Rep. gerend.* vel *ἀνδρωπύεσθαι*, ut *Arist. lib. X. Nicomach.* hoc est, fastigium suum in planum deducere. Quid de Theodosii Magni *Φιλανδρωπία* *Claudian. Paneg. in Consul VI. Honorii?*

*Alternos cum plebe jocos dilectaq; passus
furgia, patriciasq; domos privataq; passim
Visere deposito dignatus limina fastu.*

Procopius aliquis à *Theodosio* alienus judicasset, non meminisse illum, se Imperatorem esse. Contra morem superiorum Principum egit *Julianus*, qui Cal. Januariis creatis novis *Coss. Mamertino & Nevitta*, officio Consulari cum aliis honoratis adfuit pedes; quod alii reprehenderunt & vile & indignum Imperatorio culmine, ut scribit *Ammian. lib. XXII. p. 209.* nos iis accedimus, qui laudârunt. Nam & in historia *Marc. Antonini*, quam ille æmulabatur, ut perfectissimum civilis virtutis exemplar, reperio ipsum sic honorasse filium suum Consulem factum, ut in officio cum aliis pedes curreret. Vide *Capitol. in Marco*.

Quid

Quid de *Alexandro, Mammæ* filio dicam? qui cum amicis tam familiariter vixit, ut communis ei esset sæpe confessus, iret & ad convivia eorum; aliquos autem haberet quotidianos, etiam non vocatos: Salutabatur vero quasi unus ex Senatoribus, patente velo, admissionalibus remotis; aut solis ius, qui ministri ad fores fuerant: Cum antea salutare principem & videre non liceret. Auctor *Lampridius* ex emendatione *Salmasii* & *Casauboni*. Addit ibidem: Salutabatur nomine (hoc est, *ave Alexander*) si quis caput flexisset, aut quid blandius alicui dixisset; uti adulator vel abjiciebatur, vel ridebatur ingenti cachinno. Molestum quidem hoc erat *Mammæ* matri, & uxori *Memmiæ*, dicentibus: Mollisorem tibi potestatem & contemtiliorem imperii fecisti: Sed ille respondit sapientissimè: Sed securiorem atque diuturniorem. Hic profectò civilitatis fructus est, ad tuendam imperii felicitatem his artibus opus:

Publicus hinc ardescit amor, cum moribus æquis

Inclinat populo regale modestia culmen,

ait in suprâ citato paneg. *Claudianus*; & quod paradoxon videri possit, surgit, qui descendit. Sic enim de *Antonino Pio* Capitolinus: Imperatorium fastigium ad summam civilitatem deduxit, unde plus crevit. Non licet ad aulicorum doctrinam *Augustus*, qui, ut scribit *Suet.* in ejus vita, cap. 73: Suppellectile usus est, quâ privatus aliquis noller; ne toro quidem cubuit, nisi humili, aut modicè instrato; nec vestem aliam, quam domesticam induit, ab uxore & filia neptibusq; confectam.

Fortunam quoque suam ignoravit *Carus*, de

quo *Synesius* in lib. *Βασιλεία*, cum in expeditione Persica Legati hostium cum adissent, circumpositum quidem frequenti milite, sed auro & argenteo nihil cultum: Ipsum autem tunicâ indutum, & veste vescentem pulmento quodam pisto, & frustis suis, quibus carnis in veteratis. Alii de *Probo* referunt.

Uti è recentioribus non nihil addam, *Rudolphus* erudiendus etiam fuit in *Procopiana* schola, qui per civilitate semper usus, etiam vestitus nihil a plebe differebat. Jucundum est, quod de illo præter *Alm* refert *Lips.* lib. II. *Monit. & Exempl. polit.* c. 15. *avempe* 5. Manè egressus solus (& aura frigilior quam) intravit in pistoris domo carbones de foinace recentes, ignem. Intrat fidenter, adstitit, calefacit: Cum nudus cum adipicit, & x vellit & altimans. *Hecus*, inquit, in domo, parum licet vos, ad mulierculas & in alium domum sic venire. *Rudolphus*: *Mea mater*, mulier, qui meas res in obsequio & comitatu Imperatoris, ut trivi; at ille parum benigne me nunc habet, nec pro me aut merito muneratur. Mulier ad illud imperatoris nomen cœpit stomachari, & multa modo *Rudolphum* dicere: *Quin iste vir est*, inquit, qui nostram perdit, pauperum scopulus & exitium. *Alm* vobis hoc eveniunt, qui adheretis, & sequimur, ut quod in plura eveniant, opto. *Rudolphus* delectatur pro caci mulierculæ. Sed mulier, inquit, de me misere facce: *Vos* prope quâ re lasit? ibi mulier exclamavit: *Ne*: qui omnes pistores hujus orbis, tantos satum fortassis erit: Nec facile resurgemus. At in domo, fabulari desine; nec ultra molestia, aut impo-

mento nobis esto, abi! Aliquid voluisset etiam Rudolphus, sed illa Amazon vas aquarium in prunas accensas jecit; & fumo, vapore, cinere perfulum ejecit. Carolus V. (quo post Carolum primum majorem principem Germania non habuit) celebratus ob id pulcherrimis istis versibus:

Carole, mortales dubitant, homo sisne, Deusne:

Sunt tua sceptrum hominis, sunt tua facta Dei.

Et ab eodem Rudolpho oriundus, vix intellexit, quid imperatoriam majestatem deceret; viderunt in *atra lanea penula, & vili pilcolo*. Multi calumniati sunt, & Principem requisiverunt; sed ut censet *Lipsius*, viro-
rum vaniores.

Memorabile est, quod de eodem referunt alii: Quum jam senex regna omnia *Philippo filio* tradidisset, ad eumq; *Flissingæ in Selandia* ventum expectantem, quo navigaret in *Hispaniam*, *Seldius* à fratre *Ferdinando* legatus venisset; cū eo multam in noctem producto sermone, Imperator suis signum volā dedit; ut scilicet facem aliquis *Seldio* à se digredienti præferret. Venum enim verò nemine ministrorum apparente (alii enim cubitum, alii aliò concessant) Imperator *ac-
cipio cerco, Seldium, quamvis reluctantiem, per scalam
ipse deduxit*. Compara mihi Principem istum cum *Justiniano*, nam multò observantiorē hunc dices fastigii sui. Et quantum recessit à decore, si non *le-
gatum* modò, sed & *interpretem* in tantum honora-
vit? Interpretes nonne in legati comitatu magna pars?

At comitibus legatorum æquè prospectum atque *legatis* voluerunt *Athenienses, Lacedæmonique*; ut est

apud *Thucyd. lib. IV.* Nihil etiam frequentius in historiis, quam egregia *munera* tum legatis tum comitibus eorum data esse. Justinianus verò *mensa* dignatus est; quod ego non absque singulari consilio factum reor: Scimus enim, quàm efficax res sit humanitas, ad tentandos & explorandos & devinciendos exterorum animos. Certè *Chosroës*, Persarum Rex, illum *interpretem* post reditum *egit in crucem*, suspectam habens effutam illam Justiniani benevolentiam; quod alibi prodidit idem *Procopius lib. VIII.*

Ab humanitate atque facilitate *Giphanius* progreditur ad *pietatem*, virtutum principem. Sed *Procopius in Arc. Hist. p. 83.* vitio vertit, quod ille laudat, animo ad sublimia traducto, Dei naturam curiosius perferutatum esse. Nobis cùm hic Scriptor omnia detorquere videatur in pejus, separabimus separando. Fuit Theologicis studiis innotuit à *Theophil. Abbate preceptore*, nec aliis postea delectabatur magis; ut supra diximus e *Procop. lib. III. Goth.* Perpetuò, sine cessatodibus, *desedit ad multam noctem in museo*, cum senioribus quibusq; Sacerdotibus; *attentissimo studio arcana Christianorum dogmatum investigans.* Hæc laudi, quàm culpæ viciniore sunt; si attentissimo studio scrutatus est, quæ in sacris mysticisq; libris referantur. Hoc ipse Salvator non solum sacræ confessionis homines, sed omnes iussit, ut *scrutarentur Scripturas.* Inculcant idem sanctissimi quoque Patres; ut *Chrysostomus*: *Οι βελόμοι σωθῆναι δεσχετωσαν τῆς γραφῆς.* Hoc est: *Si quis vult salvari, ad Scripturas animum applicet.* Cujus etiam hoc est: 78

παῖτα ἀποὺ τῶν κακῶν, μὴ εἶδέναι τοὺς θεοὺς. Hoc est: *Malorum omnium hac causa, quod Scriptura ignorantur.*

Plura verò scire velle, quàm quæ revelata sunt, id neque culpâ neque periculo caret. Dico cum illo *Phileta apud Stobæum lib. II. Eclog: Deum esse, crede & colito, sed non quarito.* Et cum *Aristotele*, quem *Seneca lib. VII. Nat. Quæst. c. 30.* laudat: *Nunquam nos verecundiores esse debere, quàm cum de Deo agitur.* Tunc & locum habet, quod *Enripides* ait in *Alceste*:

Οἷός τε δὲ θνητὸς θνητὴ καὶ φρονεῖν χρεῖον.

Hoc est, interprete Cantero: *Mortalia autem sapere mortales decet.* Adde quædam apud *Agath. lib. II. p. 59. Bernegg. in Germ. Tac. q. 154. I. ips. lib. I. Polit. c. 2.* Sed quàm sobriè ac circumspèctè *Justinianus* noster! Non sedet inter calidos & ambitiosos juvenes, quibus discendum potiùs est, quàm docendum; sed, inquit, ὁμῶς τοῖς τῶν ἱερῶν ἰσχυροτέρον. Hoc est, ut è *Sallust. Catil. c. 6.* veram, delectis, quibus corpus nimis infirmum, ingenium pietate ac sapientiâ validum erat, sibi bonoq; publico consultaret.

Ab hoc pio studio profecta sunt peregregia multa. Nam initio statim imperii edictum promulgavit de fide orthodoxa *L. 5. Cod. de Summ. Trinit. & hæreticos omnes, qui Ecclesiam sub Anastasio, Gothis & Vandalis graviter persecuti erant, justis animadversionibus ultus est*: Sed & neminem ad dignitatem publicam admisit, nisi qui fidem suam approbasset. Sed in eam hæreticorum persecutionem *Procopius* non semel invehitur, notatque ab hæreticis pœnas exactas

non tam pietatis zelo, quàm pecuniæ cupiditate; prætereà exhaustum & destructum imperium tot millibus spoliatis, fugatis, cæsis.

Cæterum ex actis illorum temporum probari non potest, Justinianum, religione prætextâ, cupiditatibus suis fecisse satis. Hæreticos non tam *edictis*, quàm *colloquiis* institutis reducere voluit ad sanio rem mentem. *Baron. in A.C. 532. n.30.* Qui obsecuti sunt, nihil accepere molestiarum.

Pecunias quàm neglexerit, tot urbes loquuntur, quas extruxit; tot basilicæ, tot templa; & in primis illud *S. Sophiæ Constantinopolitanum*, quo absoluto exclamavit: VICI TE SALOMON! iussitque *Regis ejusdem simulacrum* è regione *S. Sophiæ* collocare, *mæsti & genas carpentis*; quasi ejus ædificiimole ac pulchritudine *suum templum superatura* doleret; ut scribit *Auctor Originum Constantinopolitanarum*. Quid dicam de immensa pecuniæ vi, quam pro imperii securitate largitus est barbaris, ne provincias insectarentur? Videndi *Agath. lib. V. Euphras. in Chron.* Ipse *Procop. lib. VIII. & in Arc. Hist. p. 49.*

Scio, quid dicant, rapuisse, ut prodigeret; quod qui faciunt, liberales dici non possunt. Nos, quas reprehendunt *impensas*, maximam partem *necessarias* fuisse, dicemus postea. Interim ne longius abripiamur ab instituto, pro Justiniano consulendam putamus *Novellam XVII. cum edicto secundo*; unde constat, *quæsitores hereseon*, quod provinciales avaritiâ suâ graviter onerarent, planè sustulisse. Sic calumnia est, quod dicitur, pecuniarum quærendarum causa hæreticos invasisse.

Ac sanè opportunum adest, quod *ibidem* discimus, *quæitores impotentius egisse in officio suo*. Largimur igitur *Procopio* & aliis, multos sub *Justiniano* horum naufragia passos esse, per vim & injuriam; sed a *prælibus* potius, quàm ipso jubente. Non sit autem Principi fraudi, aliquando peccasse mini-
stros; sed peccasse sciente illo, nec puniente. Nullum imperium tam sanctum fuit, sub quo non essent prælides avari ac malitiosi: *Nec deerunt unquam, donec imperia, donec mundus erit. Vitia erunt, donec homines*, ait *Cerealis* apud *Tac. lib. IV. Hist. c. 74*. Mirarer, & stuperem, velut prodigio conspecto; si *Justiniani* imperium non habuisset homines malos: Nunc, si habuit, tanquam in hac terrestri facie, & in amplo & diffuso imperio, quid est, quòd tantoperè commovear? sub omnibus Principibus fuerunt id genus quæitores; fuerunt *Triboniani, Ad-
des, Petri, Johannes, Etherii*; & quos alios rapaces & flagitiosos nominant *Procop. Evagr. Theophan. Suid.*

Principes extra culpam, nisi de industriâ con-
verent, & omnia omnibus per socordiam permitte-
rent. Sed esto: *Justinianum* non omnia facinora la-
tuisse; multa etiam tam crudelia, quæ *Procopius* me-
morat, jussisse: Hic nobis incidit, quæ apud *Tacitum
lib. III. Ann. c. 54. §. 4.* legimus: *Ne corporis quidem
morbos veteres & diu auctos, nisi per dura & aspera
coerceri*. Et, quod ait *Publ. Syrus*:

Crudelem medicum intemperans ager facit.

Constantinus Arium & Arianos deportari jusserat:

Theodosius, Valentinianus & Arcadius legem tulerant, quâ omnis denegabatur hæreticis facultas militandi; quin imò extra urbis mœnia depulerunt, ut est in *Cod. Theod.* Aliquot concilia sanctissimorum Patrum habita erant, quibus damnati sunt; nullum non remedium adhibitum fuit.

Sed & mirificum ignominia genus excogitârunt: Nam *Byzantii* in publicis latrinis hæreticorum antefig-nani ex marmore sculpti humi jacuerunt, ut in abominanda capita ventris onera plebs egereret. Annales Constantinopolitani: *Eo in loco, ubi Arius detestandam mortem subiit, a piissimo Theodosio sculptus est ex marmore, humi hærens; & unâ cum illo Macedonius, Sabellius & Eunomius ad improperium; ut prætereuntes sputis, urinâ ac stercore eos deturparent. Quia aliquot Principes versis gladiis pugnaturi, pacem & quietem indulserunt; ut pœnitentiæ spatium darent. Ammianus lib. XXX. de Valentiniano: Inter religionum diversitates medius stetit, nec quemquam inquietavit; neque ut hoc coleretur, imperavit, aut illud; nec interdictis minacibus subjeclorum cervicem ad id, quod ipse coluit, inclinavit.*

Talis etiam fuit *Leo*, ut ipse *Giphanius* notavit: Sed quid moderatione profectum est? Totum Orientem tum *aha*, tum *Eutychiana* & *Nestoriana*; Occidentem *Ariana* hæresis invaserat, occupaverat, & in summis miscuerat: Hostibus & barbaris nationibus proditi & expositi cives, multi bonis exuti, nec pauciores occisi. Quòd ab imperio tot provinciæ avulsæ sunt, non levem causam hæreticorum perfidiam existimat. Sic
verbu

verbis Sallust. in Catil. cap. 52. mansuetudo & misericordia boni in miseriam vergit.

Quid Justinianus faceret? Consumta erant omnia remedia; versabatur ob oculos certa perniciēs, nulla unitas, nulla societas, nulla fides in rebus jam profanis supererant: Ni vinci mallet, induendam severitatem videbat. Sed hīc deploras solitudinem ingentem factam cum Procopio, & ex *Lucano*:

Heu quantum terra potuit pelagiq; parari

Hoc, quem civiles hauserunt sanguine dextra.

Siste lacrymas, mi homo! *Lycurgus* Reip. admotus, vidit *Spartanos* καὶ ἀνδρομωτῆτες & ἐδὼν πάντων ἐδάκρυον, hoc est, ex omnibus *Gracis* pessimis legibus usos, ut *Herod. lib. I.* scribit. Omnes solutis moribus viventes, ut *Just. lib. III. c. 3. §. 10.* Quid faceret? nihil profici videns mitioribus remediis, per severissimas poenas quærit Reip. salutem; *Ibis* inde cognominatus, ut ex *Aristoph. in Avib.* & *Plutarchi Lycurgo* colligit *Valesius ad Amm. lib. XXII. p. 26.* Unde sparta plus crevit, & totius *Graciæ* principatum adepta est.

Nimirum *exilium malorum*, *ingens bonorum ubertas* est; nec alia terra citius habitantur, quam ubi bonis bene, malis malè est. Quin ut plures falsæ religiones convellunt pacem & felicitatem publicam (negant alii, sed contra experientiam: Quæ de *Turcis* & aliis afferunt, ad ea satis responsum à *Lipso in lib. contra Dialogistam*) ita una vera dissidiorum faces extinguit, vacantes sedes novis bonorum colonis explet; & nullus non divinæ benedictionis fructus passim apparet.

Non evagabor per historias passim; sed imperium *Justiniani* saltem considerabimus. Quam multi pii ac boni succreverunt, excitis impiis turbatisque? Non credo sub alio Principe tot Reges tot milia conversa ad Christianam fidem, quàm sub *Justiniano*. De Rege Herulorum auctor *Mischa lib. V.* in princ: Interea Rex Erulorum, Gethus, venit Constantinopolim cum populo, & rogat Imperatorem de sacris Christianis secum communis, qui baptizatum in *Theophanus* suscepit eum ex bonis, re promittentem auxiliari ei, in quibuscunque voluerit! En maximam utilitatem! pullis impiis, novo Christianæ reip. cive, novis auxiliis firmatur imperium.

Paulò post & *Hunnorum* Rex Christianis sacris initiatus est. Auctor idem: Tunc & Rex *Hunnorum*, qui sunt juxta *Bosphorum*, nomine *Gorda*, accessit ad Imperatorem, & factus Christianus susceptus est; & multis præstitis donis, misit eum in regionem ipsius ad custodiendas Romanes res, & *Bosphorum* civitatem. Aliquot abhinc annis *Adadi* Regis *Axumitarum* legati magnificentissimè accepti, cum *Johanne* Episcopo dimittuntur, ut ab eodem Christianis sacris initiarentur; quemadmodum scribit idem. De hac ipsa conversione *Cedrenus*: *Adadus*, *Axumitarum* Rex, post victoriam de *Damiano* reportatam, Deo gratias agens, misit ad *Justinianum*; ab eoq; sibi Episcopos & Clericos mitti petuit. Ita tota regio Christi fidem amplexata est, baptizatiq; sunt, & Christiani facti.

De *Theodomiro*, *Suevorum* Rege, *Gregorius Turonensis* in *Rebus S. Martini*, & *Isidorus* in *Chron.*

Chron. Post multos deinde Reges. regnum Suevorum suscepit Theodomirus; qui idem Catholicam adeptus, Arianæ impietatis errore destructo, Suevos unitati rede dedit. Hi sunt illi Suevi, qui ante Justinianum Principem non modicum damnum sacris & profanis intulerant.

De Absagis populis Evagrius lib. IV. cap. 21. è Procopie: Meminit præterea idem Scriptor, Absagos ad antius humanusq; vitæ gentis traductos, usq; temporibus idem Christianam recepisse; Justinianumq; missi quendam ad illos, qui vetaret mares castrari. Fuerunt populi ad Caucasum, qui multos mares castrando necaverant. Nam ex nonaginta vix tres reservabantur, ut scribit ipse Justinianus Novell. CXLII.

De Tzanis Procopius lib. de Edif. Justiniani: Justiniano imperante à Romanis pugna victi, & jam amplius certamine non fidentes, statim sese omnes dederunt; magis diligentes quietam servitutem, quam libertatem periculosam; & mutatâ religionis opinione, omnes Christiani facti sunt; & vitam humaniorem amplexi, dimissis latrociniis, Romanos in suos hostes egressos semper comitati sunt.

De Blemmyis & Nabathæis idem d. I. & lib. I. Persic: Hæ gentes cum alios Deos, uti Græci, tum Isidem & Osirim magnopere colerent, nec minùs etiam Priapum; nonnunquam humana hostia Soli facerent: Narfes, Justiniani mandato, templa delevit, Sacerdotes vinxit, & statuas Constantinopolim misit. Imperator animas omni studio servare volens, Christianis sacris imbuìt; & ab obscænis patriæ moribus ad meliorem vitam traduxit.

De

De Mauris Idem dicto loco: *Omnes a Justiniano persuasi Christianorum dogma sponte amplexi sunt; vocanturq; nunc Pacati, quod Romani semper confederati sunt.* Tam uberem in Christiano agnoscens fecit hic Princeps, & si nullum aliud meriti ei Magni cognomen peperisset, hoc unum debuit.

Ipse quàm ob singularem pietatem & propagandæ orthodoxæ fidei studium Deo Opt. Max. acceptus fuerit, apparuit in *saevissimo illo morbo*, quo omni medicorum peritiâ diligentiaq; superior Dnt. quem in eodem *Tractatu de Ædific.* describit *Præcipuus*. Apparuit in *seditione omnium atrocissima*, quæ *Hypatius, Pompejus, & Probus* in eum concitavit; & describit *Marcell. in Chron.* Apparuit in discriminibus aliis, quibus superatis imperium diuulsum tenuit, quàm Imperatores alii vixerunt. Plura de Justiniani pietate, de templis, monasteriis, ptochotrophis, & aliis ab eodem extructis, quæ dici possunt, jam præcepit *Giphanius*.

Illud tamen probare minimè possum, si verum est, quod refertur; *Theologicas quæstiones imperialis fastu dirimere voluisse*: *Agapeto* namq; dissentienti & meritò Justinianum minatum scribit *Anastasius* in *Agapeto*: *Aut consenti nobis, aut exilio deportari te faciam!* Simul erroneum dogma de incorruptibili post unionem Christi humanitate, *Eutychium* pro imperatoria potestate ratum habere, aut exulare jussisse refert *Eustathius*, Scriptor *συγγραφεύς*. Etiam omnes Episcopos, qui in disceptationibus de fide ac religione à se dissentirent, vel coniecisse in vincula, vel

vel supplicio affecisse; testatur *Vulter Ternunensis in Chron. & Liberatus Diaconus in Breuiar. c. 34.*

Profectò limites suos excessit, namq; *Es. XLIX. §. 23.* scriptum est: *Erunt Reges nutrices tui, & regina nutrices tue;* nihil aliud vult, quàm Principem hoc tantum juris habere, ut vim, fraudes, turbas & externa hæc mala ab Ecclesia arceat; & quod in ipso est, pacata sacra præstet, ac quieta. Sic *Augustinus tractatione III. in Joh.* statuit: *Pertinet hoc ad Reges seculi Christianos, ut temporibus suis pacatam velint habere matrem suam Ecclesiam.* Sic *Leo I. ad Leonem Imperatorem:* *Debes, Imperator, incunctanter advertere, regiam potestatem tibi non solum ad mundi regimen, sed maximè ad Ecclesie presidium esse collocatum.*

At controversias de fide decidere pro Imperiali potestate nec potest nec debet. Placet *Marciani Imperatoris* modestia, de qua *Facundus Hermianensis* hunc in modum: *Ecclesiasticorum Canonum executor esse voluit, non conditor, non exactor.* Qui & de *Leone Imperatore:* *Pia memoria Leo, inquit, quietem non conturbavit Ecclesie, quia non suo arbitrio ac potestate præsumpsit doctrinæ Dominicæ decreta statuere; nec quicquam solis creditum Sacerdotibus usurpavit. Neq; solum non extorquere, sed nec præire tentavit sententiam Sacerdotis.* Sed hæc infrà dicenda fuerunt in Ecclesiasticis cum *Giphano*: Nos verò religionis studium domi cultum eò usque abduxit, ut & ea, quæ publicè fecit Ecclesiæ, subjiceremus.

Jam ad eundem *Giphanium*. Is, relictis domesticis, de publicis verba factururus, omnia Justiniani *vidit*

vidit in ea, quæ nondum Imperator, & ea, quæ Imperator gessit: Nondum Imperator cum Justino avunculo, ipso quoque adhuc privato, jussu Anastasii Imperatoris, in carcerem conjectus est; perduellionis instimulatus. Ereptum ajunt, cum Anastasium per quietem à cæde Sergius & Bacchus martyres deterruissent. Eos protutelaribus divis jamdum colere cœperant *Dardani & Illyrienses*. Quam ut hominum, ad superstitionem proclivium, vanam persuasionem esse credimus: Ita non dubitamus, fuisse Angelos, certiores interpretes & internuncios divinæ voluntatis. Quamvis ipsi, Justinus & Justinianus, velut à martyribus accepto beneficio, superbissimum iis templum ad urbem *Scedram*, *Barbanamq;* fluvium, excitârint; ut narrat *Theophilus*, Justiniani præceptor. Notanda verò vox, quâ Anastasius à cæde revocatus est: *Parcendum* est, qui futura essent vasa, consilio providentiæ divinæ exequendo apta; qui & suo tempore strenuam operam navaturi. Vide *Cedrenum*, *Zonaram*, & *Ephoriam*.

Justinus postea Imperator factus, Justinianum in locum cæsi Vitaliani magistrum militum designat; ipso Vitaliano & Rustico Coss. hoc est, A. V. 1271. ut scribit *Zonaras*; qui, ut tempus scias, cum Marcellino conferendus est. Μονοπράτηρον τῶν Ῥωμαίων ἑγμάτων, id est, solum Romanarum legionem ducens, describit *Constantinus Imperator lib. 1. Them. 12.* Altero anno, qui fuit ab A. C. 1272. cum Valerio Consulatum gessit; de quo hunc Marcellini locum attest *Giphanius*: *Famosissimum hunc Consulatum Justinianus præ Consulibus omnium Orientalium utilitatibus edidit.*

edidit. Nam 288. solidorum sestertium libera Consulum profecta munificentia in populum, inque spectacula, sive spectaculorum machinam distributa sunt, XX. leones, XXX. pardos; exceptis aliis feris, in amphitheatro simul exhibuit.

Nihil fœdius corruptum, quod ipse Giphanius vidit; sed ob manuscriptorum penuriam emendare non potuit. Sirmondi liber sic habet: *Famosissimum hunc Consulatam Justinianus Consul, omnium Orientalium Consulatam profecto munificentior, his liberalitatibus edidit. Nam CCLXXXVIII. milia solidorum in populum, inque spectacula, sive in spectaculorum machinam distributa, XX. leones &c.* Hæc omnia sana sunt: *Profectum Consulatam*, illius seculi consuetudine, dicit eum, qui proficius erat, *munificentiam* splendidus.

Insanam munificentiam vocat Procopius in *Arc. Hist.* Tanquam non à Constantini temporibus furentem illam plebem moris esset conciliare stupendis congiariis. Tantò verò superare debuit omnes Justinianus, quantò summæ spei propior erat. Meminit ejusdem Consulatatus l. 8. C. *qui testamentum facere possunt, vel non.*

Post Consulatam factum esse *Patricium*, scribit idem Giphanius; quod unde sit, alii viderint. *Victor Tununensis* Patricium fuisse dicit eo tempore, quo *Vitalianus* occisus est: *Vitalianus*, inquit, *Constantinopoli, intra palatium loco, quem Delphicum Græco vocabulo dicunt, Justiniani Patricii factione dicitur interfectus fuisse.*

Refert dein Giphanius, quantis precibus Justinum

num fatigârint procures, ut Justinianum imperiû con-
sortem faceret : idque cûm obtinere non possemus
Nobilissimum eum fecisse; quæ *Nobilissimæ* digni-
tas *filius Imperatorum* fuerit propria. Secutus est *Zo-
naram Marcellinus*, à Justiniano *Nobilissimum* desi-
gnatum ait; quia scilicet *Senatus* voluntatem confirma-
vit. Locum illius *Bavonius* in *A. C.* 527. n. 1. pessime
accepit: *Jam dudum a se Nobilissimum* (nempe *Cæsa-
rem*) appellatum, regni sui successorem designatum *Ca-
lendis Aprilibus*. Existimavit per *Nobilissimum* sta-
tim subintelligi *Cæsarem*; in quo fallitur. Alius per
illa tempora *Nobilissimus*, alius *Cæsar*; ut eruditè do-
cet *Alemannus* apud *Procopium* p. 42. Et sunt exem-
pla passim obvia. Ex his verò constat de summa o-
mnium optimatum benevolentia in Justinianum; ut
profectò insigni virtute præditum fuisse, & reliquis
ducibus omnibus excelluisse, nemo dubitare possit.

Tandem etiam *Cæsarem* fecit (ut scribit *Victor
Tunuvensis*) ad perpetuam *Senatus* supplicationem;
sive (ut *Cyrillus*, *Scythopolitanus*) univêrsò *Senatu*
comprobavit. Sed & ex *Zonara* jam audivimus, quæ
animus procerum in Justinianum fuerit. *Procopius* ait:
Cum avunculo Romanorum Cæsar appellatur, si tamen
bono id jure factum; nam metu ac minis *Senatus* po-
pulusque perterritus in eam impellitur sententiam;
quæ *Zonara*, *Victori*, & *Cyrillo* planè contraria sunt.
Vult, à Justino hunc invitum impositum *Senatui* po-
puloq; Romano. Vel hinc constare potest, quæ ver-
tatis studio *Arcanum* suum scripserit *Procopius*. Nos
pluribus testibus, qui nihil gratiæ dederunt, fidem
adhibere

adhibere malumus, quàm uni, ad convicia spargenda tam avido.

Creatus est igitur Justinianus tam legitimè, ut vix unum vel alterum è tanto Cæsarum & Imperatorum numero nobis dare possis, cum isto comparandum. *Augustus* quibus artibus Principatum fecerit suum, docet *Tacitus lib. I. Ann. c. 10.* Qui secuti sunt, à *Senatu imperium accepisse videri volebant*; sed non nisi *ab invido* acceperant, vel *prorsus non acceperant*; Imperatores per *tumultum* militarem, per *ludum ac jocum* facti. Oppidò paucos excipiemus.

Diem, quo Cæsar salutatus est, *Marcellinus* notavit: *Creavit, inquit, Calendis Aprilibus.* Consentit *Theophanes*, cujus verba sunt: *De prima mensis Aprilis indictione quintâ, die festo Paschæ, Imperator Justinus egrotans, adhuc vivus, ad imperium promovit Justinianum nepotem; eumque coronavit.* Sed *Procopius in Arc. Hist.* dominationem Justinianum suscepisse dicit, *tertio ante festum Paschatis die.* Quæ conciliari posse putat *Alemannus* cum *Marcellino & Theophane.* Tertio ante festum Paschatis die adoptatus, & in collegium adscitus est à Justino: Ipso die festo Paschæ, ut solennia solennibus augerentur, & populi major confluxus esset, repræsentatus; & ab omnibus faustis acclamationibus Imperator salutatus est.

Ita mentem ejus interpretor, nec assentiri recusos; nisi *Procopius* in odium Justiniani hoc finxit, ut persuaderet posteris, *inauspicato die inauguratum Justinianum*; atque hinc funestissimi imperii omen po-

tuisse capi : Nam tertio ante Paschatis celebritatem die, qui *Cæna Domini* vocatus, nulli dicere salutem vel pacem, fas erat ; ut ipse notat. Cujus consuetudinis vestigia in *Ecclesiâ Romanâ* superesse notavit idem *Alemannus*. Nam eo die, licet inter missarum solennia pacem, de more sacrorum, à Deo petat Sacerdos ; qui tamen mysteriis interfunt clerici ac plebeji, ob *mæstitiam* Christi passionis, à lato pacis osculo & salutatione temperant.

Seu finxit *Procopius*, illò die *Justinianum* Imperatorem designatum, seu verum est ; voluit *Procopius* id, quod *Suetonius* in *Vitellio* cap. 11: *Magis deinde ac magis omni divino humanoque jure neglecto, Aliensi die Pontificatum maximum cepit*. Sed *Tacitus* quàm sapienter lib. II. *Hist.* cap. 91: *Apud civitatem cuncta interpretantem, funesti ominis loco acceptum est, quòd maximum Pontificatum adeptus Vitellius*. His enim verbis, qui *Tacitum* feridè inspiciunt, intelligent, falsè ridere civitatem Romanam ; quæ ex hisce rebus tam nullius momenti auguria rerum futurarum ducat capiatque. Stultè horrebat illum diem, quo non tantum infortunium perpeffa est, sed & Duce *Lucullo*, *Armenios* & *Tigranem* magno prælio devicit ; ut est apud *Plutarchum* in *Camillo*. p. 138. Magno animo *Julius Cæsar* nullâ id genus observatione à quoquam incepto absteritus unquam, vel retardatus est ; ut scribunt *Suetonius* in ejus vitâ, c. 59. & *Appianus* extremo lib. II. de *Bellis Civilibus*, qui *Cæsarem* cum *Alexandro Magno* comparans, utrumq; fuisse scribit contemptorem religionum, id est, omina, auguria, vaticinia floccipendisse.

pendisse. Quanquam *Alexander* ad extremum mutatus, *minima & levissima quoque in cimen vertit*; ut est apud *Plutarchum* in *eius vita*. Sit ergò *Justinianus* die minùs læto inauguratus, quid tum erit postea? Tàm id apud sapientes & generosos nullam *Justiniano* ignominiam parit, quàm nihil laudis vel *Neroni*, vel *Domitiano*, vel *Heliogabalo*; si die quàm festivo, quàm auspiciatissimo honores adepti sunt.

Cæterùm non diu supervixit *Iustinus*: Nam eodem anno, *Cal. Sextil.* ut scribit *Cyrellus Scythopolitanus*, & *Evagrius lib. IV. c. 9.* ex ulcere pedis, quod in bello contraxit, accepto vulnere, extinguitur; ut est in *Fastis Alexandrinis*. Adde *Onuphrium*. Sic re-
rum *Justinianus* solus potitus est, de quo verè dicere possum, quod de *Bruto*, & ad *Brutum Lucanus*:

*O decus imperii, spes ô suprema Senatus,
Extremum tanti generis per secula nomen!*

Nemo labentibus imperii rebus fortio-rem supposuit manum; nec post illum repertus est, qui Romanî nominis majestatem virtute pari tueri posset. Omnia ejus post obitum rursus collapsa sunt, & tàm oriens, quàm occidens alienum jugum subire ccepit. Verè igitur **MAGNUS** cognominatur à non paucis Scrip-
toribus: Vide *Nicephorum in Chronologiâ*, auctorem *Chronici Alexandrini*, & alium, qui scripsit *Antiquitates Constantinopolitanas*. Nec aliter judicârunt gentes exteræ. Quàm tibiam suam inflat *lib. IV. c. 12. Florus* in deprædicandâ *Octavianâ Augusti* magnitudi-
ne! Illi quoque, inquit, qui immunes imperii erant, sen-
tiebant tamen magnitudinem & victorem gentium, po-

pulum Romanum reverebantur. Nam & Scythæ miserè legatos, & Sarmatæ amicitiam petentes &c.

Si rem exactè consideres, longè majorem dices Justiniani gloriam; quam non tantùm ii venerati sunt, qui arma Romana nunquam experti; sed maximè, qui Romam à se nuper captam, multos exercitus cæcos gloriari potuerunt. Justiniano mastix *Procopius* hoc fatetur, *barbararum gentium*, quæ ad ortum & occasum pertinent; quæve ad meridiem & septentriones, ipsorum etiam Britannorum & aliorum ubique locorum; quorum nomina ne Romani quidem antè norant, sub Justiniano *Constantinopoli* se vidisse legatos. Sed quemadmodum aranea omnia vertit in venenum: Ita *Procopius* hoc ipsum factum ait, ut pecunias acciperent: Notam enim fuisse gentibus omnibus prodigalitatem Justiniani.

Mihi quidem perridiculum hoc est, tam abjectum, & pauperem fuisse orbem reliquum terrarum; ut omnes pecunias ab uno petierint. Athalaricus, Gothorum Rex, *magnis opibus*, è primis fuit; qui per legatos eminentissimos amicitiam petiit, iisque ferendas dedit literas; in quibus hodiè legimus: *Illud est mihi supra dominatum, tantum Rectorem habere propitium. Non enim in totum à parentibus destituimur, qui tali protectione fulcimur.* Leguntur apud *Cassiodorum lib. VIII. ep. 1.* Quid? ipse *Procopius lib. I. Vandalicorum* auctor est, Hildericum, Vandalicorum Regem, frequenti legatione convenisse Justinianum *pro pace*; & muneribus frequentasse, plurimumque coluisse. Amalasuentha Justiniani bene-

volens

volentiam omnibus officiis demereri semper studuit ; quod idein *Procopius lib. I.* docuit. Quàm multi Reges *sacrorum Christianorum causâ* venerint Constantinopolin, jam satis exposui. Finxit igitur *Procopius in Arcanâ* suâ causas quaslibet.

Illud tamen non dissimulârim, Justinianum exterrarum gentium *legatos ingentibus muneribus* prosecutum. Sic scribit *Theophanes*, cùm Rex Iberorum, Zamanarsus, cum uxore & regni sui primatibus Byzantii acceptus, Romanorum societatem petiisset; Justinianum gratam rem habuisse, eumque & illius Principes magnis largitionibus cumulâsse : *Theodoræ* verò, Zamanarsi uxori, quamplurima donâsse ornamenta geminis distincta. Sic Regis Abarorum, sic Regis Azumitarum, sic Regis Ermechiorum, sic Regis Persarum legatos habuit humanissimè & lautissimè ; nunquam pecuniæ parcus. *Procopius* & alii nonnulli culpant, nimis profectò morosi, iratisque adeò Lubentiis ac Gratiis nati ; quæ in aliis veteres satis laudare non potuerunt.

Vix quisquam fuit, qui Monarchiam & potentiam maximam adeptus est ; quin eam, ut adipisceretur, solis ferè largitionibus effecerit. *Alexandrum* filium *Olympias*, sagacis ingenii mulier, hoc præcepto imbuiere non destitit ; ut, quos posset, *humanitate aut pecuniâ* in amicitiam illiceret. Contra nitebatur pater, falli, qui regium id putaret, ministri & diribitoris officium esse (*Plutarchus in Apophthegmatis, Cicero lib. II. de Offic. c. 15. Valerius Maximus lib. VII. c. 2. ex. 8.*

Sed Alexander præferebat *consilium matris*, gnatus oraculi, quod in ore habuerat pater:

Hastus pugna argentaris, atque omnia vinctes.

An illius Pythagorici, *hec duo divinitus homini data esse pulcerrima: Veritatem amplecti, ac liberalitati operam dare.* Ut refert *Ælian. lib. XII. Hist. Var. c. 59.* Igitur illius congiaria fuerunt urbes.

Alexandri æmulus, cum adhuc quæstor esset, sed Alexandro postea major, *C. Jul. Caesar* victoriis suis usus est liberalissimè; dum ex iis nihil sibi reliquit, nisi dispensandi potestatem. *Seneca lib. III. de Ira c. 30.* Senatus magnam partem non solum scenore levavit, sed & uberrimo congiario prosecutus est, *L. Paulum*; ne contra se stare, *quingentis talentis* flexit, id est, nongentis millibus Philippicūm. *Curionem* majore etiam summâ, id est, quindecies centenis millibus Philippicūm. Militibus dedit prædia tota, & singulis aliquando veteranis *quingentos Philippicos* (eorum militum erant minimum *triginta millia*, non accensitis Centurionibus, Tribunis, Præfectis, atque ipsis Equitibus) Populo, qui è publico pascebatur, id est, *trecentis viginti millibus* civium, *tres milliones*, ducenta millia Philippicūm; præter *frumentum & oleum*. Super hæc Reges & provincias per orbem terrarum illiciebat (attende, & mirare factorum utriusque, *Jul. Caesaris, & Justiniani*, similitudinem) aliis captivorum millia dona offerens; aliis quod velent & quoties velent, auxilia submittens; superque *Italia, Galliarum, & Hispania, Asia* quoque & *Græcia* potissimas urbes præcipuis opibus exornavit. Hæc cum expendisset

diffet *Lipſius lib. II. Admir. c. 12.* alti ſpiritus virum non lacerat, ut Juſtinianum *efurientes Graculi*; ſed ſtupet, & animo recollecto acclamat: *Nil niſi novus quidam Triptolemus hîc eſt, qui ſublimi vectus curru, ſemina non frugum, ſed liberalitatis ſuæ per terrarum orbem ſpargit!*

Secutus eſt *Auguſtus*, de quo dubitat *Idem*, an non ut diuturnitate imperii, ſic & liberalitate *Jul. Cæſarem*, patrem adoptivum, ſuperârit. Antequam Conſulatum primum gereret, nondum XX. annorum adoleſcens, *unum millionem* in milites & evocatos, quos metu *Antonii* contraxit, & in Quartam Martiamque legiones effudit. In ipſo Conſulatu, cùm ſignis à Mutino motis urbem intraret; dedit, quæ deduxerant, octo legionibus, *ſex milliones*. In Philippenſi prælio, ubi de Principatu actum & libertate, promiſſi & repræſentati, *centum quinquaginta milliones*. Jam in Principatu largitionum aliquot meminit *Ancyrarum monumentum*; quod *Busbequo*, qui ex Oriente ſecum attulit, debet reſp. literaria. Primùm ex teſtamento Cæſaris univerſis civibus dati viritim tres Philipplici. Secundò poſt Actiacam victoriam in ſexcenta millia dedit *ſex milliones*. Tertiò populo viritim diſtribuit XX. Philippicos; idque factum in Conſulatu decimo. Quartò cùm Conſul eſſet XI, in magnâ caritate annonæ extra ordinem, & de ſuo, dedit ſingulis menſibus frumentationes. Quintò cùm è Galliâ rediret, plebi refovendæ & conciliandæ viritim largitus eſt triginta Philippicos. Sextò cùm XII. Conſul eſſet, eidem *duos milliones* largitus eſt.

est. Nec intra hæc liberalitas illa stetit, cum *in erudi-*
to scorsim etiam mirum quantum liberalis esset. Quæ
omnia vera esse deprehendens *Lipsius*, adesse jubet o-
 mnes, qui novum orbem & novas in eo divitias repe-
 rierunt; & intueri effusionem tantam opum ferè in
 unâ largitione.

Nihil hîc dicam de nonnullis ejusdem successo-
 ribus sed illud tantum; non potuisse feroces illos Ro-
 muli nepotes ad flagra deduci, si tantum pecuniæ no-
 luissent impendere Cæsares. Hoc *Tacitus* & alii con-
 fitentur apertè. Quid est igitur, quòd eundem libe-
 ralitatis succum, in Justiniano exundantem, tantoperè
umbratici illi, & ad ferulam ferendam aptiores, quàm
 digni heroicæ magnitudinis, & *ingentium consiliorum*
interpretes, averfantur, damnant & conviciantur?

Specie liberalitatis imponit hæc profusio, in-
 quiunt; perdere scit, donare nescit (*Tacitus lib. I. Hi-*
stor. c. 30.) habuit sinum non facilem, sed perforatum;
 ex quo multa exciderint, non exierint (*Seneca lib. I.*
de Vita Beata c. 23.) uno verbo: Verum redituum im-
 perialium usum ignoravit. Hæc interpretatio subti-
 lium & ingeniosorum est censorum. At si *sapienter*
agit, qui donat summo consilio, ut judicat idem *Seneca*
d. l. næ Justinianus hîc quoque magnum Principem
 egit, in cujus liberalitate judicium desiderare non pos-
 sumus. Donavit ex rectis & probabilibus causis. Si-
 mul enim imperio potitus est, liberationem Occiden-
 tis meditari cæpit; sive (ut ipse loquitur *Novell. XXX.*
in f.) spem concepit, *ceteras gentes, quas societate suâ*
Romaniamisissent, cum utriusque Oceani terminos te-
nerent,

merent, iterum ditioni suæ adjungendi. Ut voti compos fieret, iisdem modis utendum videbat, quibus imperii conditores, *C. Jul. Casarem, & Augustum* usos ex historiarum lectione cognoverat: Hi, ut imperium conderent, imperium ferè donare coacti sunt. Sed ut illos pecuniarum cumulos haberet, usus est eorundem consiliis, & jure damnatorum opes huc transtulit; quanquam & vectigalia, & tributa, & postea triumphales manubiæ stupendam vim suggererent.

Sed quorsum me isti abripiunt? Hoc volebam, magnum fuisse Justinianum habitum & à remotis gentibus, & legationes passim missas, reverentiæ ergò; data munera, reparandi & stabiliendi imperii.

Ejus verò res gestas *Giphanius* exponit in tribus membris: 1. Agit de *Ecclesiasticis*, 2. de *civilibus*, 3. de *militaribus*. De Ecclesiasticis multa jam diximus suprà, nec quisquam inficiari potest, Justinianum imperio accepto statim ad utilitatem Ecclesiæ conversum, multa & magnifica templa erexisse, lapsa instaurasse, hospitales domos extruxisse; hæreticos, qui pacem & tranquillitatem publicam turbaverant, multos orthodoxos occiderant, vel bonis spoliabant, justâ vindictâ persecutum. Vide *Baronium* in *A.C.* 527. n. 44. Sacerdotum nefariam libidinem, ut meritò detestatus est, ita puniit. *Theophanes* in rebus anni secundi: Hoc anno *Esaïas, Episcopus Rhodi, & Alexander, Episcopus Disspoleos*, in *Thraciâ* exauctorati sunt; utpote masculorum corruptores deprehensi, & ab Imperatore severè puniti; nam exsectis genitalibus, per urbem ducti, præcone proclamante: *Quicumque estis Episcopi,*

reverendam dignitatem vestram ne dehonestetis ! Hoc rursus indignè fert *Procopius* censor in *Arch. Hist.* pag. 33: *Posthac*, inquiens, *turpes puerorum amores lege vetuit, & in reos nullo prorsus decoro animadvertit.* Sed jam pro se respondit *Justinianus*, quæsitus à nescio quo, cur id faceret: *Annon si sacrilegium commississent, manus illis amputandæ fuissent ?* Auctor *Zonaras*.

Nimirum spectârunt hoc semper antiqui legum conditores, ut quâ parte quis peccâisset, eâdem puniretur; ut loquitur *Casaubonus*, ad illa *Lampridi* in *Alexandro Severo*, pag. 168: *Notarium, qui falsum causæ brevem in consilio Imperatorio retulisset, incisus digitorum nervis, ita ut nunquam posset scribere, deportavit.* Multis idem firmat *Cujacius lib. VII. Observ. c. 13.* Et sanè flagitabat atrocitatem pœnæ necessitas, cum iratus tanto sceleri Deus, famem & terræ motus & pestilentiam immisisset. Vide *Novell. LXXVII.*

Eâdem animi virtute non tam provinciâs, imperio Romano antiquitus subjectas, quàm quas recens ipse subjugârat, ab omni pudentis luxuriæ cœno expurgavit; lenonum cloacas exhausit, & *monasterium* extruxit ad recipiendas miseras prostitutas; quæ resipiscere, & in posterum Deo servire vellent; ut est in *Novell. XIV. & alibi de lenonib. Cod. II. tit. 1.* Quod qui legit, nâ cogitur, divinum Principem appellare; tam sapienti moderatione, cum justitiæ studio mixtâ, tot animas, ferè deperditas, in meliorem viam reducentem.

Objicit verò eidem *Justiniano Procopius*, sub
ejus

ejus Principatu nullam firmam de Deo fuisse sententiam vel fidem; scilicet quia multæ hæreses temporibus illis extiterunt. Fatemur hoc, sed & causam scimus, quòd, efflorescente verâ religione sub pio Principe, semper negotiosissimus fit diabolus in leminandâ Zizaniâ. Constantini tempora habuerunt *Donatum*, *Meletium*, *Arium*, & ejus asseclas, *Eusebios*. Temporibus Theodosii *M. Jovianus*, & *Vigilantius*, & *Originis* fautores, *Johannes*, Episcopus Hierosolymitanus; *Ruffinus*, Aquilejensis presbyter; *Palladius* Galata grassati sunt: Ita sub aliis pientissimis Principibus alii.

Sed quid in illâ hæreticorum copiâ facit Justinianus noster? Suum agit, & pro illorum conversione tum alia conatur, tum preces fundere non desinit ad Deum. Ipse apud *Innocentium*, Maroniæ præsullem, in epist. ad *Themadem* sic loquitur: *Ingressus sum in oratorium gloriosi Michaelis Archangeli, rogavi Dominum: Fac, ut in veritate velociter nobiscum consentiant, &c.* Et cognovistis, quàm propositionibus rationabilibus & pacificis, cum omni mansuetudine & patientiâ prolatus, à nobis vir Reverendissimus Episcopus *Philoxenus* persuasus est! Tamen & ipsum tandem prolapsum in hæresin *Aphibardocitarum*, vel *Severitarum*; quæ carnem Domini, ex quo assumpta fuit, immortalem & passionum inexpertem statuit; atque ita factum, ut quod de Ecclesiâ Romanâ viri magui asserunt, dum maxime Christum colere se putat, in impietatem prolaberetur, fore consensu traditum est. Præter *Evagrium*, qui cum *Procopio* ejusdem in Justinianum affectus

Scri-

Scriptor est, vide *Victorem Tununef. Eustath. in vitâ S. Eutychii, Theophanem, Zonaram, Cedrenum, Nicephorum, & alios.*

- - *Adde nihil omni ex parte beatum est.*

Nam totis viribus in id incumbit Satanas, ut magnas animas trahat in casum; & de iistropæum statuât. Sed hîc quidem unâ vel alterâ velitatione superior fuit, ad ultimum Justinianus discrimini sese eripuit. Assertionis enim improbæ pœnituit, & *S. Eutychium*, quem à se dissentientem relegarat, *ab exilio revocavit*; ut *Constantinus M. S. Athanasium. Nicephorus Callistus lib. XVII. c. 31. Damnat Euagrius lib. IV. extremo: Justinianus*, inquiens, *cum omnia omnino turba & tumultu complevisset, mercedemque his rebus debitam in extremo vita sua tempore reportasset; ad supplicia justo Dei judicio apud inferos luenda profectus est.* Cujus sententiam etiam *Baronius* sequitur in *A. C. 565. n. 6.*

Nec aliud agit *Nic. Alemannus*, in *Arc. Hist. p. 73.* ubi respondet ad omnes titulos, qui Justiniano post mortem, ut beato Principi, dati sunt. Esto, titulos illos omnes communes esse cum deterrimis Principibus, dum alibi divinæ memoriæ Justinianus, *ὁ ἐκ ἀγίων, pius, sacer*, dicitur. Esto, *Johannem Chalcedonium*, qui, ut est apud *Nicephorum*, in Sophiæ templo quotannis Justiniani memoriam magnificè celebravit, fuisse *Graculum schismaticum*; quod tamen ulteriorem probationem desiderat. Quid? falsumne illud, quod scribit *Nicephorus*, extremo spiritu Justinianum facti pœnituisse, & *Eutychium* revocasse? Hoc est, quod solidis argumentis confutandum est.

est. Sed cum id factum non sit haecenus, fas, pietas, & Christiana modestia requirunt, ut in benigniorem sententiam inclinemus.

Fecit id *Agatho Papa*, cujus epistola extat in Synodo sextâ, aët. IV. ubi post enumeratos orthodoxos Episcopos, qui adversus hæreticos fidem catholicam propugnârunt, hæc de Justiniano subjicit: *Et præ omnibus emulator vera & Apostolica fidei, piæ memoria Justinianus; cujus fidei rectitudo quantum pro sincerâ confessione Deo placuit, tantum remp. Christianam exaltavit. Et ubique ab omnibus gentibus ejus religiosa memoria veneratione digna censetur; cujus fidei rectitudo per augustissima ejus edicta in toto orbe diffusa laudatur. Idem in epistolâ aliâ: Sicut extremi quidem, præstantissimi tamen omnium, Magni illius Justiniani; cujus ut virtus, ita & pietas omnia in meliorem ordinem restauravit: Cujus instar fortissima vestra clementia Principatus, virtutis quidem conatibus remp. Christianam tuetur, & restaurat in melius; pietatis studiis Catholica succurrit Ecclesia. Quo judicio multum aliud potest esse honorificentius.*

Et quæ *Baronii* contrâ argumenta sunt? Multa de horrendis ejus sceleribus, de avaritiâ & crudelitate constant ex *Procopio* & *Evagrio*. Secundò nihil ominari boni potest ob sacrilegiorum immensitates; ut in *Vigilium*, Romanum Pontificem; & *Eutychium*, sanctissimum Antistitem Constantinopolitanum. *Procopii* auctoritas apud me quidem prorsus evluit: Quicquid tandem moliatur eruditissimus interpret. Memorat cædes & exilia, & rapinas; sed certum est, respicere

„ spicere ad pœnās hæreticorum, quas ægrè fert ipſe,
 „ *nesciocujus religionis* : Modò enī de verâ religio-
 „ ne rectè sentire videtur, modò aliter. Hoc non
 „ ignorat *Alemannus*, & insuper tamen habet. Ego
 „ verò præcipuum esse reor, quod in Historico atten-
 „ dendum sit. Quomodo convenire potuit Proco-
 „ pio cum quovis orthodoxo Principe, si de Deo per-
 „ mittit optionem, utrum malit quisque defendere; vel
 „ casu res humanas & fortunæ temerario impetu ferri,
 „ vel Dei providentiâ gubernari. At hoc facit Proco-
 „ pius: Igitur, ut observavit idem *Alemannus*, à quo-
 „ dam orthodoxo censore ad codicem Procopii manu-
 „ scriptum, qui servatur in bibliothecâ Vaticanâ, nota-
 „ tatum: *ὅτι ὁρθῶς τῶντα παρεισφύεις τῇ τῶν Χρῆστια-
 „ νῶν πίστι*: Id est: *Non rectè hac ingeris Christianæ re-*
ligioni. Et alibi: *σημείωσαι, εἰ ὁρθόδοξός ἐστιν ὁ συγγεγ-*
φεύς. Id est: *Nota, num auctor sit orthodoxus*.

Quòd si Constantini, Theodosii M. & Marcia-
 ni temporibus vixisset & scripsisset; eâdem styli atro-
 citate infestâisset illos ipsos; quorum tamen memo-
 riam Ecclesia hodieq; veneratur. Quòd enim in Ju-
 stinianum eum concitavit, idem fecerunt illi; & in A-
 rianos & Eutychianos severè animadvertendum cen-
 suerunt. Itaperridiculum est, Ecclesiasticorum anna-
 lium Scriptorem invadere Justinianum ex *Procopio*;
 qui ob hoc maximè infestus est, quòd ea fecit, quæ
 passim commendat ipse. Nihil hoc est aliud, quàm
in seipsum spuere.

Evagrium quod attinet, meminisse velim, illa-
 strem Cardinalem, quod ipse scripsit in *A. C. 519. n. 92.*
 iniquè

iniquè solere agere, dum sequitur *Zachariam*, Euty-
chianum hæreticum. Ergò nullum iudicium adhibuit
in exscribendis iis, quos ad manus habuit. Assentiar
Giphanio, qui ex virulento *Procopii* scripto illum bi-
bisse putat. Refutat hoc *Alemannus* p. 83. ex eo, quòd
duorum quorundam *Venetorum* nomina prodidit *E-*
vagrius; quæ non extant in *Procopio*. Ergò, inquit,
de Justiniani flagitiis aliunde accepit sua. Quæ con-
cludendi ratio quàm indigna tàm literato viro! nonne
unum vel alterum ex alio potuit immiscere, etiam cùm
Procopium exscriberet? Multa *Nic. Damascenus*
exscripsit è *Dionysio Halicarnassæo*, & *Cresida*; *Quinti-*
lianus ex eodem *Dionysio*; *Diodorus Siculus*
ex *Polybio*, *Timeo* & *Posidonio*; *Zonaras* è *Dione*;
Johannes Antiochenus ex eodem, *Eutropio*, *Plu-*
tarcho & *Herodiano*. Rursus *Dio* multa per fraudem
abduxit *Plutarcho*, *Jornandes Floro*, alii aliis: Et
semper furtum suum interpolant, hoc est, aliunde quid
petitum interserunt.

Sic *Evagrium* fecisse puto, & *Procopium* clàm
adeptum ex ambitione pari; ut scilicet per ruinam
tanti nominis ad gloriam & famam aliquam perveni-
ret, eadem in sua retulisse; additis tamen nonnullis,
ne fraus tàm manifesta foret. Neque statim inde col-
legeris: Ergò & alii scripserunt tàm infanda de hoc
Principe. Quidni enim unius & alterius *Veneti* nò-
men proderet, qui Justinianum magnis extulit laudi-
bus? Addo, nec *Arcanam Historiam* ad nos integram
pervenisse; ut ipse e *Alemannus* fatetur pag. 48. Qui
ergò

ergò certi sumus , non eadem extitisse quondam in *Procopio*, quæ hodiè tantùm in *Evagrio* reperiuntur?

Vigili Papa vicem nunquam dolebit, qui hominis scelera legerit apud *Platinum* in *Pontifice LXI.* & *Revium* in *Hist. Pontif. Roman.* p. 39. Ve! si veteres malumus, apud *Anastasium* & *Liberatum*. Excusat *Baronius* Pontificem factum, quem privatum contra tot Scriptores non potuit; & sive læta sive tristia Justiniano acciderunt, non aliâ ex causâ prodit orta; quàm ex observantiâ vel contumeliâ in hunc Pontificem. Ob eam judicii temeritatem perstringitur à *Cassaubono* prolegom. in *Exercit. Baron.*

De multis hæc habe: *Sylverius* Pontificem ut *Vigilius* expelleret, *Eutychianis* hæreticis clam favit; & ob id *Theodoram* adjutricem habuit. Sed Justiniano Sylverii causam postea cognoscere satagente, *Vigilius* Constantinopolim vi abripi jussit; quod factum acclamante populo: *Malè meritis est de Romanis, mala omnia tecum sint!* Constantinopolim ubi advenit, oblitus reverentiæ, quam ex Christi & S. Apostoli mandato debebat Cæsari, ad *Diocletianum* sese venire, impudentissimè dixit. Hinc ab adstantium quodam alapâ acceptâ, in Basilicam confugit. Extractus inde, & fune ductus, multa aspera perpetitur; sed non indigna. Pejus actum cum *S. Eutychio* diximus; sed unâ illud, rediisse Justinianum in meliorem viam.

Converto me ad res civiles. Hic etiam literarum pænè rudes celebratas audiverunt constitutiones ab eo factas, leges veterum Impp. in Codice ordine distributas; vel antiquorum sapientum responsa

ex immensâ congerie pulchrè digesta, vel hæc eadem ad institutionis modum enucleata. De his quid post *Giphanium* dicam, non habeo; & num debeam, jure dubito. Ut enim de pictore, sculptore, fictore, nisi artifex judicare; ita nisi exercitatissimus *JCtus* non potest perspicere tantum Legislatorem; ut verbis *Plinii lib. I. ep. 10.* leviter immutatis utar.

Lipsius nunquam agnovit pro ingenti merito, sed pro damno potius, tùm alibi, tùm *lib. II. Monit. & Exempl. Polit. c. 10.* scribens: *A Justiniano leges plurimæ, quibus utimur; Lothário Imperatore, cum diu siluissent, eas reducente. Nam Gallia, Hispania, Germania, earum ad id ævi expertes erant. Receptæ igitur sunt, & quo fructu? Certè illo litium, nemo negaverit; quæ ex eo nimirũ quantum succreverunt. Europam vide, & mentior, nisi maxima ejus pars circa istas occupatur. Alii judicant, alii instruunt, alii agunt; & qui miserrimi sunt, eas alunt. Bone Lothari, manes tui per me quiescant; sed rosæ aut lilia sepulchrum tuum non ornent, qui tot tricas & spinas se vixisti nobis.* Hæc *Lipsius*. Cui ut fusiùs respondeam, nemo me rogabit, qui hoc ipsum feci *lib. I. Animadvers. Pompon. c. 6.*

Obiter & illud nota, *Lipsium* hîc secutum esse vulgatam fabulam, *Justinianéas leges* in scholas *Lotharii jussu & auctoritate reductas*. Nam putidum commentum esse, probat *Hermannus Conringius, V. C. in erudito commentario de Orig. Juris Germanici, c. 21.* tùm ex defectu meliorum testimoniorum, tùm argumentis aliis invictissimis.

Reperiuntur præterea (vide acride de uno

Principe judicia tàm contraria!) qui mallent constitutiones Principum omnes integras, & J Ctos veteres, *Tuberones, Servios, Alphenos, Masurios, Ovilios, Javolenos, Macianos, Julianos, Papinianos, Cajos, Pomponios, &c.* hoc est, responsa Prudentum infinita, & per innumerabiles libros sparsa. Hanc *Salmasio* fuisse mentem accipio, qui *præfatione in Exercitationes Plinianas de Triboniano* conqueritur; compilando ac colligendo corpore juris civilis nihil aliud posteritati dedisse, quàm centonem ex pluribus pannis Nomicorum confutum. *Salmasio* respondeo ex ipso *Salmasio*: *Nisi hæc haberemus, nihil haberemus.* Ea (inquit *præfatione in Ampelium*) *socordia fuit illorum temporum, quibus barbari literatum & Romanum orbem inundare cœperunt; ut nisi extitissent, qui nobis hæc tanquam ex naufragio tabulas servârunt, certum sit, nihil prorsus ex illorum monumentis ad nos fuisse perventurum. Atqui præstat hæc qualiacunque nos habere, quàm nihil.* Malo certè, quod ad me pertinet, sic eos majore sui parte esse deperditos, quàm si toti funditus periissent. Qui reliquias sanctorum corporum consecretantur, ac studiosè religioseq; eas perquirunt; satis habent, si vel uno officulo potiri queant. Et mox gratiam habendam censet iis, qui veterum Scriptorum reliquias ad nos transmisere; nisi maximè ingrati esse velimus. Quod hîc facimus, & *Triboniano*, vel *Justiniano* potiùs, gratias agimus; quòd J Ctos veteres abbreviavit, effecitque, ne illorum placitis omnino careamus hodiè; quàm ut operam istam damnemus, & dictæ iis petulantibus incessamus.

Ad res civiles Justiniani pertinet, quod è *Zonara* scribit Giphanius: *Omnes sua desideria & querelas ad ipsum detulisse; viros, foeminas, pueros, senes; quos interdum & ipse sublevavit atque confirmavit, majestatis ac purpuree splendore velut perstrictos & attonitos; nullius humilitatem aut inopiam non modò tribunali, sed ne domo quidem exclusam.* Hoc invidiosissimè narrat *Procopius in Arc. Histor. p. 64.* nulli in orbe Romano liberam judicandi potestatem permissam; sibi omnia arrogasse, non ex justitiæ studio, sed *turpis lucri*, & ex impudenti fastu. Quàm ex veri tripode *Aristoteles in Metaphysicis: κατὰ τὰ ἐν ταῖς ἀγοαῖς συβαίνειν*, id est, *pro suis quemque moribus accipere, quæ audit?* Quemadmodum arquatis omnia lutei coloris apparent, quæcunque oculis observantur; propter læsam videndi facultatem: Sic iis, qui raptantur ab impotenti affectu, non adest rectum judicium; sed perinde res singulas æstimant, ut suadet opinio. Denique infensis, quæ fiunt dicunturque ab illo, cui irascuntur; omnia prava & improba videntur. Exemplum ejus rei sanè quàm luculentum præbet hoc loco *Procopius*; apud quem ipsa virtus calumniarum incitamentum est.

Fecit Justinianus, quod antiquissimi quique Regum, sedentes ad portas & muros urbium; ut querelas prætereuntium exciperent & cognoscerent. Apud Hebræos id fuisse, sacra historia docet; & apud

● *Lydos Nicolaus Damascenus in Excerpt. Peiresc. p. 496.* Leges & jura Deus in manu Principis cum sceptro posuit, cur judicis munus refugiat, & aliis de-

mandet? Non semper minoribus illis & delegatis iudicibus tanta reverentia, tantum virtutis studium. Vide *Lipsium lib. II. Exempl. & Monit. Polit. cap. 9. mon. 3.* In quæstione subjectâ, *Piccartus in Philosophiâ Altdorphinâ, Diss. XXXI. q. 3. p. 321.* Nec id fecit Justinianus ex aliâ causâ, nisi quod ita faciendum videret. Malumus enim ex *Zonarâ* Justiniani factum interpretari, quem nullas favoris in Justinianum causas habere satis constat; quàm ex *Procopio* sinistri quid illi adspergere, cujus livor ex ipsâ impietate & atheismo ortus tam manifestus est.

Ultimum membrum, quod *Giphanius* fecit, agit de re militari & bellis à Justiniano gestis. Hic sincerè dicam, si parem virtutem attulissent unus & alter è successoribus illius, potuisse non solum totum imperium vetus recuperari; sed & omnes illius æmulos tantæ potestatis accessionem fieri. Stabilitis imperii fundamentis, milit ad *Persas*, qui res imperio per vim ereptas repeterent; negantibus bellum indictum, & *Belisarius* cum copiis immissus. Rem fusè exequitur *Procopius in Persicis*; nec opus hic singula repetere. Victi primùm *Persæ* in *Mesopotamiâ*, & qui olim *Theodosio M.* pugnanti adversus *Eugenium* spiravit, idem numinis favor erga Justinianum in eo prælio cognitus est; cum *vi ventorum* Persarum spicula cæteraq; missilia, in Romanos intorta, præpedirentur; atque inefficacia penitus redderentur: Contrà verò impetu validiore in Romanorum jacula vibrarentur. Sic res Persarum in *Mesopotomiâ* collapsæ.

Eadem Romanorum fortuna in altero prælio,
cùm

cùm in *Armeniâ* majore vires instauratæ essent. Tùm *Narses* Persa cum fratribus ad Romanos defecit, & à Justiniano magnis honoribus attolli cœpit. *Tertium prælium* commissum ad *Daram*; quo victus Mirthanes, dux superbissimus Persarum, à Rege suo gravi pœnâ adfectus est.

Sexto ferè anno postquam bellum cœperat, pace factâ, expeditio contra *Gilimerem*, Vandalorum in *Africâ* Regem, suscepta est; successu longè meliore, quàm sub Leone Imperatore. Statim ubi Romana classis appulit, recepta Carthago; Zanzo, Gilimeris frater, occisus; ipse verò per deditionem in potestatem redactus; quodq; ab aliquot seculis nec Roma vetus nec nova conspexerat, Rex potentissimus, nepos illius (qui dominam rerum ipsam victricibus armis occupaverat) in triumpho *Belisarii* ductus est. Factum id, Justiniano IV. Cos. A. V. 1285. ut *Marcellini Chronicon* nos docet; 96. post occupatam à Vandalis Carthaginem; 108. post ingressum eorundem in Africam.

Receptâ *Africâ*, Præfectus prætorio ejusdem regendæ creatus est Archelaus. *Baronius in A.C. 534. n. 56. & seqq.* Sed perpetua in eâdem cum Mauris bella fuerunt, donec eò missus *Salomon Spado*, rei militaris peritus, compressis hostibus, pacem provinciæ reddidit, sub annum Justiniani XIII. Biennio verò post, destitutus à suis, in conflictu cecidit; ac barbari, resumptis animis, Romanorum irritati crudelitate ac perfidiâ, multis eos cladibus affecerunt. Mox & *Guntheris*, Salomonis antea satelles, *Areobindum*, Justiniani

stiniani affinem, interficit; & rursus ab *Artabane* Persâ interficitur. Vide *Procopium* & *Marcellinum*.

Nono anno Justiniani bellum Gothicum susceptum est, quòd *Theodahadus Amalasuntham* occidisset. Initium belli *Sicilia*, quam *Belisarius* Gothis totam extorsit. Gothorum Rex ita perterritus est, ut cessurum se bonâ fide Imperatori Principatum promitteret; si prædium aliquod, è quo mille ducentos aureos caperet, daretur. His lætus Imperator, remisit legatum, pluraq; indulgit, quàm Rex rogaverat: Sed is non diu pòst fidem mutavit. Hinc resumpta arma, & *Belisarius* missus iterum *Syracusi* & *Panormo* valido præsidio firmatis, *Messanâ Rhegium* trajecit; & ductis per *Brutios Lucanosq;* copiis, *Neapolin* obsedit. Comperto, per aquæ ductum in mœnia accessum esse, quadringentos statim milites immisit; urbemque occupavit. Gothi *Theodahadi* socordiam ægrè ferentes, occiso illo, creârunt *Witigem*, bello spectatum virum; qui statim totis viribus in *Belisarium* ivit. Quæ dein gesta sunt, è *Procopio* multis docent præter *Giphanium*, *Erycius Puteanus lib. I. Hist. Insubr. & Baronius in A. C. 535.*

Summa est: Gothis Romam, quam hætenus obtinuerant, deferentibus, *Belisarius* ingreditur; & *Witigem* post diuturnam obsidionem cum triginta millium strage rejecit. Paulò pòst ipse *Witiges*, cum Ravenna in *Belisarii* potestatem venit; & *Constantinopolin* abductus est. In locum *Witigis* creatus *Illobaldus*, ac post eum *Alaricus*; quo intra paucos menses peremto, *Totilas* regnum accepit. Hic, dum abest *Belisarius*,

sarius, Gothorum vires restaurat, *Veronam* recuperat; Romanos, qui castra castris opposuerant, scedè proterit; *Florentiâ* frustrâ tentatâ, *Casennam*, *Petram*, & hinc in *Samnites* movens, *Beneventam*, *Cumias*; omnemque *Brutiorum agrum*, *Lucaniam* prætereà & *Apuliam*, totamque *Calabriam* occupat; tum & *Neapolin* recipit. Hinc *Belisarius* redit; sed cum haberet vires non magni momenti, *Totila* victor nihil interpellatus est; *Roma* ipsa, comitatibus aliquoties interceptis, gravi alimentorum penuriâ passâ, *Totilæ* à quatuor *Isauris* proditur, non nisi quingentis civibus superstitibus. En rerum vicissitudinem! Hæc est illa *Roma*, in quâ sub *Claudio* Imperatore censita sunt sexagies novies centena sexaginta quatuor millia; ut est apud *Tacitum*. Incidit hæc calamitas in A. V. 1298. annum sextum post Consulatum Fl. *Basilii*; diem 16. Cal. Jan. ut est apud *Marcellinum* in *Chronico*. Aliter *Goltzius* & *Giphanus*.

Cogitabat & *Totila* diruere totam, nisi *Belisariæ* literis persuasus, sententiam mutâisset. Interim cum *Totilas* *Ravennam* pergeret, *Belisarius* urbem per 40. dies ita desolatam, ut saltem cubile bestiarum esset, recuperat; & partem murorum instaurare incipit. Supervenit *Totilas*, sed repulsus, *Tibur* se confert. Eodem tempore belli *Persici*, necessitate flagitante, *Belisarius* revocatur: *Diogenes*, dux fortissimus, cum tribus millibus hastatorum præsidio relictus gnaviter rem gerit; sed urbs ab *Isauris* rursus prodita, Gothis cessit; multi cives & milites cæsi: Sed postea *Totilas* in literis à *Francorum Rege* graviter notatus, quod ur-

bem dominam desolatam relinqueret, ac seipsum magnâ gloriæ parte spoliaret; cives omnes revocavit, inflaminata vel diruta instauravit, Patriciis sua restituit, & commeatus undique portari jussit. *Procopius* iterum captam indicat sub initium anni XV. ex quo bellum Gothicum cœperat. Capta est igitur anno nono post Consulatum Basilii, anno ipsius 1301. Cujus sententiæ *Baronius* quoque fuit. In *Marcellino* neque dies neque annus hodiè signatus apparet.

Sed Justinianus Italiam non amisit, licet adversam fortunam hæcenus expertus. *Narfetem* summæ rei præfecit. Is *Hunnos*, *Herulos*, & *Longobardos* in auxilio habens, Totilam illo ipso loco, quo Galli quondam à *Camillo* cæsi erant, magno præliò devicit; interfectis sex Gothorum millibus, & ipse Rex paulò post ex accepto vulnere moritur; quod factum anno undecimo, post Consulatum Basilii; sive A. V. 1303. Reliquias exercitus Gothici collegit *Tejas*, vir rei militaris præstantissimus; sed & ipse victus occidit, ultimus Gothorum Rex. Hic belli Gothici finis, & Gothorum terribile nomen tandem sub Justiniano extinctum.

Pax reducta videbatur, non erat: Nam mox Italia classico novo inhorruit, *Francis* & *Alemannis* irruentibus; quos Gothi fugâ elapsi concitârunt. Ipsi quoque variis cladibus attriti, Italiam relinquere coacti sunt. Meminit hujus belli *Constantinus Porphyrogenetus lib. II. Them. II.* Et Ducem Francorum alterum Βασιλειον appellat; quem *Giphanius* modò *Bucellinum*, modò *Bultinum*. *Sigonius lib. XX. de Occi-*

Occident. Imp. Francorum stragem in agro Campano editam scribit ad *Casilinum*, seu *Casadinum*, fluvium; qui olim *Vulturnus*, nunc *Sanguino* ab hac cæde (ut *Morellus* suspicatur) nominari solet. Idem *Morellus* *Agathia* carmen, quo Justiniani victoriam de Francis celebravit, sic vertit:

*Plena cadaveribus taboque infecta fluenta,
Tusca Casilini cœpit arena rubens:
Cum Francos acies populos Romana cecidit,
Et quot parebant agmina Butilino.
Næ felix amnis, qui præfert signa tropæi,
Dum rubet æternum sanguine barbarico.*

Dum cum Gothis bellum geritur, etiam in Oriente multum Justiniano negotii à scædisfragis Persis fuit: Nam *Chosroës* anno quinto belli Gothici, cum non esset, qui resisteret, per *Mesopotamiam* irruptione factâ, in *Syriam*, longè latèque grassatus est: Nec antè calamitati finis, quàm Justinianus quinquaginta nummum aureorum persolvisset; totidemque per annos singulos danda pacisceretur. Magnam ignominiam hanc fuisse dicit *Baronius* in *A. C.* 540. n. 40. Et sanè in hoc & aliis similibus factis sævidicum stylum *Procopius* p. 49. & 50. exercet: *Hunnorum* ducibus nullâ occasione accersitis, immanes pecunias perditâ munificentia largitum; illos acceptâ pecuniâ alios duces, eorumque cohortes sollicitasse; qui in fines imperii excurrent populabundi, &c. Idem *Alemannus* confirmat ex *Agathia*, aitque ob id acclamasse populum: *Barbari aurum dono tulerunt, quasi in eos injurii fuerimus!* Et quamvis *Agathias* excuset, tamen magis excusare, censet idem *Alemannus*. Ut

Ut de hac re agam obiter, dico, nusquam videri peccatum à Justiniano: Pecunias barbaris dedit juvenis adhuc, sed rariùs: Senior & decrepitus frequentius. Hoc Agathias dicit: *Ad ultimum vite sua Justinianus à laboribus visus est abhorruisse, cum potiùs haberet committere inter se hostes, & muneribus delinitos tantisper repellere; quàm sibi fidere, & in apertum se inferre discrimen.* Cum Persarum bellum secundum, quod modò retulimus, pecuniâ finiret, nondum erat senex & laborum fessus; sed urgebat *necessitas*, gravissimo Gothorum bello satis occupatum. Rudolphum I. Imperatorem sapientissimum dixisse ajunt: *Quicumque tres lites habet, duas, si poterit, componat.* Vide Lipsium lib. III. Epist. Miscell. 77. In Philippo illo, qui non minùs ut Alexander pro monarchiæ Macedoniæ conditore haberi debet, hanc prudentiam Justinus lib. VII. c. 6. §. 4. commendat, quòd bella, *quæ velut conspiratione quâdam ad opprimendam Macedoniam, multarum gentium ex diversis locis, uno tempore confluebant; quoniam omnibus par esse non potuit, dispensanda ratus, alia interpositâ pactione composuerit, alia redemerit; facillimis quibusque aggressis, quorum victoriâ & militum trepidos animos firmaret, & contemptum sibi hostium demeret.*

In Justiniani factò, quod idem est, dentem fatigat sycophantia. Sanè quæ tanti Principis generositas fuit in explicandâ per omnes gentes imperii maiestate, non permittit credere, pecuniâ fuisse quæsiturum adhuc vegetum & vigentem; quod posset bello. Ergò *necessitas* ad hoc consilium impulit, quod in similibus

milibus angustis arripuisse fortissimos duces ac Principes, non ignorârat. Romæ veteri nonne reces-
sum suum mille pondo auri venditârunt Galli? Lege
Florum lib. I. c. 13. §. 17. & alios. Hadrianus sapi-
entissimus Imperator (cui Trajanus, bellicosus Prin-
ceps, nimis afflictum imperium reliquerat) à multis
Regibus pacem redemit; ut est apud Spartianum in
ejus vitâ. Idem fecit Constantinus M. ut Julia-
nus in *Cesaribus* nos docet. Idem alii quamplurimi,
ut Gothos amicos, quàm inimicos haberent; teste Jor-
nande in *Geticis*. Qui barbaris responderunt: Impe-
ratorem bellicosum & vigilantem ferrum habe-
re, non aurum; ut Julianus apud *Ammianum lib. XXV.* speciosa quidem locuti sunt, sed non semper rei-
publicæ & provinciis utilia. Quid multis? Absolvit hîc
Justinianum *Valesius ad Ammianum lib. XXIV. p. 285.*
fecisse hoc prudenti consilio.

Senex jam factus, si prorsus armis abstinuit, &
pecuniis tantum barbaros repulit, tamen non repre-
hendendus mihi videntur; ut ob singularem rationem
magnificandus potiùs. Quidenim Julius Cæsar,
illa bellicæ laudis aquila? ut in ejus vitâ c. 60. Sueton-
ius scribit: tempore extremo ad dimicandum cunctan-
tior factus est. Quare? quia quò sæpius vicisset, hoc mi-
nus experiendos casus opinabatur; nihilque se tantum
acquisituum victoriâ, quantum auferre calamitas pos-
set. Rectissimè. Solet enim fortuna fatigari: Solet,
posteaquam nimium indulsit, in fine deficere; quæ sunt
verba *Quintiliani, Declam. CCLXXI.* Nostrâ me-
moriâ

moriâ Mauritius Nassovius, nemini veterum ducum animi magnitudine, consilii solertiâ, bellicis virtutibus, ac rerum gestarum gloriâ secundus, sub extremum vitæ, quasi famæ satur, ferè quievit. Quem admodum bonus Orator, *etate ingravescente, mavult desinere, quàm deficere; perspicitque, ne quid pejus, quàm fecerit, faciat: Et antequam etatis insidiis opprimatur, canit receptui, ac in portum integrâ navi pervenit;* ut eleganter loquitur idem *Quintilianus lib. XII. c. II.* Memini alicubi legere Johannis Jacobi Medicæi, Marchionis Mariniani, responsum ad *Carolum V.* diuæ memoriæ Principem; cùm is ad *Metim* omnia frustra tentans, de fortunæ malignitate conquereretur: *Fortunam similem meretricula, quæ juvenibus adhæreat, senes deserat.* Hæc cogitare debuissent, quibus tantas faces in Justinianum accendere placuit. Ita verò res habet. Postquam semel affectibus laxavit frena *Procopius*, non habuit ampliùs illos in potestate: *Fertur equis auriga; neque audit currus habenas.* Omnia reprehendenda fuerunt, omnibus etiam egregiè factis invidia conflanda apud seram posteritatem. Simili furore itum est in alterum Justiniani facinus, cùm *hostes cum hostibus* commisisset: *Tranquillam,* inquit *Procopius*, *Romani cum externis gentibus pacem hubebant; hic sanguinario furore standi loco impatiens, omnes undique barbaros inter se commisit.* Calumnia Protheo mutabilior res est. Justinianus modò *pra ignavia pacem & tranquillitatem emit,* modò quiescere & pacem colere *naescit.* Non constat, quomodo hæc inter se cohæreant:

reant: Nam *de eodem tempore* loquitur. Tiberium reperio pro magno consilio hoc habuisse, internis discordiis hostes relinquere. Legendus *Tacitus lib. II. Ann. c. 26. §. 5.* scilicet, quia *discordia hostium nihil majus fortuna præstare potest*; ut censet ipse Scriptor in *Germania, c. 33. §. 3.* Imò de Druso, Tiberii filio, adhuc juvene, *idem d. lib. II. c. 62. §. 1.* ubi: *Haud leve decus quæsit, illiciens Germanos ad discordias; utque fracto jam Maroboduo usque in exitium insistere-tur.* Ejusdem *lib. XII. Ann. c. 48. §. 2.* hoc est: *Omne scelus externum cum letitia habendum; semina etiam odiorum jacienda.*

Nî Justinianus hoc faceret, barbari scilicet quievissent. Id verò credent, qui calamitates, ab iisdem imperio Romano illatas, nunquam audiverunt; nunquam legerunt. Consilium Justiniani prudentissimum, & ejus eventum sic explicat *Johannes Antiochenus* in *Collectaneis*: *Revocans ad calculum Justinianus, quæ expendebantur in tot militum multitudinem; judicavit magis expedire, ut paucis muneribus concitet inter se barbarorum Tribunos; quàm ut tot pecunias in exercitum, qui in eos immittendus erat, insumat; eâq; curâ vexetur.* Id sanè adversus Hunnos fecit, qui sunt in alter. Danubii ripa. Nam scripsit ad unum ex Tribunis: *Aunera vestrum præstantissimo misi, te verò omnibu. antecellere ratus, hæc ad te potissimum destina-vi. At ilius, ut audio, vi ea diripuit; se præstantissi-mum esse dictitans. Tuum ergò erit studium, ostendere, quòd longè cæteris antecellas. Sumetibi ablata, & illum ulciscere, ut par est. Quod nisi feceris, planè manife-stum*

festum erit, illum prestare; quare nos quidem ei favebimus, tu verò etiam muneribus privaberis. His auditis, Hunnus bellum in suos populares excitavit; sicque ea gens internis & intestinis bellis deleta est. Hucusque Johannes.

Ex quo loco valdè memorabili multa docemur, quæ pro Justiniani famâ faciunt: Primùm injustè conquestus est *Agathias lib. V.* cùm olim universæ Romanorum vires constitissent *sexcentis quadraginta quinque bellatorum millibus*, vix tùm *centum quinquaginta militum millia* fuisse. Quid enim? Nec imperium Romanum vetus tùm regebat Justinianus; & tamen illis alendis, quos habebat, vix sufficiebant redditus publici. Secundò non tam prodigus fuit hic Princeps in barbaros, quàm alii eum faciunt: Largitus est, sed *pro necessitate*; cùm intelligeret, è duobus malis eligendum minus; & largitus est *modicè*. Denique in barbaros immittendum fuisse docet exercitum, nisi Justinianus eos vellet pecuniis avertere: Neque per illum stetisse, pacem an bellum mallet. Et tantum de isto.

Nunc ad *Persas*. Non diu post acceptas pecunias fœdus iterum ab illis ruptum est, & missus *Belisarius*, nihil ferè memoratu dignum fecit ob morbum; qui copias ipsius invaserat. Incidit hoc bellum in annum tertium post Consulatum Basilii, id est, A. V. 1295. At sequenti *Chosroës* cum exercitu rediit, & *Sergiopolin* tentavit; sed frustra. Tùm *Belisarius*, prævalentibus Gothorum armis, in *Italiam* revocatus est. Interim *Chosroës*, reparatis viribus, quas & ipsas pestis nuper

nuper exhauserat, anno post Basilii Consulatum quinto, A. V. 1297. *Edeffam* obsidet; sed cum ignominiâ revertitur domum. Imperator occupatissimus, ut miseris provinciis Orientalibus consuleret, *quinque annorum inducias* à Persâ redimit. Ita pax fuit; quâ finitâ, Persæ cum Romanis bellū redintegrârunt. In *Colchis* Romanus exercitus turpiter victus & fugatus est, quō tempore in *Italia Franci* bellum moverunt. *Quinquaginta millia* à *tribus Persarum millibus* in fugam versa sunt, cū Deus innocentem sanguinem *Colchorum Regis*, contra Justiniani voluntatem à ducibus occisi, in *iusdem* vindicaret. Rem fusè narrat *Agathias*. Factum id anno post Basilii Consulatum decimo quarto; hoc est, A. V. 1306. Sed hæc ignominia sequenti anno rursus ingenti victoriâ expiata est; ut commemorat *idem*. Nam & Justinianus, pientissimus Imperator, *Rusticum* & *Johannem* (qui *Colchorum Regem* interfecerant) capite damnavit. Eâdem felicitate debellati *Misiani*, qui à Romanis ad Persas defecerant. Tum ad pacem petendam redactus superbissimus Persa; quæ inpetrata, & usque ad Justiniani obitum sincerè culta est. Atque hæc fuerunt *quatuor maxima bella*, quæ Justinianus gessit, communi aliquando fortunâ, tandem suâ.

Sed & alia minora suscepta & confecta sunt, de quibus cū satis egisset *Giphanius*, civiles quosdam motus exequitur. Quibus nos illum *Samaritanum* addimus. *Chronicon Alexandrinum* in quarto anno Justiniani: *Hoc anno Samaritanis tumultuantibus, sibi que Regem & Casarem creantibus*, *Irenæus Pentadi-*

dia dux exercitus missus est; qui multos interfecit. Ca-
sarem illum Julianum appellat Procopius in Arc. Hist.
p. 52. Et ad eam numisma CCCX. p. 261. refert Octa-
vius de Strada; in cujus alterâ parte Juliani caput,
cum inscriptione: D. N. JULIANUS. NOB. CÆ-
SAR. In alterâ simulacra sedentium Palladis & Cybe-
le turritæ, ut explicat Alemannus in Procop. p. 58. 59.
 Qui proinde dissentit ab Octavio, & numum ad *Ju-*
lianum Apostatam Gentilem pertinere putat. Aliam
 eorundem *Samaritarum* seditionem anno XXIX. im-
 perii Justiniani motam refert *Anastasius*; in quâ *Ju-*
dei & Samaritæ Christianos multos interfecerunt, &
 ædes sacras inflammârunt. Missus contra illos *Ada-*
mantinus.

Posthæc *Giphanius* etiam de duobus celeberrimis Justiniani ducibus, BELISARIO & NARSETE, verba facit. BELISARIUM Germanum fuisse; & ipse, & *Welferus in Antiquitatibus Augustanis,* & *Besoldus in Synopsi majore* voluerunt ex illis verbis *Procopii lib. I. Vandalicorum: Ducebat Belisarius originem ex Germania, qua inter Thraces & Illyrios sita est.* Ergò, inquiunt, fuit *Quadus.* Sed *Germania vocabulum* hîc non est accipiendum vulgari notatione; quâ nos, qui Europæ latissimam regionem habitamus, Germani dicimur; sed intelligenda est *Germana metropolis, inter Thraciam & Illyricum sita; cujus mentionem faciunt Orientalium Pontificum sanctiones; & de quâ Ortelius dubitat, sitne Germanopolis Ptolomæ?* Malo igitur tam illustrem heroem pro populari non agnoscere, quàm veritatem de industriâ abscondere.

Primum

Primum sub Justiniano ipso, nondum Imperatore, meruit, ejusque fuit *doryphorus*: Dein ab eodem contra Persas *cohortibus aliquot* præficitur: Tum *Tribunus* militum, denique *Imperator*. Uxor illi *Antonina Patricia*, quæ priori marito *Photium* pepererat. Hic igitur *Belisarius privignus*. Ipse verò *Belisarius unicum filium* ex eadem genuit *Johanninam*, *Anastasio*, Justiniani & Theodoræ nepoti ex filiâ, desponsatam; ut nos *Procopius* solus docet in *Arcanâ* p. 20.

Rectè verò *Giphanius* putidissimum commentum esse pronunciat eorum, qui *Belisarium* tandem *effossis oculis in trivio mendicasse obolos*; tradiderunt. Sed fallitur, quòd commenti auctorem existimat *Petrum Crinitum*: Nam & diu antè id à *nugantibus Græculis* celebratum est; à quibus accepit *Johannes Tzetzes Chil. III.* Ipsi verò *Johannis Cappadocis* historiam, & infelicem exitum, confuderunt cum exauctoratione *Belisarii*; cujus *Procopius in Arcana* meminit; vel quæ de illo *Johanne Giphanius* refert. Sed *Belisarius*, quamvis aliquando calumniis petitus, & imperio spoliatus est; tamen veterem dignitatem mox recepit, missus in *Italiam*; ut est in *Appendice Chronici Marcellini*.

NARSETIS, alterius ducis, patriam sibi per-obscuram dicit *Giphanius*; sed non dubito, quin fuerit oriundus ex illâ parte *Armeniae*, quæ Persis parebat. *Narsetem* & *Aratium* fratres *Persarmenios* expressè *Procopius lib. I. Persicorum* dicit: Sub idem tempus, inquit, *Narses* & *Aratius* fratres *Persarmenii* genere, unâ cum matre ad Romanos transfugerunt; quo-

rum Narſes *Quæſtor etiam ab Imperatore factus, ſuas quoque gentes pecuniâ corripit. Quæ cum Iſaac, frater eorum natus minimus, cognoviſſet; cum Romanis clam collocutus, Bolum arcem iſis tradidit.* Quid eſt igitur, quòd ultra hæſitamus? Hujus viri dignitates & laudes continet *Inſcriptio pontis Salarii apud Gruterum. p. 161: IMPERANTE D. N. PISSIMO. AC. TRIUMPHALI. SEMPER. JUSTINIANO. P. P. AUG. ANN. XXXIX. NARSES. VIR. GLORIOSISSIMUS. EX. PRÆPOSITO. SACRI. PALATI. EX. CONS. ATQUE. PATRICIUS. POST. VICTORIAM. GOTHICAM. IPSIS. EORUM. REGIBUS. CELERITATE. MIRABILI. CONFLICTU. PUBLICO. SUPERATIS. ATQUE. PROSTRATIS. LIBERTATE. URBIS. ROMÆ. AC. TOTIUS. ITALIÆ. RESTITUTA. PONTEM. VIÆ. SALARIÆ. USQUE. AD. AQUAM. A. NEFANDISSIMO. TOTILA TYRANNO. DESTRUCTUM. PURGATO. FLUMINIS. ALVEO. IN. MELIOREM. STATUM. QUAM. QUONDAM. FUERAT. RENOVAVIT.* Cæterum tam noxius imperio poſteà fuit, ſub Juſtinio II. quàm ſub Juſtiniano utilis fuerat.

Ultimum caput in *Giphano* miſcellum eſt, atq; hoc enim inſtituti noſtri cauſa notamus; ſub Juſtiniano *Conſules creari deſiſſe.* Sic enim *Procopius in Arc. pag. 115: Non eſt omninò comitia videre Conſularia; quare extremâ mortales oppreſſi ſunt egeſtate.* Vi-
de hominis malignitatem! Fecit id Juſtinianus ad immodera-

moderatas *expensas* illas tollendas; quas in Consulatus primo die ab ipsis creatis Consulibus fieri moris fuisse, docui *ad Pompon. lib. II. de Origine Juris*. Legem primùm tulerat, quâ sumptus istos nimios moderatus est; vide *Novell. CV*. sed cùm datis limitibus humana superbia coarctare se nesciret, hinc illud tandem Imperatoris subiit animum; ut Consulatus dignitatem amplissimam paulatim è Senatu proscriberet. Ità dum optimus Imperator providit, ne illustres familiæ *missilibus, donativis & strenis* suis ad extremam inopiam prolaberentur; audire cogitur, *ad egestatem alios rede- gisse*; scilicet quia plebem lascivientem & otiosam hoc commodo spoliavit. At nemo sapientium fuit unquam, quin detestaretur *hirundinem illam erarii*, & plerumque procerum plebem: *Factum enim; ut omnes artes, omnia opificia, omne negotiandi studium, omnis agricultura negligeretur; cùm pecunia aliunde suppetere-nt*. Suadet Sallustius in *Orat. I. de Republ. ordinandâ: Uti plebs habeat negotia sua, largitionibus & publico frumento corrupta*.

Cæterùm sublatâ chronologiâ per Consulatus deductâ, in posterum tempora notabimus aliter; & ut in externis nuper à mundo condito *supputationem Calvisianam*; sic eandem sequemur à tempore nati *Salvatoris*. Hæc sunt, quæ de Justiniano volui, debui; nec dubito, quin *veritatis studiosum* me fuisse, boni omnes facillè intelligant. Iis, qui *Procopium & Evagrium* æstimant, non placebo. Sed *veritas non est; quicquid amor & auctoritas magnorum nominum suadet*. Concludo verbis incomparabilis *Salmasii*: Justinianus bonus ac pius Princeps!

JUSTINUS SECUNDUS.

Mortuo Justiniano die 14. Novemb. (*Chronicon Alexandrinum* licet mendosum in numero mensium, & *Theophanes*) A. C. 565. mediâ nocte, cum imperâisset annos 38. menses 8. (*Evagrius lib. IV. c. 40.*) successit JUSTINUS junior; patre Dulcissimo, matre Vigilantia, Justiniani sorore natus. *Corippus Grammaticus* & *Victor Tununensis*. Ergo perperam *Raphaël Volateranus*, *Onuphrius*, *Occo*, *Strada* & *Hemmelarius*, Justiniani nepotem ex filio faciunt. Sed & *Camerarius* apud *Nicephorum Callistum* in *Chronico* malè vertit fratris filium.

Fuit prius *Curopolates*; de quo officio consulendus *Alemannus* in *Procopium* p. 17. Socordis ingenii principem vocat *Besoldus*, scilicet quòd in gerendo bello imprudens & ignavus esset. Pacem cum *Avaribus* & *Persis* solvit, cum magno reip. damno; effecitque, ut de Justiniani prudentia nemo jam dubitarit. Acceptâ in Oriente magnâ clade, in *phrenesin* incidit; quâ commotus *Chosroës* petenti *Sophiæ* triennales inducias concessit. Tamen paulò ante finem Justiniani redintegrato bello tam feliciter à Justiniano duce pugnatum ajunt, ut *Chosroës* lege perpetuâ sanxerit, ne contra Romanos Rex Persarum copias ipse duceret. Alii mortuo Justino victoriam hanc reportatam scribunt; alii vivente quidem Justino, sed jam omnia gubernante *Tiberio*.

Hæc verò est illa *Sophia*, quæ Justiniani uxor & *Theodora* neptis, sed non ex Justiniano (idem *Corippus*

pus & Victor Tununensis) Narsetem ad immane scelus
 luscipiendum irritavit. Nam cùm Justinì literis re-
 vocaretur ex Italia, insignem contumeliam adjecit im-
 potens fœmina: *Sibi semiviro in gynacéo opus esse; illic
 ad colum inter nentes jura daturum, & pensa in qua-
 sillos divisurum.* Hinc Narses, supra quàm dici potest,
 excanduit, sibi naturæ aut fortunæ injuriam cum pro-
 bro objectari; & quia *ad lanificium* poscebatur:
*Exordiar sanè telam, inquit, quam nulla Pe-
 nelope, nec quicquid usquam est muliebrium So-
 phiarum, retexere potest.* Igitur Italiam, quam à
 Gothis felicibus armis vindicârat, rursus perditurus,
Longobardos, eo tempore militiâ formidabiles, è *Pan-
 nonia* advocat; eorum Regi *Alboino* Italiam in præ-
 dam spondet, aditu obtentuque facilem; quippe viris
 vacuum, & à recenti adhuc calamitate languentem.
Ita Paulus Diaconus. Sed *Constantinus Porphyrogen-
 netus de administrando imperio* c. 28. rem paulò aliter
 narrat, & ipsam Augustam non *Sophiam*, sed *Irenem*
 vocat.

Quicquid sit, *Italiam* ingressi sunt *Longobardi*;
 & ejus nobilissimam partem tenuerunt, usq; ad *Caro-
 li M. tempora*; quæ primo impetu invadere non po-
 terant, ea cesserunt *Exarcho*. Nam dignitatem istam
 Justinus instituit, fuitque sedes potestatis *Ravennæ*.
 Uno verbo: *Vices Imperatoris in Italia sustinebat.* Pri-
 mus *Longinus*, ultimus *Entychius*; quem post annos
 183. *Aistulphus* Rex, *Ravennâ*, ut & omnes Græcos
Exarchatu spoliavit. Vide *Erycium Puteanum* lib. II.
Hist. Insulbric. p. 110. *Sigonium* lib. I. de Regno Italiae.

In civilibus Justinus laudabilior, leges ac justitiam amavit; cujus insigne exemplum refert è *Cedreno Petavius part. I. Ration. Temp. lib. VII. c. 9.* decessit d. 26. Sept. A. C. 578. ut *Chronicon Alexandrinum* & *Theophanes* fidem faciunt. Liberos è *Sophia* genuit *Justinum*, sed qui rursus obiit, antequam pater imperium adipisceretur; & *Arrabam*, sive *Arabiam*, uxorem Patuarii Curopalatae. Illius meminit *Theophanes*; hujus *Corippus*, & nominatim *Antiquitates Constantinopolitane*; quas laudat *Alemannus in Procop. p. 68.* Ex Arabia & Patuario nata est *Helena*.

TIBERIUS.

TIBERIUS CONSTANTINUS (ut describitur in numis apud *Oconem p. 584.*) & ipse *Curopalates* (eò usque creverat ista dignitas, ut ad imperii fastigium proximus gradus esset) adoptatus à Justino, & Cæsar factus est d. 7. Dec. A. C. 574. ut vult *Theophylactus Simocata lib. III. c. 11. d. 7. Sept.* ut vult *Chronicon Alexandrinum*. Errat *Evagrius*, qui Justinum ait solum imperasse annos 12. menses 10. dies 15. cum Tiberio annos 3. menses 11. in totum annos 17. menses 9. cum dimidio. Rectè *Petavius*, regnasse solum annos 8. superque menses 9. ferè; cum Tiberio annos 4. ac duos circiter menses. In *Roma Subterraneâ*, opere longè pulcherrimo, quod nuper prodiiit, extat p. 107. insignis *Inscriptio*, quæ huc facit: DEP. EST. BOETHUS. CL. P. OCT. CAL. NOBR. INDICT. XI. IMP. DOM. N. JUSTINO. P. P. AUG. ANN. XII. ET. TIBERIO.

RIO. CONST. CÆR. ANN. III. Hic fuit Iustini penultimus annus. Ergò Tiberius cum Iustino regnavit omnino per annos 4.

Fuit Princeps lenitate, justitiâ, munificentia, pietate, cæterisq; Imperatore dignis virtutibus sanè quàm commendatus. *Persas*, duce *Mauritio*, feliciter repressit; & *Narfetis* thesauros reperit, ut scribit *Diaconus*. Moritur A. C. 582. d. 14. Aug. ut est in *Chron. Alexandrino*. Uxorem habuit *Anastasiam*, & ex eâ filias, ante imperium susceptas, *Charitonam*, quàm Germano in matrimonium collocavit; & *Constantinam*, sive *Constantiam* Mauritio desponsam; ut ex *Euvagrio* & *Theophane* manifestum est.

MAURITIUS.

FL. MAURITIUS (ita numi) vel MAURITIUS TIBERII (ut alii) *Cappadociâ* oriundus, virtute ac peritiâ rei militaris conspicuus, succedit Tiberio socero, A. C. 582. Ad eum confugit *Chosroës*, de quo illustrem victoriam reportârat, pulsus à suis: Statimq; à Mauritio adoptatus, & bello restitutus est. Tùm *Avaricum bellum* suscepit adversus *Caganum*; captos ab eo Christianos milites cùm nollet exiguâ pecuniâ redimere, paulò pòst iratum avaritiæ Deum sensit. *Phocas* contra eum ab exercitu Imperator salutatus est, A. C. 602. d. 27. Sept. qui totam domum ejus delevit, ipso quoque capite truncato. Nemo Principum fortiore animo tulit casum suum, cùm hoc *Davidicum* solum diceret: *Iustus es, Domine, & rectum judicium tuum!* Sed &

unum ex filiis occultante nutrice, ac *suum pro illo sub-*
jiciente, piam fraudem ultrò detexit; nec alium occidi
 passus est. Vide *Baron. in A. C. 602. n. 19.*

PHOCAS.

FL. PHOCAS (sic appellatur in numis apud *O-*
conem p. 586.) imperium, quod auspicatus est
 d. 27. Dec. A. C. 602. tenuit per annos 8. na-
 ab *Heracio* captus & interfectus est A. C. 610. ut
Chronico Alexandrino, Theophane, & aliis manifestum
 est. Αἰμονίης dicitur à *Johanne Antioch. in Exc. Peri-*
p. 853. Id est, cruentus & sanguinarius. *Narsetem* no-
 bilissimum ducem, qui rebellarat, per fas & nefas, ite-
 ratis juramentis interpositis, ad se pellectum, mox vi-
 vum comburi jussit. *Cedrenus & Historia Miscella.*

Cave hunc eundem cum *Baronio, in A. C. 568.*
n. 13. & alibi, credas cum *Narsete eunucho*; qui *Gotho-*
rum regnum in *Italiâ* sub *Justiniano* destruxit. *Nar-*
setis, Justiniani ducis, hic fuit exitus: Cùm *Longo-*
bardi, *Pannoniâ* *Hunnis* concessi, conjuges, liberos,
 fortunasq; transtulissent in *Italiam*; *Narsetem* per-
 fidia ferè poenituit. Audiebat passim, novæ calamita-
 tis auctor, qui bellum profligârat, Igitur animum cru-
 cians, *Romæ* morbo ac dolore interiit. Sic referunt
Paulus Diaconus, Anastasius Bibliothecarius, & alii.
 At hic, ut audivimus, *Phocæ* jussu, vivus crematus est.
 Nec profectò tam facile est dicere, *Diaconum & A-*
nastasium retulisse falsum; vel, quod *Baronius* cogita-
 vit, ab omni perfidia maculâ liberare *Narsetem*: Con-
 sentit enim in re ipsâ *Constantinus* Imperator, non
 Paulum

Paulum Diaconum, sed alios secutus; ut ex circumstantiarum diversitate lector diligens observare potest. Nisi ergo auctoritates istae solidioribus rationibus confutentur, inde sic argumentamur: *Narfetem eunuchum* post immanem prodicionem vix vitam, nedum summam Praefecti potestatem apud Romanos ad imperium usque Phocae habiturum fuisse. Quid? an Narfes eunuchus ad Phocam usque vitam produxit, qui missus est in Italiam contra Gothorum Regem A. C. 552. ut ipse fatetur *Baronius in illo anno, n. 21?* Cui non imminutae mentis lectori persuadebit hoc? ego omnino duos statuo *Narfetes*: Primum Narfetem illum, cujus ductu Gothorum regnum eversum est; posteriorem, qui per nefas circumventus, à Phocâ vivus crematus est. Hic postremus adhuc juvenis *armiger* fuit *Justini*; de quo *Corippus lib. III.*

*Armiger interea Domini vestigia lustrans,
Eminet excelsus super omnia vertice Narfes
Agmina, & angustam cultu praefulgurat aulam;
Comtus caesarie, formâq; insignis & ore,
Aureus omnis erat cultuq; habituq; modestus.*

Praefectus Romani exercitus vicit *Varanem*, & *Chosroem juniorem* restituit, *Miscell. lib. XVII. Zonaras in Mauritio, Nicephor. lib. XVIII. c. 20.* Duo igitur belli fulmina ejusdem nominis, alter *Gothis*, alter *Persis* oppositus; hic ipse, quem Phocas tam crudeli mortis genere sustulit, ultoremq; crudelitatis & perfidiae rursus habuit *Fl. Heraclium*, Africae Praefectum: Is enim indignè ferens, Phocam imperium hostibus perden-

dum relinquere, A. C. 610. solvens ex provincia, *Constantinopolim* occupat, & *Phocam* supplicio afficit.

HERACLIUS.

FL. HERACLIUS, filius Heraclii *Ἡρακλίου* & *Ἡρακλίου*, ut ait *Zonaras*; & hinc *Ἀββαίου*, cognominatus à *Constantino* lib. 1. *Themat.* 1. p. 3. imperium adeptus, occiso *Phocâ*, *Persas*, qui Orientis maximam partem occupârant, & *crucem Salvatoris in Persidem* asportârant, de pace rogat supplex: Sed illi respondent, tùm demum concessuros, si *crucifixum abnegarent Deum*, & *Solem* adorarent. Eodem tempore *Avares* in *Thraciam* irrupère; quibus ægrè placatis, Heraclius totus in bellum *Persicum* incubuit; victis *Chosrois* ducibus, etiam in *Persidis* interiora movit A. C. 627. & hostem compulit pacem petere, reddere cum ademptis opibus, & captivis *Sacro sanctam crucem*; quam *Heraclius* summâ cum veneratione *Hierosolymam* transtulit.

Hujus temporibus nova è profundo barathro erupit religio, seu clades potius ac lues humani generis; quæ initium à *Muhamede*, *Abdulæ* filio, *Abdulmutalibi* nepote, sumit. Vide *Leuncl. lib. 1. Histor. Musul.* p. 32. & *Joh. Cotovicum* in *Itinerario* c. 1. *Baron.* in A. C. 630. & alios passim. Ipse Heraclius in *Monothelitarum* hæresin prolapsus est; ut scribit *Theophanes*. Moritus d. 11. Martii A. C. 641. ætatis 66. cum imperâisset annos 30. menses 4. dies 6. *Petavius* in *Ration. Temp. part. I. lib. VII. c. 13.*

CON-

CONSTANTINUS.

Succedit Heraclio patri, & *quarto imperii mense*, seu morbo, seu veneno. à *Martinâ novercâ* tollitur.

HERACLEONAS.

Heraclii filius cum *Martinâ* matre sex mensibus imperium tenet; iis exactis, *nares* Heracleonæ, *lingua* Martinæ præscinditur, ex Senatus decreto. *Theophanes, Zonaras, Cedrenus & Miscella.* Hunc *Besoldus* in minore Synopsi, an ut illegitimum omisit? non opinor: factum vel ipsius incuriâ, vel typographi. Nam mox Justinianus in Heraclii stirpe *sextum Augustum* dicit. Quod si Heracleonam excludimus, falsum est; haberemus enim saltem *Heraclium, Constantinum, Constantem, Constantium Barbatum, Justinianum.*

CONSTANS.

CONSTANTINI F. Heraclii N. occiso Heracleonâ, imperium adeptus, infelix bello; ut rectè *Besoldus*. Primum contra *Saracenos* infelicissimè pugnavit, ut est apud *Theophanem*, & in *Miscella*. Inde *Orientis* velut pertæsus, in *Italiam* trajecit, contra *Longobardos*; sed ab iisdem victus, *Romam* furore quodam barbarico expilavit; ut est apud *Paulum in Longobardicis*. Hinc in *Siciliam* transmisit, ubi cum 6. annis hæsisset, *Syraculis in balneo interfectus*

ctus est à suis; cùm imperâsset annis 27. Factum id A. C. 668. præter *Theophanem* vide *Zonaram*.

CONSTANTINUS.

METIUS, sive MEZENTIUS, sive MEZIZIUS, *Armenus*, creatus erat à rebellibus; sed hunc paulò post superveniens Constantinus, Constantis occisi filius, Constantini nepos, Heraclii pronepos, interemit; ut scribunt *Anastasius*, & *Constantinus Manasses*. Hic igitur imperare cœpit, cum fratribus *Tiberio* & *Herachio*; ut vult idem *Anastasius*. Nares iisdem mox amputatas tradit *Theophanes*; sed qui nec sibi consentanea loquitur: Ait enim eosdem imperio dejectos anno demum XIV. Constantini.

Pogonatus, vel Pogonates, hic Imperator cognominatus est, cujus rei causam reddit *Constantinus Manasses* in *Annalibus*:

- - quod parans *Mezizii*

Ducis in luem classem tener & imberbis,

Hinc reversus amplâ visus est barbâ decens;

ut Latine vertit *Fridericus Morellus* notis in *Constantinum Porphyrogenetum* de *Themat.* p. 121. Sub hoc *Constantinopolis* à *Saracenis* obsessa per 7. annos; quibus cum Imperator superior tandem fuit, pax his conditionibus facta, ut *Saraceni Romanis* quotannis *trecentia sexaginta quinque aureorum millia* penderent; ac virorum capita *quinquaginta*, equos nobiles *quinquaginta*. Sic tranquillitate restitutâ, *Concilium generale sextum* indixit. *Petav. Ration. Temp. part. I. lib.*

LE. VIII. c. 1. Moritur A. C. 685. cùm imperâisset annos XVII. ut scribit *Constantinus Manasses*.

JUSTINIANUS II.

Constantini Pogonati F. cognomento Rhinotmetus, à truncis naribus, succedit patri, annos natus 16. *Mardaitas*, Libani incolas, obicem imperii Romani, cujus *Saracenos* sedibus suis detraxit: Cum iisdem Saracenis, fretus *Sclavorum* invitis auxiliis, congressus, inferiores tulit. Domi crudelis ac rapax, plures sibi hostes peperit. Hinc à *Leontio* Patricio, quem ad regendam *Helladem* miserat, è carcere, comprehensus, *nasq; mutilatus*; & *Chersonam* relegatus est, A. C. 695. Ab exilii loco postea fugiens, venit ad *Caganum*, Regem Avarum, cujus filiam duxit; & hinc ad Bulgarorum Principem, *Trebellium*; cujus ope restitutus, *Leontium* & *Absimarum* in vinculis, *præfecto naso*, per urbem circumductos, & ludis *Circensibus* spectaculo exhibitos, *capite plecti* meritò jussit. *Constantinus Manasses*, *Cedren. Theophan.* & alii. Mox iisdem *Bulgaris*, quorum beneficio regnabat, bellum inferens, & victus, dignas ingratitudinis pœnas luit. Tùm in *Chersonitas* conversâ lævitiâ, pænè omnes interfecit, classe in eos missâ; quam redeuntem adversum mare horrendo naufragio castigavit. Hac ille clade parùm commotus, immò ferocior factus est; quòd sui in illo Chersonitarum strage parvulis pepercissent. Igitur adversus ætatem, quæ crudelissimos in se barbaros facilè exarmat, novam classem instruxit; id omnium mentes alienavit. Nam conjuratione fa-

&â,

etâ, *Philippicus Bardanes* ad imperium evectus, *Justinianum* unâ cum filio *Tiberio* interfecit A. C. 711. exeunte; vel ineunte 712. Et sic *Heraclii domus extincta est.*

LEONTIUS & ABSIMARIUS, TYRANNI.

DE priore jam satis diximus. Cùm *Justinianum truncatum naso* exegisset, armis nihilo felicior, *Carthaginem* amisit; missus in *Africam* exercitus rem malè gerit, & offensionem veritus, contra *Leontium Absimarum* creat; & *Tiberium* appellat. Sub hoc Absimaro *ducenta millia Saracenorum* à Romanis in *Syria* concisa scribit *Theophanes*. Utriusque tandem fatum illud fuit, redeunte ab exilio *Justiniano*, quale dixi. *Prodigus & ignavus* Imperator, cùm biennium & menses aliquot imperâisset; equestri dato certamine post prandium in secessu dormiens, à conjuratis arreptus, oculisq; privatus est, pridie Pentecostes; sive 4. Junii, A. C. 713.

ANASTASIUS.

ARTEMIUS, Philippico à secretis, imperio accepto, dictus ANASTASIUS, contra *Saracenos* classem ingentem parat in insula *Rhodo*. Sed exercitus seditione concitatâ, & occiso duce, *Theodosium* quendam tributorum exactorem, Imperatorem salutatur. *Anastasius* desperatis rebus suis, imperii ponit insignia, & se monachum facit, A. C. 715.

THEO-

THEODOSIUS.

THEODOSIUS ADRAMYTTEUS, Imperator quasi per ludum ac jocum factus, regnat usque ad annum 717; quo *Leoni* sponte cessit; is *detonsus in Clericum* cum filio vivere permisit in otio.

LEO.

LEO ISAUROS, ante imperium Conon appellatus, imperium suscepit d. 25. Martii, A.C. 717. *Saracenos*, qui *Asiâ* vastatâ *Pergamum* expugnârunt, & *Constantinopolin* obsederant, repulit; *Tiberium* tyrannum per duces suos in *Sicilia* oppressit, & Occidentem pacavit, A.C. 719. Nomen Pontificiis invisum, quòd imagines aboleri iussisset; sed præter meritum. Videbat enim Imperator, *statuas* religiosâ veneratione coli, *adversus clarissimum Dei mandatum*. Ob hanc causam *Gregorius II. Pontifex*, Imperatorem subjecit *anathemati*; ac *Romam*, & quicquid *Italiae* reliquum erat, à *Byzantinorum* Principum abstraxit imperio; tributâq; pendere iis ultrâ prohibuit. Hæc ipse *Petavius Jesuita*, *Ration. Temp. lib. VIII. part. I. c. 5.* Igitur hoc tempore idololatria pontificia magnum incrementum cepit; Imperator è divinis literis optimè informatus, pressus, & potestate suâ, quam in *Italiam*, *Romam* & ipsum Pontificem habebat, privatus est. Unde cautè legeris *Besoldum* in *Synopsi* majore, factum & ipsum denique *πολύθεον*. Leo, ne Pontificis perfidiam ulcisceretur, bellis

bellis Saracenicis impeditus est. Obiit hydropicus A.C. 741. d. 18. Junii; cùm imperâisset annos 24. & menses 3.

CONSTANTINUS CO- PRONYMUS.

Leonis Imperatoris F. Copronymus cognominatus, quia fecit id, quod *Wenceslaus Noribergæ*; hoc est, *baptismo* admotus, in aquam sacram *ventris onus* elisit. Factum id A. C. 719. d. 25. Octob. Contra hunc *Artabasdus* res novas molitus est; & pulso Constantino, ut *manuum opera* rursus colerentur, imperavit. Verùm anno 743. mense Sept. captus à *Constantino* cum filio, & *excacatus* est. Cùm *Saraceni* discederent, Constantinus *Syriam* & *Assyriam* felicibus armis pervasit; & passim rem Christianam restituit. Hujus temporibus *Turcæ* è *portis Cassiis* eruptione factâ, *Armeniam* & *Iberiam* perfultrâunt; & prædâ graves redierunt domum. Moritur A. C. 775. d. 14. Sept. cùm imperâisset annos 34. menses 3. non malus Princeps, nisi bonitatem causæ sævitiâ corrumperet.

LEO.

LEO, Constantini Copronymi F. à patre confors imperii factus, sicut & pater, *Porphyrogenneti* nomen tulit. Bellum *Saracenicum* strenuè profligavit, & proceribus poscentibus Constantinum filium, ex *Irene* genitum, imperii participem fecit. Alii dein *Nicephorum*, Leonis fratrem, ad invaden-

invadendam tyrannidem hortati sunt; quos Imperator convictos unâ cum fratre exilio multavit. Moritur A. C. 780. d. 8. Sept. cùm imperâsset annos ferè 5.

CONSTANTINUS.

Leonis F. Constantini Copronymi N. Porphyrogennetus cognominatus (sed cave hunc confundas cum Constantino Porphyrogeneto, & ipso Leonis F. *litteratissimo* Principe, cujus scripta toties hæctenus citavimus; nam *hic ætatis posterior*) unâ cum Irene *maire* ferè per annos 10. regnavit. Impotens scæmina *idololatriam* instauravit, & *Aaroni*, Saracenorum Principi impar, tributarium imperium reddidit. Filium, cui *Rotrudim*, Caroli Francorum Regis filiam, A. C. 782. desponderat, violatâ fide *Mariam* quandam oriundam *Armeniâ* coëgit ducere, mense Dec. A. C. 788. A quibus nuptiis filius abhorrens, simulq; matris pertæsus, eam A. C. 790. redegit in ordinem; tamen postea dignitati restituit, cum magno suo malo. Nam ejusdem dolo circumventus, & immaniter *excacatus* est anno imperii 18. Christi 797. *Besoldus* hanc Irenem *nimis improvidè* commendat, *benè* administrâsse rempublicam, filium *insolenter*; eandemque admodum *iniquè* in exilium pullam. E Pontificiis consule *Petavium part. I. Rat. Temp. lib. VIII. c. 6.* è nostris *Cluverum in Epit. pag. 435.* & *alexand. Besoldi* satis animadvertes.

CAPUT XVI.

HOc caput *Besoldus* inscribit DE IMPERATORIBUS ORIENTIS POST AVULSUM OCCIDENTEM. Sed miror in hoc caput non retulisse CONSTANTINUM COPRONYMUM, LEONEM & CONSTANTINUM PORPHYROGENNETUM; sub quibus jam Occidens avulsus erat: Sicut enim diximus, à Leone defecit Pontifex, secumq; traxit, quicquid in Italia Constantinopolitanis Principibus hucusque paruerat.

Tria verò *Besoldus* agit in hoc capite: Primò, quomodo *Carolus*, Francorum Rex, rebus bellicis, inclaruerit, & *Longobardicum* regnum in Italia destruxerit? Secundò, quomodo *Constantinopolitanum* imperium, non nisi ignavos Principes sortitum, tandem defecerit? Tertiò, quomodo *Turcæ* prosperâ fortunâ usi, *Orientem* suum fecerint? De his quoq; dicam quàm brevissimè.

Francorum præclara gens, quæ super omnes gentes enitet, ut laudat *Puteanus* comment. in *Historiam Insulicam* p. 187. Item: Gens virtutibus factusq; eximia, ut ait *Euphormio* in *Icone* c. 3. Nec non: Gens tam nobilis, ut hodieq; universos *Europæos Asiatici* Francos indigent; sicut *Orientales Romaos*, *Abyssini* quoque in *Africa* communiter nos *Alfrangues*, & *Christianum orbem Franciam* nuncupent, teste *Vagetio* in *Periodo regni Turcici* p. 25. Non à *Trojanis* oriunda, vel *Franco* quodam, *Hectoris* filio, ut quosdam existimasse jam supra in rebus *Trojanorum* docui; neq; etiam à *Bojis*,
ut

ut in Bojorum gratiam *mentitus* est *Aventinus*; sed ex aliquot Germaniæ populis adunata fuit. Nam Germani rectè tandem animadvertentes, nihil contra Romanum imperium validius, quàm fraternam quandam concordiã; & hoc uno se hæcenus Romanis inferiores fuisse, quòd singuli ac divisi pugnassent; adversus eos conspiratione factâ, in unum corpus coierunt, & Germanicò idiomate *Francos*, hoc est, diè *Freyen* / *liberos ab omni servitute* se nuncupârunt. Quicquid igitur Taciti tempore *Chatti*, *Tencteri*, *Bructeri*, *Ubi*, *Usipetes*, *Chanci*, *Cherusci*, *Hermunduri*, *Narisci*, *Suevi* deniq; tenebant; *Franciæ* nomen occupavit. *Freher. lib. II. Orig. Palatinarum c. 3.* Reliquiæ tantæ multitudinis, quæ in unum corpus coaluit, unumque nomen adscivit, confederunt ad *Mœnum*; nam cæteri omnes *Rhenum* sæpius transgressi, sub *Aureliano*, *Floriano*, *Probo*, *Procuro*, *Juliano*, *Valentiniano* & *Honorio*; sæpiusq; repulsi, tandem cùm *Attila* res Romanas attrivisset, *Belgicam*, dein *Celticam* subegere. Mox *Aegidio* & *Sangrio*, Galliarum Præsidibus debellatis, *Lugdunensis* *Galliæ* partem juris sui fecerunt.

Gothi Aquitaniam, *Burgundiones Narbonensem*, *Sequanag*, partem Romanis eripuerunt. Victis his, qui fortunæ superstites erant, *Francis* accessere: Nec diu pòst *Gothi*, acriter à *Belisario* pressi, *Francis* & ipsi partem suam concesserunt hæc lege; ut in belli societatem secum venirent. *Alemannos* quoq; non tulerunt in *Gallia* residere, iisque insigni prælio devictis, totâ paulatim regione potiti sunt; permittente

Justiniano. Consulendus *Putcanus comment. in lib. II. Hist. Insubric. p. 97. 98.*

Initium regni *Francorum in Gallia* constituerim A. C. 549. octavo post Consulatum Basilii. Tum enim *Franci* ab Imperatore *Justiniano* Galliarum jura adepti sunt; & *aureos numos*, quod ipsis *Persis* non licebat, cudere cœperunt; non Imperatoris Romani, sed *suorum signatos imagine*; ut è *Procopii lib. III. Gothicorum* docet *Baronius in A. C. 549. n. 4. 5.*

Francis illo tempore præerat *domus Merovei*, qui Romanis junctus cum *Attila* manus conferuit in campis *Catalaunicis*; eaque in *Childerico* 200. ferè post *Justinianum* annis defecit; *Pipino*, Majore domus, ob rei militaris peritiam prudentiamq; in regendis civilibus, ad regnum evecto.

Stemma Pipini locupletius (quàm in historia *Caroli Magni*, auspiciis *V. C. Bœcleri* prodiit p. 92.) exhibetur à *Puteano lib. III. Historiæ Insubric. p. 181.* hoc modo: *Carolus M.* seculo Christiano sexto, clari nominis ac potentiae in *Narbonia*, teste *Sigeberto*, reliquit *Pipinum Landesium*. Præfectum palatii *Austrasiæ*: *Pipino Landesio* geniti cum alii liberi, tum *Sancta Begga*; quæ maritum habuit *Ansigisum*, vel *Angisum*, *S. Arnulphi*, Metensium Episcopi & *Dode* filium, *Arnaldi* nepotem, *Ansberti* & *Blitildis*, *Clotharii* Regis filiae, pronepotem. Ex *Sanctâ Beggâ* & *Ansigiso* natus *Pipinus Crassus Herstallius*, Præfectus palatii *Austrasiæ*, deinde Dux; cui *Alpaidis* concubina, soror *Dodonis*, peperit *Carolum Martellum*, Præfectum palatii & *Austrasiæ* Ducem. Ex hoc & *Adelheide Pipinus*
iste

iste cognomento *Brevis*, familiæ suæ regnum intulit. *Pipini Brevis & Bertha* F. CAROLUS, cognomento MAGNUS, regnum post obitum patris adeptus, quantas res gesserit, non opus, ut explicem.

Sufficere potest tyroni historia Caroli M. modò laudata; quam, primas ducente lineas *Bæclero*, antè biennium ferè dedit *Joh. Joachimus Franzius* unà cum *Eginhardo*. Unum hoc monuerim, in ea non rectè afferi, *Ingelheim*, vico prope *Moguntiam* in Germania, in hanc orbis communis auram esse prognatum. Est quidem fama, scio, eaque tam pertinax, ut *Carolus IV.* Imperator, cùm in *D. Caroli M. Principis* cognominis honorem insignis collegium *Bohemorum Sacerdotum* fundaret; ejusq; rei memoriam ita consignaverit: *Imperator ille magnificus in villa Ingelheim Moguntinensis Diœcesis, in imperiali palatio, commemorandæ suæ nativitatis sumpsit originem. Quin & incolis loci hodiernis id adèò persuasissimum habetur, malam ut apud eos gratiam initurus sit, qui vel leviter in dubitationem id vocare conetur; quorum & vix ullus non uni ex filiis suis Caroli nomen in sacro fonte indere, pro reverentia illius Semonis, conditoris sui solet; ut scribit Freherus lib. II. Originum Palatarum c. 11.* Sed ipse tamen ei famæ, quod veteri & specioso indicio destituta esset, accedere noluit; licet ubi natus esset, ignoraret.

Nostro seculo ne terram ampliùs ignoremus, debemus *Antiquitatibus Fuldensibus à Christophoro Brouvero Societ. Jesu* publicatis; ex iisque primò, quod sciam, verum docuerunt *Reinesius lib. II. Var.*

est. Cùm *Alpium* fauces insideret, aliquot cohortes per cautes, aviosq; calles à Carolo jussæ circumduci; & à tergo se ostentantes, sic eum terruerunt, ut sine prælio statim *Ticinum* fugeret; quemadmodum idem *Anastasius*, & *Annal. Francorum*, & *Religiosus Cœnobii Egolismensis in vita Caroli M.* adstruunt. Alii, sed auctoritatis minoris, pugnâsse volunt. Institit fugienti *Carolus*, & *Ticinum* acri obsidione pressam fame, pestilentia, armis, ad deditionem compulit. Sic *Desiderius cum uxore ac liberis* in Caroli potestatem venit. Unus tamen filius *Adalgisus* sceptri hæres futurus, si fortuna voluisset, *Verona*, quam idem *Carolus* agressus erat, in *Græciam* celeri fugâ pervenit. Hic regni *Longobardici* finis.

Alterum, de quo *Besoldus*, illustrat *Freher. Tom. II. Rerum Germanicarum*, ubi de *Byzantini imperii decremento*: Quoties Germani, cùm per tanta terre pelagiq; intervalla, bello sacro *Saracenos* in *Asia* peterent; & terram illam, quam vocant, sanctam, *Græcorum* ignaviâ amissam, magnâ ex parte recuperarent; vel in transitu *Byzantinis* Regibus terrori & formidini fuerunt? Nonne verò illorum *Principatus* sub *Alexio Angelo* Germanis tributarius factus, & vectigal inde *Ἀλαμαννικὸν* vocatum *Græcis* hominibus indictum? Ad quod conficiendum nec quidem priorum Imperatorum thesauris, nec sepulcris parvitum fuit. Et post multa alia: *Byzantini* plerunq; nullâ justâ neque successione, neque electione; sed aliquando magicis sortibus, aliisq; malis artibus affectatâ tyrannide, vero Principe (si vel frater sit) aut sicâ venenôve peremto; aut (ut

mitius) elucificato, vel castrato ; aut (ut mitissime)
 tonso, & in monasterium truso, imperium male arri-
 puerunt ; pejus gesserunt, pessimè, & simili exitu, rursus
 amiserunt : Vel fortè, non dicam faminarum, sed (quod
 indignius) eunuchorum nutu & libidine ; aliquando
 & factionum theatralium impetu, nonnunquam etiam
 ipsorum hostium & barbarorum ; atque adeò Turcarum
 voluntate & minis ad sceptrà extollebantur. Imperii
 tandem hujus exitum sic describit idem : Factum est,
 ut in altera illa, ad Euxinum pontum, Roma imperi-
 tantes, Neronum potius quàm Constantini, cujus nomen
 affectabant, successores, variis morum damnis & vitæ
 flagitiis, in socios perfidiâ, perniciosâ inter ipsos discor-
 diâ, infandâ crudelitate & tragicis sceleribus, adeoque
 apertâ impietate ; & eorum exemplo, ut fit, corruptus
 populus, eò dissolutionis, nequitia, infamia, prolabere-
 tur ; ut pro novâ Româ & Sione (nam & hoc titulo sibi
 blandiebantur) nova potius Sybaris & Sodoma, vel
 ipsis restibus, esset dicenda. Quam perversionem fatalis
 ejus interitus, & excidium justo Adrastix judicio est
 consecutum. Postquam enim cum vicinis omnibus po-
 pulis, jam velut juratis & divinitus immissis hostibus ;
 ab Occidente, Vandalis, Gothis, Bulgaris, Ulachis, My-
 sis, Hunnis, Avaribus, Serviis, Triballis, Patzinacis,
 Rossis, Uris ; ab Oriente verò Persis, Iberis, Arabi-
 bus, Armeniis, tandem Turcis & Saracenis, omnium
 acerrimis, tanquam reus aliquis bestiis objectus, diu va-
 riâ fortunâ imperium illud belligerâset ; plerumque ve-
 rò à magna strage attenuatum, aut ad durissimas de-
 pendendi tributi conditiones adactum : Non tantum fi-
 nes

nes, illos olim latissimos perpetuâ quasi alluvione arrosos, amissis subinde optimis quibusque provinciis, magis magisque, contrahere necesse habuit; sed vix tandem pomeria sua, imò mœnia portasq, tueri potuit. Itaq, cum aliquot obsidiones Constantinopolis ab Avaribus, Saracenis, Genuensibus, atque etiam in civilibus bellis passa, justo pœnitendi tempore elapso, nihilo interim evaderet melior; sed veluti obligato sibi divino auxilio, invincibilem se jaçtaret; tandem à Deo deserta (quod Leo Imperator dudum in quodam vaticinio presagierat) ut à Constantino primo condita; ita ab ultimo amissa, immanissima Turcarum genti pertinaciter obsidionem urgenti, nunquam satis deplorando orbis Christiani damno concessit. Habes compendiosissimam rei Constantinopolitanæ, usque ad novissimum tempus, descriptionem; quâ qui contentus esse non potest, adeundi illi erunt Zonaras, Nicetas, Nicephorus Gregoras, Laonicus, & alii. Perpetuam Imperatorum feriem ab Irene usque ad ultimum Constantinum Paleologum cum Besoldus omiserit, non erat animum subjicere, nisi historiam Besoldianam supplere me vellent alii; sed illis ita obsequar, ne reliqui de prolixitate conqueri possint.

NICEPHORUS, Irene ejectâ, imperium invasit, A. C. 802. Bardanem amovit, quem exercitus invitum creaverat; cum Saracenis pacem per dedecus iniit, & sceleratè rursus violavit. Occiditur à Bulgaris A. C. 311. d. 26. Julii. Theophanes & Miscella.

STAUracius, Nicephori F. particeps imperii, moritur ex vulnere; cum paucis mensibus regnâisset post patrem, *Idem*.

MICHAEL Curopalates Imperator salutatus d. 5. Octobris A. C. 811. victus à *Bulgaris* A. C. 813. *Leoni Armenio* cessit Principatum. *Idem* cum *Zonara* & *Cedreno*.

LEO *Armenius*, Julio mense A. C. 813. primordia imperii capit. Occiditur à *Michaële Balbo*, quem majestatis reum in custodia haberi jussierat; ipso natalis *Dominici* die, inter sacra, A. C. 820. *Idem*.

MICHAEL Balbus, *Phryx*, ex oppido *Amorio*, interfecto Leone imperat. *Thomam*, qui res novas molitus erat, victum & captum omni crudelitatis genere laniavit. Sub ejus Principatu *Saraceni Hispanienses* occuparunt *Cretam*; exin *Calabria*, *Apu- lia*, & *Italiae* pleraq; *Saracenis* paruerunt. Moritur A. C. 829.

THEOPHILUS, *Michaëlis Balbi* F. succedit dicto anno, mense Octobris. Moritur A. C. 841.

MICHAEL, *Theophili* F. *Michaëlis Balbi* N. sub tutela, matris *Theodora* relictus, patrem excipit. Sub eo *Bulgari Christianis* sacris initiati sunt, regnante tum apud illos *Bogori*. Decimoquarto imperii anno, hoc est, A. C. 855. matrem potestate spoliatur; & *Bardam* primum *Curopalatem*, dein *Cesarem* facit; se verò totum dat ludis, aurigationibus, ac perpotationibus. Ad extremum *Bardas* occiditur, ipsius *Michaëlis* consensu d. 1. April. A. C. 866. & *Basilium Macedonem* Imperatorem creat d. 26. Maji, anno eodem. Post, cum *Basilius* insidias metueret à *Michaële*, eum antevertere volens, ebrium interficit A. C. 867.

BASILIIUS Macedo, ex *Arsacidis*, ut vanissime

nissimè scribit *Curopalates*, obscuro genere natus in *Macedonia*; ut verius *Zonaras*, non pœnitendus imperio Princeps, officia mandavit bonis; & judicia exercuit ipse. Sed & foris contra *Saracenos* & *Manichæos* prosperè pugnavit. Moritur A.C. 889.

LEO, Basilii F. five Michaëlis Imperatoris (nam utrumque traditum) ob *studium Philosophiæ* cognominatus *Philosophus*, adversus *Bulgaros* primum infelicitè pugnavit; sed mox *auxiliis Turcarum* usus, vicit. Obiit d. 11. Junii A. C. 911.

ALEXANDER, Leonis frater, tutorio nomine imperio præest; donec adolefceret *Constantinus*, Leonis F. Crapulæ & libidinibus deditus periit d. 7. Junii A. C. 912. multo *per nares & pudenda rejecta sanguine*; cum post haustum largiùs merum, pilâ deinde se & equitatione vehementiùs agitâsset. *Curopalates*, *Cedrenus*, *Zonaras*, *Glycas*, *Constantinus*, *Manassès*.

CONSTANTINUS Porphyrogennetus, Leonis Imperatoris F. Basilii Imp. N. hîc est, qui optimorum Scriptorum in omni genere exemplaria undique conquissivit; iisque *Palatinam bibliothecam* instruxit. Dein cum animadverteret, plerosque à legendo, mole librorum, deterreri; eos epitomavit, & in locos communes, sive *tres & quinquaginta titulos* eleganter distribuit. Hujusmodi *Excerptorum* duo tituli ad nos hodiè pervenerunt: *Alter legationum*, in duos libros distributus, *alter de virtutibus & vitiis*; quem debemus curiositati *Nicolai Peirescii*, æternâ gloriâ dignissimæ. Plura de ejus peritiis, in omnibus ferè

ferè disciplinis, Arithmeticâ, Muficâ, Astronomiâ, Geometriâ, Historiâ, Poëfi, & universâ Philophiâ. *Bonaventura Vulcanius notus in hujus ipsius Constantini lib. I. de Thematibus p. 53. qui tamen p. 56. videri potest, cum Constantino Porphyrogenneto, Leonis & Irenes filio (de quo supra) confudisse. Noster matrem habuit Zoën, quæ ab Alexandro tutore primùm ejecta, dein revocata, & rursus palatio submota est. Sub hoc Imperatore Constantinus Ducas, & Leo Phocas, victoriâ Bulgaricâ insolentior factus, imperium affectantes, oppressi sunt. Post hæc*

ROMANUS LE CAPENUS, Patricius, Constantini focer, & novo honoris genere, *Imperatoris custos ac pater* d. 24. Sept. A. C. 919. *Cæsar*, & sequente Dec. *Augustus* appellatus est à Nicolao Patriarchâ, permissu Constantini; qui cùm VII. annos solus imperâisset, insurgentibus tyrannis ἔκων ἀέκων τὴν ἑμῶν collegam imperii assumsit hunc Romanum,

Abstutam vapidogestantem in pectore vulpem.
Vel potius κυνὸς ὀμμάτων ἔχοντα; quippè qui & *Theodoram* uxorem suam, diademate ornavit, & CHRISTOPHORUM filium suum ad idem fastigium evexit; voluntate, ut videri volebat, Constantini; sed reverà invito, & conquerente & πλυνγίεργίαν indignè ferente. Idem & Christophori uxorem, *Sophiam*, post obitum *Theodora*, Augustæ nomen accipere voluit. Tum &

STEPHANUM & CONSTANTINUM filios suos, Cæsares, Augustos creavit; & THEOPHYLACTUM filium Patriarcham fecit, & ROMA-

MANUM, è Christophoro nepotem suum, coronavit. Tot præfidiis firmato imperio *Constantinum Porphyrogenetum aspernari* cœpit; sed, ut è *Plæbi tripode* canit Poëta:

Sequitur superbos ultor à tergo DEUS!

ROMANUS, annosa vulpes, tandem in casses incidit; & à *Stephano filio*, Imperatore & ipso pariter declarato, *captus*, exutus imperio, & *attonsus* in insulam *relegatus* est, d. 16. Dec. A. C. 944. *Stephanus* verò, & *Constantinus*, fratres, inter se mutuò de imperio altercantes, *ambo correpti*, & in insulas sunt *deportati*. Sic tyrannide liberatus *Constantinus*, imperavit usque in annum 959. Eo enim die 9. Dec. *Romani filii patricidio*, ut ferebant, sublati sunt.

ROMANUS, *Constantini Porphyrogeneti* F. Leonis N. homo soluti ingenii, obiit anno 963. Scripsit *ad eum* eruditissimus pater *librum de administrando imperio*, quem valdè commendatum *Casaubono* in præfatione *Polybianâ*; primus Græco-Latinum vulgavit, *Joh. Meursius*.

NICEPHORUS PHOCAS, vivo Romano, *Saracenis Cretam* eripuit. Imperator contra eosdem in *Cilicia Syriaq;* secunda bella fecit; *Antiochiam* recepit, homo aliàs fordidus & illiberalis. *Periit* insidiis *Theophanonis* conjugis, & *Joh. Zimisca*, d. 11. Dec. A. C. 969.

JOHANNES ZIMISCES Imperator salu-
tatus, statim *Romani filios*, BASILIUM & CONSTANTINUM, *collegas* adscivit; *Saracenos* ab *Antiochia* repulit, *Bulgaros* & *Rossos* devictos pacem petere

tere coëgit. Hunc *Petavius part. I. Ration. Temp. lib. VIII. c. 15.* primùm scribit signâsse numos, cum Salvatoris imagine, & inscriptione: JESUS. CHRISTUS. REX. REGUM. Sed *fallitur* vir doctissimus, nam & *Heraclii numum* alibi dedimus; in quo conspicitur *imago Salvatoris*, cum epigraphe: IHS. XVS. REX. REGNANTIUM. Corruptissimum exhibet *Strada in Cæs. p. 272.* Tales apud *cundem* reperies *aliorum*, qui rerum Orientalium potiti sunt ante *Zimisken*. Sublatus est hic Imperator veneno d. 4. Dec. A. C. 975.

BASILIIUS Porphyrogennetus & CONSTANTINUS Porphyrogennetus, Romani filii, Constantini Porphyrogenneti nepotes, imperium paternum & avitum receperunt A. C. 975. Contra eos insurrexit *Bardas Sclerus*, & victus est à *Bardâ Phoca*. Tunc *Bardas Phocas* ausus res novas, interficitur A. C. 989. & *Bardas Sclerus* Basilio reconciliatus est. Crudele est, quod de isto *Basilio* legimus: Victo *Bulgarorum* Rege, *Samuele*, quindecim milia militum excacata ad eum remisit, singulis centuriis uno monocolo præeunte; quorum aspectu ita perterritus est *Bulgarus*, ut paulò post moreretur. Obiit verò & ipse mense Dec. A. C. 1025. Eo adhuc deterior frater *Constantinus*, decessit triennio post mense Nov. A. C. 1028.

ROMANUS ARGYRUS, cum *Zoë*, Constantini Porphyrogenneti filia ex *Helena*, Romani Imp. nepte, imperat; primùm moderatus ac justus, dein

dein rapacissimus, *Syriam* perdit; & *insidiis* uxoris *Zoës* perit d. 11. April. A. C. 1034.

MICHAEL PAPHLAGO, à *Zoë* conjux adscitus, & Imperator salutatus, malè à *demone vexatur*, ferè per totum imperii tempus. Moritur factus *monachus* d. 10. Dec. A. C. 1041. Multis tùm calamitatibus involutum imperium. *Sicilia amissa* est, cùm, qui eam Saracenis rursus ademerat, *Georgius Maniaces*, in vincula conjiceretur. Accessit *defectio Bulgarorum*.

MICHAEL CALÆPHATUS, Stephani F. & Michaëlis Paphlagonis è sorore N. à *Zoë* adoptatus, & Imp. salutatus est hâc conditione, *ut matris ac dominae loco* illam semper haberet; oblitus datæ fidei populum in eam concitat, sed infelicitè. *Excacatus* est A. C. 1042. & cum Constantino Cæsare, patruo suo, *relegatus*.

CONSTANTINUS MONOMACHUS à *Zoë* thori & imperii consors factus, d. 12. Junii A. C. 1042. coronatur. Sub hoc *Servii* Romanorum Orientalium 40000. cæciderunt. *Normanni* Apuliam occupârunt, *Turcæ* defecerunt, multas clades intulerunt; *Persidem* denique invaserunt. Moritur A. C. 1054. Ipsa quoque *Zoë* mariti congressus cum *Maria Sclerena*, Bardæ Scleri filia, ægerrimè ferens, zelotypiâ extinguitur.

THEODORA, Constantini Porphyrogeneti filia, Romani neptis, primùm à sorore *Zoë* in monasterium detrusa, & rursus inde à populo extracta, cum sorore imperavit, contra *Michaëlem Calæphatum*

phatum & *Constantinum Cæsarem*; nec diu sorori supervixit. Mortua mense Aug. A. C. 1055.

MICHAEL STRATIOTICUS, à *Theodorâ* adoptatus, homo imperitissimus, ab *Isaacio Comneno* coactus, abdicavit ult. August. A. C. 1057. Auctor est *Cedrenus*, Episcopus, quos Patriarcha miserat, ad persuadendum illi privatam vitam, interrogâsse: *Quodnam sibi positi imperii pretium foret?* & cum illi responderent: *Regnum cœleste*, statim purpuram exuisse.

ISAACIUS COMNENUS nobili genere, die primo Sept. Imperator salutatus est, acris ingenii vir, & belli peritus; cum in morbum incidisset, sponte abdicavit, & in *Studiense monasterium* concessit. A. C. 1059.

CONSTANTINUS DUCAS designatus Imperator ab *Isaacio Comneno*, *Andronici F.* ingenio ad justitiam prono, sed ad res militares hebeti, multas clades accepit à Barbaris. Moritur autem A. C. 1067. relictis cum *Eudocia* conjuge filiis tribus, *Michaële* & *Andronico*, quos privatus genuit; & *Constantino*, quem Imperator.

ROMANUS ab *Eudociâ* contra fidem, quam *Constantino* Ducæ dederat, maritus post septimum mensem adscitus, cum *Turcis* propitiâ fortunâ primùm dimicavit; ad extremum proditus in *Sultani* potestatem venit: Is honorificè habet, ut volunt *Zonaras*, *Glycas* & *Manasses*; sed ut *Guilhelmus Tyrius* lib. 1. c. 9. scribit regium in solium ascendenti vel descendenti barbaro pro scabello fuit. Remissus *Constantinopolim*, suos *Turcis* immaniores expertus est; nam effossis oculis,
neque

neque curatis vulneribus, tuimente ac vermibus scatente capite, extinctus est, A. C. 1071.

MICHAEL PARAPINACIUS, Constantini Ducæ filius, in vitrici locum creatus est. Sub eo *Turcæ* Ponticam oram armis subegerunt, eodemque tempore NICEPHORI duo, BOTONIATES & BRYENNIUS, ille in *Oriente*, hic in *Occidente* (ubi *Dyrrachio* præerat) imperium invaserunt. *Nicephorus Botoniates*, *Turcarum* auxiliis superior factus, regiam occupat; ac Imperator renunciatur d. 25. Martii: *Michael* in *Studiense monasterium* transfertur, 7. April. A. C. 1078.

NICEPHORUS BOTONIATES *Nicephorum Bryennium*, operâ *Alexii Comneni*, frangit, & oculis privat; & ipse à *Comnenis* imperio exutus fit monachus, A. C. 1081.

ALEXIUS COMNENUS, *Isaaci Comneni* Augusti F. Imperator factus d. 1. April. A. C. 1081. vaser, perfidus ac rapax, à *Francis* malè acceptus est, cùm *Palestinam*, *Godefrido* duce, peterent A. C. 1096. Obiit A. C. 1118. d. 15. Aug. Post mortem destitutus ab omnibus, ac ne imperatorio quidem funere elatus.

JOHANNES COMNENUS, qui & Calo Johannes, *Alexii F. Isaaci N. Scythas & Tribaltos & Ungaros* feliciter profligat; *Perfarmentos* aggreditur, & bello fatigatos pacem petere cogit; *Persas* ipsos sæpius bello premit, atque adeò multis rebus egregiè gestis, tandem *venatum* egressus, manu *venenate sagittæ* illapsu strictim læsâ, celeriter veneno usq; ad *italia* grassante, moritur, April. mense, A. C. 1143.

MANUEL COMNENUS, Johannis F. Alexii N. à patre imperare jussus, contra *Latinos*, cum ipsis *Saracenis* conspiravit. Eò tandem justâ DEI vindictâ insanix lapsus est, ut *Saracenorum* dogma tantum non adscisceret. Obiit mense Sept. A. C. 1180.

ALEXIUS COMNENUS, Manuelis F. Johannis N. *Ludovici* Francorum Regis gener, ab *Andronico Comneno*, Isaaci F. Alexii N. Isaacii pro N. agnato suo, occisus est. A. C. 1183.

ANDRONICUS COMNENUS, occiso, ut dixi, Alexio, imperium invadit. Ante hoc scelus omnes *Francos & Latinos Constantinopoli trucidari jussit*, quòd conatus ipsius adversus Alexium impedituri viderentur. Hanc cladem ulturi populares *Thraciæ Græciæq;*, maritimam oram ferro & igne vastârunt. Mox dum *Isaacio Angelo* necem molitur *Andronicus*, comprehensus, & per urbem *Camelo* vectus, alterâ abscissâ manu oculoq; effosso, à furenti plebe laniatus est. A. C. 1185. Inter rerum & verborum ludibria hoc unum dicebat: *Domine miserere!* Et: *Quid contritum calamum infringitis?*

ISAACIUS ANGELUS factione populi imperium accepit: *Siculorum* classẽ ad *Strymonem* vicit: *Cyprum* ab *Isaacio Comneno* classe frustra repetiit: Cum *Valachis* parùm prosperè pugnavit. *Friedericum Ahenobarbum* Imperatorem, *Palæstinam* petentem, in se concitavit, magno suo cum damno, imperio & oculis spoliatum à fratre. A. C. 1195.

ALEXIUS ANGELUS, Isaaci Angeli frater, *Comnenum* se cognominans, imperare cœpit cum

cum ingenti suorum calamitate. Hinc à *Valachis*, *Mysis* & *Scythis*, inde à *Persis* & *Iconiensi Sultano* acceptæ clades. Qui remp. benè & ex dignitate gereret, nemini unquam, in mentem veniebat : Excitabantur in ipsâ urbe immanes tragœdiæ, priscis illis Thebanis non multùm absimiles. Deniq; cùm *Alexius*, *Isaaci Angeli* excæcati filius, ad *Germanos profugeret*; multi Principes, cum *Balduino*, *Flandriæ Comite*, & *Venetis* adversus *Alexium Angelum* Comhenum incitati, *Constantinopolin* petierunt, obsederunt, expugnârunt; Rapinis, ferro, & incendiis omnia vastantur. Ipse autem *Alexius* imperio spoliatus *Debelum* profugit A. C. 1203.

Sic *Isaacius* cum *Alexio* filio speciem adumbravit pristinæ dignitatis, sed nec ipsis inter se concordibus A. C. 1204. *ALEXIUS MURZUFLUS* imperium invadit, & *Alexium Angelum*, *Isaaci* filium, interficit; cùm pater paulò antè fato concessisset, *Murzuflus* in *Latinos* bellum parans fugatur : Hostes *Constantinopolin* oppugnant, expugnant; incendio novo deformant, lacerant, & diripiunt d. 12. April. A. C. 1204.

BALDUINUS, *Balduini Flandriæ Comitis* F. annum agens 32. ingentis animi heros, expugnata *Constantinopoli* *Orientis Imperator* factus, cum *Venetis* & *Genuensibus* expeditionis sociis, imperium partitur; sed sequente anno 1205. d. 15. April. victus & captus à *Bulgarorum Rege*, *Johanne*, per summos cruciatus interficitur.

HENRICUS, Balduini Imperatoris frater, ad imperium evchitur A.C. 1206, moritur A.C. 1216.

PETRUS ANTISSIODORENSIS, *Jolantam*, Henrici sororem an filiam? (incertum enim est) in matrimonio habens, *Romæ coronatur*; & dum in *Thraciam* proficiscitur, à *Theodoro*, Dyrrachii Principe, perfidiosè captus, & à *Theodoro Lascari* occisus est, A.C. 1221.

ROBERTUS, PETRI Imperatoris F. Imperator appellatus obiit in *Achaja*, A. C. 1228.

BALDUINUS, Roberti frater, ut quidam volunt; ut alii, *filius*, imperavit cum JOHANNE BRYENNIO, *Hierosolymorum Rege*, tutore, socero suo, & Cæsare annis 20; & post ejus mortem annis 13. Imperio Orientis exactus est, *insidiis Græcorum Principum*, A. C. 1261. Dum Latini Constantinopolin obtinent, interim

THEODORUS LASCARIS à *Græcis* Imperator *creatus Nicææ* in Bithynia, dein *Hadrianopoli sedem* habebat; Princeps bellicis rebus inclytus. *Turcas* ab Alexio Angelo, Comneno socero (nam *Annam* ejus filiam ex *Euphrosynâ* Ducissâ, in matrimonio habebat) adversus se concitatos magnâ strage delevit; eorumque Sultanum suapte manu peremit. Moritur A. C. 1222.

JOHANNES DUCAS DIPLOBATIUS, cui Theodora, Theodori Lascaris filia, ex Anna Angela nupsit; à socero successor designatus, plerosq; de *Latins* recepit. Moritur A. C. 1255.

THEO-

THEODORUS LASCARIS, Johannis F. succedit patri. Obiit A. C. 1259.

JOHANNES & THEODORUS, Theodori filii, Johannis nepotes, successores relictī sunt à patre. Sed pulsīs *Latinis*, & receptā *Constantinopoli*

MICHAEL PALÆOLOGUS, Andronici F. *materno* genere à *Comnenis* oriundus, pupillos interficit; & imperium usurpat. Obiit A. C. 1283. & quòd *Latinis* postea *favere* cœpisset, à filio *ne plebejo* quidem ritu sepultus, haud procul castris, in quibus tunc erat, humo est obrutus.

ANDRONICUS PALÆOLOGUS, Michaëlis F. Andronici N. mortuo Michaële filio, imperii consorte, filium ejus *Andronicum*, nepotem suum hæredem designat; sed is *avo sapiens rebellis*, tandem *senectâ fessum* imperio exigit. Sic privatus decessit A. C. 1332.

ANDRONICUS PALÆOLOGUS, Michaëlis F. Andronici Imp. N. Michaëlis pro N. Andronici ab N. ejecto avo imperat annis circiter 8. Decessit A. C. 1341.

JOHANNES PALÆOLOGUS, Andronici F. Michaëlis N. pulso tutore *Johanne Cantacuzeno*, qui imperium ipsum usurpârat, potestatem *solus* sibi vindicavit. Obiit A. C. 1384.

ANDRONICUS PALÆOLOGUS, Johannis F. Andronici N. post patris obitum coronatur à *Nilo* Patriarcha. Moritur A. C. 1387.

MANUEL, Andronici frater, Johannis F. Andronici N. Johanni reliquit imperium A. C. 1419.

JOHANNES, Andronici F. Johannis N. Andronici pro N. post Manuelis patrui mortem imperat. Obiit circa A. C. 1421.

JOHANNES, Manuelis F. Johannis N. Andronici pro N. imperium obtinuit usque ad A. C. 1445. *ultimus Constantinopolitanus Princeps*. Nam sub ejus Principatu d. 29. Maji. A. C. 1453. *capta urbs à Muhamete II. & imperium totum eversum est. Constantinus Imperator, dum ad portam urbis trepidus se recipit, fugientium multitudine pressus moritur*. Tanta in expugnatione urbis spolia reportârunt Turcæ, ut de locuplete proverbium apud eos ortum sit: *Interfuisi direptioni Constantinopolitanae!* Totam historiam fusiùs exequuntur *Leunclav. lib. XV. Histor. Musulm. p. 578. & seqq. & in Annalibus Turcicis p. 29. & in Pandectis n. 129. Petrus Justinianus lib. III. Histor. Venetæ, p. 154. 155. Reusnerus lib. III. Epist. Turcic. p. 113. & lib. IV. p. 135.* Tùm & omnes illustres familiæ ad pudendam inopiam delapsæ sunt. Scribit *Bisbequius epistolâ I.* cum Ferdinandi legatus venisset in *Thraciam*, de puellis quibusdam, quæ liberalioris erant formæ, quæsisisse, quibus parentibus essent oriundæ? Tùm audivisse, à *summis* ejus gentis *Sarrapis* originem ducere, aut etiam *Regibus* esse profatas, jam *bubulco* aut *opilioni* desponsas. Vidisse postea in aliis locis *Cantacuzenorum & Paleologorum*, imperatorii generis reliquias, contentiùs inter Turcæ degentes, quàm vixerit *Dionysius Corinthi*.

Atque ita tandem defecit, quæ cum morte per aliquot secula luctata est, *nova Roma*; factumq; quod
diu

diu antè vaticinatus est *Nicetas Choniates lib. II. Anna-*
lium, de rebus Alexii Comneni : Vereor, inquiebat,
 ne ad extremum corruas. Necdum post ducentos an-
 nos evigilat Christianus orbis, nimis alto vitiorum
 somno sepultus; ut sub illustri exemplo resipiscat!
Facimus idem, quòd Constantinopolitani, & nostra reli-
gionis homines ferro, igne, & omni cruciatus genere per-
sequimur; Turcas negligimus. Mirum, nì & mox
in auxilium vocemur contra nos ipsos! Nihil ad
 nos pertinet, quòd vicinus paries jam ardet; nihil,
 quòd vetustissima & nobilissima *Venetarum* resp. ar-
 mis *Saracenicis* petitur. Eodem veterno torpuerunt
 Byzantini, donec ad portas esset Hannibal; luxum,
 crapulam, fastum plusquam Constantinopolitanum
 in fummis miseris retinemus, cedente clam Turca;
cui fortuna nihil majus prestare potest, quàm eam Chri-
stianorum levitatem ac stultitiam. Sed quid ago?
 Quantus eorum numerus, qui hoc ipsum Atridis in-
 culcârunt, & ne hilum quidem profecerunt. Causa
 fatis manifesta: Quia peccatis nostris id meruimus, ut
 stultos faceret DEUS. Verendum etiam bonis, ne
 idem illis accidat, quod *Musonio Russo*, Equestri or-
 dinis viro; de quo *Tacit. lib. III. Hist. c. 81.* cùm Fla-
 vii Vespasiani *Vitellio* imperium adempturi milites,
 agmine minaci peterent urbem, decretis à Senatu le-
 gatis, qui occurrerent paremque suaderent; miscuit se
 illis *Musonius*, studia Philosophiæ & placida Stoicorum
 emulatus. Cœptabatque permixtus manipulis, bona pa-
 cis & belli discrimina differens, armatos monere. Id
 plerisque ludibrio, pluribus tadio; nec deerant, qui pro-

pellarent, proculcarentq; , nî admonitu modestissimi cuiusq; , & aliis minitantibus, omisset intempestivam sapientiam.

Nunc pauca quædam de *Turcarum* initiis : Nam hoc tertium membrum capitis hujus XVI. Exordia gentis perquam humilia, quæ initio *trans Tanaim* nullâ sede stabili, nullis certis perpetuisve domiciliis usa; sed longè lateq; patentibus campos cum familiis & armentariâ pecuariâq; repassim solita pervagari, tandem propius ad pontum *Euxinum* & *Iberos* veteres accessit; ubi partem eorum stipendiis oblatis invitam *Flavius Heraclius* Augustus adversus *Persas* id temporis per pontum *Euxinum* navigans, copiis suis adscripsit; uti è *Simeone Magistro Officiorum* narrat *Leunclav. lib. I. Hist. Musulm. p. 22. & 23.* Hinc (pergit *Idem*) ulteriùs in *Armeniam* ad *Araxyn* fluvium progressi, suas ibidem sedes, necdum priscis Nomadû moribus exutis habuerunt; donec imperante *Constantino Monomacho Augusto*, vel sub *Romano Argyro* à Rege *Persarum Muhamete* muneribus & annonis ad belli societatem adversus *Indos* & *Bagdadinum Calipham* pellekti, *Araxe* transito, *Persidem* intrârunt; & extincto in pugna *Persarum* Rege *Chorasanem* primum, deinde reliquas regni *Persici* provincias, & majorem *Asiæ* partem occupârunt.

Perside, longo intervallo post, exacti à *Tartaris*, novum in *Asia minore*, Sultano *Aladine*, *Selzuccio* duce, regnum condiderunt; quod à regia Principum *Iconiense* vocârunt. Hujus posteris & gentilibus, à *Tartaris* graviter pressis, strenuam operam navârunt.

vârunt. *Obuzii*, qui proinde amplissimis prædiis in *Bythynia* vicinâq; *Phrygia* donati, carpere paulatim vicinos Christianorum fines cœperant; deq; die in diem pomeriis proferre limites. *Alâdine II.* ultimo *Selzucciæ* gentis defuncto *Iconiense imperium* varias in ditiones *discerptum* est. Suum Principem *Cilicia*, suum *Jonia maritima*; suum *Lydia*, suum *Pontus* & *Paphlagonia*, suum *Troadis* & *Mysia* regio ad *Cariam* usque, suum aliæ provinciæ acceperunt.

Sed *OSMAN*, *Oguzia gentis*, *Ertuculis* filius, *Solcemani* nepos, *Cabipronepos*, *Cusulbugæ* abnepos, *Banidaris* atnepos, *Oicolucis* trinepos (ut est in genealogia *Osmanidarum*, apud *Leunclav. in Pandect. p. 98.* qua ad *Oguz* & *Oguzis* proavum usque ascenditur; sed longè diversè est altera *p. 102. 103.*) *Bithyniam* tantùm regionibus omnibus *Olympo monti* vicinis, & *Tekien* mediterraneis *Phrygiæ majoris* inclusam consecutus est.

Hic secundum *Leunclavium* rerum *Turcicarum* status fuit ad *Osmanem* usque; qui oppressis cæteris incredibiliter rem *Turcarum* auxit, *Brusam Bithyniæ* cepit; & imperii sedem constituit. Quamobrem primum *Turcarum Padischachum* Scriptores nostri, & ipsorum etiam *Turcarum* libri faciunt. Moritur *A. C. 1326.*

II. *URCHAN GASI*, *Osmanne* genitus, ex *Malinchone Edebalis* filia, *Mysiam*, *Lycaoniam*, *Phrygiam*, *Cariam*, cæteraq; ad *Hellepontum* ditioni subjecit suæ; cùm *Cantacuzenus* & *Paleologi* odiis armisque inter se certant.

III. SULTAN MURAT CHAN GASI, Vichanis F. succedit A. C. 1359. *Callipolin, Hadrianopolin*, & adjacentes *provincias* subegit. Occiditur à *Croatâ*, A. C. 1388. die ult. Dec.

IV. GILDANULN BAJASIT CHAN, Muratis F. magnus animo, & rebus, *Theſſaliam, Macedoniam, Phocidem, Atticam, Myſſiam, & Bulgariam* occupavit. *Constantinopolin* obſedit pluribus annis; quam ut ſervarent, *Sigismundus*, Hungariæ Rex, & *Joh. Nivernensis*, *Philippi Burgundionis* F. expeditionem contra *Turcas* ſuſcipiunt; ſed infelicem. Cæſo Chriſtianorum exercitu, *Johannes ipſe capitur*. Hinc cum ad obſidionem rediret *Bajaſites*, *Temurlan* ſive *Temurlancus*, id eſt, *claudus* imploratus, cum *Tartarorum* infinitâ multitudi-
ne irrupit in *Aſiam*; occurrentemq; *Bajaſitem*, cæſis 200000. *Turcarum*, vivum in poteſtatem redegit, & *incluſum caveæ*, feræ inſtar, ad ludibrium circumduxit. Cur? eleganter exponit *Lipſius lib. I. Monit. & Exempl. Pol. c. 5. mon. 6. ex. 4.*

V. SULTAN MUHAMET CHAN, *Bajaſitis* *Gilderunis* F. imperium capeſſit A. C. 1413. Alii interponunt *ISAMBEGUM*, *SULEIMANUM* & *MUSAN TELEBIN*, fratrem ejus; ſed *Turcarum Annales à captivitate Bajaſitis uſque ad Muhametem interregnum* extendunt *Leunclav. lib. IX. p. 399.* Ex his *Muſam Telebin* Beſoldus in Synopſi majore *Moſen Chilibin* vocat, corruptè: *Telebis* enim *Turcicum* eſt, & ſignificat *nobilem*. Sic & in nomine *Gilderunis* patris ceſpitat, *Wildericum* appellando. *Gilderun* ad *Wilderim* eſt *fulmen turris*; quo nomine

mine Bajazit honestatus est, ut *Ptolemæus & Antiochus*
Κεραυρς.

VI. SULTAN MURAT CHAN. II. Mu-
 hametis F. ex *Asia* transportatis per *Helleſpentum* co-
 piis, *Theſſalonicam* cepit. Multa paſſus ab *Uladislao*,
Poloniæ & Hungariæ Rege; & *Job. Hunniade*, cujus
 genus è *Scaligeris Veronenſibus* derivant viri docti.
 Tandem in altero bello ad *Varnam* vincit d. 10 Nov.
 A. C. 1444. ſive ut *Geiſſæus* ſtatuit, d. 11. Nov. Ceci-
 derunt ex Chriſtianis cum ipſo Rege 10000. Turca-
 rum 30000. Tradunt non Turcarum tantum, ſed &
 Chriſtianorum libri, conſtitutum in maximo discri-
 mine *Muratem* auxilium cœlitus imploraſſe, contra
 Chriſtiani Regis perfidiam. Quippe cum *Murates* eo
 tempore, quo bellum primum cum *Uladislao* finiit, ab
 illo certum aliquod pacis inviolabiliter obſervandæ
 documentum petiſſet; data eſt illi profano quorun-
 dam conſilio *hoſtia*, Romanæ eccleſiæ ritu *conſecrata*;
 ne ſub ullo modo de fide voluntateq; Regis, accepto
 tam auguſto pignore, dubitaret. Poſteà verò ruptis
 per ſummum ſcelus induciis (quod inſtinctu Pontificis
Romani factum) ad arma, deductâ re, *Murates* è ſinu
 prolata Chriſtianorum *hoſtiâ*, & erectis ad cœlum ocu-
 lis, in hujusmodi prorupit verba: *Chriſte, ſi Deus*
es, ut Chriſtiani tui de te perhibent, vindica
perfidiam tuorum, qui te mihi dedere pigno-
ri; nihilq; minus adeò religioſè ſanctam pa-
cem per ſummum ſcelus violârunt. Vide ſis *Le-*
ynclav. in Pandect. Turc. n. 116. Fuit eidem bellum
 cum *Carramanno*, Ciliciæ Principe; ut ſcribit *Besoldus*
 in

in Syn. majore. Tanquam *Cilicia Principi* nomen fuerit *Carramannus*. Atqui *Carramannus* idem, quod *Ciliciæ Princeps*. *Cilicia* autem *Caramania* nomen accepit à *Caramanâ Bego*, & *Ciliciæ* Principes omnes à *Turcis Caraman-Ogli* dicuntur. Hic verò Princeps, qui *Muratem II.* non semel laceffivit, à *Turcis* ipsis *Ibrahim* dictus est; fuitq; filius *Muhametis*, *Aladinis* nepos, pronepos *Muhametis*, abnepos *Machmutis*, atnepos *Caramanis*; qui provinciae nomen dedit. Sicigitur ex mente *Turcarum* loqui fas erat, *Ibrahim*, vel *Abraham Caramanus*, vel *Abraham Caramania*, hoc est, *Ciliciæ Princeps*.

VII. SULTAN MUHAMET CHAN. II. *Muratis F.* succedit A. C. 1451. Hic est, qui *Constantinopolin expugnavit*, & illius imperium cum *Trapezuntico* destruxit. Ad hæc regna XII. supra 200. urbes *Christianis* eripuisse dicitur. Obiit A. C. 1481. d. 3. Maji. Imperator indubiè magnus, qui cognitionis illustrium virorum & sceminarumq; cupidus, *historias* sibi verti in suum sermonem jussit *Græcas Romanasq;*; & ipsos viros depingi à *Gentile Bellino*, eleganti pictore; quem ad hanc operam à *Venetis* exambierat. Captâ *Constantinopoli* cum videret urbem cædibus exhaustam, & pænè dirutam, novis incolis frequentem reddidit; *gymnasia* pro studiosis *literarum* struxit, *Professoribus* cibos, panes, alimenta, pecunias, & menstrua salaria tribuit; templum *Sophiæ* *Constantinopolitani* instauravit, & quâ ruinosum erat, refecit; multas balineas & hospitalia pro *viatoribus* & *mercatoribus* crexit: *Pauperibus*, *pupillis*, *viduis* *eleemosynas* distribuit.

tribuit. Ipsos ~~Christianos~~ *Christianos* conventus suos instaurare jussit, lectumq; ab iis *Patriarcham*, pedit ei pastoralis tradito palam confirmavit. Vide *Lips. lib. I. Mon. & Exempl. Polit. c. 20. Histor. Musulm. lib. XV. p. 581. 582.* Crudeliorem tamen fatentur omnes, nec mirum, talem fuisse; qui sœvis progenitus, & inter sœvos educatus, sœvis etiam imperavit.

VIII. SULTAN BAJASIT CHAN. II. Muhametis II. F. à *prætorianis militibus* prælatus est fratri natu majori, *Zem*; quem *Besoldus* *Zizimum* vocat: Nos *Turcicum* retinere malimus, quod *amorem* significat. Multa *Venetis*, ut *Naupactum*, *Metonam*, *Dyrrachium*, ademit hic Imperator. Fuit eidem bellum cum *Ismaële Sopho*. Ita nostri passim nominant, & inter eos *Besoldus*: In Orientalium libris *Schach Ismail Sofi*, & *Kisul Bassa*, hoc est, Persarum Princeps. Pater ei *Scheich Haidar*, avus *Scheich Tzuneit*, hoc est, *Doctus Haidar*, & *Doctus Tzuneit*. Hic verò *Ismaël* cum posteris victoriarum Turcicarum cursum non semel sufflaminavit. Coactus *Bajasit II.* abdicavit A. C. 1512.

IX. SULTAN SELIM CHAN *Bajasitis II.* F. cruentis præliis cum *Ismaële Sopho*, Persarum Rege, conflixit: *Cappadocia Regem* victum capite multavit, & *Aegyptum* subegit; ut scribit *Besoldus*. Sed *ὑπερολογίαν* hic committit: *Achmetes Amasiane* provincie, live *Cappadociae* antè interfectus est, quàm Persas bello peteret. Præterea non decapitatus est *Achmetes*, sed *more Turcico strangulatus*. Vide *lib. XVII. Hist. Musul. p. 636. & Annal. Turc. p. 61.* Fuit enim
ipsum

ipsius Selimis frater; nec fas acinaces fundere Osmanicum sanguinem. De *Persicâ* & *Ægyptiacâ* Selimis expeditione legenda eadem *Historia Musul. d. l.* Unum hîc noto, *Sultanos* Ægypti postremos, qui cum Selime bellum gesserunt, in *Annalibus Turc.* appellari *Cansei*, *Gauri*, & *Tuman-Bai*. Hunc Besoldus *Torum Bejum* vocat. Alterum alii corruptiùs *Campsonem Gaureum*. Stetit *Ægyptiacum* regnum, quod & *Mamelucorum* dicitur, per annos circiter 300. Vide *Leunclav. in Pandect. n. 207.*

X. SULTAN SULEIMAN CHAN, Selimis F. patris thronum conscendit A. C. 1520. *Belgradum* expugnavit A. C. 1521. *Rhodium* A. C. 1522. d. 22. Dec. *Ludovicum II.* Hungariæ & Bohemiæ Regem; apud *Mohaz* vicit; & *Budam* occupavit A. C. 1526. *Viennam Austriæ* obsedit; sed irritò successu, A. C. 1529. Contra *Persas* expeditionem suscepit A. C. 1535. sed fame, frigore, & incurfibus hostium multa millia Turcarum perierunt. Moritur, dum *Sigetum* obsidet A. C. 1566. d. 4. Sept. natus annos 76; cùm imperâisset annos 46, & 6. menses. Formam & mores, qui cognovit, *Busbequius epist. l.* ita describit: *Ætate jam est ingravescente, oris dignitate, totiusq; corporis habitu tantâ imperii majestate digno: Frugi & temperans semper habitus, etiâ cùm per aetatem Turcarum instituto peccare citra reprehensionem posset. Nam ne in adolescentiâ quidem aut vino se deditit, aut fœdis puerorum amoribus indulgit; quæ ferè Turcarum delicia sunt. Religionis ceremoniarumq; suarum custos severissimus; nec minùs illarum, quàm imperii propagandi*

gandi cupidus. In numis expressum qui videre vult, adeat *Luckium* p. 47. *Stradam* p. 367.

XI. SULTAN SELIM CHAN. II. patris imperium suscepit d. 23. Sept. A. C. 1566. *Cyprum* Veneris ademit; *Nicosia* expugnata d. 10. Sept. A. C. 1570. & *Famagusta* d. 5. August. anno 1572. Ingenti pugnâ navali victus est *Naupacti* d. 7. Oct. anno eodem cæsis 25000. captis 4000. liberatis Christianis mancipiis 14000. Universa classis in Christianorum potestatem venit, *exceptis iis triremibus*, cum quibus *Uluçalis*, Profultanus Cæseirensis, fugit. Copiarum Christianarum summus dux fuit *Johannes Austrius*, Caroli V. Aug. filius nothus. Moritur Selimes A. C. 1575.

XII. SULTAN MURAT CHAN. III. Selimis II. F. 27. annorum juvenis, imperium Turcicum auspicatus est. Statim *quinque fratres* natu se minores strangulari jussit, quorum nomina sunt: *Mustapha*, *Suleiman*, *Abdulla*, *Osman*, *Tzihangir*. Mustapham ducem contra *Persas* misit A. C. 1578. qui rem infelicissimè gerit. Suffectus biennio post *Sinam* Bassa magnis & ipse cladibus afficitur. Eadem Turcarum fortuna sub aliis. Fosse bellum descripserunt *Johannes Thomas Minadous*, & *Petrus Bizarus*. Moritur hic *Padischachus* A. C. 1595.

XIII. SULTAN MUHAMET CHAN. III. Muratis III. F. successit patri. Ejus effigiem in nummo exhibet *Luckius* p. 360. Cum exercitu progressus in *Hungariam* ad *Agriam* cum nostris confligit. Perierunt e Turcis 50000, e nostris 10000. *Victoria*

Turcis

Turcis cessit, supinâ nostrorum negligentia. Moritur Muhametes A. C. 1604.

XIV. SULTAN ACHMET CHAN, Muhametis III. F. 14. annorum puer sub *Ali* purpurato tutore relictus, imperium suscepit. Cum nostris aliquot annorum inducias fecit, ad bellum Persicum conversus. Obiit A. C. 1617. Hic *fratri suo novâ & inusitatâ* Turcis clementiâ *pepercit*: Nam hucusque *Padisbachus* recens factus, omnes fratres interficere solitus; non tam æmuli impatientiæ, quàm quòd superstitibus fratribus, militum prætorianorum lasciviæ obnoxius esset. Statim ubi precibus illorum abnuebat, audire cogebatur: *Salvus frater su! Fratrem Deus nobis servet!* Sic, factum, ut plerique omnes à parricidio imperium auspicarentur.

XV. SULTAN MUSTAPHA CHAN, Muhametis III. F. Achmetis frater, ad imperium ex custodiâ protractus, homo vecors & stolidus (ut describit *Petavius*) austerus, & tantæ moli impar; ut est apud *Cluverum* p. 777. & in *Turciâ*, quam *Elzevirii* dederunt; post duos vel tres menses carceri rursus mancipatur.

XVI. SULTAN OSMAN CHAN. II. Achmetis F. dejecto patruo, Turcicum in thronum evehitur; fervidissimi ingenii adolescens, pace cum Persis factâ, cum *quadringentis millibus* irrupit in *Poloniam*; sed cum magnâ clade rejicitur A. C. 1621. Ad *centum millia* Turcarum variis in præliis cæsa sunt; *totidem* aliis casibus extincta. Igitur desperans Turca ulterius progredi, pacem offert æquis conditionibus; quam

quam Poloni acceptant, velut divinitus missum beneficium. Nam eodem tempore *Gustaphus Adolphus*, Suecorum Rex, in *Livonia* magnos progressus fecerat. *Osman* cladium acceptarum culpam in milites *prætorianos* rejiciebat; quorum seditionibus assidue vexatus erat. Igitur de exauctorandis cogitans, & imperii præterea sedem translaturus in *Syriam* & *Damascum*, pernicioso Turcis in posterum exemplo, imperii insignibus exuitur; miserandoq; per *Constantinopolin* spectaculo in equo ductus laqueo strangulatur, d. 20. Maji. A. C. 1622. Sic imperium rursus adeptus *Mustapha*, sed ut rursus dejiceretur. Nam cum ob diuturnum carcerem mente non satis constaret, milites ejus restituti pœnitere cœpit. Igitur in pristinam sortem & carcerem retrusus est, mense Sept. A. C. 1623. Hic bello *Bohemico* per summum nefas sollicitatus à *Comite Turrensi* (ut fama est) contra *Ferdinandum II. Cæsarem*, *Moraviam* diripuit.

XVII. SULTAN MURAT CHAN IV. *Achmetis F. Osmanis* frater, imperium Turcicum adeptus, cum nostris *Imperatoribus* pacem coluit. Non nisi ad annum 1626. imperasse, & substitutum *Hassonem Beglerum*, vult *Besoldus* in *Synopsi majore*. Mihi de hoc nihil omnino compertum; & si quis hujus nominis factus est, ferè suspicer per tumultum militarem ad imperium raptum statim interiisse. Murates enim IV. adhuc rerum potiebatur A. C. 1632. ut testis est *Petavius*. Nec alium illi suffectum cognôrant *Batavi*, cum A. C. 1630. Turcici imperii statum *Elzevirianis* typis nobis darent. Imò in *Manifesto Turcico*,

quod anno superiore, 1645. vulgatum est, expressè testatur nostræ ætatis *Padisbachus*, se Murati successisse. Verba sunt: *Æterna memoria Sultanus Murat, Padisbachus, antecessor & frater noster dilectissimus, semper cogitavit de parvâ Christianorum Meliensiensium insulâ debellandâ; & eorum classè, quæ nobis in mari nostro tot damna hætenus intulit, prorsus delendâ. Sed dum in eo totus esset, fato concessit, eamq; curam nobis reliquit. Igitur ex scripto quodam emblematico, quod sub nomine legati Gallici vulgatum est, cum hætenus dictis collato, Muratem IV. mortuum statuo A. C. 1640.*

XVIII. SULTAN IBRAHIM CHAN, Achmetis F. Osmanis & Muratis frater A. C. 1640. in Febr. Turcicum imperium capeffit; ut docemur ex modo laudato scripto legati Gallici. Ubi & illud additum, soluto in lasciviam animo, masculam prolem firmando imperio omnibus modis flagitantem inter uxorcules delitescere, Magno Vizirio & Beglerbegis omnia regentibus. Sed vereor, ne similis sit *Mecce-nati*, de quo *Vellejus lib. II. c. 88.* perhibet: *Speculatum esse per summam quietem, ac dissimulationem, precipitantiam aliorum.* Quantum illustrissimæ *Venerorum* roip. anno superiore vulnus inflixerit, ereptâ *Cannâ* quæ veteribus *Cydon, Cydonis, & Cydonia* dicebatur) pauci ad animum revocant; boni recordantur cum gemitu & lachrymis.

CAPUT XVII.

De

IMPERATORIBUS
FRANCICIS.

POpulus Romanus, *Caroli*, Francorum Regis, (de quo jam diximus) fortitudine multis seditionibus aliisque calamitatibus explicitum se videns, ac propterea de futuris sollicitus, hoc velut fulcrum rebus suis prudente consilio subjecit; & dictum Principem, manu ac benedictione Leonis Pontificis usus, *Augusti* nomine & titulo consecravit ipso natalis *Dominici* die A. C. 800. Ita loquor. *Besoldus* defectione ad *Babylonicam* meretricem totus alius factus, tacere mavult in illius gratiam, quam veritatem loqui cum invidia, & rerum terrestrium damno. “*An ejusmodi translatio*, inquit, *Pontificis auctoritate*, vel potius *populi Romani* scito fuerit facta, *altiore* indaginem requirit; quam ut hic institui queat. Mox auctores diversarum sententiarum laudat, ut nescias, quos sequi te velit; nisi quod *Baronius*, *Bellarminos*, *Gretzeros*, ultimo loco nominando, in sequiorem opinionem pronior videri possit.

At quod nos diximus, probatu haud difficile est. *Annales Francorum* veterrimi: *Carolus Augustus* à Romanis appellatur. Citat *Marq. Freherus* not. in *Lupoldum de Bebenburg* c. 12. *Sigebertus Gemblacensis* in *Chronologia*: *Romani*, qui ab Imperatore *Constantinopolitano*, jam diu animo desciverunt, nunc accepta occasionis opportunitate, quia mulier excacato Im-

peratore Constantino suo filio eis imperabat, uno omnium consensu CAROLO Regi imperatorias laudes acclamant; eumq; per manum Leonis Pontificis coronant, Cæsarem & Augustum appellant. Pipinum verò filium ejus Regem Italiæ ordinatum collaudant. Gemina planè Martinus Polonus; addunt Ado & Regino sequentia: Perfectis laudibus à Pontifice, more Principum antiquiorum adoratus est; atque ablato Patricii nomine, Imperator & Augustus salutat. Acclamationis publicè factæ à populo Romano formula fuit talis: CAROLO AUGUSTO A DEO CORONATO MAGNO ET PACIFICO IMPERATORI ROMANORUM! Vide *Annales Rerum gestarum* à Carolo, scriptos à quodam ejus ætatis Astronomo; Othonem Frisingensem lib. V. cap. 31. Suffridum Presbyterum Epit. lib. I. Regionem modò laudatum in Chron. lib. II. Lupoldum Bebenburgium de Juribus regni & imper. Rom. cap. 1. ubi Freherus notat, in hac acclamatione & laudatione tum temporis apud Romanum & Constantinopolitanum populum electionem popularem constitisse.

Hoc verò populus Romanus jure potuit ab antiquo: Quæ olim jure potuit facere populus Romanus, antequam Impp. Romani regnarent; idem faciendi jus habuit, ut quisq; Imperator mortuus erat, alio nondum existente. Imò & electio Imperatoris ad populum Romanum pertinebat; & aliquoties à populo per se, aut per Senatum facta est. Quæ autem à legionibus modò his, modò illis fiebant electiones, non erant *ita* ex jure legionum (nam in vago nomine certum
jus

jus esse non poterat) sed ex approbatione populi; quæ sunt verba *Hugonis Grotii lib. II. de J. B. & P. c. 9. §. 11.* extra omnem dubitationis aleam posita. *Lege regia* (inquit Imp. Justinianus J. de Jur. & Just. §. 8.) *populus Principi & in Principem omne imperium suum & potestatem concessit.* LEGIBUS. PLEBEIQUE. SCITIS. SCRIPTUM. FUIT. NE. DIVUS. AUGUSTUS. TIBERIUSQ. JULIUS. CÆSAR. AUG. TIBERIUSQ. CLAUDIUS. CÆSAR. AUG. GERMANICUS. TENERENTUR. LEGIBUS. *Inscrip. I. Operis Gruter. p. 242. S. P. Q. nomina oblitterata dicit Tac. lib. I. Histor. cap. 55. §. 2.* Sed aliud ejusdem *lib. II. Hist. cap. 32. §. 5.* scimus: *Italiam, & caput rerum urbem, Senatumq; & populum nunquam obscura nomina; etsi aliqua obumbrarentur.* Sed plerumq; hinc sufficiebat per *Senatum* agere.

Hinc ad eum judicium de imperio suo pleriq; detulerunt; qui legitimi Principis titulum non insuper habebant. *Nero apud Tac. lib. XIII. Ann. c. 4. §. 1.* auctoritate *Patrum*, & consensu *militum* sese Imperatorem factum profitetur. Sic *Helv. Pertinax* apud *Capitolinum* in *Pertinace* p. 56. suscipere se imperium à *Senatu* dixit. *Gordianus* apud *Eundem* in epistola ad *Senatum*, post assumptam purpuram: *Vestrum est æstimare, quid velitis; nam ego usque ad Senatus judicium incertus & varius fluctuabo.* Item *Opilius Macrinus* in epistola ad eundem: *Milites ad me detulerunt imperium, cujus ego, P. C. interim tutelam recepi; tenebo regimen, si & vobis placuerit.* Similiter *Probus* in epistola ad eundem: *Quæso, ut de meis meritis faciatis, quicquid jusserit vestra clementia.*

Non sumus signari, ludibria intervenisse, & maximam partem per vim creatos, quam voluntate populi & Senatus; sed non propterea abolitum jus Ipse certè *nunquam dimisit*, sed etiam translatâ Imperatorum sede retinuit ad ultima usque tempora; ut *Grotius* nos docet. *Roma si plerunq̃ humiliata, semper tamen Domina*; inquit auctor vetus *Alberto Argentinensi* præfixus in MSS. codicibus, & publicatus ab *Urstisio* p. 82. Huc tendit illa vox Romæ, cum leges ab *Henrico VII. Imp.* die coronationis suæ editas apud *Ursbergensem* confirmaret: *Ego Coronarum Corona confirmo Principi potestatem; eiq̃, subjicio civitates, gentisq̃, nationes; tueantur aquile gloriam meam.*

Igitur legitimus Romanorum Imp. Carolus, consensu Romanorum dictus. Et quamvis hic Carolo sufficeret, tamen accessit etiam *transactio cum Constantinopolitanis Imperatoribus*; de qua *Aimoinus* hunc in modum: *Michael Imperator factus legatos Imperatoris Caroli, qui ad Nicephorum missi fuerant, Constantinopoli suscepit & absolvit; cum quibus & legatos suos direxit, & per eos pacem à Nicephoro inceptam confirmavit. Nam Aquisgrani, ubi ad Imperatorem venerunt, scriptum pacti ab eo in Ecclesia suscipientes, more suo, id est, Gracâ linguâ laudes ei dixerunt; & Imperatorem & βασιλέα eum appellantes. Et inde reversi Romam, in basilicâ S. Petri eundem pacti seu fœderis libellum à Leone Papâ denuò susceperunt. Eadem iisdem pænè verbis *Regino lib. II.* ut alios complures taceam.*

Res Caroli Imp. gestas non exequor ob causam

fam, quam suprà dixi: Unum monendum est propter *Besoldum*, qui ait ex *Eginhardo*, *Carolum creatum esse invitum & agrè ferentem*. Addit *Eginhardus*, affirmasse *Carolus* in aede *B. Petri*, cùm corona ipsi imponeretur, *se quamvis præcipua solennitas esset, adem sacram non intraturum fuisse; si consilium hoc præscire potuisset*. Sed nemo non videt, ineptam *Scriptoris* adulationem. Ipse *Carolus Hadriano Pontifici* satis antea animum suum literis patefecerat: *Carolus Dei gratiâ Rex Francorum & Patricius Romanorum*. Si *Ecclesiarum Dei servis munificentiam nostram impertimus, eorumq; studiis libenter obsequimur; id nobis ad Augustalis excellentiæ culmen proficere credimus: Et quod cunctis preciosius est dignitatibus, æternum retributionis præmium capescere non diffidimus*.

Obit d. 5. Cal. Febr. A. C. 814. ætatis 71. regni 47. imperii 14. Quem more *Historicorum* hoc elogio funebri *Brunner. lib. IV. Ann. p. 59.* celebrat: *Vir ævo suo parùm laudatus, etiam cùm Magnus diceretur: Maximis virtutibus par ingenium præconiumq; non recepit. Res ab illo gesta, tantum abest, ut narrando creverint; ut earum potiùs fulgorem obscuri Scriptores suffocârint. Germania ne hodiè quidem illi operæ pretium retulerit, cujus ruditatem & infantiam primus ipse absterisit, literis introductis arteq; Grammaticâ patrii sermonis inchoatâ: Mensibus & ventis primus nomina dedit antehac nostris ignorata; veterum Heroum facta carminibus decantari memoria fide solita (quod majoribus nostris unicum annalium genus) literis consignavit; tantò dignior, cui vicem posteritas*

rependeret. Sed *Puteanus* in *Histor. Insubr.* pag. 216. parentavit hunc in modum: *Vir fortior, an felicior, dubites; dignus, qui Magni cognomen accepit, pugnando strenuus, vincendo clemens, regendo pacificus. Armis consiliisq; rem Christianam constituit, & parem pace laudem promeritus, literas doctrinamq; jam exoletam Christianis reddidit. Ergò quòd adhuc Latini sumus, quòd barbariam exuimus, Carolo debemus.*

II. LUDOVICUS, Caroli M. ex *Hildegardi Suevâ* F. cognomento *Pius*, ex *Aquitania Rege* in collegium imperii assumptus, à patre paulò pòst defuncto successit; cum *Leone*, Imperatore Byzantino, fœdus & amicitiam renovavit; ut est in *Annal. Rerum gestarum à Ludovico*, scriptis illo ipso ævo. In eum primum insurrexit *Bernhardus*, Rex *Italiae* & *Bojaria*, *Pipini* patris filius; sed oppressus & exoculatus moritur. *Leo Ostiensis*, *Theganus*, *Chorepiscopus Trevirensis*, de *Reb. gest. Ludovici*, & *Annal. Franc.* Hoc *Bernhardo* *Pipinum* genitum, *Pipino* *Bernhardum* Comitem in *Langensfeld* / *Bernhardo* *Arnulphum* Comitem in *Langensfeld* / *Arnulpho* *Luitpaldum*, *Luitpaldo* *Arnulphum*; & ab hoc oriundos hodiernos *Electores Palatinos*, *Duces Bavariae*, & *Comites à Leonsstein & Wertheim* / tradunt *Augustinus Köllner*, *Marcus Wagner*, *Henninges*, *Joh. Jacobus Fugger*, *Christoph. Gevvoldus*, & alii. Sed meritò huic securitati *Brunnerus* irascitur *lib. VI. Annal. p. 71.* quòd maximam rem solâ auctoritatis suæ substructione fulcisse satis habuerit; cum, si unquam aliàs, tabulis ac testibus agendum fuisset. Incidit *Bernhardi mors* in A. C. 818. d. 15. Cal. Maji,

Maji, ut apparet ex inscriptione *monumenti*, quod in templo S. *Ambrosii Mediolani* conspicitur.

Insurrexerunt posthæc & filii: *Pipinus*, Aquitaniæ Rex, cum multis illustribus conspirans, patrem comprehendit; ejus uxorem alteram *Welfi*, Comitissæ filiam, quam *Hermingarde* mortuâ duxerat, in cœnobium inclusit; probante *Lothario A. C. 830.* Sed Germanorum operâ imperium recepit anno sequente. Filii minimè contenti uno scelere, rebellant iterum *A. C. 834.* & patrem abdicare cogunt. Scenam omnem atrocitatis filialis repræsentant *Annales Francici*, à *Pithæo* editi, & *Theganus*. Restitutus est tamen pater in integrum *A. C. 834.* Obiitq; cum *Ludovicus F.* bellum denuò pararet, a. d. 12. Cal. Jun. Anno 840. vitæ 64. imperii 27. Vitæ finem profequitur *Puteanus p. 224.* hoc elogio: *Majorem hunc posteritas Regem diceret, si tam felix pater, quam Pius Princeps fuisset. Obstiterunt filii, velut ad seditiones nati; non passi ad plenam gloriam optimum clementissimumq; virum consensescere.* Item *Brunnerus lib. VI. p. 104.* scitè: *Ipsò usu doctus, idemq; alios docturus, mortales plerumq; votis suis plecti; quæ cum Deo propè extorserint, serò intelligant, pro suis se suppliciiis supplicasse. Regna, imperia, numerosam sobolem Ludovicus habuit; & tamen fatendum est, felicem futurum fuisse, nî tam felix fuisset.*

III. LOTHARIUS, *Ludovico Pio* & *Hermingarde* natus, succedit patri; & cum omnia trahere vellet ad se, fratres magis magisque concitavit, jam ad bellum pronos; & de iniquo patris judicio conque-

rentes. Nam *Lothario* regnum *Italiae* & *Galliae*, imperiiq; titulum cesserat; *Ludovico* & *Carolo*, *Aquitania* & *Bojaria*, ut ipsi appellabant, angustias. Fusè hæc exequitur *Nithardus*, *Caroli M.* è *Bertha N.* in *libris de dissensionibus filiorum Ludovici Pii*. Armis infestis concurrerunt a. d. 7. Cal. Jul. A. C. 841. ad *Fontanetam villam*; & pænè ad exitium gentis *Francicae* pugnatum est: Nam post hanc pugnam si quis hostium occasione voluisset uti, & *Galliam* invadere; facile potitus esset universâ. Neq; sanè deinceps de proferendis imperii finibus cogitatum, cum etiam de *Parthis* tutandis desperaretur. *Putean. lib. IV. p. 231. Brunner. lib. VI. p. 113.* Victus *Lotharius*, collecto exercitu, rursus experiri fortunam statuit, sed repensus est; coactusq; fugam capeßere, cum paucis ad *Rhodani ripam* consedit. Tùm demum *Lotharius* pacisci potuit. Ipsi præter *Romanum imperium*, id est, *Romam* & *Italiam*, *Belgica* cessit; quæ ab eo *Lotharingia* nomen accepit, ut inquit *Sigebertus*; nec non *Provincia*, sive *Burgundia*: *Ludovico* *Germania omnia usque ad Rhenum*, ultraq; hunc *civitates tres, vini gratiâ, Moguntia, Spira, Wormatia*: *Carolus* *Occidentalem sortitus est Franciam à Mosâ flumine ad Britannicum Oceanum*. Idem *Sigebertus, Aimoinus*, & alii. Obiit *Lotharius*, cum imperio & regno se abdicasset, & in *cænobio Prumiensi* monachus esset, A. C. 855. d. 3. Cal. Octobr.

Hujus temporibus JOHANNEM VIII. sceminam ad clavum navis *Petrinæ* sedisse, & ex *Cardinali* quodam *gravidam*, dum ad *Lateranensem basilicam*

basilicam proficiscitur, inter *theatrum*, quod *Colossium* nominant à Neronis Colosso, & *Sanctum Clemen-*
tem, peperisse, complures referunt. Antiquissimus
 est *Ranolphus Flaviacensis*, ordinis Benedictini mo-
 nachus *lib. V. Polychronici c. 32.* Ex quo constat, hi-
 storiam *ob deformitatem* à Scriptoribus proximis o-
 missam. Ipse autem *vixit 70. annis post ipsa tempora*,
quibus res contigisse dicitur. Unde Besoldi negativa,
 haud firmâ basi sustinetur, cum ait ex Calvisio, *fabu-*
lam esse, cujus auctor primus videatur Marianus Sco-
tus. Nam hic *Ranolpho 160. annis posterior*, mortuus
 est A.C. 1086. *Marianum Scotum* excepit *Sigebertus*,
monachus Gemblacensis, natione Gallus, qui vixit A.C.
 1110. & *Richardus*, *monachus Cluniacensis.* Post hos,
 qui traderet idem, repertus est *Martinus Polonus*;
 tum magnus Scriptorum numerus Papissæ hujus me-
 minisse cœpit. *Joh. Bocatius*, *Franciscus Petrarca*,
Antonius Archiepiscopus, *Otto Frisingensis*, *Wilhelmus*
Occam, *Raphaël Volaterranus*, *Laonicus Chalcondylas*,
Platina, *Sabellicus*, *Jacobus Philippus Bergomensis*,
Baptista Mantuanus, *Matheus Palmerius*, *Stella*,
Naclerus, *Agrippa*, *Crantzius*, *Rolefingus*, *Carthu-*
sianus, *Celins Rhodiginus*, *Johannes Lucidus*, *Christia-*
nus Massæus, *Casparus Ursinus*, *Liber Romanarum*
indulgentiarum Romæ editus A.C. 1515. quos ob-
 servavit *Matthias Bernegg. in demolitione idoli Laure-*
tani p. 50. Idem novimus carmine traditum à *Johanne*
Pannonio, *Johan. Vitali Panormitano*, *Angelo Mat-*
theacio de ritu & ratione juris universi lib. I. c. 37. edito
Venetis. A. C. 1591. & aliis Scriptoribus Pontificiareli-
 gionis.

gionis. Contra hos omnes negativam amplectitur *Besoldus*; cui fortasse subscribam alio tempore.

IV. LUDOVICUS II. Lotharii F. Ludovici Pii N. iniit A. C. 855. Hujus legatis neglectis, *Adrianus II.* Papa fuit electus; ut *Besoldus* refert. Sed hoc est proprium dedecus narrare: Nam absque Imperatoris auctoritate Pontificem creare, perduellium erat; nec Pontifex illo tempore legitimus, nisi quem Imperator confirmasset. Vide *Hieronymum Balbum* in lib. de Coronatione p. 130. Mortuus est *Ludovicus A. C. 875.* circa Cal. Aug. ornatusq; ibidem hoc epitaphio:

D. P. N.

*Hic cubat eterni Ludovicus Caesar honoris,
 aequiparat cujus nulla Thalia decus.
 Nam ne prima dies regno solioq; vacaret,
 Hesperia genito sceptrum reliquit avus.
 Quam sic pacifico, sic forti pectore rexit,
 ut pueri brevitatem vinceret acta senum.
 Ingenium mirerne, fidem cultusve sacrorum,
 ambigo; virtutes, ac pietatis opus?
 Hic ubi firma virum mundo produxerat aetas,
 imperii nomen subdita Roma dedit:
 Et Saracenorum crebras perpeffa secures
 libera tranquillam vexit, ut ante, togam.
 Caesar erat caelo, populus non Cesare dignus;
 composuere brevi stamina fata dies.
 Nunc obitum luges, infelix Roma, patroni,
 omne simul Latium, Gallia tota dehinc.
 Parcite: Nam vivus meruit haec praemia, gaudet
 Spiritus in caelis, corporis extat honos.*

V. CA-

V. CAROLUS II. cognomento CALVUS, Ludovici Pii F. Caroli M. N. Ludovici auditâ morte, Romam advolans, ibidem Augustus coronatus est; ipso natalis dominicæ die A. C. 875. *Auctor anonymus illius ævi: Omnem Senatum populi Romani more Jugurthino corrupit, sibi associavit; ita ut Johannes Papa votis ejus annuens, coronâ capiti ejus impositâ, eum Imperatorem & Augustum appellari praeceperit.* Sic illegitimo modo ad imperium pervenit; quod etiam Baronio subscribens in Synopsi majore sentire videtur Besoldus, & Brunner. lib. VI. p. 210. Sed his Acta coronationis à Petro Pithæo edita, prorsus adversa, post eximias laudes hujus Caroli, depromunt ista: *Non hic perpetuus Augustus ad tanta fastigia se, velut improbus, intulit; non tanquam importunus fraude aliquâ, vel pravâ machinatione, aut inhianti ambitione ad imperialem apicem adspiravit. Absit: Neq; honorem presumtuosè assumpsit, ut Imp. fieret; sed tanquam desideratus & optatus, postulatus à nobis, & à Deo vocatus, & honorificatus ad defendendam religionem, & Christi utiq; servos tuendos, humiliter atque obedienter accessit; operaturus, & roboraturus in imperio summam pacem, & tranquillitatem; & in Ecclesia Dei justitiam, & exaltationem. Nisi enim talem ejus cognovissemus intentionem, nunquam animus noster fieret tam promptus ad ipsius promotionem.* Diem clausit in Italia prid. Non. Octobr. A. C. 877. à Sedechia Medico Judeo venenatâ potione peremptus, in loco, quem Brios vocant. Ei Erycius Puteanus comm. in lib. IV. Hist. Insubr. p. 248. sic parentat: *Fuit Princeps propenso in literas animo, ad*
quem,

quem, quicquid eruditionis illo seculo fuit, tanquam ad *Mecœnatem* confluit.

VI. LUDOVICUS III. BALBUS, Caroli Calvi F. imperii insignia suscepit 7. Idus Sept. A. C. 878. ut volunt ex *Aimoini lib. V. c. 37.* Scriptores quidam, quos *Besoldus* sequitur. Sed falsos illos esse, docet *Petavius part. I. Rat. Temp. lib. VIII. c. 9. p. 527.* Nimirum *regia tantum corona, non imperatoria* illi imposita à *Johanne Pontifice*: Volebat quidem etiam Imperatorem coronare, sed ob id à Romanis urbe coactus est excedere; ut *Sigebertus ad A. C. 878.* prodidit. Ergò *quintus potius Imperator* est.

CAROLUS III. CRASSUS, Ludovici, Germaniæ Regis, F. Ludovici Pii N. qui imperium adeptus est A. C. 878. ipsis natalitiis Christi Domini feriis, Ludovico fratre extincto, Lotharingiæ & Bojariæ regno auctus; & Ludovici Balbi filiis, Ludovico & Carolomanno fato functis, à Proceribus regni Gallie vocatus, fortunæ benignioris pullus haberi potuit. Cum *Normannis*, qui Galliam magnis cladibus attriverant, pacisci, quàm armis experiri maluit. *Sigefrido Gisela*, Lotharii patruelis filiam, despondens, in dotem *Frisiam* consignavit. Cùm rursus tamen turbarent barbari, & *Rollone* duce *Neustriam* invaderent; Carolus pactus iterum *Neustriam* partem, quæ ab *Epta* flumine ad *Britones* extensa est, hostibus tradidit. Pax ea videtur facta mense Martio A. C. 887. Iisdem temporibus *Saraceni*, facta in *Italiam* irruptione, omnia lacerârunt, monasteria destruxerunt, monachos decapitârunt. Paulò pòst Carolus ex morbo, qui gravior ali-

quis

quis capitis affectus fuit, *stupidus amensq;*, & anisso
 rationis usu, rebus gerendis inutilis tandem factus est.
 Vide *Regionem*, *Annales Fuldenses & Fragmentum*
Hist. Aquitanicae, à *Pithæo* editum. Hinc Italici MAL-
 FERITO, id est, *vehementer tactus*, graviter affli-
 ctus dicebatur. *Italicum* Latinâ formatione parum
 dextrè incrustantes alii, *malè feriatum* appellarunt;
 cujus significationis apud veteres Latinos nunquam
 fuit: Nam *Horatius*, qui *lib. IV. Carm. od. 6.* Troas
malè feriatos vocat, aliter explicandus est; sed ut om-
 nīs consuetudo tyranna est, usus hujus vocabuli pe-
 jor à plerisque eruditis ita receptus est, ut quemcunq;
 hominem *ineptum*, *insubidum*, *stolidum*, *improbum*
 appellare volunt, *malè feriatum* dicunt. Legendus
Reines. lib. I. Var. Lect. c. 4. Ex hac autem causâ Ca-
 rolus imperio & regno excidit, cùm A. C. 887. mense
 Novembri comitia vel Triburias vel Francofurtum
 indixisset. Primi obsequium exuerunt *Franci, Saxo-*
nes, Thuringi, Boji, & Alemanni. Vide *Brunner. lib.*
VII. p. 271. 272. ubi fusiùs exsequitur id, quod Besol-
 dus dicit; eò necessitatis appulsum *Carolus*, ut *stipem* fla-
 gitaret. Ad eam rem *Eryc. Puteanus comm. in lib. V.*
Hist. Insubr. p. 287. sic exclamat: O rerum humana-
 rum scenam! jacet ecce ad egestatem dejectus & gemens,
 qui summus fuerat; ac totam *Caroli M. potentiam* sibi
 vindicârat. Monarcham vides, ac mox mendicum:
 Ne mirum sit, à sceptro ad ferulam detrusum aliquan-
 do *Dionysium* fuisse, quem frustra tyrannum appellamus.
 Quàm felix, tam infelix *Crassus* fuit, in quo fortuna
 ostendit, quantum possit; ac *Caroline stirpis imperiūq;* fata

memo-

memorando exemplo complevit. Quæ postrema Brunnerus non minùs eleganter reddit: Credi poterat, duas ipsum inter se fortunas partitas; ut qui paulò antè inter felices felicissimus, idem inter miseros miserrimus diceretur. Obiit in calamitate, & sepultus in Augia, insula Rheni prope Constantiam. Epitaphium ejus instauravit Christophorus, Episcopus Constantinensis, quod tale est: CAROLUS CRASSUS, REX SUEVIÆ, PRONEPOS CAROLI MAGNI, ITALIAM POTENTER INTRAVIT, ATQUE DEVICIT; IMPERIUMQUE ROMANORUM, UBI CÆSAR CORONATUS, OBTINUIT; AC MORTUO FRATRE LUDOVICO UNIVERSAM GERMANIAM ET GALLIAM JURE HEREDITARIO ACQUISIT, DEMUM ANIMO, MENTE, ET CORPORE DEFICIENS, AB IMPERIO SANE MAGNO CUM FORTUNÆ LUDIBRIO DEJECTUS, A SUIS OMNIBUS POSTPOSITUS, HUMILI HOC IN LOCO SEPULTUS JACET. OBIIT ANNO DOMINI D. CCC. LXXXVIII. IDI. JAN. Fuit alioquin (quæ Regionis verba sunt) Christianissimus Princeps, Deum timens, & mandata ejus ex toto corde custodiens; in eleemosynis largus, orationi & psalmorum melodiis indefinenter deditus.

VII. ARNULPHUS NOTHUS, Carolo-manni, Regis Italiæ F. Ludovici Regis Germaniæ N. Ludovici Pii Imperatoris pronepos, Carolo Crasso successor datus, prope Tiliam amnem Sigefridum & Gode-

Godefridum cum 100000. Nortmannorum, uno dun-
 taxat è suis amisso delevit. Legendus Lipsius in Lova-
 nio, Brunnerus lib. VII. p. 293. Sed sub hoc ipso Im-
 peratore Ungarorum nomen primum auditum est, qui
 ultra Danubium à Carolo M. submoti, vallo etiam
 circumjecto inclusi, superatis claustris crudelissimis
 per longum tempus factis, Germaniam funestârunt.
 Quinimò quisque Procerum rapuit, quod voluit :
 Berengarius, Ennarhardi, Foro-Julien-sis Ducis F. Ita-
 liam, Vido, Lamberdi, Spoletinorum Ducis F. Galliam;
 sed ille felicitus. Vido Othonis (Ruperto geniti) viri-
 bus Galliâ exclusus est; ut scribunt Regino, & Sigeber-
 tus. Hinc conversus in socium Berengarium, cum
 Italiæ perniciæ bellum civile gessit. Victus Berenga-
 rius duabus pugnis fugit; Vido non contentus Italia Re-
 gis titulo, etiam Imperatorem se appellari voluit. Crêa-
 tus est à Stephano Pontifice, quod Onuphrio aliisq; pla-
 cet; sed alii ad Formosum referunt, quorum senten-
 tiam Besoldus sequitur. Berengarium paulò post Ar-
 nolphus Imperator vi reducit; fugatusq; Vido apud
 Tarum fluvium in agro Placentino sanguinis vomitu
 extinguitur. Tùm Lamberdus, ejus F. validâ Italo-
 rum factione impulsus, regnum armis repetit, non
 auso Berengario experiri prælii eventum. Sic revo-
 catus in Italiam Arnolphus Romam, ad cujus præsi-
 dium Lamberdus matrem reliquerat, obsidet; & mi-
 ro casu, ludente in serio negotio fortuna, cepit. Lepu-
 sculum militaris tumultus suo latibulo extraxerat,
 quem pavido cursu versus urbem fugientem coorti ex
 suis stationibus magno numero milites sunt secuti;

cùmq; studio ignobilis prædæ longiùs proveherentur *Romani*, qui muros occupaverant, universis *se copiis peti rati* (quod nihilo plus animi iis, quàm omnino lepori esset) ejus exemplum imitati, quoquo versus dilapsi sunt. *Germani* nuda defensore incenia conspicati, occasione tam bella usi, congestis sarcinis per extemporalem aggerem evadunt in muros, & urbem potiuntur. Ita terrarum Dominam, & divinos honores quondam usurpantem, Deus Optimus Maximus per jocum capiendam dedit. Refert è *Luitbrandi lib. I. c. 8.* & *Sigeberti Chronographia lib. VII. Brunner. p. 316.* Captâ urbe Arnulphus à Romanis *Augustus* ceremoniâ solenni appellatus est. Ibidem obiit *articulari morbo*; seu, ut alii scribunt, *pediculari*, mense Dec. A. C. 899. *Veneno bis petitus* est, semel insidiis *Ageldrude*, Vidonis uxoris; iterum à *Germano*, idq; mortem acceleravit. Sepultus est *Ratisbonæ*, in *D. Emmerani monasterio*; quod præ reliquis colendum ornandumq; sibi sumserat.

LUDOVICUM, Arnulphi filium, inter *Imperatores* recenset cum aliis *Besoldus*; sed saltem *Germanie Rex* fuit: Imperatoris coronam, id est, titulum non habuit; ut ex *Regionis lib. II.* constat, quem *perperam* *Besoldus* citat, *tanquam Imperatorem* renunciatum dixisset. *Regem* etiam tantum vocant *Hermannus Contractus*, *Lambertus Schafnaburgensis*, *Marianus Scotus*, *Godefredus Viterbiensis*, & alii. Unus *Siffridus* in inscriptione capitis, quo de isto agit, *Imperatorem* dixit. Cum *Ungaris* gravia bella gessit, quæ fulè describit *Brunner. lib. VII.* Obiit A. C. 911. in ipso adole-

adolescentiæ flore, nullâ sobole relictâ. Atque ita Carolorum posteritas in Germania defecit, ut ait *Otho Frisingensis lib. VI. c. 15.* *Wilhelmus Langius*, qui duarum filiarum patrem facit, *Placidia* & *Mathildis*, quæ *Conrado* & *Henrico* Regibus postea nupserint, fidem non meretur; ut censet idem *Brunner. d. l. p. 371.* Cæterùm illius temporibus *Ludovicus*, Bosonis (de quo *Puteanus comm. in lib. V. Hist. Insubr. p. 272.*) & *Irmengardis*, *Ludovico II.* genitæ, filius contra *Berengarium* in Italia regnans, à *Benedicto* Pontifice parùm legitimo, imperii insignia accepit. *Marianus Scotus*, *Godefredus Viterbiensis part. XVII. Otho Frisingens. lib. VI. c. 15.* Miser Imperator, dum fugato *Berengario* incautiùs agit, rursus proditus & excacatus est, ut scribit *Lutbrandus lib. II. c. 11.* Addunt Annales nostri, etiam libidinis instrumenta adempta fuisse; ne filii fortassè vindictam regnumq; molirentur.

CAPUT XVIII.

&
ultimum
de

IMPERATORIBUS GERMANICIS.

Caroli nomine cum *Ludovico* in Germania sepulto, regni Germanici Proceres in *OTHONEM*, *Ludolphi* filium, *Brunonis* nepotem, *Bigberti* pronepotem, *Witichindi* M. abnepotem, pace belloq; egregium, *Saxonum*

Principem conversi, eum ad suscipiendas regni habenas vocârunt; qui ad regni pondus vires suas expendens, atque ita tandem concludens, *cano capiti coronam imponere*, hominîs esse senio suo illudentis, Procerum petitionem *abruptè refutavit*. Rogatus deinde sententiam, quem eo fastigio dignissimum censeret, CONRADUM FRANCUM, Conradi, ab Adelwerto interfecti, filium nominavit. *Otho Frisingensis lib. VI. c. 5. & 15. Siffridus in Chronico; & quos Brunnerus citat lib. VII. p. 373. Witichindus lib. I. Ditmarus lib. I.* Igitur Germaniæ regnum iniit CONRADUS A.C. 912. cui non nisi septem anni tribuuntur. Mortuus est enim a. d. 10. Cal. Jun. A. C. 918. ut est apud *Martianum Scotum, & Trithemium in Chronico Hirschaugiensi a. d. 14. Cal. Nov. ut Brunner. d. l. p. 388.* Morti proximus exemplum edidit ingentis animi, etiam raritate suâ commendabile, quando nullâ *Eberhardi fratris*, aut certè *Francia gentis* ratione habitâ, imperium transferri ad *Saxones* non modò passus est; sed auctor ipsè factus, id gravissimis verbis, & quantâ potuit animi contentione, velut ultimum mortalium votorum, cui refragari nefas esset, postulavit; quod ipsius consilium tantò majorem habuit admirationem, quantò notiores omnibus erant *inimicitia*, quæ illi cum *Henrico*, quem sibi *successorem* destinabat, intercesserant. *Brunner. d. l.*

HENRICUS I. Othonis F. Ludolphi N. ab *aucupii* studio, quo delectabatur, *Anceps* cognominatus, ipsius Conradi suffragio, regnum suscepit. Contra hunc res novas moliti sunt *Arnulphus*, Luitpaldi ab Hunga-

Hungaris cæsi, F. Bojariæ Princeps, & *Burchardus*, Sueviæ dux; quorum alterum oratione modestissimâ ad pacem flexit (extat prolixior apud *Brunner. lib. VII. p. 393. & seqq.* brevior apud *Cluverum in Epitoma p. 467.*) alterum ita tenuit, ut se suaq; omnia ipsi promitteret. Posthæc bellum *Hungaricum* suscepit, confecitq; magnâ virtute, superatis hostibus in *duabus* memorabilibus pugnis; quarum *primâ* incidit in A. C. 922. *secundâ* in A. C. 934. Tùm *Hungaris Germania tributum pendere desit.* Obiit a. d. 6. Non. Jul. A. C. 936. cùm de itinere & inauguratione Romana cogitarêt. *Petav. Ration. Temp. part. I. lib. VIII. c. 14. p. 546.* Maximi Principis occasum etiam sol lugere creditus est, quando repentè sereno cælo hebesens, cruentos radios vibravit; mons etiam, juxta quem conditus est, *flammas multis in locis vomuit* æquè tristi portento. *Brunner. d. l. p. 430.* Scripsit *Besoldus* in *Synopsi minore*, multis peractis bellis Romam venisse, concilium habuisse, eiq; præfuisse; & *Johanni XII.* propter crimina remoto, *Leonem* ejus nominis *VIII.* suffecisse. Quæ de *Othone M.* hujus filio vera sunt. Igitur moneo, caveas hîc *inadvertentia Besoldiana scopulum.*

OTH O Henrici I. F. à patre successor nominatus, insigni pompâ *Rex Germaniæ Aquisgrani* salutatus est; summis utriusque ordinis viris præsentibus. Verax civilium externorumq; bellorum regnum ipsi fuit; quæ cùm pari felicitate confecisset, non immeritò fortissimis ducibus annumeratus, *Magni cognomentum* tulit. *Brunn. d. l. p. 430. 431.*

Tanquardum, fratrem rebellem, *Thuringia Comitem*, prælio victum interemit; *Bohemos* 14. annorum bello perdomuit; *Arnulphum*, *Bojariæ*, & *Hermanum* *Sueviæ* ducem ad *Andernacum* profligavit; *Gisbertum* *Lotharingum* in *Rheno* submersit; *Ludolphum* cum conjuratis *Conrado Lotharingo*, & *Friderico Antistite Moguntino* absq; prælio fugavit; *Hungaros* ad *Lycum* amnem internecione delevit. *Ludovicum*, *Francorum Occidentalium Regem*, *Alsatia* repulit; *Lotharingiam* *Germani regni corpori* adjecit, *Haraldum*, *Daniæ Regem*, *fidem Christianorum* suscipere, seq; *Germanico jûgo* submittere cœgit; in *Italia Berengarium*, *Berengarii* (de quo diximus) nepotem, ad deditiorem faciendam compulit. Hæc omnia gessit etiamnum *Germania Rex*. Nam huc usq; non *Imperatoris Romani*, sed *Regis Germaniæ* titulum tulit; quem etiam *Henricus I.* ejus pater, & *Conradus* usurpaverat. Utcunq; cum trivialibus auctoribus *Besoldus Imperatorem & Cæsarem* appellat; & scio etiam à *Mariano Scoto* inter *Romanos Principes* referri; sed causam aperit *Onuphrius*, quòd in eorum successoribus imperii dignitas restituta fuisset. Aliam affert *Lupoldus de Bebenburg* in libro de *Juribus regni & imperii Romani*, quòd translatum in *Carolus Germanus*, imperium *Germanorum* nunquam esse desierit. Aliam *Besoldus in Synopsi majore*, quòd *Germani Saxones & Francones Orientales*, mortuo *Ludovico*, *Arnulphi F.* axioma imperii affectarint. Sed *Petavius* in eos *Scriptores* inclinat, qui *Conradum & Henricum Aucipem* in numerum *Imperatorum* recipiendos negant; quòd à *Roma-*

Romano Pontifice uncti coronatiq; non fuerint. Hanc rationem nunquam admiserim, & *Lupoldum* “
 potius sequar, qui Imperatorem *legitimum* esse pro- “
 bat, etsi à Pontifice coronam non acceperit. Ipse “
 Pontifex nisi ab Imperatore probatus, legitimus “
 non est; sed Imperator legitimus est, etsi à Pontifi- “
 ce non approbatus. *Durum verbum* hodiernis Pon- “
 tificiorum auribus, sed verum! Nihilominus & ipse “
Reges Germaniæ hucusque nominavi, non Imperatores;
 secutus *Luitprandum, Hermannum Contractum, Re-*
gionem, Lambertum Schafnaburgensem, Siebertum,
 & alios. Ipsi in numis non nisi *Reges* sese vocant; in
Conradi enim scriptum est apud *Octav. Strad. p. 388:*
 BENEDICTUM SIT NOMEN DOMINI,
 CONRAD. REX. Sed *Imperatoriam*, id est, sum-
 mam humani fastigii dignitatem, à *Caroli* posteritate
 deperditam, & errore hætenus velut circumactam,
Germanis in perpetuum recuperavit *Otho M.* qui cùm
Italiam à Tyrannis felicibus armis vindicasset, *Augu-*
stale diadema Romæ accepit A. C. 962. Novam in-
 augurationem hac acclamatione prosequitur *Putea-*
nus exultabundus: *Exurgite inclutâ fide* (Germani)
invicta robore pectora, state Occidentis valida fulcra:
Sustinebitis Europæ gloriam, & quantum ferre gens
nulla potuit, vestris in humeris conquiescet. Vestrum
est, quicquid Cæsar, quicquid Augustus fuit; vestra
victrices aquila, & quicquid gessere felicius Romani,
quàm rexere. Mitescent barbari, cessabunt irruption-
es; felicem Italiam Germania faciet: Felicem Germa-
niam tot Cæsares, tot Augusti, regendo & pacando orbi

divinitus destinati. Cæterum hujus inaugurationis ea vis fuit, primum, ut penes Germanos solos in posterum creandi Principis jus esset. Teutonici Proceres apud Guntherum in Ligurini lib. I:

Ex quo Romanum nostrâ virtute redemptum

Hostibus expulsis ad nos justissimus ordo

Transtulit imperium, Romani gloria regni

Nos penes est. Quemcunq; sibi Germania Regem

Præficit, hunc dives submisso vertice Roma

Suscipit, & verso Tiberim regit ordine Rhenus.

Utque Romani, qui hucusq; Berengarios, Vidones, Lambertos, Ludovicos, Rudolphos, Hugones, Lothartos, Adelbertos, vel Reges vel Imperatores ungi & coronari jusserant, id ne ultra facerent, vel extra Germaniam Principem quærerent. Hoc dicit Sigebertus his verbis: Tyranni à Jehanne Papâ & Romanis abjurantur. Illud unum honoris ergò aliquando Romanis datum, ut auctoritatem Procerum Germanicorum consensu sequerentur. Secundò, ut Romani nullum Pontificem crearent, quem Imperator è Germanis non probaret. Luitbrandus lib. VI. cap. 6. hæc habet: Cives sanctum Imperatorem cum suis omnibus in urbem suscipiunt, fidelitatemque promittunt; hæc addentes, & firmiter jurantes, nunquam se Papam electuros, aut ordinaturos præter consensum atque electionem Domini Imperatoris Othonis Caesaris Augusti, filiiq; ipsius Regis Othonis. Adde Fragmentum Anonymi præfixum Magistro Alberto Argentinenfi. Ne putes, Romanos Othoni tantum & ejus filio fidem suam obstrinxisset, legendus tibi erit

Freche-

Freherus ad Bebenburg. cap. 13. p. 38. ubi de Henrico Imperatore refert, per suos legatos Romanis objecisse; quòd præter consuetudinem majorum, Rege inconsulto, Romana Ecclesia Pontificem ordinassent; atque illum excussisse, se violenter electum à Romanis; ordinari tamen noluisse, donec in electionem suam tam Regem quam Principes regni Teutonici consensisse certâ legatione cognosceret. Ex hoc jure profluxit Imperatoris legitima potestas deijciendi Pontificem, scelerum & impietatis convictum; quod socii concoquere non possunt. E quibus Brunner, lib. IIX. p. 506. de hoc ipso Othone: Imperii initia inauspicato pudendoq; facinore inquinavit, Johanni XII. Pontifici, omnibus quidem sceleribus & probris contaminato, & sede illâ sanctitatis vitâq; adeò ipsâ indigno, nullo tamen jure exauctorato Leonem sufficere ausus; quanquam à militari viro & sacrarum legum quam armorum insolentiori condonanda noxia est. Nullus quidem dubito, quin hoc, quod Brunnerus censet, Romæ hodiè sit exploratissimum; sed magna DEO gratiâ, quòd contrariû habemus pro exploratissimo. Quid enim juris fuerit, usque ad tempora Hildebrandinæ hæreseos, ex ipsis Pontificiis fateri ac docere ut veritatis coactus est Hieronymus Balbus lib. de Coronatione, cap. Quomodo olim delatus sit Pontificatus, & quæ in re eâ fuerit Imperatorum auctoritas: Addit Brunnerus ibidem: Othonis impietatem subinde non unâ clade Justitiam vindicem expiâsse. Nam & Romanorum insidiis petitus, & multiplici perfidiâ fatigatus, vulgatâ per exercitum luc in ultimum disci-

men adductum esse. Ha, ha, ha, he! quis enim hanc philautiam legens, temperet à risu? Est enim hic ple-
risq; mortalium *stultus animus*, ut quicquid alteri cala-
mitatis accidit, *sui vel suorum causâ* factum putent:

Quisq; se Deo esse cordi vult peculiariter!

ut habet *Gruteri* trochaicus. Id vitium suprâ, ubi de *Justiniano* in *Baronio* etiam notavimus. Perfidia illa, quam cum *Romanae urbis* probro narrat, breviter sic habet: *Johanne XII. ob fœdas libidines & imma-
nia facinora* remoto, *Leonem* suffecerat; eog, defun-
cto, *imperatoriae potestatis* vi *Johannem XIII;* quem cum *Romani* multis malis afficerent, eorum perfidiâ gra-
viter offensus, *urbe captâ* *Consules* proscripsit; *Decurio-
nes* suspendio multavit, *civibus* solis pepercit. Idem *Græcis*, qui legatos ejus in itinere violârunt, *Graciam*
& *Calabriam* ademit. Quid multis? imperium instau-
ravit, & contra omnes consiliis & armis egregiè de-
fendit. Obiit anno 973. Non. Maj.

OTHO II. à patre imperii consors factus, & *Romæ* coronatus anno 967. *natalis Dominici*, post patris obitum imperavit annos 19. menses 7. *Besoldus* cum memorabilia narrare potuisset, hoc præcipuè narrandum censuit: *Henricum*, *Bavariæ Ducem*, *rebellantem* armis ad officium reductum. Sic suprâ in *Henrico Aucupe*, quàm curiosè notârât, *Arnolphum* malum *Bavariæ Ducem*, *rebellem* rei summam ad se traducere cogitâsse. Quod cur fecerit, exputare non possum. Hodie in *Angliâ* non tam ad infamiam, quàm generis claritudinem pertinet, majores habuisse magna-
rum conjurationum duces aut socios; ut scribit *Forstne-
rus*

rus in *Omissis ad Tacitum*. Sed nos *Germanorum* illorum posteret de quibus in theatro Romano quondam dictum est, *nullos mortalium armis aut fide ante Germanos esse*) virtutem avitam simplici cultu prosequentes, & à generositate Anglorum parùm generosâ prorsus alieni, in illustrissimâ gentis gloriam, cui ob egregiâ merita lubentes meritoque favemus, hæc, quæ *Besoldus imprudenter garrit*, æterno silentio plectenda dicimus. Illud in *Othone* famâ dignius, quod *Danos rebelles* rursus imperii jugo subdidit; *Lotharingiam*, Francorum Occidentalium armis ereptam, *Germania* rursus copulavit. Idem tamen infortunium gravissimum passus est A. C. 982. quod adversus *Græcos*, Saracenorum auxilio *Calabriam & Apuliam* repetentes, profectus, cæsis ad interpeccionem copiis suis, *natando* ipse interceptus, & clam dilapsus vix effugit. *Sigebertus, Lamberdus, Godefridus, & Ditmarus*. Romæ fato functus est a. d. 8. Dec. A. C. 983.

OTHO III. Othonis II. Imperatoris F. MIRACULOSUS, & MIRABILIA MUNDI cognominatus, Imperator Romæ appellatus, aliquot annis post seditiosum *Crescentium*, asino facie aversâ impositum, circumduxit; *naso* dein & *aurebus mutilatum*, ac multis confossum vulneribus, cum aliis *duodecim seditionis sociis* suspendit. *Johannem*, adulterinum Pontificem, primò oculis, mox vitâ privavit; & *Gregorium* restituit. Hoc dein adjutore gravissimum *Electorum Senatum institutum* vulgò volunt; de quo plura *Besoldus in Syn. maj.* Addi velim *Freherum in Bebenburg. cap. 2.* Summa consistit in his: Ante Othonem IV.

nulla

nulla Electorum mentio in legitimis Scriptoribus ; at sub hoc eorum meminerunt *antiqua cantilena*, in quibus vocantur die sieben Wähler. *Fridericum I. Barbarossam*, & *Henricum*, filium ejus, constat à cunctis *Germaniæ Proceribus* electos. Ergò verisimile fit, tempore interregni & schismatum, à *Friderico I. ad Fridericum II.* hanc Electorum institutionem natam ; si ve usurpatione quorundam inter cæteros potentiorum, si ve etiam mutuo consensu & communi conventionē. Obiit hic Imperator A. C. 1002. d. 23. Jan.

HENRICUS, Henrici Rixosi F. Henrici N. Henrici Aucupis, Germaniæ Regis, pro N. cognomento Claudus & Sanctus a. d. 8. Id. Jun. A. C. 1002. regnum adiit *Moguntia*, *Witigiso* Antistite inaugurante. *Hermannum æmulum deprecantem in gratiam recepit*, & contra *Harduigum*, *Dodonis* filium, *Eporædiæ* Marchionem, in *Italiam* tyrannidem occupantem, exercitum misit. *Brunner. lib. VIII. p. 604. usque ad p. 614.* *Italiam* ingreditur ipse A. C. 1005. & *Ticini Rex Italiæ* coronatur. Idem *lib. IX. p. 642.* *Boleslaum*, *Poloniæ* Regem, bello fractum, ad petendam pacem adegit A. C. 1006. *ibid. p. 656.* Eâdem felicitate *Flandros* perdomuit A. C. 1007. *ibid. p. 663.* In *Boleslaum perfidum* denuò exercitum mittit A. C. 1011. Ei q. pacem dat anno sequente, *ibid. p. 680. 681.* *Jaromerum Bohemum* Principatu & libertate exuit, *ibid. p. 685.* *Italiam* iterum ingreditur anno 1013. & a. d. 6. Cal. Mart. anno 1014. *Romam* ; ubi *Augustalia* insignia cum *Cunegunde* conju-

conjugē accepit, *ibid.* pag. 694. 695. Ubi notabis additamentum Jesuiticum: *Sacramento Pontificis adactus Ecclesie nunquam, dum vita suppeteret, se defuturum; neq; à Pontificis Romani fide desciturum juravit.* Verum quidem est, jurabat Imperator, *se Ecclesie nunquam, dum vita suppeteret, defuturum; sed falsum est, quod adjicit, se à fide Pontificis non desciturum.* Existimant Reverendi Patres, *imperium teneri ab Ecclesia, de quâ defendendâ juret Imperator;* sed nulla est connexi ratio: Nam & *juramentum, quod Rex Gallie præstat Parlamento Parisiensi, de defendendo regno, non probat, regnum haberi à Parlamento;* ut docet *Freherus in Bebenburg. cap. 9.* Post coronationem Henricus Harduigum Tyrannum eò adduxit, ut ultrò furtivas rapti honoris exuvias poneret; *monachumq; indutus, & pro purpurato cucullatus in Fructerienſe cœnobium Agritaurinatum sese abderet.* *Brunner. d.l. p. 702.* Expeditionem Polonicam resumit anno 1015. *ibid.* p. 707. Burgundiæ imperium adit, & per duces *Saracenos* in Italia vincit, A. C. 1016. *ibid.* p. 719. 721. Cruentum, & ab utrâq; parte luctuosum bellum cum *Polonis* gerit. A. C. 1017. *ibid.* p. 723. Cùm iisdem fœdus novum init, A. C. 1018. *ibid.* p. 729. Contra *Gracos & Saracenos*, Apuliæ incubantes, arma corripit; & utrosq; exigit, A. C. 1022. Reversus in Germaniam, moritur a. d. 3. Id. Jul. A. C. 1024. ex propensissimo affectu Pater monachorum à quibusdam dictus.

CONRADUS SALICUS, Henrici III. Minoris dicti, Sueviæ & Baviariæ Ducis F. Othonis Ducis

Ducis Sueviæ & Baviaræ N. Ludolphi pronepos, Othonis M. Imperatoris abnepos (*Brunner. lib. VIII. p. 553. & lib. IX. p. 787.*) a. d. 6. Id. Sept. A. C. 1024: *Germaniæ Rex* ungitur. In Italiam rebellem contendit A. C. 1026. mens. Febr. *ibid. p. 799.* Mediolani coronam Italiæ accepit, *ibid. p. 800.* Romæ verò Augustus appellatus est a. d. 7. Cal. April. A. C. 1027. *ibid. p. 804.* Ungaros pacem petere coëgit anno 1030. *ibid. p. 826.* Bohemos & Polonos felici bello compescuit, anno 1032. *ibid. p. 830.* Moritur *Trajecti Frisiæ* A. C. 1039. prid. Non. Jun.

HENRICUS, nominis hujus Rex Germaniæ III. Imperator Romanorum II. Conradi Imp. F. patri successus, Bohemos ad deditionem coëgit A. C. 1042. Ungaros ingentibus præliis vicit, & pacem Germaniæ reddidit A. C. 1044. *Brunn. lib. X. p. 888.* Rebus in Germania constitutis, per Alpes in Italiam transcendit, & natali Christiano anno 1047. Augustus appellatur. *Ibid. p. 907.* Coronam imposuit Clementi, quem ipse Pontificem constituerat. *Otho Frisingensis lib. VI. cap. 32. 33. Hermannus Contractus, Lambertus Schafnaburgensis, Marianus Scotus.* Juratum etiam à Romanis scribit *Sigebertus*, se sine Henrici consensu nunquam Papam electuros; quod imperante illo sic observatum, docet *Lambertus*, modò citatus. Nimis hîc *Brunner. lib. X. p. 903.* intumescit: Imperatorem alienum sibi negotium sumxisse, & de summâ in terris potestate, cui fasces submittere multo æquius fuerat, sententiam tulisse parum idoneum judicem; id duntaxat eâ temeritate assecutum, ut pessimo prodio posteritati exem-

exemplo, Henricos duos, filium & nepotem impulsisse ad eundem scopulum, & multo fœdiora naufragia, censeatur. Hæc Brunnerus, ex Hildebrandina hæresi ebrius, intoleranda tùm omnibus bonis, tùm Germanis Principibus contumeliâ ! Possem hæc de re pluribus, sed nolo: Quòd Cassianum illud in auribus mihi tinnit. Cui bono? nam sive ad Romanum Clerum, de modestiâ, sive ad Principes, de jure ac potestate suâ verba facere velimus, operosè agemus nihil: Quoad Clerum, locum hic habet Catonis: Actum esse, ad ventrem verba facere, qui careat auribus. Quoad Principes, quoquo modo ab antecessoribus acta concessaq; , quia mutare non possunt, comprobant; ut Tacitus loquitur lib. I. Hist. cap. 7. Eam enim hucusque adversantibus Pontifex texuit molestiarum telam, cui retexendæ ac deglomerandæ nulla alia patebat via, quàm per præcipitium servitutis. Mortuus est Henricus a. d. 3. Non. Octob. anno 1056.

HENRICUS, Imperatorum eò nomine III. Regum Germaniæ IV. Henrici Imp. F. Conradi Salici N. *quinque annorum* puer Aquas deductus, in Caroli M. & Othonis M. tritavi sui folio collocatus est. Sed hujus imperium *Hildebrandus*, sive *Gregorius VII.* Imperatorum flagellum sævissimum, belli fax, seculi sui opprobrium, monstrum nullâ virtute redemptum, valdè labefactavit, vel pessumdedit potiùs. Pleraq; ipse *Besoldus* & *Cluverus* te docent, ut Henricus ætatis vitio solutior, insidiis & perfidiæ suorum patuerit; utq; à *Gregorio anathemate* percussus, & à suis desertus per quosdam Italiæ Principes

cipes deprecatus, *agerrimè in Pontificis aspectum admissus* sit: Nimirum receptus *intra secundum murorum arcis ambitum*, sine comite, sine cultu regio, *nudis pedibus*, jejunos à mane usq; ad vesperam perstabat, sententiam Pontificis expectans: Hoc secundo, hoc tertio die fecit: Quarto demum die exceptus vultu Hildebrandi *tetrico*, his conditionibus absolvitur; ut evocatis ad concilium Principibus Teutonicis die locoq; quem Papa designasset, ad ejus arbitrium, vel retineat regnum, vel amittat: Interea; temporis nihil pro Rege agat, *cultuq; omni regio abstineat*. Nolo cætera, sunt enim prorsus indigna memoratu. Imperatorem quidem, qui tantam contumeliam passus est, facile excusent turbæ domesticæ, quæ tùm illi graviter incubuerunt; ut indigna digna habenda ei fuerint, Papa quæ fecit: Sed hæc ausum *successorem Apostolorum, & Vicarium Christi*, qui Cæsarem paganum honore non indignum censuit, quis non stupeat? Brunnerus quidem Hildebrandi facinora, imò parricidiale bellum, quod filius patri movit, commendat; diabolo ipso, ut arbitror, hanc Apologiam ad calamum ipsi dictante. Nam hunc auctorem & consiliarium fuisse Hildebrando, confessus est tandem ipse; ut scribit Sigebertus hunc in modum: *Confessus est DEO & S. Petro, & toti Ecclesia, se valdè peccasse in pastoralis curâ; & suadente diabolo, contra humanum genus odium & iram concitasse*. Obiit Henricus A. C. 1106. a. d. 7. Id. Sextil. cùm exeunte anno superiore imperio spoliatus esset à filio.

De Tyrannis sive Imperatoribus adulterinis horum
rum

rum temporum *Strada in Caesar. p. 416.* Incidit in ejusdem imperium nobilis expeditio *Godefridi Lotharingii & Bullionii Ducis* contra impios & profanos, terram sanctam obrinentes. Ad sexcenta millia peditum, equitum centena millia armavit; exercitum, quem raro Europa nostra vidit. Belli is eventus fuit, ut *Godefridus*, victis hostibus, terra sancta primus Rex fieret. *Lipsius lib. I. Monit. & Exempl. Polit. c. 2. mon. 2. ex. 4. Brunner. lib. XI. p. 167. 168.* Et è vetustioribus *Otho Frisingensis lib. VII. cap. 2. & seqq.*

HENRICUS IV. nominis hujus Imp. vel V. Germaniæ Rex, Henrici Imperatoris infelicissimi F. qui exstimulatus ab aliis contra patrem suum arma corripuit; eiq; Augustalia insignia per vim extorsit, A. C. 1105. exeunte, ut vult *Petavius*; alii incunte anno 1106. quos *Besoldus* sequitur. Cùm imperialis coronæ gratiâ Romam venisset A. C. 1110. maximis tumultibus motis, ipse quoq; sauciùs, milites suos ita concitavit, ut unum vulnus innumeris mortibus repensaretur. Henricus victum trahens *Paschalem XII. Pontificem*, & purpuratorum patrum collegium, ab urbe discessit. Is paulò pòst Henrici voluntati consensit, & eundem Id. April. A. C. 1111. coronatum Augusti cognomento auxit. *Brunner. lib. XII. p. 241.* Sed quàm primùm Henricus Italiâ decessit, irrita omnia facere conatus est Pontifex; ut scribit *Ursspergensis*. Hinc multæ dissensiones, schismata, incendia, homicidia, deportationes, & tumultus sunt excitati. Firmatâ tandem pace A. C. 1122. Henricus in Ludovicum, Galliæ Regem, expeditionem suscipit; sed occurſu

Francorum absterritus, pedem retulit; & anno 1125. *Trajecti* decessit ex morbo, a. d. 12. Cal. Jun. ut habet inscriptio monumenti ejus.

LOTHARIUS, Gebhardi F. *Otto Frisingensis lib. VII. cap. 17. Godefridus Viterbiens. Chron. part. XVII.* ejus, qui Comes *Sulinburgius* in bello *Saxonico* contra *Henricum IV.* cecidit. *Marianus Scotus.* Mortuo *Henrico*, ad imperium evehitur A. C. 1125. Romæ verò coronatus est A. C. 1133. Malè pugnavit in *Bohemia* A. C. 1126. *Brunner. lib. XII. p. 281.* *Noribergam* obsedit A. C. 1127. irritò conatu. *ibid. p. 282.* Contra *Rogerium Siculum*, in *Italia*, bellum feliciter gerit A. C. 1136. *ibid. p. 324.* Moritur anno 1137. in autumno, *Tridenti*, ex *Italia* victor rediturus in *Germaniam*. Hoc Imperatore jubente (inquit *Besoldus*) *Irnerius* leges *Romanas* revocavit. Sed hoc purum putum commentum esse, & ut adires *Hermannum Conringium* in *Traët. de Origine Juris Germanici*, jam suprà monui. Valdè memorabile est, quod ex ore *Ernesti Ducis Luneburgici* refert *Henricus Paxmannus* in *Oratione*, quam honori laudati Principis dixit A. C. 1557: Prædium est vicinum oppido *Cellæ*, quod nominatur *Lutherloch*, & habuit perpetuam immunitatem. Cùm autem *Quæstor* illum fundum novâ pensione oneraturus esset, accedit colonus Principem, narrat fuisse perpetuam immunitatem; & causam addit, quia in eo fundo natus sit *Lotharius Imperator*. Adjicit etiam, se & majores suos multis seculis tenuisse hunc fundum; & narrationem traditam esse à majoribus, ab eâdem stirpe & *Lotharium* & familiam suam ortos esse;

esse; ac orat, ut propter Lotharii memoriam veterem immunitatem locus ejus natalis retineat. Delectatus hac narratione princeps, quia Lotharium propter virtutis præstantiam & stirpis decus sæpè celebrabat, accersit Quaestorem, interrogat de immunitate fundi; jubet & vocari senes vicinos, quos & de immunitate & de coloni familiâ interrogat. Horum narratio cum congrueret coloni verbis, Princeps latus, quod locus natalis Lotharii Imperatoris, sapientiâ & virtute præstantis, sibi monstratus erat; & quòd vicinus esset è domicilio suo, severè jubet in libros quaesturæ scribi totam hanc narrationem; & addit, se velle, ut ad omnem posteritatem hic fundus sit immunis, velut locus natalis Lotharii Imperatoris. Colonum etiam jubet secum prandere, & hortatur, ut, cum cognationis mentionem fecisset, filios rectè erudiat de DEO, & de bonis moribus; & eos ad virtutem assuefaciat, & tradat fundum posteris tuendum; se quoque nulli filiorum, qui literis operam daturus sit, defuturum recipit. Denique discedenti colono jubet dari pannos, ad vestiendos filios & filias.

CONRADUS III. Friderici Sueviæ Ducis ex Agnete, Henrici V. sorore, F. Imperator creatur A. C. 1139. à Pontifice redimitus non est; nec id illi necessarium. Notat hîc iterum Besoldus, tanquam memorabile, Henricum Superbum, Baviaræ Ducem, proscriptisse; dignus profectò, qui à Bavaris, quibus perfidiæ vetus crimen toties refricat, coronam ferat ex urtica. Hujus temporibus, id est, A. C. 1147. excitæ sedibus suis Germania & Gallia contra Saracenos, qui Edessam ceperant. Vix pro viro habitus, quem patriæ

amor aut qualescunque curæ domi detinuisset. *Conradus* 50000. militum habebat in exercitu; *Ludovicus*, Galliarum Rex, equitum 30000. præter ingentem peditem numerum; ut est in *Auctario Gemblacensi*. Sed Græcorum fraude vexati, nullo operæ pretio facti, redierunt. Mortuus est Conradus A. C. 1152. 15. Cal. Mart.

FRIDERICUS AHENOBARBUS, Conradi Imperatoris è fratre Friderico N. patruo suffectus est *Frankfurti*, a. d. 3. Non. Mart. anno 1152. magno imperii Procerum consensu; ut ait *Brunner. lib. XII. p. 375*. Cui ad omne decus summa insoles fuit; ut commendat *Petavius* part. I. *Ration. Temp. lib. VIII. p. 589. cap. 11*. Item; *Vir fortissimus, & supra Reges omnes bello inclutus*; ut *Jovius Novocomensis Elogiorum lib. I*. Nec non: *Vir honesta & perpetuâ memoriâ dignus*; ut *Nicetas Choniates lib. III. in Reb. Isaaci Angeli p. 450*. Quæ, & alia testimonia ideò notanda; quod hostium & adversariorum ore profecta sunt. Priores enim *Jesuite*, Paparum mancipia; & in primis *Hildebrandolatre*; qui furiosâ doctrinâ imbibitâ, Romanos Imperatores juris sui retinentiores impudenter & flagitiosè lacerant. Medius annos septem & triginta in Vaticano consedit, Pontificum perpetuus comes; atque adeò Friderico parum æquus. Ultimus è Græcorum natione, Germanis semper infestâ; ut eorundem Principibus, per æmulationem & invidiam solennem titulum *Cæsaris, Augusti, Imperatoris, Βασιλέως, ἀνπεξαίτης* & tribuere dedignant, eos non nisi *Latinos, Francosq; & Alamannos*, vel *ῥήζας Ἀλαμανίας*

ἡν *Pegyrias* vocitârint ; ut observat *Freherus* tum
 alibi, tum *notis in Rebenburg. cap. 5.* At ut inimico de-
 trahenti credendum non est, iudice *B. Augustino, lib.*
III. contra Petilianum cap. 10. ita testimonio illo virtu-
 tis nullum aliud præstantius, quod invitis exprimitur ;
 ut existimat *Lucius Furius Philus* apud *Dionem in Ex-*
cerpt. Peiresf. p. 621. Inter res autem, quas in *Frideri-*
co Scriptores unanimi consensu laudant, est *expeditio*
Hierosolymitana ; quam contra *Salatinum* suscepit *A.*
C. 1188. Centum quinquaginta millia, lustrato exerci-
 tu, censa sunt ; nec minus cum perfidia *Græcorum*,
 quàm cum *Saracenis* negotii fuit ; sed utriq ; pari vir-
 tute pressi, & per sexcenta hominum millia ventum ad
Iconium, barbarici regni sedem ; quâ expugnatâ, su-
 perbissimus *Salatinus* legatos, pacem veniamq ; oratu-
 ros, de reconcilianda quibusvis conditionibus gratiâ
 ad *Cæsarem* misit. Paulò post victor *Orientis*, *Tur-*
corum terror, *Tharsi* in præfrigidâ *Cydni* undâ per ca-
 lores fervidum abluens corpus exstinguitur. Notant
 id Scriptores nostri factum a. d. 4. Id. Jun. *A. C. 1190.*
 Sed quod *Jesuitæ* maximum fuisse scelus clamant, hoc
 est : Imperium beneficium suum assererat *Adrianus*
Pontifex, quod negabant *Fridericus*, & imperii Proce-
 res ; meliora docti ex historiâ *Caroli & Othonis.* Exin
 paratæ vires ; & cum *Pontifex* ferendo bello non esset,
 paulò post verborum suorum duritiem subdolâ inter-
 pretatione mitigavit. Non diu post iterum exorta-
 lis, quod *Fridericus* bello contra seditiosos *Mediola-*
nenses, confecto *Albæ*, quo hybernaturus concesserat,
 omnes ex vicinâ comitatus advehi curaret, & ab

Episcopis, terrenas possessiones tenentibus, *homagium* sibi *præstari* postularet; & Cardinalibus, à latere Papæ legatis, civitates clauderet. Hoc ægrè ferenti Pontifici respondit *Fridericus*: *Regalia beneficia Principum obligare Episcopos ad præstandum Principibus juramentum. Cardinalibus clausas urbes, quia prædatores veniant, non prædicatores: Si mores suos correxerint, non desuturum illis stipendium & commeatum!* Sic cùm omnia spectarent ad bellum, jamq; *Mediolanenses* à Pontifice concitati, fidem *Friderico* datam fregissent, *Adrianus* moritur. Fit Pontifex meliorum suffragiis *Victor*, sed per factionem *Alexandri*, odii in *Fridericum* manifestus. Imperator, qui norat penes superiores Principes fuisse jus indicendi concilii, ecclesiæ Præsules *Papie* convocat; qui *Alexandrum* defugientem legitimū judicium damnant, & *Victorem* Pontificem ritè factum pronunciant. Subscribunt Imperator, & Reges *Anglia, Dania, Hungaria, Bohemia. Mediolanum* obsequium Imperatori negans excinditur, & reliquarum urbium propugnacula dejiciuntur; quarum sublesta fides erat.

Hinc *Alexander* in *Galliam* profugiens, conventu in *Claramonte* habito, Imperatorem & *Victorem* Papam anathemate perdidit. Romani, *Victore* mortuo, dum abest Cæsar, Coss. *Alexandro* amicos, creant; ipsumq; *Alexandrum* revocant; *Lombardi* quoque contra Cæsarem arma resumunt. Ob id *Fridericus* regressus in *Italiam*, quindecim millia Romanorum contra se pugnantium apud *Tusculum* occidit, pulsoq;
Alexan-

Alexandro *Paschalem* Lateranensi in palatio collocat, Romanos in verba sua adigit; sed innox obortâ peste, simul occultarum insidiarum metu in Germaniam redit.

Sic instauratum *Mediolanum*, & rebellibus spatium datum; quos ut coërceret, Fridericus, A. C. 1171. exercitu valido in Italiam irrumpens, multa fortiter gessit; denique belli is eventus fuit, ut *Alexander Venetias*, dissimulatâ personâ fugiens, remp. illam cum Imperatore colliserit. Hinc enim Fridericus contra *Venetos Othonem* filium cum instructissimâ classe misit; sed eâ lege, ne se inconsulto manus confereret. Quo ille neglecto, pugnat, vincitur, capitur. Veneti, cum non ignorarent, patrem omnia cogitare de liberando filio, noctes insomnes ducere; *filium* ipsi remittunt, sed eâ conditione, ut peractâ legatione si-ve exoraret patrem, seu minus; velut alter *Regulus Venetias* rediret. Humanitas successu non caruit: Exoratus enim *Cesar*, *Venetias* ipse venit, & pacem cum Pontifice facit.

Addunt recentioris ævi complures, Imperatorem ad januas adis *D. Marci* prostratum, ut absolveretur, premente collum ejus *Alexandro*, audivisse illud *Psalmographi*: *Super aspidem & basiliscum ambulabis, & conculcabis leonem & draconem.* Cum responderet Pontifici: *Non tibi, sed Petro, cujus es successor, pareo!* regessisse Pontificem: *Et mihi & Petro!* Hoc additamentum, cum ante plures annos secutus auctoritatem nobilissimi viri, *Georgii Remi, Universitatis hujus Procancellarii p. m.*

indubium vocâſſem lectione publicâ; paulò pòſt obſervavi, me idem feciſſe, quod pueri ſolent, qui ad aquas ludunt. Ut enim ii lapillum in aquam conjicientes, paulatim magis magiſq; majores orbes faciunt: Sic ego propoſito, quod multis diſplicebat, varios circulos conſequi feci ſibiſprum & calumniarum, ut verbis Lipſianis utar. Monſtrum, omnibus monſtris monſtroſius produxiſſe videbar, & more Romano per Pontifices expiandum.

Repertus eſt ſanè, qui hoc in ſe publicè recipe-
ret, & aquam luſtralem tam copioſam mihi aſperge-
ret; ut totus perimaduerim. Etenim ad me non tam ipſe pertinere judicabam, quàm alii; qui divinam ora-
tionem primùm legendam dederant: *Mirari ſe repe-
riri potuiſſe, qui (Fridericum Pontificis pede calca-
tum) tam præſractè tantaq; verborum petulantia ne-
garent.* Quid enim? an tantus vir mortuis leonibus
barbam velleret; & inſepultum jam diu Remum, vel
alios, de quibus mox dicam, petulantiùs ageret? an in-
ter hujus ævi Pontificios quosdam reperit, ſic depe-
ctendos & deſtringendos ante ora Principum popu-
liq;? Nullos novimus. Unde haud difficulter acce-
debam illis, qui hunc morem jam multis eſſe dicebant,
ut niſi oculos circumferant in Univerſitate noſtrâ, niſi
omnia dicta & facta curioſiùs rimentur, & pro arbi-
trio interpretentur; minùs claros & doctos ſe pu-
tent. Quod hominum genus Plutarchus haud inſcitè
comparat Lamiæ; quæ, ut eſt in fabulis, domi cæcu-
tiit, foris oculatiſſima fuit.

Moneri quidem, ſi quis alius, à viris doctis &
intelli-

intelligentibus desidero, & opto; sed de iis, quæ publicam lucem non aspexere, privatim & per literas; prorsus ut *Philippum* sedentem, & *sub hastâ captivos vendentem*, accessit aliquis, & illi in aurem: *Demitte vestem, Philippe, nam indecorè sic sedes!* Sed hîc aliter se res habet. Insonandum erat, quod displicebat, typographicâ tubâ in omnium aures. Et ut in *mancipium* jacienda interfecti pudoris & *petulantia* convitia; quasi in controversia historica, & nihil ad articulos fidei pertinente, non liceat historiarum Professori, judicii sui copiam facere; vel cum eo sic agendum sit, ut assensum præbeat.

Næ, qui hanc docendi rationem amplectuntur, faciunt id, quod notissimus ille scurra, cui ab *ululâ* & *speculo* nomen impositum: Nam ut ille in aulâ Landgraffii Hassiæ pingendi artem professus, cum aulicos ad spectandas picturas suas admisisset, præfatus est: *Non nisi ex legitimo thoro natos picturas illas videre posse*; simulq; in tabellâ vacuâ nescio quid imaginum monstrabat: Illi autem, ne spurii viderentur, conspicerè se affirmabant id, quod non conspiciebant: Ita ut fidem mereantur isti, non nisi *præfracti* & *petulantes*, affirmativæ nostræ veritatem conspicerè non possunt; simulq; cæteri, ne tales habeantur, καλῶς καὶ σφῶς acclamant; etiamsi, quod videre jubentur, nondum viderint. Hoc non dico, ut illum, qui nos lacesivit, cum vilissimo scurra comparare velim: Nam *magnum, doctum & sapientem virum* arbitror; sed *docenditatio*, quam contra nos elegit, certè eadem est.

Nunc quæ me compellunt, ut adhuc communi

famæ diffidam, fufius explicabo; & unâ, quàm innocentés petiti fimus, omnibus manifestum faciam. *Integrum seculum* est, Auditores, ex quo narratio, de calcato *Friderici collo*, pro fabulâ haberi cœpit: Nam *Aventinum* negativam proposuisse, & ab *Italis* in Germanorum contumeliam confectum pronuciâsse, observavit *V. CL. Conradus Rittershusius* notis ad *Jovii Fridericum* p. 215. 216. Fuit autem *Aventinus* Scriptor curiosissimus, & qui de Pontificibus tantâ libertate scripsit, quâ illi vixerunt. Quin imò *lib. VII. p. 547.* apertè prodit, *Papam esse Antichristum*. Locus prolixior est, quàm ut hîc exhiberi possit. Unde ratio, quæ *Baronium* suspectum facit, non tantùm hîc cessat; sed etiam animas Scriptoris in Pontificem satis perspectus concludere nos jubet, haud fuisse repudiaturum narrationem istam, si firmâ basi sustineri scivisset; Sed pro firmandâ sententiâ suâ de Pontifice Antichristo, accepturum potiùs. Ipse *Rittershusius*, quâ erat diligentia, nihil veteris, nihil recentioris historiæ inconsultum reliquit; ejusdem sententiæ fuisse asserit, alios quosdam prudentiores Historicos.

De *Baronio* Cardinali nihil dicam, cujus rationes & ipsi mihi alicubi frigidiores videntur: Nam quod ait, abhorruisse à tanti vicarii Christi mansuetudine turgens fastu facinus; fidem reperit apud eos tantùm, qui *Petrinæ monarchiæ* superbiam, & Antichristicam impotentiam nesciunt. At qui legerunt, quàm serviliter *Hildebrandus Henricum* Imperatorem habuerit; quàm ignominiosè & nequiter *Cœlestinus*, an *Scelestinus*? *III. coronâ* Imperatoriâ pedibus luserit; vel potiùs quid

quid *Henrico II. Angliæ Regi* ab ipso *Alexandro* factum sit, nunquam hîc audient *Baronium*. Nam de *Henrico* illo præter alios testes sunt *Neubrigensis* & *Mattheus Parisiensis in Henrico II. in A.C. 1174.* cum post occisum non suo scelere *Thomam Archiepiscopum* nudis pedibus peregrinatus esset, nihilominus ex mandato Pontificis in *sacrario*, tanquam in scholâ puerum *virgis pœnam dedisse* à singulis viris religiosis, quorum multitudo magna convenerat, *scelus ternos & quinos* excipientem; *latum* insuper, quod nihil gravius pateretur. Ficulneum igitur, quod de *Alexandri* moderatione scripsit *Baronius*.

Rittershusium porrò è nostris excepit supra laudatus *Dn. Georgius Remus*, qui *A.C. 1625. Id. Jun.* in actu doctorio solenni *dissertationem* hîc locorum habuit, in quâ idem commentum esse putidum, pronunciavit; & fusè docuit. Quanquam nec auctoritas nominis, nec elegantia styli, nec proprius in hanc causam affectus eò me abripiunt, ut in omnibus assensum præbeam. Dum enim asserit, altissimum esse omnium Historicorum *silentium per 300. annos* à *Friderici 2vo* numerandos, id falsum patebit ex *Orvonis* narratione; quam mox afferam. Eodem modo probare non possum, quod inter alios auctores veteres, qui de hoc negotio memorabili nec *μὲν*, nec *2ῶ* quidem. Nominat etiam *Guntherum*, quasi ex illius silentio argumentum capi possit, rem non esse factam. Nam nec *Othonis* capti, nec pacis inter Imperatorem & Pontificem factæ, nec expeditionis Hierosolymitanæ mentionem facit; de quorum tamen omnium veritate nemo

nemo dubitat. Nimirum totam Friderici vitam non perscripsit; sed in *Cremæ excidio*, quod incidit in A. C. 1160. *carminis finem* fecit; atque adeò 30. *annorum historiam reliquit* intactam. Frustrà quoque provocat ad *Nicetæ Chomatii* silentium; cui propositum minime fuit, Friderici fortunam & res gestas exequi; nisi quatenus Orientalibus immixtæ sunt: Hinc alia multa Friderici silet, quæ revera facta sunt. Neque si totum Friderici imperium tradidisset, tam probatu facile, hoc ipsum memoraturum fuisse in odium Pontificis, si contigisset: Nam & inter Græcos fuere, qui Romanam idololatriam, & Occidentalis Ecclesiæ Monacham reverebantur; quod de *Nicephoro Callisto* & aliis constat.

Post Remum eandem negativam propugnavit, qui aliàs typhum Romanum scriptis acerrimis perstrinxit, vir omnis historiæ peritissimus, *Matthias Berneggerus*; qui consulendus est in *Quæstionibus Historico-politicis*, publicæ censuræ subditis A. C. 1626. Respondente *Roberto Königsmanno*.

Ex his satis apparet, non pruritu quodam ingenii novitatis cupidi, neque juvenili temeritate eò adductum, ut negativam publicè proponendam susceperem; sed rectè atque ordine, relictis Maniis, & plebejs Scriptoribus; cum eruditissimis Philologis, Historicis experientissimis, luminibus & columinibus reip. literariæ sensisse, atque scripsisse, & jam in auctorem recidere convitia, quibus nos affecit. Nihilominus cum me tintinabulum istud excitasset, necessarium quoque duxi, per literas consulere viros & dignitate

gnitate illustres, & doctrinâ omne seculum provocantes; ut quod eorum hâc in re iudicium esset, cognoscerein, & vel emendarer, si quid excidisset *petulantius*; vel novas pro defendendâ veritate vires acquirerem. Non enim rem confecerat *Stella*, quem stipem omnem tam anxie poscentibus, & quovis ex lacu trahentibus piscem ultrò indicaveram; nec poteram voluntatem meam submittere illi, qui dictaturam quidem serjò exercet, sed non ex Senatusconsulto.

Igitur inter eos, qui conatum nostrum honestissimo applausu prosecuti sunt, primus *Vir Magnificus & Nobilissimus, Dn. Georgius Richterius, Universitatis nostræ Procancellarius meritissimus* hunc in modum d. 17. Decembr. A. C. 1643. rescripsit: *Fabulam illam de collo Friderici Barbarossæ Imperatoris, ab Alexandro III. Pontifice Romano pedibus calcato, quam nonnulli pro historiâ credi sibi postulant; nihil ominus quàm historiam esse, veritatis historicae probè gnari verè norunt. Ejusmodi fabulas in omnibus fere historicis Græcis & Latinis pro historiis sæpe recitari; & hoc genus erroris esse vulgatissimum, etiam in auctoribus probatissimis olim me annotare memini; de quo forsân alio tempore, aut etiam publicè aliquando plura mōnere licebit. Tu interim pro dexteritate tua veritatem vindicare perseverabis; & mox in literis iisdem: Dilherrus noster tuas cū legit, sententiam quoque tuam etiam atque etiam laudavit. Hæc mens, hoc iudicium illorum virorum, qui etiam in eruditissimi sæculi luce sic eminentes (ut pura nocturno renidet*

Luna mari Gnidiusve Gyges)

Judi-

Judicam partes de studiis historicis desumere sibi possunt.
 Tam petulans quidem non sum, ut ex honorificis maximorum virorum responsis aliquid esse me putem; dignumq; censeam, qui more nuper animadverso, pingar in una tabella quater; sed neque cornea mihi fibra est, ut cum hoc ipsum, quod magnus Clericus rejicit, tantis viris placuerit, non læter ex animo. Nam & Hectori Priami judicium instar trophæi fuit; & apud *Nævium* notissimum illum versiculum expressit:

Latus sum me laudari abs te, pater, laudatio viro.

Extra civitatem nostram, qui huic ipsi sententiæ subscriberet, fuit *Thomas Reinesius*; qui quàm auctores veteres novos haud inspiciat limis, pulcherrima ejus monumenta, quibus bonam publicum hætenus adjuvit, satis testari possunt. Is in literis ad me scriptis 10. Jun. A. C. 1644. nunc ὁλοσίγημα καὶ σαπὲν μυθώριον, id est, *merum nugamentum & putidam fabellam*; nunc ψεῦδος ἐκ παραγάνων commentum puerile appellat. Et hæc est doctissimorum virorum sententia, cui si clangore terribili simul abreptus obstrepam, verè præfractus, verè petulans ego sim; imò, quicquid est præfractorum, quicquid est petulantium, excedam.

Quod verò ad conficiendam rem præcipuum est, id post allatas auctoritates modò suscipiam, hoc est, rationibus agam,

Adversus, recta quæ sunt contraria menti,

somnia, quæ qui vis sibi jam spontanea fingit.

Ac primum quidem sic argumentor: Cuicunque narrationi appositæ notæ, A JUN T, FAMA EST, FANDO ET ORE VULGI SALTEM ACCEPI-

CEPIMUS; ea uti commemorari potest, ita pro certâ & fideli sive approbatâ nec accipi potest nec debet. Hoc volunt omnes, qui legitimam historiam condiderunt; ut *Herodotus in Melopomene*, fabulam de Psyllis relaturus, ea, QUÆ AFRI PERHIBEANT, se memorare ait; & in *Polymniâ*, toti suæ historiæ patrociniū parans, ego, inquit, QUÆ FANDO COGNOVI, exponere narratione meâ debeo omnia: Credere autem vera esse omnia non debeo. Similiter *Pausan. lib. VI.* ait: Ea quidem, quæ vulgârunt hæc de re Græci, necesse habui commemorare: Credere verò omnia nulla res me cogit. E Latinis *Curt. lib. IX. c. 1. §. 34.* hunc in modum: Equidem plura transcribo, quàm credo: Nam nec affirmare sustineo, de quibus dubito; nec subducere, QUÆ ACCEPI. Rationis vim statim agnoscunt, quibus ingenium famæ perspectum est; quoniam illa, ut (*Tertull. in Apologet. c. 7.* ait) ne tunc quidem, cum aliquid veri asserit, sine mendacii vitio est. Sive ut *Curt. lib. IX. c. 2. §. 14.* regerit: Eâ tradente omnia majora sunt vero. At talis est narratio de Friderico Barbarossâ, quod ex antiquissimo Scriptore (cujus auctoritatem frustra pro sententiâ suâ advocat *Hieronymus Bardus*, uti observationem *Bardi Besoldus* noster in *Synopsi majore*) probare possum.

Is est *Ouvo*, *Ravennas Presbyter*, qui cum *lib. VII. & VIII. Hist.* res inter Alexandrum & Fridericum gestas, tum adventum hujus Venetias & solutionem à vinculo anathematis enarrâisset: Quibus pactis, inquit, *Cardinales iidem, ut injunctum eis fuerat, Imperatorem*

ratorem ad D. Marci delubrum, ubi cum Pontifex operiebatur, deduxére; cumq; ad Pontificem pro foribus templi sedentem accessisset, dejectá ex humero fulgente chlamyde, posito cum genu adoravit. Mox ad pedes provolutus, eosq; exosculatus FERTUR insultanti Pontifici, & propheticum carmen, Super aspidem & basiliscum ambulabo, & calcabo leonem & draconem enunciante, non Alexandro, sed Petro id tribuere, pervicaci dicto respondisse: Pontificem deinde & sibi & Petro cessum ingeminásse; ac tum demum ad complexus mutuos, & par osculum admisisse; conclamantibus undique omnibus: Deo laudem esse deferendam. Hæc Ouvo, Scriptor ævo proximus.

Secundum quæ interpretari debemus eâ, quæ affert idem apud Hieronymum Bardum in lib. quem Besoldus noster citat p. 149. nimirum ex famâ saltem memorari. Quod si ergò Scriptor, quo antiquiorem non habemus, & quidem Italus, qui omnia certius cognoscere potuit, hanc rem spondere noluit, ut loquitur Senec. lib. IV. Nat. Quest. 3. sed narrationi incertitudinis notam adjecit; eò magis fas erat id facere tot ætatibus posteriores, Jacobum Philippum Forestum Bergomensem monachum, Ordinis S. Augustini in Supplem. Chronicorum, Angelum Politianum in Oratione clarorum virorum ad Alexandrum VI. Joh. Naucleum Chron. volum. III. generatione 40. f. 235. Joh. Stellam Sacerdotem Venetum; qui vitas CCXXX. summorum Pontificum dedicavit Dominico Cyrimanno, Patriarchæ Aquilejensi; & qui hos secuti sunt, Lutherani, Calviniani, Pontificii, magno numero.

Sic

Sic ad eos, qui in propagatoribus incum-
bit, ut antequam perirent, istos nos premant, eos-
dem accurate prius examinent; ne, qui alios falsita-
tis arguunt, deorum, vel potius ipsi. Cautior hac in
parte *Marci Trivulzii Sabellici lib. VII: AD-*
DUNT QUIDAM, Pontificem collo Caesaris prostra-
ti pedem imposuisse, coepisseq; interim Davidicum illud
canere: Super aspidem & basiliscum ambulabis!
Notum est carmen. Tunc Eridicem in gentes alentem
spiritus dixisse: Non tibi, sed Petro! cui Alexander
irata simile, impressa formis plantâ, & mihi & Petro!
responderit. Ferunt Dominica ascensionis die id factum.
Hæc Sabellius.

Modestior etiam hinc *Paulus Jovius*, tali modo:
itaque pacificatore *Zeno*, Venetorum Principe, Impe-
ratorem ad pedes suppliciter projectum Pontifex præ fo-
ribus *Marciani* templi rursus exivit; in gratiamq; rece-
pit. *TRADUNT SCRIPTORES, Pontificem ante-*
acta calamitatis sua memorâ osculanti pedem, contractâ
fronte, hoc Davidicâ carmen protulisse: Super aspidem
& basiliscum ambulabis, & conculcabis leonem
& draconem! ut dormita superbi animi ferocia ne-
quaquam humaniter illuderet; ad quod Caesar tam pie
quam graviter respondenti vultu responderit: Non tibi,
sed Petro!

Quinimò eadem diffidentia *Petrus Justinianus*.
Patricius ac Senator Venerus lib. II. pag. 49. edit. prim.
Venetæ anno 1560. vel pag. 27. edit. Argentorat. an-
no 1610: Alexander, autem, inquit, Eridici collo plan-

ta superposita, Davidicum illud protulisse DICITUR. Quod in tanto Scriptore cum primis notandum est. Existimavit vir quidam magnus, ideò majorem fidem habendam *Johanni Stella Veneto*, quod ex patriæ Archivis de veritate hujus historiæ optimè illi constare potuerit. At hoc in Archivis illustrissimæ reip. Venetæ reperiri dubitare nos facit *Justinianus h. l.* quis enim credat Sacerdotem potioribus monumentis instructum, quàm Senatorem? Sacerdotem locutum ex Archivis, Senatorem ex ore aliorum, & famâ tantum? Næ uterq; ab Archivis hîc destitutus est; quod *Justinianus* profitetur haud obscurè.

Hunc denique præter alios excepit *Franciscus Modius* in augustissimo *Pandectarum Triumphalium* opere *lib. II. cap. 1.* ubi, postquam commemoravit, quàm suave spectaculum Venetiis præbuerint, se invicem alloquentes Imperator & Pontifex, AD-
DUNT QUIDAM, inquit, *Pontificem, quasi ita illum expiaturum collo ipsius prostrati pedem imposuisse, cœpisseq; interim Davidicum illud canere &c.*

Parum hoc, scio, attendendum putant, qui ad obtinendam affirmativam, omnes vires suas, omnes machinas adhibent; sed in historico veritatis studio, si quid requiritur, hoc requiritur; ut adjectas istas *dubia mercis notas* ne negligat: Secus si facit, & narrationes quasvis cum certis & approbatis conglutinat; quid erit tandem historia, nisi *παραρρηγία ἀναζαροεινή*? Quidvis prodibit è quovis, & omnia deniq; vulgi somnia in veritatis possessionem irrepent.

Sed jam animadverto, quid non nemo dicturus sit.

fit, nimirum haud semper errare famam; quod Tacitus censuit in *Agricola cap. 9. qui & lib. II. Hist. c. 50.* de se testatur, ut conquirere fabulosa & fictis oblectare legentium animos nolit; tamen vulgatis traditisq; demere fidem se non audere. Nos autem hîc monemus, ut diligenter ad animum revocetur, fuisse tûm καὶ πρὸς περὶ ποιοῦσας, tempora portentiloquiorum, ut vocat Casaubonus *Prolegomenis in Exercitationes Baronianas.* Scissus erat Christianus orbis in Gibellinos & Guelfos, celebratiora vocabula; ut Brunner. ait lib. XI. p. 13. quam quæ Circensibus olim nataludis Romanæ urbis studia, veneto prasinoq; colore distraxerunt; & ab his factionibus spargebantur & dissipabantur tum pleraq; quæ adversariis dolorem paritura spes erat. Nihil igitur periculosius, quàm vel tantillum dare temporum istorum famæ. Qui enim hoc ipsum fecerunt, nec, uti fas erat, præternavigarunt factionorum rumorum scopulos, veritatis fecerunt naufragium; & historiam multis fabulis conspurcârunt.

Docet hoc Sigonius, seculi Scriptor doctissimus, lib. XIII. *Hist. de Regno Italiae p. 307.* ubi: Gibellinorum & Guelforum nominibus, ex vetere Germania dissensione desumptis, exitiales Italici factiones manârunt. Quæ sub Friderico patre exortæ, neque omnino post sub Henrico filio oblitteratæ, demum sub Friderico nepote effusius erumpentes, ingentes in multos post annos strages in Italiâ edidere. QUÆ HISTORIA STUDIIS SCRIPTORUM STILO HAUD SECILIUS INTER SE, QUAM ILLI GLADIO

DECERTANTIUM EST CORRUPTA.

Quamobrem nihil inverecundè vel petulanter agimus, si famam illius ævi, quo scripsit *Onvo*, prorsus non admittimus. Et hoc *secundum* nostrum *argumentum* est.

Ipsè *Sigonius* hanc ipsam *narrationem* de *Friderici* collo à *Pontifice* calcato, & adjectis *Psalmographi* verbis, à *factiosis confictam* indubiè credidit. Nam *lib. XI. p. 534.* ubi omnia κατὰ λέξιν; sive, ut loquitur quidam ex *Augustæ* historiæ scriptoribus, ad *fibellam*; & quod cum primis notandum ex ipsius *Alexandri* literis 7. Cal. August. ad *Abbatem Cassinatem* ex *Rivoalto* datis exequitur, hoc tam grande silentio præterit.

Respondet vir doctus, non prorsus præterire; sed ad *Alexandri* facinus respicere illis verbis: *Inimicitias Friderici non tam moderatè exercuit, quàm fortiter superavit. Quæ mea tarditas est, tam subtile non capio: Quia Friderici inimicitias Alexander fortiter superavit: Ergò non prorsus dissimulat Pontificem calcasse Cæsarem.* Explicet mihi consequentiæ rationem alius; me enim prorsus latet. Fortiter *superasse inimicitias*, annon *Sigonio* dici potuit; qui post diutinum bellum ope *Venetorum* cò *Imperatorem* tandem adegit, ut secum pacem faceret; & legitimum Pontificem agnosceret. Quid? quod in hisce verbis *Sigonius* cum *fortitudine* simul *Alexandri moderatorem* commendat; unde *simplex* ego colligerem prorsus contrarium, *rectè negasse*, quod de *Alexandri* in *Fridericum* impotentiâ vulgò dicitur.

Et quando in *silentio* insignium aliquot monumentorum & Scriptorum argumenti nostri tertii visita est, de illo nunc agendum est. Primum advertendum monui, quod *Sigonius* ait, se, quæ post Imperatoris ingressum in Venetorum urbe gesta sunt, omnia referre ita; prout *Alexander ipse literis* mandârit. At in eâ narratione nihil de calcato collo, nihil de Psalmographi verbis. Secundò non tam leve, quod ad *bibliothecam Vaticanam* *Baronius* provocat, ac tot iudiciis obnoxium se facit, quot *Italis, Germanis, Gallis, Belgis* ad hunc usque diem insignis illa bibliotheca potuit; in eâ tacere scribit testes *actorum MSS. Alexandri*; ut & *Romualdum, Archiepiscopum Salernitanum*, Longobardico caractere exaratum. Silet prætereà *Bartholomæus Platina*, historiæ Pontificiæ *Suetonius*; silet *Gilbertus Genebrardus*. Et ex Germanicis Scriptoribus, qui ante annum 1450. vixerunt & scripserunt; ne unum legere memini, qui hoc ad totius Germanicæ nationis ignominiam pertinens notaret. *Siffrius* (ut rectè observat *Remus*) *Theodorici Marchionis*, quem Pontifici se opposuisse volunt, cùm pedem collo Cæsaris imponeret, sæpè meminit; at huius facti nusquam meminit: Unde vanam esse apud Italos famam, quam alii saltè retulerunt; alii, ut veram certamq; secuti sunt, nemo non intelligit.

Non ignoro doctissimorum virorum responsum ad hæc omnia, nullius momenti argumentum esse, ab auctoritate negatâ; sed addunt alii, licere, supposito, quod auctor rem perfectè tradiderit; unde

Philosophi hanc argumentandi rationem admittere solent. *Aristoteles lib. VI. Eth.* Non recenset aliquem sextum habitum instrumentalem, à reliquis distinctum; ergò talis non datur. Deme, si potes, Philologis & Historicis id genus argumenta; vix unam vel alteram spuriam narrationem à genuinâ discernere poterunt. Romanos Alexandrum magnum legatione veneratos esse, *contra Memnonem cap. 24. Plinium lib. III. cap. 5.* negant cum *Arriano lib. VII.* quòd eâ de re fileant, non solum Scriptores Romani omnes, sed & *Ptolemaeus* & *Aristobulus*, Historici; uterque Alexandri socius, alter etiam dux, & postea Rex Ægypti. Sic in illis controversis de *legibus Justinianeis per Lotharium* reductis, de *institutione Electorum sub Ottono III.* quas suprà tetigimus; sic in aliis argumentantur alii. Quid dicam de frequentissimo argumenti hujus usu in revellendis Pontificiorum nugis? verbi gratiâ, cum cōfutant putidissimam illam, sed ordini sacro valdè lucrosam, & ob id innumeris auctoribus asseveratam fabulam de *Lauretano cubiculo*; in quo B. Virginem & natam & educatam, ab Angelo salutatam, à S. Lucâ depictam; quodq; *Nazarethi* per annos mille incolume, suis denique fundamentis avulsum, *tenuis per auras* terq; quaterq; bajulatum, in *Italiâ* consedissee volunt? nonne inter argumenta potissima deprocuritur istud: Cubiculi hujus non *Clemens*, non *Dionysius*, non *Polycarpus*, non *Ignatius*, *Irenæus*, *Eusebius*, *Ruffinus*, *Theodoretus*, *Sozomenus*, *Socrates*, *Hieronymus*, non alii vetustiones mentionem faciunt: Ergò fabulosa ista narratio est. Adcun-

dus

dus Berneggerus in Demolitione idoli Lauretani,
 cap. 6.

Sed & in specie, quid de singularum sententiâ
 judicem, neque dissimulare debeo, neque volo. Quod
 de Pontifice ipso diximus, rident, ut absurdum; quòd
 scilicet existimemus, ipsum dedecus suum Abbati
 Cassinati commemorare potuisse! At certiore eun-
 dem facere minimè verecundatus est; solennem, quæ
 ab Imperatore Pontifici debeatur, reverentiam sibi
 atque obedientiam præstitam; Imperatorem pios
 pedes inclinatum osculo veneratum, ascendenti etiam
 strepam tenuisse, ut Sigonius nos docet. Quid? quod
 secundum opinionem vestram Ouvoni (sive Ononi)
 in conspectu tot millium, in civitate nobilissima pru-
 dentissimaq; facere potuit, id ad Abbatem privatim
 scribere minimè sustinuit?

Contra Acta MSS. vir clarissimus arripit id,
 quod confessus est Baronius: *Non esse integra, sed
 truncata, & sine carere.* Quod si ergò, inquit, in illâ
 parte, quæ injuriâ temporis periit, illa ipsa de suppres-
 sione cervicis Imperatoriæ fuerunt annotata, ut ap-
 pareret; suspicatus est fraudulenter hîc egisse Baronium,
 qui pro integrâ laudavit illam partem, quæ continet
 Acta Venetiis inter Fridericum & Alexandrum. Sed
 non sufficit suspicari, ubi de alterius famâ agitur, de-
 cet scire.

Secundo ex iisdem Actis conatur hujus rei judi-
 cium exhibere, ubi Friderici legato sic respondet A-
 lexander: *Si inter oves, quas Deus B. Petro pascendas
 commisit, vult numerari, quid amplius differt eidem*

Principi Apostolorum cervicem suam flectere, & catholica unitati se aggregare? In hoc non semel offendit vir doctissimus, qui existimat, ex communi observantiæ genere, Pontificibus exhiberi solito, colligere nos posse id, de quo controversitur.

Sic & Romualdum Salernitanum eidem illius rei indicium facere videtur in istis verbis, à Baronio citatis: Cùm ad Papam appropinquasset Imperator, tæctus divino spiritu, Deum in Alexandro venerans, imperiali dignitate postpositâ, rejecto pallio, ad pedes Papæ totum se extento corpore inclinavit. Eodem modo capit Platina verba: Imperatorem pedes Pontificis in templo Marci osculatum fuisse. Eodem Genebrardi lib. IV. Chronic. quæ sunt: Fridericum Imperatorem ad pedes Alexandri III. petentem excommunicationis absolutionem, procubuisse. Eodem verba Johannis Capistrani, qui floruit circa annum 1385: Confiteantur Teutonici, Imperatorem decere cervicem submittre pedibus Pontificis. Quæ nihil aliud volunt, quàm hoc: Fas esse, ut Imperator inclinatâ cervice prosterнат se, & involvatur pedibus Pontificis; quod etiam à Friderico, cùm absolutionem peteret, factum libenter profitentur.

Imò Paulus IV. Pontifex picturæ adscribi jussit, Josephi Salviani nobilissimi artificis penicillo factæ: Alexander Pápa III. Friderici I. Imperatoris iram & impetum fugiens, abdidit se Venetias. Cognitum & a Senatu per honorificè susceptum; Othone Imperatoris filio navali prælio à Venetis victo, captoque, Fridericus pace facta super lex adorat, fidem & obedientiam pollicetur.

Ita

Ita Pontifici sua dignitas, Veneta Reipublica beneficio, restituta. Hoc igitur minimè negant, tanquam frequenter fieri solitum & ab aliis.

Sic enim *Lotharius Saxo*, cum coronam acciperet, ad pedes se Pontificis abiecit, & ob id Romanistæ post ejus discessum in palatio *Lateranensi* picturam cum hâc inscriptione posuerunt:

Rex venit ante fores, jurans prius urbis honores:

Post homo fit Papa, sumit quo dante coronam.

ut est apud *Radevicum* lib. III. c. 10. Eodem modo *Carolus VIII. Galliarum* Rex pedibus *Alexandri VI.* advolutus, eosq; osculatus est; tum & missam celebranti ministravit aquam, ut est apud *Guicciardum* lib. II. Eundem honorem *Carolus V.* habuit *Paulo III.* de quo proinde carmen hoc extat:

E Lybiâ advenit Romanas victor in arces

Cesar, & in niveis aureus iuvit equis.

Ille triumphavit: Sed tu plus, Paule, triumphas:

Victor namque tuis oscula dat pedibus.

Simile est, quod alii pedes inservierunt stratoris officio, ac lavâ dextraq; fratum equi Pontifici tenentes, eum per urbem magnâ cum pompa deduxerunt. Imò, quod ipsum *Fridericum* fecisse jam à *Sigonio* diximus. Antichristicum quidem hoc, & contra humillimi Salvatoris & Apostolorum omnium praxin; sed ex eo concludere non possumus, factum etiam id, quod *Aventinus*, *Baronius*, *Rittershusius*, *Remus & Berneggerus* negârunt. Sunt enim longè diversissima: Grave prostratum ante pedes servi jacere Domini; sed longè gravius, eundem calcare Domini

collum; & insultare præterea ex Psalmo, comparare (tot millibus audientibus) cum aspide & basilisco, & leone & dracone.

Ait quidam vir magnus, plus quàm probabile, Pontificem, qui ab Imperatore postulavit, ut cervicem suam Principi Apostolorum Petro flecteret, postmodum collo ejus pedem imposuisse, additis verbis: *Es mihi & Petro.* Sed profectò fallitur, si credit, hæc tam faciliè admitti à cautioribus Historicis; nam hi non attendunt, *quid fieri potuerit, sed quid factum sit.* Et si usquam, hîc locum habet illud Philosophorum: *à potentiâ ad actum nullum esse consequentiam.* Nisi, inquam, genuina monumenta statuunt hoc factum, factum dicere non sultinent; etsi fieri potuerit.

Denique quicquid assertur argumentorum, à silentio petitorum, vir maximus convelli posse putat ex eâ ratione, quam *Ranulphus in Polychronico* reddit in silentio Scriptorum de Johannâ Papissâ: *Propter deformitatem facti, hæc historia, inquit, ab aliis est omissa.* Verùm longè diversa hîc ratio est. Illud alterum, quod *Ranulphus* cum aliis refert, in verum ruborem dedit omnes; nemo non dedecoris agnoscebat magnitudinem: Hoc verò Alexandri III. si verum fuisset, non erat, cur ob deformitatem silentent; loquor ex Pontificiorum mente. Nam ex quo Hildebrandus potentix Papalis adstruendæ ergò cœlum terræ miscuit, jura divina atque humana fusque deque habuit, jamq; omnis consumtus fuit pudor; insolentissimum adversus Fridericum facinus, nec ipse, qui commisisse dicitur; nec alii dubitassent narrare; sed

sed & insuper, ut alia, viribus omnibus propugnassent.

Certè de *Baronio* sic judicat *Casaubonus* in Prolegomenis: Fateor, inquit, non probari *Baronio* in anno 1177. quòd *Alexander III. Friderici Imperatoris*, prostrati ad pedes suos, cervices pedes presserit, & calcaverit. Sed addo: Propterea de illo facinore fædo liberiorius ab eo pronunciari, quia non putavit esse veram historiam. Nam si putasset, rem gestam fuisse, laudasset procul dubio, non reprehendisset. Quare enim *Alexandrum III.* vituperaret, pedibus Imperatorem suum calcantem; quia *Celestinum III.* pedibus ignominiosissime & nequissime ludentem coronâ Imperatoriâ, non veretur laudare, & factum tam immane defendere? Et cogitet hîc vir magnus, quòd ipse scripsit, testes suos, quos produxit, Pontificiâ religioni fuisse omnes addictos. Fuere certè monachi, præpositi, sacerdotes; quos quis credat pro dedecore habuisse, quod narrarunt? Narrarunt potiùs in ipsius Pontificis honorem, ut ejus auctoritatem & eminentiam supra Imperatorem huic negotio inædificarent. Non igitur hæc silentii causa, quam dedit vir clarissimus.

Et hæc sunt, quæ pro defensione meâ afferre debui; quibus si quid contra *virum benè meritissimum* miscui, id sine livore, sine felle dictum accipi volo; veneror enim, ut par est, heroem illum, cujus laudes silere præstat, quàm paucis dicere; licet nec multis opus sit. Satis enim loquuntur scripta, cum Ecclesiâ in his terris duratura. Quicquid fecimus, ex reipublicæ literariæ privilegio fecimus; in quâ sentire, quæ velis,
 & quæ

& quæ sentias, dicere licet; verbis Taciti lib. 1. Hist. c. 1. Ex eo multi à sanctissimis Patribus discessionem hodiè fecerunt, & eorum etiam in historicis hallucinationes pueriles vocare ausi sunt. Vide, quæ collegit Reinesius de Lingua Punicæ c. 13. Quamvis enim Baronius alicubi hoc agat, ut Ecclesiam Catholicam philologicarum questionum & controversiarum constituat Judicem supremum; tamen ei sapienter Casaubonus Exerc. XIV. p. 239. reponit: Scio, Ecclesiam Dei esse columnam, & firmamentum veritatis; sed illius utique veritatis, quæ scripturis divinis continetur declarata, in qua salus est æterna posita; quæ constans est, certa, immutabilis, æterna; quam negare, hæresin est committere: In istis philologicis questionibus nulla versatur hæresis, nulla absoluta necessitas vel sic vel aliter sentiendi.

Cæterum alteri, cui nos in *Altorphinâ* nostra saltem pepones ac fungi sumus, si ex sententia non sumus locuti; hunc ego cogitare velim, quod Scaliger ep. 1. dixit: *Contumelias homines probos & constantes non labefactare quidem; tamen concutere, ac somnos rumpere; ut culex stridens, aut mus leonem expergefacerit.* Vos quod attinet, qui alium hæc in re audire mavultis, quam me; nihil moror. Quæ enim hoc molestum mihi sit, qui nisi ratio veterum lectorum reddenda fuisset, de hæc controversiâ non vertissem manum. Sed id tamen moneo, ne faciles sitis in accipiendis omnibus, quæ in *Archæis* reperiri dicuntur; supersunt enim in *Æneæ* posteris, ut multi boni viri, sic etiam nonnulli, qui *Transalpinos* putant carere judicandi facultate.

Audio

Audio *Fortunatum Olmum* extare, qui rem ex monumentis & Archivis reverà factam afferat; quem ego nondum vidi, licet aliquot locis sollicitè requisiverim. Valdè vereor, ut meliora proferat quàm *Hieronymus Balbus*, quàm alii. Cogitate, quid in eorundem temporum ejusdem aevi, ejusdem nationis & personarum historia factum sit! Commemorabant nobis ex Archivis & annalibus re publicæ Venetæ, *Alexandrum III.* Pontificem post Austre prælium navale, quo *Sebastianus Zianus Olmum*, *Friderici* filium superavit, cepitq; eundem Ductum humanissimè complexum, victorismq; gratulatum; inde ei *annulum aureum* porrexisse cum his verbis: *Accipe, Ziane, hunc annulum, & me auctore hoc mare tibi Venetiæq; omnium desponsato; quod & tu & futuri Principes quocumq; stato die in perpetuum servabitis.* Inter eos, quod mirere, fuit ipse *Petrus Justinianus*, cujus nomen velut horribilem Gorgona nobis obvertere au-
fi sunt.

At paucis abhinc annis edidit *Josephus Laurentius* libros *Polymathias*, in quibus hoc fallum esse edocet; & ad *Dominici Molini*, Patricii ac Senatoris Veneti, auctoritatem provocat. Verba sunt lib. I. c. 2. illius: *Incorruptiora serenissima reipublica monumenta, quæ tibi, Senator Amplissime, aquile in nubibus, probè cognita, planeq; perspecta sunt, multò antè, quàm in urbem vestram se reciperet Romanus Pontifex Alexander, desponsationem istam celebratam, tradunt. Habent illa scilicet, tum primum eam celebrari coeptam, cum primum armis incincti majores vestri clarissimi, ad eamq;*
for-

fortissimi viri, Adriatici maris imperii jure belli aquis-
simo potiti sunt. Quod tunc temporis accidisse constat,
cum totum illum maris tractum desertum ab omnibus
ob imperii lapsum, solisq; piratis pervium sic arma Ve-
neta repugnârunt, ut tutam in eo præstiterint; cunctisq;
patentem ac liberam impofterum navigationem. Quod
cum Romani Pontifices, Casares etiam ipsi, aliq; terra-
rum orbis Principes cognovissent, & id ipsum rectè fa-
ctum confessi sunt, & apertè semper & candidè compro-
bârunt. Hæc ille. E quibus manifestum est, sæpè
magnis viris imposuisse annales vel corruptos, vel non
vetustos admodum. Et ob id clypeum non statim
abjicio, si quis contra me Archivorum & monumen-
torum nominibus ipso sono tremendis subfarcina-
tus incedat.

Sed nunc abiturientem nescio quis insequitur à
tergo: Heus tu, quid de auctoribus sentias, audivi-
mus; de *pictura Veneta* in conclavi, quòd dicitur
Il gran consiglio, ne verbum quidem; hoc potissimum
est, quod urgemus. Agnosco, me oblitum esse dice-
re, quod volebam suprâ. Igitur de *pictura* sic habe,
fuisse ejus usum apud veteres ad propagandam rerum
memoriam (*Casaubonus ad Spartianum p. 124.*) sed
tamen, ut poëma, pio fallaci & lubrico argumento
semper habitam. Nam pictores haud pauciores fa-
bulas dedere, quàm ipsi Poëtæ. De *Marco Valerio*
Romani Scriptores *non miâs* scribunt, auxilio *corvi*
vicisse pugnâ singulari *Gallum*; quos decepisse picto-
res, qui *Valerium* pinxerunt, *galeam* gestantem, *cui*
corvi signum superadditum, docet *Vossius lib. I. de Idol.*

cap. 27. A pictoribus dependent omnes mythologia, & falsus de Diis sensus; ut *Josephus* docet lib. II. contra *Appion*. Nec dubito, quin pictores *Gnelfica* factionis, fallacis istius famæ de *calcato* *Cæsaris* collo potissimi auctores sint. Id olim dixeram & postea in literis, quas supra laudavimus, nobis accessit *Reinesius*.

Homines belli & festivi *picturam* quandam *Byzantinam*, quæ explicaverat miserabile fatum *Absimari* & *Leontii*, conspexerant; & nescio quàm convenienter, transtulerunt huc. Sic enim *Siffridus* in A. C. 689: *Utrumq;* (*Absimarum* & *Leontium*) cepit (*Justinianus* Imperator) & eorum corda calcavit, populo acclamante: *Super aspidem & basiliscum ambulabis!* & sic decollati sunt. Extat etiam *Heraclii* numus, quem quondam ita dederunt *Lipsius* lib. III. de *Cruce* c. 16. & *Octavius à Rosberg*, p. 270. ut verba non satis intelligas; dabo hic magnam partem integram. In alterâ parte conspicitur *Heraclii* caput, & circumscriptum est: ΗΡΑΚΛΕΟΣ. ΕΝ. ΧΩ. ΤΩ. ΘΕΩ. ΠΙΣΤΟΣ. ΒΑΣΙ. ΚΑΙ. ΑΤΤΟ. ΡΩ. ΝΙΚΙΤΗΣ. ΚΑΙ. ΝΟΜΟΘΕΤΗΣ. ΑΕΙ. ΑΥΤΟΥΣΤΟΣ. Id est: *Heraclius* in *Christo* Deo fidelis Rex & Imperator Romanorum, victor & legislator semper Augustus. In medio: ILLUMINA VULTUM TUUM DEUS. Et in luna: SUPER TENEBRAS NOSTRAS MILITABOR IN GENTIBUS. Altera pars repræsentat *Heraclium*, currui triumphali insidentem, & in medio scriptum: ΔΟΞΑ. ΕΝ. ΤΥΣΤΟΙΣ. ΧΩ. ΤΩ. ΘΕΩ. ΟΤΙ. ΔΙΕΡΡΗΞΕ. ΣΙΔΙΡΑΣ. ΠΙΛΛΑΣ. ΚΑΙ. ΕΛΕΥΘΕΡΩΣΕ. ΤΗΝ. ΑΓΙΑΝ. ΒΑΣΙ. ΗΡΑΚΛΕ. Id est: *Gloria* in altis-

sumis

*simis Christo Deo dirupit, ferreos postes, & libera-
vit sanctum regnum Heraclii. Circumscriptum: SU-
PER ASPIDEM ET BASILISCUM AMBULAVIT, ET CONCULCAVIT LEONEM
ET DRACONEM. Qui numum habet, sciet,
quid à nobis præstitum sit, & pro η in σιδνεῖς, item
& pro υ in πύλας, ἐλευθέρας pro ἡλευθέρας. Stupe-
bunt, qui hujus ævi monumenta viderunt nunquam.*

Sed ad rem: Ex his cognoscimus, verba Pseu-
mographi temporibus illis pro triumphalis acclama-
tionis formula, tum recepta, in hoc etiam negotio per
adulationem & insolentiam Italarum, addita picturæ;
qua Fridericus Alexandri pedibus advolutus conspi-
ciebatur. Sed, ait non nemo: Nobilissimam Veneto-
rum remp. tragediam istam solenni & publica pictu-
ra non fuisse exhibituram, nisi à se reverà fuisset spe-
ctata. Miror tantas ceremonias & elegantias erga il-
lustrem rempublicam Veneram. Eam, uti quoque res
in communem hostem fortiter gestas, & sapientissi-
mam gubernandi rationem debitâ observantiâ prose-
quor; ita rursus scio fuisse *Friderici hostes*, fuisse vi-
ctores. Da mihi victorem quamvis modestissimum,
qui nullum additamentum victoribus indulgeat. Ro-
mani, qui modestissimi videri volebant, qui vim for-
tunæ reputare se dicebant, & omnia subjecta esse mil-
le casibus; quid non permiserunt in urbe suâ? loqui-
tur hodieq; Roma, quamvis ruinosa. Lepidum est,
quod de *Attila* scribit Suidas: *Mediolano capta, cum
vidisset depictos Romanos Imperatores in thronis seden-
tes, Scythas autem interfectos, & ad pedes ipsorum pro-
stratos;*

fratos; pictorem quarens, jussit loco interfectorum pingi Romanos Imperatores, sacculos ferentes, & aurum fundentes ad pedes ipsius. En, mi homo, hæc fiunt in picturis.

Henricus VI. Friderici Ahenobarbi filius, ante susceptam expeditionem Asiaticam, Rex inauguratus, cum uxore Imperator Augustus coronatur Romæ A. C. 1191. Manibus Celestini III. mortuo Wilhelmo, Rogerii filio, Apuliam & Calabriam & Siciliam recepit A. C. 1193. Jordano, Siculorum nobilissimo, reo ambitus, diadema regium clavis in verticem suffixit, acerbè cavillatus, compotem eum voti factum; & amittendæ, cui tam imprudenter inhiârît, coronæ securum; & quæ alia refert Brunner. lib. XIII. pag. 588.

Expeditionem sacram suscepit, exercitu valido in Palæstinam misso, anno 1197. Sed cum res Christianis jam ex voto succederent, repente afferuntur ferales literæ de morte Henrici Imperatoris; quæ accidit in A. C. 1197. ad diem 3. Cal. Octobr. Alii ab uxore veneno sublatum, alii inter venandum morbum contraxisse, volunt.

Ejus elogium hoc est apud Brunnerum p. 591. dicto loco: Maximiani Princeps, & Germaniæ imperium, si vita longior obtigisset, in eodem gloria fastigio repositurus; quo Caroli M. immortalis virtute ascenderat. Jam Orientem quoque sui nominis fama compleverat; quicquid terrarum inter Epidamnium & Thessalonicam interest, ab Alexio Comneno ausus reposcere; & si pacem vellet, eidem imperare tributum, Ale-

mannicum ab indignabunda Græcia dictum; ad cuius summam conficiendam neque Regum tumultus Alexius pepercit. Summum reipublicæ studium Nicetas Choniates in eo commemorat, cui dies totos ita impenderit, vix ut spatium curandi corporis sibi relinqueret; raroq; prudentem quisquam videret: Quas tam sobrias ejus curas cum interpolare amici conarentur, importunos invitatores planè regiâ sententiâ refutavit; hominî privato nullum esse intempestivum convivium, dictitans; Regibus, si suo satis facere nomini velint, satis esse debere, si eos resp. à se ad cœnâ dimittat.

PHILIPPUS, Henrici VI. frater, tutor FridERICI, quem Henricus pater quadrimum reliquerat A. C. 1198. a. d. 8. Id. Mart. oblatum sibi Imperatoris nomen acceptavit. Sed adversa factio, cui Pontifex favebat, Othonem Saxonem creavit: Exin bellum; donec ita inter se paciscerentur, ut quandiu superstes Philippus esset, titulo Regis abstinere Otho. Interfectus est Philippus 10. Cal. Jun. A. C. 1208. ab Othone Wittelsbachio.

OTHO, Henrici Leonis F. Henrici N. Henrici Nigri pronepos, Guelfi abnepos, Azonis Estensis atnepos (ut est apud Chytraum in Saxonia, p. 55.) sive à Witichindo Magno oriundus; ut in Brunsvicensium & Lüneburgensium Annalibus, Saxoniz Dux ex pacto succedit, & Romæ coronatur A. C. 1209. A Pontifice anathematis vinculo innodatus est. Brunner. lib. XIII. p. 629. Scribit, Divi Petri patrimonium violare ausum: Petavius, contra datam fidem Romana jura violasse, Sed, ut alii Imperatores, sic Otho

Otho jure optimo repetebat *Mathildis Principatum*, conjugis *Conradi*, filii *Henrici IV.* dolis Pontificiis interceptum; cum bellis arderet *Germania*. Vid. *Matth. Parisiens.* A. C. 1210. Obiit hic Imperator dolore tabescens; cum contra eum electus esset *Fridericus* A. C. 1216. sive, ut alii volunt, A. C. 1218.

FRIDERICUS II. *Henrici VI. F. Friderici Ahenobarbi N. Sicilia & Apulia Rex*, contra *Othonem* a. d. 8. Cal. Aug. A. C. 1216. insignia imperii *Germanici Aquisgrani* accepit; mortuo *Othone*, *Romæ* quoque coronatus est, anno 1219. circa *S. Caci- dia* festum diem. Cum *Lombardorum & Saracenorum* impeditus turbis, expeditionem sacram absolvere non posset; *Honorius* Pontifex omnia dira coquere cœpit. Paratus ad id, quod volebat *Papa*, *Veronenses* rebelles obstant; quos *Papa* excommunicat. Sed mox *Veronensibus* iisdem ac *Lombardis* se adjungit, conjuratq; summo scelere in *Fridericum*.

Mortuo *Honorio*, succedit *Gregorius IX.* qui excommunicationis fulmen in *Fridericum* torquet, tanquam voti sacri reum. Hoc volebant illis temporibus bipedum nequissimi, ut Imperatoribus *Germanicis* ad remotas orbis partes, velut in exilium transmissis; & spe religionis (ut *Tacit. lib. XIV. Ann. c. 31.* loquitur) omnes fortunas suas effundentibus, sive ut *lib. II. Ann. c. 5.* dicit idem, casibus simul ac dolo objectatis; suas interim veteratorias artes domi liberè citraque ullius contradictionem exercere possent. Et vide mihi scelus Pontificis! Trajicere volentem in *Palaestinam* Imperatorem, rursus inhibet; minime ex dignitate

Augusta instructam classem objectans. Ille nihilominus insistit cœpto, & rem in *Palestina* feliciter gerit; *Hierosolymam*, *Bethlehemum* & *Nazaretham* reddere cogit.

Dum Imperator adest, Pontifex ejus subditos ad defectionem sollicitat. Sic ille sua repetere coactus, perfidos sternit & profligat, *Gregorium* Pontificem ingenti pecunia placat; & à suis pulsum nullo non officii genere prosequitur. Sed pecuniam & omnia perdidit: Eum enim Pontifex, cum potuit, in omnibus æquis conatibus impedivit. Fridericus victis *Lombardis*, domitis *Mediolanensibus*, *Sardiniam* quoque ab antiquo Siculis Regibus obedientem subegit; quam cum Pontifex Ecclesiæ reddendam diceret, nec obediret Fridericus, eum diris devovet; & totum orbem literis sollicitat. Tum exorti magni tumultus inter *Gibellinos* & *Guelfos* passim in *Italia*. Imperator, fortuna usus, omnes Pontificis molitiones elusit, aut oppressit; coq; desperationis adegit, ut morbo ex dolore contracto extingueretur.

Succedit *Innocentius IV.* & ipse Friderico inimicissimus. Sic continuata bella, & inter hæc Christianus orbis passim à *Saracenis*, *Turcis*, ac *Tartaris* miserè laceratus est. *Innocentius* Italia pulsus, in *Galliam* profugit; ibiq; lectis novis *Cardinalibus*, & indicta synodo, Imperatorem è cœtu Sanctorum excludit; mandatq; Principibus, ut novum Imperatorem creent. Fridericus in contemptu se esse animadvertens, offert conditionem Papæ; se, si absolveretur, perpetuum in *Palestina* bellum gesturum; quam ille alto suspensio

percilio repudiat. Coactus Imperator vim vi repel-
 lere, *ficarios à Pontifice immixtos* supplicio afficit: *Hen-*
ricum Landgravium Hassie, Pontificium Imperato-
 rem, per Conradum filium vincit; thesauros à Papa,
Wilhelmo Hollando submissos, intercipit; sed cum &
 ipse insolentiùs ageret, editis paganorum in morem
 impiis spectaculis, & consumptis per luxum inanem
 opibus; etiam fortuna mutavit vultum. *Thaddæus* in
 obsidione *Parmae* relictus, occisus; copiarq; Cæsa-
 rianæ cum ingenti strage repulsæ. Eadem ferè con-
 ditio exercitus, sub *Conrado*, Imperatoris filio, contra
Wilhelmum missi. Nihilominus & ab his cladibus
 revaluit. Fessi diutino bello, qui Papæ adhærebant,
Galli, Veneti, & alii, Papæ denunciant, cum Friderico
 in gratiam rediret. Contumax pellitur à suis: Ipse ve-
 rò Fridericus mox decessit, d. 18. Oct. anno 1250.

CONRADUS IV. Friderici II. F. à patre
 adhuc vivo *Rex Romanorum ac Siciliae* creatus fuit.
 Quem *Jesuitæ* in scriptis suis è catalogo Imperatorum
 expungunt, quia legitimus illis non est, quem Ponti-
 fex non approbavit. Hic domitis *Neapolitanis*, & eo-
 rum disiectis mœnibus, utraq; potitus *Siciliâ*, à
Manfredo fratre, Friderici spurio, veneno necatus est,
 anno 1254. Christi in cœlum ascendentis pervigilio. Pa-
 ter est infelicis illius *Conradini*, quem *Carolus Andega-*
vensis, Pontificis favore *Rex Siciliae* salutatus, in urbe
Neapolitana, una cum *Friderico Austrio* carnificis gla-
 dio subjecit. Fœdiorẽ scenam inter Christianos nulla
 tyrannis struxit, quam fusè describit *Brunn. lib. XIV. p.*
820. usq; ad p. 836. Breviter *Lipsius lib. II. Mon. & Ex-*
empl. Polit. c. 14.

WILHELMUS, Florentii, *Hollandia Comitiss*,
 F. Wilhelmi N. Florentii pronepos, Theodorici ab-
 nepos, Florentii atnepos, Theodorici trinepos (Vi-
 de *Scrivarium in Batavia illustrata*) Romanorum Im-
 peratorum contra Fridericum II. & Conradum IV.
 creatus *Aquisgrani*, A. C. 1248. periit, *Frisiorum insi-*
diis exceptus anno 1256. circa Cal. Febr. Eo mortuo,
 distractis Germanorum Principum studiis, anno 1257.
 alii *Richardum Anglum*, Romanorum Imperatorem
 renunciant; alii *Alphonsum* Castellanum. *Fædum, &*
Germanico nomini universo ignominiosum, summum
gentis nostræ unicumq; decus (cui tutando post opes vi-
resq; etiam sanguinem impendere æquum erat.) velut
venale exterorum gratiæ vel pecunia addici; quasi ex
nobilitate patriæ dignum aut par imperio caput nullum
emineret: Nisi infidentia potius fuit, aequalibus de gloria
concedere, aspernantium minore verecundia, si alieni-
genam sibi alienatum vidissent: Quæ sunt verba Brunn.
lib. XIV. p. 791. Alphonso solo contentus imperii titu-
 lo, ex Hispania pedem non movit; ut auctor est *Tri-*
themius. Obiit A. C. 1309. Oriundus à *Ximeno*, Rege
 Aquitaniæ Nam *Ximeno* natus *Junicus Arista*, Rex
 Suprarbiensis, *Junico Garfias*; qui obiit anno 885.
Garfia Santijs Abarca, primus Rex Arragoniæ;
Santio Garfias I; *Garfia I. Santijs II.* *Santio II. Gar-*
fias II. Tremulus; *Garfia II. Tremulo Santijs Ma-*
gnus, vel, Major, Hispaniæ Imperator; *Santio Magno*
Ferdinandus Magnus, primus Rex Castellæ; *Ferdi-*
nando Magno ALPHONSUS Imperator Roma-
 no-Germanicus; ut ex *Hieronymo Blanco*, *Cesaraug-*
ustano.

gustano, & auctoritate *Tabularum vetustissimarum*
 docet Caspar Schoppius in *Stemmata Austrio Tab. II. &*
III. Sed RICHARDUS Anglus, Johannis Regis
 Anglorum & Elisabethæ F. Henrici Regis N. Ma-
 thildis pro N. Henrici I. Angliæ Regis ab N. Wilhel-
 mi I. Conquæstoris Regis Angliæ atnepos (ut ex
Henrico Savillo & Johanne Speedo constat) *Francofur-*
tum advolans, ibiq; ritè imperium auspicatus, effusis
 per luxum opibus, in contemptum venit eorum, à
 quibus accitus erat. Itaque in *Angliam* è vestigio re-
 diens, vacuum Germaniæ reliquit imperium; diuque
 interregnum fuit.

RUDOLPHUS I. post interregnum Impera-
 tor Romanorum deligitur a. d. 4. Id. Oct. A. C. 1273.
 (*Sigonius lib. XX. de Regno Italia p. 111.*) *Habsburgica*
gloria Atlas, tot Cæsarum, Regum, Principumq; pa-
 rens; ut vult doctissimus antiquitatum indagator,
Franciscus Guilimannus in libro, quem *Habsburgica*,
 sive, *de vera & antiqua origine domus Austriacæ*, in-
 scriptum *Mediolani* edidit. Genus Rudolphi fuit hoc:
 Wilibaldo Patricio, seu Præfecto minoris Burgun-
 diæ nobili ac divite (ut scribit *Aimoinus A. C. 636.*)
 genitus Otbertus Comes Vindonissæ & Altenburgi;
 Otberto Ambertus, sive Ambrinctus, conditor Am-
 bringensburgi in Alsatia, Amberto Hettobertus; Het-
 toberto Rambertus; Ramberto Guotramus I. condi-
 tor arcis Scharffstein/ in valle Trutbentina; Guotra-
 mo Luitfridus I. Luitfrido I. Luitfridus II. Luitfrido
 II. Hunifridus, Hunifrido Guotramus II. Guotramo II.
 Landolus, vel Lanzelinus; Landolo Ratbotus Comes;

Ratboto & *Ita Lotharinga Wernerus Pius*, *primus comes Habsburgi*; *Wernero Pio Otho*, *Comes Habsburgi*; *Othone Wernerus II. Wernero II. Wernerus III. Wernero III. Adalbertus*; *Adalberto Rudolphus*; *Rudolpho. Adalbertus II. Adalberto II. RUDOLPHUS*, primus hujus nominis Romanorum Imperator. Hic *Ottocarum*, Bohemiæ Regem, rebellantem prælio vicit. A. C. 1278. Ab Italicis civitatibus pro libertate concessâ pecuniam accepit. *Sigon. lib. XX. de Regno Italia* p. 125. eâ de re colligit, quæ *Blondus*, *Platina*, *Sabellicus*, *Trihemius*, *Cuspinianus* & *Cranzius* scribunt. Hoc igitur tempore Regnum Romanorum in Italia defecit, ut censet *Idem*. Quicquid Rudolphus fecit, scelere Pontificum coactum, & molestias, quas decessoribus suis exhibuerant, reformidantem fecisse, statuimus cum *Berneggero in Tuba pacis. p. 193*. Romam evocatus ad coronam imperialem accipiendam, comparere noluit, publicè novas semper occupationes causatus; apud amicos verò minimè dissimulans, ideò ab hoc itinere se deterreri, quod *Cæsarum in Italiam vestigia læta*, magnifica, bonæ spei plena: *Ex Italia* verò redeuntium tristitia, misera, luctuosa essent, *ibid.* Obiit A. C. 1299. prid. Cal. Octob. 2. *Germersheimi*, ut scribit *Albertus Argentensis*; sive ut alii 18. Cal. Augusti. Nullius pænè ex Heroibus nomen in vulgus notius, aut in benignior, re fama est, quàm hujus.

ADOLPHUS *Nassovius*, Romanorum Imperator, creatur A. C. 1292. miro astu *Gerhardi Moguntini Antistitis*; quem describit *Brunn. lib. XV. p. 927.*

Nam

Nam cum desperaret, aperta prensatione conciliari ei
 suffragatores posse; eandem in singulos fallaciam,
 sed aprissimam versandis animis intendit; *suum cuiq;*
amulum, velut imminens imperio, *objiciens*; unam-
 que *excludendi ejus spem* ostentans, si *Adolpho favis-*
sent: Et Trevirensi quidem *Geldrum*, Saxoni *Brun-*
svicensem, Ludovico Bojo *Bohemum* ostentavit; in-
 grata nomina, quorum odio Adolphus emerfit; eâ
 unâ re commendatus, quod cum invisissimis est com-
 positus. Genus hujus *carminis heroico* descripsit
Hugo Grotius, & sic habet: *Walravus*, qui vixit tem-
 poribus secundi & tertii Imperatorum; iisdemq; stre-
 nuam in bellis contra *Gallos & Bohemos* operam nava-
 vit, reliquit filium cognominem *Walravum II.* hic
Robertum; Roberto genitus *Walravus III*; *Walra-*
vo III, Henricus, Comes in *Nassau*: *Henrico Otto*;
Ottone Henricus II, Henrico II. Walravus IV. in
Weilburg: Hic Adolphus Imperatoris pater, qui
 propter sordes & ambitionem suis fastiditus, & 9. Cal.
 Junii A. C. 1298. in ordinem redactus est, subrogato
Alberto, Rudolphi filio; contra quem *Adolphus* com-
 missâ acie ad *Wormatiam* interficitur 6. Non. Julii
 anno eodem. Pugnam eleganter describit *Brunn. d.*
l. p. 980. 981. 982.

ALBERTUS *Austrinus*, Rudolphi I. Impera-
 toris ex Anna Sueva filius, A. C. 1300. in agro *Spirensi*
Adolphum gravissimè sauciavit; ut scribit *Besoldus*.
 Sed primum labitur in anno 1298. 6. Non. Jul. ut
 dixi. Consulendi *Siffridus & Albertus Argentinenfis*.
 Secundò dissentiant in vulnere alii, *Brunn. lib. XV.*

p. 982. Adolphus in ipsum Albertum ferebatur; quem ut est assecutus: *Pone, inquit, furtivum decus praedo corona nostra!* Simul intentantem ferrum Albertus occupat; arbitrumque litis invocans Deum, secundum oculum levi Adolphum *vulnere* perstrinxit. Comites deinde sylvestres coorti, *succisis equi poplitibus*, resupinatum jugularunt. Tertiò malunt alii *Wormatiensem* agrum dicere; in quo depugnatum est. Idem p. 979. sic scribit: *Ad manus in agro Wormatiensi non procul Gillenhemio ventum est; Albertus, cum pro more electionis suae confirmationem à Bonifacio VII. Pontifice per Oratores peteret, Sanctus pater accinctus ense, coronaque imperiali ornatus, in publicum prodiens proclamat: Ego sum Caesar ac Pontifex! atque indignabundus electionem, quippe quae sine sua auctoritate facta esset, negat à confirmatione, frivola ac nullam pronunciat. Alberti opprobrio contumelioso homicidam appellans. Tamen postea, gravissima inter Pontificem, ac Galliae Regem Philippum exorta cōtroversia, Imperatorē approbavit; ut ex Cuspiniano in Vita Alberti I. Crantzii Saxonia lib. VIII. c. 36. Platina in Bonifacio VIII. Paralipomenis Ursburgensis, & Blondi decad. II. lib. IX. docet Berneggerus in Tubapacis. p. 794.*

Trucidatus est hic Imperator à Johanne, Rudolphi Sueviae Ducis (qui Alberti frater germanus erat) filio, Cal. Majis A. C. 1308. *inaudito* apud Germanicas nationes *parricidio*. Causa hæc fuit: Educatum inter Alberti liberos, cum ætate sibi ad res gerendas idonea videretur, dimitti se in paternum Principatum æquum censebat. Patruo in producendis exor-

mandisque

nandisq; filiis suis occupato, neglectui esse se, hære in regia, stipare latus ingratam vilemq; umbram; quasi terræ filius, & in nullius hæreditatis spem genitus foret. Animi ægrum factiosi nonnulli, Alberto privatis nominibus infensi, eò furoris egerunt, ut nisi in memorabili scelere, spem sibi sitam nullam existimaret. *Brunn. d. l. p. 1014.*

HENRICUS VII. Comes *Lüzelburgensis*, Henrici Comitis *Lüzelburgensis*, & Beatricis Comitissæ *Hannoniæ* F. Henrici Comitis *Lüzelburgensis*, & Margaretæ Comitissæ *Barensis* N. Walrami Comitis *Lüzelburgensis*, & Ermesindæ, Friderico Comite *Lüzelburgico* genitæ, pro N. Henrici Comitis *Limburgensis*, & Isabellæ ab N. Si *abaviæ* genus spectes, ab antiquissimis *Francorum Regibus* oriundus; ut fuscè docet *Joh. Bertelius in Histor. Principum Lüzelburgensium* (cautè igitur legenda, quæ scribit *Brunn. lib. XV. p. 1015.* virtutibus, quam genere clariorem fuisse) magna Electorum consensione ad imperium est vocatus, Cal. Nov. anno 1308. ut quidam volunt. Cum *Walramo* fratre profectus *in Italiam*, *Mediolani* *ferrea*, & *Romæ* per Cardinalem *Ostiensensem*, absente *Clemente* Pontifice aurea corona fuit insignitus, A. C. 1312. Contra *Guelfos* in *Italiâ* multum illi negotii fuit, ut testatur *Brunn. lib. XV. p. 1031.* cum *Gibelinis*, ut *Petavius*. Sublatus est à *Bernhardo, Dominicano monacho*; qui imbutum *veneno Eucharisticum* panem ægro porrexit, mortemq; cum vita propinavit; ut multi asserunt fide digni. Consulendi *Blondus dec. II. lib. IX, Bohuslaus Hassenstenius in lib. de miseriâ humanâ.*

manâ, Albertus Argentiniensis, Genebrardus, Joh. Nauclerus generat. XL. Aventinus lib. VII. Collennius lib. V. Histor. Neapolitana, Joh. Fontanus in Jobanne XXII.

LUDOVICUS IV. Ludovici Electoris Palatini, & superioris Bavariz Ducis F. Ottonis Electoris N. Ludovici Bavariz Ducis & Electoris pro N. Othonis Wittelsbachii cognomento Magni ab N. A. C. 1314. 13. Cal. Nov. *quinque Electorum imperii suffragiis* Romanorum Rex eligitur; ut scribit *Christoph. Geuvoldus in Genealog. Bojarie Ducum.* Contra illum electus erat FRIDERICUS *Austrinus*, cognomento *Pulcher*; Alberti Imperatoris & Elisabethæ F. Rudolphi I. Imp. N. Sed à *Ludovico victus*, captusq; est. Fuit Ludovicus clarissimus Heros, & merito summis Imperatoribus annumerandus; cui ad omnium virtutum, magno Principe dignarum, cumulum hoc unum defuisse videtur, *quod lenius cum Pontificibus egit*, nimiaq; submissione superbiam eorum in se magis exasperavit; ut censet *Bernegg. in Tuba pacis p. 224.* Qui res ibidem inter Imperatorem & Pontificem gestas fusiùs exequitur.

Breviter: Fuit *vexatissimus Princeps ab initio imperii ad finem usq.* Imperator creatus misit legatos *Avinionem*, ad *Johannem XXIII.* qui Pontifici electionem suam nunciarent; ac pro more solennem imperii inaugurationem postularent. Abiit Pontifex primò, quod in discordia esset electus: Dein, quod *jus Pontificium per Italiam* usurpasset, vicariosq; imperii urbibus imposuisset; & ante confirmationem Imperatoria

toria munia obiisset ; Quod denique hostibus Ecclesiæ *Gibellinis* suppetias tulisset. Ludovicus cum ex divini humanique juris ea ætate peritissimis intellexisset, acta & dogmata Johannis Christianæ doctrinæ repugnare ; nec in *temporalibus Imperatorem Papa subiectum esse*, ad generale concilium appellat ; appellationis formulâ omnes imperii fines promulgatâ. Cæterum literis & nunciis Romanorum (qui ipsi quoq ; Pontificem, ut huic ritè electo, imperialia signa conferret, frustra orarunt) *Romam* evocatus *Ludovicus*, Italiam cum exercitu petit ; ac *Mediolani* primum ab *Archiepiscopo* pro more coronatus, cum *rabiem Pontificis* nullis modis leniret, sed mansuetudine exasperaret potius ; *Romam* profectus, jussu totius Cleri ac populi à *Columnâ* Cardinali coronatur, & contra *Johannem Petrum Corbariensem*, ex *Franciscanorum* ordine, ad Pontificatum evexit ; qui *Nicolaus V.* appellatus est. *Johannes* contra *Ludovicum* imperatoriâ dignitate dejicit, & excommunicat ; qui cognita tanta hominis rabie in Germaniam Pontificis artibus variè turbatam redit.

Inter hæc *Johannes moritur*, & succedit *Benedictus XII.* nihilo in *Ludovicum* benignior. Censuram enim Johannis confirmat, eumq ; omni honore & *Ducatu Bavariæ* privat. Cæsar Principibus ac humanæ divinæq ; sapientiæ doctissimis quibusque *Francofurtum* convocatis, pro imperialis dignitatis assertione statuit ea, quibus omnia ferè superiora Pontificum acta atque decreta ad nihilum redigerentur.

Benedictum excepit *Clemens VI.* & ipse diabolico

lico furore percitus in Imperatorem, foribus templorum affixis edictis, Imperatori gravissimarum pœnarum supplicium comminatus; ni Ecclesiæ satisfaciatur *intra triduum*. Exaëto triduo, & nemine comparente, contumacem eum declarat; ac postea per Oratores veniam petenti cum oblatione, se omnia iuncta pro virili facturum; formulam reconciliationis durissimam præscribit: Ut in solidum omnes errores & hæreses confiteatur; Item *resignet imperium*; nec *resumat*, nisi hoc fiat, *de gratia Papæ*: Et se ac filios suos, & bona ac statum suum in manus & *voluntatem* Papæ tradat; & multa insolita faciat. Acceptavit has conditiones, ne vilissimo quidem acceptandas, Imperator; ut contumacem curiæ Papalis honorem mitigaret. Sed Pontifex insolentior factus, *alios articulos* assignat, ut decreta adversus Johannem Pontificem retractet, acta rescindat, opprobria recantet; *edicto perpetuo publice sanciat*, *imperium beneficium* esse Pontificis; nec ante *quenquam* *Cesarem* esse aut vocari, *quàm* *ille auctor fieret*, &c. Indignati Germaniæ proceres, *Francofurti* conventu habito decernunt, hos *articulos iniquos* esse, & ad *imperii eversionem* spectare. Ad hæc *auxilium* Imperatori contra *Papam* pollicentur. Sed Pontifex usus *Archiepiscopis* quibusdam, *mancipis* suis, *Carolū IV.* eâ causâ Germanis Imperatorem Presbyterorum, *Wassentaiser* dictum, designat. Ludovicus Ordines imperii *Spiram* convocat, qui omnes & tuendum eum suscipiunt; & Pontificis Caroliq; acta detestantur. Donec *tandem veneno* (ut *Paulus Langius in Chron. Citizenſi*, *Crantz. lib. IX. Saxoniæ*,

cap. 22. & *Trihemius* literis prodiderunt) interceptus ex *Clementis* insidiis, beatam animam DEO reddidit; quod accidit d. 11. Oct. A. C. 1347. De his omnibus fult *Bernegg. in d. l.*

CAROLUS IV. natus patre Johanne, Bohemiæ Rege, Heinrici VII. Imperatoris filio, maternum genus ab antiquissimis Bohemiæ Regibus traxit. Contra Ludovicum à Principibus quibusdam pecunia corruptis creatus est A. C. 1346. Sed mortuo Ludovico, cum eum Principes agnoscere nollent, Gunthero, Comiti *Suarzeburgico*, viro bellicoso imperium detulerunt; quod non diu obtinuit, sublatus veneno. Sic ad Carolum rediit favor. Romæ verò coronam accepit d. 5. Aprilis A. C. 1355. ac statim ex lege, quam illi Pontifex dixit, Roma & Italia cessit. Maximum ejus opus aurea bulla, quod firmamentum & propugnaculum murusq; tranquillitatis & pacis in imperio semper fuit. Publicata est autem die 4. Id. Jan. A. C. 1356. Noribergam nostram favore singulari complexus, & civili discordia concussam, restituit; jussis remp. tenere solis Optimatibus, qui ad nostram ætatem usque (sunt verba *Pighii in Hercule Prodic. p. 89.*) eam tam æquo jure temperarunt, ut vix ulla memorabilis successio, aut perniciofa discordia in tantâ plebejorum hominum multitudine, ac gentium diversitate suborta fuerit. Hujusdem Caroli temporibus Johannes *Wiclef*, Anglus, multa scripsit contra receptas opiniones, ideoq; inter hæresiarchas nominatus fuit; ut inquit *Besoldus*. Nos scimus, scripsisse contra opiniones perperam receptas, piè ac Christianè. Vide *Actiones*

& Mo-

& *Monumenta martyrum* eorum, qui à *Wiclefo* & *Husso* ad annum 1560. in Germaniâ, Galliâ, Britannîâ, Flandriâ, Italiâ; & ipsa demum Hispaniâ veritatem Evangelicam sanguine suo constanter obfirmârunt, edita Geneva à *Johanne Crispino* anno 1560. Obiit Carolus d. 29. Nov. A. C. 1378.

WENCESLAUS, Caroli IV. F. cum pater magna pecunia vi septemviralia suffragia emisset, Rex Romanorum creatus est, *Aquisgrani* A. C. 1376. Imperium sic administravit ut A. C. 1400. dignitas illi consensu Principum abrogata sit; verè *Sardanapalus* vel *Nero Germanicus*. Nota ejus scelera.

FRIDERICUS M. Torquati F. Magni N. Alberti pro N. Alberti Magni ab N. Othonis at N. Henrici Palatini, qui Ottonem IV. Imperatorem fratrem habuit, trinepos, *Dux Brunsviga & Lüneburgi*, prudentiâ & bellicâ laude excellens, Wenceslao ab Electoribus suffectus anno 1400. insidiis & fraude *Archiepiscopi Moguntini* ad *Fritzlarium* interfectus est à *Comite de Waldeck*. Besoldus hunc legitimum Principem in *Synopsi minore* omittit, & contra nominat *JODOCUM BARBATUM*, *Marchionem Brandenburgicum*; quem *Coloniensis* & *Moguntinus* Cæsarem quidem dixerunt, sed consilio inani; nam neq; tantæ dignitati visus, neq; coronam adeptus est unquam; sed sexto post mense fato succubuit.

RUPERTUS PALATINUS, Ruperti & Beatricis F. Adolphi simplicis N. Rudolphi, qui frater erat Ludovici IV. Imperatoris pro N. Wenceslao remoto, & interfecto Friderico, Imperator creatus est,

est, A. C. 1400. Adversus *Galeatium Vicecomitem*, Mediolani Ducem, à *Florentinis* accitus in Italiam, nullo operæ pretio factò, in Germaniam rediit; gravissimum ibi, unde digressus erat, bellum relinquens. Sic *Italia* denique tota aliorum facta est. Obiit hic Imperator A. C. 1410.

SIGISMUNDUS, Caroli IV. Imp. F. ex Anna, prudentiâ, magnitudine animi, liberalitate, ac cæteris amplissima fortunâ dignis ornatus virtutibus; sed bello infelix, quod contra *Turcas* & *Bohemos* gessit. Romæ serò coronatus est ab *Eugenio*, id est, A. C. 1432. Obiit d. 9. Decembris A. C. 1437. De *Husso*, cujus *Besoldus* meminit, consulenda, quæ supra laudavimus, *Acta martyrum*.

ALBERTUS II. Alberti, quem *Mirabilia* mundi cognominabant, F. Alberti N. Alberti Contracti, Ducis Austriæ, pro N. Alberti Imperatoris ab N. Sigismundi loceri morte (nam *Elisabetham*, ejus filiam, in matrimonio habebat) vacantem imperii titulum accepit A. C. 1438. de hoc *Lipsius* in epist. dedicatoriâ præfixa Admirandis: *Memini legere, Albertum II. inter majores tuos Austrios, uno tempore, atque adeò uno anno, factum Regem Bohemie & Hungarie & Romanorum. O quæ ista felicitas! sed quàm brevis felicitas! biennio enim non toto imperavit, & optimum Principem Deus cælo invexit; quia terra virtutum illarum parùm capax erat, aut digna. Hæc Lipsius. Sanè res adversus Moravos; Bohemos, Polonos & Turcas maximas gessit; sed in expeditione contra postremos istos vita functus est, 6. Cal. Novemb.*

A. C. 1439. Eo mortuo fuit *interregnum mensium 2. dierum 4.*

FRIDERICUS HL. sive utalii volunt, qui vel Fridericum *Pulchrum*, Ludovici Bavariæ mulum; vel Fridericum *Brunsvicensem*, ob brevitatem imperii ex Imperatorum albo non expungunt, IV. Ernesti *Ferrei* & Cimburgiæ Massoviæ F. Leopoldi *Probi*, qui & militiæ decus cognominatus est, N. Alberti Contracti, qui & *Sapiens*, pro N. Alberti Imperatoris ab N. Rudolphi I. Habsburgensis at N. Romanorum adiit regnum A. C. 1440. Ducta in uxorem *Leonora*, Eduardi Regis Portugalliæ filia, in Italiam transcendit; Romamque ingressus à *Nicolao V. Pontifice* imperiali corona redimitus, Imperator Augustusq; appellatus est, Cal. April. A. C. 1451. ut est in moneta aurea apud *Ostav. Stradam p. 477.* Alii rejiciunt in annum 1452.

In Germaniam reversus, turbas multas & maximas invenit: Nam inde *Hungari*, cum *Ladislaum* in tutelâ suâ diutius retineret; hinc ipsi in *Austriâ subditi* contra Imperatorem ferociùs egerunt. Ita compulsus, pupillum *Ulrico*, Ciliæ Comiti, avunculo tradidit. Perpressus est & à *Matthia Hunniade* gravissimum bellum anno 1485. Et *Vienna* in tantas angustias adducta, ut *modus farine unus 107. florenis veniret.* Quam calamitatem, volente Friderico, civibus accidisse, quidam volunt; ut præferoces illorum animi hoc malo mitigarentur.

Bellum etiam diu antè motum à *Francia Delphino*, qui post *Ludovicus XI.* appellatus est. Ut quod jubebat

jubebat *Eugenius Pontifex*, Basilienses Patres perterrefactos, concilium abrumpere cogeret; exercitu *triginta millium* & amplius armatorum conscripto, *Alsaciam* crudeliter vastavit; ne templis quidem abstinens. Dein propius *Basileam* accedens, ab *Helvetiorum* exiguis copiis cæsus, agrè *tertiam* partem fracti exercitus in *Gallias* reduxit.

Sub hujusdem imperio, hoc est, A. C. 1449. bellum grave exarsit inter *Albertum Brandenburgicum* (qui *Achilles Germanicus* appellatus est) & *Noribergenses*. Marchio socios habebat *XVII. Principes*, *Noribergenses civitates quasdam imperii* validas. Certum est *biennio praeliis IX.* damni utrinque plurimum datum & acceptum; exusti agri, everse villæ, cæsi agricolæ, abacta pecora; tantisper donec exhaustâ utrâq; parte egestas pacem extorsit, ut scribit *Aeneas Sylvius*.

Res externas quod attinet, meminit *Besoldus* cladis *Varnensis*, & *Constantinopoleos capte*. De utroq; jam egi suprâ in rebus *Muratis II.* & *Muhametis II.* Obiit *Fridericus* die 23. Aug. A. C. 1493. cum imperâssset annis 53.

MAXIMILIANUS I. *Friderico Imperatore* natus ex *Leonora*, *Eduardi Regis Angliæ* filia, post functum patrem (cui etiamnum *viventi consortem* & *successorem* ipsum *Electores* designaverant) reip. clavum capeffens, infulas solennes Cæsarum, cum facîle posset, *Romæ* suscipere non laboravit; præfertim cum eorum, quæ superioribus Imperatoribus fulgore coronæ *Romæ* pellectis acciderant, probè meminisset.

Eum postea *Julius II. Pontifex* ad gravissimi belli societatem pertraxit contra *Venetos*; quos cum occupatis eorum præstantissimis urbibus, ad summam necessitatem adegisset, *Julius contra fidem Imperatori sanctissimè datam*, Venetis in gratiam receptis, percussio cum iisdem fœlere, suum exercitum adversus ipsum *Casarem* & *Gallum* perfidissimus bellator eduxit.

Fuit etiam Maximiliano bellum contra *Rupertum Palatinum* felix; sed in eo, quod adversus *Helvetios* gessit, non unum damnum accepit. Obiit prid. Id. Jan. A. C. 1519.

Ingravescente ætate operam dedit sedulo, quo pacatum, quantum quidem fieri posset, successori imperium relinqueret. Hinc eodem prætempore, cum *Pontifice, Rege Anglia, Helvetiis* fœdus iniit; jovit ac promovit reconciliationem *Francisci, Gallorum Regis, & Caroli Hispaniarum Belgarumq;* Principis; rediit cum *Venetis* in gratiam, restitutâ *Brixia Veronaq;*; & non nili belli sumptibus exsolutis. *Luckius in Numis. p. 41. Pighius in Hercul. Prodic. p. 71.*

Quantum in periculum inciderit, *rupicapra* venatus; & quàm mirabiliter liberatus sit, exequitur *Idem p. 174. 175.* Triennio ante mortem capulum funebrem è querno ligno, arca viatoria inclusum, circumferri secum jussit; cavitque testamento, ut exanimum corpus suum nudis linteis involutum, sine ullâ exenteratione illi imponeretur; naribus, ore, auribusque vivâ calce oppletis. *Lipsius lib. II. Monit. & Exempl. Polit. c. 14. n. 5.*

CAROLUS V. *Philippi*, Hispaniarum Regis, & Johannæ (cui pater *Ferdinandus*, Hispaniæ Rex) F. Maximiliani I. Imperatoris & Mariæ Burgundicæ N. natus A. C. 1500. d. 24. Febr. *Gandavi* in Flandriâ, *Francofurti* eligitur Imperator die 28. Junii A. C. 1519. & *Aquisgran* creatur d. 23. Octobr. A. C. 1520 Non vilis majorum memoriâ potentior, aut rebus gestis in orbe Christiano illustrior; aut præclarior, post Carolum & Othonem Magnos.

Imperator *Sulaimanem* Turcam bis ab obsidione *Viennæ* repulit; Gallorum Regem *Franciscum* in *Insubribus* acie victum, cum Rege *Navarra* & præcipua Gallica nobilitate cepit: Germaniæ Principes, qui *Smalcaldicum* fœdus inierant, ad *Mülbergam* ingenti pugnâ vicit; capto *Johanne Friderico*, Electore Saxoniæ. *Mare mediterraneum* à pyratarum injuriis liberavit, *Carthagine Tunetoq*, capta.

Tandem rerum humanarum tædio & amore secessus, A. C. 1555. apud *Bruxellas* regno se imperioque abdicavit; illud in *Philippum* filium, hoc in *Ferdinandum fratrem* transtulit; atque in *Hispaniam* profectus cum duabus sororibus viduis, *Leonora Galliarum*, & *Maria Pannoniarum* Reginis in monasterio S. *Justi* Toletanæ provinciæ, placidissimum vitæ finem consecutus est, d. 21. Sept. A. C. 1558.

Sub hujus imperio Dei immortalis nunquam tacendo beneficio è densissimis tenebris lux divinæ veritatis emerfit; sed (ut præter *Besoldum* conqueritur *Casaubonus Prolegomenis in Exercitat. Baronianas*) hanc felicitatem infelicitas nihilo minor ex dissen-

sione in causâ religionis est comitata. Quia ex re nata sunt inter populos Europæ discordiæ implacabiles, odia plusquam Vatiniana, bella dirissima; & nulum non malorum genus. Inde illa nomina prius nunquam hoc sensu audita, *Pontificiorum* & *Protestantium*; inde studia partium non solum in vita hominum, sed etiam in scriptis palàm dominantia. Inde unius & ejusdem religionis Christianæ duplex & multum diversa Theologia; in maximi quidem momenti capitibus doctrinæ, arcano providentiæ Divinæ beneficio, ut plurimum consentiens, in aliis diffidens; & in mutuam perniciem conjurata.

FERDINANDUS I. Caroli V. frater, d. 18. Martii A. C. 1558. Romanorum Imperator creatus est. In cujus tempora, inquit *Besoldus*, factio *Grumbachiana* incidit. Rectè. Nam Ferdinando adhuc vivo *Wilhelmus à Grumbach*, nobilis Francus, vasallus *Antistitis Würzburgensis*, congregatis sociis, & patronum nactus *Johannem Fridericum*, Saxonie Ducem, *Johannis Friderici Electoris filium*, *Würzburgum* (cujus Episcopum *Melchiorum Zobelium* paullo ante dicebatur interfecisse) noctu effractis portis adortus, cepit & diripuit. Igitur Imperator Ferdinandus, atrocitate facti graviter offensus, mandat, ut in judicio Camerali non tam violatæ fidei erga dominum feudi insidiosè circumventum, sed & fractæ pacis publicæ reus agatur. Interea Ferdinandus moritur; ut sub *Maximiliano* demum turbæ finem acceperint, captâ ab *Augusto* Electore Saxonie (cui executio contra proscriptos demandata erat) arce *Grimmenstein*.

stein, & paulò pòst conjuratis supplicio affectis; quod factum A. C. 1567.

Obiit Ferdinandus d. 25. Julii A. C. 1564. quem hoc elogio insignit Thuanus: *Princeps prudentiâ, justitiâ, liberalitate, assiduitate, vigilantia nulli secundus.* Sed super eas omnes virtutes pietatis in illo, & pacis in domo Dei constituendæ præcipuum studium fuit. Nam ut in impetu *Turcarum*, cui impar viribus erat, sustinendo ac frangendo, morâ & arte uti, optimum factum experienciâ didicerat; sic & in religionis negotio non igne & ferro grassari, sed colloquiis & disputationibus, amicis collationibus; conciliis denique sive nationalibus, sive œcumenicis rem gerere tutius judicavit. Adde *Busbequium sub fine epist. IV. de legatione Turcica*; & fatebere, *speculum fuisse boni Principis.*

MAXIMILIANUS II. Ferdinandi Imperatoris ex Anna Regina Hungariæ & Bohemiæ, F. vivo patre Rex Romanorum creatus, eidem succedit in imperio & regnis hæreditariis. Fuit magnanimus, humanus, *doctus*, ac magnæ prudentiæ; nec non *multarum linguarum*, Germanicæ, Latine, Italicæ, Gallicæ, Hispanicæ, Ungaricæ atque Bohemicæ peritus; *cunctis* deniq; *acceptus* Princeps; ut de eo scribit *Ottav. à Rosberg.* Quàm averfatus sit omnem vim ac crudelitatem in causâ religionis, imò quàm ad *lanienam Parisiensem* exhorruerit, docet ejusdem *epistola scripta ad Lazarum Schvvendium.* Utitur inter alia hisce verbis: *Res pietatis gladio non volunt dijudicari, neque tractari; neque aliter sentiet quisquam, in quo*

aliquid *est* pietatis & honestatis ; *ullumve* pacis & tranquillitatis *studium reliquum*. Obiit hic Princeps d. 12. Octobr. A. C. 1576.

RUDOLPHUS II. Maximiliano II. ex Maria, Caroli V. filiâ natus d. 18. Julii A. C. 1552. succedit patri ; quem nemo unquam reprehendere ausus est, nisi facerrimi bellorum Germanicorum concitatores, & Circæis beneficiis dementati alastores. Talis est *Daniel Eremita*, nefarius *apostata* ; cujus verba, quæ reperiuntur in *itmere Germanico*, recitare nolo. Scilicet optimus Imperator, divorum patris & avi vestigiis insistens, consilium Christianæ pacis amplexus erat ; & ob id furiosis istis minimè placare poterat. Sed benè habet ; est enim argumentum recti, malis & malorum eximio *Danieli Eremita* displicere. Nos Rudolphum inter Heroës collocamus meritò, qui cerberorum rabiosis latratibus piissimas aures clausit ; & summâ prudentiâ cavît illud incendium, quod ejus post mortem accensum, devastavit totam patriam, nec dum cessat ; sed velut novas subinde vires acquirens, irruptionibus exterarum nationum non secus ac flatu ventorum, irritatur. Rudolphus *Turcam* potius, communem hostem, submovendum censuit ; quod etiam magna dexteritate præstitit, ac tandem plenus gloria, magno desiderio sui relictò, decessit d. 10. Jan. A. C. 1612.

MATTHIAS, Rudolphi II. frater, natus Viennæ in Austria d. 24. Febr. A. C. 1557. Electorum unanimi consensu Imperator Romanorum *Francofurti* eligitur d. 13. Junii A. C. 1612. & ibidem coronatur.

natur d. 24. Junii. Sub eo *stupendum* illud contigit, quod in epitoma *Besoldus* leviter tangit: Nam die 15. Augusti vesperscente A.C. 1618. *rupes altissima Pluram* oppidum vel vicum *Rhetia*, templis & palatiis ornatum egregiè, uno momento cum *mille quingentis* hominibus obruit; nec oppiduli vola aut vestigio relicto. Ejus loco hodie apparere dicitur *lacus*, *sesqui milliari Italico* longus. Sed magis stupendum, quod eodem anno exortum *Bohemicum*, sive potius commune quoddam totius orbis Christiani *hellum*; quod in hunc usq; annum 1646. multum gaudente Turcâ geritur. Obiit Matthias d. 10. Martii A.C. 1619.

FERDINANDUS II. natus d. 9. Julii A.C. 1578. patre Carolo, Archiduce Austriæ, Ferdinandi I. Imperatoris filio, matre Mariâ *Bavarâ*, d. 18. Aug. A. C. 1619. Imperator *Frankofurti* electus, & exeunte mense coronatus est. Quæ bella cum *Bohemia*, *Palatino*, *Christiano Brunsvicensi*, *Dania*, *Suecia*, & *Gallia Regibus* gesserit, sciunt omnes.

In vitâ, quam edidit *Guilhelmus Lamormaini*, notanda sunt hæc: *Viginti annorum* adolescens *Lanreti* vovit, vel cum vitæ discrimine ab acturum se à *Stiria*, *Carinthia*, *Carniola*, sectas & sectarum magistros: *Duos & quadraginta* natus annos, *Ungariæ Bohemiæq;* jam Rex & Cæsar, idem in *Bohemia*, illique regno adjunctis provinciis acturum, sanctè constanterque vovit; quod vovit, præstitit. Et absque temeritate affirmari potest, *Ferdinandi* zelo ac operâ centies centena millia hominum ad Ecclesiæ Romanæ gremium revocata: Adeoq; meritò Apostolicum

Imperatorem dici. Affirmabat, oppetiturum se mortem libentiùs, quàm acatholicum exercitum in suo conspectu permissurum.

B. Virgini suorum armorum summam præfeturam semper commisit; & in literis ad Duces Generalissimam appellabat; nec secus ab exercitu voluit coli, quàm armorum moderatricem. Ipse quotidianum ei certum precum pensum persolvit, dum vixit. Dixit aliquando, *nihil se unquam à B. Virgine petiisse, quod non impetrârit*. Post B. Virginem S. Ignatio sua omnia peculiari curâ committebat; ab illo sua vota dirigi, per illum Deo exhiberi volebat.

Romani Pontificis sanctiones arbitrabatur veritatis cortinam, ac cœli oracula. Corpus *jeuniis, flagellis, ciliciis* castigare arbitrabatur necessarium etiam iis, quos vestit purpura. Extare dicit auctor *flagellum multo conspersum sanguine*, quo fluxerit, cum se cæderet.

A Societate, parentum ac sua voluntate, institutus; suos fratres & filios ab eâdem voluit institui. Familiarissimè cum iisdem sæpè pransus ac cœnatus, nullam omisit cum ordinem vel tuendi vel exornandi occasionem. Vulgò jactatum est, *Ferdinandi tangi oculos ac pupillam, cum societas tangeretur: Non posse ullum societatis hostem censerì, qui Ferdinando hostis non esset: Qui Ferdinando benè vellet, eum benè velle societati*. Dicebat aliquando: *Si liber essem, ut fratres mei hodiè sunt, societatem Iesu omninò ingrederer!*

Ean-

Eandem non *sæpe* semel *matrem suam* compellavit. Hæc & alia plura leges apud dictum auctorem. Obiit *Viennæ* d. 25. Febr. A. C. 1637.

FERDINANDUS III. Ferdinando II. natus d. 15. Jul. A. C. 1608. ex Maria Anna, Wilhelmi, *Bavariæ* Ducis, filia, Alberti nepti, Wilhelmi pronepti, Romanorū Rex eligitur d. 22. Sept. A. C. 1636. & coronatur d. 30. mens. ejusdem *vivo* adhuc *patre*. Nec multis diebus pòst in Romanorum Reginam coronata fuit Maria, Philippi III. Hispaniarum Regis filia, Philippi II. neptis, Caroli V. proneptis, quæ illi conjux. Ex hoc matrimonio nati *Ferdinandus Franciscus* d. 8. Septembr. A. C. 1633. *Philippus Augustinus* d. 15. Julii. A. C. 1637. *Maximilianus Thomas* d. 20. Decembr. A. C. 1638. LEOPOLDUS *Ignatius* d. 9. Junii A. C. 1640. *Maria Anna* d. 22. Decembr. A. C. 1635. Sed ex his *Philippus* & *Maximilianus* præmaturâ morte intercepti sunt.

Deus Opt. Max. hoc Principe, verè clementi, placido & mansueto; à quo ipsa lenitas discat lenis fieri, præterea literatorum amantissimo, rebus Romanis præsidente, imperium, quod concussum & tantum non deploratum accepit, pacatum reddat; omnia in locum suum restituat, ac reponat; cosque, quibus in turbatis rebus, & ruinâ tot illustrium familiarum tot regionum ac civitatum summa voluptas est, fortimannu compefcat. Contrâ furorem & discordiam istam Turcis injiciat, & victrices illis aquilas immittat in ÆTERNAM NOMINIS SUI GLORIAM!

UNIVERSALIS HISTO- RIÆ SUPPLEMENTUM.

HÆc auctor doctissimus; cujus purpuræ panni vilioris laciniam affluere cogor; uti id, quod abest huic operi, supplemento expleamus. *Maria* conjux, Hispana, filiam adhuc peperit unicam, *Mariam*, A. C. 1646. eodem decedentem annò, quo & ipsa filiorum quatuor, duarumq; filiarum mater supremum diem (13. Mæji, A. C. 1646.) expleverat. *Mariæ Anna* desponsata d. 23. Aug. A. C. 1646. *Philippo V.* Hispaniarum Principi, hoc ipso ante nuptias defuncto, nupsit *Philippo IV.* Regi Hispaniarum, d. 8. Nov. A. C. 1649. Dein *Ferdinandi III.* matrimonium tenuit *Maria Leopoldina*, Leopoldi Archiducis, in Insbruck, filia; quam ei nuptum dedit d. 2. Jul. A. C. 1648. Hæc verò fatali partu *Carolus Josephus* edens d. 7. Aug. A. C. 1649. nonnullarum (ceu quidam referre ausi sunt) negligentia, quæ habere rationem puerperæ debebant, mortua est repentinò d. 9. Aug. anno eod. haud sine magno & acerbo dolore, quem ubiq; terrarum commoverat. In *Carolo Josepho* (cujus ut ætas sit longinquior, precamur) fulgere perhibent altam animi indolem, naturamq; pulcherrimam.

Processu temporum Imperator *Eleonoram Gonzagam*, Caroli II. Ducis Mantuæ filiam, secum matrimonio junxit d. 30. April. A. C. 1651. ex qua progignebantur *Teresia Maria Josepha*, d. 26 Mart. A. C. 1652. morte iterum extincta mense Maj. A. C. 1653. cum instaret electio *Ferdinandi IV.* de qua inferiùs. Itemq;

Eleo-

Eleonora Maria, d. 21. Maji, A. C. 1653. *Maria Anna Josepha* d. 20. Dec. A. C. 1654. & *Ferdinandus Aloysius Josephus* d. 1. Febr. A. C. 1657. Sed *Ferdinandus Aloysius Josephus* pro mortali conditione brevioris vitæ, immortalitatem est consecutus d. 30. Jun. A. C. 1658.

Adresimperii redeundum nunc est: Cum misera Germania sanguine nataret, & bellum annis tricenis se ipsum (dicente Livio) aleret; imperii CUSTOS & CONSERVATOR & PROPUGNATOR, Ferdinandus III. cognomento vero PACIFICUS, concordiæ & compositionis *Osnabruccensis* auctor esse non destitit; pacificatum legati ejus venerunt, posteritatis otio consulturi: Prosperè decedentibus, & tranquillitatis mox rebus Germanis, *Osnabr.* d. 14. Oct. A. C. 1648. pax facta, & executio ejus impetrata fuit *Noribergæ*, d. 16. Jun. Dominica I. post Trin. A. C. 1650. Quam gratiolus pacis factæ nuncius apud Imperatorem fuerit, *Illustris Dn. Ranffius*, exercitissimus legionis veteranæ ac pugnacissimæ Ductor; dona testantur amplissima: *annulus* Imp. digito detractus, *sex mille Imperialium*; & aureus *torques* unâ cum imperatorio *numismate*, magni *favoris signo*; cujus pretium *bis mille ducatos* æquavit. Super hæc testes pacis citamus statuam colosseam, ex marmore factam, in foro *Pragenfi*; nec non in ponte Crucifixi signum ejusdem & molis & ponderis: Quæ æterna publicæ tranquillitatis monumenta Germanæ pacis firmator; Ferdinandus facienda statuendaq; curavit; ringente inter hæc, & (si posset) nocente *Innocentio X.* Pontifice: Is enim pacem Germaniæ bulla (velut ampullâ quadam

quadam projectâ) Romæ d. 3. Jan. A.C. 1651. abrogare, demoliri, deturbare quidem sustinuit; sed evertere non potuit. *Examen Bullæ Papalis* doctissimum instituit *D. Joh. Hoornbeckius*, hoc tempore Prof. Theol. Lugduno-Batavus; quem, si placet, in secunda editione vide.

Aliud ex alio mihi occurrit: Ferdinandus III. eodem animo *Ferdinandi Francisci* pater, quo erat omnium, filium hunc (quem non parum feliciter genuerat) in laborum curarumq; consortium assumsit, electum Romanorum Regem, & unico tantum FERDINANDI IV. nomine appellatum, *Augustæ Vindelicæ* d. 24. Maji, A.C. 1653. & coronatum in Comitibus *Ratisbonæ* d. 8. (18.) Jun. A.C. 1653. Qui antè Rex *Bohemiæ* d. 8. Sept. A.C. 1646. *Hungariæ* verò d. 16. Jun. A.C. 1647. creatus fuerat. At verò, immani Fatorum necessitate, eorundem munus implevit, & naturæ debitum maturè reddidit *Viennæ* d. 9. Jul. A.C. 1654.

Tandem & ipse optimus ac mitissimus pater, charus omnibus ac desiderandus, sidera tanquam suum repetiit; qui eximiis virtutibus adeò exsplenduit, quasi cæteras non haberet. Quid multis? animadvertere quivis potest, indignum fuisse tanto Imperatore mundum; quo privabatur *Viennæ* d. 2. April. A.C. 1657. anno ætatis 48. & plus quàm dimidio; imperii 20. mens. 3. d. 10. Id verò memorabile putabit posteritas, quod è tribus singulis uxoribus tres quoque reliquerit filios: LEOPOLDUM è *Maria*: CAROLUM è *Maria Leopoldina*: Et FERDINANDUM ALOYS. JOS. ex *Eleonora*; qui mox, ceu diximus, vitæ

vitaē fortem (post obitum patris memoriæ pientissimæ) dereliquit.

Ex hoc ipso de toto statu rerum communium cognoscebant omnes, & quem in locum deducta esset res nostra, videbant. Habebamus formam interregni; non mora: Morti periculo patriæ & nutatione imperii *Bavaria* simul ac *Saxonia* Electores, *Ferdinandus Maria*, & *Joh. Georgius II.* imperii Romano-Germanici *Vices* in se receptas gesserunt felicissimè: Horum humeris se imperium sustentavit. *Bavaria* Electori de summa *Vicariatus* dignitate controversiam faciens Elector Palatinus, *Carolus Ludovicus*, tandem toto (quem Palatinatus inferior respicit) Rheni tractu de imperio fideliter tuendo curam egit; ceu varia (præter mutuas *Ge&Golds* ac *Freheri* stricturas) recentiorum Prudentum scripta, utrobiq; excusa, & numi satis testantur. Quam litem tantum abest, ut mihi sumam, uti potiùs cum Cicerone *enigma Oppiorum* me non intelligere, ultrò fatear; meq; id censere dicam, quod idem ille de libro Serapionis: *Millesimam partem vix intelligo!*

Cùm verò habeat has *vices* conditio mortalium, uti adversa ex secundis, ex adversis secunda nascantur; post varia tandem rerum ac votorum discrimina non solum Electores judicium hominum, sed Dei etiam in consilium assumentes, LEOPOLDUM in Regem Romanorum *Francofurti* elegerunt 8. Jul. ibidem coronatum d. 1. Aug. A. C. 1658. velut *Hungaria* Regem d. 17. (27.) Jun. A. C. 1655. nec non *Bohemia* d. 4. (14.) Sept. A. C. 1656 olim creatum.

Non unius judicium, illa electio fuit; nam qui ubique sunt homines, hoc idem votis expetebant, longamque huic nomini ætatem, longam gloriam nunc precantur. Benè humeris LEOPOLDI sedet imperium, cui terras, hunc terris reliquit *Ferdinandus*, ter felix ac beatus; quem *vel nominasse* (ait Jac. Balde in Templo Honoris) *sit causam vicisse!* Qui dies ille, quo redux expectatus desideratusq; urbem *Noribergam* ingressus est? Jam hoc ipsum, quod ingressus est, quàm mirum lætumque? Non ætas quenquam, non valerudo, non sexus retarduit; quò minus oculos insolito spectaculo imple.

impleret. LEOPOLDUM parvuli noscere, ostentare juvenes, mirari senes; ægri quoque neglecto medentium imperio ad conspectum LEOPOLDI, quasi ad salutem sanitatemq; prorepere. Inde alii se satis vixisse, Imperatore viso; alii, nunc magis esse vivendum, prædicabant. Nostratum certè in Sacratissimum Imperatorem favor tunc statim enituit, cum illi ascendenti de mōre in Curiam applaudentium civium clamor ac vota, ut Imperatori, occurrerent: VIVAT, VIVAT LEOPOLDUS ! Liberum erat, ingrediente per publicum Cæsare, subsistere, occurrere, comitari, præterire; & limina templorum pariter ac arcis insidere, ad illius ingressum foribus reclusis: Profectò copiam sui, non ut imputaret, fecit. Placebat populo, placebat, per apertas fores & invitantia limina (ceu solet) irrupenti; quòd Imperator non reverentiam terrore, sed *amorem humanitate* captaret: *Humanitate*, inquam, prorsus admiranda; qua tamen nihil majestati detrahebatur. Quem honorem artibus ac studiis, quam dignationem *bibliotheca publica* habuit? Libros ipse tractavit, & agili versavit manu codices Latinos, Græcos, *Ebræos*, alios: Exoticas linguas probè noverat: Latine luculenter sciebat. Ibi unà cum *Reverendissimo & Serenissimo Archiduce*, LEOPOLDO WILHELMO; literarum ac monetarum veterum diligentissimo; omnia exactissimè observavit; in *Dn. Dillherrum*, Bibliothecarium longè celeberrimum; perhonorificus fuit; cumq; eo benigne ac comiter de variis sermones diu habuit; exceptus (ut limen intravit) ab eodem, velut dicendi magistro, brevi hoc, sed eleganti carmine:

Salve, Progenies Divùm ! salve, inclyte Caesar !

à summo summum Numine nomen habens.

*Dum templum ingrederis Musarum, ostendis amorem
in Musas; quarum Tutor & Altor eris.*

Ha scribent grata aternis Tua nomina fastis:

Ut sisas seculis innumerabilibus !

Verbo dicam: AUSTRIACUS est (sat dictum!) & hoc tantum major, quò melior! *Intelligamus ergo* (dicente haftenus Plinio) *bona nostra, dignosq; nos IL-
LIUS USU probemus!*

TABULÆ
CHRONO-
LOGICÆ

A PRIMA RERUM ORIGI-
NE AD C. JULII CÆSARIS
MONARCHIAM.

anni
Mūdi.

MUNDI ET ADAMI

ANNUS PRIMUS.

100--	100--	ABEL à fratre CAIN occiditur, pius ab impio.
30 SETH nascitur ex Adam annos nato 130.		
200--	200--	
35 ENOS nascitur ex Seth annos 105. nato.		
00--	300--	
26 CAINAN nascitur ex Enos jam nonagenario.		
95 MAHALALEEL nascitur ex Cai- nan jam septuagenario.		
00--	400--	
61 IARED nascitur ex Mahalaleel habente annos 65.		
500--	500--	
00--	600--	
23 HENOCH nascitur ex Iared, nu- merante annos vitæ 162.		
88 MATHVSALEM nascitur ex He- noch habente annos 65.		
00--	700--	
00--	800--	
75 LAMECH nascitur ex Mathusa- lem jam habente annos 187.		
00--	900--	
	30	ADAM moritur.
	87	HENOCH transfertur in coelum, cum in terra vixisset annos 365.
000--	1000--	

57	NOAH nascitur ex Lamech.	42	SETH moritur annos natus 912.
1100--		1100--	
		40	ENOS moritur natus annos 905.
1200--		1200--	
		35	CAINAN moritur annos natus 910.
		90	MAHALALEEL moritur natus annos 895.
1300--		1300--	
1400--		1400--	
1500--		1500--	
58	SEM nascitur & post eum fratres ejus duo, CHAM & IAPHET. Sem		
1600--		1600--	
	Arphaxad		
	1	51	LAMECH moritur natus annos 777.
57	DILVVIVM. Sala		
	1	56	MATHVSALEM moritur annos natus 969.
1700--	Heber 1700--		Heber 1
			1
23	HEBER Semi pronepos nascitur ex Salah. 88		Phaleg
57	Turris Babel circa hoc tempus creditur constructa, unde sequuta dispersio gentium.		Regu
			1
			Sariug
			1
1800--		1800--	Nahor
		43	BELVS I. Rex Assyriorū. 1
		61	Agialeus I. Rex Sicyonis. Thara
1900--		1900--	1
			Abraham
58	ABRAHAM nascitur ex Thara jam septuagenario.	8	NINVS Beli filius Rex Assyriorū
		13	Europ II. Rex Sicyonis. Zoroastres
			Rex Bactrianorum hostis Nini.
		58	SEMIRAMIS uxor Nini defuncto marito regnat annos 42.
		73	Telchin III. Rex Sicyonis.
2000--		2000--	

Zz ij

Anni Mūdi.	SACRA.	Anni Mundi	EXTERNA.
2001--		2001--	NINYAS Nini & Semiramidis f. Rex Assyriæ.
24	ABRAHAM ante quadriennium ex Vr Chaldaeorum in Haran Mesopotamiæ cum patre pro- fectus, divino jussu migrat in Chananæam.		Ægyptum jam inde ab Abrahami temporibus reges suos habuisse ex S. litteris certum : Origo re- gni incerta.
34	Circumcisio instituitur. Sodoma & Gomorrha intereunt.		
94	ISAAC nascitur Abrahamo jam centenario ex Sara nonagena- ria.		
2050-		2050--	
86	Sara moritur, cum vixisset annos 127.		INACHVS conditor regni Argi- vorum.
98	Isaac Rebeccam 40, annos natam ducit uxorem.	93.	
2100-		2100--	
9	IACOB & ESAV nascuntur Isaac sexagenario ex Rebecca.	30	OGYGES Bœotiæ Rex Eleusinen in Attica aliasq; urbes condit.
24	Abraham moritur, cum vixisset annos 175.		
		43	
2150-		2150--	Phoroneus II. Rex Argivorum fil. Inachi.
52	SEM moritur, cum vixisset an- nos 600.		Diluvium Ogygium.
36	Iacob fratris insidias veritus, fugit in Mesopotamiam ad avuncu- lum Labanum.	55	
2200-		2200--	
6	Iacob in Chananæam revertens luctatur cum Angelo.	4	Apis III. R. Argivorum. Sparta conditur à Sparto Phoronei filio.
29	Isaac moritur, cum vixisset an- nos 180.	12	Memphis in Ægypto conditur ab Apē.
39	Iacob fame urgente cum familia migrat in Ægyptum.	38	Argus IV. Rex Argivorum.
2250-		2250--	
56	Iacob moritur in Ægypto, cum vixisset annos 147.		
2300-		2300--	

9	Ioseph moritur anno vitæ 110. ex-pleto. <i>Finis libri I. Mosi.</i>	2350--	2350	<i>Criasus V. Rex Argivorum.</i>
	IOBVM singulare fortitudinis & patientiæ specimen ad hoc ævum referunt nonnulli.			<i>Oenotri ex Arcadia patriâ suâ in Italiam veniunt, post Aborigines dicti.</i>
2350--				
70	AARON nascitur ex Amram nepote Levi.	2350	94	<i>Phorbas VI. R. Argivorum.</i>
				<i>CECROPS I. Rex Atheniensium.</i>
71	MOSES nascitur.			
		97		<i>Triopas VII. R. Argivorum.</i>
2400--		2400		
	1 IOSVA nascitur.			
		19		<i>Diluvium sub Deucalione in Thessalia.</i>
		30		<i>TEVCER primus in Troade regnat.</i>
		43		<i>Crotopus IIX. R. Argivorum.</i>
		44		<i>Cranæus II. Rex Athen.</i>
2450--		2450		
53	EXITVS ISRAELITARVM ex Ægypto.	53		<i>Amphiclyon III. Rex Athen.</i>
		62		<i>Erichthonius IV. Rex Athen.</i>
34	<i>Hinc incipit Leviticus complectens historiam mensis unius. Hunc excipit immediatè lib. Numerorum complectens historiam annorum 38. mens. 9. dierum 20. Duorum mensium ultimorum historiam addit Deuteronomiũ.</i>	64		<i>Sthenelus ultimus Inachidarum IX. Rex Argivorum.</i>
		71		<i>Dardanus post Teucrum in Troade regnat.</i>
93	Aaron & Moses moriuntur. IOSVA succedit. <i>Finis V. lib. Mosi.</i>	75		<i>Danaus pulso Gelanore X. Rex Argivorum.</i>
	Initium <i>ἱερωγίας</i> & primæ hebdomadis annalis in Chananæa.			
2500--		2500		

Anni Mūdi.	JUDIC. HEBR.	Anni Mūdi.	EXTERN A.	Ante Chr.
2501--		2501		
10	OTHONIEL, judex annis 40. Liberat populum à servitute Cusan Regis Mesopotamiæ.		CADMVS è Phœnicia literas infert in Græciam.	
		11	<i>Pandion</i> V. R. Athenarum.	
		20	MINOS regnat in Creta.	
		36	<i>Erichthonius</i> Dardani fil. III. Rex Trojanus.	
51	EHVD annis 80. Liberat popu- lum à servitute Eglonis re- gis Moabitarum.			1400
		53	<i>Erechtheus</i> VI. R. Athen.	
		66	<i>Abas</i> XII. R. Argivorum.	
		82	<i>Troi</i> <i>Erichthonius</i> fil. IV. à Teucro, Trojani nominis auctor.	
		85	<i>Tantalus</i> Phrygiæ R. pater <i>Pe- lopi</i> .	
2600--		2600	<i>Pelopi</i> in Græciam trajicit.	
		6	<i>Acrisius</i> ult. R. Argivorum. Hujus ex Danae filia nepos <i>Perseus</i> regnum transtulit <i>Mycenæ</i> .	
		25	IANVS I. Rex Latii.	
31	DEBORA & BARAC annis 40. Liberant populum à jugo <i>Iabin</i> regis Cananæi.			
		31	<i>Ilus</i> Troi fil. conditor Ilii.	
		37	<i>Sthenelus</i> Persei fil. Rex Myce- narum.	1300-
		40	<i>Saturnus</i> Latii Rex.	
		45	<i>Eurystheus</i> Stheneli f. Rex My- cenarum	
		58	<i>Picus</i> in Latio Saturno succe- dit. <i>Atlas</i> .	
		70	<i>Laomedon</i> Ili fil. VI. Rex Trojæ, ab HERCVLE occisus.	
71	GIDEON annis 40. Liberat populum à jugo Madiani- tico.	78	ARGONAVTARVM expedi- tio in Colchidem. <i>Orpheus</i> . <i>Atræus</i> & <i>Thyestes</i> Pelopis filii Mycenæ regnant. <i>Dædalus</i>	
		95	<i>Fæunus</i> Pico in Latio succedit. <i>Linus</i> .	
2700--		2700		

10	ABIMELECH fil Gideonis, principatum 70. fratrum par- ricidio partum gerit annos tres.		<i>Museus.</i> <i>Amphion.</i>	
13	THOLA annis 22.	15	<i>Priamus</i> Laomedontis fil. ult. R. Trojæ.	
36	IAIR annis 22.	16	THESEVS alter Athenarum conditor, Rex X.	
		39	<i>Latinus</i> Aboriginum Rex Fau- no succedit.	
58	IEPHTHE liberat populum à servitute Ammonitica. Iu- dex annis 6.	53	<i>Agamemnon</i> Rex Mycenarum, fil. Atrei,	1200.
65	ABESSAN annis 7.	67	TROIA capta & everſa.	
		68	<i>Egyſthus</i> Thyestis f. Rex My- cenarum.	
72	ELON annis 10.	75	<i>Orestes</i> Agamemnonis fil Rex Mycenarum, ÆNEAS Lati- no ſocero ſuccedit.	
81	ABDON annis 8.	81	<i>Iulus Aſcanius</i> patri Æneæ ſuc- cedit in Latio.	
89	SAMSON annis 20.		<i>Alba Longa</i> ab Aſcanio con- ditur.	
2800-		2800-		
9	ELI ſacerdos & iudex annis 40.	20	<i>Sylvius Aſcanii</i> fil. in Latio Al- bæ Rex.	
			<i>Tiſamenus</i> & <i>Penthilus</i> Oreſtis fi- lli regnant Mycenis.	1100.
49	SAMVEL propheta & iudex.	47	HERACLIDARVM reditus in Peloponneſum, quo extin- ctum regnum Mycenarum & exortum Laconicum.	
79	SAVL Rex. INITIVM RE- GNI IN POPVLO ISRAEL.	81	CODRVS ult. Rex Athen. in prælio ceditur. <i>Finis regni Athenenſis. Sequuntur Ar- chontes perpetui XIII. quorum primus MEDON.</i>	
89	DAVID regnare cœpit in He- bron, <i>Iſboſeth Saulis f. regni emulus.</i>			
96	DAVID regnare cœpit in Hie- ruſalem.			
2900-		2900-		

Anni Mūdi.	SACRA.	EXTERNA.	Ante Chr.
2901-	2901-		
19	David ob rebellem filiū, exul.	7 IONVM coloniz in Asiam migrant.	
29	SALOMON, annos 40.	21 Hiram Rex Tyri, filius Abibali.	
32	Templi Hierosol. fundamenta jacta.	31 Alba Sylvius Rex Albanus in Latio.	
40	Encenia templi.		
	<i>Reges Juda.</i>	<i>Reges Israel.</i>	
69	ROBOAM, 69 annis 17.	1 EROBOAM Ephraimita primus Rex Israel.	1000
	<i>Sesak R. Egypti diripit templum Hierosol.</i>		
86	ABIAM annos 3.	70 Capetus Albæ R. in Latio.	
89	ASSA annos 41.		
3000-	3000-		
		HOMERVS.	
3	Assa Zerem 14	5 Ithobaal Rex Sidonis & Tyri	
	Æthiopē 15	pater Iezabelis.	
	vincit.	Benhadad Rex Damascus floret.	
		Capetus II. Albæ Rex.	
30	IOSAPHAT fil annos 25.	26 ACHAB fil. maritus Iezabelis Sidonia.	
		ELIAS Propheta prodire cœpit.	900
		46 OCHOZIAS fil.	
		48 IORAM frater Ochoziaz.	
52	IORAM fil.	52 Pygmalion R. Tyri & Sidonis.	
		Elia in cœlum rapto succedit ELISÆVS.	
59	OCHOZIAS fil.	53 Hazael Rex Damascus.	

	60	IEHV excidit domum Achab.	LYCVRGVS floret Spartæ.	
60	ATHALIA mater Ochoziæ, filia Achabi regnū occupat.	67	<i>Karthago</i> à Didone conditur.	
		77	SARDANAPALVS ultimus Rex Assyriorum à Nino descendendum perit. Regnum invadit <i>Arbaces</i> Mediæ præfectus.	
66	IOAS fil. Ochoziæ, annos 40.	87	<i>Aventinus</i> Albæ Rex in Latio.	
	88	IOACHAS fil. annos 17.		
3100--	3100	3100		
	6	AMASIAS fil. annos 29.	7	<i>Benhadad</i> fil. Hazael Rex Damasci.
	13	<i>Eliseus</i> obit.		
	21	IEROBOAM II. fil.		
		24	<i>Proca Sylvius</i> Rex Albæ.	
38	AZARIAS qui & Vzias, fil. annis 5. <i>Hoseas</i> propheticum munus obire cœpit. <i>Ioel</i> Propheta. <i>Amos</i> Prophetæ cœpit.	37	<i>Caranus</i> Heraclida Argis Macedoniam perit, ibiq; regnum auspicatur.	
		47	<i>Amulius</i> R. Albæ in Latio.	
			HESIODVS.	
	75	ZACHARIAS menses 6.	OLYMPIADVM initium.	800
	76	SELLVM m. 1.	<i>Phul</i> Rex Assyriæ floret.	
		MENAHEN annos 10.	<i>Numitor</i> avus Romuli Rex Albæ. <i>Teglat Phalsar</i> R. Assyriæ.	
	88	PEKALAH annos 2.		
90	IOATHAM fil.	95	<i>Alcmaon</i> ultimus <i>Ἀρχων</i> perpetuus Athenis, sequuntur decennales, quorum primus CHAROPS.	
	90	PEKAH annos 20.	ROMA CONDITA VI. Olympiad. anno 3. secundum Varionem.	
3200--	3200	3200		

Annū Mūdi.	R. IUD. REG. ISR.	OL GRÆC.	A. ROM. V.	VARIA.	Ante Chr
3201-					
6	ACHAZ <i>Vocat in anx. Te- glathpha- lassarem R. Assyri. contra Re- zin.</i>	6. Pekah & Rezin Sy- ria R. obfi- dent Hie- rosolymā. 10. HOSEA Rex ult.	9 Bellū Mes- senium I. E- phori primi in rep. Spartana creantur.	NABONAS SAR R. Ba- bylonis.	
22	EZECHI AS fil.	Salmanassar R. Assyria capit Sama- riam. X. tri- bus abduct. Finis Regni Israel.	11. Syracusæ conditæ ab Archia Co- rinthio. 14. Bellū Mes- senium fini- tur capta à Spartanis I- thome.	26 T. Ta- tius à Ro- mulo in societate regni re- cipitur.	Salmanassar R. Assyria. Merodæ fil. Baladan R. Babyl. Sennacherib R. Assyria. Afarhaddon fil. R. Ass. Gyges occi- so Gandau- le Heracli- da R. Lydia. <i>Initiū histo- ria Herodoti.</i>
36	<i>Ierusalem ab exercitu Sen- nacherib obsessa libe- ratur de vineis.</i> NAHV M Propheta. TOBIAS in Media flore.	17 Corcyra conditur à Corinthiis. 20. Tarentū conditur à Spartanis. 23. Post Ery- xiam ult. de- cennalē Ar- chontes IX- viri annui Athenis cre- antur.	40. N V M A Pompili- us R. II.		
51	MANASSES fil. <i>Manasses ob impietatem ab Assyrii in captivi- tatem abductus, & post resipiscētiā in re- gnum restituitur.</i> Holofernes ab Iudi- tha occiditur.	24. Bellū Mes- senium II. duce Aristot- mene heroe fortissimo. Archilous poeta flore.	85. TVL- LVS HO- STILIVS R. III.	Dejoces R. Mediæ. Psamitichus R. Egypti.	700
		27 Bellū Mes- seniū II, fi- nitus, expu- gnata à Spar- tanis Irā.	89. Alba Longa de- letur à Ro- manis.	Phraortes R. Mediæ.	
		30. Cypselus Corinthe do- minatur.			
		31. Zaleucus Legislator Locrensis in Italia.	Cmus. An- nus urbis.		
3300-					

3301--	6 AMMON fil. 8 IOSIAS fil annos 31.	38. Periander Cypseli fil cœpit apud Corinth.	115. ANCVS MARTI- VS R.IV.	Cyaxares R. Mediæ. Nabopolassar R. Babyl. Necad fil. R. Ægypti. Alyattes R. Lydiæ pater Croesi.	
20	IEREMIAS cœpit docere. SOPHONIAS συγγρον & Iere- miæ.	39. Draco ἄρχων le- ges fert A- then.		132. TAR- QVNI- VS PRI SCVS R. V.	Nebucadn. R. Bab. cædit Necao regē Ægypti ad Euphratē. Plamini R. Ægypti. Apries R. Æ- gypti. Astyages ult. R. Mediæ. Amasis occ. Aprice cœ- pit in Æg. Evilmerodach fil. R. Bab.
39	IOACHAS fil. mens. 3. IOIAKIM frat depor- tatur Babylonem. DANIEL Babylonem abducitur.	42. Alcman Lyricus flo- ret. 45. Pherecy- des Syrus floret. Alcaus. Sappho.			Niriglissor gener Neb. R. Babyl. Cyrus cœpit in Persia. Laborosoar- chodus, Da- nieli Belsa- zar R. Bab. m 9. Huic trucidato suc- cedit Nabo- nidus, Da- nieli Darius Medus.
3350--	IECHONIAS fil. post m. 3. abducitur Ba- byl. cum 20000. cap- tivis, in quibus E- ZECHIEL. Initium captivit, Babyl. Suc- cedit patruus ZE- DEKIAS.	46. SOLON ἄρχων A- then. no- vis legibus remp con- stituit.			Amyntas Ma- ced. R. Astyages Me- diæ R regno & vita exui- tur à Cyro. Finis Regni Medorum.
60	Hierosol. à Nebucad- nezare occupatur Zedekias excæcatus Babylonem ducitur, deletur templum. <i>Finis Regni Iuda.</i>	48. Periander obit, cum quo Mo- narchia a- pud Corin- thios desi- nit.	177. SER- V I VS TVLLI- VS R. VI.		
86	Iechonias Babylone è carcere eductus & in honore habitus ab Evilmerodacho.	52. Phalaris tyrannus Agrigenti- nus 53. Pisistra- tus tyran- nidē in- vadit A- thenis. 54. Æso- pus ne- catur à Delphis. Stesichoro poëta o- bit.	Seculum VII. Sapientum. CC annus urbis		
3400--		57.			

V.

Anni Mūdi.	PERSICA.	OL. GRÆC.	A. V. ROM.	VIR. IL.	VAR.	Ante Chrē
2401--		58		Theognis floreť.		
9	Cyrus Nabonidum vincit.	59 <i>Pisistratus</i> de- nuo ab exi- lio redit A- thenas & do- minatum si- bi firmat.		THALES obit.		
11	Babylon ca- pitur à Cy- ro.			Anaximā- der obit.	CROE- SVS à Cyro vinci- tur.	
19	Cyrus solvit capt. Babyl. Iudæorum.	62. <i>Pisistratus</i> obit, succedit <i>Hip- pias</i> fil. <i>Poly- crates</i> rerum potitur in Samo Insu- la.	221. TARQVI- NIVS su- perbus R. ult.	<i>Pythagoras</i> floreť.	<i>Finis Re- gni Ly- dorum.</i>	
21	CAMBYSES Cyro patri succedit.			Xenopha- nes Co- lophonius.		
25	<i>Cambyses Æ- gyptum in- vadit.</i>	65. <i>Polycrates</i> Sami- orum tyran- nus interfā- citur.		Simoni- des Ce- us, Ly- ricus.	<i>Amasis R Æ- gypti obit</i>	
28	MAGI DVO, mensēs VII.			Phocyli- des.	Hujus fi- lium <i>Psam- menitū</i>	
29	DARIVS HY- STASPI- DES.	67. <i>Hipparchus</i> <i>Pisi- strati</i> f. ab Harmodio & Aristogitone cæditur.		Anacre- on.	<i>sextū jā mē- sē re- gnan- tem e- vertit Cam- byses.</i>	
36	Babylonē re- bellem per Zopyrū re- cipit Dari- us.			Anaxime- nes na- scitur.		
	Dariū in Scy- thiam ex- peditio in- felix.	Hippias Athe- nis pulsus fu- git ad Dariū.		Epichar- mus <i>Py- thagora</i> auditor.		
	Megabazus Thraciā & Macedoni- am Darii imperio subjicit.	69 Bellum inter Athen. & Æ- ginetas.	245. REGIFV- GIVM. Primi Coss.	PINDA- RVS na- scitur.		
		70 Milesii & Iones à Persis de- ficiunt.	<i>Porfena Clu- sinorum Regulus Tarquini- as reducere conatur.</i>	ÆSCHY- LVS na- scitur.	Alexan- der A- myn- tæ f Rex Mæ- ced.	
				Heraclitus Ephe- sius.		
				Zeno Ele- ates.		
				Anaxago- ras na- scitur.		

3451-		Sardes ab Io- nib& Athen. captæ incen- duntur.	256. Primus dictator T. Lartius Flavius.	SOPHO- CLES	
56	Ionum classis à Persis dis- sipatur, o- mnesq; eo- rum urbes subiguntur.	72 PVGNA MA- RATHO- NIA.	260 Primi Tribuni plebis. 264. C. Mar- cius Corio- lanus in exiliū a- ctus.	nascitur.	Gelo R. Syracu- lanus cœpit.
60	Darius clasſe DC. trire- mum mit- tit in Græ- ciam.		268. Lex a- graria à Sp. Cassio promulga- tur.	Miltiades	
65	XERXES so- lus, defun- cto patre.	75. PVGNA SALAMI- NIA, Mar- donius ad Plateas, à Pausania & Aristide vin- citur & oc- ciditur.	270. Bellum Veiens diu- turnum cui Æqui, Volsi, He- trusci se miscuerūt. 277. CCCVI. Fabii per- iere ad Cremerā.	Themis- tocles.	Hiero Syracu- sis suc- cedit fr. Geloni.
70	Trāſitus Xer- xis in Euro- pam. Hæſter Xerxi e Græcia re- verso ad- ducitur.			EVRIPI- DES na- scitur.	
				Democri- tus na- scitur.	
80	Cimon Miltia- dis f. cadit Persas ad Eu- rymedontem ſt. terra ma- rique.	77 Themistocles ex- ul Argos & poſt ad Persas abit. Bellum Meſſeni- um III, an- nos 10.			Syracu- ſani Thra- ſybulο Hiero- nis suc- ceſſore expul- ſo ſe in liberta- tem af- ſerunt.
			297. X. tribb pl. primū creantur. CCCmus Vrbis Le- gati in Graciam miſi co- gnoſcen- dum le- gum er- go.	SOCRA- TES na- ſcitur.	
86	ARTAXER- XES μα- κρόχρε.	78 Pausanias prodi- tionis damna- tus fame ne- catur. Græcia externo metu liberata, ad domeſtica bella paul- tim arma con- vertit.	Xviri cre- antur.	Cratinus.	Perdic- cas R. Mace- doniz.

Anni Mūdi.	PERSICA.	OL. GRÆC.	A. ROM. V.	VIR. C.	VAR.	Ante Chr.
3501 --		<i>Cimon Persas in Cypro terra ma- ria vincit & ad pacem faciendā adigit Artaxer- xem.</i>		<i>Cimon in Cypro o- bit.</i>		
		<i>83. Athenienses in Italiam ad Thurium in- staurandū co- lonos mittūt, in quibus HE- RODOTVS.</i>	<i>309 Rogati- ones Canu- leja de con- nubio patri- ciorum & cōsulatu cū plebe cōmun- nicando.</i>	<i>Empedo- cles. Protago- ras. Melissus Parmeni- dis audit.</i>		
26	DARIVS NO- THVS fil.	<i>87. BELLII PELO- PONNESIA- CI initium.</i>	<i>310. Primi Tribuni inilitares Cōs pote- state.</i>	<i>L Quincti- us Cin- cinnatus Dictator.</i>	<i>Archela- us R. Ma- ced de- functo Perdic- ca.</i>	
	<i>Edictum Cyri de instaurā- do templo Hierosol. re- novatur à Dario.</i>	<i>89. Inducia in 50. an- nos inter Athen. & Spartanos in- ta, post 8. annos dissolvantur.</i>	<i>311. Primi Censores. 315. Sp. Me- lii seditro opprimitur.</i>	<i>Isocrates nascitur. Gorgias. Prodicus. Hippocrates. Thucydides.</i>		
	<i>Initium heb- domadum Danielis.</i>	<i>90. Athenienses ab Egestanis exciti classē contra Syracusanos mis- tunt, ducibus Alcibiade, Ni- cia, Lamacho.</i>	<i>316. Veientes à Romanis deficiūt au- ctore Larte Tolumnio.</i>	<i>Pericli. obit. Plato nasc. Haggæus & Zacharias vaticina- ri incipi- unt.</i>		
32	Encania tem- pli.	<i>91. Athenienses ab Egestanis exciti classē contra Syracusanos mis- tunt, ducibus Alcibiade, Ni- cia, Lamacho.</i>	<i>330 Inducia 20. annorū data Vejen- tibus.</i>	<i>Alcibiades absens sa- cilegii da- mnatus fugit La- cedæmo- nem.</i>		
38	Ægyptus à Persis defe- cit, duce Amyrtæo.	<i>93. Athenienses ad Syracu- sas.</i>	<i>336 De quæ- storibus promiscuè ex patrib9 & plebe creandis plebi con- cessum.</i>	<i>Alcibiadis gloriosus in patriā reditus. Sophocles & Euripi- des obe- unt.</i>	<i>DIONY- SIVS tyrāni- dem in- vadit Syracu- sis, eaq; tenet annis 38.</i>	
39	Fœdus iētum inter Sparta- nos & Persas.	<i>Finis Belli Pello- ponnesiaci.</i>	<i>351. Veji à Romanis obsiden- tur.</i>	<i>Malachias. Euclides. Xenophon. Ctesias. Cnidius.</i>		
45	ARTAXER- XES <i>μνημων</i> fil.	<i>XXX. Tyranni Athenis Thra- sybulo ejici- untur.</i>				
49	Cyri <i>ἀνὸς βα- σις</i> contra fr. <i>Artaxerx.</i>	<i>95.</i>				

ESRA per-
missu Re-
gis Hie-
rosolymā
proficisci-
tur

96. Agefilaus
Spartanus,
dux belli in
Asiam mit-
titur.

360. VEII ca-
pti à Dict.
M. Furio Ca-
millo.

Socrates bi-
bit citu-
tatem.

Aristopha-
nes fl.

64

NEHE-
MIAS
Hierosol.
profectus
manus
urbis in-
statuat.

Spartani ad
Leuctra à
Thebanis plu-
res à paucio-
ribus vincun-
tur duce E-

362. Fausci Ca-
millo se deaunt.
366 Roma ca-
pitur à Gal-
lis.

371. M. Manli-
us è Saxo
Tarpejo de-
jicitur.

ARISTO-
TELES
nascitur.

Evago-
ras cœ-
pir in
Cypro

Nectane-
bus R.
Ægypti
cœpit.

Artaxer-
xes bello
Ægypti-
os inva-
dit.

PAMINON-
DA.

380. *Ἀναρχία*
V. annorum
ob legem tri-
buniciam de
altero cōf ex
plebe desi-
gnando.

390. Primus è
plebe cōf. L.
Sextius.

Agefilaus
R. Spart.
obit.

Dionysi-
us mo-
ritur,
succedit
Diony-
sius ju-
nior

89

A R T A-
XERXES
OCHVS.

103.
Praxinum ad
Mantineam
cum Laced.
& Arcadi-
bus, in quo
occumbit
victor EPA-
MINON-
DAS.

*Finis creandorum
tribunorū mi-
litarium con-
sulari potesta-
te.*

394 M. Curtius
in voraginem
se precipitat
pro rep.

Democritus
obit. XE-
NOPHON
obit Co-
rinthi.

PHILIP-
PVS A-
myntæ
fil. R.
Maced-
doniz.

105. Templum
Ephesinū ab
Herostrato
incenditur.

400. Primus è
plebe Dicta-
tor C. Mar-
tius Rutilus.

Theopom-
pus Chi-
us.

DION-
Syracu-
sis poti-
tur.

106. Bellū sa-
crū novē-
nale inter
Phocenses
& Bæotos
cœpit.

Ephorus
Cumæus.

[illegible]

3651--		Demetrius Athenis iterum potitur. Occupat Macedoniam & Graciam totam. Pellit Pyrrhum Thesfaliam invadentem. Victus à Seleucis capto Demetrio Rex etiam Asia.	Cassander Rex obit, post quem de regno varie certatur, successio tandem stetit in Demetrii posteris. Macedonia Demetrio eripitur à Pyrrho, & huic à Lysimacho.		Megasthenes Persa.	
123. 65	Ptol. Philadelphus coepit vivo patre.	Extremum praelium inter duces Alex. M. Seleucum & Lysimachum, in quo hic occumbit. Seleucus Ptol. Cerauni insidiis oppressus, regnum Maced. quod Lysimacho eripuerat, cum vita amittit.	Antigonius II. Gonatas, Demetrii Poliorc. filius.	264. Debellatur tandem cum Samnitibus & foedus renouatur.	Timæus fl.	Athena dejecto Demetrii praesidio libertatem recuperant.
				472. Belli Tarentini initium cum PYRRHO rege.	Demetrius Phalereus perit. Ol. 124. Berosus Aegyptius.	
					Theocritus.	Galli templum Delphicum spoliant. In Asia trajiciunt.
					Epicurus obit. Ol. 127.	
				482. De dicitur Tarento bellum finitur.	Manethos. Zoilus.	Initium societatis & reip. Achaeorum.
127.	S. Scriptura in Gr. lingua vertitur à LXX. interpret.	ANTIOCHVS Σωτήρ Seleuco patri succedit. ANTIOCHVS Θεός.	Gallio-Gracis debellatis, Athenas capit.	490. BELLVMI PVNICVM I. coepit.	Aratus Sicyonius ejecto tyranno patriam Achaeorum reipub. jungit.	Hiero R. Syracusarum.
3700--		Parthi duce Arsace à Syro-Macedonibus deficiunt.				

275

250

Anni Mūdi.	OL. ÆG.	STR.	MAC.	A. V. ROM.	VIR. C.	VAR.	Ante Chr.
3701--			DEME- TRIVS Antigo- ni Go- natæ fil.			<i>Apollonius Rhodius Callima- chi disci- pulus.</i>	
	133. 4 Ptol. III. Everge- tes.	Seleucus II. Cal- limicus, Thei fil. <i>Antiochus Ἰεργῆς regi fra- tri bellū infert o- pe Gal- lorum.</i>	Aratus Si- cyonius Corinthi expulso Macedo- nico pra- sidio A- chaorum reip. jun- git.	512. C.LV- TATIVS Catulus Cos. Rœ- nos vin- cit ad Ægates. Fini I. Belli Punici.		<i>Attalus Pergame- nus occa- sione belli inter Se- lencum Callinicum et Anti- ochum Hieracem fratres, res suas in A- sia auget.</i>	
3730	140. Ptol. IV. Φιλοπά- τωρ.	Seleucus Cerau- nus f. <i>Antiochus M. Cal- limici f.</i>	ANTI- GONVS III. Δώσω	519. Tem- plum Ia- ni secun- do clau- ditur.		<i>Chrysippus Stoicus, Clean- this disci- pulus.</i>	
	<i>Pugna ad Raphiam Ptolomæo felix.</i>		PHILIP- PVS II.	536. BEL- LVM PV- NICVM II. cœ- pit.			
			<i>Aratum Sicyonius veneno perimit.</i>	542. Syracu- sa capi- untur à M. Mar- cello.		<i>Archime- des perit.</i>	
	144. Ptol. V. Epi- phanes.	Iudaam & Syria urbes Ptolo- mæi pos- sessas oc- cupat.		552. BEL- LVM PV- NICVM II. fini- tur.		<i>Polybius nascitur. Olymp. 143.</i>	
	<i>Iudaam et Syria ur- bes An- tiacho a- dimit.</i>			554. Bellū Macedo- nicum I.		<i>Navius o- bit. Ol. 144.</i>	
3750--							

145.	Iudæi Ptolomæi præ- fidium arce Hieros. ab Antiocho ad- juti de- jiciunt.	Antiochus urbes Sy- riæ recu- perat.	Philippus ad Cy- nosce- phalas vinci- tur à T. Quin- ctio Fla- minio.	558. Philip- po Mace- donico pax, Græ- ciæ liber- tas reddi- tur à Quin- ctio.	Plautus o- bit. V.C. 554.	Attalus Perga- meno succe- dit Eu- menes.
		Vincitur ad Ma- gnesiam à L. Sci- pione Cos. Rom.		563. Bellum cum An- tiocho cœ- pit.	Panætius Stoicus.	
		<i>Seleucus</i> <i>Σωτῆρ</i> <i>Ἐφίλο-</i> <i>πάτωρ.</i>				
3770--	150. Ptol. VI. <i>Φιλομή- τωρ.</i>	<i>Antiochus</i> <i>Epiphanes</i> , fil. Ma- gni. Idolum in templo Hieros. collocat.	<i>Perseus</i> cœpit.	575 LEX VILLIA annaliū, præ- figens annos ætatis Can- didatiū Ma- gistratum.	St Cæcili- us Cō- micus.	Hannibal apud Prusi- am Bi- thyniæ Regē, veneno semet interi- mit.
	151. Templū Heliopo- li strui- tur à lu- dæis au- ctore O- nia.	<i>Antiochus</i> <i>Eupator</i> fil. Epi- phanis. <i>Demetrius</i> <i>Soter</i> fil. <i>Seleuci</i> . <i>Alexander</i> Bala in- surgit contra Deme- trium, <i>Epipha-</i> <i>nis sup-</i> <i>positi-</i> <i>tius.</i>	<i>Perseus</i> vincitur.	583. Bellum Macedo- nicum II.	Crates Mallotes.	
			<i>Perseus</i> vincitur.	586. L. Æ- milius Paulus delet re- gnum Macedo- nicum.	<i>Ennius</i> mō- ritur.	<i>Isidus</i> <i>Macca-</i> <i>bæus</i> cœpit.
			<i>Finis Rē-</i> <i>gni.</i>	590. <i>Perse-</i> <i>us Alba</i> in carce- re mori- tur.	<i>Aristar-</i> <i>chus.</i>	<i>Encænias</i> templi Hieros. Iudæ
	CLVII. Olym- pias.			D Cmus Vr- bis annus.	<i>Terentius</i> naufra- gio pe- tit.	<i>Macca-</i> <i>bæus</i> succe- dit fra- ter <i>Io-</i> <i>nathan.</i>
3800					<i>Pacuvius.</i>	120

ni udi.	Ol. ÆG.	SYR.	JUD.	A. ROM. V.	VIR. IL.	VAR.	Ante Chr.
DI--	158 Ptol. VII.	DEME- TR. NI- CAN.	SIMON cœpit. renovat foedus cū Ro- manis.	605. Bellū P V N I- CVM III.	M. Porcius Cato obit.		142
	Physcon, qui & Everge- tes II.	Antiochus Sidetes fr. Syriam invadit.		606. Mace- donicum III. contra Andriscū.	Apollodo- rus A- then.		
			Simoni à genero occiso succedit Ioh. Hyr- cannus fil.	608. Cartha- go & Co- rinthus de- lentur.	L. Attius 30. annos natus fa- bulā do- cet, cum Pacuvio octoge- nario.		
		Alexan- der Ze- benna, everfo Deme- trio, R.		609. Bellū contra Vi- riathum in Hispania.			
		Antiochus Grypus Deme- trii fil.		621. Tibe- rius Grac- chus peri- mitur.			
	165. Ptol. LIX. La- thyris, fil.			622. Nu- mantia à Scipione deletur.			125
				633. C. Gracchus ob perni- ciosas ro- gationes occiditur.			
3840	168. Pellitur Æ- gypto à matre, eiq; sur- rogatur fr. Ale- xander.		Delet tem- plum in mōte Ga- rizim. funditus evertit Samaritan.	641. Bellū Cimbri- cum cœ- pit.		Iugur- tha ever- fis Mici- psæ libe- ris Nu- midiam sibi ven- dicat.	
			ARISTO BVLVS REX.	643. Bellū Iugurthi- num cœ- pit.	Cicero & Pompejus nascun- tur. V. C.		
			IAMNE- VS ALE- XAN- DER REX II.	648. C. Mari- us & Q. Catulus Cimbros in Italia aditu de- lent.	P. Rutilius Rufus. Lucilius o- bit. Carneades fl.		
4850--							100

3853-	170. Lathyrus in re- gnum revo- catur.	Antiochus peris, suc- cedit, fr. Cyzice- nus, quē evertit Seleucus Grypi fil. & hunc Antio- chus pi- us Cy- zicenis f. qui per annos fe- rē IX. contra amulos patruales regnum tuetur. Tigranes Armenia R. Syria occupat.				M. Anto- nius O- rator. Artemi- dorus E- phesus.	Mithri- dates Ponti R. Asi- am oc- cupat, cives R. truci- dat, Graciā inva- dit.
3867	174. Ptol. Au- letes.	Lucullus Tigrane victo Antio- chū A- siaticum Pii f. re- gem sa- lutat. Syria à Pō- pejo in provin- ciā re- digitur	Alexandra defuncto marito regnum tenet. Hircanus & Aristobu- lus II. fra- tres de re- gno con- tendunt. Hierosolyma capitur à Pompejo. Hircanus restitu- tur, Ari- stobulus Romam ducitur. Alexander Aristo- buli fil. contra Hircanū in Iudæa rumul- tuatur.	664. Bellū Sociale. 666. Initiū belli ci- vilis Ma- riani. 668 L. Syl- la bellum in Gracia gerit con- tra Mithri- datem. 673. Idem victis ho- stibus Di- ctator rēp. constituit & proscri- ptionis ta- bulas pro- ponit. 677. Bellū Sertoria- num in Hisp.	681. L. Lu- cullus res in Asia gerit cō- tra Mi- thrida- tem. 688. Pom- pejus bel- lum pi- raticum conficit 699. Pom- peji, Cras- si, Cæsa- ris triū- viratus.	Gemino Math. Q. Hor- tensius. T. Pom- ponius Atticus. M. Te- rentius Varro. T. Lu- cretius sibi mortē consci- scit.	Nicome- des Bi- thynia R. mo- riens pop. R. haredē institu- it.
3895	181. Ptol. A- gypto à sua pul- sa Pom- peji iussu restitu- tur à Ga- binio.	Gabinus Syria præses.					
3900-	182. Ptol. Dio- nysius cū sorore Cleopa- tra.						

75

80

C. CÆSAR victo Pompejo rapit MONARCHIAM. X.

ÆGYPT.	JUD.	A. ROM.	VIRI ILL.	VARIA.
CLEOPATRA à morte fratris sola regnat.	<i>Herodes</i> Judææ R. Romæ designatur.	710. C. Cæsar Romæ in curia occiditur.	Diodorus Siculus. Cornelius Nepos.	
Victis ac à semet interfectis <i>Antonia & Cleopatra</i> , ÆGYPTVS in provincie formam redigitur à Romanis.	<i>Herodes</i> templū Hieros. instaurat.	723. Antonius ad Actium vincitur. C. Cæsar Octavianus, rogatus à senatu retinet imperiū, rēp. constituit, appellatur AVGVSTVS. Drusus in Germania res bene gerit.	722. T. Pomp. Atticus obit. Dionys. Halicarnass. venit in Italiam. Nicol. Damascenus.	Phraates Parthorum Rex Romana signa Crasso erepta restituit.
		748. Augustus Tiberium adoptat.	735. Virgilius obit. 741. M. Agrippa obit. 746. Mæcenas, & Horatius obeunt.	

CHRISTI NATALIS DIONYSIANVS, VNDE VVLGARIS ÆRÆ INITIVM.

Lectori Studioſo S.

Umma historiæ universæ vestigia, ab orbe condito ad C. Cæsaris monarchiam, decem tabulis impressimus, quarum prima annos continet clō clō, secunda annos lō, tertia cccc, quarta ccc, quinta cc, sexta & sequentes singulæ c. Clauduntur quinque singulæ illustri quodam temporis articulo: Prima *quæ ortu Abrahami*; secunda *ingressu populi in terram Canaan*; tertia *regni Israelitici exordio & fine Attici*; quarta *Romæ conditu*; quinta *primis*. Quinque cæteras suum quasque seculum absolvit; nisi ad huc omnium ultimæ L. annorum *ἐποχὴν* Cavadjecimus, sed factum, ut si quis in natali Servatoris terminum figeremur & hinc inveniat. In temporum ratione sequimur Josephum gerum, prout in Canone Chronico eam expressit V. Cl. Ubbonius. Annos ante Christum natum ab initio æræ vulgaris Dionianæ computamus.

TA-

TABULÆ
CHRONO-
LOGICÆ

A NATO CHRISTO
AD ANNUM.

clō lō c.
LVIII.

Anni Chr.	RES IMP. ROM.	RES ECCL.	VIRI CEL.	V A R I A.
	C. Cæsar Octavianus Augustus obit A. C. 14, æt. 76, à primo consulatu 46, à devicto Antonio 43.	CHRISTINA- TALIS Dio- nyisianus An- no Mundi 3950.	Trogus Pom- pejus. C. Iul. Hygi- nus. Antistius La- beo. C. Attejus Ca- pito.	9. Archelao re- legato per Cæ- sarum procu- ratores Iudæ administrari cœpit.
14	TIBERIVS. 23. <i>Sæ- vitia, libidine, arro- gantia, omnibus in- visus.</i>	Christus in tem- plo disputat annus natus XII.		10. Quintilius Varus ab Ar- minio cadi- tur.
17	Germanicus Cæsar de Cheruscis, Cat- tis, Angrivariis tri- umphat.		17. Ovidius <i>obit.</i> Livius <i>obit.</i> Strabo.	17. Terræ motus XII. Asiæ ur- bes affligit.
31	Sejanus scelerum pa- trator, iussu Tibe- rii cum omni stir- pe tandem neca- tur.	Christus bapti- zatur annos natus XXX. Iohannes Ba- ptista ab He- rode Antipa capite trun- catur.	19. L. Feneftel- la <i>obit.</i> Vellejus Pater- culus. Cornelius Cel- sus. Massurius Sa- binus.	19. Arminius dolo suorum perit.
37	C. CALIGVLA. 3. <i>Cadibus, stupris ac rapinâ omnia miscet.</i>	33. Passio Christi & resurrectio.	Cassius Longi- nus uterq; Val. Maximus.	27. Amphithea- tri Fidenatis ruinâ L. ho- minum mil- lia obterun- tur.
41	CLAVDIVS. 13. <i>Stolidus & alieno du- ctu crudelis.</i>	34. Pauli con- versio.		Herodes Anti- pas tetrarcha Galilææ.
44	Britannos subigit.	43. Iacobus ma- ior ab Hero- de Agrippa occiditur. Pe- trus ab eodē in carcerem coniectus ab Angelo libe- ratur.	40. Philo Iu- dæus Lega- tus Romæ pro <i>gentilibus</i> <i>suis.</i> Pomponius Mela. Columella.	37. Herodes A- grippa à Ca- jo Imp. Rex Trachonitidis &c. à Claudio Iudææ etiam & Samariæ constituitur.
50	Iudæos Româ pellit.			44. Agrippa di- vinitus per- cussus, Iudæa iterum per Romanos pro- curatores ad- ministratur.

54	NERO. 13. <i>Monstro quam homini similior.</i>	Simon magus. Nicolaitæ.	Petronius Arbitr. M. Val. Probus. L. Seneca. M. fil.	Esseni florent in Ægypto.
57	Parthos per Corbutionem feliciter reprimir.	62. Iacobus minor lapidibus obruitur.	Lucanus. Proculus. Persius.	
64	Vrbem incendit, & invidiam sceleris derivat in Christianos.	64. PRIMA PERSECUTIO Christianorum, Petrus crucifuffigitur, Paulus gladio truncatur.	Apollonius Tyanæus. Q. Curtius. Quintilianus. Alconius Pedianus.	70. Hierosolyma & Politia Iudaicæ excidium. <i>Finis hebdomadæ Danielis.</i>
68	GALBA. OTHO. VITELLIVS.			72. Templum Iudæorum in Ægypto diruitur.
69	FL. VESPASIANVS 10. <i>Principum omnium post Augustum optimus.</i>		80. Plinius perit. Martialis. Val. Flaccus.	73. Cæsarea metropolis Palæstinæ.
79	T. VESPASIANVS. 2. <i>Amor & delicia generis humani.</i>	Ebion, Menander, Cerinthus hæretici.	St. Papinius. Iuvenalis. Silius Italicus.	80. Vesuvii montis incendium.
81	DOMITIANVS. 15. <i>Sævis, rapax, luxuriosus.</i>		94. Fl. Iosephus <i>Antiquitatum libros absolut.</i>	Musonius, Epictetus, Dio Prusæus, alique Philoſophi urbe & Italia pelluntur.
84	Iul. Agricola conficit bellum Britannicum.	92. Clemens Episcopus Romanus cœpit.	Sext. Iul. Frontinus.	
96	COCCEIVS. NERVA. I.	94. PERSECUTIO II. S. Iohannes relegatur Fl. Clemens Exconsul. martyrio coronatur.	Cornel. Tacitus.	
97	TRAIANVS. 19. <i>Optimus à Senatu appellatur.</i>	99 S. Iohannes Ephesi obit.		

RES IMP. ROM.	RES ECCL.	VIRI CEL.	VARIA.
Trajanus Daciam victo Decebalo subigit.		Plutarchus. Philo Byblius.	
Idem contra Parthos, Armenios, Arabes res magnas gerit.	107. <i>Persecutio</i> III. Ignatius Antiochiâ Romanam tractus leonibus obicitur.	<i>Papias S. Ioannis auditor.</i> C. Plinius Bithynia præses.	
Iudæi in Africa & Cyprio rebelles compescuntur.		I. Annaeus Florus.	14. Babylon, Ctesiphon, Seleucia à Trajano capta.
HADRIANVS 21. <i>Ingenio varius.</i>	Traiani persecutionē successor ejus propagat.	Phavorinus Arelateasis. Suetonius Trāquillus.	18. Iudæorum rebellio in Iudæa à Marcio Turbone castigatur.
Rebus urbanis constitutis provincias peragrat.	Aquila Bibliorum interpret.	Ptolomæus. Neratius Priscus. Iuuentius Celsus.	
Parthis Armenia, Assyria, Mesopotamia cedit.		Præscus Iabolenus.	29. Iudæis Hierosol. agro interdictum.
Hierosolyma instaurat.	126. Quadratus & Aristides Apologeticos Imperatori exhibent.	Arrianus. R. Akiba, Cl. Aelianus. Phlegon Trallianus.	31. Salvius Iulianus auctoritate Hadriani Imp. edictum perpetuum condit.
Iudæos Barcocheba duce rebelles inter necione delet.		Zenobius Sophista. Max. Tyrius. Galenus. Iustinus Trogus abbreviator.	R. Iehuda cognomēto sanctus juris Iudæici traditiones scripto mandat.
ANTONINVS PIVS. 24. <i>Alter Natura.</i>	Basilides Gnosticorum sectæ parens.		
orbem terrarum sine bello sola auctoritate texit.	Iustinus Apologiam edit. Marcion, Cerdus, Valentinus hæresiarum.		

		Symmachus Bi- bliorum in- terpres.		
161	M. ANTON. PHI- LOS. 19. & L. ANTONINVS VERVS. 9. <i>Fratres dissimilimi.</i>	Hegesippus ex Iudæo Chri- stianus.	Appianus. Diog. Laër- tius. Gellius.	62. Vologeses Pare. R. Rom. imperii fines infectat.
165	De Parthis trium- phant.	163. Iustinus A- pologiam al- teram impe- ratoribus of- fert.	Apollonius A- lexandrinus. Hermogenes <i>Rhetor.</i>	
169	L. Verus apoplexia perit. Bellum Marcoman- nicum. Christiana legio plu- viam & victoriam exercitui Imp im- perat.	166. PERSECV- TIO IV. Iu- stinus Romæ, Polycarpus Smyrnæ mar- tyrium obe- unt. Montanus, Ta- tianus, hære- siarchæ.	Polyænus. Pausanias. Athenæus. Appulejus. <i>Athenagoras.</i> <i>Theophilus.</i>	65. Britannis permisso Re- gis publicè annunciatur Evangelium.
180	COMMODVS. 12. <i>Optimi patris pesti- mus filius.</i>	Theodotion Bi- bliorum in- terpres.	<i>Melito Sarden- sis.</i> <i>Apollinaris.</i> <i>Dionysius Corin- thius.</i>	
192	PERTINAX. DIDI- VS IVLIANVS. SEPTIMIUS SE- VERVS. 18. Pescennium Nigrum in Oriente, Clo- dium Albinum in Occid. Imperii competitores si- gillatim aggressus vincit.	85. Apollonius senator Rom. martyr. Pantænus Indi- am petit Ev- angelii profe- rendi causâ. Contentio de tempore ce- lebrandi Pa- schæ.	Lucianus. Phrynichus. Julius Pollux. Iul. Solinus.	89. Cleander nu- per apud Cō- modum po- tens dignum vita exitum fortitur.
		Tertullianus scri- bit Apologe- ticum.		Artabanus Part. R. ab Imp. su- peratur.

Anni Chr.	RES IMP. ROM.	RES ECCL.	VIRI CEL.	VARIA.
201		V. PERSECV- TIO, quâ <i>Philippus</i> Ægypti Præses, <i>Leonides</i> pater, O- rig. <i>Irenæus</i>	Clemens Ale- xandrinus.	
205	Severus Imp. ex O- riente redux tri- umphat. Idem in Britannia, re feliciter gesta, obit.	cum omni fe- rè populo suo Lugdunensi martyrio co- ronati.	Minucius Fe- lix. <i>Papinianus</i> . <i>Philostratus scri- ptor vitæ A- pollonii</i> .	Plautianus Præf. Prætorio, gra- tiâ & opibus florens; Cara- callæ socer, à genero inte- rimitur.
211	Ant. Bassianus CA- RACALLA, cum fr. GETA.		<i>Philostratus pri- oris gener scri- psit vitas So- phistarum</i> . <i>Iul. Africanus</i> <i>Dion Cassius</i> , <i>Herodianus</i> .	
212	Geta in sinu matris à fratre occiditur.	215. Disputatio inter Cajum Catholicum & Proclum Montani se- ctatorem Ro- mæ institui- tur.		
217	MACRINVS. 1.		<i>Vlpianus</i> , <i>Pom- ponius</i> , <i>Cel- sus</i> , <i>Modesti- nus</i> , <i>Paulus</i> <i>ICri</i> . <i>Oppianus</i> .	
218	HELIOGABALVS. 4. <i>Omnium nequis- simus</i> .			
222	SEVERVS ALEX- ANDER. 13. <i>Pace belloq. optimus</i> .	19. Hierichunte in dolio in- veniuntur di- vinæ scriptu- ræ libri Græ- cè redditi. <i>Origenes Alex- andriæ</i> , <i>Cæsa- rex</i> , <i>Athenis</i> sacros codices interpretatur.		
235	MAXIMVS. 2. <i>Gordi- ani pater & filius Imperium usurpan- tes occiduntur</i> .	35. VI. PERSE- CVTIO, ple- rosq; omnes ecclesiarum Antistites par- tim morte, a- lios exilio su- stulit.	<i>Ammonius præ- ceptor Pto- lemi</i> . <i>Gregorius Ne- ocæsariens.</i> <i>Censorinus</i> , <i>Serenus Sam- monicus</i> . <i>Cyprianus</i> .	25. Iudæis in Pa- læstina dege- re permiffum. Talmud. Hie- rosol. à R. Iochanā con- scribitur.
237	BALBINVS & PV- PIENVS. 1.			30. Persæ Artaba- no Partho everfo impe- rium Orientis recuperant per ARTA- XERXEM.
238	GORDIANVS. 6.			
244	PHILIPPVS A- RABS 5. <i>Parricida antecefforis</i> .			
249	DECIVS. 2.			
		49. VII. PERSE- CVTIO, pri- orib. favior.		42. Sapo- res Rex Persarum Ro- manis finibus infectus.

251	GALLVS pater & VOLVSIVS filius, 2.	Paulus in ere- mum secedit.	Dionys. Alex- andrinus.	Perse Antiochi- am diripiunt. Scythæ Chalce- donem capi- unt, Nicæam succendunt.
253	VALERIANVS cū fil. GALLIENO.	Novariani & Novati schis- ma Romæ contra Cor- nelium Epi- scopum.	<i>Gregorius Impe- ratorum con- stitutionē col- lector.</i>	Gothi Mace- doniam va- stant.
260	Valerianus à Sapore capitur. A Gallieno duces passim deficiunt.	57. IIX. PER- SECVTIO.		
268	CLAVDIVS, 2. <i>Fru- gi & moderatus.</i> Gothos ingenti strage fundit.	Cyprianus pri- mum exilio, inde capite multatur.		64. Odenatus Palmyrenorū Decurio, Ze- nobiz mari- tus, regio no- mine assum- pto, Persas Romanis fi- nibus expel- lit.
270	AVRELIANVS. 5. Vincit Aleman- nos & Marcoman- nos. Zenobiam trium- phat.	Sabellius hære- sis abolitæ in- staurator. 70. Paullus Sa- mosatenus Deitatis in Christo ab- negator, in Synod. Anti- och. damna- tur.	72. Dionys. Lon- ginus <i>iussu</i> <i>Imp. occidi- tur.</i>	
275	TACITVS. FLORI- ANVS.			
276	Aur. PROBVS. 6.	72. IX. PERSE- CVTIO.	<i>Porphyrius Flo- rini & Longi- ni discipulus.</i>	
282	CARVS, cum filiis CARINO & NV- MERIANO.	77. Manichæo- rum hæresis erumpit.	Arnobius.	
284	DIOCLETIANVS. 20. MAXIMIANVS HERCVLIVS Imp. Collega.		Lactantius.	Constantius Chlorus Bri- tanniam, Di- ocletianus Æ- gyptum, Her- culus Afri- cam pacant, Narseus Per- sam vincit Galerius.
291	Iulius Constantius Chlorus & Gale- rius Maximianus Armentarius ad- optantur Cæsa- res.	97. Thebæ le- gionis mili- tes, quod Christiani es- sent; omnes ad unum à Max. Hercu- lio trucidan- tur.	<i>Spartianus.</i> <i>Vulcatius Gal- licanus.</i> <i>Trebellius Pol- lio.</i>	

RES IMP. ROM.	RES ECCL.	VIRI CEL.	VARIA.
Imp. deposita pur purâ <i>Constantium</i> <i>Chlorum</i> & <i>Galeriū</i> <i>Maximianum</i> re- nunciant Augu- stos.	X. PERSECV- TIO atrocis- sima,	<i>Iul. Capitolinus.</i> <i>Æl. Lampri- dus.</i> <i>Fl. Vopiscus.</i>	305. Constantius filiū Con- stantinū; Ga- lerius Sever- um Maximi- num Cæsares appellant.
CONSTANTINVS M. 31. MAXEN- TIVS Herculiū fil. 6.	Donaristarum schisma in A- frica,	Iuvenus.	309. Saporess II. Rex Pers. cum vitæ initio cœ- pit, regnavit annos 70. Persequutor Christianorū.
<i>Licinius</i> à <i>Galerio</i> Cæsar constitui- tur.		Hermogenes constit. Im- perialium collector.	
Maxentius perit.	25. SYNOD. NICÆNA. Arii hæresin damnat, & controversiā de Paschate dirimit.		Gladiatorū spe- ctacula è R. orbe sublata.
<i>Licinius</i> capite mul- ctatur.			
Trispus Cæsar dolo novercæ occidi- tur.	30. Athanasius ex presbytero Episcopus A- lexandr.		
Encænia novæ urbis Cpolis,	34. Synodus Tyri <i>Agerari</i> & σκ.	40. Euseb Cæ- sariensis obit. <i>Terentianus</i> <i>Maurus.</i> <i>Iamblichus.</i> <i>Donatus.</i>	327. Fausta Con- stantini M u- xor calumni- arum in Cri- spinum Cæs. rea occiditur.
CONSTANTI- NVS, CON- STANTIVS, CONSTANS.	Ancyra & Gangrensis Synodi,		41. Franci Gal- liam popula- tes à Constan- te vincuntur.
<i>Constantinus</i> à Con- stante prope A- quilejam cæditur.	47. Synodus Sar- dicensis eiq; opposita Phi- lippensis,	Iul. Maternus Firmicus.	Cōstantis mor- te cognita Vetranio in Pannonia, Nepotianus Romæ impe- rium arripit.
Constans à Magnen- tī duce occiditur.	PHOTINVS & Macedonius hæretici.		

351	Magnentius vincitur à Constantio.	51. Synodus Sir-mienfis hæreticorum,	Luzifer Cala-ritanus.	Nisibis à Sapore Persa ter frustra obfessa.
361	IULIANVS Apostata.	55. Hilarius Pictavorum Episcopus relegatur.	56. Antonius Monachus obit.	54. Gallus Cæsar capire mul-tatur à Con-stantino.
363	IOVIANVS.	57. Liberius Papa R. Arianæ hæresi sub-scribit.	Aurel. Victor. Eutropius. Proaeresius. Themistius.	Iovianus cum Persis pacem iniri tradita Nisibi & magna parte Me-sopotamiz.
364	VALEN-TINIA-NVS in occiden-te. 12.	59. Ariminensis & Seleucien-sis synodi hæ-reticorum. Valens Imper. Catholicos vehementer persequitur.	Optatus Mile-vitan. Cyrillus Hie-rofol. Ephrem Syrus.	Vest Gotthi Va-lentis permis-su in Thracia sedes ponunt.
375	GRATI-ANVS & VA-LENTI-NIANVS II.	389. THE-ODOSI-VS 17. Basilus M. Cæ-sarex in Cap-pad. Episco-pus.	71. Athanasius obit.	Vlphilas f. scri-pturam in lin-guam Got-thicam tra-ducit.
383	Cl. Maxi-mus ty-rannus Gratia-num pe-rimit.	388. Cl. Maximū fugat.	Gregorius Na-zianzenus. Ambrosius Me-diolanensis, Martinus Tu-ronensis Epi-scopi. Gregorius Nyf-senus.	384. Symma-chus de ara Victoriz in-stauranda Va-lentinianum interpellat, quem refellit Ambrosius.
392	Valentini-anus ab Arboga-ste strangulatur.	394. Eu-genium tyrannū vincit.	81 Synod. Con-stantinop. Oe-cum. II. dam-nat Macedoniam. Priscillianistarū secta in Hisp. Hieronymus. Rufinus.	Didymus Ale-xandrinus. Fl. Vegetius. Macrobius. Claudianus.
395	HONO-RIVS	ARCA-DIVS.	97. S. Ambrosi-us obit.	Iezdegirdes Rex Persiarum.
400	23.	11.		

Seculum IV.

anni hr.	IMP. OCC.	IMP. OR.	RES ECC.	VIRI C.	VARIA.
401			Innocent. 1. Episcop. Rom.	Sever. Sul- pitiu. <i>Sext. Aur. Victor.</i>	Gothi primū Radagaifo, inde Alari- co R. duci- bus, in Ita- liam irrum- punt, stipati Hunnis.
405	<i>Stilico</i> Rada- gaifum oc- cidit.		7. I. Chryso- stomus o- bit in exi- lio.	Synefio Cy- renenſ. Ep.	Alani, Vanda- li, Suevi, Burgundio- nes, Gallias & Hispanias invadunt.
408	<i>Stilico</i> Honorii juſſu peri- mitur.	8. THEO- DOSIVS II. 43.	11. Collatio contra Do- naſtiſtas Carthagi- ne, coram Marcellino Tribuno.	Paulus O- roſius. Sedulius. Cyrillus A- lexandr.	10. Roma cap. ab Alarico.
420	CONSTAN- TIVS con- ſors Impe- rii.	14. Pulcheri- am ſoro- rem Augu- ſtam ap- pellat.	16 PELAGII & Cæleſtii errores Car- thagine & Mileti da- mnantur.	Theodore- tus. Proclus Ep. CPtanus Poſſidius Calamē- ſis Epi- ſcopus.	11 Alarico ſue- cedit Athaul- ſus, aſſumta in uxorem <i>Placidia</i> Ho- norii ſorore.
425	VALENTINI- ANVS III. 30.	Perſicum bel- lūm con- tra VVa- ranem.	20. S. Hiero- nymus an- nos natus 91. obit.	Paulinus. Vincentius Lixinen- ſis.	<i>Pharamundus</i> , primus Rex Francorum.
	Aëtius contra Francos, Burgundio- nes, Go- thos, Hun- nos rem Ro- manam ut- cunque ſu- ſtentat.	35. Codex Theodoſi- anus edi- tur Cpoli.	30. S. Auguſti- nus anno 21. 76. obit	Sócrates. Sozome- nus. <i>Zoſimus.</i> <i>Olympiodo- rus.</i>	27. Vandali & Alani duce Geſſerico in Africam pe- netrāt à Bo- niſacio Co- mite invitati.
		Bleda & At- tila Illyri- cū & Thra- ciam po- pulantur.	31. Synodus EPHEſI- NA, con- tra Neſto- rium.	<i>1. Caſſianus.</i> Philoftr- gius.	29. Clodius Pharamundi f. trans Rhē- num in Gal- lias erūpens ab Aëtio re- primitur.
446	Picti & Scoti Britannos inſeſtant.		40. LEO or- dinatur E- piſcopus R.	Iſidorus Pe- luſiota. Idatius.	45 Clod. Francē R. ditionem trans Rhēnū extendit.
450		50. MARCI- ANVS.			49. <i>Meroveus</i> Franc. in Gal- lia ſedem firmat.

451	Attilæ glades in campis Catalauni- cis.		51. Synod. I CHALCE- DONEN- SIS contra Eurychem.	Prosper A- quitanus	Saxonum in Britanniam adventus.
455	MAXIMVS.			<i>Paulus A- gineta.</i>	Venetiarum origo.
456	AVITVS.		Persequutio Vandalica sub Arianis regibus feruet in Africa.	<i>Aetius A- midenus.</i>	55. Genfericus ex Africa in Italiam evo- catus Ro- mam diri- pit.
457	MAIORIA- NVS. 4.	57. LEO Thrax. 17.		Salvianus Massili- ensis.	
461	SEVERVS. 4.				
467	ANTHEMI- VS. 5.		61. LEO E- piscop. R. obit.	60. obit Si- meon Stylites <i>o Iav- mas.</i>	76. Genferico in Africa suc- cedit Hune- ricus.
472	OLYBRIVS.				
473	GLYCERI- VS.		72. Sidonius Apollinaris Arvernorum Episcopus creatur.	Fauftus Rhegiens. Ep.	
474	IVL. NE- POS.	74. ZENO. 18.			
475	AVGVSTV- LVS.				
476	ODOACER Herulus I- taliam oc- cupat.	77. <i>Basiliscus</i> imperii in- valor perit.	<i>Hunericus R.</i> in Africa sa- vir in Ca- tholicos.	Gelasio Cy- zicenus. Sidonius Apollina- ris. Æneas Ga- zaus.	84. Hunerico succedit Gun- damundus.
	Finis Imp. Oc- cid.				
	REGES ITA- LIÆ.	91. ANASTA- SIVS. 27.	94. Gelasius P. Rom. qui libri authentici, qui apocry- phi sint ha- bendi, de- clarat.	Victor Vti- censis. Ennodius Ticinen- sis. Gennadius Massili- ensis.	98. <i>Thrasamun- dus</i> Vandal. Rex.
493	THEODO- RICVS Ost Gott. R. <i>Odoacrum</i> e- vertit.				99. Bulgari in Romanos fi- nes incurrunt.
			Clodoveus R. Franc. ini- tiatur Chri- stianismo.	<i>Proclus Ly- cius.</i>	

		Anastafius cum Per- sarum Re- ge Cabade bello con- flictatur. Vitaliani Go- thi contra Imper. in- structa clas- sis Procli speculis æ- reis con- flagrat. 18. IVSTI- NVS Thrax. 9.	Fulgentius Ruspensis Episcop. à Thrasamū- do in Sar- diniam re- legatur. 18. Tumul- tus CPii contra A- nast. Imp coortus ob trifagii hymni in- terpolati- onem, Hildericus R. Vand. A- fricanis Ecclesiis pacem reddir. 29. Arausica- na syno- dus con- tra Pela- gium, S. BENEDI- CTVS Cassinen- se cœnobi- um cōdit. 35. Ioh. Phi- loponus, Grammat. Alexandr. XIIIX. arg- umenta Procli scri- pto con- furat.	Symma- chus. Boethius, Ferrandus Diacon9. Hefychius Milesius. Nonnus Pa- nopolita. Avitus Al- cimus. Dionys. Ex- iguus, I. Maxen- tius. Marcellinus comes. Cassiodo- rus. Epiphanius Scholasti- cus. Anastafius Sinaita. Arator. Pro- copius. Priscianus. Agathias. Marinus Ne- apolitanus. Ammonius. Tribonianus. Damascius Damasce- nus. Iornandes.	Cabades Persa o- rientalē Im- perii lūitem infectar. 7. Clodoveus Ala- rico VV. Gotho debellato Lu- tericiam regni sedem consti- ruit. Amala- ricus fil. in Hisp. fugiens hanc & par- tem Galliz retinet. 22. Hildericus Vand. R. or- thodoxis be- nignus. 26. Antiochia terræ motu pānē omnis evertitur. 29. Codex Iu- stinianeus pu- blicatur. 30. Hildericum Vandalū re- gno exuit fr. Gilerus. 34. Finis regni Vandalici in Africa. 40. Cosroēs Persa Syriam va- stat. 48. Berytus Phœ- niciz, studio- rum mater, terræ motu evertitur.
525	Athalaricus sub matris Amalasun- thæ tute- la. 9.	27. IVSTI- NIANVS. 38. 29. Bellisarius contra Ca- badē Per- sām mit- titur. 34. Bellisarius Africam recipit 36. Idem Ro- mam re- cuperat, & post Viti- gem capit. 40. Idem cō- tra Cosroem Persam & subinde contra To- tilam mit- titur. 48. Theodora Augusta obit.			
534	Theodatus. 2.				
536	Vigiles. 4.				
539	Hildibaldus. 1. Eraricus. m. 3.				
541	TOTILAS. 10. Romam bis capit.				
550					

553	Teja Rex ult. r. Finit regni Gothorum in Italia.	52. Narfes To-tilam inde & Tejam debellat.	53. Synodus Cptana secunda, Oecumenica quinta Theodori Mopsveste- ni libros, Iba Edef- feni epi- stolam & Theodo- reti com- mentariū contra Cy- rilli ana- thematis- mos da- mnat.	Gildas sa- piens. Simplicius. Liberatus. Procopius Gazrus. 65. Bellisa- rius obit.	Monachi tran- latis ex India bombycum ovis serici cō- ficiendi ratio- nem docent Europæos.
568	ALBOINVS Langobard. R. Italiam invadit.	65. IVSTI- NVS. II. 13. A bello ali- enus, legum amans & iustitia.		Corippus. Venantius Fortuna- tus,	58. Hunni Thra- ciam vastan- tes à Bellisa- rio reprimun- tur.
574	Clepho, 1. Interregnū decennic.	78. TIBERI- VS II. prin- ceps lenis, iustus, mu- nificus, pig.		Evagrius.	74. Alboinus fraude uxoris Rosmundæ perit.
585	Authar, 7.	82. MAVRI- TIVS Cap- padox 20. Virtutes re- liquas labe avaritia de- formavit.	91. Greg. M. eligitur Pa- pa R. 96. In Bri- tannia Pi- cti à Co- lumbano, Anglofa- xones ab Augustino Monacho docentur fidē Chri- stianam,		91. Hormisda Per- sarum Regi in carcerem detruso fur- rogatur fil. Cosroës se- cundus.
591	Agilulfus, 25.	Bellum Per- ficum. Bellum Ava- ricum.		96. Grego- rius Tu- ronensis obit.	
600					

Anni Chr.	IMP. OR.	REG. IT.	RES ECC.	VIRI C.	VARIA.
602	PHOCAS. 8. <i>Imperium eadem immanitate, qua quaesierat administrat.</i>		4. Gregorius M. Papa R. obit.	Ilychus Ep. Hierosol.	Cosroes Persa Romanos fines populatur. 12. Francorum Reges civili bello colliduntur.
610	HERACLIUS. 30.		14. Capta Hierosolyma lignū Crucis in Persidem asportatur. Christianorū ad XC millia ludæis venduntur mactanturq;.	Theophylactus Simocatta.	13. Clotarius toto Francorū regno potitur. Avars Thraciam infestant.
614	Persæ Hierosolymam occupant, Ægypto & Libya potiuntur.	16. Adal V Val- dus. 10.		Iohannes ἐλεήμων.	
621	Heraclius in Armenia Persas cædit & in Persidem penetrat.	26. Arioval- dus.	30. Cantabrigiensis Academia à R. Sigisberto instituitur.	Leontius.	22. MVHAMMEDES Arabum princeps ob novam sectam Meccā profugit.
627	Siroes Pers. R. pacem reddit Romanis.	39. Rotaris. 10.	30. Initium sectæ MONOTHELETARVM.	Sophronio Ep. Hierosol.	Dagobertus R. Francorum.
641	CONSTANTINVS. m. 4. HERACLEONAS. m. 6. CONSTANS. 27.		Constans Orthodoxis iuxta atque Monotheletis silentium imperat.	Ioh. Moschus.	31. Muhammedes obit. Successores illius Saraceni paullatim Palaestinam, Syriam, Ægyptum occupant.
650				36. Isidorus Hispalensis obit.	40. Saraceni Hormisda fugato Persidem sibi subijciunt.
				Antiochus monachus.	44. Dagoberto succedunt filii Clodoveus II. & Sigebertus.

654	Constans ad Lyciæ littus infelicitèr pugnat contra Saracenos.	54. <i>Rodoaldus</i> . 5.	57. Clodoveus in summa anno-næ penuria aurum & argentum sepulcris abradi, & in pauperes dividi jubet.	Andoënus Episcopus Rotomagen-sis.	53. Saraceni Rhodum occupant. <i>Muavia</i> Saraceno-rum Calipha princeps victoriosus.
668	CONSTANTINVS Pogonatus 17.	62. <i>Gundipertus</i> . 63. <i>Grimoaldus</i> . 9.	62. Bathildis Clodovei uxor Cor-beiense monasterium condit.	Hildephon-sus Episc. Toletanus.	60. Francorum Regibus in luxum & inertiam solutis, Palatii præ-fecti præraq; omnia dein-ceps admini-strant.
676	Saraceni ob-fessa ne-quequam Cæli inducias XXX. annorum paciscuntur.	73. <i>Garibaldus</i> . m. 3. <i>Pertarichus</i> . 17.	80. Synod. Cptana III, œcumenica sexta dam-nat Monotheletas & in his Honorium R. Pontificē.	Maximus monachus Cptanus, martyr.	70. Saraceni Sy-racusas expugnant.
685	IVSTINIANVS II. Ἰβνὸς τῆς τοῦ Ἰω. Barbarus & immitis. Inducitis Saracenicis temerè & infelicitèr renunciat.	91. <i>Cuniper-tus</i> . 12.	90. Egbertus Eboracens. Archiepiscopus, VVillebrordum, Sui-bertū, Lēbwinum, aliosq; in Frisiam ad Evangelium docendum mittit.	Ionas scriptor vitæ Columba-ni. Iulianus Archiep. Toletanus.	77. <i>Bulgari</i> V Vol-gæ fl. accolæ Thraciam vastantes pacem Imperatori vendunt pactione annui tributū. 91. <i>Pipinus</i> Ansegisi fil. Australiæ & Neustriæ regnorū magisterium per 27. annos gerit. 98. Saraceni Carthaginem evertunt. 700 Saraceni in Syria, Armenia & Cilicia latè cœduntur.
695	LEONTIVS 3. Iustinianum naso mutilatum relegat.				
698	TIBABSI-MARVS. 7. Leontium naso truncat.				
700					

Seculum VII.

anni Chr.	IMP. OR.	REG. IT.	RES ECC.	VIRI C.	VARIA.
705	Iustinianus imperium recuperat. 6.	3. <i>Luitper- tus. m. 8.</i>	6. Saraceni Chri- stianis Dama- sci primarium templum adi- munt.		
711	PHILIPPI- CVS. 2.	<i>Regimper- tus. m. 3.</i>	7. Synodus Trullana qui- ni-sexta.		12. Saraceni Hi- spaniam oc- cupant casu Roderico R.
713	A. R. T. EMI- VS muta- to nomi- ne ANA- STASIVS dictus. 2.	4. <i>Aripere- tus. 11.</i>	12. Philippicus sextam sy- nodum ab- rogat.		14. <i>Pipinus</i> obit, succedit in re- gni præfetu- ra filius <i>Caro- lus Martellus.</i>
715	THEODO- SIVS. 2.	16. <i>Aspiran- dus. m. 3.</i>	<i>Bonifacius</i> ex Anglia Mo- nachus Ba- varos, Fran- cos orienta- les Hassones ac Thuring- gos docet fi- dem Christi- anam.	<i>Beda.</i>	17. Astures Pe- lagio Gotho- duce Sarace- nos latè vin- cunt in Hi- spania.
717	LEO ISAV- RVS. 24. C. Plin à Sara- cenis ob- sessam for- titer de- fendit.	<i>Luitpran- dus. 30.</i>	26. Leo Imp. incipit <i>εὐ- νομαχῆν.</i>	<i>Ioh. Dama- scenus scri- bit contra Imp. pro sacris ima- ginibus.</i>	<i>Carolus Martellus</i> Saxones, Ba- varos, Ale- mannos, Sa- racenos cædit.
717	Romani re- lictâ fide Imp. in fi- dem se Rom. Pon- tif. Greg. II. dedunt.	46. <i>Hilde- brandus. m. 7.</i>	Greg. II. Papa R. Imp. ana- themate fe- rit.	30. Germa- nus Episco- pus C. P. ta- nus obit in exilio.	41. Carolo Mar- tello succe- dunt duo filii Caroloman- nus & Pipi- nus.
741	CONSTAN- TINVS COPRO- NYMVS. 34. Hujus uxor <i>Irene</i> Caga- ni Avarum Regis filia.	<i>Rachis. 6.</i> <i>so. Aristul- phus oc- cupat Raven- nam.</i> <i>Finis Exar- chatus.</i>	Idem in Bava- ria IV. in Francia Or. II. instituit E- piscopatus.	34. <i>Beda</i> o- bit. 37. <i>VVil- brordus</i> piimus Ep Tra- ject. obit.	42. Childericus postremus è Merovei po- steris R. Fran- corum.
750			47. <i>Carolomā- nus</i> è Rege Monachus Cassinenfis. <i>so. Rachis</i> è Langob. Rege Mon. Cassin.		<i>Atrox</i> pestis Græciam, Ita- liam &c. po- pulatur.

	Imperator I- conolatrās graviter persequi- tur.		52. S. Bonifa- cius Praeful- Moguntinus Pipinum in Regem Fran- corum per- ungit.		52. PIPINVS Caroli Mar- telli fil. ex Pa- latii praefecto Rex Franco- rum, exau- ctorato Chil- derico.
762	Bulgaros vin- cit ad An- chialum & triūphat.	57. Deside- rius ulti- mus Lā- gobar- dorum. 18.	54. Synodus Cp̄tana 338. Episcoporum damnat ima- ginum in tēplis usum.	54. S. Bonifa- cius à Fri- siis inter- ficitur.	
			Leo Imp. in re- primendo i- maginū cul- tu patrem avumq; æ- mulatur.	Theodorus Studites. Alcuinus Albinus. Paulus Dia- conus.	62. TVRCÆ portis Caspiis effusi Arme- niæ incum- bunt, & Sara- cenos oppu- gnant.
775	LEO IV.			81. VVilli- baldus primus Eystetens. praeful o- bit.	68. CAROLVS M. R. Fran- corum coro- natur.
780	CONSTAN- TINVS VII. cum matre Ire- ne. 10.	74. CARO- LVS M. capto De- siderio R. Italiae.	80. Osnabru- gensis eccle- sia prima in omni Saxo- nia à Carolo constituta.	Georgius Synchel- lus, Georgius Theopha- nes.	72. Initia belli Saxonici per annos XXXIII. continuati.
790	Cōstantinus Irene in ordinem redactā so- lus regnat 8.	<i>Finis regni Langobar- dorum in Italiae.</i>	87. Synodus NICÆNA II. contra Ico- noclastas.		78. Caroli in Hi- spaniam con- tra Saracenos expeditio.
797	Irene filium excacatum imperio de- jicit.		91. Parisiensis Academia à Carolo M. instituitur.	95. Hadria- nus I. pa- pa R. o- bit.	80. Carolus VVi- dekindus Sa- xonem supe- rat.
800			94. Synodus Francofurt. praesente Ca- rolo Felici & Elipandū Hispan. Episco- pos, cultum item imagi- nū damnat.		91. Carolus A- vares ad Ra- bam fl. ma- gna strage fundit.
					800. CAROLVS Romæ à Leo- ne III. Im- perator Augu- stus declara- tur. 14.

Anni Chr.	IMP. OCC.	IMP. OR.	RES ECC.	VIRI C.	VARIA.
801	CAROLVS M. Saxones transalpinos in Gallias transfert. Da- nos & Vene- tos compri- mit.	2. NICEPHO- RVS, Lo- gotheta de- jecta Ire- ne. 9.	9. Synodus Aquisgra- nensis.	Vsuardus 9. S. Ludge- rus obit.	Normanni Fri- siorum, Gal- lorum, Sco- torum litto- ra infestant.
806	Filiis hæredi- tatem tri- partitò di- vidit.	11. MICHA- EL CVRO- PALATES. 2.	22. Corbeien- se cœnobi- um in Sa- xonia con- dicitur.	Eginardus. Orhelgril- mus.	13. Bulgari ca- piunt Adria- nopolim.
814	LVDOVI- CVS PIVS. 27.	13. LEO V. ARMENI- VS. <i>Icono- machus</i> . 7.			20. S. Marci corpus Ale- xandriâ Ve- netias trans- fertur.
817	Bernardus Ira- liæ R. à pa- truo Imp. desciscens bellum mo- vet infelici- ter,		25. Synodus Parisiensis de imagi- nibus me- moriæ gra- tia retinen- dis.	VValafrid. Strabo.	23. Saraceni Hi- spanienses Cretam oc- cupant.
830	Conjuratio procerum contr. Lud. Imp.	20 MICHA- EL BAL- BVS. 8.	26. Haraldus Dania Rex cum uxo- re & sociis Moguntia baptisatur.	Alhasenus. Freculpho Lexovi- ensis.	28. Saraceni Africani Si- ciliam subi- gunt.
833	Filiorum con- tra patrem Imp. con- spiratio.	29. THEO- PHILVS. 12. Icono- latrarum persecutor.		Ansegisus.	
833				Nithardus.	41. NORMAN- NORVM in Galliam justæ expe- ditionis ini- tium.
840	LOTHARI- VS. 15.	41. MICHA- EL. 25. <i>Ve- cors & sa- vus</i> .	Michael Imp. facies ima- gines in- staurat.	Aimoinus. Haimo E- pisc Hal- berst.	
841	Funestum in- ter Reges fratres Lu- dovici Pii filios diffi- dium.		47. Rabanus Maurus fir- sextus Epi- scopus Mo- guntinus.		
850					

<p>Lotharius Imperio se abdicat.</p>			<p>56. Rab. Maurus obit.</p>	<p>Saraceni Corsicam & Sardiniam infestant.</p>
<p>855 LVD OV I- CVS II. 19.</p>	<p>Bardas Cæsar interficitur.</p>	<p>55. Lotharius ex Imper. Monachus, in Prumiensi coenobio obit.</p>	<p>Nicol. I. Papa R.</p>	
<p>Bellum contra Saracenos in Campania.</p>		<p>58. Ignatio patriarchæ CPtano sede dejecto surrogatur Photius.</p>	<p>Photius. Niceras David.</p>	<p>54. Normanni infestino bello colliduntur.</p>
<p><i>Adalgisus</i> dux Beneventanus ditione sua exuitur à Ludovico Imp.</p>	<p>67. BASILIVS. 19. remp. antecessoris ignavia perditam recreavit.</p>	<p>69. Synodus CPtana cōtra Photiū Oecumenica octava quibusdam habitata.</p>	<p>Abumazar Alpharabius. Anastasius bibliothecarius.</p>	
<p>875 CAROLVS CALVVS. 2.</p>		<p>Bogoris Bulgareorum R. fit Christianus, & subinde monachus.</p>	<p>Hincmarus Remensis. Paschasius Ratbertus.</p>	<p>62. Lotharius Lotharingæ Rex legitima conjugē expulsa aliam sibi jungit intolenter.</p>
<p>877 LVD OV I- CVS III. Balbus. 3.</p>			<p>Petrus Siculus.</p>	
<p>880 CAROLVS CRASSVS. 7.</p>		<p>80. Initia religionis Christianæ in Moravia.</p>	<p>Ado Viennens.</p>	<p>70. Sanctimoniales in Anglia ut Normannorum libidinem extinguant nares sibi & labra præcidunt.</p>
<p>887 ARNOLPHVS.</p>	<p>89. LEO IV. Philosophus 25.</p>	<p>81. Godefridus Normannorū R. Christiana sacra suscipit.</p>	<p>Albategnius.</p>	
<p>Berengarius regnum Italix invadit.</p>		<p>Leo Imp. obductā quartam conjugem à Nic. Patriarcha aditu ecclesiæ prohibetur.</p>	<p>Ioannes Scorus à discipulis graphiis confoditur.</p>	<p>87. Normanis Neustria incolenda traditur à Carolo Crasso Imp.</p>
<p>899 LVD OV I- CVS IV. 12.</p>				
<p>900</p>				

Seculum IX.

Anni Chr.	IMP. OCC.	IMP. OR.	RES ECC.	VIRI C.	VARIA.
907	Hungari Lud. Imperatorē prælio vin- cunt ad Ans- bergam Ba- varia.	11. ALEXAN- DER.	12. Rollo dux Normanno- rum sacris Christianis- mi initia- tur.	Moses Bar- Cèpha.	Hungari Pan- noniā egres- si Italiam af- fligunt, per Germaniam prædas agūt.
912	CONRADVS. 7.	12. CON- STANTI- NVS Por- phyrogen- netus. 19.		Rhegino.	12. Rollo dux cū Normane- nis suis à Ga- rolo Simplici borealem Gallia oram omnem ob- tinet.
915	Berengarius R. Ital. Im- perator sa- lutatur.			Radulphus Flavia- censis.	
919	HENRICVS AVCEPS. 17.	ROMANVS Lacopenus imperii consors.	21. Quibus causis ter- tias sum- mum nu- ptias inire liceret, a- pud Græ- cos legibus firmatur.		24. Hungari Italiam, Ger- maniam & Galliam de- populantur.
922	Hungaros Sa- xoniar infes- tos submo- vet. Bellum diutur- num contra Sclavos, He- netos, Van- dalos.	30. Bulgari ca- piunt Adri- anopolin, Thraciam & Macedo- niam va- stant.	27. Benno Me- tensis Epi- scopus à ci- vibus suis disciplina impatien- tibus ex- catur.	Vdalricus Augustæ Vindeli- corum Epi- scopus.	37. Ramirus R. Hispan. octo- ginta ampli- us millia Sa- racenorum cadit.
933	Hungarorum ad 40. mil- lia cadun- tur ad Mers- burgum.				
936	OTTO MA- GNVS. 37. Bohemos 13. annorum in- tervallo do- mat.	36. Russi Cælin in- vadentes summo- ventur.			
939	Lotharingiam occupat.				
946	In Galliam ex- peditionem fulcipit.			Luitpran- dus Tici- nensis.	Turcæ Thra- ciam popu- lantes ad ipsam Cælin perveniunt.
948	Haraldum Da- norum Re- gem supe- rat.		Haraldus Da- norum R. cum filio Svenone ba- ptizatur.	Rafis.	Otto Imper. Sclavorum gentem suo subiecit im- perio.
950					

951	n Italia mo- vet contra <i>Berengarium.</i>				Hermannus Billing dux Saxoniz.
955	Hungaros fun- dit ad Au- gustam.		60. Bulgari Christianz religioni iniciantur.	Suidas.	
962	Otto Imp. Ro- maz saluta- tur Augu- stus.	60. ROMA- NVS lu- nior. 3. 63. NICE- PHORVS Phocas.		Flodoar- dus.	
966	In Italiam re- vertitur.	69. IOH ZI- MISCES.	65. Poloni cū Miezlao Principe suo sacra Christiana fufcipiunt.	VVittichin- dus.	64. Berenga- rius ab Imp. in deditio- nem acce- ptus, relega- tur in Bava- riam, ibiq monitur.
969	Aphliam & Calabriam occupat.	75. BASILI- VS & CON- STANTI- NVS Ro- mani juni- oris filii.		Hrosvvit.	
973	OTTO II. 19.		70. Archie- piscopatus Magdebur- gensis ini- tium.	Abbo Flo- riacensis.	
	Infeliciter pu- gnat contra Græcos & Saracenos. in Calabria.		80. Russi cum Volodomi- ro duce ad Christum convertun- tur.		
983	OTTO III.				86. LVD. V. Gall. Rex stipis Ca- rolinz ulti- mus.
986	Bohemos ad obsequium cogit.		Initia Chri- stianæ re- ligionis in Svecia & Norvegia.		
987	Crescentium Romæ sup- plicio affi- cit.	Bulgari Thef- salia ejici- tur.			88. HVG O Capetus Gail. Rex.
1000			96. Greg. V. Papa Rom. Bruno an- tea voca- tus, natio- ne Saxo.		1000.

Seculum X.

Anni Chr.	IMP. OCC.	IMP. OR.	RES ECC.	VIRI C.	V A R I A.
1002	HENRICVS II. cognomento <i>Sanctus & Claudus.</i>			Fulbertus Carnotens.	1. <i>Boleslaus primus Poloniae R. creatur ab Ottono III, Imp.</i>
1004	Expeditio prima Imp. in Italiam.		6. Bambergensis Episcopatus initium.		
1013	Expeditio in Italiam altera.	18. <i>Basilius de Bulgaria debellata triumphat.</i>	8. <i>Bruno Prusorum, Bonifacius Russorum Apostoli martyrio coronatur.</i>	Burchard, VVormaciensis.	5. <i>Canutus Magnus Daniae Rex.</i>
1015	<i>Boleslaus Polon. R. tributum pendere cogit Imperator.</i>	22. <i>Idem Iberos subigit.</i>		Dithmarus Mersburgens.	<i>Saraceni Hierosolymam capiunt.</i>
1023	Henrici Imp. expeditio ingens in Italiam.	28. <i>ROMANVS Argyrus, Zoes maritus.</i>	Duo <i>Olai</i> , alter Norvegiae, alter Suediae R. ambo pietate illustres.	Berno Abbas Augiensis.	19. <i>Normannorum initia in Apulia.</i>
1024	CONRADVS II. Saliquus.	34. <i>MICHAEL Paphlago.</i>	34. Christianae religionis cultus apud Russiam propagatur.	Guido Arcetinus.	
1027	Romae coronatur.	Siciliam à Saracenis recuperat.		<i>Avicenna.</i>	
1029	Hungariam bello petit.			Glaber Radulphus.	33. <i>Roberto Galliae Regi, succedit fil. Henricus.</i>
1036	Italiam pacat.		<i>Berengarius</i> Archid. Andegavensis veritatem corporis Christi in Sacramento negat.	Petrus Damianus.	41. <i>Normanni Apuliam occupant pulsis Graecis.</i>
1039	HENRICVS III. Niger.	41. <i>MICHAEL Calaphatus, m.</i>	Henric, Imp. Romae progressus Papam Greg. VI. federe dejicit.	Hermannus Contractus.	<i>Turcae contra Saracenos in Oriente invalescunt.</i>
1041	Bellum Bohemicum.				
1042	Bellum Hungaricum. Bellum Lotharingicum.	CONSTANTINVS monomachus, Zoes maritus.			
1050					

1056	HENRICVS IV. puer sex- ennis. Decennis à matre ab- stractus Co- loniam ab- ducitur.	54. THEO- DORA fo- ror Zoes. 56. MICHA- EL Stratio- tes. 57. ISAACI- VS Comne- nus. 59. CON- STANTI- NVS Du- cas.	59. Lateranē- sis synodus damnat Be- rengarium. 64. Celebris peregrina- tio Hiero- solyman instituitur, cujus du- ces Germa- niæ Anti- stites.	Humber- tus. Lanfran- cus, Oecume- nius. Olympio- dorus. Adam ⁹ Bre- mensis, Iohannes Curopala- tes.	Leo IX. P. R. in Germ. pro- fectus auxi- lia adversum Mormannos ab Aug. im- petrat.
1065	Tutelā exit & gladio cin- gitur anno ætatis 14.			Bartholdus Constanti- ensis.	59. Normanni ex hostibus Papæ clien- tes.
1068	Sclavos rebel- les in Lusa- tia domat.	63. ROMA- NVS Dio- genes. 71. MICHA- EL Ducas.	73. Hildebran- dus ex ar- chidiacono Papa Rom. Gregori ⁹ VII. dictus.	Lambertus Sehafna- burgens. Ioh. Xiphi- linus. Theophy- lactus. Anselmi- tres.	65. Ferdinan- dus R. Hisp. obit. 66. Eduardus S. Rex An- glia obit.
1073	Cum Saxonibus & Thu- ringis ad Vn- strutum fi- confligit.	78. NICE- PHORVS Botoniates.	Sueno Dano- rum R. cæ- des in ec- clesiæ im- peratas pu- blicā pœni- tentiā ex- piat.	Simeon Me- raphra- stes. Marianus Scotus.	71. Romanus Diogenes prælio cum Turcis ini- to, ab hosti- bus capitur.
1076	A Gregorio VII. proscri- bitur.		86. Synodus Moguntina damnat a- cta Greg.	Michael Psellus. Ivo Carno- tensis.	86. Vratislaus ab Henric. Imp Bohe- miæ R. cre- atur.
1080	Rodolphus Sueviæ dux Anti Cæsar quartum vincitur, & manū dex- tram amit- tit.	81. ALEXIVS Comnenus. 96. Francis in Palæstinam properan- tibus ne- quicquam resistit.	Carthusiensis ordinis o- rigo. Hospitaliorū ordo in Pa- læstina.	Bruno Car- thusiano- rum pa- ter. V Vilhelm ⁹ Malmes- beriensis. P. Lombardus. Otto Frisn- gens.	89. Mathildis Tusciæ co- mitissa VVel- poni Bava- riæ duci nu- bit.
1084	Imperator Ro- mæ coro- natur.				96. Expeditio- nis sacre ini- tium.
1093	Conradi fil. Im- peratoris contra pa- trem rebel- lio.		97. In Claro- montano cōcilio ex- peditio in Palæstinam decernitur.		99. Hierosoly- ma à Chri- stianis capi- tur.
1100					Godefridus I. Rex Hiero- sol.

Annus Chr	IMP. OCC.	IMP. OR.	RES ECC.	VIRI C.	V A R I A.
1106	HENRICVS V.			Leo Oſti- enſis. Sigebertus.	1. Balduinus Godeſſidi fr. Rex II. Hie- roſol.
1112	Imp à Papa excommu- nicatur.		10. Paſchalis Papa ab Hē- rico Imp. in ordinem redigitur.	Rupertus Tuirien- ſis. Ioh. Sariſ- burienſis.	10. Balduinus Danorum claſſe adju- tus Berytum ac Sidonem capit
1116	Idem denuò excommu- nicatur.	10. Ad Occi- dentis eri- am imperi- um ad- ſpirat.			
1122	Redit cū Pon- tifice in gratiam.	18. IOH. Co- mnenus, qui & Calojo- hannes.	18. Ordo Tē- platorum. 20. Præmon- ſtratenſium ordo S. Nor- berto inſti- tutore.	Euthymio Zigabe- nus. Ioh. Zona- ras. Anna Co- mnena. Avenpace. Algazel.	18. Balduinus II. Rex Hie- roſol. ter- tius. 22. Balduinus Rex capitur à Turcis.
1125	LOTHARI- VS SAXO. Conradus Sve- vus Lotha- rii æmulus Rex Italiæ coronatur.		24. Pomerani fidem Chri- ſtianam do- centur.	Michael Glycas. Constanti- nus Ma- naſſes.	24 Tyrus capta à Chriſtia- nis.
1133	Lotharius Ro- mæ corona- tur.		P. Abailardus ejuſq; diſci- pulus Arnal- dus Brixien- ſis pravorū de fide erro- rum dain- nantur.	S. Bernhar- dus.	Henricus Su- perbus dux Bavariz, Sa- xoniz ducatu à Lothario Imp. do- tatur.
1137	Occupat Apu- liam.			Hugo de S. Victore.	31. Fulco An- deg. poſt Bald. R. Hi- eroſol.
1138	CONRADVS III. Svevus Henricus ſu- perbus pro- ſcribitur. Imp. Henrico Leoni Saxo- niam red- dit.	43. MANV- EL Comne- nus.	Gilbertus Pi- ctavienſis Episcopus, & Henr. Pe- trobruſia- nus eccleſi- aſtica cen- ſura no- tantur.	Richardus de S. Vi- ctore.	40. Guelfus Ba- variz dux in periculo ab uxore ſer- vatur. 42. Balduinus III. R. Hie- roſol.

1152	FRIDERI- CVS Bar- barossa.			Eustathius Homeri interp.	
			Finni ad fi- dem Chri- sti tradu- cuntur.	Averroes.	58. Henricus Leo domat Obotriros.
1162	Imp. Medio- lanum ex- cidit.		Gratianus Decretorū opus à se collectum edit.	Ioh. Tze- tzes. Gunthe- rus.	
1167	Id. Romam occupat.			P. Come- stor. R. Abrahā AbenEsra.	58. Vladislaus Dux Bohe- miz regio axiomate ornatur ab Imperatore.
1180	Henricus Leo proscribi- tur.	81 ALEXIVS <i>Comnenus</i> , 3.	76. Albigen- ses Episco- porū sen- tentiis da- mnantur in Gallia.	Rambam.	68. <i>Almericus</i> Hierosol R. capit Dami- atam.
1189	Frid. Imp. fa- cra expedi- tio in Sy- riam.	83. ANDRO- NICVS. 85. ISAACI- VS. <i>Angelus</i> , 9.		Helmol- dus. VWilhelm9 Tyrius.	73. <i>Baldwinus</i> IV. Almeri- ci successor.
			Initia Chri- stianismi in Livonia	Godefrido Viterbi- ensis.	84. <i>Guido Lu- signanus</i> R. Hierosol. 87. <i>Saladinus</i> Damasci & Ægypti R. capit Hie- rolym.
1190	HENRICVS VI.			P. Blesen- sis. Gilbertus Porretan- us.	88. Henr. Leo evertit Bar- devicum,
1194	Siciliam & A- puliam oc- cupat.	95. ALEXIVS <i>Angelus</i> , 8.	Ordo Teuto- nicus insti- tuitur.		
1198	PHILIPPVS. OTTO IV.			Theod. Balsamon. Ioh. Sera- pion. Iohan. Mefve.	
1200					

Anni Chr.	IMP. OCC.	IMP. OR.	RES ECC.	VIRI C.	VARIA.
		3. Isaacius Aug. cum ALEXIO filio.		Saxo Gram maticus, Helinald9.	
1202	OTTO, solus, occiso Phi- lippo.	4. BALDVI- NVS Cpli.	4. Ordo Do- minicano- rum.	Nicetas	6. Philippus Imp. Otto- carum Bo- hemiz Re- gem creat,
1212	A Papa excō- municato furrogatur Fridericus.	THEOD. LASCA- RES Ni- caz.	9. Ordo Fran- ciscanorū.	Chonia- tes.	
1214	Vincitur à Phi- lippo Gall. rege.	6. HENRI- CVS. fr. Balduini.	15. Concili- um Latera- nense sub Innocent. III.	Rodericus Toleta- nus.	19. Damiata à Christianis capta.
1218	FRIDERI- CVS II. so- lus. A Pontifice excommu- catur.	16. PETRVS Alti fiodo- rensis Co- mes.		Honorius Augusto- dunensis. Accursius.	22. Damiata & Ægypto to- tā cedunt Christiani.
1228	Hierosolymā recipit ejus- que Rex creatur.	21. ROBER- TVS Alti- fiodorenf. IOH. DV- CAS Ni- caz.	21. Patavinā Academia ab Frideri- co Imp. in- stituitur.	21. S. Do- minicus obit. Raymun- dus de pennā forti.	33. Tartari pa- tria egressi Persiam &c. occupant.
1234	Hungaris vi- ctis Viennā Imperio at- tribuit. Bellum Medi- olanense.	29. BALDVI- NVS II. Cpli.		26. S. Frān- ciscus o- bit. Conr. Vr- spergen- sis.	35. OTTO co- gnom. puer, nepos Henr. Leonis, Dux Brunsvic. & Luneb. ap- pellatur ab Imp.
1244	Tartaros Hun- gariā expel- lit.		40. Academia Salmanti- ensis.	V Vilhelm. Parisien- sis.	40. Tartari Pō- loniam, Sile- siam, Hun- gariam va- stant.
1245	HENR. HASS. Lantgr. An- ti Cæsar.			Iac. à Vitri- aco. Alexander Halenfis.	
1247	VVILHEL- MVS Hol- land. Co- mes.		45. Lugdu- nense con- cilium sub Innocent. IV.	Hugo de S. Caro. Matthæus Paris.	44. Hierosoly- ma Christi- anis eripitur à Sultano Babylonico.
1250	CONRADVS IV.				

1256	RICHARDVS ALFONSVS R. Castellæ. <i>Alfonſus poſſeſſionem Imperii non adiit.</i> <i>Richardus Francofurti coronatus & mox in Angliam reverſus, vacuum reliquit imperium.</i>	55. THEOD. LASCARES II. Nicææ.	53. Sorbonæ collegium fundatur Pariſiis.	Martinus Polonus. Vincent. Belluacensis. Albertus Stadenſis. Robertus Sorbona.	54. Manfredus Frid II. fil. Siciliam ſibi vendicat.
1273	RVDOLPHVS I. Com. Habſp.	58. IOH. LASCARES.	61. Secta flagellantium in Italia.	Albertus M.	Cublai Tartarorum Imp. in cujus aula vixit M. Paulus Venetus.
1278	Ottocarum Bohem. R. in acie victum occidit.	MICHAEL PALÆOLOGVS Nicææ, & fugato Balduino, Cæſi.	64. Urbanus IV. inſtituit feſtum corporis Chriſti.	Thomas Aquinas.	65. Manfredus à Carolo Andeg. vincitur.
1286	Helverios ſibi ſubjicit.	83. ANDRONICVS II. Palæologus.	74. Concil. Lugdunenſe.	Bonaventura. Vilhelmus Durantes.	68. Conradus Contr. Imp. f. Neapoli capite mulctatur.
1292	ADOLPHVS Naffovius, & contra eum ALBERTVS Aſtriacus.			Haito Armicus.	70. Ludovicus S. Rex Gall. obit.
1298	Adolphus in prælio perimitur.		98. Sextus Decretaliū à Bonifacio P. promulgatur.	Ægidius Romanus. Raymundus Lullus. Richardus de media villa. Henr. Gandavenſis.	82. Veſperæ Sicula. 84. Carolus Andegav. R. Sicil. & Neap. obit. 85. Philippus Pulcher R. Gall. Finis Regni Chriſtiano- rum in Syria.
1300					1300.

Anni Chr.	IMP. OCC.	IMP. OR.	RES ECC.	VIRI C.	VARIA.
				Ioh. Duns Scotus.	<i>Othman</i> ex piz fecto Cili- licia Sulta- nus Turca- rum.
1308	HENRICVS VII. Lutzen- burgicus.		5. Clemens V. Roma- nam curi- am trans- tulit Ave- nionem.	Augustinus nconi- tanus.	
1314	LVDOL- CVS V. Ba- varus, & FRIDERI- CVS Au- striacus.		II. Conciliū Viennense in Gallia publicat Clementi- nas & da- mnat Tē- plarios.	Siffridus Presby- ter. Nicephorus Callistus	Initia fœderis Helvetici.
1323	Fridericus à Ludovico capitur.			P. Aureo- lus.	
1324	Ludovicus Imp. à P. R. excommu- nicatur.	25. ANDRO- NICVS III.	17. Ioh. XXII. Clementi- nis addit librum sc- ptimum.	Durandus.	22. Silesia à Po- lonis ad Bo- hemos trans- fertur ob in- testinā Prin- cipum di- scordiam.
				Hervæus.	
				Francisc. Maitonis Occam.	
				Nicol. Li- ranus.	27. Philippus Valesius R. Gall.
1346	CAROLVS IV.	41. IOH. GANTA- CVZENVS.	39. Pisana A- cademia conditur.	Niceph. Grego- ras. Bartolus.	27. Orchanes Othmanni fil & suc- cessor.
	Guntherus Comes Schvvartzb. Imperatoris æmulus.		46. Academię Heidelber- gensis ini- tium.	Rob. Hol- koth.	37. Diuturni inter An- glos & Gal- los belli ini- tia.
				Nicol. Ca- basilas.	

1356	Aurea bulla Norimbergæ promul- gatur.	54. IOHAN- NES VI.	60. Academia Pragensis à Carolo Imp. fun- datur.	Francisc. Petrar- cha.	59. Amnirath Turcarum Sultanus, ca- pta Hadria- nopoli, se- dem ibi fi- git.
1378	VVENCES- LAUS.			Ioh. Tau- lerus.	
		84. E MA- NUEL Pa- ixologus.	86. Iagello Lituanus cum gen- te sua fir- Christia- nus.	Ioh. VVi- clef.	86. TAMER- LANES Scythia Ba- bylonem oc- cupat.
	Frider. dux Brunsv. Cæ- sar designa- tur.		91. Annatz à Bonif. IX. P. R. insti- tuuntur.	Baldus.	88. Sigismun- dus R. Hun- gariz.
1400	RVPERTVS PALATI- NVS.				95. Prælium ad Nicopolim inter Sigis- mundum & Bajazethem. 1400

Anni Chr.	IMP. OCC.	IMP. OR.	RES ECC.	VIRI C.	VARIA.
1401	Ruperti Imp. contra Galeacium Mediolanensem irrita expeditio.		1. Cracoviensis Academia conditur. 9. Lipsiensis Academia instituitur.	Ioh. Frosardus. Theodoricus à Nic. Iohan Capreolus.	Tamerlanes obit.
1410	10. IODOCVS Marchio Moraviae.			Petrus ab Alliaco.	10. Poloni Crucigeris Borussiae partem eripiunt.
1411	11. SIGISMUNDVS.		14. Concil. Constantiense. 15. Ioh. Hus comburitur. 16. Hieron. Pragensis comburitur. 17. Martinus V. eligitur Papa R. 19. Rostochiensis Academiae initium.	Ioh. Gerson. Bartholomeus Facius Leonardus Arctinus. Poggio Florentinus. Paulus Burgensis, Alfonsus Tostatus. Nicol. Pannormitanus,	13. MAHOMETH I. instaurator fortunae Turcarum, 21. Amurath II. Mahometis fil.
1421	Initium belli Hussitici contra Ioh. Ziscam.	17. IOH. PALAEOLOGVS Andronici fil. 20. Ioh. Palaeologus Emanuelis fil.			
1437	ALBERTVS II. Austriacus.		31 Concil. Basileense. 38. Conc. Florentinum,	Laurentius Valla. Blondus Flavius. Antonin. Florentinus, Nic. Cusanus.	32. Henr. VI. Angl. Rex Lutetiae Rex Galliae coronatur. Vladislaus Polon. & Hung. Rex.
1440	FRIDERICVS III.	44. CONSTANTINVS Palaeol.	47. NICOL. V. Papa R.	Dion. Carthusianus,	44. Praelium ad Varnam inter Amurathem & Vladislaum. Ioh. Huniades Hungariae gubernator.

1452	Imp. Romæ coronatur.			Thomas de Kempis. Georgius Trapezuntius.	Mahometh II.
1454	Borussiarum ordines in Poloniæ Regis clientelam se conferunt.	51. C. Plis à Turcis occupatur.	59. Gryphisvaldensis Academia initium.	B. Platina. Nic. Perotus. Fr. Philadelphus. Æn. Sylvius Laonicus Chalcondylas. Rodolphus Agricola. Iovianus Pontanus. Alex. ab Alexandro. Gabr. Biel. Ioh. Picus. Marfil. Ficinus. Bapt. Fulgus.	55. Angli Galliam omni peluntur. 58. Matthias Huniades Rex Hungariz.
1477	Maria Caroli Burgundi filia nubit Maximiliano Austriaco.		72. Ingolstadtensis Academia conditur.	Alex. ab Alexandro. Gabr. Biel. Ioh. Picus. Marfil. Ficinus. Bapt. Fulgus.	V. Iun. Cassan Per sian occupat.
			79. Ioh. V. Velfeliius Groningensis, V. V. ormatiensis Concionator, damnatur Moguntiz.	Hermolaus Barbarus. Angelus Politianus, Phil. Comineus.	73. Mahometh & V. Iun. Cassan bello colliduntur. 77. Carolus Burgundus occumbit in prælio ad Nancejum Lotharing.
1493	MAXIMILIANVS I.				81. Mahomethi succedit Bajazethes II.
			97. Hieron. Savonarola iussu Alexandri VI. crematur Florentiz.	Ioh. Reuchlinus. Ioh. Tritheimius. Ioh. Naucleus.	90. Rustanus regnum Persiarum occupat. 94. Carolus IX. Gall. R. 98. Ismael Sophi cœpit in Persia.
1500	Bellum contra Helvetios parum felix.				98. Lud. XII. R. Gall.

ni r.	IMP. OCCID.	RES ECCL.	VIRI CEL.	VARIA.
07	Initia belli inter Maximil. & Venetos.	2. Academia VVittebergenfis.	Ioh. Cuspinianus. Rob. Gagui- nus.	7. Sigism. R. Polon.
08	Fœdus Camera- cense contra Venetos.	6. Acad. Francofurtens. ad Viadrum.	Alb. Kranzius. Th. Cajetanus. Sylvester Prie- ras. Iason Mainus. Phil. Beroal- dus. B. Rhenanus.	12. Selimus fil. Bajazethis. 15. Franciscus Val- lesius Gall. R.
19	CAROLVS V.	16. Sacrorum Bibliorum editio Complutensis.	B. Rhenanus.	20. Christiernus Daniz & Suecia R.
21	Comitia VVormatiensis.	17. Martinus Lutherus contra Indulgentias Papales coepit disputare.	Lud. Coel. Rhodiginus. Ioh. Aventi- nus.	20. Solimannus patri Selimo succedit.
25	Franciscus Gall. Rex in prælio ad Papiam capitur.	21. Initia sectæ nabaptistarum.	Anton. Bonfinius. Polydorus Virgilius.	22. Solimannus Rhodum capit.
27	Roma capta & direpta.	29. Fœdus Smalcaldieum.	Leander Albertus.	
29	Conventus Spirensis.	30. Augustana comitia.	Thomas Mœrus. Dominicus Scoto.	37. Christianus III. Daniz R.
46	Initium belli Smalcaldici.	35. Initium sodalitiæ Iesuitici.	Ambros. Catharinus. 35. Zasius obit.	47. Henricus II. Gall. R.
50		41. Colloquium VVormatiense inter Philippum & Eccium.	36. Erasmus obit.	48. Sigismundus Aug. Rex Polon.
		46. Initium Concilii Tridentini.	40. Budæus obit.	
		48. Libellus INTERIM promulgatur.	46. Lutherus obit.	
			50. Alciatus obit.	

1552	Bellum à Mauritio Saxone geritur contra Carolum Imp.	52. Transactio Passaviensis.	Jacob Cujacius. Barnabas Brissonius. Franciscus Hotomannus.	53. Eduardo VI. in Anglia succedit soror Maria.
1553	Conflictus inter Mauritium & Albertum Brandenburgicum ad Sivershusam.	55. Pax religionis in comitijs Augustanis firmatur.	56. Ioh. Sleidanus obit.	58. Elisabetha Angliz Regina.
1558	FERDINANDVS.	61. Colloquium Possiacum in Gall.	58. Iul. Cæf. Scaliger obit.	60. Carolus IX. Gall. R.
1564	MAXIMILIANVS II.	63. Finis Concilii Tridentini	60. Phil. Melancthon obit.	66. Selimus II. Solimanni f.
		64. Colloquiū Mantbrunente.	H. Stephanus.	67. Initia belli Belgici.
1576	RVDOLPHVS II.	68. Colloquium Altenburgense.	V Volfg. Lazius.	74. Amurathes III.
		72. B. Arias Montanus SS. Bib. Regiam editionem absolvit	Andr. Tirāquelus.	76. Stephanus Bathor R. Polon.
		76. Academiæ Juliz natalis 15. Octob.	Hadr. Turnebus.	78. Sebast. Iusit. R. in Africa perit.
1594	Raba à Turcis capta.	83. Colloquium Quedlinburgense.	Ioach. Camerarius.	81. Philippus II. Hisp. R. Lusit. occupat.
		85. Colloquium Mompelgartense.	V Vilhelmus Xylander.	87. Maria Scotiz Regina decollatur.
		94. Iesuitæ Galliā pelluntur.	Georg. Buchananus.	89. Henrico III. in Gall. succedit Henr. IV.
1595	Strigonium Hungariæ Imp recuperat.	99. Pax religionis in Gallia promulgatur.	I. Sturmius. Lipsius.	95. Mahometh III.
1600			Tycho Brahe.	1600. Mauritii Nassovii victoria ad Neop. Fland.
			1600. D. Chytræus obit.	

Seculum XVI.

Anni Chr.	IMP. OCC.	RES ECCLES.	VIRI CEL.	VARIA.
1612	MATTHIAS fratru Rudolpho succedit, Libe- ralis, imper. ann. 7 m. 7.	1. Colloquium Ra- tishonense. 5. Leo XI. Pont. R. 25. dier. 5. Paulus V Pont. R. 5. Reformatio Mar- purgenfis.	Ioh. Scaliger. Jf Casaubonus. Ian. Drusius. P. Merula. Douza. Dom. Baudius. Fr. Iunius. Sixt. Amama. Th. Erpenius. Scip. Gentilis. Conr. Ritters- huf.	3. Iacobus Scor. & Angl R. 10. Ludovicg XIII. R. Gall. 18. Cometa hor- ribilis. 30. Gust. Adolph. Suec. R. in Germaniam venit. 32. Vladisl. IV. Pol. R.
1619	FERDINAN- DVS II. Imp. post varios motus Felix, imp. ann. 17.	6. Veneti excom- municantur. 10. Arminius & Go- marus Leidæ cō- tendunt. 11. Gymnas. Medio- burg. 11. Conr. Vorstius Lei- dæ portentosa docet. 12. Val. Weigelius in Misnia cœpit. 12. Episcopi Scoti- am turbant.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.
1619	Fridericus V. E- lect. Palat. R. Bohem. desi- gnatur, hinc tricennale bellum.	12. Val. Weigelius in Misnia cœpit. 12. Episcopi Scoti- am turbant.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.
1619	Bethlehem Gabor coronā Hung. titulo Principis rapit.	14. Persecutio Ev- ang. in Bohem. 17. Iubilæus B. Lu- theri.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.
1625	Friderici Electo- ratus in co- mittis Ratish. Maximiliano Bavaro tradi- tur.	18. Synodus Dordra- censis. 20. Syn. Rupellana. 21. Gregorius XV. Pont. R. 21. Acad. Rintel. 22. Biblioth. Heidelb. Romā translata. 23. Acad. Sorana & Altdorf. 23. Urbanus VIII. Pont. R. 24. Conventus Theol. Saxon. 25. Acad. Dorptiens. in Livonia. 28. Iubil. Rom.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.
1634	Albertus, Frid- landiæ Dux, vulgò Wallen- stemius, regnū Bohem. affe- ctans, Egra in menla occi- ditur.	23. Acad. Sorana & Altdorf. 23. Urbanus VIII. Pont. R. 24. Conventus Theol. Saxon. 25. Acad. Dorptiens. in Livonia. 28. Iubil. Rom.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.
1636	FERDINAN- DVS III. ve- rè Pacificus, imp. ann. 20.	31. Colloq. Lipsiense. 31. Gymnas. Am- stel. & Davent. 38. Synod. Glasg. cōtra Episc Scot.	Ioh. Meursius. Ob. Gifanius. Phil. Camera- rius Iac. Thuanus. Marq. Freherus. Dion. Gotho- fredus. Ian. Gruterus. Sethus Calvisio. Phil. Scherbius. Cor. Martini. Mich. Piccartus. Mart. Opitius. Luc. Oslander. Pol. Lycerus. Æg Nic. Hünii Mart. Chemni- tius Ioh. Gerhardg. Frid. Balduinus Chr. Pelargus. Balth. Meisne- rus. Balth. Mentze- rus. Alb. Gravverus. Henr. Höpfner. Gasp. Er. Broch- man. Andr. Kessler. Cas. Baronius. Rob. Bellarminus. Mart. Becanus Iac. Gretserus	32. Prælium Lū- tzenfē. 34. Præl Nordling. 35. Pax Pragensis. 40. Philippus IV. Hisp R. 41. Portugallia deficit. 44. Prælium Sue- co-Dan. 45. Bell. Turco- Venet. 46. Canea rapi- tur. 47. Motus Neap. & Siculi. 48. Frid. III. Dan. R. 48. Ioh. Casim Pol. R. 48. Pax Osnabr. 48. Aqua Hornh. 48. Motus An- glici. 48. Pax Hispano- Belg. 49. Carolus I. Angl. R. securi percussus. 49. Motus Gal- lici 50. Pax Noriber- gensis. 50. Turbæ Am- stelod.

		40. <i>C. Ianfemi de Gratta</i> liber. damn. bullis ann 41. & 43.	VVilh Perkinfius. Dan. Toſſianus. Abr. Scultetus. Th. Mortonus.	51. Maxim. Bav. mortuus.
		44. <i>Innocentius X.</i> Pont. R.	Ioh. Hall. Iac. Vſher.	51. Carolus II. Scot. R. exſus.
		45. <i>Colloq. Torunſe.</i>	Ioh. Rainoldus. Ioh. Buxtorffius.	52. Ludovicus XIV Gail. R.
		46. <i>Gymn Bredanum.</i>	Ioh. Camero. Guil. Ametius.	52. Cometa per 14 dies.
		48. <i>Acad. Har- derſe.</i>	Th. ſameſius. Moſ. Amyraldus. Phil. Mornæus. Petr. Molinaus.	53. Bellum Anglo-Belg.
			Dav. Paræus. Dav. Blondellus. Andr. Rivetus. Fr. Spanhemius.	54. <i>Bellum Tartar. in Sina.</i>
1653	FERDINANDVS IV. Rex Rom. vivo adhuc Ferd. III. moritur anno ſeq.	51. Iub. Romæ	M. Ant. de Dominis.	54. Pax Anglo-belg.
		52. <i>Acad Heidelb. reſtaur.</i>	Dion. Petavius. Iac ſirmondus. Ioh. Seldenus.	54. Cromvvell Proteſtor.
		54. <i>Anonymus de Præadamitis.</i>	H. Grotius. Ger. Ioh. Voſſius. Cl. Salmaſius.	54. Eclipſis ſolaris.
		54. <i>Innocentius X</i> Pont. moritur.	Dan Heinſius. Samuel Petitus. Petr. Scriverius.	54. <i>Chriſtina deponit coron.</i>
		55. Alexander VII. Pont R. cum per 3 menſ. ſedes vacaſſet	M. Zu. Boxhornius. Georg. Calixtus.	55. Carolus Guſt. R. Suec. coron.
1658	LEOPOLDVS, Pius, Juſtus, Gloſioſus, CONſILIO ET INDVSTRIA celebris; quem Deus Imperio diu com- modet!	55. <i>Chriſtina</i> , nuper Reg. Oſn. Pontificiam religionem ſectatur.	Conr. Hornejus. Ol. VVormius. Fort. Licetus. Phil. Tomaſinus.	55. 56. Motus Helvet.
		56. <i>Iſaacus Peyrerius</i> , libri de Præadamitis auctor, Bruxellis in carcerem conjicitur, ejurat errorem, & fit Pontificius.	Fr. B. Ferrarius. Gaſp. Hofmannus. Dan. ſennertus. Gil. Iacchæus. Dan Sthalius. Guil. ſchikardus. Chriſt. Beſoldus. Matth. Berneggerus.	56. Ioh. Georg I. Elect. Sax. mortuus.
		57. <i>Veneti recipiunt Jeſuitas.</i>	Renat9 desCartes.	56. Incendium Aquisgr.
			<i>Et qui adhuc vivunt.</i>	56. Peſtis Neapol.
				57. Peſtis Genuens.
				58. Cromvvell moritur.
				58. Sueci 12 mill. per glaciem in Daniam.

INDEX

Historico-politico-philologicus.

A.

A Dad. 135
Adami & Saturni comparatio. II

Adolphus Nassovius. 696

Ægyptiacum regnū. 129. 212

Ægyptiorum dynastiæ collaterales, non successivæ. 131

Ægyptiorum monumenta magni fiunt. 75. 84. 85

Æneas in Italiam venit. 93. res gestæ. 94. liberi ac successores. 96

Ahasverus quis? 156

Alamannicum vēctigal. 599

Alæ quatuor apud Dan. 239

Albanum regnum. 91

Albertus I. Austrius. 697

Albertus II. 705

Alexander M. & ejus origo admiranda. 171. Scriptores rerum ab eo gestarum. 178 & seqq. Pontifici supplex factus. 183. Domum illius

extinxit *Cassander*. 246.

247

Alexander Mammææ. 350

Alexander incertæ stirpis.

194. Romæ restitutus. 196

Alexander Zebennas. 199

Alexander Papa num calcaverit collum Friderici Imp.

663. usque ad 689

Alphonfus titulo imperii contentus. 694

Alyattes uxorem laudans. 124

Amores gemini. 92

Analphabetus num Justinus?

513

Anastasius Dicorus. 502

Anastasius, al. Artemius. 590

Annii Viterbiensis fraus. 29

Anthemius. 492

Antigonus. 185. 239. Gonatas.

249. Doson. 250

Antiochicum bellū. 222. 223

Antiochus M. 187. bellum ejus cum Hannibale. 188.

dicte-

I N D E X.

- dicterium.* 188. cum *Epi-*
phane confunditur. 189.
 190. 191. mors illius. 188.
 189. *Soter.* 186. *Theos.* 186.
Epiphanes. 192. *Eupator.*
 193. *Sedetes.* 197. 198. *Gry-*
pus & *Philometor.* 201. *Cy-*
zicenus. 203. *Eusebes.* 204.
Didymus. 205. *Dionysius.*
 207. *Comagenus.* 209. 210
Antipator. 247. 249
Antoninus Pius. 313. ejus ini-
 tium. 320
Aquilam in signis Rom. abo-
 minabantur *Judæi.* 311
Aralius. 43
Arcadius. 455
Argivorum regnum. 112
Aridæi regnum omiffum. 246
Aristonicus. 245
Arius. 42
Armamithres. 44
Armeniacum regnum. 259
Armentarius fit Imp. 506
Arnulphus. 640
Arfaces. 253
Arfes. 163
Artavafdes. 260
Artaxerxis Longimani re-
 gnum. 155
Artaxerxes Mnemon. 161. 162
Artaxias. 259. 260
Artemon. 187
Agxorns perpetui quando
 instituti? 109
Aschenazim. 12
Asiæ Reges. 239. & seqq.
Assyriaci & *Babylonici* im-
 perii divisio. 50. 51
Assyriorum Reges recensentur. 41. 52
Astyages, Medici regni finis. 59
Attalus I. 243. *Attal. II.* 244.
Attal. III. 245
Atticum regnum. 100. 101.
 defenditur usq; ad 487
Attila titulus. 30. genus. 473
Aventinus magna libertate
 de Pontificibus scripsit. 666
Augustulus. 496
Augustus. 275. & seqq. in quo
 nomine cœpit & extinctū
 est imperium. 497. velut
 in Constantinis. 601
Avitus. 491
Aurelianus. 382
 B.
Babylonem non cepit *Da-*
rius. 62
Babylonica dynastia duplex. 54. 55
Baby-

INDEX.

Babylonici & Assyriaci imperii divisio.	50. 51	<i>Cæsar</i> quis primùm dictus. 314	quis instituerit? 315
Babyloniorum Reges.	55	CÆSARES notissimi temporibus Constantini M.	425. 428
Bacchi vas fistile.	2	Caligula. 284. tradit Comagenen Antiocho.	210
Bagande.	394	Callinicus, Antiochi F.	212
Balbinus.	353	Calocærus.	429
Baleus.	45	Calvi pro ignominiosis.	520
Barzanes.	259	Camblites uxorem devorans.	121. 122
Βασιλεῖς, i.e. præstantes.	21	Cambyſis mater, & regnum.	144. 145
Basiliscus.	495	Cantacuzenorum reliquiæ.	614
Belisarius num Germanus?	576	Capillari in nummis cur? 526	
Bellatorum jus.	483. 484	Caracallus.	344
Belli Trojani Scriptores.	71	Carinus.	389
<i>Bellum Antiochicum.</i> 222. 223		Carolus M 597. Augustus appellatus. 627. legitimus Imp.	630
Berosus verus & supposititius.	24. 25	Carolus II. Calvus.	637
Besoldus tantum legit Justinum in Syro-Medicis	203	Carolus III. Crassus.	638
Bessi perfidia.	166. 167	Carolus IV. 703. Car. V.	709
Bibliotheca Alexandrina duplex.	217	Carus.	389
Bonifacius VIII. Cæsar ac Pontifex.	698	Cassander.	246. 247
Bonosus.	389	Castratio marium prohibita.	299
Britannia non fuit Constant. M. patria.	417	Cecrops in mari rubro periiit.	101
<i>Brissus ad mare Balthicum.</i> 32		Chaldæorum monarchæ ante diluvium.	23. 24
Bulla aurea.	703		Chal-
C.			
Adaver Regis Ochi felibus objectum.	163		

I N D E X.

Chaldæus <i>paraphrastes</i> quis ?	<i>Constans</i> , Heracl. N.	587
20. 21.	<i>Constantinus Chlorus</i> .	400
<i>Cham</i> pro Ægyptio.	<i>Constantinus</i> , Const. M. F.	409
<i>Christi</i> nomen qui hodiè igno- rent ?	Fl. <i>Constantinus</i> , Illyr.	470
10	<i>Constantinus Magnus</i> .	414
Christianam fidem qui <i>primi</i> <i>Nobilium</i> amplexi ?	& seqq.	
505	<i>Constantinus</i> , Const. M. F.	409
Christiani qui nam facti <i>Re-</i> <i>ges sub Justiniano</i> ?	<i>Constantinus</i> , Heracl. F.	587
538.	<i>Constantinus Pogonatus</i> .	588
539. 540	<i>Constantinus Porphyrogen-</i> <i>netus</i> .	595
Christianorum <i>precibus</i> im- petrata <i>tempestas</i> .	Const. <i>Porphy.</i> <i>Excerpta</i> .	603. 604
329	Constantinopolis ædificata.	
<i>Claudius</i> . 285. M. Aur. <i>Clau-</i> <i>dus</i> .	420. direpta. 614. 615. à <i>Constantino I.</i> condita, ab <i>ultimo</i> amissa.	601
379	Constantinopolitanum im- perium quomodo defe- cerit ?	599
Clemens III. Papa inclemens Ludovico IV. Imp.	Consules <i>ordinarii</i> pro <i>suffe-</i> <i>ctis</i> .	389
702	Consulium par <i>eorundem</i> <i>co-</i> <i>gnominum</i> .	346
Cleopatra, Grypi mater, haurire cogitur venenum.	Consulatum proscipit <i>Justi-</i> <i>nianus</i> .	579
202	Cōtroversie <i>theologicae</i> ne di- rimantur à <i>politicis</i> .	540. 541
<i>Cleopatra</i> regnum & res. 237.	Corinthiorum regnum.	114
238	Corona <i>frondea</i> pro <i>diade-</i> <i>mata</i> .	241
<i>Codro</i> <i>generosior</i> .		
109		
Codrus pro exemplo Impe- ratoribus.		
109		
Cœna <i>Domini</i> , i.e. dies <i>tertius</i> ante Pascha.		
546		
Comagene, 208, 209, 210		
<i>Commodus</i> .		
332		
<i>Conradus I.</i> 644. <i>Conr. II.</i> Sa- licus. 653. <i>Conr. III.</i> 659.		
<i>Conr. IV.</i>		
693		
<i>Constans</i> , Const. M. F.		
409		

I N D E X.

- Creatio gentilibus cognita. Dio Coccejanus. 73
 7. & seq. *Diocletianus.* 398
Domitianus. 298
 Creſſiclades. 127
 Cyaxares *ſictus.* 63
 Cyri nomen. 135. genus ma-
 ternum *clarius.* 132. *inſtitu-*
tio. 137. *res geſtæ.* 142. 143
 Cyri pædia *Xenophontis* non
 eſt *liber* *hitoricus mora-*
lis. 63
 Cyriades. 367
 D.
 Dara (non, Clara) urbs. 255
Dares Phrygius. 72
Darii regnum. 148. *res geſtæ.*
 159
 Darius *Medum* regnum non
 ingreſſus. 61. 62
 Darius *Nothus.* 161
Darii Codomanni genus. 164.
luxus. 164. *ter victus.* 165
 Decentius. 431
Decius. 358
Demetrius. 193. 194. *Nicanor.*
 196. 198. *Eucarus.* 206. *Pol-*
iorcetes. 239. 248
 Deorum nomina *affectandi*
mos. 29. 135
 Deſiderius. 431
Diſtys Cretenſis. 71
 Diluvii apud gentiles notitia,
 atq; ejus indicia. 14. 15
 Dio Coccejanus. 73
Diocletianus. 398
Domitianus. 298
 Dubitationis formulæ *Hiſto-*
ricorum. 670. 671
 E.
 Educatio regia. 138. 141
 Electionis poteſtas popu-
 laris. 628. 629
Electorum origo. 652
 Epiphanes, Ant. F. 212
 Epitomatorum pretium. 6
 Eltheræ maritus. 156
Eumenes I. 242. *Eum. II.* 244
 Excerpta *Peireſcianna.* 603
Expediſio ſacra in Palæſtinam.
 689. impeditur à Greg.
 IX. Papa. 691. & *Innocen-*
 tio IV. 692
 F.
 Fames dira. 146
 Familiaritas Principum. 529
 Fato fruſtrà obnitimur. 58
Ferdinandus I. 710. *Ferdin. II.*
 713. *Ferdin. III.* 715. *Fer-*
din. IV. 718
 Filii Dei. 22
Firminus. 389
Florianus. 386
 Forma muliebris vincens o-
 mnia. 523. 524
 Forma-

I N D E X.

Formarum <i>diversitas</i> in nu- mis unde? 524. 525	Gomeri propago. 17
Fortuna meretriculæ similis. 572	Gordiani, pater & filius. 352
<i>Francorum</i> gens præclara. 594	Gordianus, nepos. 354
unde sic dicta? 595	Gothicum bellum. 566
<i>Fridericus Abenobarbus</i> . 660	<i>Grammaticus</i> quis Imp. fa- ctus? 334
ejus collum Alexander Papa num calcaverit? 665.	<i>Græca</i> fide mercari. 83
usq; ad 689	Græci quando literis usi? 82
<i>Fridericus II. Magnus</i> . 704	<i>Fl. Gratianus</i> . 445
<i>Fridericus III.</i> 706	Gregorius IX. Papa qualis? 691
<i>Fridericus Austrius</i> , al. Pul- cher. 700	H.
Frugalitas <i>Juliani</i> . 338	<i>H. Adrianus</i> . 306. & seqq. initium ejus. 320
G.	Hannibalianus. 428
<i>G. Alba</i> . 288	Hæreticorum ignominia sin- gularis. 536
<i>Gallienus</i> . 368	Hæreticos quomodo tractavit <i>Justinianus</i> ? 555
Gallos vicisse, magnum erat. 243	Helenæ genus. 113
Generis humilitas. 213	<i>Heliogabalus</i> . 349
Gentilium notitia historiæ <i>antediluviane</i> . 8	<i>Henricus I.</i> 644. <i>Henr. II.</i> 652. <i>Henr. III.</i> 654. <i>Henr. IV.</i> 655. <i>Henr. V.</i> 657. <i>Henr. VI.</i> 689. <i>Henr. VII.</i> 699
Germania pro metropoli in- ter Thraciam & Illyricum. 576	<i>Heracleonas</i> . 587
Germanica lingua in Taurica Chersoneso. 18	Heraclidarum dynastia. 113
Germanorum origo. 12	<i>Heraclius</i> . 586
<i>Gladio Martis</i> usus Attila. 474	Hiempfal. 265
<i>Glycerius</i> . 493	<i>Hierosolymæ</i> instauratio. 158
	Hildebrandi elogiū. 655. 656
	Historiæ divisio. 2.3
	Histo-

I N D E X.

- Historiæ *universalis* Scriptores. 3. 4
 Historiæ *pragmaticæ* difficultas. 5
 Historiæ *antediluviane* notitia inter gentes. 8. & seqq.
Honorius. 457
 Humanitas admiranda Principum. 529. 531
 I.
 I Gnominiæ genus mirificum. 536
 Illium quomodo conditum? 66
 Illus. 68
 Imperatorum ab Irene ad Constantinum Paleologum series. 601. usq; ad 614
 Imperatorum potestas in Pontifices. 649. 650. 651. 661. 692. 701
Indiges & Deus & Pater. 69
Ingenuus. 367
Ingelheym num Caroli M. patria? 597
 Innocentius IV. Papa pulsus Italia. 692
 Institutio multum potest. 137
 Johannes Tyrannus. 498
 Johannes VIII. Papa, *felix puerpera*. 634. 635. cur hæc historia sæpè omissa? 679
Jonas Propheta, ad quem Regum venerit? 49
Jovianus. 439. defenditur. 441
Jotapianus. 357
 Judæi in *Agyptum* abducti. 216. eorum hostes *Ptol.* *Philip.* 220. & *Phyſcon.* 227. nec non *Soter* *Lathurus*. 229. 231
 Judæi *aquilam* in signis Rom. abominati. 311
 Judæorum figmentum de ingenio ac morte *Titi*. 296. 298
 Judæus *Carolus Calvus* venenata potione peremit. 637
 Jugurtha. 264
Julia gens *Venere* orta. 91. 92. vera origo. 96
 Did. *Julianus*. 336
Julianus Apost. 436
Julius *Cæsar*. 271
Justinus I. 504
Justinus II. 580
Justiniani I. *vita*, conjugium, res gestæ, mores &c. 514. usq; ad 579
Justinianus II. 589
 Justitiæ studium in Principe. 563

I N D E X.

L.

L Acedæmoniorum regnū.

113. Reges duo. **114**

Largitiones multum efficiunt. **549**

Laurentius non passus sub *Decio*. **359**

Lauretanum cubiculum cur fabulosum? **678**

Leges Justin. non pro beneficio agnoscit Lipsius. **561**

Leges in gratiam sequioris lexus. **520**

Fl. Leo. 491. Junior. 493. Isaurus. 591. Porphyrogenetus.

592

LEOPOLDUS. 719. 720

Licinius. **407**

Licinianus. **361**

Lignum polientis mors. **147**

Longa alba. **96**

Lotharius, Lud. Pii F. **633**

Lotharius, Gebh. F. **658. ejus**

natale solum. **658**

Ludovicus **I.** **632. Ludov. II.**

636. Ludov. III. Balbus.

642. Ludov. IV. **700**

Ludovicus, Germaniæ Rex

tantum. **642**

Lupa Romuli ac Remi. **99**

Lurconis stratagema. **333**

Luteroch, patria *Lotharii*. **658**

Lydiæ regnum. **118. Reges. 127**

Lyfimachus. **248. 249**

M.

M Acedoniæ Regum successio. **175. & seqq.**

Macedoniæ regnum quis occupavit? **252**

Macrinus. **374**

Magi fraus & cædes. **147. 148**

Magnentius. **431**

Magogi posteritas. **29. 30**

Majorianus. **492**

Male feriatus. **639**

Malferito. **ibid.**

Manethonis somnia. **130**

Manichæis faventes corrumpere historias. **509. 510**

Marcianus. **489**

Marcus. **355**

Marcomannicum bellum. **328**

Marcus, Philosophus. **325**

Marcus, Basilisci F. **495**

Marinus. **357**

Martis gladio usus *Attila*. **474**

Masanissæ regnum. **262**

Mater patriæ, Livia. **521**

Matthias. **712**

Mauritius. **583**

Maxentius. **405**

Maximianus **Hercul. 391. 392**

Gal. Val. *Maximianus*. **403**

Ddd

Maxi-

I N D E X.

<i>Maximil. I.</i> 707. 708.	<i>Ma-</i>	<i>Nepotianus.</i>	432
<i>ximil. II.</i>	711	<i>Nero.</i>	286
<i>Maximinus & Maximus.</i>	351	<i>Nerva.</i> 302. <i>initium ejus.</i>	318
<i>Gal. Val. Maximinus.</i>	403	<i>Nimrodus</i> quare <i>venator?</i>	25. 26
<i>Maximus & Balbinus.</i>	353	<i>Ninus</i> quando regnare cœ-	
<i>Petr. Maximus.</i>	490	perit?	33
<i>Megasthenes, non Metasthe-</i>	50	<i>Ninyas.</i>	41
<i>nes.</i>		<i>Noah, id est, Prometheus.</i>	16.
<i>Micipsa.</i>	264		17
<i>Militia decus, cognomē.</i>	706	<i>Nobilitatis affectandæ</i> <i>Impp.</i>	
<i>Ministrorum peccata Princi-</i>		<i>vanitas.</i>	339
<i>pi ne sint fraudi.</i>	535	<i>Nominis sui fama abutentes.</i>	424
<i>Mirabilia mundi, cognomen.</i>	705	<i>Nomina barbara respuebant</i>	
<i>Mithridates M.</i>	257	<i>Principes.</i>	506. 518
<i>Mizraim, Ægyptiorum pater.</i>	129	<i>Nomina Deorum affectandi</i>	
MONARCHIARUM		<i>mos.</i>	29. 135. 136
<i>conditores veram Dei cognitionem habuere.</i>	184	<i>Nomina duo Regum Orientalium.</i>	63. 257
<i>Monasterium prostiutarum recipiendarum.</i>	554	<i>Nominem exacta cognitio ad tractandam historiā.</i>	404
N.		<i>Noriberga obsessa.</i>	658
N <i>Abuchodonosori successe-</i>		<i>Noribergensium & Alberti</i>	
<i>fores.</i>	60. & seqq.	<i>Brandenb. bellum.</i>	707
<i>Narfes.</i> 577. <i>dictum ejus acutum.</i>	581	<i>Novem via, urbs Thraciæ.</i>	106
<i>Narsctes duo.</i>	585	<i>Numerus societatis totus, licet uno excepto.</i>	258
<i>Natalitium munus triste.</i>	227	<i>Numerianus,</i>	390
<i>Nazarenus, quo sensu Christus?</i>	303	O.	
<i>Jul. Nepos.</i>	495	O <i>ctavius per adoptionem</i>	
		<i>Octavianus.</i>	137
		Octa-	

I N D E X.

Octaviani <i>Augusti</i> præclara educatio.	138. 139	Perfici regni ruina.	164. & seqq.
Ochus.	161	Perficum bellum.	574
Odenatus.	368	Perfis tributum indixit Da- rius.	149
Olybrius.	493	Pertinax.	334
Onkelos, paraphrastes Chal- dæus, quis?	20. 21	Pfaffentaiser.	702
Orodes.	258	Philetærus, Asiatici regni conditor.	241
Otho, Imp. Rom.	290	Philippus, Grypi F.	206
Otho I. 645. Otho II. 650. Otho III. 651. Otho IV. Imp. Rom.	690	Philippus Macedo.	251
P.		Philippus Arabs, non fuit Christianus.	356
PAcem dicere quando non licuerit?	546	Sat. Philippus, Arabis F.	357
Palæologorum reliquiæ.	614	Philippus, Henr. F.	690
Palladium quando delapsum cælo?	68	Philosophi cognomen.	323
Parricidia Romanorum de- fensa.	480. & seqq.	Phocas.	584
Parthicum bellum.	327	Phraates.	257
Parthicum regnum. 252. ejus epocha duplex.	253	Piætonum licentia.	687. 688
Pax Osnabrucensis ac Nori- bergenfis.	717	Pipini stemma.	596
Pedibus Pontificum advoli haud rarum.	680. 681	Polybianæ historiæ com- mendatio.	4
Pellaca, non est nomen pro- prium.	162.	Ponticum regnum.	261
Perfarū origo. 134. Reges. 159		Pontifex probatus ab Imp. le- gitimus est. 647. de jacie- batur ab Imp.	649
Perseus. 251. Perseo oriūdi Re- ges Macedonū & Perfarū. 171		Populus eligebat Imp. & Reges.	628. 629
		Porcus supra portam Hiero- sol.	311
		Potentes, quinam?	21
		Præsidum avaritia.	535
		Ddd ij	Prexaspis

I N D E X.

Prexaspis filius *sagitta traje-*
ctus à Cambyse. 147
 Priamus cum sua sobole nu-
 merosa. 69.70
 Priapatus Arsaces. 256
Probus. 387
Procopius, fautor Manichæo-
 rum. 510.512.534.557.558.
563
Proculus. 389
 Prodigia sub *Valentiniano.*
444
Prometheus, id est, *Noah.* 16.
17
Propala, sive *Propola*, quid?
195
 Ptolemæus I. 212. hujus
 genus. 213. *Soter.* 215. *Ma-*
gnus. 216. *Philadelphus.*
217. *Evergetes.* 218. *Philo-*
pator, aliàs, *Gallus.* 219. *E-*
piphanes. 220. *Philometor.*
221. casus ab *Antiocho.* 225
Physcon. 225. omnium tru-
 culentissimus. 225.226. *So-*
ter. 228. *Lathurus.* 229.
Auletes. 231. *Alexander.*
231.232.233. *Nothus.* 235.
Auletes & Dionysius. 236.
Ceraunus. 249. *Melia-*
grus. ib.
Pyrrhus. 248

Q. 382
Quinctillus. R.
 Reges *Attici.* 100. & seqq.
 Reges semper duo *Lacedæ-*
moniorum. 114.
 REGES, & res, *Romano-*
rum. 267
Richardus, Angl. R. & Imp.
 694. 695
Roma leporis cursu capta. 641
Romæ natalis. 33
Romæ status miserrimus. 567
Romanorum regnum in Ita-
lia quando defecerit? 696
Romanus quis dictus? 303
M. Aur. Romulus. 406
Rudolphus I. 695. facta inco-
 gniti historiola. 530
Rudolphus II. 712
Rupertus, Palatinus. 704
 S.
Sanctum Sanctorum ingre-
di vult Ptol. Philop. 220
Saturninus. 389
Saturnus. II
Sardanapalli luxus. 48
Scaliger memoria fretus. 418
Scriptorum commune vi-
uum. 72
Σκυταλισμός. 61
Seleucus. 185. *Callinicus.* 187.
Cerau-

I N D E X.

- Ceraunus. 187. *Philopator.* 192
Seleucus, Ant. Grypi F. 204. 205
Semiramis. 37. 39. res geste. 37
Septimania, septem provinciarum imperium. 461
Selosttis. 34. 35
Sethi posteritas cur diluvio perierit? 22. 23
L. Sept. Severus. 385
Val. Severus. 405
Fl. Lib. Severus. 492
Sicilie Rex, Conr. IV. 693
Sicyoniorum regnum. 112
Sigismundus. 705
Sogdianus. 160
Soror una in duorum fratrum matrimonio. 227
Stilico. 457
Subulcus fit Imp. 506.
Successionis lis inter duos *Henr. Auc.* filios. 151. 152
Syncellus exscriptor *Dexippi* incuriosus. 174
Syria Regum successio. 185
T.
T *Acitus, Imp.* 384
Tacitus, Historicus qualis? 281. & seqq. eius *Interrogatio.* 296
Templa Christianis num po- fuerit *Adrianus?* 310
Templa Gracorum cur perdidit *Xerxes?* 154
Templi Hierosolymitani instaurationio. 162. ausus est & *Julianus.* 438
Templum Diana qui *Antiochus* spoliavit? 190
Templum Sophiae. 534
Templum Veneris. 94
Teridates. 256
Themistoclis fuga. 155
Theodora, quæ & qualis? 520
Theodorias & Theodoropolis. 521
Theodoricus Rex. 907
Theodosius. 450. Junior. 467. *Adramyt.* 591
Cl. Tiberius. 279
Tiberius Const. 582
Tigranes. 259
Titus. 296
Totilas. 566. 567
Trajanus. 304. initium ejus. 319. quomodo compellavit *Dionem Coccejanum* in curru triumphali? 73
SS. TRINITATIS indicium in *Giapan.* 11
Triumviratus. 274
Troja terremotus & inundationes passa. 89
Ddd iij Troja

INDEX.

Trojæ excidium in dubium vocatur.	73	Valentinianus III.	473
Τροίαν ἐλεῖν, prov.	71	Valerianus.	365
Trojanam originem affectantes.	81. 339	Vectigal Alamannicum.	599
Trojanorum origo.	65	Veneris fabula.	40. 41. tem- plum. 94
Trojanorum Regum successio.	68. & seqq.	Vespasianus.	294
Tros.	68	Vestem plebejam cur induat Princeps?	530
Τρῖστο num. Ascenas?	12	Vesuvii incendium.	296
Turcarum origo.	31. initia. 616	Vetranio.	431. 434
Turcicorum IMPP. series.	617. 626	Vexoris ætas.	35
Tympanum, mortis genus.	61	Vibices, i.e. mancipia.	241
TYRANNI XXX. sub Galieno.	369. 379. Tyr. VII.	Vicariatus nuperrimus.	719
sub Diocletiano.	393. 395.	Vigilius malè habitus.	561
alii III. sub Maximiano, &c.	412. 413. alii IV. sub Valentiniano, &c.	Vitam sempiternam quo sensu jactarit Ptolemaus?	217
alii IV. sub Theodosio.	453. 455.	Vitellius.	292
alii XVI. sub Honorio.	458.	Ulysse prudentior.	109
467. Johannes.	488. alii IX. post Augustulum.	Ungari à Magogo.	30
502. alii IV. sub Anastasio.	498.	Unstrut, Caroli M. patria.	598
503. Leontius & Absimar- rus.	590	Ulfusianus.	362
V.		Vulcanus est Tubalcain.	14
FL. Valens.	443	Uxorem devorans Camblites.	121
Fl. Valentinianus.	ib.	Uxores formosæ.	523
Valentinianus Junior.	448	Uxores laudare aliis, pericul- osum.	124. 125
		Uxores magnorum sæpè vi- rorum carcinomata.	522
		W.	
		Wenceslaus.	704
		Wilhelmus.	694. 695
		X. Xeno-	

I N D E X.

X.

X Enophontis Cyri *pedia*
quale scriptum? 63

Xerxes, *Balaus*. 44

Xerxis & Artabarzani de
successione lis. 151. 152. *illius*
exercitus numerosissimus.
152. insolentia. 152. infelix

ad Plateas pugna. 153. res
gestæ. 153. 154

Xerxes II. 160. 161

Z.

Z Ames. 42. 43

Zay. 43

Zeno. 494

Zorobabelis *longævitæ*. 158

E R R A T A.

In *transitu* quasi *strictim* adspeximus graviores quos-
dam errores; accurato *modesti Lectoris* iudicio reliquos per-
mittentes.

Pro astus pag. 6.

Affenez. p. 12.

quæ p. 17.

Ratiocinarii p. 26.

Hygnus p. 106.

coæaneus p. 158.

Macedonicarum p. 176.

novarchi p. 183.

metrachonismum p. 243.

Marici p. 326.

Reinesius lib. XXIX.

Proinde &c. p. 336.

Sub ea p. 444.

volum p. 472.

Augustum p. 528.

Lege aliis.

Ascenez.

quos.

Rationarii.

Hyginus.

coætaneus.

Macedonicorum.

navarchi.

metachronismum.

Marcii.

Reinesius; *cujus*


proinde &c.


Sub eo.


collum.


Augustus.

F I N I S.









005643983

